

**GREGORII DE VALENTIA,  
SOCIETATIS IESU, LIBRI  
QUINQUE DE TRINITATE.  
IN QUORUM POSTREMO  
NOMINATIM...**

---


Gregorio : de Valencia




Ex Bibliotheca  
majori Coll. Rom.  
Societ. Jesu

46 46  
18 8








GREGORII  
DE VALENTIA,  
SOCIETATIS  
IESV,

Libri quinque de Trinitate.

IN QVORVM POSTRE-  
MO NOMINATIM REFVTANTVR  
HORRIBILES BLASPHEMIÆ CVIVSDAM  
PESTILENTIS LIBRI NON ITA PRI-  
dem de eodem argumento in  
Polonia editi.

*Coll. A. Jac. Jenu*



*Catal. Jenuis*

*Cum gratia & privilegio Casarea Maiestatis.*

INGOLSTADII,  
EX OFFICINA TYPOGRAPHICA  
DAVIDIS SARTORII.

ANNO M. D. LXXXVI.

GREGORI

DE VALENTIA

SOCIETATIS

DE

IN OMNIBUS

POSTERIS

IN OMNIBUS

POSTERIS

IN OMNIBUS

POSTERIS

IN OMNIBUS

POSTERIS

IN OMNIBUS

POSTERIS

IN OMNIBUS

POSTERIS



INVICTISSIMO,  
AC POTENTISSIMO  
ROMANORVM IMPERATORI,  
RODOLPHO II. SEMPER AVGVSTO,  
HVNGBARIÆ ET BOEMIÆ REGI,  
Archiduci Austriae, &c.

*GREGORIUS DE VALENTIA,*  
*SOCIETATIS IESV THEOLOGVS, SALV-*  
*tem ac felicitatem perpetuam à Deo Optimo*  
*Maximo precatur.*



NILLO modo auderem, RODOLPHE Imperator Maxime, sub tam augusto nomine libri hunc de sanctissima Trinitate, Superiorum iussu à me scriptum, in lucem emittere, si vel maius aliquod operis argumentum exstaret, quod esset potius T. Maiestate dignum; vel mihi ad id faciendum veterum Theologorum exemplum non suppetere, quos non raro lucubrationes suas de hisce summis nostrae fidei mysteriis,



steriis, summis fidei defensoribus, Imperatoribus Romanis, optimo iure dicauisse constat; (vt Ambrosium Gratiano', Cyrillum Theodosio) vel denique ratio ipsa non suaderet, vt libro, pro summa & cardine Christianę religionis aduersus blasphemias hæreses in Romano imperio proscriptas, & tum aliàs, tum in regno Hungarię vicinisq; locis grassantes, elaborato, cum patronum adoptarem, qui & Romanum imperium & regnum Hungarię, præter ceteras hæreditarias ditiones, summa cum prudentiã atque religionis laude moderatur. Huc accedit, quòd Serenissimorum Bauarię Principum familia, cuius auspiciis hætenus libri à me aliquot scripti & editi in Bauaria sunt, cum regia atque imperatoria familia Austriaca, cuius apicem splendoris atq; dignitatis Maiestas T. nunc obtinet, tam arctè coniuncta est & officiorum & consanguinitatis necessitudine, vt mihi viderer quasi domo non egredi, si munus hoc literarium, tanquam cumulum quendam laboris mei Bauarici, Maiestati T. iam offerrem. Ergo hæ causse consilij mei cum ad opinionem eam accessissent, quam ex multorum sermonibus iamdudum conceperam de singulari T. Maiestatis propensione atq;

facili-

# DEDICATORIA.

facilitate in eorum studio benignè complectendo, qui ad fidei sanctissimæ defensionem aliquid operæ conferrent; facile in spem veni, fore, ut quæ mihi ad compellandum sacrum T. Cæsareæ Maiestatis nomen, animum addiderunt, eadem apud Maiestatem T. nonnullum pondus haberent ad acceptandam clementer hanc qualemcunque significationem gratæ memoriæ ob multa & maxima beneficia, quibus Maiestas T. nostram sibi Societatem obstrinxit. Et quidem mihi de sanctissima Trinitate disputaturo, illud diui Gregorij Nazianzeni veniebat in mentem: *Deum quidem*, inquit, *semper in animo habere licet unicuique; at non item de Deo disputare.* Quæ mihi sententia & verissima, & consolationis plena, & auctore suo, hoc est, summo sanctissimoque Theologo digna videtur. Nam si omnis, etiam de re minima, sermo, ut rectè instituat, suam requirit opportunitatem; quantò magis oportet tempestiuam esse disputationem, nedum loquutionem, de Deo, cuius vel nomen ipsum sacrosanctum nequit sine crimine frustrà vsurpari? Et si facultas consequendi atque possidendi paruas quandoque res, & ad breue tempus, erigit atque oblectat animum; quantam animis consolationem afferre debet fa-

*Orat. 1. de  
Theologia.*



cultas, qua, diuinæ gratiæ beneficio, omnes prædicti sumus, vt Deum ipsum, hoc est, bonum infinitum, quod solum voluntates nostras explere potest, continenter possideamus? Sed, vt omissa nunc ea consolatione, ad institutum meum propiùs accedam, non prohibet diuus Gregorius Nazianzenus, ne de Deo disputetur, sed, *ne, inquit, alieno tempore id fiat.* Intelligebat enim Theologus hic eximius: vt non licet semper de Deo disputare; ita quandoque id officium non modò licitum, & pium, sed etiam necessarium esse; modò nunquam de Deo contra Deum, sed de Deo pro Deo, aduersus eos, qui contra Deum impiè disputant, religiosè atque sanctè disputetur. Ac duobus quidem modis disputatio pro Deo rectè suscipitur: Altero, cùm Christianæ, hoc est, veræ religionis sanctissimæ cæremoniæ, instituta, leges, Sacramenta, & aliæ eiusmodi res diuinæ; tanquam opes quædam Dei, ab incurso hominum impiorum, hoc est, hæreticorum, qui in Ecclesiam, velut in Dei familiam & regnum hostiliter inuadunt, disputatione defenduntur: Altero, cùm propriè Maiestas ipsa Numenque Dei aduersus Atheos, qui de illo impiè ac nefariè sentiunt, asseritur: quæ posterior pro Deo disputandi ratio tantò maioris momenti,

ti, quàm prior, cenferi debet, quantum ferè Deus ipse, rebus illis diuinis, quæ ad religionem pertinent, antecellit. Quod cùm ita sit, minimè sanè decet, vt cùm res illæ religionis tam multos habeant hoc tempore, aduersus hæreticos, defensores; sola defensio ipsiusmet Dei deferatur, cuius natura atque Maiestas ab impiis quibusdam Dei perduellibus, non minus acriter, quàm aliæ sacræ res, nunc impetitur. Quis enim Satanæ conatus in euertendo his temporibus per suos ministros sanctissimæ Trinitatis mysterio, hoc est, in delenda ex hominum mentibus vera notitia Dei, nescit? Etenim vt intelligi posset, quò spectaret principium, & quasi neruus doctrinæ sectariorum, nimirum voluntaria illa, nulliusque certæ auctoritatis legibus astricta interpretatio Scripturæ; constaretque, non defendi eiusmodi doctrinæ ope, sed oppugnari Deum; æquissimo iudicio permisit idem ipse Deus, vt essent qui illo ipso peruerfissimo doctrinæ principio freti, non iam tantummodò Sacramenta, Sanctos, sacras imagines, & alias res religionis violarent, sed in ipsum diuinæ Maiestatis tanquam solium inuaderent, Deumque de suæ quasi gradu naturæ, quæ in vnitæte essentiæ, & personarū Trinitate consistit, deturbare tentarent. Hoc ab

hinc annos circiter sexaginta agere cœpit Satanas per Michaëlem Seruetum, & perficere conatus est, ac quotidie conatur per Serueti vel socios, vel discipulos, quales fuerunt, Valentinus Gentilis, Franciscus David, Georgius Blandrata, & sunt nunc etiam Ministri Atheismi in Transylvania, Polonia, & Hungaria, quorum omnium nefarium institutum est, tres personas in vna vera essentia diuina negare, id est, Patrem tantum modò, non autem Filium & Spiritum sanctum, pro vero Deo agnoscere. Quod quid aliud est, quàm omnino stabilire velle impium dogma Iudæorum & Caiphæ? vt diuus Athanasius Arianis, istorum parentibus, meritò exprobrauit. Etsi autem dignissima per se res est, vt quicumque vllò modo possunt, in tanta præsertim paucitate propugnatorum sanctissimæ Trinitatis (vix enim aliqui ex Orthodoxis de hoc argumento his temporibus scripserunt) pro viribus adnitantur tueri, atque agere Dei causam: tamen conscius ipse imbecillitatis meæ, nunquam rem tantam aggredi ausus fuisset, nisi ad id me voluntas eorum compulisset, quibus mihi necessariò est obtemperandum. Nam cùm pestilentissimus quidam liber, non ita pridem in Polonia contra sanctissimam Trinitatem editus esset:

*In epist. de  
decretis Ni-  
cana Synod.  
& in epist.  
de sentent.  
Dionysij A-  
lexand. &  
serm. 4. cō-  
tra Ar. &c.*



DEDICATORIA.

visum est omnino faciendum, ut asserta atque confirmata veritate tanta impietas refelleretur; mihiq; , nihil eiusmodi cogitanti, id onus longè maius meis viribus est impositum. Suscepi igitur auxilio eiusdem sanctissimę Trinitatis confusus, tractandum plenè, quantum à me sine nimia prolixitate fieri posset, gravißimum istud argumentum; operamq; dedi, ut non solum argumenta omnia, quę scirem ab Atheis huius temporis contra sanctissimam Trinitatem obiiici, dissoluerem, sed mysterium etiam ipsum Theologicè ita explicarem, ut fundamenta atque principia ostenderem, ex quibus sine magno negotio, quęcunque alia obiiciantur, refutari possent. Ac molestum sanè mihi fuit, ad eam rem ipsa interdum blasphemata hæreticorum verba, præsertim in confutatione illius libri Polonici, referre; nec parum etiam ea repiorum Lectorum aures offendere verebar: Sed tamen id mihi propè necessariò faciendum fuit, ut eò à me solidius hominum Atheorum sententia refelleretur, quò de illa certius hac ratione constaret. Atque ut minus timerem fore, ut ob eam rem prudens ac pius Lector offenderetur, quædam etiam diui Basilij ratio apud me effecit: qui  
cùm

Li. I. contra  
Eunom.

cùm blasphemias quasdam sententias Eunomij de hoc ipso argumento ad verbum referret; sapienter admodum ita scriptum reliquit: *Ti-  
meo, inquit, ne nos, dum alienas blasphemias per os  
assumimus, mentes nostras inquinemus, & condem-  
nationis hæreticorum participes fiamus. Sed conso-  
latur me id, inquit, quod in Evangeliiis est; nempe  
quod Spiritus sanctus Iudeorum in Dominum blas-  
phemias etiam posteris scriptas tradere non est a-  
uersatus; illorum blasphemias per omne tempus no-  
tans.* Denique illud etiam, RODOLPHE Impe-  
rator Maxime, hac ratione fiet, vt quò magis im-  
pietas huiusmodi hæreticorum Dei perduelli-  
um, ex ipsorummet verbis cognita fuerit, eò cla-  
riùs constet, quanta sit T. Maiestatis erga Deum  
pietas, quamque iustus zelus religionis, quòd  
sceleratas eas opiniones de Deo, tam ex animo  
detesteretur, quàm sunt ipsæ per se detestabiles; vt  
præclaris argumentis testatum iam pridem fe-  
cit. Sed finem hîc faciam, Maiestatem T. animo  
quàm possum demississimo orâs atq; obsecrans,  
vt pro ea, qua solet in omnes vtî infita benigni-  
tate, animo æquo ac placido accipiat, quòd hac  
dedicatione libri de summo atque altissimo re-  
ligionis mysterio, voluerim quasi recognoscere,  
Maie-

DEDICATORIA.

Maieſtatem T. in ſummo humani imperij fa-  
ſtigio (ſicut diuus Cyrillus Alexandrinus appel-  
lat) cum ſummo Reipublicæ Chriſtianæ com-  
modo diuinitus eſſe collocatam: in qua digni-  
tate vt T. Maieſtas quàm diutiſſimè incolumis  
atque felix viuat, faxit Deus Optimus Ma-  
ximus. Datum Ingolſtadij, I I I I. Au-  
guſti, Anno à Chriſto nato  
M. D. LXXXVI.

*Lib. de re-  
ſta ſide ad  
Theodoſiū.*



*Libros hos quinque de sanctissima Trinitate, typis dignissimos iudico: non modò, quia Catholici & docti: verùm etiam, quia hisce temporibus apprimè utiles, planeq; necessarij: quando videlicet inter tot hareses, ipse quoq; renascens Arianismus iam pluribus in locis sibilare, virusq; suum pestilentissimum non obscure spargere incipit:*

Sic quidem censeo ego ALBERTVS HVNGERVS, Professor Theologus, Procancelarius, & pro tempore facultatis Theologicę Decanus in Academia Ingolstadiana.





# PRÆFATIO AD LECTOREM.

**D**E SANCTISSIMA TRINITATE, HOC est, de DEO Domino nostro, ipso iubente atque iuvante, aduersus veteres ac novos DEi perducles, solum Dominatorem & Dominum nostrum IESVM CHRISTVM, sanctumq; Spiritum negantes, disputaturus, principio eam ipsam sanctam atq; indiuiduam Trinitatem suppliciter oro, ut quantum mihi desiderium indidit hoc scriptiois labore eidem seruiendi, tantam gratiam atque opem ad rectè de illa & pro illa cogitandum atque scribendum largiri non dedignetur. Tum etiam memor non modò voluntatis, verum etiam infirmitatis meæ, ab his qui ista lecturi sunt ( exemplo *D. Augustini*) ut ignoscant peto, ubi me magis voluisse, quàm potuisse dicere animaduertent. Est enim ( inquit verissimè *D. Athanasius*) creaturis omnibus, ac præsertim nobis hominibus, impossibile condignè loqui de rebus ineffabilibus. Sed cùm sint nunc etiam qui loquantur aduersus Deum iniquitatem; nobis item aduersus eos veritatem sanctissimam pro Deo loqui, quoad possumus, necesse est, ne aliqui præuaricatione nostra ( ut ait diuus *Gregorius Nazianzenus*) condemnemur, quòd egregio ( inquit) officio nosmetipsos probare Deo nostro neglexerimus.

Lib. 5. de  
Trin. ca. 1.

In epist. ad  
Serapionem.

Psal. 74.

Oratione  
3. de Theologia.

Atque ut disputationem hanc totam utilius instituam, visum est mihi illa methòdo uti, quam idem *Nazianzenus* in hoc ipso grauissimo argumento tractando usurpàdam existimauit. Cùm duplex ( inquit in illa oratione 3.) sit omne disputandi genus; alterum quo dogmata nostra confirmamus; alterum quo aduersariorum dicta subuertimus; nos quoq; hanc rationem inibimus, ut doctrinam nostram de sanctissima Trinitate prius exponamus, deinde ad confutandas & profligandas aduersariorum obiectiones veniamus. Expli-

cabi-

Λ

## PRÆFATIO

*cabimus igitur in qualibet huius disputationis parte, atque confirmabimus primo loco, quæ iam olim maiores nostri ex ipsa (ut ita dicam) sanctissima Trinitatis cathedra, hoc est, diuinis literis cælo docti, de sanctissima Trinitate tradiderunt; deinde contraria argumenta suis locis confutabimus. Quæ quidē in re duces potissimū sequemur trecentos decē & octo illos Patres Concilij Nicæni, qui pro communi omnium Domino, tanquam trecenti illi decem & octo vernaculi Abrahæ (ut ait D. Ambrosius) consona fidei virtute victores, veluti trophæum toto orbe, subactis perfidis extulerunt; ut mihi (inquit Ambrosius) videatur hoc esse diuinum, quod eodem numero, in Concilio fidei habemus oraculum, quo in historia, pietatis exemplum.*

In prologo  
librorū de  
fide ad  
Gratianū.


*Quatuor autem omnino loci sunt, quibus omnem hanc de sanctissima Trinitate disputationem, à Patribus olim suo more, fusiū, & vix hoc tempore ab aliquibus certa & perspicua ratione tractatam, comprehendemus. PRIMVS locus continet ea, quæ spectant ad distinctionem personarum, & unitatem essentia earundem per se atque absolute consideratam. SECVNDVS ea, quæ spectant ad personas inter se inuicem comparatas. TERTIVS ea, quæ spectant ad easdem personas comparatas cum essentia diuina. QVARTVS ea, quæ singularum personarum sunt propria. Et quidem non modo disputationes veterum Patrum, sed etiam omnia, quæ D. Thomas Scholasticorum princeps in prima parte suæ summæ questionibus sexdecim, ex Orthodoxa doctrina, de sanctissima Trinitate complexus est, ad quatuor hos locos reuocantur. Nam quæ disputat questione 28. 29. 30. 31. 32. omnia referuntur ad locum primum. Ad secundum verò, quæ in questione 27. 40. 41. 42. 43. Ad tertium, quæ in 39. Ad quartum, quæ in 33. 34. 35. 36. 37. 38. Quod ideo monere volui, ut studiosi D. Thomæ possint, si velint, disputationem nostram ad illius disputationem accommodare.*

*Porro de vnoquoque loco ex illis quatuor potest bifariam disputatio institui. Vno modo ita, ut ea duntaxat quæ fide sunt comperta, de illo exponantur & confirmantur. Altero modo ita, ut ad fidei pronuntiata adiungantur etiam Theologicae explicationes, per consequentiā recta rationis ex reuelatis assertionibus deductæ, quibus mysterium ipsam illustrari, & ab argumentis humana rationis defendi possit, atque adeo ipsis etiam Eth-*  
*nice*

## AD LECTOREM.

*niciis reddi non incredibile. Et si autem nobis pro fide ipsa & de fide dicere in hac disputatione in primis propositum est: tamen, ut tractatio hac sit plenior, & pluribus inservire possit, explicationem quoque Theologicam, quantum unoquoque loco à Theologis etiã Orthodoxis disputari solet, adde-  
mus. Id. n. non modò res ipsa postulat, sed etiam temeritas aduersariorum in hoc argumento vel maximè requirit, quippe qui ad euertendam huius mysterij fidem humana ratione, more Ethnicorum, abuti solent. Atque ita, si voluerit & adiuuerit DEVS, istis garrulis ratiocinatoribus, (ut cum D. Augustino loquar) elatioribus, quàm capacioribus, sic Lib. 1. de Trin. ca. 2.  
fortasse occurremus, ut inueniant aliquid, vnde dubitare meritò de fide sanctissimæ Trinitatis non possint. Postremo autem loco horribiles blasphemie cuiusdam pestilentis libelli non ita pridem in Polonia contra sanctissimam Trinitatem editi, confutanda nobis erunt.*





## INDEX

# GENERALIS LI- BRORVM ET CA- PITVM.

## PROLEGOMENA QVÆDAM *in Disputationem de Trinitate.*

- CAP. I. De ratione ac fine huius Disputationis.  
II. Omnia argumenta contra mysterium sanctissimæ Trinitatis  
III. solui posse, & quidem euidenter.  
IV. Proponuntur considerationes tres, quæ declarant, ex propo-  
sitionibus vniuersalibus, quantumvis euidenti inductio-  
ne notis, nihil posse contra mysterium sanctissimæ Trini-  
tatis concludi.  
V. De ratione ac via probandæ veritatis in hac disputatione.  
VI. Cuiusmodi vocabula in hac disputatione vsurpari debeant.  
VII. Quo sensu in hac disputatione vocabula vsurpari debeant.

## LIBER PRIMVS,

### DE DISTINCTIONE DIVINARVM PERSONARVM, & vnitæ essentia, secundum se.

- CAP. I. Proponitur status controuersia & sententia Ecclesiæ Catho-  
licæ de distinctione personarum & vnitæ essentia.  
II. Non modò Patrem, sed etiam Filium, atque aded Verbum  
ipsum diuinum, esse per se subsistentem personam: & quid  
vocabulo personæ intelligatur.  
III. Confutantur argumenta eorum hæreticorum, qui negant,  
Verbum diuinum esse personam.  
IV. Esse quoque Spiritum sanctum subsistentem personam: &  
responsio ad argumenta contraria.  
V. Nec Filium, seu Verbum, nec Spiritum sanctum esse illā ean-  
dem personam, quæ est Pater, sed aliam personam esse Pa-  
trem, aliam Filium, aliam Spiritum sanctum. Et responsio  
ad id, quod hæretici obijciunt.

VI. Etiam



# INDEX LIBRORVM ET CAPITVM.

- VI. Etiam Filium esse verum Deum: vbi primò recensentur contrariæ hæreses.
- VII. Ab omnibus etiam nouis Sectariis re ipsa negari verâ Christi diuinitatem. Quod etiam ostenditur de Luthero & Melancthone.
- VIII. Lutheranos Vbiquetarios verissimè Seruetianos esse, & diuinitatem Christi reuera negare, atque ab ipsomet Serueto Vbiquitatem & Vbiquitatis fundamenta, cum quibus Christi diuinitas nequit stare, fuisse mutatos.
- IX. Negari quoque reuera Christi diuinitatem à Calvinianis; ac meritò etiam in hac re suspectum haberi posse Erasimum Roterodamum.
- X. Quibus modis Christi diuinitas ab Orthodoxis confirmetur, & octo in Scriptura sacra esse generales sedes argumentorum, quibus ea manifestè demonstratur.
- XI. Probatur I. Christi diuinitas iis Scripturæ testimoniis quæ diuinam naturam simpliciter & absolute illi tribuunt.
- XII. Probatur II. iis testimoniis Scripturæ in quibus eiusdè Scripturæ loci, qui sine controuersia loquuntur de vero Deo, apertè accommodantur ad Christum, tanquam ad illum ipsum verum Deum.
- XIII. Probatur III. iis Scripturæ testimoniis quæ docent, illum non esse puram creaturam aut purum hominem.
- XIV. Probatur IV. iis Scripturæ testimoniis in quibus diuinæ naturæ proprietates ei attribuuntur.
- XV. Probatur V. iis Scripturæ testimoniis in quibus operationes etiam diuinæ illi tribuuntur.
- XVI. Probatur VI. iis Scripturæ testimoniis quæ propriè ostendunt illum esse æqualem & consubstantialiam suo Patri.
- XVII. Probatur VII. iis Scripturæ testimoniis ex quibus constat, illum esse naturalem Dei Filium.
- XVIII. Probatur VIII. iis Scripturæ testimoniis ex quibus constat, illum esse prosequendum omni cultu diuino.
- XIX. Probatur præterea Christi diuinitas ex aliis diuinis testimoniis quæ extra Scripturam etiam ad eam rem suppetunt.
- XX. Probatur denique testimoniis omnium Orthodoxorum Patrum.
- XXI. Respondetur ad ea quæ contra Christi diuinitatem obliuunt Hæretici ex Scriptura.
- XXII. Item ad ea argumenta quæ à ratione petunt.
- XXIII. Item ad aliqua testimonia veterum quæ perperam citant.
- XXIV. Probatur item eadem serè methodo Spiritum sanctum esse verum Deum,

- XXV. Respondetur ad hæreticorum argumenta contra diuinitatem Spiritus sancti.
- XXVI. Patrem, & Filium, & Spiritum sanctum, vnum & eundem Deum esse.
- XXVII. Respondetur ad argumenta hæreticorum contra vnitatem diuinitatis in personarum Trinitate.
- XXVIII. Conclusio præcedentium: & quo modo in specie sint diluenda alia quædam argumenta quæ præter sophismata hæreticorum subtilius fieri possunt aduersus vnitatem & trinitatem personarum.
- XXIX. Diluuntur argumenta quædam ad explicandas præcipuas difficultates quæ in assertionem plurium personarum diuinarum contineri videntur.
- XXX. Respondetur ad alia quædam argumenta quæ ostendunt in hoc propriè difficultatem quod vna essentia asseritur in tribus personis.

## LIBER SECVNDVS,

DE HIS QVÆ PERTINENT AD PERSONAS  
*inter se comparatas.*

- Cap. I. Quàm varia sit, secundum doctrinam Orthodoxam, diuinarum personarum inter se comparatio; & quænam in eo genere tractari possint quæstiones Theologicæ. Vbi etiam declaratur, comparari inter se personas secundum quadruplicem ordinem: Videlicet, 1. *Originis*, 2. *Relationis*, 3. *Equalitatis*, 4. *Missionis*.
- II. III. IV. V. VI. VII. VIII. IX. X. XI. Explicantur decem quæstiones Theologicæ de ordine *Originis*.
- Népe I. Qui tandem processio secundum originem in illa summa naturæ diuinæ perfectione locum vllum habere possit?
- II. Qui potuerint in diuinis esse plures processiones quàm vna?
- III. Secundum quas operationes existant processiones in diuinis?
- IV. Quænam sit ratio & discrimen earum processionum, & quomodo processio Spiritus sancti generatio non sit?
- V. Quodnam sit proprium vniuscuiusque processionis? hoc est, vnde habeat originem Filius? & vnde etiam Spiritus sanctus?
- VI. An ita necessariò Spiritus sanctus procedat etiam à Filio, vt alioqui non posset distingui ab eo.
- VII. Vtrum Pater & Filius sint vnum principium Spiritus sancti, an plura?
- VIII.

## LIBRORVM ET CAPITVVM.

- VIII. An & quomodo istiusmodi processiones diuinarum personarum sint De aliquo seu Ex aliquo?
- IX. Per quam vim seu potentiam diuina persona sit principium processionis?
- X. Vtrum & qua ratione operationes diuinæ secundum quas sunt processiones, sint voluntariæ?
- Cap. XII. XIII. XIII. XV. XVI. Explicantur quinque quæstiones Theologicæ de ordine *Relationis*.
- Népe I. An non omnino contra rationem sit ponere relationes in diuinis, cum videantur esse quiddam imperfectum?
- II. Quænam & quot relationes ibi sint secundum originem?
- III. Num eiusmodi relationes oēs realiter inter se distinguantur?
- IV. Quid relationes eiusmodi in illa summa re diuina præsentent? Vtrum personas ipsæ constituent & distinguant? & an id præsentent ipsæ solæ?
- V. Vtrum eadem relationes propriæ quasi notæ siue notiones personarum sint, & qua ratione?
- Cap. XVII. XVIII. Explicantur quæstiones duæ de ordine *Æqualitatis*.
- Népe I. Quomodo tandem diuinarum personarum perfecta ex omni parte æqualitas possit cum ordine originis, qui est inter easdem, consistere?
- II. Vtrum peculiaris aliqua relatio realis secundum istam æqualitatem asseri debeat in diuinis?
- Cap. XIX. XX. XXI. Explicantur quæstiones tres de ordine *Missionis*.
- Népe I. Quid propriè sit personam aliquam ab alia mitti?
- II. Ad quosnam effectus persona diuina mitti possit?
- III. Vtrum persona diuina quælibet, à qualibet mitti possit?

## LIBER TERTIVS,

### DE PERSONIS DIVINIS CVM ESSENTIA comparatis.

- Cap. I. Quænam sint ex fide certa circa comparationē personarum cum essentia diuina; & quæ præterea in eo genere Theologicè disputari possint?
- II. III. IV. V. VI. Explicantur de eo genere varix quæstiones.
- Népe I. Vtrum essentia diuina (quatenus significatur vt aliquo modo distincta à personis) aliquid operetur: tanquam principium quod completum, vt vocant, etc.
- II. Quo tandem modo diuina essentia à persona distinguatur.
- III. Quæ præcipuè sint obseruanda in vsu nominum quæ significant non personas, sed essentiā, vt omnibus personis communis est.

IV. Vtrum



## INDEX LIBRORVM ET CAPITVM.

- IV. Vtrum ea quæ propria alicuius personæ sunt, possint negari de nominibus in concreto significantibus essentiam : vt si dicas: Deus non generat.
- V. An aliqua substantia absoluta in ipsa essentia ponenda sit, præter substantias relatiuas personarum proprias.

## LIBER QVARTVS,

### DE HIS QVÆ SINGVLARVM PERSONARVM SUNT PROPRIA.

- CAP. I. Explicatur primum generatim quænam singularum personarum propria sint secundum fidem Orthodoxâ; & quoddam aliqua præterea in eo genere Theologicè disputari possint.
- II. De his quæ propriè tribuuntur Patri.
- III. De his quæ propriè tribuuntur Filio. Vbi inter cetera disputatur, an, vt Verbum est, habeat peculiare etiam respectum ad creaturas quasi procedens etiam per earum cognitionem.
- IV. De his quæ propriè tribuuntur Spiritui sancto. Vbi similiter disputatur, an, vt est amor & donum, habeat peculiarem quoque respectum ad creaturas tanquam per earum etiam amorem procedens.

## LIBER QVINTVS,

### IN QVO SINGVLARES QVÆDAM BLASPHEMIAE ADVERSUS sanctissimam Trinitatem, cuiusdam recentis libelli in Polonia editi, confutantur.

- CAP. I. De argumento eius libelli, & de methodo qua refutabitur.
- II. Respondetur ad primam quædam præiudicatam opinionem seu ad primum quoddam præiudicium obiectum in prima libelli parte aduersus fidem sanctissimæ Trinitatis.
- III. Respondetur ad secundum præiudicium.
- IV. Respondetur ad tertium, etiam ad quartum & quintum præiudicium.
- V. Confutatur indicium primum ex quo in secunda libelli parte perperam colligitur, fidem SS. Trinitatis esse falsam.
- VI. Confutatur etiam secundum indicium.
- VII. Confutatur etiam indicium tertium.
- VIII. Responsio ad argumentum primum quo in tertia & postrema libelli parte oppugnatur mysterium SS. Trinitatis.
- IX. Responsio ad argumentum secundum.
- X. Responsio ad argumentum tertium & vltimum.



# PROLEGOMENA QVAE DAMIN SE- QVENTES LIBROS DE TRINITATE.

## CAPVT PRIMVM.

*Deratione ac fine huius Disputationis.*

**A**NTEQVAM PRO-  
bationē aggre-  
diamur earū as-  
sertionum, quas  
de hoc mysterio,  
vt suis locis vi-  
debimus, doctrina fidei tradit,  
pauca quādam necesse est prae-  
mittere de fine ac modo huius di-  
sputationis, ne temerē alioqui  
Maiestatem scrutari videamur, &  
idcirco iure ac meritō opprima-  
mur à gloria. Quod ideo etiam fa-  
ciendum est, quoniam spero, me  
hac explicatione, si Dominus iu-  
uerit, effecturum, vt illorum vani-  
tas haëreticorum clarissimè per-  
spiciatur, qui summum hoc no-  
stræ fidei mysterium, & alia item,  
quæ sunt similiter supra captum  
humanæ rationis certissima fide  
constituta, suis rationibus nitun-  
tur subuertere.

Ac de fine quidem disputatio-  
nis huius illud inprimis constar,  
nequaquam Theologo proposi-  
tum esse debere, vt argumentis, à  
ratione naturali petitis, veritates,  
quæ de hoc mysterio reuelatæ di-  
uinitus sunt, demonstrare nitatur.  
Cogitandum enim est, quæstio-  
nem de Deo trino & vno non esse,  
an Deus sit, vel quænam attributa  
Deo competant secundum respec-  
tum ad creaturas aliquem, vt est  
caussa illarum: sed quid omnino  
secundum se sit Deus? Sapienter  
autem D. Basilius lib. 1. cōtra Eu-  
nomium: *Communis, inquit, notio,  
esse Deum, non autem quid sit, nobis  
suggerit.*

Quapropter D. Dionysius 2. c.  
de diuin. nominibus, cognitio-  
nem de Deo, *ignorantiam* appellat;  
quoniam non habet euentem  
diuinæ quidditatis notionem se-  
cun-

cundum ea, quæ natura sciuntur. A *Spiritus sanctus unus eiusdemq; substantia vel essentia dicatur, credatur, intelligatur.* III. Atque etiam vel maximè ad Theologum in hac disputatione spectat, ut & fidei lumine, & cognitione eorum, quæ vel ex fide huius mysterij consequuntur, vel ei repugnant, adiutus, argumenta omnia dissoluat, quæ aduersus verissimam eam fidem humana ratio subministrat.

Disputationis igitur de Trinitate scopus esse debet. I. Non ex ratione, sed ex iis, quæ Scriptura tradit, & Ecclesia definit, perspicuè docere, quid hoc de mysterio certa fide credendum sit. II. Deinde recta ratione exponere, quid ex fidei assertionibus de hoc mysterio sit consequens, & quid etiã cum illis pugnans, ut sanã omnino hac de re doctrinam, nullisq; erroribus contaminatam, tueamur. Quamuis enim doctrina de diuinitate non ratione, sed fide nititur: tamen ubi semel fuerit cõstituta ipsa fides, ratione etiam atque cogitatione consentanea fidei, quasi munitur atque circumuallatur. Quod probè intellexit diuus Athanasius in epist. ad Serapionem, circa medium, ubi posteaquam dixit: *Deitas non demonstratione rationum traditur; continuo subiunxit: Sed fide, & pia, inquit, cogitatione cum religione.* Tum etiam D. Augustinus. lib. I. de Trinit. capite I. sub finem: *Suscipiemus, inquit, & eam ipsam quam flagitant, (hæretici) reddere rationem, quod Trinitas sit unus Deus, & solus, & verus, & quàm rectè Pater & Filius &*

## CAPVT II.

*Omnia argumenta contra mysterium SS. Trinitatis, solui posse, & quidem euidenter.*

**E**ST enim diligentissimè notandum, atque in hac omni disputatione in promptu habendum; sic mysterium istud superare captum humanæ rationis, ut quemadmodum veritatem illius, propter ipsius altitudinem humana ratio assequi nequit, ita etiam neque ullam in eo falsitatem deprehendere valeat: atque adeo argumenta omnia, quæ contra illud fiant, tanquam infirma & fallacia dissolui posse, & quidem euidenter, ut doctissimi Theologi verissimè existimant.

Primum enim, si quod eiusmodi argumentum in ipsa forma conclusionis vitium aliquod contineat, extra controuersiam est, posse id vitium euidenter ostendi ab eo, qui rectam disserendi rationem teneat.

Siaut

Si autem in forma concludendi A nullum vitium appareat, itidem censemus, posse solui euidenter eius generis argumenta ex parte materiæ propositionum, quibus illa constant.

Argumentū enim aliquod non tum solum euidenter soluitur, cum euidenter ostenditur id reuera esse falsum, quod in argumento sumitur, & contrarium illius esse verum; vt Durandus quæst. i. prologi sententiarum, Theologus aliqui sanè perspicax & acutus, falsò putauit: sed cum etiam, cum idonea ratio euidenter redditur, cur id, quod in argumento sumitur, falsum esse, animus sibi prudenter persua-deat, ac ideo minimè tali argumento de sententia dimoueat. Potest autem talis ratio euidenter reddi, cum argumentum aliquod bona alioqui forma constructum, aduersus istud, aut alia fidei mysteria proponitur, licet non possit euidenter ostendi, aut veritas ipsius mysterij, aut contraria falsitas assumptæ in argumento propositionis. Igitur poterunt etiam huius generis argumenta euidenter dissolui.

Id autem ita probo & ostendo: Omne eiusmodi argumentum, vt bona rationis forma concludat, necesse est, nitatur aliqua propositione mysterio fidei contraria, & ita vniuersali, vt non modò res creatas, sed etiam rem incretam ac infinitam sub commu-

nissima vocabulorum significatione complexu suo contineat. Exempli causa, si hunc in modum argumenteris: Nulla res vna numero secundū essentiam, simul est trina numero secundum hypostasim: Res diuina quæ est Deus, est quædam res vna numero secundum essentiam: Ergo res diuina, B quæ est Deus, non est res trina numero secundum hypostasim. In hoc argumento, nisi prior propositio contraria, seu contradicens mysterio, sit ita vniuersalis, vt sub communissima ratione, quæ vocabulo, Res, significatur, cōprehendat non solum res creatas, sed etiam rem illam incretam & infinitam, quæ est Deus & Trinitas, vitium erit in argumenti forma.

Vocabulum enim, Res, aliter accipietur in priori propositione, nempe determinatè pro re finita & creata; aliter in posteriori, nempe pro re infinita & increta. Quare perinde erit, atque si ineptè isto modo argumenteris: Nulla res creata & finita, vna secundum essentiam, est simul trina secundum hypostasim: Sed res, quæ est Deus, est vna quædam res infinita & increta secundum essentiam: Ergo non est simul trina secundum hypostasim. Quam formam concludendi, etiam sine differendi arte, quilibet sentit esse nullam. Oportet itaque (vt diximus) omnè bonam conclusionis formam in  
B 2 argu-



argumentis, quæ obiiiciantur contra mysteria diuinitatis, niti propositione aliqua vniuersali contraria mysterio, quæ complectatur etiam rem ipsam diuinam, increatam atque infinitam. Nec refert, vtrum talis aliqua vniuersalis propositio sumatur in ipso argumento (vt in exemplo allato) an verò in confirmatione illius, quando principiò non fit integer syllogismus, sed enthymema, & postea adhibetur propositio vniuersalis ad consequentiæ probationem. Cum autem ex tali aliqua propositione argumentum aut argumenti confirmatio extruitur, semper poterit reddi ratio, quæ ostendat euidenter, iure ac meritò propositionem eiusmodi existimari falsam: quod est, vt etiam dixi, euidenter solui argumentum.

Qui enim contra mysterium dei talem propositionem vniuersalem vrget, non aliam eius probationem afferre potest, nisi eam, quæ est posita in inductione aliarum singularum rerum creatarum, quas naturaliter cognitas atque perspectas habet; nempe colligendo hoc modo: Hæc res vna numero secundum essentiam non est etiam trina aut multiplex secundum hypostasim; & similiter hæc, & similiter hæc, & sic alix omnes quæcunque nobis sunt cognitæ, ergo nulla omnino res, quæ res vna sit numero, erit etiam trina, & sic neque res illa diuina,

cum similiter sit vna res quædam secundum communissimam notionem huius vocabuli. Hæc autem inductio quò minus in proposito procedat, obstat maius quoddam lumen, quàm sit lumen naturale rationis, quo forma colligendi per inductionem nititur. Id autem lumen dico esse lumen diuinæ reuelationis, quatenus est hominibus per Ecclesiæ auctoritatem atq; ministerium sufficienter proposita, atque etiam confirmata communibus illis nostræ fidei motiuis, quæ euidenter ostendunt, eam esse prudentum assensione dignam: vt fusè demonstrauit in eo libro, quem Analysim fidei inscripsi. Hæc reuelatio ita testata meritò nobis persuadet deficere inductionem in illa re singulari, quæ est Deus & Trinitas.

### CAPVT III.

*Proponuntur considerationes tres, quæ declarant, ex propositionibus vniuersalibus, quantumuis euidenti inductione notis, nihil posse contra mysterium sanctissimæ Trinitatis concludi.*



TOQUE vt id ita esse plane statuamus, præter communia motiua fidei, quæ dixi, tres adhuc considerationes meritò mouere possunt. Vna est, quòd ne ipsi quidem humanæ rationi vide-

ri debet penitus impossibile, ut A  
vni rei singulari non competat i-  
dem quod inuenitur in reliquis  
omnibus singularibus, quantum-  
uis alioqui comprehensis sub ea-  
dem communissima vocabuli no-  
tione. Quid enim vetat quò mi-  
nus per potentiam Dei absolutam  
fieri posset, ut cum omnes homi-  
nes (exempli causa) quos ipsi vi-  
dere potuimus, colore præditi  
sint, tamen quidam vnus homo  
non coloratus diuinitus alicubi  
conseruetur? An erit vlla contra-  
dictio, si vnus quidam qualitatis  
eius, quam colorem appellamus  
expers sit, & alij tamen omnes ea  
qualitate præditi? Hoc igitur si ita  
accidere, reuelatione aliqua diui-  
na probaretur, quæ esset ita suffi-  
cienter testata ac est nostra fides;  
parum contra mouere deberet in-  
ductio reliquorum hominum sin-  
gularium, quos ipsi vidimus. Non  
enim tunc ea inductio in illo etiam  
homine singulari præcederet. Nec  
mouere igitur in proposito de-  
bet, quò inductio ex rebus crea-  
tis collecta non habeat locum in  
illa re maximè singulari, quæ est  
Deus & Trinitas. Quod autem nul-  
lam propterea contradictionem  
mysterium Trinitatis inuoluat,  
suis locis postea planum facie-  
mus.

Altera consideratio est, quòd  
naturalis rationis lumen non sim-  
pliciter nos ducit ac impellit ad  
idem iudicandum de quolibet sin-

gulari quod in reliquis sub eadem  
communi notione contentis in-  
ductio ostendit; sed tum demum,  
cum nullum maius atq; præstan-  
tius lumen, idque sufficienter te-  
statum, obiicitur, quod secus in  
aliquo singulari rem habere indi-  
cet. Hoc enim lumen præstantius  
si obiiciatur, ipso etiam naturali  
lumine rationis, adiuti ope super-  
naturali diuina impellimur, ut in-  
ductione postposita secus rem se  
habere in vno quodam singulari  
sentiamus. Nam cum lex ipsa pru-  
dentie à nobis tunc requiratur ut ita  
putemus; confitendum etiam ne-  
cessario est, sic nos esse natura cõ-  
paratos, ut mente diuinitus illu-  
strata & adiuta, possimus id pru-  
denter putare: maximè cum ipsa  
etiam naturali ratione comper-  
tum sit vim atq; essentiam & exi-  
stendi modum diuinitatis longis-  
simè superare captum humanæ ra-  
tionis. Quoniam igitur in propo-  
sito præstantius lumen diuinæ re-  
uelationis, idque sufficienter testa-  
tum nobis obiicitur, quò minus  
inductione colligamus ita rem se  
habere in diuinitate, sicut vide-  
mus se habere in aliis rebus; se-  
cundum naturam etiam nostræ  
rationis facimus, cum existima-  
mus secus in re diuina esse, neque  
ibi inductionem locum habere.

Tertia consideratio, quæ ut id  
existimemus mouere potest, est,  
quòd quamuis res diuina cum re-  
bus aliis creatis, nobis notis, in

notione communissima per vocabulum, Res, significata, utcumque; conueniat: tamen sine ulla dubitatione scimus, propriam rationem rei diuine infinito interuallo à rationibus propriis aliarum rerum omnium distare. Quis autem non facile animum inducat, ut credat, aliud longè competere rei infinitæ quàm rebus finitis, cum id præsertim tam magnis & grauibz rationibus tantoque pondere auctoritatis confirmatur, quàm est probata nostra fides?

Hac in primis consideratione veteres Patres argumentis hæreticorum ex ratione creaturarum rerum petitis, passim in hac materia occurrerunt. Quod faciendum esse, D. Athanasius, æternam Filij generationem aduersus Ariam argumenta defendens, præclare docuit his verbis: *Tametsi* (inquit in epistola de Synodi Nicænæ decretis ante med.) *eadem distinctiones de Deo & hominibus* (& similiter de aliis rebus creatis) *in sacris Scripturis habeantur; hominum tamen perspicacium est, ut Paulus 1. ad Timoth. precipit, lectioni attendere, ut rem cum iudicio discernant, & pro naturarum vocabula accipiant sine intellectu confusione: Ne, quæ Dei sunt, humano more intelligant; Id enim est vinum aqua miscere, & alienum ignem altari inferre.* Ac D. Gregorius Nazianzenus orat. 4. de Theologia respondens ad argumenta Eunomij contra processionem Spi-

A tus sancti: *Valde, inquit, profectò turpe est, nec turpe solum, sed etiam admodum stultum & inane, ex humilibus ac terrenis rebus superarum simulacrum sumere, quodque Isaias ait, uenientia in mortuis querere. Quocirca & D. Dionysius capite 1. mysticæ Theologiæ grauitur in eos inuehitur, qui in disputationibus de diuinitate: Rebus* (inquit) *terrenis adhaerescunt, & nihil supra ea quæ sunt & supra substantiam* (nempe secundum eam rationem quam illa in creaturis habet) *cogitant, quin potius arbitrantur sua cognitione nosse eum qui posuit tenebras latibulum suum, & summam causam omnium ex extremis in naturarum designant, nihilque eam antecellere aiunt impiissimaginebus quas ipsi fingunt.*

C Has igitur tres considerationes si ad grauisima motiua & argumenta, quæ alioqui nobis suppetunt pro credendis assertionibus omnibus nostræ fidei, adiunxerimus, satis euidens à nobis ratio reddi poterit, cur prudenter existimemus, propositiones eas vniuersales omnino esse falsas, quæ in bona alioqui forma argumenti obiciantur contra mysterium sanctissimæ Trinitatis, & alia similia. Quam rationem cum reddimus, euidenter soluius eiusmodi argumenta, ut supra dictum est. Cumque etiam argumenta alia, quæ peccant in conclusionis forma, sine controuersia possint euidenter solui, fit ut nullum omnino argu-



argumentum contra mysterium istud poni possit quod non manifestè refelli queat, sicut in progressu huius disputationis magis patebit. Quare ad hunc inprimis scopum in hac tractatione collimare opus est, ut postquam ipsas assertiones fidei auctoritate diuina, & pia ratiocinatione (ut D. Athanasius loquitur) confirmauerimus, contraria quoque argumenta perspicuè dissoluamus. Et hæc de huius disputationis sine sint dicta.

#### CAPVT IV.

*De ratione ac via probanda veritatis in hac disputatione.*



**P**RÆTEREA verò, quod ad modum in ea procedendi attinet, primò intelligendum est, non Scripturas modò, & rationem consentaneam Scripturis, sed etiam Ecclesiæ definitiones, & testimonia veterum Patrum, tum ad probationem veritatis, tum ad refutationem contrariorum errorum iure ac meritò usurpari posse ac debere. Auctoritas enim Scripturæ atque etiam Ecclesiæ, certum ac infallibile argumentum in fidei quæstionibus, qualis potissimum est hæc de sanctissima Trinitate, suppetit, ut alio in libro pbauimus. Item consentiens Patrū testimonium per se quoq; est infallibile,

**A** sicut etiam eodem libro docuimus. Deinde etiam, ut D. Augustinus grauissimis verbis Iuliano Pelagiano obiecit, testes fide dignissimi sunt veteres Patres veræ atque Apostolicæ fidei, ut quantumuis eorum auctoritatē aduersarij contemnunt, tamen id absq; summo pudore, si modò sint homines, non possint facere. Quis enim nunc ex aduersariis tam vecors sit, ut non erubescat à Christiano populo requirere, suum ut iudicium iudicio sanctissimorum Patrum Athanasij, Basilij, Nazianzeni, Ambrosij, Augustini, & aliorum in Scripturis, quæ sunt de Deo trino & vno, intelligendis anteponat?

**I**taque summè impudens, neque iniuria, est habitus Eunomius hereticus, quòd aduersus fidē SS. Trinitatis disputaturus, his verbis (ut est apud D. Basilium lib. i. aduersus eundē Eunom.) contra præiudicia Ecclesiæ & Orthodoxorum Patrū lectoribus præscribere volebat: *Petimus, inquit, præ omnibus, ut ne velitis multitudine mendacium à veritate discernere, maiori parti, quod melius est attribuendo, neque dignitatibus commoueri, aut ordinis prægressorum plus tribuere, & posterioribus aures obturare.* Cui D. Basilius; *Quid dicis?* inquit. *Ne tribuamus plus prægressis? Ne reuereamur multitudinem & eorum qui nunc sunt Christiani, & eorum qui nati sunt ab eo tempore, quo predicari cepit Euangelium?*

lium? Ne reputemus dignitatem eorum qui omnigenis donis spiritalibus claruerunt? quibus omnibus inimicam & aduersam hanc viam impietatis recens excogitasti; sed clausis in totum animi oculis, & omnium Sanctorum memoria ex mente eiecta, ociosum ac purgatum cor suum quisque inductionibus ac sophismatibus suis supponamus? Magnam profecto potentiam nactus fueris, si quæ variis suis insidiis Diabolus non est assequutus, ea tibi assequi contingat, ut traditionem (de fide sanctissimæ Trinitatis) qua per omne tempus præteritum apud Sanctos obtinuit, vestro inuenio impio viliorē iudicemus.

Neque hoc igitur à nobis nunc Satanas per suos administratos Dei perduelles obtinebit, ut veterum Patrum neglecta auctoritate, illorum mendaciis assentiamur. Quin potius exemplo D. Basilij libro de Spiritu sancto, capite 29. Ambrosij in prologo lib. de fide, Athanasij in epistola de Nicænæ Synodi decretis non longè à fine, testimoniis etiam SS. Patrum Catholicam sententiam de hoc sanctissimo mysterio cōfirmabimus: Quibus oportet ut populi Christiani (quemadmodum à D. Augustino libro 2. contra Iulianum grauitè dictum est) potius elegant adherere. Nam quod aduersarij in hac questione Patrum auctoritate aduersum se pugnari minimè volunt, id verò nihil mouere nos debet. Quid enim si hostis capitalis tuus, quem, quoquo modo possis, oc-

cidere liceat, tibi præscribere vellet, ne id hasta vel gladio, sed alio duntaxat instrumēto faceres? An ideo prætermittere deberes eum, cum posses, gladio perimere? Cum igitur veterum quoque Patrum auctoritas ad confodiendos hostes veritatis in quæstionibus fidei aptissimum quoddam inter cetera genus armorum sit, illo item in hac quæstione velint nolint sanctissimæ Trinitatis rebelles à nobis iugulari debent.

## CAPVT V.

*Cuiusmodi vocabula in hac disputatione vsurpari debeant.*



ECUNDO, pertinet illud quoque ad modum tractandi de hac materia, ut non satis esse putemus de hoc mysterio rectè sentire, nisi etiam idoneis verbis, id quod sentimus, eloquamur. Rectè enim D. Augustinus lib. 10. de ciuit. Dei, cap. 23. *Libèris verbis vtuntur Philosophi, & in rebus ad intelligendum difficillimis religiosorum aurium non timent offensionem; nobis autem ad certam regulam loqui fas est.* Quod præceptum, quàm cautissimè de diuinis rebus loquendi à D. etiam Dionysio cap. 1. de diu. nom. Damasceno li. 1. cap. 2. Hieronymo de verb. myst. Basilio lib. 2. contra Eunom. non multò post initium, & aliis Patribus traditum, si in vlla alia quæstione, in hac

hac maximè de sanctissima Trinitate, vbi, vt ait Augustinus lib. i. de Trinitate, cap. 3. omnium periculosissimè erratur, necessarium est.

Idonea verò vocabula diuinorum rerum censenda sunt, nò solum ea quæ totidem syllabis reperiuntur in Scripturis, sed etiam illa quæ conuenienter Scripturis Ecclesiæ consuetudo vsurpauit, vt accuratè D. Athanasius in epist. de decretis Nicenæ Synodi, & in disput. cum Ario Laodiceæ habita, ostendit aduersus Arianorum importunitatem in reiiciendo vocabulo, homoufios.

Itaque D. Basilius lib. 2. contra Eunom. Eunomiū refellens quod Filium Dei nouo vocabulo genituram appellaret, non ideo solum eam vocem reiecit, quia in Scriptura non reperitur, sed quia à cōmuni (inquit) consuetudine & à Scripturarum vsu genitura vox aliena est. Horrendum est autem (inquit etiam ibi) nostris eum nominibus appellare, cui largitus est Deus nomen, quod est super omne nomen. Quanquam neq; veretur omnino idem Basilius ser. contra Sabellianos & Arium, cum additione quadam vsurpare vocabulum genituram: cum Filium vocat genituram Patris non defectuosam. Quod ideo fecit, vt ea explanatione ad vocabulum adhibita errorem corrigeret Eunomiorū, quem illi occultabant vsurpando absolutè id vocabulum.

A Porro præcipua quædam sunt vocabula, quæ licet in Scriptura expresse non sint, à Patribus tamen in hac disputatione conueniēter rebus ipsis, quas Scriptura tradit, vsurpātur. Cuiusmodi sunt Trinitas, essentia, subsistētia, persona, hypostasis, personæ notio, potentia & actus notionalis, relatio, homoufion, etc. Illa verò alia vocabula; Pater, Filius, Spiritus sanctus, generatio, processio, æqualitas, in ipsa etiam Scriptura reperiuntur. Et fastidiūt quidem ac respuūt Dei perduelles, vt rem ipsam sanctissimæ Trinitatis, ita etiam illa vocabula quibus ea ipsa res commodissimè ab Orthodoxis ad declarationem mysterij, & ad detegendas hæreticas insidias, significatur. Sed tamen nullis vocabulis aptius & conuenientius ipsi sacræ Scripturæ, quàm his, rem huius mysterij indicari posse, manifestè patebit, cum res ipsas illis significatas in progressu disputationis asseremus.

## CAPVT VI.

Quo sensu in hac disputatione vsurpari debeant vocabula.



ERTIO, sed neq; satis est aptis vocabulis in hac materia vti, nisi in ea etiam significatio- ne & eo sensu, quo oportet, vtaris. Alioqui vel maximè ex ea parte periculum imminebit, ne ex ver-



bis perperam atque inordinate prolatis (quantumvis ipsa sint per se commoda) hæresis incurratur, ut D. Hieronymus admonuit. In promptu igitur illud habendum est in hac omni disputatione: cum vocabulis iis, quæ propriè tribuimus Deo, rem illam diuinam quæ est Deus & Trinitas, significamus, cuiusmodi vocabula sunt essentia, persona, relatio, Pater, Filius, & alia id genus, quæ, ut antè diximus, in hac tractatione vsurpantur, duo esse nobis cogitanda:

Alterum est, quòd non modò notiones communissimas eorum vocabulorū verè tribuimus summæ ac infinitæ illi rei, quæ est Deus & Trinitas: sed etiam est animus eorum vocabulorum vsu (ita ut possumus) significare rationem propriam & peculiarem, quæ in re illa summa & infinita vocabulis his respondet: loquimur enim de ea re infinita, non ut est essentia aut persona, aut aliquod eiusmodi, modo aliquo proprio rei creatæ, aut modo duntaxat communissimo rei increatæ & creatæ, sed ut est hæc omnia modo suo peculiari: alioqui non de re ipsa diuina propriè, ut est diuina, loqueremur.

Alterum est, quòd cum ratio tamen peculiaris, qua res illa infinita, est essentia, & persona, & Pater, & reliqua eiusmodi, infinitè prorsus distet à ratione propria & peculiari, qua res creata est essentia, aut persona, aut Pater, etc. mi-

nimè potest à nobis ita distinctè intelligi aut significari per ea vocabula, sicut intelligi & significari potest ratio propria & peculiaris quæ iisdem vocabulis respondet in re creata. Rationem enim peculiarem in re creata proprio ac distincto conceptu intelligimus, atque adeo distinctè etiam illam per ea vocabula significare possumus. Rationem verò peculiarem, in illa re diuina his vocabulis respondentem, non percipimus, nisi imperfecto admodum atq; obscuro confusoq; conceptu: nempe cum cogitamus rem illam diuinam peculiari quadam ratione sua, essentiam, aut personam, aut Patrem, & reliqua eiusmodi dici, quatenus modo quodam infinitis partibus sublimiori, præstat aut continet, quidquid est in peculiari ratione rei creatæ, quatenus hæc item eiusmodi vocabulis nominatur.

Quæ caussa est, cur ea vocabula totam rationem rei creatæ adæquare dicantur. Non perinde aut adæquant rationem totā illius rei infinitæ. Cum enim ad rem creatam hæc vocabula accommodamus, animus esse solet significare notionem non modò communissimam, sed etiam peculiare, quam de re creata clarè & distinctè comprehendimus habemus. Cum verò eadem vocabula tribuimus rei diuinæ, licet utramq; similiter notionem, nempe & communem & pro-



propriam (vt antè dictum est) uelimus significare: tamen vt propriam clarè & distinctè non intelligimus, ita neque illam distinctè eorum vsu vocabulorum significamus.

Hoc igitur in vsurpandis vocabulis, quibus sanctissimè Trinitatis mysterium explicatur, diligentissimè attendendum est, vt cum *Essentiam*, dicis aut *Personam*, aut *Patrem*, aut aliud cuiusmodi vocabulum, quod de Deo propriè dicitur, ne subeat animo notio propria & peculiaris, quam eadem vocabula in re creata significant: sed cogites, rem illam summam & infinitam, essentiã, aut personam, aut Patrem, aut quid simile dici, non quia secundum rationem peculiarem ita sit essentia aut persona, sicut est res creata, sed quia (vt antè dictum est) infinitè sublimiori modo præstat & continet quidquid est in propria ratione rei creatæ, vt his vocabulis significatur.

Hoc D. Dionysius, Athanasius, & Nazianzenus paulò superiùs à nobis citati, & alij veteres communiter, docere voluerunt, cum adeo diligenter notarunt, rationem illius rei quæ est Trinitas non esse ex rerum creatarum rationibus æstimandam, sed quiddam de illa supra omnem creatam rationem esse in animo cõcipiendum. Quod cum facimus, propriam ac peculiarem (quoad fieri in hac uita mortali potest) notionem SS.

A Trinitatis in mente conformamus; neque vterius cogitatio nostra in propria ratione percipienda illius rei diuinæ, quæ est Deus & Trinitas progredi potest, sed (vt cum D. Athanasio in epist. ad Serap. loquar) *hucusque cum deuentum est, Cherubin obuehat faciem eius*: ne scilicet illius ratio peculiaris distinctiùs in hac uita à nobis intelligi possit: vbi in cor hominis non ascendit illa diuinitatis cognitio, quam præparauit Dominus pro uita futura diligētibus se, vt grauius est scriptum à D. Gregorio Nazianzeno oratione secunda de Theologia, non longè ab initio.

Quocirca & à D. Augustino li. 5. de Trinitate, ca. 9. eleganter scriptum est, tres personas in diuinitate dici; *Non ut illud quod est Trinitas, dicatur, sed ut non taceatur*. Quibus verbis Augustinus non significat, nihil penitus de diuinitate dici, cum tres in illa personas esse dicitur, vt præcipui sanctissimè Trinitatis perduelles, Transyluani ministri libro 2. de falsa & vera cognitione Patris & Filij & Spiritus sancti, cap. 9. obtusissimè existimarunt. Sed docet Augustinus, cum tres personæ in diuinitate dicuntur, non dici aliquid quod adæquet prorsus ipsam rationem propriam illius rei summæ, quæ est Deus & Trinitas, quamuis neque omnino tunc quid ea res sit, taceatur.

Atque hoc quidem documentum de notione ac vsu vocabulorum cum de sanctissima Trinitate loquimur, si diligenter in hac omni disputatione memoria repetitum atque obseruatum fuerit, facile efficiet, ne summa alioqui admiratio huius magni mysterij, aut extinguere in nobis aut minuire conceptam de illo fidē vlla ex parte possit. Non enim est incredibile, sed potius rationi consentaneum, quod longē diuersissima ab omni ratione rerum creatarum conueniant diuinæ illi rei quę infinito modo præeminet rebus creatis, infiniteque ab eisdem distat etiam quatenus eadem vocabula sunt ipsi cum illis communia.

Quod quamuis ita sit, tamen non ideo putandum est, nos aut falsa, aut inania, aut præter rem ipsam Trinitatis loqui, cum de mysterio isto loquimur eiusmodi vocabulis. Verè enim ea vocabula id significant quod est in ipsa re diuina, & verè nos etiam id ipsum per hæc vocabula intelligimus, tamen si non satis exactè & distinctè, sed concipiendo (vt suprà dictum

A est) quod aliquid in re diuina infinite præstantiori modo respondeat rationibus propriis rerum creatarum per ea vocabula significatis. Quam sanè doctrinam D. etiam Athanasius in epistola de decretis Nicenę Synodi tradidisse mihi videtur his verbis: *Cum dicimus, inquit, Deum, & Patrem nominamus, ipsius substantiam significamus. Nam tamen si comprehendere quam sit illius substantia, nequeas tamen de substantia illius, hoc est, de ipso Deo sentis & cogitas, cum Scriptura nominibus DEVS & PATER appellatur.* Item D. Basiliius lib. I. contra Eunomium: *Nullum, inquit, nomen est, quod totam Dei naturam sufficienter enunciare possit: Plura verò & varia, singula in propria significatione, obscuram quidem penitus & minutissimam, quantum ad totum attinet (nempe secundum propriam etiam & peculiarem rationem quam in re diuina cōcipimus, vt antè dictum est) nobis tamen sufficientem intelligentiam colligunt.* Sed iam tempus est vt ad Orthodoxam de hoc mysterio doctrinam confirmandam & explicandam accedamus.





LIBER PRIMVS,  
DE DISTINCTIONE  
DIVINARVM  
PERSONARVM ET VNITA-  
TE ESSENTIÆ, SE-  
CVNDVM SE.

CAPVT PRIMVM.

*Proponitur status controuersie, & sententia Ecclesiæ Catho-  
licæ, de distinctione personarum & unitate essentie.*

**P**RINCIPIO, vt hu-  
ius controuersie  
status, & quæ sit  
Ecclesiæ Catho-  
licæ de sanctissi-  
ma Trinitate sen-  
tentia, rectius intelligatur, ani-  
maduertendum est, tam ab hære-  
ticis, qui Scripturam sacram reci-  
piunt, quam ab ipsis Catholicis,  
sine controuersia, vt certam atq;  
exploratam concedi vnã quan-  
dam hypothesim, circa quam om-  
nis hæc de sanctissima Trinitate  
disputatio, omnisq; dissensio in-  
ter Orthodoxos & Dei rebelles  
hæreticos est. Ea hypothesi est,  
Deum illum immensum & incom-

**A**prehensibilem, quem nobis & ra-  
tio ostendit, & Scriptura passim  
prædicat, Patrem esse ac dici cu-  
iusdam singularis atque vnigeniti  
Filij, qui & in Scriptura Verbum  
eiusdem Dei Patris quandoq; no-  
minatur, itemq; esse eiusdem  
Dei Patris Filiique quendam Spi-  
ritum, qui Spiritus sanctus in Scri-  
**B**ptura quoque singulariter appel-  
lari solet.

Iam Ecclesiæ Christi perpetua  
confessio, in quatuor celeberrimi-  
is illis Conciliis, Nicæno, Ephe-  
sino, Chalcedonensi, & Constan-  
tinopolitano, asserta, & à veteri-  
bus Patribus, potissimum Atha-  
nasio, in expositione fidei, Gre-  
gorio



gorio Nazianzeno oratione 3. de Theolog. Ambrosio lib. 1. de fide ad Gratianum, cap. 1. Augustino libro 1. de Trinitate, cap. 3. sub finem, paucissimis verbis pulchrè comprehensa est, numen diuinum personis tribus distinctis contineri, nempe illo Patre, & illo Filio, seu Verbo, & illo Spiritu sancto, quos Scriptura commemorat; & vnāquamque harum personarum esse verum Deum, idq; per vnā & eandem essentiam illis omnibus communem, ita vt cū tres sint personæ, quarum vna non est alia, non tres Dij tamē, sed vnus sint atq; idē Deus.

Hæc fidei confessio quatuor omnino assertiones continet, quæ ab aliis atque aliis hæreticis partim veteribus, partim recentibus (vt videbimus) impiè negatæ sunt, quæque idcirco à nobis sigillatim confirmari atque defendi debent.

**PRIMA** assertio. Non modò Pater, sed etiam Verbum, seu Filius, itemque Spiritus sanctus, est vera atque subsistens persona. **SECUNDA** assertio. Pater, & Filius, & Spiritus sanctus, non vna & eadem persona sunt, quæ tribus illis nominibus diuersa ratione significetur, sed tres distinctæ, ita vt horum quilibet sit vna quædam persona ab aliis duabus distincta.

**TERTIA** assertio. Quælibet illarum personarum est verus Deus.

**QUARTA** assertio. Persona Patris, aut Filij, aut Spiritus sancti,

nō per aliquam sibi soli propriam essentiam est Deus, ita vt tres sint essentiæ, sicut tres sunt personæ, sed vna & eadem numero est singularis atque indiuidua essentia communis re ipsa tribus istis personis, ratione cuius oēs hæ personæ sunt vnus & idem Deus.

Nec me latet alios ab vnitæte essentiæ diuinarum personarum disputationem hanc solere exordiri. Sed mihi tamen placuit hoc modo & ordine proponere, quæ de distinctione personarum diuinarum & vnitæte essentiæ per se & absolutè considerata, probanda nobis sunt, duas potissimū ob causas. Vna est, quia nisi veritas & subsistentia atque etiam realis distinctio omnium personarum, aduersus eos hæreticos, qui ista negāt, probata primū sit, ociosè & intempestiuè videri potest probatio institui, quòd Filius seu Verbum, & Spiritus sanctus sint Deus, aut etiam, quòd sint vnus Deus. Auet enim inprimis animus intelligere, quisnam sit iste Filius seu Verbum, & quis item ille Spiritus sanctus, de quibus, vtrum sint Deus & vnus ille Deus, qui est Pater, disputatur; an scilicet quilibet istorum sit persona, & persona distincta, quòd nonnullis hæreticis negatum est. Alioqui non admodum difficulter ab hereticis obtinebimus, vt concedant, Verbum, aut Spiritum sanctum esse verum Deum, si pro-

pro-



probatum non sit Verbum & Spiritum sanctum esse per se personas distinctas à persona Patris, & non ipsum Patrem, quem omnes hæretici Deum esse vltro fatentur. Altera causa huius nostræ methodi est, quoniam animaduertimus ferè hoc eodem ordine doctrinā de Deo trino & vno proponi in iis Scripturæ locis, quibus aliquantò plenius illa traditur. Vt cum diuus Ioannes, pro Christi diuinitate disputans, inquit 1. Ioan. 5. Tres sunt, qui testimonium dant in cælo, Pater, Verbum, & Spiritus sanctus, & hi tres vnum sunt. Atque ipse etiam Christus Ioannis 14. Ego & Pater vnum sumus. In quibus locis animaduertit Lector assertionem distinctarum personarum assertioni vnitatis earum essentia præponi: quæ testimonia infra suis locis repetenda nobis erunt.

## CAPVT II.

*Non modo Patrem, sed etiam Filium atque adeò Verbum ipsum diuinum esse per se subsistentem personam; & quid vocabulo persona intelligatur.*

**P**ERSONÆ vocabulum in hac disputatione idem nobis & aduersariis sine cōtrouersia significat, nempe substantiam intelligentem & indiuiduam, siue

**A** incommunicabilem. Ita Boëtius in libro de duabus naturis, & Richardus Victorinus lib. 4. de Trinit. capite 18. & alij Theologiam vocem definiuerunt. Atque illam in eadem significatione vsurparunt antiqui Doctores Latini; Tertullianus lib. cōtra Praxeam; Cyprianus sermone de Christi natiuit. Lactantius lib. 4. de vera Sap. cap. 39. Augustinus lib. 11. de ciuitate Dei, cap. 24. & sepe aliās; Ambrosius de institut. virgin. cap. 10. Hieronymus epist. 57. ad Damasum, & alij.

Eadem autem est vis vocabuli *πρὸς ὅπερ* Græcè, quæ verbi persona. Quo Græco vocabulo similiter Græci Patres antiqui; Iustinus in expositione fidei; Athanasius in oratione quæ vnus sit Christus; Gregorius Nazianzenus oratione in sancta lumina, & alij substantiam intelligentem & indiuiduam significarunt.

Quam ob rem iure ac meritò Laurentij Vallenstemi meritis reprehenditur. Is enim libro 6. elegantiarum, cap. 24. Boëtium inculcans, quia personam substantiam esse definiuit, scribere ausus est, non magis in Deo, quàm in bruto animali personam esse: non enim eam vocem significare substantiā, sed accidens, siue qualitatem, quæ in Deo non habet locum. Nobis verò consuetudo sermonis Ecclesiastici, præsertim adeò vetus, ad eum vsum vocabuli satis esse debet,

bet, etiam si ex sua illum institutione minimè haberet. Quanquā & Cicero nonnunquam pro substantia ipsa hominis personam usurpasse videri potest.

Porro hic idem vsus Ecclesiasticus similiter effecit, vt idem etiam in hac materia significet hypostasim quod persona, vt iam olim diuus Athanasius in epistola de Nicænæ Synodi decretis, & Gregorius Nazianzenus orat. de Epiphan. & Cyrillus Alexandrinus in exegeſi de incarnatione Verbi, sine discrimine ista vocabula pro eodem usurparunt. Rectè enim, de iis vocabulis agens diuus Gregorius Nazianzenus oratione in sancta lumina: *Non est, inquit, de nominibus odiosa contentione certandum, quamdiu syllaba ad eandem sententiam ferent.*

Quanquam olim quidem neq; Latini hypostases in Deo facile asseriebant, neque Græci personas. Vt enim D. Gregorius Nazianzenus orat. de laudibus diui Athanasij cōmemorat, Græci qui tres hypostases dicebāt, Latinis videbantur tres vsias, siue essentias cū Ario dicere, eò quòd tota prophanorum Græcorum schola (vt D. Hieronymus epi. 57. affirmat) discrimen inter hypostasim & vsiā ignorabat. Latini verò qui reiecto nomine hypostasim personas dicebant, Græcis videbantur distinctionem non realem, sed tantum ratione muneris, siue officij, inter

A Patrem & Filium & Spiritum sanctum cum Sabellio agnoscere; eò quòd personæ vocabulum ad auctoritatem officij significandam accommodari solet. Ob quā verborum contentione: *Ed*, inquit D. Gregorius Nazianzenus orat. de laudibus Athanasij, sub finem, *res adducta est, vt periculum esset, ne orbis terrarum fines (hoc est, Orientalis & Occidentalis Ecclesia) una cum syllabis à se inuicem distraherentur & abrumperentur.*

Verum, vt deposita tandem controuersia nominum, Græci *πρόσωπον*, seu personæ vocabulum pro hypostasi usurparēt, D. Athanasius (sicut loco citato narrat Gregorius Nazianzenus) effecit: & vicissim etiam, vt Latini hypostasim pro persona dicerent, effecit apud Pontificem Damasum, D. Hieronymus epiſt. 57. Ac idem etiam quod hypostasis & persona, vocabulo suppositi (quod Græci *ὑπόστασις* vocant) itemque subsistentiæ, significatur; vt ex ratione ipsa nominum & vsu scriptorum Ecclesiasticorum facile ostēdit D. Thomas 1. par. quæst. 29. art. 2. Est igitur persona seu hypostasis, seu subsistentia, seu suppositum in proposito, substantia intelligens, indiuidua & incommunicabilis, vt antè sine controuersia definiebamus.

In qua descriptione vocabulum (incommunicabilis) addimus, vt significemus, quatenus sit indi-

indiuia illa substantia, quam appellamus personam. Indiuium enim vno modo dicitur, quod est in se determinatum & singulare: vt singulare videlicet ab vniuersali differt. Quo pacto natura etiam singularis, vt hæc natura est, verè est indiuia, quamuis non eo ipso persona. Vt patet in humana natura à Verbo diuino assumpta, quæ licet sit singularis & indiuia, non est tamen persona. Altero modo indiuium dicitur absolute & complete, quod non solum est hoc singulare determinatum: sed etiam per seipsum, non autem in alio subsistit, quodque adeò suum quendam terminum habet in toto complexu substantiæ vltimum, qui se ad naturam singularem ita habet, sicut punctum ad lineam. Hoc modo est indiuia illa substantia, quam definiuimus esse personam. Et quia substantia, quatenus sic est indiuia, nec est, nec esse potest substantialiter in aliquo alio: ideo eam etiam appellamus incommunicabilem.

Hac vocabulorum explicatio ne præmissa, demonstranda est assertio proposita, nempe non modò Patrem in diuinis, sed etiam Filium seu Verbum (quod & postea ostendemus de Spiritu sancto) esse verè subsistentem personam. Et quidem Patrem personam esse, non modò apud omnes Orthodoxos in cōfesso est, sed ab omni-

bus etiam veteribus hæreticis sine controuersia olim concessum. Vnus tamen hac tempestate hæreticus fuit Valentinus Gentilis, qui quòd rationem personæ fortasse nesciret, insipienter admodum suis in prothesibus ita scripsit: *Pater non est hypostasis seu persona, sed Spiritus, à quo omnia, secundum Apostolum.* Quasi verò Spiritus, à quo omnia, persona non sit. Personam enim nominamus (vt dictum est) rem per se subsistentem, intelligentem, agentem. Quæ omnia tribui æterno illi Patri, qui in Scripturis commemoratur, perspicuum est: *Ego*, ait Dominus ad Moysen Exo. 3. *sum is qui sum.* Hoc ab existendo nomen Patri vel maxime conuenire, sicut & alia, quæ dicuntur in sacris literis absolute de Deo, nemo est qui inficietur. Quis verò cogitare potest, cum per se non subsistere, qui ab existendo etiam nomen accepit? Adde, quòd innumera sunt Scripturæ testimonia, in quibus vel cognitio, vel operatio varia atque multiplex, præter subsistentiam, Patri tanquam veræ personæ tribuitur.

Sed neque vllus vnquam hæreticus tam vecors existit, qui Filium huius Patris vnigenitum, cuius tum aliàs passim, tum apud Ioannem Euangelistam frequens fit mentio, qua ratione quidem Filius nominatur, negauerit verè personam esse. Nam si verus Filius vnigenitus Patris est, quì non ipse

D etiam



etiam sit vera persona, similiter atque suus Pater? Accedit, quod omnes etiam hæretici (excepto somniatore illo Valentino) fateri sunt id coacti, quod in Scripturis sacris perspicuum est, videlicet, eum Filium Patris vnigenitum, ipsum Dominum nostrum IESVM Christum esse. Christum autem personam veram esse, subsistentem, intelligentem, & operantem, euidentissimè Scriptura diuina tradit.

Illud autem est, quod in controuersiam à diuersis hæreticis sceleratè fuit reuocatum, vtrum hæc ipsa persona, quæ vnigenitus Patris Filius, atque adeò Christus est, sit quoque diuinum illud Verbum, quod tum aliàs, tum ab eodem Euangelista Ioanne commemoratur: ita vt Verbum illud res sit quædam subsistens, & viuens, & agens, & incommunicabilis, & in summa, illa eadem persona, quæ est vnigenitus Dei Filius homo IESVS Christus. Quæ controuersia, nõ modò vt intelligatur quænam & qualis persona sit vnigenitus Dei Patris Filius, IESVS Christus, sed etiam vt eiusdem diuinitas coæterna & consubstantialis Patri, suo postea loco commodius asseratur, determinanda nunc est.

Verbum igitur esse personam ipsam, quæ est Christus vnigenitus Patris Filius, Samosatensiani negarunt. Hæc enim sunt verba

A D. Athanasij oratione contra Arianos, in illud dictum; *Deus ex Deo, circa finem: Quidam, inquit, ex discipulis Samosatensis diuidentes Verbum a Filio, dicunt, Filium quidem esse Christum. Verbum tamen, alium; cuius occasione arripiunt ex verbis Petri Act. 13. dicentis: Verbum misit filius Israël, pacem euangelizans per IESVM Christum. Hic est omnium Dominus. Auiunt enim, Verbum ita loquutum esse per IESVM Christum, quem admodum in Prophetis solet. Ac proinde aliud Prophetam esse, aliud Dominum.*

C Valentinus etiam alium esse Filium à Verbo censuit, teste Ireneo lib. 1. cap. 1. & Theodoro in epitome diuin. decret. de Filio, cuius verba sunt: *Nec, vt volunt Valentini fabule, alium esse dicimus vnigenitum, & alium Verbum, & alium Christum, & rursum IESVM.*

Item Arius in lib. quem Ἰαλέα nominabat, vt commemorat diuus Athanasius in epistola de decretis Nicænæ Synodi. Idem etiam negauerunt Arii discipuli, vt refert idem Athanasius in epistola citata, & in oratione contra Arium, de dicto, Deus ex Deo, &c.

D Item Sabelliani, Verbum non esse rem subsistentem aliquam, sed simplicem quandam Dei conceptionem de carne suo tempore induenda, verbo mentis nostræ cogitationique similem, putauerunt, vt testantur diuus Athanasius oratione cōtra Sabellij Gre-

gales,



gales, & Basilii in sermone contra Sabellianos & Arium. In quo errore fuerunt etiam Valentiniani, ut intelligi potest ex diuo Irenæo, libro secundo, capite decimo octauo.

Neque est ab hac quæstione aliena hæresis Nestorianorum, qui licet Verbum agnoscerent esse verè personam, tamen non concesserunt esse personam omnino eadem, quæ est Christus vnigenitus Dei Filius, sed aliam, quæ neque nasci vllò modo ex Virgine, neque pati, aut mori potuerit, ut ex Concilio Ephesino & ex variis scriptis D. Cyrilli constat, itemque ex Synodo V. capite duodecimo, vbi nominatim hæc hæresis tribuitur Theodoro Mopsuesteno hæretico Nestoriano.

Commemorantur quoque à diuo Augustino de hæres. capite 30. hæretici quidam Alogiani: *Propterea*, inquit Augustinus, *sic dicti, quia Domini verbum recipere noluerunt, Ioannis Euangelium respuentes, enim nec Apocalypsin accipiunt.* Hi procul dubio Verbum illud esse personam, in primis negarunt.

Porro Michaël Seruetus, eorum omnium antesignanus, qui nostra & Patrum memoria abnegato mysterio sanctissimæ Trinitatis, atheismum inducere tentarunt, idem quod Sabelliani de Verbo sentit: si tamen homo in suis opinionibus non modò inconstantissimus, sed etiam, iudi-

**A** cio meo delirus, quidquam omnino cum rationis vsu sensisse putari potest. Is inter cetera sic scribit lib. 2. de Trinit. pag. 47. b. *Temerarium est de Verbo seu sermone facere Filium.* Et rursum pag. 49. a. *Antiquior traditio per sacramentum Verbi intelligit quandam in Deo dispositionem, quæ placitum est ei, arcanum voluntatis suæ nobis reuelare.* Et rursum ibidem: *Verbum Dei est caro factum, quia suas dispositiones in carne manifestandas decreuit Deus.* Item pag. 50. a. reprehendens Orthodoxos, quòd ex illis verbis Ioannis: *Et Verbum erat apud Deum*, Verbum esse distinctam personam à Deo Patre colligant: *Quem*, inquit, *obsecro, saporem habens ista insulsiſſima verba: Secunda illa res erat apud primam? Nam sancti Christi doctrina aliter intelligit, Verbum fuisse apud Deum: quia scilicet sacramentum hoc erat ab initio reconditum in mente diuina, donec venit plenitudo temporis, & tunc manifestatum est.* Item libro tertio, pag. 79. b. *Neque ostendere potes vnum iota, quo Verbum illud Filium appellauerit Scri-*

**D**iptura.

Et nihilominus tamen postquam Verbum istud in mysterio Christi impletum est, Christum ipsum vult Seruetus dici & esse Verbum, secundum suam etiam humanitatem: *Facto*, inquit lib. 2. pag. 44. b. *transitu de Verbo in carnem, caro dicitur Verbum.* Idque dupliciter declarat. Primò; *Quia*,

D 2 inquit

inquit lib. 2. pag. 49. b. *Potuit Dei Verbum in carnis transire materiam.* Secundò: *Potest*, inquit ibidem, *etiam intelligi, Verbum caro factum, secundum quod de Christo dicitur: Deuteronomij 18. Ponam verba mea in ore eius, & in meo nomine loquetur. Propterea dicitur Sermo Patris, quia Patris mentem enunciat, & eius cognitionem facit.*

Hominem igitur Christū, Verbum Patris vocat Seruetus, quatenus Verbi instar, indicat mentem Patris. Sed non concedit Verbum illud, quod erat in mente diuina, secundum Esse quidem quod antè habebat in mente diuina, esse ipsam Christi substantialem personam. Quin immò in alio loco delirans scribit, Verbum illud fuisse; iam autem post mysterium peractum, non esse. *De Verbo illo*, inquit lib. 3. p. 79. b. & 80. a. *tam in Euangelio, quam in epistola dicit Ioannes, quod erat olim. Sed de eo nunquā legitur, Est. Quam infaniam postea refutabimus, cūm asseremus Verbi æternitatem.*

Eandem hæresim de Verbo Georgius Blandrata, & Franciscus Davidis, & alij discipuli Serueti complexi sunt. Nam in disputatione, seu pseudosynodo, edita Claudiopoli in Transyluania, anno Domini M. D. LXVIII. & ipso Transyluanix Principe præsentē, Albæ Iuliæ habita, Georgius Blandrata, ex sociorum etiam impietatis suæ senten-

tia. ita loquitur in Actis sexti diei: *Verbum illud non asserimus Filium aliquem fuisse, sed Dei rationem agentis, siue voluntatem mentemque, quam habuit de exhibendo nobis Redemptore ex semine Davidis.* Et rursus ibi, sicut Seruetus, concedit post factam incarnationem, Christum vt hominem, esse Dei Verbum.

B Quod quemadmodum sit intelligendum, declarat in eadem disputatione magis Franciscus Davidis: *Verbum* (inquit in actis IX. diei) *apud Ioannem non æternam, aliquam personam inuisibilem, sed ipsum Christum designat, qui voluntatem Patris sui explicare incipiebat.*

C Aduersus hos hæreticos omnes assertio Orthodoxa nunc probanda est. Quod vt expedite fiat, notandum in primis est, Verbum diuinum & propriè dici & metaphoricè. Propriè diuinum Verbum est conceptus diuinæ mentis, quatenus ab æterno Patre omnia cognoscente procedit, & dicitur, ac eidem omnia, quæcunque cognoscit, repræsentat. D In qua quidem ratione, si spectemus communem notionem vocabuli, cum Verbo intellectuili creaturarum intelligentium conuenit. Quod diuus Damascenus lib. primo de fide, capite decimo octauo, naturalem etiam intellectus conceptum, & quasi sætum eius atq; splendorem esse descripsit. Sed id tamen, conuenientia cum

cum creato Verbo, minimè obstat, quo minus Verbum diuinum secundum rationem sibi peculiarrem & propriam, quæ ei competit, ut est diuinum, subsistens quædam persona sit, infinitè antecellens cuicumque verbo creaturæ intelligentis: quemadmodum percipi potest ex his quæ suprà de usu vocabulorum in hac disputatione, ad remouendas hallucinationes aduersariorum sanctissimæ Trinitatis, generatim annotauimus.

Eam autem Verbi diuini rationem, quæ cum verbo intellectu creaturarum ei communis est, ut exponeret D. Augustinus, primū docet, non vocetantū, sed in primis etiam cogitatione posse verbū dici: id quod pulchrè ex phrasi Scripturæ confirmat: *Etsi verba*, inquit lib. 15. de Trinitate, cap. 10. *non sonent, tamen in corde suo dicunt utique qui cogitant. Unde illud est in cap. 2. lib. Sap. Dixerunt intra se cogitantes non rectè. Exposuit enim quid esset, dixerunt intra se, cum addit: Cogitantes. Huic simile est in Evangelio Matth. 9. quod quidam Pharisei, cum audissent a Domino dictum Paralytico: Confide fili, remittuntur tibi peccata tua; dixerunt intra se: Hic blasphematur. Quid est enim dixerunt intra se? nisi cogitando. Deinde sequitur: Et cum vidisset Iesus cogitationes eorum, dixit: Ut quid cogitatis mala in cordibus vestris? Lucas autem hoc ita narrat cap. 5. Ceperunt cogitare Scriba & Pharisei*

*A dicentes, etc. Quale est in libro Sapientia, dixerunt cogitantes; tale hic est: Cogitauerunt dicentes. Et illic enim & hic ostenditur intra se atque in corde suo dicere, id est, cogitando dicere. Dixerunt enim intra se: & dictum est eis, quid cogitatis? Et de illo diuine cuius verberum fructus ager attulit, ait ipse Dominus: Luc. 12. Et cogitabat intra se dicens. Quedam ergo cogitationes loquutiones sunt cordis. Et post aliqua: Proinde, inquit, verbum quod foris sonat, signum est verbi quod intus lucet, cui magis verbi competit nomen. Deinde hanc doctrinam accommodat ad verbum diuinum: Quisquis igitur, inquit, potest intelligere verbum non solum antequam sonet, verum etiam antequam sonorum eius imagines cogitatione voluantur, iam potest videre per hoc speculum atque in hoc enigmatice aliquam Verbi illius similitudinem, de quo dictum est, Ioan. 1. In principio erat Verbum, & Verbum erat apud Deum, & Deus erat Verbum.*

*D Metaphoricè verò diuinū Verbum dicitur multipliciter. Nam quidquid respectum habet ad ipsum Verbum diuinum propriè dictum, vel tanquam effectus, vel tanquam signum eius, Verbum diuinum dici potest. Ita & Scriptura ipsa diuina, & quælibet eius pars, quatenus indicat cōceptum ac Verbum mentis diuinæ, Verbum Dei dicitur: Non illud quod erat in principio Deus, sed quod id significat: Et quod (ut D. Augustinus lib. 15. de Trinitate, cap. 11.*



diuinum Verbum instar humani verbi esse. sic argumētatur: *Euangelistam, inquit, non recipiunt statim ab initio clamantem: In principio erat Verbum, & Verbum erat apud Deum, & Deus erat Verbum. Si enim Deus Verbum tantummodo in mente habet, non autem reuera ex ipso genitum ut Deū ex Deo, quomodo esse poterit apud Deum Verbum, aut quomodo Deus fuerit? Non enim verbum in mente hominis cōceptum homo est apud hominem, cum nec uiuat, nec subsistat, sed uiuuntaxat ac subsistentis motus sit, quod mox atq; enunciatum est non subsistit, & saepe vocatum nequaquam permanet: quum contra Psalmista Psal. 118. uociferatur, Dei Verbum in aeternum permanere: & in eare illi suffragator & consonus Euangelista est, cum Verbum Deum esse profitetur, & manifestatum eum esse annunciat, & aduenisse indicat, & incarnatum predicat.*

Item D. Basilius oratione contra Sabell. & Arian. Statim, inquit, ab initio Euangelista clamat: *Et Deus erat Verbum; propriam substantiam dans Filio. Ut cetera omittam quæ dicit in eandem sententiam, similiter atque D. Athanasius.*

Item D. Augustinus libro 1. de Trinitate, cap. 6. *Manifestum, inquit, est quod Verbum Dei, Filium Dei unicum accepimus, de quo post Euangelista dicit: Et Verbum caro factum est, & habitauit in nobis. De quo etiam Dei Verbo Augustinus libro 15. de Trinitate, capite 11. intelligit esse dictum illud Eccles. 1.*

*Fons sapientia Verbum Dei in excelsis.*

Item D. Ambrosius lib. 4. de fide ad Grati. c. 3. *Solum, inquit, Verbum Dei est, quod nec prolatum est, nec ἐνδίαθετορ, sed quod operatur, & uiuit, & sanat. Viuum enim est Verbum Dei & efficax, etc. Verbum igitur audis Dei Filium.*

B Et his omnibus antiquior D. Irenæus li. 1. c. 1. disputans contra Valentinum: *Joanne, inquit, unum Deum exponēte, & unum unigenitum IESVM Christū annunciante, per quem omnia facta esse dicit; hunc Verbum Dei, hunc unigenitum, hunc factorem omnium, hunc lucē verum illuminans omnem hominem, hunc mundi fabricatorem, hunc in sua uenisse, hunc eandem carnem factum & habitasse in nobis, affirmat.* Et post pauca: *Discite igitur insensati, quoniā Iesus, qui passus est pro nobis, qui inhabitauit in nobis idem ipse est Verbum Dei.* Et rursus li. 4. cap. 37. *Verbum, id est, Filius, inquit, semper cum Patre erat. Est autem hoc Verbum Dominus noster IESVS Christus, qui in nouissimis temporibus homo in hominibus factus est, ut finem coniungeret principio, id est, hominem Deo.*

Et Irenæo antiquior Ignatius in epist. ad Magnesianos: *Filius est ipsius Patris Verbum non prolatum, sed substantiale; non enim loquutionis articulare vox est, sed diuine efficacie substantia genita. Sic affirmant & omnes reliqui Patres. Atque ita etiam in œcumenicis Ecclesiæ Conciliis*



ciliis non semel definitum est, & à A  
cunctis fidelibus summo consen-  
su semper creditum.

### CAPVT III.

*Consutantur argumēta eorum ha-  
reticorum qui negant Verbum  
diuinum esse personam.*



ONTRA hanc autem B  
assertionē, quod op-  
ponant hēretici, non  
habent præter huma-  
nam quandam imaginationem  
suam, qua rem illam diuinam at-  
que infinitam insipientissimē me-  
tiri volunt.

1. *Stultum*, inquit loco suprā ci-  
tato Seruetus, *est de sermone seu ver-  
bo diuino, facere velle personam*. Qua-  
si hunc in modum argumentetur:  
Quod conceptus mentis seu ser-  
mo est, id non est persona. Patet  
in conceptu hominis. Verbū Dei  
conceptus quidam diuinę mentis  
est. Non est igitur persona. Quo  
argumento & Sabellianos olim  
fuisse vsos, intelligi potest ex D.  
Basilio in ser. contra Sabell. & D.  
Athanasio ferm. 3. contra Arian.

Respondet autem pulchrē D.  
Athanasius: *Non est, inquit, quaren-  
dum, cur non tale sit Dei Verbum quale  
nostrum est, cum Deus nequaquam ta-  
lis sit, quales nos sumus*. Et suprā do-  
cuimus, rationi proprię illius rei  
diuinę, quia infinito interuallo  
excedit rationem rei creatę, lon-  
gē diuersissima conuenire.

2. Sed: Erat, inquit etiam Ser-  
uetus, dixit Euangelista de illo  
verbo; nō est. Non permanet igitur  
tanquam quiddam subsistens.

Respondeo, *Erat* dixit, vocabu-  
lo indefinitam durationem signi-  
ficante vsus: non vt indicaret di-  
uinum Verbum aliquando non  
fuisse futurum: sed vt nunquam  
non fuisse intelligeretur. *Indefini-  
tē*, inquit D. Ambrosius li. i. de fi-  
de, ca. 5. *tenditur, Erat. Quidquid ex-  
cogitaueris; Erat Filius*. Et obstruit  
Serueti blasphemū os de hoc ipso  
Dei Verbo (vt Athanasius, Basi-  
lius, & alij Patres interpretantur  
paulō suprā citati) Propheta in-  
quiens Psal. 118. *In æternum Domine  
Verbum tuū permanet in cælo*. Quod  
C si Dei Verbum erat & non est, vt  
desipuit Seruetus, Deus desit es-  
se. Nam *Deus erat Verbum*. Itaque  
sine Deo fuit Seruetus, hoc est,  
verissimē Atheus, quemadmo-  
dum & eius blasphemij discipuli  
nunc sunt.

3. At, inquit etiam Seruetus,  
ipsemet Pater loquens dicitur es-  
se logos seu Verbum, vt inquit  
D Irenæus.

Respondeo. Non stultē fecit  
Sernetus quòd nō indicat locum,  
vbi tale quid dicat Irenæus. Nihil  
enim tale apud Irenæum inueni-  
tur. Quanquam cū ex locis alijs  
paulō superiūs citatis cōstet eui-  
denter, Verbum sententiā Irenæi  
personam esse, quę sit non Pater,  
sed ynigenitus Patris: sensus illius

orationis esset, Verbū esse id quo loquitur Pater, seu Patrem loquentem esse Verbū vnā cum suo Patre.

4. Obiiciebant etiam, vt suprà vidimus, Samosateniani, à D. Petro Act. 13. sic dictum esse: *Verbum misit Deus filius Israël euangelizans pacem per Iesum Christum*; quasi verbum ipsum non sit Iesus Christus.

Respondeo. Primū, vt maxime verbum eo loco propriè accipiamus pro eo de quo dictum est; *Verbum caro factum est, & habitauit in nobis*, non ideo tamen cogimur Verbum à Filio diuidere. *Possumus enim*, (inquit D. Athanasius oratione contra Arian. de dicto Deus ex Deo) *contra hanc obiectionem aliquid simile reperire, idq; ex epistola ad Corinthios: Expectantes, inquit Apostolus, reuelationem Iesu Christi, qui & confirmauit vos inculpabiles usque in diem Domini nostri Iesu Christi. Ut enim non alter Christus diem alterius Christi expectantes confirmat; ita quoque Verbum misit Pater carnem factum, vt cum iam homo esset, ipse per se ipsum euangelizaret. Atq; ideo statim subiunxit: Hic est omnium Dominus, Dominus autem omnium Verbum est.* Haec tenus D. Athanasius.

Deinde, si Verbum illo loco accipiamus impropriè, vt idem sit quod summum illud beneficium pacis, quod hominibus est allatum per Christum, quatenus id erat præparatum atq; constitutum æterno ipso Verbo conceptuque diuino: nullius erit momenti ca-

A obiectio. Sententia enim verborum D. Petri erit, Deum id beneficium contulisse hominibus annuntiando pacem per Iesum Christum. Ita vt dictio, euangelizās, in eo loco referatur ad Deum ipsum, non ad Dei Verbum.

5. Posset autem & illud hoc loco obiici, quod sapientia diuina, & bonitas, & aliud quodcunq; attributum ex iis quæ conueniunt Deo, quin immò conceptus etiā diuinus, qui personis omnibus diuinis communis est, verissimè est atq; dicitur Deus: cum nihil sit in Deo, quod non sit Deus. Nec tamen inde consequitur attributum aliquod diuinum esse suapte ratione subsistentem personā. Si enim persona esset, neutiquā esset cōmune tribus personis. Pari ergo modo vitiosè in proposito colligitur Verbū diuinū esse per se subsistentem personā, quoniā ab Euangelista Ioanne Deus esse dicitur.

Respondeo. Sapientia diuina aut aliud quodcunq; attributum diuinum, Deus est, & dicitur, nō ex propria ratione sua, sed identicè (vt in scholis loquimur) propter summam Dei simplicitatem, quæ non patitur vt quidquā sit in Deo quod non re ipsa sit ipse Deus. At Verbum diuinū ex propria ratione sua dicitur ab Euangelista esse Deus, & quidem Deus qui in mūdum venerit, & cum hominibus habitauerit, quidq; sit Patris vni-genitus, & cetera, quæ vt vidimus non

non possunt tribui nisi subsistenti personæ. Propriam enim Verbi diuini rationem & mysteriū (quantum obscura fidei cognitio potest capere) instituit eo loco Euangelista nobis exponere: nempe quid sit Verbum illud diuinum, & quid causa salutis humanæ, ipsum per se gesserit. Sicut rectè D. Hilarius li. 7. de Trinit. non longè ab initio ait: *Cum audio, inquit, & Deum erat. Verbum, demonstratum intelligo esse, quid est.* Ita fit vt ex modo quo Verbum diuinum Deus esse dicitur, rectè ipsum suapte ratione personam esse colligamus: non autem possimus perinde colligere attributum aliquod diuinum esse per se personam, licet Deus, hoc est, idem quod Deus, esse dicatur.

6. Posset obiici, quod Verbum diuinum est conceptus quidam mentis diuinæ. At diuinus conceptus omnibus personis diuinis est communis: cum æquè illæ omnes intelligant, atq; adeo dicant intellexit illi modo eaq̃ intelligunt. Non est igitur diuinū Verbum persona.

Respondeo. Conceptus diuinus non vno modo, sed duobus in illa re diuina inuenitur: vt docet D. Augustinus lib. 15. de Trinitate, c. 17. nempe essentialiter, quo pacto commune quiddam est diuinis personis omnibus; & notionaliter seu personaliter, quo pacto rursus accipitur dupliciter. Vno modo pro conceptu à Patre producto, & sic proprium quiddam

est Filij, vel potius est ipse Filius, & Verbum propriè sumptum. Altero modo pro conceptione ipsa Patris, qua tanquam operatione quadam sibi propria Verbum illud producit. Iam conceptus qui personis omnibus est communis, nō est nisi ille absolutus & essentialis, qui quomodo differat à conceptu notionali, commodius explicabitur in secundo huius operis libro, vbi de ordine originis, qui est inter diuinas personas, à nobis differendū est. Atq; ibi, essentialiter & personaliter (vt dicimus) conceptū in diuinis esse oportere, ex ipsa ratione huius mysterij, q̃ fides exponit, manifestè conuincemus.

Nonnullā tamen hoc loco controuersiam video esse posse de nomine: Vtrū scilicet conceptus ille diuinæ mentis essentialis & communis personis tribus, posset etiā dici Verbum; ita vt Verbum in diuinis, non modò personaliter, vt Ioannis 1. Apocal. 19. & 1. Ioan. 5. sed etiam essentialiter vsurpetur.

Et videtur conceptus ille essentialis Verbum dici posse. Primò, quia probabilis multorum sententia est, Verbum mentis idem esse re ipsa quod conceptum seu notitiā mentis. Igitur quot modis dicitur in diuinis notitia seu conceptus, totidem etiam poterit dici Verbum. At conceptus, vt notauimus, dicitur in diuinis non solū personaliter, sed etiam essentialiter: Ergo etiam Verbum.



Secundò, quia omnes personæ diuinæ quatenus essentialiter intelligunt, intellectu modo aliquid dicunt, & velut exprimunt id quod intelligunt. Ergo & hæc notitia essentialis potest vocari quoddam essentialiter Verbum. Denique non videtur obstare ratio illa Theologorum, quam explicat D. Thomas 1. p. q. 34. art. 1. nempe Verbum in diuinis aliquid procedens significare; nihil autem commune & essentialiter in diuinis procedere. Etenim ostendit hæc ratio, Verbi vocabulum personaliter accipi in diuinis, non tamen personaliter tantum. Nam & vocabulum amoris significat quiddam procedens in diuinis, & ea propter personaliter dicitur, ut idem D. Thomas docet 1. p. q. 37. art. 1. non tamen solum personaliter, sed etiam essentialiter, quatenus significat quoque amorem communem diuinis personis omnibus, ut idem ibi docet.

Respondeo. Si tantummodò vim vocabuli perenderemus, non dubium esse, quin Verbum quoque dici posset in diuinis essentialiter. Atque hoc rectè probant argumenta proposita, & id ipsum concessit apertè D. Thomas li. 1. sententiarum, d. 27. quæst. 2. art. 2. & Ioannes Capreolus ibidem q. 2. assertionem 4. Ceterum ad cauendum periculum erroris, soliti sunt Theologi Verbi vocabulum tantummodò notionaliter usurpare,

ne quis fortè putet Verbum non esse nisi quiddam commune omnibus personis. Neque est eadem ratio de vocabulo amoris. In iis enim explicandis, quæ in diuinis pertinent ad voluntatem, maiori laboramus penuria vocabulorum. Vnde fit ut ad exprimendū actum voluntatis diuinæ, quæ personæ ipsæ se amant, cogamur uti essentialiter vocabulo amoris seu dilectionis, tametsi hoc idem vocabulum personaliter & notionaliter accipiatur. Sed, ut dixi, hæc quæstio non est de re, sed tantum de nomine.

#### CAPVT IV.

*C*Esse quoque Spiritum sanctum subsistentem personam: & responsio ad argumenta contraria.



Nunc sequitur, ut item probemus, Spiritum sanctum esse subsistentem quandam personam. Hoc enim Hæretici etiam quidam tum veteres, tum recentiores inficiati sunt: *Spiritum sanctum* (inquit D. Gregorius Nazianzenus oratione 5. de Theol.) *Saducei penitus non esse censuerunt.* D. etiam Athanasius in libro de communi essentia Patris, & Filij, & Spiritus sancti, contra hæreticos quosdam disputat, qui asserabant Spiritum sanctum tantummodò esse quoddam Dei donum siue virtutem.

Et



Et Serueti delirantis sunt hæc verbalibro 1. de Trinitate, fol. 28. *De Spiritu sancto non fit mentio, nisi ubi est sermo de agendo, quod est, inquit, notatu dignum; quasi Spiritus sanctus non rem aliquam separatam, sed Dei agitationem, energiam quandam, seu inspirationem virtutis Dei designet.* Et rursus lib. 6. in fine: *Dic igitur (inquit) quod Spiritus sanctus est diuina in hominis spiritum agitatio. Et quia sic mouendo, Christo credentes sanctificat Deus, ideo dicitur spiritus in homine sanctus.*

Et Georgius Blandrata in Alb. act. 6. dici: *Quæstio est, inquit, virum Verbum & Spiritus sint persona? Nos dicimus, non esse personas, aut indiuidua, aut aliud sophisticum, sed esse altissimi Dei Patris virtutes, quibus & olim, & nunc quoque, in noui mundi creatione utitur.* Idem etiam sensit Frāciscus Dauidis ibidem in actione 5. dici, & Budæus in demonstratione, quod Christus non sit idem Deus, qui est Pater, fol. 3. & 4. & alij Serueti discipuli.

Ecclesia Christi contrā, perpetuò sensit, Spiritum sanctum esse verè personam subsistētem. Cū autem nomen Spiritus in Scriptura sacra multis modis accipiatur, cum nos in proposito Spiritum intelligimus, qui vt ex Orthodoxa sententia notat D. Athanasius epist. ad Serapionem initio, nuncquam in Scripturis sanctis *simpliciter nominatur Spiritus, sine addita-*

*A*mento Dei, aut Patris, aut à me, hoc est, ex Deo, vel absque articulo, vel Christi, vel Filij, aut, vt non adiungatur, Sanctus, aut Paracletus, aut Veritatis, hoc est, Filij, qui se nominat Veritatem, nisi cū quod prius distinctè commemoratum est de hoc Spiritu, postea simpliciter repetitur. Ibi enim, inquit Athanasius, ex superioribus recognoscitur, de quo Spiritu mentio fiat, etiam si insequentibus nudum tantummodò Spiritus vocabulum sit positum.

Cui doctrinæ D. Athanasij non repugnat Hilarius lib. 7. circa medium, cū ait, per Spiritum sanctum aliquando Patrem, aliquando Filium, aliquando Spiritum ipsum Paracletum significari: vnde Seruetus lib. 1. de Trinit. fol. 3r. insulse colligit, confusa apud nos esse omnia. Etenim si attentè legatur Hilarius, planè intelligi potest, sententiam eius non esse, ita Patrem, aut Filium, per Spiritum sanctū aliquando significari, quasi Pater ipse, aut Filius, aliquando Spiritus sanctus in Scripturis nominetur, sed quia quandoque Spiritus sanctus in Scripturis dicitur Spiritus Patris, & quandoque Spiritus Filij, atque adeò tum Pater, tum Filius per Spiritum sanctum obliquè (vt sic dicam) solet significari.

Id patet ex Scripturæ locis, quæ D. Hilarius ad id explicandum inducit. Nam Patrem per Spiritum significari ait, vbi dicitur: *Spiritus*

*Domini super me, propterea unxit me.* Et rursus: *Ecce puer meus quem elegi, ponam Spiritum meum super eum.* Et postea subiungit: *In Spiritu autem Dei, Patrem Deum significari, ita existimo intelligi oportere, quod Spiritum Domini super se esse Dominum.* **E** S V S *Christus professus sit, propter quod eum ungit, & mittat ad euangelizandum.* Paterna enim natura virtus in eo manifestatur. Et post pauca: *Filium verò, inquit, hoc modo per Spiritum Dei demonstratum intelligimus, cum dicit: Quod si in Spiritu Dei ego eiicio Demones: utique appropriauit in vobis regnum Dei: scilicet, id est, natura potestate (atq; adeo cooperante Spiritu ipsius sancto) Demones eiicere demonstrans: qui non nisi Dei Spiritus eiici possint.* Tum etiam nomine Spiritus Dei expressam significationem Spiritus Paracleti extare dicit in illo loco: *Effundam de Spiritu meo super omnem carnem.* In quibus sanè locus patet, non nisi ex obliquo (vt dicebam) Patrem, aut Filium per Spiritum sanctum denotari.

Illum igitur Spiritum sanctum, qui iuxta D. Athanasij obseruationem in Scripturis frequenter commemoratur, veram atq; subsistentem esse personam, probamus primum ex iisdem Scripturis hoc modo. Necessè est fateri id esse personam verè subsistentem, quod & operatur, & cognoscit, & iudicat, & loquitur, & docet, & annunciat, & arguit, & cōsolatur,

**A** & vnà cum aliis personis testimonium perhibet, ac similiter, vt ille nominatur, & mittit, & præcipit, & adiuuat, & constituit Rectores in Ecclesia, aliaque eiusmodi facit, quæ fieri nisi à persona subsistente, & intellectu, & voluntate, & facultate operandi prædita, nequit intelligi. At hæc omnia Spiritui sancto, Scriptura sacra verissimè tribuit. Confitendum est igitur, Spiritum sanctum personam verè subsistentem esse.

Id patet ex his testimoniis, 1. Corinth. 12. *Omnia autem hac operatur vnus atque idem Spiritus.* 1. Corinth. 2. *Quæ sunt Dei nemo nouit, nisi Spiritus Dei.* Act. 15. *Vsum est Spiritui sancto.* Act. 13. *Dixit Spiritus sanctus.* Ioan. 14. *Docebit vos omnem veritatem.* Ibidem: *Quæ ventura sunt annuntiabit vobis.* Ioan. 16. *Arguet mundum de peccato.* Ioann. 14. *Paracletus autem (id est, consolator) Spiritus sanctus.* 1. Ioan. 5. *Tres sunt qui testimonium dant in celo, Pater, Verbum, & Spiritus sanctus.* Matthæi 28. *Baptizantes eos in nomine Patris, & Filij, & Spiritus sancti.* Isaïæ 61. *Ad euangelizandum pauperibus misit me.* Act. 13. *Segregate mihi Paulum & Barnabam ad opus ad quod assumpsi eos.* Rom. 8. *Spiritus adiuuat infirmitatem nostram.* Act. 20. *In quo vos Spiritus sanctus posuit Episcopos regere Ecclesiam Dei.* Certè desipit qui hæc, & alia id genus præstari posse putat ab eo, qui nō est subsistēs intelligensq; persona.

Sed

Sed habent Serueta discipuli, vt insipientes se esse prodant, modum ineptissimum, quoad istam probationis formam respondeant, nempe dici in Scriptura, Spiritum sanctum hæc facere, non quia ipse faciat, sed quia Deus per illum, hoc est, per virtutem suam, vel per agitationem illam, seu motum, seu donum in creaturis (quod Spiritum sanctum esse Seruetus putat) ea faciat. Dicitur, inquit Franciscus Dauidis act. 5. dici, *Spiritus sanctus distribuere sua dona sicut vult, quia Deus sua dona per Spiritum distribuit sicut vult*. Hanc interpretationem confirmat, quia & de vento dicitur; Ioan. 3. Vbi vult spirat, neque ideo tamen ventus est persona.

Hoc verò commentum interpretationis, in tot locis, præsertim, & in quibus tam varia & multiplicia Spiritui sancto tribuuntur operationum genera, quis, obsecro, prudens ferat? Nā quod de vento nobis obiicit, ipso vento longè leuius est. Cum enim dicit Dominus: *Spiritus ubi vult, spirat*, motum atque agitationem quandam rei naturalis, spirationis vocabulo significauit, quæ non voluntate ac iudicio, sed naturā à ventis concitatur. Vnde fit, vt intelligi necesse sit, voluntatem eo loco tributam esse vento, non nisi improprie, quatenus instar cuiusdam voluntatis est illi inclinatio sua naturalis. At Spiritui sancto

A operationes locis citatis tribuuntur, quæ cum ratione peraguntur; vt dona diuidere, docere, præcipere, arguere, &c. Quare personam eum esse subsistentem voluntate vera præditam, cuius arbitrio illa omnia operetur, necesse est.

At, inquit, ubi suprā Franciscus Dauidis: *Deum unum ille Pater dicitur in Scriptura omnia efficere*. Nemo negat. Sed quæ Pater facit, ea similiter omnia Spiritus sanctus (sicut etiam & Filius) operatur: cum sit, vt infrā demonstrabimus, eiusdem potestatis atque naturæ.

C Deinde Spiritum sanctum personam esse subsistentem, contra hæc commenta vanissimarum interpretationum, testimonio confirmamus omnium Orthodoxorum Patrum, qui hanc assertionem Catholicam ex iis Scripturæ locis, quos citauimus, certissimè didicerunt. Nam D. Basilius postquam pleraque testimonia iam citata de Spiritu sancto, & alia similia de diuino Verbo, commemorasset, ad extremū, lib. 5. contra Eunom. ita concludit: *Quare quod vnicū sit Verbum, & persona perfecta, & Spiritus similiter, ea quæ nunc reuera sunt, abundè docere possunt*. Item D. Gregor. Nazianzenus orat. 4. de Theologia initio, tanquam si ex instituto agitationem illā Seruetiani Spiritus exagitandam suscepisset, sic inquit: *Si Spiritus sanctus est actus, agatur procul*



procul dubio, non aget. *Qui sit ergo, ut agat ipse, atque hæc & illa dicat, & segreget, & mereat, & ad iram incite-  
tur, & quacunque rei motu agitata per-  
spiciat sunt, non autem modus.* Vnde  
côcludit Gregorius: *Spiritum san-  
ctum ex eorum numero omnino statu-  
endum esse, quæ per se subsistunt.* Simi-  
lia passim reliqui omnes Patres,  
itemque Orthodoxa Concilia, B  
vbicunque Spiritum sanctum tan-  
quam personam tertiam Patri &  
Filio annumerant.

1. Obiiciunt præterea hæreti-  
ci tum veteres, tum recentio-  
res, Spiritum sanctum donum &  
pignus hæreditatis nostræ esse:  
non igitur personam.

Sed respondet D. Athanasius  
in libro de communieffentia di-  
uinitatis, etiam Patrem in Scri-  
pturis Psal. 15. & 141. partem hæ-  
reditatis nostræ appellari. Item e-  
tiam Filium donatum esse nobis:  
neq; tamen idcirco Patrem & Fi-  
lium personas non esse. Etenim  
ipse nobis personæ diuinæ donan-  
tur, cum illarum dona nobis tri-  
buuntur, quibus ipsis fruimur. Et  
certum ex Scripturis est, dona  
Spiritus sancti aliud quiddam esse  
quàm ipsum Spiritum sanctum, ut  
est etiam donum quoddam. Do-  
na enim Spiritus sancti fructus  
ipsius Spiritus sancti sunt. Gal. 5.  
ac proinde aliquand ab eo distin-  
ctum. Item ea ipsa Spiritus san-  
ctus distribuit sicut vult, 1. ad Co-  
rinth. 12.

2. Obiiciebant etiam, nomen  
Spiritus sancti non ad personam  
aliquam, sed ad naturam poti-  
us diuinam referri, ratione cu-  
ius, cum spiritualis sit, tam Pa-  
ter quàm Filius sit ac dicatur Spi-  
ritus sanctus, quandoquidem v-  
terque illorum est & Spiritus &  
Sanctus.

Respondent Orthodoxi, vo-  
cem illam Spiritus sancti, ut dua-  
rum dictionum vim habet, com-  
munem esse Patri & Filio. Sed, ut  
sæpe accipitur loco vnius dictio-  
nis, personam aliquam significare  
determinatam.

Ita de Spiritu sancto loquens  
D. Augustinus 15. de Trin. cap. 19.  
*Non ipse solus, inquit, est in illa Tri-  
nitate, vel Spiritus, vel Sanctus, quia &  
Pater Spiritus, & Filius Spiritus, & Pa-  
ter sanctus, & Filius sanctus: quod non  
ambigit pietas. Et tamen iste non fru-  
strà propriè dicitur Spiritus sanctus.  
Quia enim est communis ambobus, id  
vocatur ipse propriè, quod ambo com-  
muniter.* Et rursus lib. 5. cap. 11. Ut  
ergo ex nomine quod vtriq; con-  
uenit, vtriusque communio si-  
gnificetur, vocatur donum  
amborum Spiritus  
sanctus.





## CAPVT V.

*Nec Filium nec Spiritum S. esse illam eandem personam, quæ est Pater, sed aliam personam esse Patrem, aliam Filium, aliam Spiritum S.*

**H**anc Assertionem Catholicam, negauit in primis Praxeas hæreticus Asiaticus, aduersus quem Tertullianus scripsit de distinctione personarum in vna diuinitate eruditum librum. Hic primus asseruit ipsum Patrem descendisse in virginem, & ex ea natū fuisse, & passum, vt refert Tertullianus initio illius libri.

Deinde distinctionem personarum, negauit etiam Sabellius, qui personam ipsam Patris dicebat nominari Filium, quatenus carnem sumpsit, item etiam eundem Patrem nominari Spiritum sanctum quatenus sanctificat nos. Verba ipsiusmet Sabellij refert D. Athanasius orat. contra Arian. de dicto illo: *Deus ex Deo*, non procul à fine: *Quemadmodum* (aiebat) *diuersa genera sunt gratiarum, idem autem Spiritus: ita quoque Pater cum idem sit, dilatatatur in Filium & Spiritum.*

Eundem errorem tandem etiam Seruetus complexus fuisse videtur, quem hominem verè dixeris monstrum quoddam ex omnibus penè fabulis atque errori-

**A**bus veterum hæreticorum compositum. Eius enim verba lib. 2. Dialog. de Trin. hæc sunt: *Cum dicimus Deum, consideramus eum separatim extra omnem creaturam, & ineffabilem. Cum verò dicimus Verbum, consideramus prolatam* (ferè dixit, dilatatam, vt ipse Sabellius) *illius in hoc mundo presentiam. Et cum dicimus Spiritum, consideramus spirantem eius in mundo virtutem.* Et Valentinus Gentilis prothesi 9. *Non est, inquit, vnus Deus in tres personas distinguendus. Qui id facit, necessariò vnus Dei substantiam diuidit.* Hos hæreticos recentiores in eo cum Sabellio consentire dico, quòd negāt tres distinctas personas esse in ipsa quidem diuinitate.

**C** Orthodoxi contra veteres & novos Sabellianos eam assertionem probant. i. apertis Scripturæ testimoniis. Quale in primis est illud Ioā. 14. *Ego rogabo Patrem, & alium Paracletum dabit vobis, Spiritum veritatis. Quem locum pulchrè, & planè euidenter his verbis vrget D. Athanasius orat. contra gregales Sabell.* *Cum de Filio loquitur, Ego, inquit. Cum de Patre, ILLI, dicit. Cum de Spiritu sancto, ALIUM, subiungit. Cur non igitur manifesta defectionis & Apostasia crimen sit, negare tria, & illum, qui ista loquutus est, vnum solum esse dicere? Ac eodem ferè modo D. Basiliius serm. contra Sabelli. & Arian. Nōne, inquit, palam impudens es, cum audis, EGO, de Filio, ILLI, de Patre,*

*ALIVS, de Spiritu sancto, & omnia tu misces, & omnia confundis, & unirei omnes appellationes attribuis. Utuntur Patres illis etiam locis: Solus non sum, sed qui misit me Pater mecum est, Ioannis 6. Et: Alius est, qui testimonium perhibet de me, Ioannis quinto. Et sunt alia eius generis plurima testimonia, ex quibus distinctio personarum eidentissimè apparet.*

2. Confirmant eandem assertionem Orthodoxi quibusdam aliis testimoniis Scripturæ, quæ cum vnam personam cum alia, vel apud aliam esse indicant, illarum distinctionem manifestè declarant. Ut cum Prouerbiorum octauo dicit Sapientia genita: *Quando appendebat fundamenta terra cum eo erant cuncta componens.* Et Ioannis capite primo: *Verbum erat apud Deum.*

3. Illis etiam, quibus dicitur, vna persona esse in alia, ut Ioannis primo: *Unigenitus qui est in sinu Patris.* Et cap. 14. *Ego in Patre, & Pater in me est.*

4. Illis, quibus ad vnam personam per aliam, seu auxilio alterius, refugium habere dicimur. Ut ad Ephesios secundo: *Habemus accessum ad Patrem per Filium in vno Spiritu.*

5. Illis, quibus hæ tres personæ, tanquam planè distinctæ numerantur, ut Matth. 28. *Baptizantes eos in nomine Patris, & Filij, & Spiritus sancti.* Et 2. ad Corinth. vlti-

mo: *Gratia Domini nostri Iesu Christi, & caritas Dei, & communicatio sancti Spiritus.* Et 1. Ioan. 5. *Tres sunt, qui testimonium dant in cælo, Pater, Verbum, & Spiritus sanctus.*

6. Confirmant hanc assertionem Orthodoxi argumento ducto à ratione vera, tum Patris, tum Filij. Nam si quidam in diuinitate verus Pater est, & quidam verus Patris Filius, ut Scriptura apertè confirmat, igitur distinctæ personæ sunt: cum necessaria penitus sit distinctio inter Patrem & Filiū. Rectè enim in oratione de dicto illo; Deus ex Deo, diuus Athanasius: *Verus, inquit, Filius existit, non animi imaginatione formatus. Ut enim verus est Pater, ita quoque verè est Sapientia. Atque ita fit, ut duo sint, non autem secundum Sabellium idem Pater et Filius.* Ac persequitur idem argumentum pluribus verbis Tertullianus in lib. aduersus Praxeā: *Quia, inquit, Pater verè genuit Filium: ergo dua personæ sunt.* Alioqui eadem res, inquit, vbi suprà, idè Athanasius, *erit gignens & genitum. Quæ absurditas, inquit, in Sabellianis residet.* Quod argumentum similiter pro distinctione Spiritus sancti duci potest à vera illius processione.

7. Confirmatur eadem assertio consentiēte auctoritate omnium Orthodoxorū Patrum, quorum passim in libris exstat confessio veræ Trinitatis personarum, ut infra commodiori loco capite vice-

cesimo docebimus. Itemque auctoritate ipsius Ecclesiæ Catholicæ, quæ in omnibus Conciliis fidenter in Patrem, & Filium, & Spiritum sanctum ab Apostolis acceptam, ut inquit D. Irenæus libro primo, cap. 2. sanctissimè ante omnia protecta est.


Obiiciunt autem tum veteres, tum recentiores Sabelliani, Ecclesiam, cum tres personas distinctas in diuinitate asserit, multitudinem Deorum cum Ethnicis inducere. Eos verò, quòd id obiiciant, iure ac meritò D. Athanasius oratione contra gregales Sabellij, Iudaicæ inficiationis ministros appellat. *Aqui hinc est, inquit Athanasius, quòd & ab Ethnicis & a Iudeorum quoque blasphemia discessimus, dum etiam Filium Dei agnoscimus, & eius perniciosam abnegationem euitamus.*

Cur autem multitudinè Deorum minimè idcirco cum Ethnicis inducamus, rationem reddit ex Orthodoxa sententia D. Gregorius Nazianzenus oratione 3. de Theologia: nempe quia per vnam atque eandem essentiam, eorum personarum quamlibet esse Deum profiteamur, ut postea suo loco monstrabitur: atque ita vnum nihilominus retinemus diuinitatis principatum: Nos, inquit, vnius Dei principatum colimus, non quem persona vna circumscibit, sed quem aequalis natura præstantia constituit, voluntatiq; consensio, mo-

**A** tus identitas, atque ad vnam eandemq; rem coniuncta propensio, ita ut etiam si numero differant, auctoritate tamen & potentia minimè inter se dissideant. Ceterum hos tres esse vnum, ut Euangelista etiam testatur, postea ca. 26. probandum est. Vbi etiam sequenti cap. 27. respondebimus ad alia argumenta hæreticorum, quæ non propriè distinctionem personarum secundum se oppugnant, sed distinctionem illarum in vna & eadem diuinitate.

## CAPVT VI.

*Non modo Patrem, sed etiam Filium esse verum Deum. Vbi prius tamen quàm hac assertio probetur, recensentur contraria hæreses.*



**P**ATREM esse verum Deum, nemo aperte negat: & tamen illi omnes reuera id negant, qui Filium & Spiritum sanctum verum Deum esse negant, **D** ideoque verissimè Athei nominantur. Nam neque Pater Deus est sine Filio Deo, neque Pater & Filius sine Spiritu sancto: Quare rectè D. Gregorius Nazianzenus orat. 2. de Theologia sic admonet: *Nihil Trinitatis in ordinem tuum redige, ne à Trinitate excidas. Nulla re vnam illam naturam ac peregrinè venerandam trunca. Alioquin si quid ex tribus*



enerteris, totum enerteris: immò à toto excideris. Et D. Athanasius, de cōmuni essentia Patris, & Filij, & Spiritus S. *Ne existiment, inquit, hæretici se gratisficari Deo Patri, cum maiorem filio pronunciantes. Non recipit Pater honorem erga se, cum Filij eius contumelia. Hac est enim, inquit, ipse Filius Ioannes 10. voluntas Patris mei, ut omnes honorificent Filium quem admodum & Patrem. Ac pulchrè etiam D. Augustinus, serm. 51. de verbis Domini: Cum de Filij contumelia honoras Patrem, & Filium offendis & Patrem.*

Filium igitur (atque adeò etiam Patrem) esse verè Deum plurimi hæretici, tum veteres, tū recentiores negauerunt. Filium autem hoc loco esse intelligimus & Verbum diuinum, & Dominum nostrum Iesum Christum: siquidem ea omnia nomina eundem vnigenitum Dei Filium in Scripturis significare, suprà demonstratum est. Principiò igitur Ebiōn, & Cherintus, & Paulus Samosatenus, & Photinus, Christum, hoc est, Filium, esse purum hominem asseruerunt. Arius etiam

A terint, & in uniuersum nihil sunt nisi creatura & opera: restat igitur ipsum quoque Dei Verbum ex non entibus factum esse: Et fuit, quando non erat, neg, erat antequam fieret, sed exordium ut crearetur, ipsum etiam habuit. Deinde cum vellet Deus nos condere, tunc vnū aliquem fecit, què Verbū, Filium, & sapientiā nominauit, ut per eius operā nos B architectaremur. Hoc ipsum Verbū consequenter censuit carnī Christi fuisse vnitum, & mundū redemisse. Ita Christū, hoc est, id Verbum carnem factum, non reuera, sed singulari quadā participatione Deū esse existimauit. Nec primus auctor huius erroris Arius fuit, sed Aëtius Sirus, & Aëtij discipulus Eunomius Galata, ut D. C. Basilii lib. 1. cōtra Eunom. testatur, à quibus etiam nominati sunt Aëtiani & Eunomiani, cum quibus aduersus Christum sanctumque Spiritum Ariani conspirauerunt.

## CAPVT VII.

Ab omnibus etiam nouis Sectariis re ipsa negari veram Christi diuinitatem: quod etiam ostenditur de Luthero & Melancthone.



PATER veteres eiusmodi hæreticos, hac etiam etate tam multi Sectarij veram Filij diuinitatem negauerunt, ut penè nulla



nulla illorum sit factio, cui non iustissimè possimus hanc notam inurere. Nam, vt summa genera sectarum complectar, omnes ferè sectarij sunt hodie, aut ex professo sanctissimæ Trinitatis hostes, quales versantur multi in Trāsylvania & Polonia; aut Lutherani, aut Caluiniani. Ex vnoquoq; autem istorum genere sunt, qui diuinitatem Christi reuera negent, alij magis, alij minus expressè.

Primus hac ætate ac omnium pestilentissimus sanctissimæ Trinitatis hostis fuit Michaël Seruetus, is qui, vt historia nostrorum temporum tradit, Caluino æmulo magistratum instigante, Genueæ ante annos triginta est combustus. Hic contendebat Christum nō esse secundum essentiam Deum illum verum, qui in Scriptura Deus Israël, & Deus vnus dicitur, sed ipsa humanitate sua, quatenus sine viri opa ex Dei substantia (vt ille loquitur) conceptus est, esse Filium Dei, & Deum, gratiā, & sanctificatione, & inhabitatione singulari diuinitatis in ipso. Itaq; vnionem hypostaticam duarum naturarum in Christo, quarum altera ille sit Deus, altera homo, atque adeo Christum secundum hypostasim suam fuisse Filium Dei æternum, prorsus negat. neque ampliùs quàm humanam hypostasim & naturam in Christo agnoscit, secundum quam vult eum esse Dei Filium, & Deum,

A modo quo dictum est. Cumque hoc modo diuinitate Christum reuera exspoliet, purumque hominem faciat, vti fecit Paulus Samosatenus, magnificè tamen predicat se Christi hominis diuinitatem hoc modo propugnare, quia scilicet eum non alia natura, sed ipsa humanitate sua, Dei Filium ac Deum esse contendat.

B Verba eius sunt lib.1. de Trinitate, folio 35. *Innumeris locis Deus Israël, Deus solus, & ipse solus esse dicitur.* Quod quomodo intelligi velit, ex illis alijs eiusdem verbis patet: *Nescio, inquit ibi fol. 34. quæ sit hominum amentia, quæ non videat omnem vnitatis Dei rationem semper ad Patrem referri.* Adduxerat enim ibi, vt probaret Christum nō esse Deum illum Israël, testimonium illud Christi; quo & Ariani utebantur: *Quid me dicis bonum?* *Nemo bonum nisi solus Deus.* Matth. 19. Ac tum subiungit: *Aduerte quod Filius est qui loquitur, ex quo omnem vnitatis Dei rationem in solo Patre esse constat.* Item li.2. fol. 58. *Spiritualiter, inquit, est intelligendum Christum esse Deum.* Item lib.1. fol. 7. *Scriptura simplicissimè de Iesv unico Dei Filio loquuntur. Nullam aliam, nullam aliam naturam, nihil præter hominem natum aut genitum Scriptura meminit.* Item Dialogo 1. de Trinitate: *Neque est in Christo aliqua rerum pluralitas: sed vna sola res, vna hypostasis, siue vna substantia, vnum plasma ex cælesti semine in ter-*

ram plantatum, in vnā substantiam coalescent.] Et quia Orthodoxi minime concedunt hominem Christum, secundum ipsam humanitatem esse Deum, addit etiam ex ignoratione Theologiæ illam calumniam: *Miror*, inquit Dialogo primo, *quod schola hætenus non crediderunt, hunc Iesum esse Dei Filium. Verè ipsi non habent aliquem vnum Filium, sed duos dimidios, alterum ex solo Patre, alterum ex sola matre. Et in concedenda illa propositione, non credunt ipsi demonstrari hominem Christum* (nempe secundum humanitatem) *sed rem illam secundam* (nempe hypostasim diuinam Verbi, quæ est hypos humanitatis.) Et rursus: *Quod autem homo ipse, siue ut vocant humanitas, dicatur Filius Dei, magnum facinus reputarent.*] Quomodo autem Christus secundum humanitatem sit Filius Dei & Deus, à plenitudine diuinitatis, quæ in ipso inhabitat, (vt antè dixi) declarat, & quidem illis portentosis verbis Dialogo primo: *Corpus ipsum Christi, inquit, est ipsissima plenitudo diuinitatis: ipsissimum corpus Christi est diuinum, & de substantia diuinitatis.*] Item Dialogo secundo: *Magnum est mysterium, quod caro illa sit eadem cum nostra, & quod à natura sua, diuinam habeat substantiam, quod in Virginis utero sit concepta, atque de Dei substantia genita.*] Item: *Caro illa communicationem patris & matris habet, & viri, & substantia consortium, non secundum par-*

*tes diuersarum rationum, sed secundum se & quodlibet sui, Dei & hominis participationem habens.*] Quæ volui paulò fusiùs recitare, non modò vt Lector intelligat, quemadmodum planè delirauerit Seruetus, sed vt incipiat cogitare secum, fuisse illum prorsus Vbiquistarum vel magistrum vel prodromum. Siquidem hi etiam, similiter acti spiritu Seruetiano, volunt, Christo non tantum secundum hypostasim suam, sed etiam secundum suam humanitatem diuina omnia prædicata competere; quo ipso veram Christi diuinitatem negant, vt in aliis libris conuicimus, & paulò post etiam repetemus.

C Serueti hæresim Franciscus Dauidis, Georgius Blandrata, & alij Serueti discipuli in Transyluania & Polonia, quotquot Trinitatem personarum in vna diuinitate negant, sequuti sunt. Verba Francisci Dauidis in disputatione Albana, actione tertiæ dici hæc sunt: *Nullibi inbet Scriptura nos credere, in Christum, tanquam in vnum illum Deum, altissimum, ex quo omnia.*] Item: *Solus Pater est vnicus Deus: & Christus ideo Deus, quia Filius illius & ab illo sanctificatus, & summa potentia pradius.* Item: *Dico ergo, Christum hominem non esse illum altissimum Iesum, sed Filium eius. Patrem Deum altissimum solum à seipso Deum dicimus, Filium verò dicimus Deum communicatione.* Vult autem (sicut

(sicut Seruetus) esse illum Deum secundum humanitatem, quatenus ei est communicata plenitudo diuinitatis, neque ullam aliam habere Filium naturam inuisibilem. In isto (inquit in actione 3. dici.) *Dei Filio IESV Christo concepto de Spiritu sancto & nato de MARIA Virgine ego habeo omnia. Hic Filius est certus & palpabilis: & in eo habitat. omnis plenitudo Diuinitatis. Illum inuisibilem Filium ego nescio quis sit.*

Item Georgius Blandrata in actione 5. dici eiusdem disputationis: *Cum Christus, inquit, innocatur, non innocatur tanquam Deus ille altissimus, sed tanquam caput nostrum, Filius Dei & mediator, qui Dominus nobis à Patre constitutus est.* Item in actione 6. dici: *Dicimus, vnum esse aeternum illum & altissimum Deum, nempe Patrem.* Item ibidem: *Non agnoscimus aliquem Dei Filium, qui non sit homo.* Item: *Dicimus præterea hunc IESVM Filium Dei de Spiritu sancto in tempore conceptum, etiam esse Deum; & hoc propter has rationes. Primò, quia de Spiritu sancto conceptus est. Secundò, quia data est illi potestas in cælo & in terra secundum humanitatem. Tertiò, quia ubique Christus testatus est se Filium Dei esse, & Spiritus sanctificationis sine mensura illi datum est.* Et ibidem Theologos reprehendit, quòd Christum hominem non secundum humanitatem, sed per idiomatum communicationem naturæ diuinæ &

A humanæ in eadem hypostasi, Deum esse concedant: *Huiusmodi, inquit, cecitas iudicij contingit Sophistis, eò quòd noluit Christum hominem Deum esse nisi per idiomatum communicationem.* Eadem est passim sententia reliquorum perduellium sanctissimæ Trinitatis, vt constat etiam ex duobus libris, quos Ministri Transyluani ante annos ferme viginti ediderunt, de falsa & vera vnus Dei Patris, & Filij, & Spiritus sancti cognitione.

Iam verò ex secta Lutherana præcipui sine controuersia fuerunt, Lutherus ipse pater, & Philippus Melanchthon, quem honoris causâ Lutherani reliqui præceptorem appellitant. Lutheri contra Latomum verba sunt: *CAnimæ mea odit vocabulum homonisationem.* J Quæ voce Patres in Concilio Nicæno consubstantialitatem Filij cum Patre, atque adeo veram Christi diuinitatem commodissimè professi sunt, vt diuus Athanasius in epistola de Synodi Nicenæ decretis ostendit. D Quid est autem, quod odit in hac voce Lutherus? Num sonum ipsum syllabarum atque formationem? Non credo. Reliquum est igitur, vt rem ea voce significatam, hoc est, Christi veram diuinitatem anima Lutheri detectata sit.

Mentitus est autem Lutherus cum ibi addidit, D Hieronymum scri-



scripsisse, latere in voce homou-  
sios venenum. Non enim hoc di-  
xit nisi de vocabulo hypostasis; eò  
quòd non pro persona tantum,  
sed etiam *p* essentia soleret vsur-  
pari, atque adeo esset periculo-  
sum dicere tres in diuinitate hy-  
postases: vt patet ex ipsius episto-  
la 57. ad Damasum. Quanquam  
neq; recusauit omnino Hierony-  
mus tres hypostases dicere, im-  
mò vt ita loqui liceret, à Damaso  
Pontifice postulauit.

Item Lutherus in caput 1. Ge-  
nesis, Filium Dei æternum, qui  
creauit omnia, *instrumentum* Patris  
appellat. Quod est dogma Aria-  
num. Sic enim Arius loquitur in  
suo libro *Thaleia*, per Filium (tan-  
quam per instrumentum) fuisse  
C reliquas creaturas architectatas,  
vt suprà recitauimus ex D. Atha-  
nasio. Constat autem instrumen-  
tum nò esse eadem præditum po-  
testate, qua pollet causa princi-  
palis. Quocirca & Georgius Blandrata, ad confirmationem suę he-  
resis contra Christi veram diuini-  
tatem, hoc ipsum testimonium  
Lutheri in act. 7. dici, disputatio-  
nis Albanæ, suis aduersariis Lu-  
theri discipulis, tanquam senten-  
tiam præceptoris confidèter ob-  
iecit.

Atq; vt in voce homoussios non  
syllabas, sed rem significatam o-  
disse Lutheri anima videtur, sic  
etiam in voce Trinitatis: quippe  
qui in Germanicis precationibus

A anno 1543. illud expungi curauit:  
*S. Trinitas vnus Deus, miserere nobis.*  
Item in suis Bibliis editis Germa-  
nicè VVittembergæ, Ienæ, Ly-  
psię, Francofordiæ, ex loco Isaia  
9. vbi Christus inter cetera *Devs*  
fortis dicitur, vocem *Devs* præ-  
termisit. Item ex epistola 1. Ioan-  
nis cap. 5. expunxit illud: *Tres sunt,*  
B *qui testimonium dant in celo, Pater,*  
*Verbum, & Spiritus sanctus, & hi tres*  
*vnus sunt.* Quæ tamen sunt, in-  
ter cetera, illustria testimonia pro  
Christi diuinitate & fide sanctis-  
simæ Trinitatis, vt infrà videbi-  
mus.

Adde, quod alibi lib. de Conc.  
par. 2. diuinitatem Christi passam  
fuisse asseuerat, & Eutychetem,  
C immò etiam Nestorium, insignes  
hostes diuinitatis Christi, excu-  
sare nititur, quasi nihil errau-  
erint, quod attinet ad sententiam,  
bonumq; zelum, & fidem rectam  
habuerint, ac D. Leonem & Cy-  
rillum potius accusandos censet,  
quasi non iure sententiam Euty-  
chetis atque Nestorij damnaue-  
rint.

D Melanchthon autem in libro  
contra Stancarum, & in epistola  
ad Electorem Brandenburgensem  
has ponit propositiones de Filio  
secundum ipsam diuinitatem: *Fili-  
um orat, intercedit, postulat, supplicat.*  
Item: *Filius minister est Patris, hoc est,*  
*Sacerdos, Pontifex, & Mediator.* Itē:  
*Filio imperat Pater, postula à me, &*  
*dabo tibi Gentem hereditatem.* Item:

*Filius*



*Filius subditus est Patri, subiectus, obediens. Quod etiam dicit in locis communibus anno 1558. editis pag. 40. Hęc autem omnia tribuit Filio (vt dixi) secundum diuinitatem. Quę omnes propositiones similiter ab Arianis assertę fuerunt, vt est videre in sermone Arianorum apud D. Augustinum tomo 6.*

Item inquit Melanchthon in epist. ad Electorem Brandeburgensem 12. Ianu. anno 1553. & lib. contra Stancarū. *Filius Dei secundum diuinitatem gloriam sibi dari ac restitui orat & postulat. Quę propositio fuit etiam Arianorum, vt est videre apud D. Cyrillum lib. 10. Thef. cap. 2. & 9. & lib. 11. in Ioan. cap. 17. & D. Augustinum tractat. 105. in Ioan. & D. Basilium lib. 4. contra Eunom. Item dicit contra Stanc. & in epist. ad Brandeburgensem: Filius Dei ante incarnationem orauit, hereditatem gentium, & regnum a Deo Patre sibi dari petens: Quę fuit etiam Arianorum assertio apud D. Cyrillum lib. 11. in Ioan. c. 18. Item ait in eodem libro contra Stanc. & ad Brandeb. Filius Dei intravit in arcanum consilium diuinitatis & in ipsum cælum secundum diuinitatem. Item in locis com. anno 1558. pag. 40. & in epist. ad Electorem Torę datam, 3. Oct. 1552. Filius, inquit, secundum diuinitatem cessit ira Patris aduersus peccata. Item in iisdem locis: Natura diuina Filij*

*obediuit Patri in passione. Hęc non sint dogmata verissimę Ariana?*

Accedit quod passim hic Philippus Filio tribuit non diuinam naturam absolutę & simpliciter, sed aliquid (vt loquitur) naturę diuinę, seu quandam naturam diuinam, quasi nõ omnino diuina sit, sicut natura Patris. In locis siquidem suis communibus Halle Sueuorum æditis anno 1539. folio 8. pagina 2. ita de Christo loquitur: *Cum haud dubię sit naturā Filius, necesse est in eo aliquid esse naturę diuinę substantialiter. Et fol. 10. pag. 2. Necesse, inquit, est in Christo aliquam esse naturam diuinam, per quam omnia sint condita. Et folio 11. pag. 2. Cum tenebimus, inquit, Christum naturā Filium Dei esse, facile poterit defendi quod in Christo sit quedam diuina natura.*

In his profectò locis vel non veram diuinam naturam Melanchthon Christo tribuit, vel veram naturam diuinā in tres quasi partes siue particulas, quarum quęlibet sit aliquid naturę diuinę, diuidit, quę est hęc is antiqua descripta a D. Augustino hęc is 74. hisce verbis: *Est alia hęc is quę iriformem sic asserit Deum vt quadam parte eius sit Pater, quadam Filius, quadam Spiritus sanctus.*

At Lutherus & Melanchthon aliās sæpę Christi diuinitatē confessi sunt. Ego verò non contendo illos Christi diuinitatem ver-

bis non fuisse aliquando confessos; sed illam aliquando etiam reuera negauisse. Quid enim ipse Seruetus? Nōne etiam verbis hominis Christi diuinitatem se cum primis defendere profitetur? Et tamen illam negat. Omnibus penē hæreticis commune est, vt pugnantiā dicant. Quo ipso non hæresis notam effugiunt, sed si mul etiam in contradictionis atque repugnantia notam incur-  
runt.

## CAPVT VIII.

*Lutheranos Vbiquetarios, verissime Seruetianos esse, & diuinitatem Christi reuera negare, atque ab ipsomet Serueto Vbiquitatem & Vbiquitatis fundamenta, cum quibus Christi Diuinitas nequit stare, fuisse mutatos.*



Am reliqui gregis Lutherani bona pars, vel dicam potius mala, est illa hominum factio, qui à dogmatis absurditate vulgò vocantur Vbiquetarij. Hi, cum auctoribus Brentio & Schmidelino, & architectis libri Concordia, volunt, hominem Christum secundum ipsam etiam humanitatem, communicatione quadam, omnipotentem Deum esse, non minus certè, quàm ipse

A Seruetus, veram Christi diuinitatem de medio tollunt.

Nam quod obseruatione dignissimum est, quodq; mihi certè, cum libros Serueti nuper diligentius euoluere, summam attulit admirationem, eadem fundamenta, & penē eadem phrasēs sunt Serueti & istorum, vt mihi videantur thesaurum illum à seculis absconditum Vbiquitatis clam à Serueto fuisse furati, eique tam præclaræ inuentionis gloriam inuidisse, quod non palam confessi sint, ipsum in propugnanda Vbiquitate se esse sequutos ducem ac præceptorem. Quis enim credat, Brentio & asseclis ignotos fuisse illos libros, quos de Trinitate Michaël Seruetus, opinionibus paradoxis, ad irritandam magis Lectoris curiositatem, plenissimos, anno Domini 1531. passim per Germaniam & Galliam euulgauit? At in his libris, hoc est, in abnegatione Christi diuinitatis, prorsus est nata & fundata Vbiquitas: vt putes non te in illis Seruetū legere, sed Brentium & Schmidelinum.

D Serueti enim scopus præcipuus in illis libris fuit, probare, homini Christo secundum ipsam eius humanitatem conuenire communicatione quadam quæcunq; sunt diuinitatis. Idem est quasi thema præcipuum factionis Vbiquitaria. Seruetus contendit, eos qui

qui Christo homini secundum ipsam humanitatem diuina non tribuunt, hominem Christum pro Deo Dei que Filio minimè agnoscere. Hoc idem Vbiquetariorum conuicium in Catholicos est millies repetitum. Seruetus, propter eiusmodi communicationem diuinitatis factam humanitati Christi, porro comminiscitur Christum hominem post resurrectionem, quo tempore maiestas eius potissimum enituit, reliquisse illud esse creatum humanitatis, quod per incarnationem acquisiuerat, & transisse in Verbi diuinitatē. Idem fuit somnium Arianicum Brentij Vbiquetariorum Patris. Seruetus affirmavit, Christum hominem postquam in resurrectione exaltatus fuit, secundum ipsam etiam humanitatē communicatione quadam esse æqualem suo Patri. Hoc idem delirium est etiam Vbiquetariorū. Seruetus hæc sua placita confirmat ex sessione Christi ad dexteram Patris: item ex iis Scripturæ locis, in quibus homo ille Christus, Filius Dei, ac Deus esse, accepisseque omnipotentiam dicitur. Eadem sunt Vbiquetariorum fundamēta perperam ab his intellecta. Seruetus ex eiusmodi assertionibus atque principiis tandem ipsam quoque Vbiquitatem Christi humanitatis disertis verbis producit in medium. Hæc au-

tem ipsa Vbiquitas quasi Dalila Vbiquetariorum est. Seruetus denique dum ita de Christo homine sentit, veram eiusdem Christi diuinitatem retinere simul non potest, sed eam abnegare cogitur, præter modum humanitatem extollens. Eandem igitur Christi diuinitatem & Vbiquetarij abnegant, cum similiter humanitatem Christi vsque adeo efferunt, ut secundum illā velint homini Christo diuinitatis perfectiones competere. Diuinitas enim quæ alicui secundum humanitatem attribuitur, non potest esse vlllo modo vera diuinitas.

Sed conferamus de iis omnibus non modò sententias, sed etiam verba ipsa Serueti & Vbiquetariorum, ut euidentius intelligi possit, quàm exiguum vel potius nullum sit inter Seruetiana & Vbiquetaria commenta discrimen.

I. Seruetus librorum suorum scopum his verbis Lectori indicat lib. 1. de Trinitate initio: *Pronomine demonstrante hominem, quem humanitatem appellant, (id est, de homine Christo secundum humanitatem, ut inculcat aliàs passim) demonstrabo hæc tria. Primò, hic est Iesus Christus. Secundò, hic est Filius Dei. Tertiò, hic est Deus.* Similiter Schmidelinus Vbiquetarius in libro aduersus disputationem nostram contra fundamēta duarum



Sectarum. pag. 9. *Constanter, inquit, asserimus in his propositionibus: Hic homo Christus est Deus, etc. humanitatem a subiecto non excludi.*

II. Seruetus Dialogo I. de Trinitate: *In concedendis his propositionibus non credunt ipsi (Catholici) demonstrari hominem Christum (secundum humanitatem) sed rem illam secundam, id est, verbi hypostasim sustentantem humanitatem. Quod autem homo ipse, sine ut vocant, humanitas, dicatur Filius Dei, magnum facinus reputarent. Similiter Schmidelinus Vbiquetarius loco citato, pag. 10. Recte Lutherus, dixisset etiam Seruetus, in Scholasticis Theologis damnauit, quod à subiecto illarum propositionum: Hic homo est Deus omnipotens: humanitatem remouent; ut sit sensus: Filius Dei seu persona hac Verbi, quæ sustentat naturam humanam, est Deus omnipotens.*

III. Seruetus lib. I. de Trinitate, fol. 26. *Inutiliter se Christi diuinitatem defendere nugantur (Theologi Scholastici) immo non potuissent Antichristus diuinitatem Christi plus destruere quam ipsi faciunt, cum nihil eorum quæ diuinitatis sunt homini Christo (secundum humanitatem) tribuant, & nos Christi & carnis eius, & corporis eius naturam in Deum exaltatam glorificamus. In eandem sententiam Schmidelinus Vbiquetarius contra annotationem nostram primam de controuersia Vbiquetaria sub finem: Capere non*

*A* possunt (Theologi item, qui diuina homini Christo non tribuunt secundum humanitatem) quod homo Deus sit, & Deus homo, aut quomodo sub nomine, homo, corpus & anima rationalis debeat ibi intelligi. Item contra disputationem illam nostram p. 14. *Constanter affirmamus humanam naturam ad equalitatem gloriæ & potestatis cum diuino Verbo exaltatam esse.*

IV. Seruetus Dialogo I. de Trinitate. pag. 29. *Illud esse creaturam, quod per incarnationem Christus acquisiuit, ita ac si esset res accidentalis, omissum est in resurrectione. Nihil est nunc in Christo quod sit animale: Est per resurrectionem Christus omnino consummatius & glorificatus ut ad pristinum Verbi statum redierit, & sit ibi Deus & in Deo*  
*C* *sicut antea. Apparet hoc in figura virgæ, quæ ad manum Moysi reducta est in statu in quo erat ante incarnationem. Talis factus est regressus de homine in Deum, qualis olim factus est egressus de Verbo in carnem. Similiter Brentius Vbiquetarius in recognitione doctrinæ suæ de Maiestate Christi, pag. 67. & 68. Non est pueriliter cogitandum quod Christus commoretur in cælo illa semper forma qua visibiliter ex monte Olivæ ascenderat, etc. Sed receperit formam Dei quæ aliquando diu forma serui seculi fuerat. Ita etiam Ariani apud D. Athanasium in capitibus ad Eustathium, dixerant: Christum exuta mortalitate, formam serui, hoc est, humanitatem, in Domini & Dei gloriam transformauisse.*

V. Por-



V. Porro Seruetus Dialog. 2. de Trinit. *Ille ipse, inquit, Christus est nunc per resurrectionem in tantam gloriam euectus, quod nunc non diceret, Pater maior me est. Similiter Schmidelinus Vbiquetarius in disputatione VVirtemberg. numero 109. Postquam per resurrectionem exaltatus est, secundum carnem, etiam ut homo, siue secundum humanam naturam, ubique presens cum Patre & Spiritu sancto æQUALI potentia regnat.*

VI. Seruetus Dialog. 2. Eandem, inquit, cum Patre habitat ipse (Christus ut homo) lucem in accessam, aliis non esset ad dexteram Patris. Similiter Schmidelinus Vbiquetarius in disput. VVirtemb. numero 123. *Maiestatem, quæ Verbi diuini propria est, verè & realiter assumpta natura communicauit Filius Dei. Id quod articulus Symboli Apostolici: Sedet ad dexteram Dei Patris, confirmat.*

VII. Seruetus Dialog. 2. *Ille quem Deus ex sua substantia unicum genuit (Christus secundum humanitatem) qui omnem habet Dei potentiam, cuius sunt omnia quæ habet Deus, non est certa loci capacitate finitus (En Seruetum Vbiquetarium, Vbiquetarios Seruetianos) sed inferiora & superiora sua plenitudine implens; Non est in aliquo certo loco circumscriptus. Est in tertio celo, unde & ubi omnia implet: Non furnos, & cloacas (ita penè ad verbum Architecti Apologia libri Concor-*

*A* dia nuper Vbiquitatem suam tergiuerfantes interpretati sunt) sed spiritalia & suæ habitationis capacia, siue in celo sint, siue in terra. Similiter Schmidelinus Vbiquetarius in disputatione VVirtemberg. numero 218. *Ne illum in aliquo cæli loco à nobis remotissimum fingamus, Diuus Paulus omni errore nos liberat. Qui descendit ipse est, & qui & ascendit supra omnes cælos, ut impleret omnia.*

Possent multas alias huius generis sententias Serueti & Vbiquetariorum inter se simillimas in medium proferre. Sed has pauca puto sufficere, ut Lector intelligat, nullam me facere iniuriam Vbiquetariis, quod eos affirmem idem de homine Christo, quod Seruetianos sentire, ac proinde similiter vnigeniti Dei Filij diuinitatem re ipsa, licet non verbis negare. Quod & in aliis libris ex instituto à me demonstratum est, in quibus commenta hæc omnia Vbiquetaria, vel Seruetiana potius, coargui.

## CAPVT IX.

*D* Negari etiam re ipsa Christi diuinitatem à Caluinianis: ac meritiò etiam in hac re suspectum haberi posse Erasum.



Vnc transeo ad Caluinianos, qui si doctrinam Caluini præceptoris sui probant,

iure etiam eos in illorum hæreticorum numero ponimus, qui Filij diuinitatem, alij aliis modis, inficiati sunt. Etenim sensit Caluinus libro contra Gentilem, nomen Dei  $\kappa\epsilon\iota\upsilon\pi\epsilon\rho\chi\eta\mu$ , hoc est, per excellentiam, soli Patri attribui, vt etiam loquitur Hieronymus quidam Zancius in opere suo, quod aliqui scripsit pro Trinitate 2. part. lib. 5. c. 8. Vnde sequitur Filium esse minus excellentem Deum, ac proinde non verum Deum. Item ait ibidem: *Filij personam non nisi improprie Creatorem cæli & terre nominari, Patrem autē proprie.* Item ibidem dicit: *Improprie esse atque duram orationem illam Symboli Nicæni; Deus de Deo.* quam tamen pafsim D. Athanasius contra Arianos vrget, & Ecclesia verissimè vsurpat.

Item locum illum Ioannis 14. *Ego & Pater vnum sumus*, quo vel maximè Patres aduersus Arianos confubstantialitatem Filij cū Patre propugnarunt, non de vñe substantiā, sed de consensu atque concordia voluntatis, vt exponebant Ariani, intelligendum esse contendit. Quo testimonio Caluini & Georgius Blandrata Seruetianus in Albana disputatione, habita in Transyluania, Arianam illam interpretationē palā confirmauit: *Auditors, inquit ibi Blandrata in act. 2. dici, ad vnicum Caluinum relegamus, qui veteres scriptores*

A *palam carpit, quòd locum hunc (Ego & Pater vnum sumus) ad vnitatem essentia detorserunt.* Item Caluinus censet libro 2. institut. capite 14. Christum secundum naturam etiam diuinam fore subiectum suo Patri, atque ita intelligi debere quod ait D. Paulus: *Tūc & ipse Filius subiectum erit ei, qui subiecit sibi omnia.*

B Porro ex Caluiniana familia hæresiarcha non ignobilis Theodorus Beza lib. contra Brent. de omnipotentia carnis Christi, & li. contra Schmid. de hypostat. vni. duas esse in Christo hypostaticas vniones asseruit, alteram carnis cum anima, alteram Dei cum homine. Quo ipso hypostasim propriam hominis Christi, ex vnione hypostatica corporis & animæ constitutam, statuisse, atque adeò Christū hominem secundū suam hypostasim esse Deum, negauisse cum Nestorio videtur.

Item Bullingerus Sacramentarius lib. de auctoritate Scripturæ & Ecclesiæ, tres in diuinitate personas differre dicit, *non statu, sed gradu; non subsistentia, sed forma; non potestate, sed specie.* Quibus verbis non solum Filij diuinitatem, sed totum sanctissimę Trinitatis mysterium euertit.

His & aliis huius ætatis hæreticis, qui penè omnes perperam aliquid de Filij diuinitate scripserūt, adiungere possumus optimo iure Erasimū, quem non immeritò Ministri

nistri Hungarici, ad conciliandam auctoritatem doctrinæ Seruetianæ suę, præcursores fuisse Serueti affirmarunt, in libro quem anno M. D. LXVII. Ioanni Regi obtulerunt. Is in scholiis tom. 3. epist. Hieron. veritus non est scribere, Arianos nõ hæresim docuisse, sed tãtummodò fecisse schisma, eosque tum eloquentia, tum doctrina Catholicis fuisse superiores. Item annotat. in cap. vlt. 1. Ioannis, locum Ioannis 14. *Ego & Pater unum sumus*, non de naturę vnitatem, sed de concordia voluntatis, vt Ariani, interpretatur.

Item annotatione in caput ad Roman. 9. negat, locum illum ad Philipp. 2. *Non rapinam arbitratus est, esse se equalem Deo*, ad Christi diuinitatem probandam quidquam valere; eodemque modo, quo Maximinus Arianus apud Augustinũ lib. 2. contra Maximin. cap. 5. hunc locum interpretatur, vt sit sensus; non sibi equalitatem cum Deo arrogauit. Ineptum etiam sentit esse ad diuinitatem Christi probandam illum locum Apostoli, Rom. 9. *Ex quibus est Christus secundum carnem, qui est super omnia Deus benedictus in secula*. Putat enim vocem, Deus, ibi redundare: aut illud: *Qui est super omnia Deus benedictus*, referri ad Deum Patrem, in actionem gratiarum pro exhibitio Christi beneficio, ita vt ea verba præfixo pũcto, nouam periodum

A contineant. Ad marginem quoque disputationis D. Augustini cum Maximino Ariano, lib. 1. circa medium, naturam diuinam non vnã esse numero, annotauit. Quæ talia profectò sunt, vt qui Erasimum fuisse Arianũ suspicatus fuerit, is minimè temerarius videri debeat.

## CAPVT X.

*Quibus modis Christi diuinitas ab Orthodoxis confirmetur, & octo esse in Scriptura argumentorum sedes, quibus ea manifestè demonstratur.*

**I**N AM verò vnigoniti Filij Dei Domini nostri IESV Christi diuinitatem, aduersus tam varios atque multiplices illius hostes, tribus omnino modis certissimè probant Orthodoxi. Primò iis diuinis testimoniis, quæ exstant luculentissima in ipsa sacra Scriptura. Secundò diuinis item testimoniis, quibus etiam extra Scripturam variè ac prorsus admirabiliter Christi diuinitas confirmata est. Tertiò perpetua Ecclesiæ Christianæ iam inde ab eius exordio, vsque ad præsens tempus confessione, Orthodoxorum omnium testimoniis per omnes ætates, partim in Catholicis Conciliis, partim in aliis literarum monumentis explicata.



Ac in Scriptura quidem sedes omnino octo, siue octo genera testimoniorum pro Christi diuinitate reperiuntur. Primum genus est eorum testimoniorum, quibus Filio, ipsa propria appellatione veri Dei, non minus luculenter quàm Patri, diuina natura tribuitur; & ita quidem, vt eo modo nulli vnquam creaturæ diuina nomina accommodentur. Vnde necessariò efficitur non minus Filium, quàm Patrem oportere à nobis existimari esse verum Deum, si quidem ne Patrem quidem aliter, Scriptura testatur, Deum verum esse, nisi propriè & simpliciter illum Deum nominando. Quod perpendens D. Irenæus lib. 3. cap. 6. *Neque Dominus, inquit, neq; Spiritus sanctus, neque Apostoli eum, qui non esset Deus, definitiuè & absolue Deum nominassent aliquando.*

Secundum genus est eorum testimoniorum, quibus ipsamet Scriptura sacra, vice interpretis, disertè declarat, Christum esse illum ipsum Deum verum, qui sine controuersia est natura Deus, atque vt talis in multis Scripturæ locis commemoratur.

Tertium genus est eorum testimoniorum, in quibus eadè Scriptura significat, Christum purum hominem, aut puram creaturam non esse: Quod ipsum est, diuinam naturam non solum per affirmationem, vt in testimoniis primi &

A secundi generis, sed etiam per negationem quandam tribuere: *Omnis enim substantia, quæ creatura non est, Deus est*, inquit verisimè lib. 1. de Trinit. cap. 6. D. Augustinus.

Quartum genus est eorum testimoniorum, quibus præter diuinam naturam diuinæ quoque proprietates, seu attributa Filio tribuuntur.

Quintum eorum, quibus eadem etiam adscribuntur omnes operationes diuinitatis propriæ.

Sextum eorum, quibus Christus asseritur, suo Patri per omnia æqualis & consubstantialis.

Septimum eorum, quibus verè ac propriè vnigenitus Dei Patris Filius asseritur: Vnde necessariò consequitur, eum esse eiusdem naturæ, cuius est Pater. Alioqui vitiosa atque monstrosa esset generatio Dei, si ex eius vtero prodiiisset diuersa natura, vt inquit D. Augustinus lib. 3. contra Maximinum, cap. 18. & alij Patres passim argumentantur.

Octauum genus est eorum testimoniorum, quibus eum esse Christi Maiestatem significatur, vt illi non minus, quàm Patri cultus religionis adhiberi, in eumq; similiter tum fides, tum spes nostra reponi debeat. Quod nemo alioquin facere posset, quin incurreret maledictionem diuinam, si Christus non esset naturæ verus Deus.



## CAPVT XI.

*Probatur primò Christi diuinitas  
iis Scriptura testimonis, quæ di-  
uinam naturam simpliciter &  
absolutè illi tribuunt.*



**P** RIMI generis testi-  
monia, sunt potissi-  
mum viginti octo,  
quæ referam breui-  
ter, non eodem ordine quo scri-  
pta sunt, sed quo mihi iam scri-  
benti videntur in hac disputatio-  
ne commodè proponi posse.

Primum est Baruch. 3. *Hic est  
Deus noster, & non asimabitur alius  
aduersus eum. Hic adiuuenit omnem  
viam disciplina, & tradidit illam Ia-  
cob puero suo, & Israël dilecto suo. Post  
hac in terris visus est, & cum homini-  
bus conuersatus est.* Hoc testimonio  
veram Christi diuinitatem pro-  
bant communiter sancti Patres.  
Athanasius lib. de suscepta natu-  
ra, contra Apollinarium, sub finē.  
Basilii lib. 4. contra Eunom. non  
longè à fine. Gregorius Nazian-  
zenus oratione 4. de Theologia.  
Eusebius lib. 6. demonstrationis  
Euangel. cap. 19. Cyrillus lib. 10.  
contra Iulianum. Chrysostomus  
in oratione quòd Christus sit De-  
us. Theodoretus in commenta-  
rio eiusdem loci Baruch. Augu-  
stinus lib. 9. de ciuitate Dei, ca. 33.  
Hilarius lib. 5. de Trinitate, sub fi-  
nem. Ambrosius libro 1. de fide ad

**A** Gratianum, capite 2. Cypria-  
nus libro secundo contra Iudæos,  
capite quinto. Fulgentius libro  
de incarnatione & gratia Christi,  
capite decimo, & alij. Etenim De-  
us ille noster, cui alter non est si-  
milis, quique legem disciplinæ  
dedit Israël, Verbum est caro fa-  
ctum, hoc est, Christus, qui iuxta  
**B** prophetiam illam Baruch, quasi  
vnigenitus Patris in terra visus  
est, & habitauit in nobis, vt Euan-  
gelista quoque testatur.

At, inquit Franciscus Davidis  
in actione 5. diei disputationis Al-  
banæ: *Liber Baruch non est canonici-  
cus. Deinde Baruch loquitur de sa-  
pientia, quæ postea in terris visa est, non  
de Filio aliquo aeterno tunc existente.*

**C** quam sapientiam postea D. Paulus in  
priori ad Corinthios primo, Christum  
fuisse docuit.

Atqui Patres citati, atque aded  
Ecclesia ipsa Christi, librum Ba-  
ruch pro canonico agnoscit. Ac  
præter eos etiam quos citauimus,  
Clemens Alexandrinus li-  
bro secundo pædagogici, capite ter-  
tio, diuinam Scripturam hunc li-  
brum vocat, sicut & Eusebius Cæ-  
sariensis loco citato diuinas vo-  
ces appellat sententias in eo con-  
tentas. Quæ testimonia pro hu-  
ius libri auctoritate, in nostra  
quoque Analyfi fidei, parte 8. ci-  
tauimus.

Illud autem verissimum est, lo-  
qui Baruch de Sapientia, quæ po-  
stea

H itea

stea in terris visa est, & hanc Sapientiam esse Christum. Sed errore excæcatus animaduertere noluit Franciscus ille Dauid, quòd hanc ipsam Sapientiam, & hunc Christum, simul affirmat Baruch esse Deum Israël, cui non sit alius Deus similis, quique legem Israël dedit in monte Syna, hoc est, qui sine controuersia verè est Deus.

Secundum testimonium est (vt alternatim ex veteri & nouo Testamento probationem ducamus) Ioannis vicesimo: *Respondit ei Thomas, & dixit ei: Dominus meus, & Deus meus.* Dixerat Thomæ Christus: Noli esse incredulus, sed fidelis. Respondet tunc Thomas, & dixit ei, (ei, inquit Euangelista, non alteri) *Dominus meus, & Deus meus:* quasi apertè diceret; pareo admonitioni tuæ, Christe, & credo, quod antea non credebam, te Dominum ac Deum meum esse, illum, inquam, Deum, de quo ipse Israëlita scriptum esse sciui: *Audi Israël, Dominus Deus tuus Deus vnus est.* Vtitur hoc loco diuus Athanasius in epistola ad Maximum Philosophum, & diuus Augustinus in epistola 174. ad Pascen-  
tium, & D. Chrysostomus in homilia quadam de Trinitate, tertio tomo, vbi eleganter obseruauit, expertum fuisse hunc Thomam, quod in Psalmo 76. est scriptum: *Manibus meis Deum exquisiui, & non sum deceptus.*

A Finxit quidem Theodorus Mopsuestenus hæreticus Nestorianus verba illa: *Dominus meus, & Deus meus,* ad Patrem per exclamationem quandam Thomæ referri; vt narratur in Synodo quinta, capite duodecimo. Sed id commentum vanissimum est, ac meritò in illa Synodo sub anathemate damnatur. Nam Thomas cum Christo ipso loquitur, quem, miraculo resurrectionis obstupefactus, Deum esse, credere, atque profiteri illis verbis cœpit; id quod antea non crediderat. Nec est in Græco textu vllum signum exclamationis, sed articulus, qui ad Christum refertur. Quod agnoscunt omnes interpretes illius loci, neque ipse etiam diffitetur Erasmus, alioqui patronus Seruetianorum. *Resciant* igitur Seruetiani (vt D. Athanasij verbis in epistola illa ad Maximum vtar) *cum pudore oculos ad Thomam, palparentem crucifixum, illumq; & Dominum & Deum confitentem, & metuunt Dominum, qui post lotos discipulorum pedes ita loquitur: Vos appellatis me magistrum & Dominum, & verè dicitis, sum etenim.*

3. Testimonium, Isaia 35. *Deus ipse veniet, & saluabit nos. Tunc aperientur oculi cæcorum, & aures surdorum patebunt. Tunc saliet sicut ceruus claudus, & lingua mutorum soluta erit.* Hoc loco quin sit sermo de Deo ipso vero, qui aliàs dicitur Deus

Deus Israël, dubium esse non potest: *Nam Deus ipse*, inquit, *veniet*. Quasi diceret, non aliquis alius. At hunc Deum esse Christum, Patres rectissimè interpretantur. Athanasius libro de humanitate Verbi, post medium. Hieronymus in illum locum. Augustinus in orat. de quinq; hæres. cap. 6. Cyrillus lib. 4. in Ioan. cap. 28. Eusebius lib. 6. demonstrat. Euangel. cap. 21. Cyprianus lib. 2. contra Iudæos, capite septimo. Christus enim *venit* in hunc mundum, ut peccatores *saluos faceret*. Ipse solus & *surdos fecit audire*, & *mutos loqui*, qui & discipulis Ioannis ait: *Euntes renunciate Ioanni que audistis & vidistis, cæci vident, claudi ambulant, &c. Et beatus qui non fuerit scandalizatus in me*.

4. Testimonium, ad Titum 2. *Expectantes beatam spem & aduentum gloria magni Dei & Salvatoris nostri IESU Christi*. Si magnus Deus est Christus, certè verus ille est Deus, de quo David in Psalmo 94. *Quoniam Deus magnus Dominus, & Rex magnus super omnes Deos*. Sed Patrem, non Christum, ab Apostolo ibi magnum Deum nominari, Erasmus in annotatione eius loci comminiscitur, cuius commetum & Transyluani Ministri in Confessione sua auidè arripiunt.

Obstat autem illis primùm, quòd non Patris aduentum, sed *Saluatorem nostrum expectamus Do-*

*minum nostrum IESUM Christum*, ad Philippenfes cap. 3. Deinde illud, quod Apostolus dicit; *Aduentum gloria magni Dei*. Tantundem enim significat, atque aduentum Christi gloriosum: *Videbunt enim Filium hominis* (inquit Matth 24.) *cum maiestate & virtute multa*. Deniq; eodem Græco articulo, Magnus ille Deus, & Saluator noster, ibi notatur. ut dubitari nequeat, quin vterq; sit vnus & idem, nempe Dominus noster IESVS Christus: quemadmodum omnes huius loci interpretes Orthodoxi intellexerunt, & nominatim etiam, præter interpretes, D. Athanasius in libro de communi essentia diuinitatis Patris, & Filij, & Spiritus sancti.

5. Testimonium, Isaïa. 48. Ille enim ipse Deus Israël, qui ibi dicit: *Propter me, propter me faciam, ut non blasphemem, & gloriam meam alteri non dabo. Audi me Iacob & Israël, quem ego voco, ego ipse, & ego primus, et ego nouissimus, manus quoq; mea fundauit terrâ, hic, inquam, ipse Deus Israël, postmodum ibidem dicit: Accedite ad me, & audite hoc, non à principio in abscondito loquutus sum: ex tempore antequàm fieret ibi eram, & nunc Dominus Deus misit me et Spiritus eius. Hæc dicit Dominus Redemptor tuus sanctus Israël, docete vtilia, gubernaste in via qua ambulastis. Hûc Deum Israël, qui à Dño Deo dicit se esse missum, Christum vnigenitum Dei Patris,*



mundique Redemptorem esse, A qui etiam *primus & nouissimus* in Apocalypsi cap. i. dicitur, qui que, ut ait D. Paulus Hebr. i. *Fundauit initio terram*; interpretantur communiter sancti Patres. Ambrosius libro secundo de fide, capite quarto. Augustinus libro viceesimo de ciuitate Dei, capite ultimo. Eusebius lib. 5. demonstrat. B cap. 6. Athanasius in sermone de Deipara, post medium. Chrysostomus in homilia de sancto & adorando Spiritu, sub finem. Origenes libro primo contra Celsum, post medium.

Quod cum ita sit, luculenter est mentitus Georgius Blandrata in disputatione Albana, actione 8. dici, his verbis: *Ad locum*, inquit, C *illum Propheta dicentis, quem habent pro prora & puppi victoria aduersarij, Dominus misit me & Spiritus eius, dico cum omnibus Doctoribus interpretibus veteribus & neotericis, non Christi, sed Propheta verba esse.* Citauimus enim veteres interpretes, quibus in mentem non venit hoc commentum interpretationis.

Franciscus autem Davidis eodem loco crimen etiam falsi in Scripturam sacram commisit. Ut enim probaret, Christum nullo modo fuisse antequam ex Virgine conciperetur; ac proinde Deum, qui ibi apud Prophetam loquutus est, non fuisse Christum: sed Prophetam ipsum dixisse: Do-

minus misit me: locum citat i. Ioan. quarto: *Ubi*, inquit, *dicitur Antichristum esse, qui fatetur, Christum venisse ante vel extra carnem.* Hæc enim sunt verba huius Davidis Pseudopropheta, ex quibus intelligi vult, nec venisse, nec omnino fuisse Christum extra carnem. Ioannis autem Euangelistæ verba in eo loco non sunt, nisi ista: *Omnis spiritus, qui confitetur Iesum Christum in carne venisse, ex Deo est, & omnis spiritus, qui soluit Iesum, ex Deo non est, & hic est Antichristus.* Hincne dicit diuus Ioannes, Antichristum esse, qui fatetur Christum venisse, vel fuisse ante vel extra carnem? Nihil minus. tantum enim pronunciat, eum ex Deo esse, qui veram Christi carnem fatetur, contra verò eum esse Antichristum, qui in eandem Christi personam negat veram naturam diuinam & humanam conuenisse; id enim videlicet est, Christum dissoluere: quod faciunt sacrilegè Franciscus iste Davidis & eius impietatis socij.

D Sed fortè quærat aliquis, quomodo si Christus ibi apud Prophetam loquitur, à Spiritu Dei missum se esse dicat, cum ipse à Spiritu sancto non procedat, neque dici soleat, vna persona diuina mitti ab ea, à qua non procedit? Respondeo primum cum D. Augustino lib. 2. de Trin. cap. 5. vnam per-



personam etiam mittere alteram hoc ipso, quod est causa eius effectus, secundum quem altera de nouo esse in aliqua re dicitur, etiam si non sit principium processio- nis eius. Vel certe dicendum est, Christum ibi de sui missione fu- tura secundum ipsam humanita- tem loqui: quo pacto verè ac prop- riè ab ipso etiam Spiritu sancto missus est, sicut & ductus ab eo scribitur esse in desertum. Nec obstat quod verbo vitur temp- oris præteriti; *misit me*. Frequenter enim in Scripturis Prophetis vsurpatur tempus præteritum pro futuro, ob rei, de qua sermo est, certitudinem. Vt cum ipse idem Christus apud Psalmistam itidem de futuro illud loquitur: *Foderunt manus meas & pedes meos*.

6. Testimonium 1. Ioannis 5. *Vt simus in verò Filio eius. Hic est verus Deus & vita æterna*. Quod profe- cto testimonium in disputatione Athanasij cum Ario pagina 469. meritò dicitur esse *scripta demon- stratio*. Quod enim euidentius Io- annes dicere potuit, vt assereret Christum verum esse Deum, quàm verum Deum esse? Vt enim Ioan- nis 17. de Patre dixit: (ait Atha- nasius.) *Hic est vita æterna, vt cogno- scant te solum Deum verum*, ita hic de Filio dicit: *Hic est verus Deus & vita æterna*. Vitur etiam hoc testimo- nio D. Cyrillus libro 12. thesauri, capit. 13. Basilii, Gregorius Na-

zianzenus, Ambrosius, Hierony- mus in cap. 65. Isa. Idacius Clarius lib. aduersus Varinad. Arian. Au- gustinus li. 1. Trin. cap. 6. Hilarius lib. 6. de Trin. post medium, etc.

Sed dicit Erasmus in annota- tione huius loci, illud: *Hic est ve- rus Deus*, non de Filio, sed de Patre in illa D. Ioannis sententia dici. Quis verò tot Patrum auctoritati auctoritatem vnus Erasmi ante- ponat? Certè, pronomen substan- tiuum, *Hic*, ad illam personam re- ferri debet, quæ vocabulo sub- stantiuo proximè significata erat. Hæc autem persona est Filius, cu- ius nobis fidem Ioannes ibi com- mēdabat. Adde, quod si ex Græco textu verbum verbo Latine red- damus, ita locus habet: *vt simus in- vero eius Filio, hic* (nempe Filius cu- ius vocabulum proximè antece- dit) *est verus Deus*.

Porro Seruetus lib. 1. de Trini- tate, & Transyluani ministri lib. 2. cap. 4. & 7. & Georgius Blandra- ta, & Franciscus Dauid in disputa- tione Albana, respondent, esse ac dici verum Deum, quia veram Pa- tris diuinitatem habet in se inha- bitantem & sibi communicatam. Sed ab his fuit quærendum, qua- nam ratione putauerint Christum habere diuinitatē sibi communi- catam? Si per veram vnionem hy- postaticam, ita vt substantialiter sit non homo tantum, sed etiam Deus, id ipsum est, quod volum⁹.

Si alia vnione non substantiali, (neque enim aliter Deus creaturæ potest substantialiter vniri nisi hypostaticè) minimè talis vnio satis erit, vt verus sit Deus. Nam quod substãtialiter Deus non est, verus Deus non est. Quod D. Cyrillus libro 12. thesauri, capite 13. præclare intellexit: *Si Christus, inquit, verus Deus est, substantialiter non participatione hoc ipsum est, sicut creatura. Qui autem verus Deus est, natura Deus est.*

Accedit quod ipsimet Transylvaniani li.2.cap.5.appellationem veri Dei, propriam Patris esse censuerunt, eo quod verus Deus sit, qui non participatione, sed natura sit Deus. Cùm igitur Filius sit verus Deus, consequitur non participatione, sed natura illum esse Deum.

Atque etiam illud hinc consequens est, appellationem veri Dei propriam quidem esse Patris, non præcisè, sed propriam illius & Filij, sicut etiam Spiritus sancti; ita vt (quemadmodum infra cap. 21. vberiùs docebimus) alij tantummodò falsi Dij gentium, & creaturæ, ab illa excludantur, non Filius, neque Spiritus sanctus. Ita enim D. Athanasius in disputatione cum Ario, & alij Patres locum illum Ioan.17. *Te solum Deum verum*, interpretatur, immò sic ipsemet Ioannes exponit, cùm cõtingenter subiungit in eadem pe-

riodo, *& quem misisti IESVM Christum. Illud enim: Et quem misisti IESVM Christum, coniuñctum est*, inquit D. Athanasius, *cum precedenti membro, quasi diceret; Te Filium verum Deum, & quem misisti IESVM Christum, vt cognoscant etiam Filium tuum verum Deum, quemadmodum & te Patrem.*

Sed possit ad extremũ ad hunc locum accommodari vetus illa cauillatio Eunomianorum, qui D. Gregorio Nazianzeno teste oratione 3. de Theol. vt testimonia, quæ sunt de diuinitate Christi, in vniuersum eluderent, vanissimè fingeant, Christum verè ac propriè esse atque dici Deum, sed æquiuocè: sicut canis marinus (hoc enim exemplo utebantur) verè canis dicitur, sed suo modo, non sicut canis terrestris; ita Christum Deum verè dici, sed suo modo, non sicut Patrem.

Hoc verò leuissimum commẽtum est. Nam si id ita est, ineptè Scriptura declarat, Christum esse VERVM DEVM. Quænam enim res est, quæ suo quidem modo nõ sit verè talis, qualis nominatur? aut quid opus est in eo sensu verum aliquid appellare? Num hominem pictum verum hominem esse rectè dixeris? Et tamen eo quidem modo, quo homo est, verus est, nempe pictus.

Verum igitur Deum esse Christum cum Scriptura dicit, ita illũ esse

esse Deum significat, sicut, qui verissimè Deus est, videlicet sicut Pater. Vt si dicas, aliquid verum esse aurum; natura illud esse aurum significas, non tantummodò esse suo modo aurum. Alioqui & aurum adulterinum, verum aurum dici posset, cum verè sit aurum eo modo quo est, verè enim est aurum adulterinum.

Accedit, quod Scriptura verum Deum ubique prædicat esse vnum naturâ, substantiæque ratione. Non igitur plures sunt Dij diuersarum rationum Pater & Filius, quibus æquiocè conuenire possit sub diuersa substantiæ ratione idem vocabulum Deus. Quare reliquum est, vt si Christus verus Deus est, Deus ille idem sit, qui est Pater, & eadem omnino ratione.

7. Testimonium, Isaïæ 52. *Dicit Dominus, Iugiter tota die nomen meum blasphematur. Propter hoc sciet populus meus nomen meum in die illa, quia ego ipse, qui loquebar, ecce adsum.* Hic Deus Israël, qui Iudæos vocat populum suum, Christus est, qui præsto per incarnationem adfuit, & habitauit in nobis, vt verè SS. Patres interpretati sunt, Ambrosius libro secundo de fide, capite tertio, Hieronymus & Cyrillus in hunc locum, Eusebius libro sexto demonstrationis Euangelicæ, capite vicesimo quarto, Tertullianus libro quarto in

A Marcionem ante medium. Quocirca eodem in loco verbis antegressis de redemptione, quæ per eundem Christum facienda fuit, conuenienter Propheta vaticinatur: *Hec, inquit, dicit Dominus: Gratis venundatus estis, & sine argento redimemini.* Item etiam sequentibus verbis eundem Christum in

B eodem opere redemptionis occupatum prophetice illo modo describit: *Quàm pulchri super montes (intellige Iudææ) pedes annunciantis & prædicantis pacem, &c. Gaudeat & laudate simul deserta Hierusalem, quia consolatus est Dominus populum suum, redemit Hierusalem, parauit Dominus brachium sanctum suum in oculis omnium Gentium.*

C 8. Testimonium, ad Roman. 9. *Ex quibus est Christus secundum carnem, qui est super omnia Deus benedictus in secula.* Deum benedictum ab Hebræis Deum Israël verum, solitum fuisse intelligi, illa etiam interrogatio Caiphæ declarat: *Tu es Christus Filius Dei benedictus?* Deus item, qui est super omnia, quis dubitet, quin sit verus Deus? Neque enim verior Deus esse potest, quàm is, qui sit super omnia, quæ non sunt verus Deus.

Rectè igitur ex hoc loco Christi diuinitatem probant communiter SS. Patres, Origenes, Chrysostomus, Theodoretus, Theophylactus, Ambrosius, & alij oēs inter-



interpretes in hunc locum. Item Irenæus li. 3. cap. 18. Tertullianus libro contra Praxeam. Hilarius li. 4. & 8. de Trinitat. Cyprianus lib. 2. contra Iudæos, cap. 6. in editione Aldi & Morelli. Augustinus li. 2. de Trinitate, cap. 13. & li. 3. contra Faustum, cap. 3. & 6. Ambrosius lib. 1. de fide, cap. 5. & lib. 1. de Spiritu sancto, cap. 3. Gregorius homil. 8. in Ezechielem. Athanasius serm. 2. contra Arianos. Cyrillus lib. 1. thesauri, cap. 5. Idacius Clarius lib. 1. contra Varimadum, Fulgentius libro 3. ad Trasimundum, etc.

Quod cum ita sit, non est contra tot ac tales testes audiendus vnus Erasmus, qui nullo vel testimonio, vel firmo argumento ductus, tanquam in gratiam Arianorum, affirmavit locum hunc non esse ad Christi diuinitatem firmum. Quid enim illis eius argumentis imbecillius esse potest? Primò, inquit, si post voculam, *secundum carnem*, ponatur punctum; illud quod sequitur: *Qui est super omnia Deus*, etc. potest intelligi dictum esse non de Christo, sed de Patre atque ita dicit se legisse in Chrysostomo, nempe cum puncto. Secundò, quia Hilarius in Psalm. 122. & Cyprianus lib. 2. contra Iudæos, cap. 6. eum locum recitant sine vocula, Deus, quæ idcirco fortassis est addita textui.

Sed ad primum quod attinet,

A omnes communiter codices Latini & Græci virgulam habent post voculam, secundum carnem, non punctum integrum: & sic etiam Chrysostomi codices, qui circumferuntur. Præterea, si maximè punctum ibi integrum deberet esse, ne tunc quidè illud, quod sequitur: *Qui est Deus*, etc. potest referri nisi ad Christum. Nam vocabulum illud, *Qui*, relatiuum est, quod oportet accommodari ad id, quod antecessit. Apostolus autem nullam in toto illo capite verbis antecedentibus fecit mentionem Dei Patris, sed solùm Christi: vt mihi certè mirum sit, tam pueriliter & superuacaneè Erasmus de suo puncto fuisse ratiocinatum.

C Ad secundum verò quod attinet, locos paulò antè citauimus, in quibus sententiam illam Apostoli integram recitat Hilarius. Nec verò, quia in vno loco voculam, *Deus*, omisit, idcirco in omnibus aliis codicibus seu Scripturæ, seu Patrum, adiectionem illam voculam esse existimare debemus. Alioqui adiectionis etiam erit vocula, secundum carnem: nam & illam etiam in illo ipso loco Hilarius præteriuit. Sic etiam in melioribus editionibus Cypriani, vocula, *Deus*, recitatur, vt antè notauimus. Adde, quod satis probaremus, Christum esse verum Deum, ex eo, quod ibi Apostolus affirmat, eum esse super omnia, etiam si



etiā si omiſſiſſet voculam Deus. A Sed hæc ſatis ad refutandum Eraſmi leuiſſimum ſomnium, pugnans cum indubitata ſententia omnium Patrum.

9. Teſtimonium, Zachariæ 3. *Oſtendit mihi Dominus Ieſum ſacerdotem magnum ſtātem coram Angelo Domini, & Satan ſtabat à dextris eius, vt aduerſaretur ei. Et dixit Dominus ad Satan; Increpet Dominus in te Satan, & increpet Dominus in te, qui elegiſti Iudam.* Hunc Dominum Iſraël Iehoua qui elegit Iudam, eſſe Chriſtum, cuius typus fuit ille Ieſus ſacerdos filius Iofedech, quique Satanam ſibi aduerſantem, ex voluntate Domini Dei Patris, ſæpe increpauit, rectè interpretatus eſt Euſebius lib. 5. demonſtr. cap. 27. & Theodoretus & Hieronymus in hunc locum. Nec verò Angelus poteſt hîc intelligi eſſe ille Dominus, qui increpaturus fuerit Satanam, vt Benediſto Aretio viſum eſt. Angelus enim nō eſt Iehoua, neque ipſe elegit Iudam, neq; depiq; Dominus Deus Angelum Dominum Iehoua vocat.

10. Teſtimonium, Lucæ 1. vbi Angelus de Ioanne Baptiſta illud etiam inter cetera vaticinatus eſt Zachariæ: *Multos, inquit, filiorum Iſraël conuertet ad Dominum Deum ipſorum, & ipſe præcedet ante illum in ſpiritu & virtute Eliæ.* Chriſtum hoc loco Dominum Deum filiorum

Iſraël nominari, cui dubium eſſe poteſt? Primum enim hic Dominus Deus Iſraël, ad quem multos erat Ioannes Baptiſta conuerſurus, ille eſt, antequam idem Ioannes erat proceſſurus in ſpiritu & virtute Eliæ: ſicut apertè hoc in loco dicitur. Hunc autem ipſum eſſe Chriſtum ſaluatorem, Apoſtolus Actorum 13. diſertè eſt interpretatus: *Eduxit, inquit, Deus Iſraël ſaluatorem Ieſum prædicante Ioanne ante faciem aduentus eius Baptiſmum.* Deinde hic ipſe Chriſtus ſaluator, eſt is ad quem Ioannes multos filiorum Iſraël conuertit; vt Andream diſcipulum ſuum, qui poſtquam magiſtrum dicentem audiuit de Chriſto: *Ecce agnus Dei, ecce qui tollis peccata mundi,* cōtinuò ſequutus eſt eum. Ita etiam hunc locum de Chriſto intellexerunt Patres, Irenæus libro tertio, capite vndecimo, Chryſoſtomus, Beda, Euthymius, & alij interpretes in hunc locum.

11. Teſtimonium, Zachariæ 2. *Hæc dicit Dominus exercituum, &c. Lauda & lætare filia Syon, quia ego ecce venio & habitabo in medio tui, dicit Dominus, & applicabuntur gentes multe ad Dominum in illa die, & erunt mihi in populum, & habitabo in medio tui, & ſcies, quia Dominus exercituum miſit me ad te.* Hunc Dominum exercituum, miſſum à Domino exercituum, vt habitaret in no-

bis, quem alium esse dicemus nisi Filium missum à Patre? Ita quoque D. Ambrosius lib. 2. de fide, cap. 3. Augustinus lib. 20. de ciuitate Dei, capite vltimo. Eusebius lib. 5. demonstrationis Euangelicæ, cap. 25. & Rupertus in hunc locum interpretantur.

Nec sanè potuit aliquid ineptius hìc obici, quàm id quod Franciscus Daud in actiō. 8. diei disputationis Albanæ obiecit, nimirum de futuro Christo esse hanc prophetiam, & proinde non de Filio aliquo æterno intelligi. Vtrumque enim necessariò confitendum est, nempe & de futuro Christo hanc prophetiam intelligi, & simul tamen hunc Christum secundum alteram naturam, videlicet diuinam, æternum Deum esse, quandoquidem hic appellatur Deus exercituum.

12. Testimonium, Ioannis 1. *In principio erat Verbum, & Verbum erat apud Deum, & Deus erat Verbum.* Verbum autem est ipse vnigenitus Filius, qui carnem suscepit, vt idem Euangelista manifestè declarat. Habemus igitur hinc, Filium Verbum, esse illum ipsum Deum verum, qui est Pater, apud quem erat ab initio. Nam non de diuersis Diis, sed de vno & eodem Deo Ioannes in illo toto sermone loquitur; quemadmodum etiam cum vocabulum verbi & vitæ, & lucis & tenebrarum & mun-

A di repetit; de eodem verbo, de eadem vita, & de eadem luce, de iisdem tenebris, de eodem mundo loquitur. Atque ita omnes Patres interpretantur.

Obiiciunt autè Ministri Transyluani lib. 2. cap. 3. & 11. & Seruetus, & Franciscus Daud locis suprà citatis, cap. 2. & c. Verbum ibi non esse aliquid æternum, quod fuerit ante Christum, quodque carnem sumpserit, cum antea illam non haberet, sed esse ipsum Christum secundum carnem, quatenus manifestauit voluntatem Patris; ad eum modum, quo Ioannes, vt homo est, etiam vox dictus. Quod ipsum olim sensit Eunomius apud D. Cyrillum lib. 1. in Ioan. cap. 4. & 7. Id autem confirmant ex Græco vocabulo. Nam propriè dicendum est, & verbum caro fuit, vel erat: non autem factum est, quasi verbum fuerit aliquid ante carnem subsistens, quod postea sibi carnem vniuerit. In Græco enim est *ἐγένετο*, quod significat, fuit, vel erat, non, factum est. Deinde dicunt, Verbū hoc esse Deum, sed nō illum ipsum Deum verum, qui est Pater. Nam si Verbū esset ille idem Deus qui est Pater, apud quē, vt inquit Ioannes, erat, tunc verbum esset Pater.

Nos contrà, Verbum eo loco esse aliquid subsistens ante carnē, manifestè probamus ex eo, quod Deus esse dicitur. Sola autem caro

vel aliquid secundum carnē Deus esse aut dici simpliciter & absolute, minimè potest. Item quia ipsum Verbum ea ratione caro est, quia carnē ex semine Abraham apprehendit, ut Apostolus ad Hebr. 2. testatur. Quod facere non poterat, nisi fuisset aliquid subsistens præter & ante carnem.

Verbum autem Græcū *ἐγένετο*, B sæpe etiā significat fieri. Ut in eodem c. 1. Ioan. ubi legimus: Mundus per ipsum factus est, Græcè est, *ἐγένετο*, & c. 2. Aquam vinum factam, Græcè, *γενήμενον*. Quare Patres etiam Græci omnes, Verbū caro factum est, interpretantur: sicut etiam est in versione nō modò vulgata, sed etiā Erasmi & Vatabli, & in aliis communiter.

Quod autem inferunt, Verbum fore Patrem, si est idem Deus, qui Pater, apud quem erat: minimè sequitur. Nam non est ille idem Deus, qui est Pater, quatenus hic Deus est Pater, sed quatenus est verus Deus. Hunc verum Deum dicit Ioānes esse etiam Verbum, & non solum Patrem, vel quod idem est, Verbum esse etiam illū verum Deum. Atque ut hunc esse sensum indicaret D. Ioannes, idcirco cum primò dixit: & Verbum erat apud Deum, articulum *ὑπ* apposuit ad vocabulum Deum: cum autem postea subiunxit; Et Deus erat verbum, articulū prætermisit: ne si similiter tunc arti-

culum addidisset, fortassis aliquis existimaret, Verbum esse illum ipsum Deum, quatenus ille Deus est Pater, qui fuit error Sabellij.

Hæc, inquam, causā fuit, quam obrem secundo loco D. Ioannes non addiderit articulum advocabulum Deus, ut etiam Erasmus, & post illum Caietanus notavit: non autem ut indicaret, Verbum esse inferiorem Deum ipso Patri, ut comminiscabantur Ariani. Quod commentum Arianum si verum esset, ne Patrem quidem habere deberent pro summo & vero Deo. Nam ut D. Chrysostomus homil. 3. & 5. in Ioan. annotavit, bis in eodem ipso Ioannis capite, vocabulum Deus pro persona Patris positum est sine articulo. Ut ibi: *Fuit homo missus à Deo*. Et rursus: *Deum nemo vidit unquā*. Denique aliās vocabulum Deus cum articulo etiam pro Filio ponitur. Ut 1. Ioannis 5. *Hic est verus Deus*. Et ad Tit. 2. *Expectantes beatam spem, & aduentum gloriæ magni Dei*.

13. Testimonium, Isaïæ 45. *Hæc dicit Dominus, labor Egypti & negotians Ethiopia & Sabæi, viri sublimes ad te transibunt, & iuierunt, post te ambulabunt, vineti maniciū pergent. Et te adorabunt, regē deprecabūtur: Tantiū in te est Deus, & non est absq; te Deus. Verè tu es Deus absconditus, Deus Israël saluator*. Hanc sententiā Rabini ad Regem Cyrū pertinere voluerūt.



*Sed quocunque se verterint*, inquit Hieronymus lib. 13. in Isaïam, non valebunt laqueos veritatis effugere. Nam quomodo persone Syri dici conueniet: Verè in es Deus absconditus, Deus Israël saluator? Ergo Deus, in quo est Deus, Dominus noster IESVS Christus rectius intelligitur & verius: Qui in Euangelio loquitur: Ego & Pater unum sumus: Qui Deus appellatur absconditus propter assumpti corporis Sacramentum, & Deus Israël saluator, quod interpretatur IESVS. Hic enim iuxta Angelum Gabrielem saluabit populum suum. Haftenus D. Hieronymus. Vrget etiam optimè hunc locum D. Fulgentius libro contra obiectiones Arian. & lib. 2. ad Trasimundum.

14. Testimonium, Lucæ 1. Tu C puer Propheta altissimi vocaberis, præbis enim ante faciem Domini parare vias eius. Hic altissimus non alius nisi Christus est, ante cuius faciem Ioannes præiuit: vt Beda in hunc locum, immò etiam D. Paulus Act. 13. interpretatur. Quod si Christus altissimus est, verus DEVS est. Nam vero Deo dicit D. Dauid Psal. 82. Tu solus altissimus super omnem terram. Itaque Transyluani quoque ministri id nomen, veri Dei esse proprium, confessi sunt li. 1. cap. 5. sicut id etiam Arian. concedebant, vt refert D. Hieronymus in Psalmum 86. Quod si verum est, vt omnino est verissimum, consequitur Christum esse

A verum Deum. Ipsi enim tum loco citato, Lucæ 1. tum etiam in illo Psalmo 86. Altissimi appellatio tribuitur illis verbis: Homo natus est in ea, & ipse fundauit eam altissimus. Hunc enim altissimum Christum esse, qui simul homo ex Maria Virgine natus est, Hieronymus & Augustinus rectissimè interpretantur.

15. Testimonium, Isaïæ 7. Ecce virgo concipiet & pariet Filium, & vocabitur nomen eius Emmanuel, quod est nobiscum Deus. At hunc Filium Virginis Emanuelelem esse Christum, quis nescit? Vtitur hoc loco diuus Athanasius oratione ad Adelpodium, & serm. 2. contra Arian. & alij Patres passim.

16. Testimonium, 1. Ioan. 3. Non hoc cognouimus caritatem Dei, quia ille pro nobis animam suam posuit. Num verò Deus Pater posuit animam suam pro nobis? Minimè. Sed Christus, qui in Euangelio dicit: Ego pono animam meam pro vobis. Cui etiam Deus Pater per Isaïam capite 53. promiserat: Si posuerit pro peccato animam suam, videbit semen longanum.

17. Testimonium, Osæ 1. Dixit Dominus ad Osæ, &c. Domui Iudæ miserebor, & saluabo eos in Domino Deo suo. En Deus verus, Dominus Iudæ & Israël, est Dominus noster IESVS Christus, quem dedit Deus Pater, iuxta promissionem



sionem suam, (vt Apostolus Acto-  
rum 13. ait) populo suo Saluato-  
rem.

18. Testimonium, Actor. 20.  
*Uos posuit Spiritus sanctus Episcopos  
regere Ecclesiam Dei, quam acquisiuit  
sanguine suo. Quis Deus sanguine  
suo Ecclesiam acquisiuit, nisi  
Christus?*

19. Testimonium, Ieremiæ 23. B  
*Ecce dies veniunt, dicit Dominus, susci-  
tabo Dauid germen iustum, & regna-  
bit Rex, & sapiens erit, & faciet iudi-  
cium & iustitiam in terra. In diebus il-  
lis saluabitur Iuda, & Israël habitabit  
confidenter, & hoc est nomen, quod vo-  
cabunt eum (illud germen Dauid) Do-  
minus (Ichoua) iustus noster. Hic et-  
iam esse sermonem de Christo,  
qui factus est ex semine Dauid se-  
cundum carnem, qui Dominus  
Deus Ichoua fuit vocandus, om-  
nes huius loci interpretes intelli-  
gunt.*

20. Testimonium, Apocalypsis  
4. *Domine Deus omnipotens, qui erat,  
& qui est, & qui venturus est. Et pau-  
cis interpositis: Dignus es Domine  
Deus noster, accipere gloriam, & hono-  
rem, & virtutem.* Non certè est ser-  
mo de Patre, sed de IESU Christo  
Filio eius, qui merito suæ mortis  
honorem & celebritatem nomi-  
nis atque potentiae suæ vbique est  
adeptus, quiq; deinde venturus  
est iudicare viuos & mortuos.

21. Testimonium, Psalmo 23.  
*A tollite portas principes vestras, & e-*

*leuamini porte aeternales, & introibit  
Rex gloria.* Christum hoc loco dici  
Regem gloriæ, interpretati sunt  
Iustinus in Dialogo cum Tripho-  
ne; Ambrosius lib. 4. de fide, ca-  
pite primo; Augustinus in illum  
Psalmum; Hieronymus in caput  
secundum Zachariæ. At Rex vel  
Deus gloriæ, solus verus Deus di-  
citur: vt ex illo Stephani sermone  
intelligi potest, Actorum 7. *Deus  
gloria apparuit patri nostro Abraha.*

22. Testimoniū, prioris ad Co-  
rinthios 2. *Sic cognouissent, nunquam  
Dominum gloria crucifixissent.* Lo-  
quitur autem de Christo, qui cum  
Dominus gloriæ dicitur, manife-  
stè ille idem Deus gloriæ, qui ap-  
paruit Abraham, esse significatur.

C 23. Testimonium, Isaia 9. *Par-  
uulus natus est nobis, & Filius datus est  
nobis, & vocabitur nomen eius admi-  
rabilis, consiliarius, Deus, fortis, pater  
futuri seculi, princeps pacis.* Cuius au-  
tem nomen, præterquam veri  
Dei, est admirabile? Aut quis, nisi  
verus Deus, est vnquam Pater se-  
culi appellatus? Certè ex adiu-  
ctis his appellationibus ad voca-  
bulum, *Deus*, apparet manifestè,  
hunc paruulum esse maximum at-  
que verissimum Deum.

24. Testimonium, Apocalypsis  
17. *Agnus vincet illos, quoniam Rex  
regum est, & Dominus dominantium.*  
Et hanc esse appellationem solius  
veri Dei, nemo dubitat. Is enim  
solus, vt Apostolus inquit, 1. ad Ti-  
moth.

motheum 6. est potens Rex regum, A fluitus maris. Certè de Filio, inquit D. Athanasius in Dialogo de Trinitate contra Macedonium ) prophetice loquitur. Is enim est, qui super mare ambulauit. Hætenus Athanasius. Nec dubium est, quin Iob ibi loquatur de vero Deo.

25. Testimonium, Malachiæ 3. Statim veniet ad templum sanctum suum Dominator, quem vos quaritis, & Angelus Testamenti, quem vos vultis. Quin hic Dominator atque Angelus Testamenti sit Christus, qui postea in templo est præsentatus, nemo est, qui dubitet. Dominator autem proprium est nomen veri Dei in Scripturis. Vtitur hoc testimonio diuus Athanasius libro de communi essentia diuinitatis.

26. Testimonium, in epistola Iudæ: Solum Dominatorem & Dominum nostrum IESVM Christum negantes. Vnam autem & eandem Filij personam nomine Dominatoris & Domini hic Apostolus intelligit, non autem Patrem nomine Dominatoris, vt falsò finxerūt Transyluani Ministri. Eodem enim Græco articulo τοῦ coniungitur vtrumque vocabulum Dominatoris & Domini, quod argumento est, eandem personam vtroque vocabulo debere intelligi.

27. Testimonium, Iob. 9. Qui extendit caelos solus, & graditur super

28. Testimonium, ad Galatas capite quarto: Vbi venit plenitudo temporis, misit Deus Filium suum, &c. Sed tunc quidem ignorantes Deum, iis, qui natura non sunt Dij, seruebatis. Quem locum ita pro Filij diuinitate vrget libro quarto in Eunomium D. Basilus: Aut igitur, inquit, impij sunt, qui Christum colunt, & ei seruiunt, aut Christus naturâ verus est Deus, & illipij. Subsumamus nos deinde: At illi, qui Christo seruiunt, impij censerì non possunt: Ergo alterum verum est, nempe Christum naturâ esse Deum.

## CAPVT XII.

Probatur secundò Christi diuinitas iis Scripturæ testimoniis, in quibus eiusdem Scripturæ loci, qui sine controuersia loquuntur de vero Deo, apertè accommodantur ad Christum, tanquam ad illum ipsum verum Deum.



HIC VIVS generis testimonia occurrunt potissimum octodecim. Primū sit Psalmus

mo 77. *Quoties exacerbauerunt eum in deserto, & in iram concitauerunt Deum in iniquo, & conuersi sunt, & tentauerunt Deum, & Sanctum Israël exacerbauerunt.* Tentauerūt autem cū aliās, tum Numerorum vicesimo primo: *Loquutus est, inquit, populus contra Dominum & Moysen, & ait: Cur eduxisti nos de Egypto, ut moreremur in solitudine? Deest panis, non sunt aquae, anima nostra iam nauisat super cibo isto leuissimo. Quamobrem misit Dominus in populum ignitos serpentes.* Hunc autem Deum, Sanctum Israël, quem populus tentauit in deserto, esse Christum, declarat Apostolus prioris epistolae ad Corinthios capite decimo: *Neque sentemus, inquit, Christum, sicut quidam eorum tentauerunt, & à serpentibus perierunt.* Quae vel certior, vel clarior interpretatio esse potest?

Sed aiunt Transyluani lib. 2. ca. 10. & Franciscus Dauid in disputatione Albana, Christum fuisse tentatum ab illo populo, non in se, sed in sui figura; sicut ibi Paulus ait, omnia in figura contigisse illis; vel sententiam Apostoli esse, ut non tentemus ipsi Christum, sicut illi tentarunt, non Christum, sed Deum. Hoc commentum nullius ponderis est. Nam primum, quomodo Christus ipse in figura illo tempore tentatus fuit? Num Deus, qui tunc fuit tentatus, qua-

A si typus fuit Christi, in quo proinde ipse Christus, tanquam in suo typo fuerit tentatus? At inauditum est, quod Deus vnquam fuerit figura, siue vmbra Christi. Quid igitur? An ipsum peccatum tentationis illius figura fuit Christi? Nihil minus. Num verò propter solam similitudinem, quae sit inter peccatum tentationis Dei, & tentationis Christi hominis, quamuis nulla in illa tentatione Dei praecesserit figura ipsius Christi, rectè dici poterit, ipsum Christum in figura tunc fuisse tentatum? Neque istud prorsus. Non enim, quia conuicium in plebeium aliquem hominem (exempli causa) simile in ratione peccati est conuicium in Regem, vel in Imperatorem, rectè dixeris, plebeio in figura conuicium esse factum, cum est aliquis conuiciatus Regi, vel Imperatori. Non nisi merum igitur commentum est, quod isti dicunt, Christum ex sententia Apostoli, non in se, sed in figura ab illo populo fuisse tentatum, cum tentatus fuit Deus. Quae, res in nouo Testamento futuras significarūt, Deus ipse suo certo consilio voluit ad eiusmodi significationem accidere, ut typus quidam in illa lege praecederet rerum, quas ipse quoque in Lege gratiae, vel patraturus, vel instituturus erat. Nec nisi de iis rebus, quae



ex certo Dei consilio tunc eueniebant, generatim pronunciauit Apostolus, omnia illi populo in figura accidisse. Hæ autem res sunt non ipsa illius populi peccata, sed partim cultus cæremoniæ varix, partim beneficia, vel pœnæ, quibus Deus illum populum, vel misericorditer, vel iustè afficiebat. Hoc patet manifestè ex ipso loco Apostoli. Nam de illo eodem genere rerum postea generatim dicit, omnia in figura illis contigisse, de quo prius dixerat: *Hæc autem in figura facta sunt nostri, ut non simus concupiscentes malorum, sicut illi concupuerunt.* His autem verbis, de beneficiis & suppliciis, quæ diuina voluntate facta fuerant, ad nos partim à prauis cupiditatibus deterrandos, partim ad bonorum operum studium incitandos, Apostolus loquitur. Commemorauerat enim, quod Patres illi omnes sub nube fuerunt, & omnes mare transierunt, &c. Nec solùm hæc beneficia, sed illud etiam supplicium, quod prostrati, inquit, sunt in deserto. Atque id ipsum inde patet, quod tum demum inquit, omnia in figura contigisse illis, cum in specie varia supplicia commemorauit, quibus illorum scelera diuinitus vindicata sunt. Item etiam inde quod è vestigio ibi addidit: *Scripta sunt autem ad correptionem nostram.* Beneficia enim & pœnæ, non ipsa per se peccata ad nostram corre-

ptionem scripta & proposita sunt: Quod etiam D. Chrysostomus in eum locum indicat, cum inquit: *Quemadmodum dona figura sunt, ita & supplicia.* Et rursus: *Si in munerebus* (inquit) *excessus est, etiam erit in suppliciis. Ideo & figuras appellauit, & propter nos scripta esse dixit.* Iam igitur, si figuræ veteris Testamenti, non in ipsis peccatis per se, sed in beneficiis, cæremoniis, & pœnis constitutæ fuerunt, manifestum commetum est sectariorum, cum aiunt, à populo illo Christum non in se, sed secundum figurarum illarum rationem fuisse tentatum.

Quod autem addunt, sensum esse, ne nos tentemus Christum, sicut illi Deum, non Christum, tentauerunt, prorsus figmentum est, nullo modo quadrans cum oratione D. Pauli. Is enim non vllum alium Deum ibi, nisi Christum, commemorat, quem significat ab illis esse tentatum. Quæ igitur est audacia, affingere Paulo, quod Paulus non dicit? Aut quis vnquam sanctorum Patrum aliter eam Pauli sententiam intellexit, quàm, vt ne nos tentemus Christum, sicut ille populus eundem tentauit? Accedit quod D. Paulus iterum in eodem capite indicat, Christum, vt Deum, adfuisse illi populo in deserto: minime vt dubitari debeat, quin eum etiam in seipso, & non tantum in figura tentatum ab eo populo fuisse.



fuisse significare voluerit. Nam **A** *Bibebant*, inquit, *de spirituali con-*  
*sequente eos petra, petra autem erat Chri-*  
*stus.* Quid sibi vult hoc? Nempe  
 docet Apostolus, aquam, quam è  
 petra fluentem bibebant, minimè  
 illos habuisse beneficio illius pe-  
 træ visibilis atque materialis, sed  
 beneficio spiritualis ac inuisibilis  
 petræ, hoc est, Christi, qui diuini-  
 tate sua illis vbique præsens, po-  
 tentia eiusdem diuinitatis pe-  
 tram in aquas largissimas con-  
 uertebat. *Non enim ipsius petra na-*  
*tura* (inquit verissimè in eum lo-  
 cum diuus Chrysostomus) *aqua*  
*scaturiebat, siquidem antea scaturisset:*  
*sed alia quadam spiritualis petra om-*  
*nia operata est, hoc est, Christus, qui*  
*præsens vbique omnia fecit miracula.*  
 Atque ita etiam reliqui Patres  
 eum locum Apostoli interpreta-  
 rantur.

Secundum testimonium, Isaïæ  
 45. *Conuertimini ad me, & salui eritis*  
*omnes fines terra, quia ego Deus, & non*  
*est alius. In memetipso iuravi, egredie-*  
*tur à me iustitia Verbum, & non re-*  
*uertetur: quia mihi curuabitur omne*  
*genu.* Hunc Deum, qui solus est  
 verus, Christum esse, Apostolus  
 illis verbis clarissimè interpreta-  
 tus est, Roman. 14. *Omnes stabimus*  
*ante tribunal Christi. Scriptum est*  
*enim; Mihi curuabitur omne genu.*

Franciscus tamen Dauid in a-  
 ctione 3. disputat. Albani vanissi-  
 mè contendit, hæc & similia de

Christo in nouo Testamento di-  
 ci: *Non eo nomine*, inquit, *quod sit*  
*ille Deus vnus & solus, verum eo, quod*  
*sit Christus complementum omnium*  
*promissionum diuinarum, 2. ad Corin-*  
*thios 1. ad Romanos 10. & 15. & ad He-*  
*braeos 10.*

Sed quisnam, obsecro, idem ef-  
 se putet, per Christum impleri om-  
 nes diuinas promissiones, &  
 Christo curuandum esse omne  
 genu, sicut Deo soli curuandum  
 fuisse, ipsemet Deus prædixit? Ad-  
 de, quod vt hæc duo maximè vnum &  
 idem essent, tamen nostra proba-  
 tio firma manet, quæ est huiusmo-  
 di: Ille, cui curuandum est omne  
 genu, est Deus Israël, vt patet ex  
 testimonio allato Isaïæ. Christus  
 est iste, vt Apostolus interpreta-  
 tur: Ergo Christus est Deus Israël.

Dicit etiam idem Franciscus  
 Dauid in actione 8. illius disputa-  
 tionis, & alij Seruetiani, curuari  
 Christo genu, non quia sit verus  
 ille Deus Israël, sed quia habeat  
 communicatam illius diuinita-  
 tem, & acceperit nomen super om-  
 ne nomen, vt omne genu illi  
 flectatur. At Apostolus dicit, ideo  
 nos debere stare ante tribunal  
 Christi, quia est Deus ille, de quo  
 scriptum est: *Mihi curuabitur omne*  
*genu.* Communicatio autem diui-  
 nitatis, nisi sit substantialis & hy-  
 postatica, non sufficit, vt quis sit  
 verus Deus, sicut capite præcedē-  
 ti dictum est.

3. Testimonium, Zachariæ 12. A  
vbi Dominus extendens cælum, et fundans terram, & fingens spiritum hominis in eo, illud inter cetera dicit: *Esfundam super domum David, & super habitantes Ierusalem, Spiritum gratia, & precum, & aspicient, ait, me, quem confixerunt.* Deum autem hunc esse etiam Christum, atque adeò quatenus Christus est, fuisse in cruce confixum, primum ipse Deus in eodem loco indicat. Repentè enim, propter distinctionem personalem Patris & Filij, in cuius videlicet persona Deus configendus fuit, ita mutata persona subiungit: *Et plangent eum plangens, quasi super unigenitum, & dolebunt super eum, ut doleri solet in morte primogeniti.* Quod in Christi crucifixione atque morte factum est.

Deinde, id ipsum apertissimè Ioannes Euangelista, cap. 19. declarat. Nam de Christo, quem milites viderant iam crucifixum, exspirasse, loquens: *Facta sunt autem hæc, inquit, ut Scriptura impleretur, hæc, inquit, ut iterum alia Scriptura dicit: Videbunt, in quem transfixerunt.* Ac rursus Apocalypsis 1. *Ecco venit cum nubibus, & videbit eum omnis oculus, & qui eum pupugerunt, & plangent se super eum omnes tribus terra.* Quis non ex hac Scripturarum harmonia intelligit, Christum esse illum verum Deum, de quo sermo est in illo loco Zachariæ?

4. Testimonium, Isaia 6. *Vidi* B  
*Dominum sedentem super solium excelsum & eleuatum, Seraphin stabant super illud; sex ala vni, & sex ala alteri, duabus velabant faciem, & duabus pedes, & duabus volabant, & clamabant alter ad alterum: Sanctus, sanctus, sanctus Dominus Deus Sabaoth, plena est omnis terra gloria eius.* Dominum istum Deum Sabaoth, in hac maiestate atque gloria ab Isaia conspectum, esse etiam Christum, bis declarat Ioannes Euangelista: primum capite Euangelij sui duodecimo, illis verbis: *Propterea non poterant credere* (Christo miracula facienti) *quia iterum dixit Isaías, Excacauit oculos eorum, & indurauit cor eorum, ut non videant oculis, & non intelligant corde, & conuertantur, & sanem eos.* Et continuò subiungit: *Hæc dixit Isaías, quando vidit gloriam eius* (Christi) *& loquutus est de eo.* Dixerat autem ista Isaías in illo eodem capite, vbi vidit Dominum sedentem super solium, &c. Est igitur Christus ille Dominus, cuius gloriam, Euangelista teste, vidit tunc Isaías. Secundò, id ipsum declarat Ioannes Apocalypsis 4. cum similiter atque Isaías dicit; *Vidisse se sedentem in cælo super sedem, cui fuerit acclamatum: Sanctus, sanctus, sanctus, Deus omnipotens, qui erat, & qui est, & qui venturus est.* Is autem est Christus.

Verum cum Petrus Melius ex illo testimonio Isaia pro Christi diui-

diuinitate in actione i. disput. Albanæ argumentatus fuisset, quidam Stephanus Basilij, non aliud respondere potuit, nisi quod non oculari, sed mentali visione viderit Isaïas in excelsio illo folio sedentem Dominum exercituum. Quâ ego responfionem cûm legerem, nec ocularem certè, nec mentalem esse iudicaui. Primùm enim, non minus certa est visio mentalis diuinitus indita, quàm ocularis. Deinde nihil iste respondit ad Ioannem, qui certissimè interpretatur Isaïam, cûm illam gloriam Domini vidit, vidisse gloriâ ipsius Christi.

5. Testimonium, Psalmo 67. vbi Deo Israël, cui inter cetera dicit Psalmista: *Deus cûm egredereris in conspectu populi tui, cûm pertransires in deserto, &c.* illud etiam dicit: *Ascendisti in altum, cepisti captiuitatē, accepisti dona in hominibus.* Apostolus autem hunc Deum Israël, qui ascendit in altum, Christum esse declarat ad Ephes. 4. *Unicuique,* inquit, *nostrum data est gratia secundum mensuram donationis Christi: propter quod dicit: Ascendens in altum, captiuam duxit captiuitatem, dedit dona hominibus. Quod autem ascendit, quid est, nisi quia & descendit primum in inferiores partes terræ?*

Respondit ad hoc Georgius Blandrata in actione 5. Albana: *Ego quidem,* inquit, *non sum Theologus, neque concionator,* (erat enim

A Medicus, qui sine Theologiæ professione, Theologiæ cognitionem superbissimè sibi arrogabat) *Gratamen scio, quòd Psalmista ibi loquatur de futuro Christo, non de Deo Israël, qui iam tunc esset. Alioqui,* inquit, *Deus seu Verbum æternum accepisset (ut dicit Psalmus) à Deo dona illa. quod nullus vnquam dixit. Idem respòdet* in eadem disputatione Franciscus Daudis: *Hic,* inquit, *describitur ille homo Christus, qui accepit ea dona à Patre. quia autem Iehoua non accipit, non de illo, sed de Christo loquitur.*

Hoc verò cûm isti respondent, non eleuant pondus huius testimonij, sed magis etiam illud stabilunt. Verissimū enim est, Psalmistam de Christo ista loqui: hoc enim nos quoque ad probandum fumimus, & hoc asseuerat D. Paulus. Sed quia loquens ista Psalmista de Christo, de Deo ipso Israël apertè significat seloqui; certissimè inde concludimus, Christum esse Deum illum Israël, ac proinde illum etiam secundum naturam diuinam fuisse, antequam sumeret humanam carnem.

D Eundem enim, quem dicit in altum ascendisse, & accepisse dona in hominibus, ait quoque, eduxisse populū suum ex Ægypto, & descendisse cū eo in montē Syna, & inde postmodum in assumpta carne ascendisse, sicut Hieronymus etiam & Theodoretus in comment. eius Psalmi interpretantur. Hic etiam



Iehoua, quamuis secundum naturam diuinam nihil acceperit: tamen hoc ipso, quod carnem humanam accepit, dona accepit ex hominibus, hoc est, communem naturam ex illorum genere. Hoc enim significat, quod Psalmista ait: *Accepisti dona in hominibus.* Quanquam Apostolus non, *accepit*, sed, *dedit*, legit: nimirum cum alios dedit Ecclesiæ suæ Apostolos, alios Euangelistas, &c.

6. Testimonium, Isaia 40. *Vox clamantis in deserto, parate viam Domino, rectas facite semitas Dei nostri.* Hoc loco, quin de Domino Deo Israël sit sermo, dubium nullum est. Et tamen omnes Euangelistæ explicant, hunc Dominum esse Christum, cui Ioannes, qui vox clamantis ab Isaia dictus est, viam præparauerit, Matthæi 3. Marci 1. Lucæ 1. Ioan. 1.

7. Testimonium, Isaia 44. *Hec dicit Dominus Rex Israël, & Redemptor eius, Deus exercituum. Ego primus, & ego nouissimus, & absque me non est Deus. Quis similis mei?* Similia capite 41. & 48. Hunc verò Deum exercituum, primum & nouissimum, Christum esse D. Ioannes interpretatus est, Apocalypsis 4. apud quem Christus ipse ita loquitur: *Ego sum primus & nouissimus, & viuus et fui mortuus, & ecce sum viuens in secula seculorum.*

Ad hoc testimonium, quod in 8. actione Albana protulerat pro

A Christi diuinitate quidam Paulus Thurius, ita leuiter respōdit Franciscus Dauid: *Videat, inquit, Ecclesia, cuiam tribuantur à Ioanne illa verba: Ego sum primus & nouissimus. Nempe non alicui aeterno, sed Christo homini: sicut ibidem sequitur in textu; Qui eram mortuus, & ecce vivo.*

Atqui nos etiam Christo homini illa verba tribui contendimus, sed secundum aliam quandam naturam, nempe diuinam, secundum quam idem ille Christus sit Deus exercituum, primus & nouissimus, atque æternus, iuxta Isaia Propheetam, diuo Ioanne interprete. Vocabulum enim *primus & nouissimus*, à Ioanne etiam absolute ponitur, sicut ab Isaia, atq; ideo idem apud Ioannem significat, nempe æternitatem diuinam. Quod enim ait præterea in disputatione tertia Franciscus Dauid, Filium dici primum, quia super omnes exaltatus, & nouissimum, quia est finis & complementum omnium; quis non videt voluntariam esse Scripturæ deprauationem? Neque enim vilo, vel argumento, vel testimonio id commētum interpretationis cōfirmat: & contrā, de æternitate diuina omnes Patres illa verba apud Ioannem interpretātur.

8. Testimonium, Psal. 96. *Adorate Deum omnes Angeli eius.* Quod præceptum ab Angelis in Christo adorādo fuisse adimplendum D.

Pau-



Paulus ad Hebr. 1. interpretatur: *Cum iterum, inquit, introduceret primogenitum in orbem terra, dicit: Et adorent enim omnes Angeli Dei.* Vnde manifestè consequitur, ex sententia D. Pauli, Christum esse illum verum Deum, quem Angeli adorare debuerunt.

Atque hinc etiam consequens est, pugnare cum D. Pauli sententia, quod Franciscus Dauid, & Georgius Blandrata in disputatione 3. Albana dicunt, Christum adorandum esse non vt Deum altissimum, sed vt altissimi Filium, cui Pater suam diuinitatem (citra substantialem tamen vnionem, vt isti censent) communicauerit. Apostolus enim ait illum esse adorandum tanquam eum, qui sit ille altissimus Deus, de quo adorando sine controuersia datur Angelis illud præceptum: *Adorate Deum omnes Angeli eius.*

9. Testimonium, Isaia 8. *Dominum exercituum ipsum sanctificate, ipse sit paor vester, & ipse terror vester. Et erit vobis in sanctificationem: in lapidem autem offensionis & in petram scandalis duabus domibus Israël, in laqueum & offensionem habitantibus Hierusalem, & offendent ex eis plurimi, & cadent & conterentur.* Atqui lapidem hunc offensionis & petram scandalis, in quam qui offenderit, conteritur, quæq; hoc in loco dicitur esse Dominus exercituum, Christum esse, Simeon apud Lucam

A cap. 2. interpretatur: *Positum est hic, inquit, in ruinam, & in resurrectionem multorum in Israël.* Item etiam D. Paulus ad Rom. 9. *Israël, inquit, sectando iustitiam in legem iustitia non peruenit. Quare? quia non ex fide. Offenderunt enim in lapidem offensionis, sicut scriptum est (nimirum Isaia 8.) Ecce pono in Syon lapidem offensionis, & petram scandalis.* Item etiam D. Petrus 1. epistola cap. 2. similiter ex sententia illa Isaia, de Christo dicit: *Lapis, quem reprobauerunt adificantes, hic factus est in caput anguli, & lapis offensionis, & petra scandalis his, qui offenderunt in verbo, nec credunt, in quo & positi sunt.*

10. Testimonium, Psalmo 101. *Tu initio Domine terram fundasti, & opera manuum tuarum sunt cæli. Ipsi peribunt, tu autem permanes.* Hoc autem ad Filium IESVM Christum dici, affirmat Apostolus ad Hebræos 1. *Ad Filium, inquit, dicit: Tu initio Domine terram fundasti, & cetera quæ sequuntur.*

Respondit Franciscus Dauid disputatione 3. Albana: Hæc verba D. Paulum non ad Filium, sed ad Patrem referre.

Sed hoc apertissimè falsum est. Institutum enim D. Pauli eo loco est, præstantiam non Patris (quod non erat necesse) sed Filij probare respectu Angelorum. Hoc vt probet, inter cetera sumit, Filio quoq; creationem cæli & terræ illis Psal. verbis adscribi, vt ex ipso

contextu manifestum est. Aperta A  
autem hallucinatio Francisci Da-  
uidis est, cum argumentatur, si il-  
la verba ad Filium referātur, tunc  
consequens esse: *quod Paulus pro-  
bare voluerit, creatorem cæli & terra  
Angelis antecellere: quod, cum perspi-  
cuum sit, probare opus non erat.* Di-  
cimus, non id propriè instituisse  
probare, sed Christum esse Ange-  
lis præstantiorem. Verum ut hanc  
Christi præstantiam probaret, il-  
lud ex Psalmo assumpsit, nempe  
Christum creatorem esse.

11. Testimonium, Psal. 44. *Thro-  
nus tuus Deus in seculum seculi, virga  
æquitatis, virga regni tui, etc.* Hoc si-  
militer ad Christum dici, D. Pau-  
lus ad Hebr. 1. affirmat: *Ad Filium  
autem dicit, inquit, Thronus tuus  
Deus, etc.* Quid ad hoc Franciscus  
Dauid?

Nos, inquit, non negamus Filio da-  
tum esse æternum regnum, neq. negam<sup>us</sup>  
eum Deū esse. Sed dicimus eum omnia  
à Deo Patre accepisse. Hoc est, quod  
Dauid iste Pseudopropheta vult  
dicere. Christum Deum quidem  
esse, sicut in illo Psalmo, interpre-  
te Apostolo, dicitur, (neq. enim  
hoc negare potest) non autem  
Deum verum Israël, sed commu-  
nicatione quadā diuinitatis. Nos  
vero Dauidi potius Prophetæ cre-  
dimus, qui nusquam in omnibus  
suis Psalmis agnouit aut loquutus  
est de Deo aliquo non vero: sicut  
& ibi etiam Ichoua vocat.

12. Testimonium, Malachia 3.  
*Ecce ego mitto Angelum meum ante  
faciem meam.* Deus Israël hîc lo-  
quitur. Quem autē Angelum mi-  
sit Deus Israël ante faciem suam?  
Nempe Ioannem Baptistam, ut  
Christus ipse est interpretatus  
Matth. 11. & Zacharias illius Pa-  
ter, Lucæ 1. Quo ipso sanè & Chri-  
stus & Zacharias apertè quoque  
interpretati sunt, Deum illum Is-  
raël, qui missurus erat Ioannem  
ante faciem suam, esse ipsūmet  
Christum. Ante nullius enim al-  
terius faciem, præterquam Chri-  
sti, ut ei viam præpararet, Ioan-  
nes venit, ut notum est.

13. Testimonium, Exodi 20. *Ego  
sum Dominus Deus tuus, qui eduxite  
de terra Egypti.* Hunc Dominum  
Deum Israël esse I E S V M Chri-  
stum, apertissimè declarauit Iu-  
das Apostolus in sua Canonica  
his verbis: *Cōmonere vos volo, scien-  
tes semel omnia, quoniam I E S V S po-  
pulum de terra Egypti saluans, secun-  
dò eos, qui non crediderunt, perdidit.  
Angelos verò, qui non seruauerunt  
suum principatum, etc.* Quid esse po-  
test clarius? Certè Deus, qui po-  
pulum ex Aegypto eduxit, Deus  
verus est. quod etiam Moyses in  
suo cantico asseuerauit. Deut. 32.  
*Dominus, inquit solus, dux eius fuit,  
& non erat cum eis Deus alienus.* At  
hunc ipsum Deum fuisse I E S V M  
Christum, Christi Apostolus cui-  
dentibus verbis interpretatur.

14. Testimonium, etiam Exodi 20. *Dixit praterea Dominus ad Moysen, hac dices filiis Israël: vos vidistis, quod de cælo loquuntur vobis:* (cū scilicet perterriti viderent voces & lampades, & sonitum buccinæ, montemq; fumantē) *Non facietis Deos argenteos, etc.* Quis autē est iste Deus, qui eo modo loquens, populum exterruit? Apostolus declarat esse I E S V M Christum ad Hebræos 12. *Non accessistis, inquit, ad tractabilem montem, & accessibilem ignem, & turbinem, & caliginem, etc. Sed accessistis ad Syon montem, & civitatem Dei viventis, cælestem Hierusalem, & Ecclesiam primitiuorum & iudicem omnium Deum.* (nota) *& spiritus iustorum perfectorum, & Testamenti novi mediatorem I E S V M, & sanguinis asperisionem, melius loquentem quā Abel.* Ac continuò subiungit: *Videte ne recusatis loquentem. Si enim illi non effugerunt recusantes eum, qui super terram loquebatur, multo magis nos, qui de cælis loquentem nobis auertimus: cuius vox monuit terram tunc, nunc autem repromittit dicens: Adhuc semel & ego mouebo non solum terram, sed & cælum.*

Christus igitur Deus ac iudex omnium, & novi Testamenti mediator, est secundum naturam alteram ille verus Deus, qui tunc in monte loquutus est, & legem dedit Moysi. Quod ipsum & sancti Patres antiqui sentiunt, nempe Christum fuisse, qui eduxit

populum ex Aegypto, & loquutus est cum Moysē. Iustinus in Dialogo cum Triphone, & Apologia 2. ad Antoninum. Tertullianus in libro contra Praxeam. Irenæus lib. 4. capite 2.

Quod cū ita sit, necesse est, vt Angelum, per quem Stephanus Actorum 7. dicit, legem fuisse datam Moysi, in primis intelligamus fuisse Christum, qui & Angelus noui Testamenti dicitur. id quod Apostolus etiam magis declarat ad Galat. 3. *Lex, inquit, posita est, ordinata per Angelos in manu Mediatoris.* Quem Mediatorem satis ibi declarat esse Christum. Itaque vtrumque verum est, & quod ministerio etiam Angeli creati alicuius, vel aliquorum, lex exposita est, & quod Christus Angelus increatus noui Testamenti eam etiā vnā cum Patre & sancto Spiritu tulerit, vt multis argumētis ostendit etiam D. Athanasius ser. 4. contra Arianos non longē ab initio.

15. Testimonium, Psalmo 94. *Ipse est Dominus Deus noster, & nos populus pascue eius, & oves manus eius, hodie si vocem eius audieritis, nolite obdurare corda vestra, sicut in irritatione secundum diem tentationis in deserto, etc.* Accedat autem Apostolus Paulus, qui nobis hunc Deum nostrum esse Christum, clarissimē interpretetur ad Hebr. 3. *Moses, inquit, fidelis erat in tota domo eius tanquā famulus: Christus verò tanquā Filius*



*Filius in domo sua, que domus sumus nos, si fiduciam & gloriam spei vsq; ad finem firmam retineamus. Quapropter, inquit, sicut dicit Spiritus sanctus hodie si vocem IESVS audieritis, nolite obdurare corda vestra sicut in exacerbatione secundum diem temptationis in deserto, &c. Congruit hic locus D. Pauli cum illo altero i. ad Corint. 10. vbi itidem interpretatur Deum Israēl, qui in deserto fuit à populo tentatus, esse IESVM Christum: quem ibi monet, vt nō tentemus, & hīc, vt audiamus.*

16. Testimonium, Ioelis 2. *Ego Dominus Deus vester, effundam de spiritu meo super omnem carnem, & prophetabunt filij vestri & filia vestre, etc.* Hoc verò Christum fecisse, cum Spiritum sanctum ad discipulos misit, vti promiserat; exponit D. Petrus Actor. 2. *Dextera, inquit, Dei exaltatus, & promissione Spiritus sancti accepta à Patre, effudit hunc (Spiritum sanctum) quem vos videtis & auditis.* Et paulò superiùs: *Hoc est, inquit, quod dictum est per Ioelem Prophetam: Et eris in nouissimis diebus, effundam de spiritu meo super omnem carnē.* Est igitur Christus ille Dominus Deus noster, qui per Ioelem loquitur.

17. Testimonium, Michæ 4. *In die illa, dicit Dominus, congregabo claudicantem in reliquiis, & eam, que laborauerat in gentem robustam, & regnabit Dominus in monte Syon, ex hoc nunc & vsq; in æternum.* Antea hunc

A montem vocauerat ibi domum Iacob; Intelligit autem Ecclesiam noui Testamenti, vt ex toto illo capite perspicuum est. Quis autē est iste Dominus Iehoua, quem itidem Dominus Iehoua, hoc est, Deus Pater, dicit, in domo Iacob, hoc est, in Ecclesia, in æternum regnaturum? Angelus clarissimè explicat Lucæ 1. *Ecce concipies & paries Filium, & vocabis nomen eius IESVM. Hic erit magnus, etc. & regnabit in domo Iacob in æternum, & regni eius non erit finis.*

18. Testimonium, Michæ 7. *Quis Deus similis tui? Qui aufers iniquitatem, & transis peccatum reliquiarum iniquitatis tue? Quasi dicat, nō alius nisi verus Deus potest tollere peccata. Atqui Ioannes Baptista de Christo verissimè dicit: Ecce agnus Dei, ecce qui tollit peccata mundi. Est igitur Christus, ille verus Deus, cui alter non est similis.*

### CAPVT XIII.

*Probatur tertio Christi diuinitas iis Scripturæ testimoniis, quæ docent, illum non esse puram creaturam aut purum hominem.*



VIVS generis testimonia occurrunt potissimum 12. Primum est Matth. 22. *Congregatis Phariseis, interrogavit eos IESVS, dicens: Quid vobis videtur de Christo?*

*Quis*



cuius Filius est? Dicunt ei, David. At illis: *Quomodo ergo David in spiritu vocat eum Dominum, dicens: Dixit Dominus Domino meo: Si ergo David vocat eum Dominum, quomodo Filius eius est? Et nemo poterat ei respondere verbum.* Considerandum autem est, quid voluerit Christus hoc argumento concludere. Non enim id agit, ut ostendat Christum, hoc est, se, nullo modo esse filium David: (erat enim omnino ex Davidis progenie) sed contendit, non puram creaturam ac tantummodo hominem filiumque Davidis se esse, ut Pharisei existimabant, sed etiam verum Deum. Hoc probat testimonio Davidis, qui prophetice Christum vocat Dominum suum, hoc est, Deum: quod certe non faceret, si tantummodo Christus esset Filius ipsius. Ad hoc verò argumentum nec tunc Pharisei, nec nunc heretici, Christi perduelles, possunt respondere verbum.

2. Testimonium, ad Philipp. 2. *Semetipsum exinanivit, formam servi accipiens.* Ex quo quidem loco firmissimum argumentum ducit D. Basilii lib. 4. contra Eunom. hoc modo: *Si Filius, inquit, est creatura Dei; omnis autem creatura servus est creatoris; servus est Christus, non Filius Dei. Non igitur accepit formam servi, cum Dominus esset, sed erat servus.*

3. Testimonium, Prouerb. 24. ubi Sapientia de se inquit: *Ego ex*

*ore altissimi prodixi primogenita ante omnem creaturam.* Sapientia autem hæc ex Deo genita, Filius est, de quo & Apostolus ait; *Christus Dei virtus & Dei sapientia.* Cum autem ante omnem creaturam ipse Filius genitus sit, consequitur manifestè, ipsum non esse à numero creaturarum: alioqui esset quoque ante seipsum genitus.

4. Testimonium, ad Hebr. 2. *Nusquam Angelos apprehendit, sed semen Abrahe,* hoc est, carnem humanam ex Abrahæ progenie. Erat igitur Filius, ante incarnationem, subsistens aliqua persona, quæ nec homo, neque etiam Angelus esset, sed utroque genere, humano & Angelico præstantior, atque adeo non pura creatura, sed Deus. Si enim nunquam non homo fuit, quomodo ipse humanam naturam ex Abrahæ progenie apprehendit? Aut si non fuit Angelis præstantior, quid opus fuit dicere, illum naturam Angelicam non apprehendisse? nec enim tunc apprehendere illam potuisset: itaque superuacaneum esset explicare, eum id non fecisse, quod facere non potuit.

Formo igitur iam argumentum hoc modo: persona quæ toto etiam genere angelico præstantior est, non est pura creatura, sed omnino Deus. Talis est Christus. Non est igitur pura creatura, sed Deus. Posterior propositio iam probata

L est.

est. Prior autem ea ratione demonstratur, quod præstantissimam omnium creaturarum constat esse ex Angelico genere, nempe Luciferum, ut D. Basilius libro 4. contra Eunomium probat testimonio Iob, cap. 40. *Ipsa est*, inquit Iob, *principium viarum Dei qui fecit eum*. Quod etiam D. Gregorius in illum locum Iob asserit, & aliis quibusdam Scripturæ testimonis confirmat. Ita fit, ut Christus nō sit pura creatura, sed creator. Nulla enim creatura, sed solus est præstantior, quā præstantissima omnium creaturarum.

5. Testimonium, ad Hebræos 1. *Tanto melior Angelis effectus, quanto differentius pra illis nomen hereditavit*. Ex quo testimonio illud idem efficitur, quod iam concludebamus, videlicet Christum, cum Angelis omnibus atq; adeo omnium præstantissimæ creaturæ antecellat, nequaquam esse puram creaturam, sed prorsus Deum.

6. Testimonium, Ioannis 1. *Omnia per ipsum facta sunt, & sine ipso factum est nihil*. Vnde communiter SS. Patres, ac maximè D. Augustinus in illum locum, & D. Athanasius serm. 3. contra Arianos, verissimè demonstrant, Filium non esse ex numero atq; ordine creaturarum. Nam si creaturæ omnes per ipsum factæ sunt, aut ipse quoque per se ipsum factus est, si creatura est (quod non potest vilo

A modo intelligi) aut quod verissimum est, creatura non est. Quare ut D. Athanasius in epistola ad Episcopos Africanos testatur, hoc potissimū argumento Patres in Concilio Nicæno contra impietatem Arij nitebantur.

Ac pūchrè de hoc ipso argumento idem Athanasius sermone illo tertio contra Arianos: *Si Dei verbum*, inquit, *opus quoddam ac creatura est, dicite mihi, vos Ariani, qua manu, aut quam sapientia opus istud confectum est? Omnia enim opera qua facta sunt, manu & sapientia Dei facta sunt: loquente ipso Deo per Isaiam: Manus mea fecit hac omnia. Danide quoque attestante: In operibus manuum tuarum meditabar*. Ergo si in manu & sapientia Dei, omnia que facta sunt, absolutionem acceperunt; & scriptum est, omnia per Verbum facta esse, & citra eum factum esse nihil. Et rursus: *Unus est Dominus Iesus*, per quem omnia, in quo omnia; evidens conspicuumque est, illud opus esse non posse, quippe qui ipse sit manus & sapientia Dei. Id cognoscentes etiam Martyres illi Babylonij Ananias, Azarias, Misael, resistent Arianorum impietatem. Dicentes enim, benedicant omnia opera Domini Dominum, tum ea, que in cælo sunt, tum ea, que in terris; in ea summa omnes creaturas ut opera annunciarunt, sed in numero eorum, Filium ipsum non posuerunt. Non enim dixerunt: *Et tu verbum benedic, & hym-*

num cane, tu sapientia: ut ostenderent alia omnia esse ex eorum catalogo, quæ & opera sunt, & hymnum canunt: Verbum contra, non esse opus aut ex cœli canentium, sed potius vñ cum Patre decantari, & adorari, & diuinis laudibus celebrari, cum sit & verbum illius, & sapientia, & operū architectus.

7. Testimonium, ad Roman. I. Paulus Apostolus segregatus in Euangelium Dei, quod ante promiserat de Filio suo, qui factus est ei ex semine Dauid, secundum carnem. Hanc certè declarationem (secundum carnem) cum adiungit, esse etiā in Christo naturam aliam præter humanam, declarat, nempe diuinā, secundum quam idē sit ab æterno Filius Dei.

Quod postmodum cap. 9. euidenter declarat, cū dicens ex Dauidis progenie esse Christum secundum carnem, per antithesin continuò subiunxit, esse alioqui Deum benedictum in secula, hoc est; omnino æternū. Atq; etiam idem exponit, eo ipso loco statim subiungēs: Qui declaratus est Filius Dei in virtute secundum sanctificationē spiritus: Non est igitur Christus purus homo, tantummodò humana natura atque carne præditus, sed idem etiā Deus: quemadmodum ex hoc testimonio Tertullianus lib. aduersus Praxeam, & D. Ambrosij commentarius colligunt.

8. Testimonium, ad Gal. I. Nemo vobis facio Euangelium, quod prædicauimus est à me, quia non est secun-

A dum hominem: neq; enim ego ab homine accepi illud neque didici, sed per reuelationem Domini nostri Iesu Christi. Et paulò inferiūs: Si nos aut Angelus de cœlo euangelizauerit vobis præterquam quod euangelizatum est, anathemasis. Hoc etiam loco Apostolus & hominibus & Angelis Christum natura superiorem manifestè facit. Quo ipso illum è numero purarū creaturarū non esse, necessariò consequitur, ut antea sumus argumentati. Vrget hunc locum pro Filij diuinitate diuus Chrysostomus, & alij D. Pauli interpretes.

9. Testimonium, Ioan. 3. Nemo ascendit in cœlum, nisi qui descendit de cœlo Filius hominis qui est in cœlo. Et Ioan. 6. Si ergo videritis Filium hominis ascendentem, ubi erat prius? Quo testimonio tanquam euidentissimo D. Athanasius in epist. de incarnatione Verbi contra Paulum Samosatenum, probauit Christum non purum hominem, sed Deum etiam esse, qui ante sumpta carnem in cœlo fuerit. Atq; hinc manifestè imaginationem Pauli Samosatēni, quæ est etiam Seruetianorum, redarguit: Afferuat, inquit Athanasius, genitum ex Virgine non nisi hominem esse, etc. quasi Filius hominis non descenderit è cœlo, sed è terra excitatus Deum cœlitus descendentem in se receperit. Sic illi quidem: sed nobis, inquit Athanasius, decorum est diuinis verbis inherere.



10. Testimonium, Ioannis 17. *Et nunc clarifica me Pater apud te ipsum, claritate quam habui apud te priusquam mundus esset.* Exstitit igitur Christus, & habuit diuinitatis claritatem, antequam mundus & hæc vniuersitas creaturarum esset, ac proinde non est purus homo aut pura creatura, initium habens ex Virgine. Loquitur autem hoc loco D. Ioannes similiter ac in cap. primo, cum dixit, in principio Verbum fuisse apud Deum, hoc est, in ipso Deo Patre.

11. Testimonium, Ioan. 1. *Qui post me venit, ante me fuit.* Cui simile est illud: *Antequam Abraham fieret, ego sum.* Et illud: *Qui de cælo venit, ante omnes est.* Et alia eiusdem generis testimonia, ex quibus euidentissimum est, Christum antea etiam fuisse, quam homo esset; ex quo rursus euidenter sequitur, cum non esse purum hominem. Qui enim tātummodò est homo, quomodo potest esse priusquam sit homo? aut quid, nisi nihil tunc esset?

12. Testimonium, 2. ad Cor. 8. *Scitis enim gratiam Domini nostri Iesu Christi, quoniam propter vos egenus factus est, cum esset diues: ut illius inopia vos diuites efficeret.* Nescio quid euidentius ab Apostolo dici potuit. An enim vnquam in suscepta humanitate Christus diues fuit? Minimè. Sed diues fuit ab æterno in forma Dei, quam forma serui,

A & egeni suscepta, quodammodò texit & exinaniuit. Quare purus homo aut pura creatura minimè est.

Quod, vt hoc genus testimoniorum concludam, placet ad extremū argumento quodam D. Basilij li. 4. aduersus Eunom. cōfirmare. Si Christus pura creatura est, necessariò alterutrum fatēdum est, nempe illum aut præstantissimam omnium creaturam esse, aut aliqui vel aliquibus creaturis esse inferiorem. At vtrumque existimare blasphemum est. Non est igitur pura creatura. Sed confirmo assumptam propositionē. Primum enim si creatura aliqua Christo præstantior esset, impium esset C Christo singularem ( vt fit ) præ ceteris creaturis venerationem atque cultum tribuere. Vnde Ariani, omnibus creaturis antecellere Christum concedebant; idque si sibi consent, fatebuntur etiam Seruetiani, vt qui dicant Christum singulari quadam participatione & communicatione diuinitatis esse Deum, tametsi verè non Deum, sed creaturā. Christum etiam omnium præstantissimam creaturam facere, multò etiam magis blasphemum est. Etenim ( quod horret animus ) nihil aliud id est, quam Christum Diabolum ipsum facere: Diabolus enim, vt suprà ex Scriptura notauimus, est præstantissima creatura.



ra. Itaq; rectè D. Basilius: Ignorant Ariani, inquit, se Diabolum colere, & non Filium Dei, cum Christum primam facturam faciunt. Diabolus enim est primum principium figmenti Domini, ut Iob inquit.

Huius generis testimoniis potest addi possunt Scripturæ loci, in quibus eiusmodi nomina atque officia adscribuntur Christo, quæ in puram creaturam quadrare nequitiam possunt. Ut quòd sit lux, vita, salus hominum, redemptor, index viuorum & mortuorum, &c. quæ D. Gregorius Nazianzenus in Apologetico i. circa finem, summatim collegit. Sed satis, ut arbitror, de hoc genere iam dictum est.

## CAPVT XIV.

*Probatur quartò Christi diuinitas ex iis Scripturæ testimoniis, in quibus diuina natura proprietates ei attribuuntur.*

**D**IUINÆ naturæ proprietates, siue attributa, sex potissimum numerantur: Immensitas, immutabilitas, eternitas, bonitas, sapientia, potentia. Quod patet ex his testimoniis: De Immensitate, Psalmo 44. *Magnus Dominus & laudabilis nimis, & magnitudinis eius non est finis.* Et 3. Reg. 8. *Si cæli caelorum te capere non possunt, quanto mi-*

**A**nus domus hac? De Immutabilitate, Malachia 3. *Ego Deus, & non mutor.* De Eternitate, Deuteronomij 32. *Uidete, quòd ego sim solus, & non est alius Deus, præter me. Vno ego in æternum.* Et Danielis 6. *Ipse est Deus uiuens & æternus in seculum.* De Bonitate, Psalmo 105. *Confitemini Domino, quoniam bonus.* Et Luca 18. *Nemo bonus, nisi solus Deus.* De Sapientia, Psalmo 46. *Magnus Deus noster, & magna virtus eius, & sapientia eius non est numerus.* Et Roman. 16. *Solus sapienti Deo.* De Potentia, Psalm. 88. *Potens es Domine.* Et i. ad Timotheum 6. *Beatus, & solus potens, Rex regum, & Dominus dominantium.*

**I**MMENSITAS autem tribuitur Filio, Baruch. 3. *O Israël quàm magna est domus Dei, & ingens locus possessionis eius. Magnus est, & non habet finem, excelsus & immensus.* Et paulò inferiùs: *Hic est Deus noster, & non æstimabitur alius ad eum. Hic adinuenit viam disciplina, & tradidit illam Iacob puero suo. Post hac in terris visus est, & cum hominibus conuersatus est.* Quem locum meritò vrget D. Augustinus libro 3. contra Maximinum, cap. 26. sub finem, pro immensitate Filij: *Quis est, inquit, iste magnus, & non habens finem, excelsus & immensus, qui super terram visus est, & inter homines conuersatus est? Video quos æstus, quas angustias patiaris. Times dicere, Pater est, ubi audis super terram visus est, & cum ho-*

minibus conuersatus est. Times dicere, A  
*Filius est, ubi audis, non habet finem,*  
*excelsus & immensus. Tu enim Patrem*  
*tantummodo contendis esse immen-*  
*sum. Quid es acturus, quid responsurus,*  
*homo, qui non vis esse Catholicus, vt*  
*Christus sic accipias in forma serui su-*  
*per terram visum, & inter homines cō-*  
*uersatum, vt tamen in forma Dei, in*  
*qua inuisibilis mansit, consuearis im-*  
*mensum?* Quibus Augustini verbis  
 iure nos etiam Transylvanos Mi-  
 nistros exagitare possumus, qui  
 lib. 2. capite 5. præceptore Maxi-  
 mino Ariano, similiter contende-  
 bant, immensitatem, & reliqua at-  
 tributa soli Patri competere. Pro-  
 bat etiam eodem testimonio Filij  
 immensitatem diuus Fulgentius  
 li. de incarnatione & gratia Chri-  
 sti, cap. 10.

Item addi potest hoc argumē-  
 tum. Qui eodem tempore in cœ-  
 lo & in terra est, immensus D E V S  
 est, qui per Prophetam Hieremiā,  
 cap. 23. inquit: *Cælum & terram ego*  
*impleo.* At Christus eodem tem-  
 pore in cœlo fuit & in terra: Est  
 igitur Deus immensus. Id patet  
 Ioannis 3. Nam Christus adhuc  
 existens in terra, de seipso inquit:  
*Nemo ascendit in cælum, nisi qui de-*  
*scendit de cælo, Filius hominis, qui est*  
*in cælo.*

IMMUTABILITATEM Chri-  
 sto conuenire secundum diuini-  
 tatem, manifestè declarat Apo-  
 stolus ad Hebræos primo. Nam

cum Christo verbis illis Dauidi-  
 cis loquitur: *Omnes sicut vestimen-*  
*tum mutabuntur: tu autem ipse idem*  
*es, & anni tui non deficient.* vt etiam  
 D. Athanasius serm. 2. contra A-  
 rianos, notauit.

ÆTERNITATEM autem illius  
 negant inprimis omnes hæretici  
 suprâ commemorati, qui sunt ho-  
 stes Christi diuinitatis. Na m &  
 Arianorum (vt diuus Athanasius  
 sæpe testatur) axioma de Filio e-  
 rat: *Erat aliquando, quando non erat.*  
 Et idipsum maximè contendunt  
 veteres & noui Samosatreniani: si-  
 quidem Christum existimant,  
 non existitisse antequam de Spiri-  
 tu sancto conciperetur ex MARIA  
 Virgine.

C At Scriptura sacra, Filium esse  
 æternum, multis modis contesta-  
 tur. Primò, quia dubium non est,  
 quin Dei Virtus atque etiam Sa-  
 pientia sempiterna sit, vt affirmat  
 diuus Paulus ad Romanos capite  
 primo. At Christus, vt idem Apo-  
 stolus ait in priori epist. ad Corin-  
 thios primo, est Dei Virtus & Dei  
 Sapiencia. Est igitur Christus sem-  
 piternus, vt optimè concludit D.  
 Athanasius oratione secunda cō-  
 tra Arianos.

II. quia hæc ipsa Sapiencia, quæ  
 Christus est, de seipsa ait, Prouer-  
 biorum octauo: *Ab æterno ordina-*  
*ta sum, & ex antiquis antequam terra*  
*fieret, nondum erant abyssi, & ego*  
*iam concepta eram,* &c. Quo loco,  
 enu-

enumeratis omnibus ferè creaturis, Sapientia hæc genita affirmat, se cum Deo illa omnia fecisse. Vnde sequitur, ipsam non esse creaturam, quæ aliquando esse incœperit vnâ cum rebus aliis, sed ex æternitate fuisse, vt omnes Patres hoc testimonio rectè probant. Scriptura enim æternitatem rei significare consuevit, cum illam affirmat fuisse antequam mundus crearetur. Vt Ioannis decimo septimo: *Dilexisti me ante mundi constitutionem.* Et ad Ephesios 1. *Sicut elegit nos ante mundi constitutionem.*

III. Eandem Filij æternitatem simili phrasi diuus Ioannes capite primo, illis verbis indicat: *In principio* (hoc est, ante omnia) *erat Verbum, & Verbum erat apud Deum.* Quo testimonio D. Athanasius, Basilus, Gregorius Nazianzenus, Augustinus, Ambrosius, & alij omnes Patres demonstrant contra Arianos æternitatem Filij.

Vanissimum autem est commentum Transylvanorum lib. 2. capite II. & Georgij Blandrata, & Francisci Dauidis in actione 3. Albana, cum dicunt, non significare Ioannem illis verbis, quod Christus fuerit ex æterno apud Deum, antequam omnia fierent, sed fuisse cognitum soli Deo, antequam ipse meritis atque doctrina sua omnia instauraret, & ex veteri homine nouam creaturam faceret,

A hominibusque inciperet innotescere. *Apud Deum fuisse*, inquit Franciscus Dauidis, *non est de aliqua hypostasi Patris ab æterno esse generatum, sed esse soli Deo cognitum, antequam mundo.*

Quæ istorum phantasia, præterquam quod à sensu & consensu omnium Patrum alienissima est, nec vlla vel auctoritate, vel ratione nititur, euidenter confutatur ex his, quæ ibidem Ioannes de Verbo, hoc est, de Christo dicit. Affirmat enim, omnia omnino per ipsum facta esse, etiam ipsum mundum, etiam homines improbos & mundanos, qui eum non recipiunt, atque adeo per ipsum minimè renouantur; quos nihilominus tamen iure ac titulo naturalis creationis, proprium quasi peculium Christi esse, indicat illis verbis: *In propria venit, & sui eum non receperunt.* Hinc autem euidenter sequitur, Christum Verbum, fuisse ante omnia omnino quæ facta & creata sunt, non autem ante omnia duntaxat, quæ sunt beneficio gratiæ diuinæ instaurata.

Quod si ita est, non id solum voluit Ioannes significare, quod isti imaginantur, nempe Christum, postquam ex Virgine conceptus est, & antequam homines per gratiam renouaret, fuisse initio, secundum cognitionem apud solum Deum,



Deum, & soli Deo fuisse cognitū; A sed affirmat, illum re ipsa ante omnes creaturas existisse cum Deo, & in Deo Patre, & cum eo cuncta fecisse & *composuisse*, vt ipsemet in Prouerbiis loco antè citato de se loquitur.

IV. Est etiam illustre illud testimonium de æternitate Christi, Michæ 5. *Egressus eius à diebus æternitatis.* Quem locum illius interpretes Hieronymus & Theodoretus, & Rupertus, rectissimè exponunt de Christi æterna generatione. Imaginarium enim commentū est Francisci Davidis cū in disputatione Albana in actione 3. dici, ita dicit: *Vocabulum (diebus) additum, explicat mentem Propheta. Dies enim tunc cæperunt, quando creatus est mundus. Et illi primi dies dicuntur æterni, propter cōtinuam successione, sicut sapius Scriptura loquitur; & ideo cū facta tunc quoque sit de Christo futuro promissio, dicitur fuisse egressus eius à diebus æternitatis.*

Sed contrà est, primū, quòd licet vox, *In æternum*, aliquando in Scriptura significet longū atq; continuum tempus, non infinitum, tamen vocabulum *Æternitas*, vel *Æternitates*, semper immensam durationem significat. Neque obstat, quòd eo loco Propheta dies æternitatis dixerit. Perinde enim est, ac si dixisset, à duratione ipsius æternitatis. Dies enim pro duratione posuit. Vt cū à Daniele

Deus *antiquus dierum* vocatur, vocabulum, *dierum*, non propriè ibi dies aliquos significat, sed durationem Dei infinitam.

Secundò manifesta deprauatio est, *Egressus Christi*, in eo loco, promissionem de Christo futuro interpretari. Aliud enim est egressus Christi, aliud promissio de Christo egressuro. Alioqui enim & illud, quod ibidem Propheta ait: *Et tu Bethlehem Ephrata paruulus es in milibus Iude: ex te mihi egredietur Dux, qui regat populum meum Israël*; possemus similiter interpretari non de natiuitate Christi, sed de illius aliqua promissione, quæ fuerit in Bethlehem aliquando facienda.

Quemadmodum igitur cū Propheta dicit: *Ex te mihi egredietur Dux*, non de promissione natiuitatis Christi, sed de ipsa natiuitate futura in Bethlehem loquutus est (vt etiam Scribæ Iudæorum, Matthæi 2. Herodi Regi responderunt) ita cū egressum eius à diebus æternitatis esse dicit, non promissionem natiuitatis, sed natiuitatem aliquam intelligit, quæ sit ex æterno. Idem enim vocabulū egressionis vtròque vsurpatur, etiam in textu Hebraico.

Accedit, quod cōmuniter sancti Patres cum locum de Christi æterna generatione, vt antè dictum est, interpretantur.

V. Porro

V. Porro Apostolus quid aliud, quàm æternitatem Christi verbis illis significat, ad Hebræos capite decimo tertio: *Jesus Christus*, inquit, *heri, & hodie, & in secula*. Sic enim sancti Patres interpretantur: *Heri*, id est, semper fuit; *Hodie*, semper est; *& in secula*, semper erit. Ex quo impietas Serueti refellitur, qui æquè ineptè ac blasphemè dicit, de Verbo incarnato Ioannem nunquam dicere, est, quasi adhuc illud Verbum permaneat, sed: Erat. Sic enim iste furiosus homo delirauit, vt aliquoties scripserit, Verbum illud post incarnatione neuitquā fuisse. Nempe, quia, vt suprà vidimus, de Verbo diuino perinde ratiocinatus est, ac de humano, quod in conceptu consistit, euāescēte statim ac res cogitata executioni mandata est. Atqui diuus Ambrosius & alij communiter sancti Patres, ex eo potius, quod diuus Ioannes de Verbo diuino dicit: Erat, & non, Fuit: perennitatem illius æternitatis rectissimè colligunt, vt suprà cap. 3. nōtauimus.

VI. Congruit cum eo Pauli testimonio testimonium aliud Ioannis de Christo, in Apocalypsi sæpius ab illo repetitum: *Qui erat*, inquit, *& qui est, & qui venturus est*.

VII. Et illud huc pertinet, quod Apostolus ad Hebræos capite septimo, exponens in quibus

rebus Melchisedech assimilatus fuerit Filio Dei; inter cetera commemorat, quod *neque initium dierum, neque finem habuerit*. Constat autem in hoc similitudo, quod sicut nec initium, nec finis dierum Melchisedech in Scripturis commemoratur, ita Christus, vt Deus, neque initium durationis suæ, neque finem habet: tametsi alioqui initium dierum eius, secundum humanitatem, atque etiam mortem, diligenter Scriptura commemorat: Ita enim hunc Apostoli locum Patres interpretantur.

VIII. Vrget quoque pulchrè diuus Basilius libro quarto in Ennomium illud, quod Apostolus ait ad Colossenses, cap. 1. *Omnia per ipsum, & in ipso creata sunt, & ipse est ante omnes*. Si Christus, inquit Basilius, *prima creatura est ex tempore facta*, debuit dicere Apostolus; *Et ipse factus est ante omnia*. At cum dixerit; *Et ipse est ante omnia*, ostendit, ipsum quidem semper esse, creaturam autem factam esse. Nam vox, est, cum illo: In principio ERAT Verbum, concordat.

IX. Qui vita æterna est, æternus sit, necesse est, Christus autem vita æterna est, Ioannis decimo septimo: *Hic est verus Deus & vita æterna*: Est igitur ipse æternus.

X. Cum Christus sit Sapientia, atque etiam Virtus Patris, vt ait

M Apo-

Apostolus ad Rom. 7. Si Christus aliquando non fuit, Pater aliquando virtute atque sapientia caruit. At hoc est absurdum: Fuit igitur semper Christus. Ita enim argumentatur optimè D. Athanasius in epistola de decretis Nicænæ Synodi, & (vt idem Athanasius ibi refert) Dionysius etiam Romanus, & Origenes laboriosus, vt ibi Athanasius appellat.

XI. Si Christus aliquo temporis suæ durationis cuiuslibet intervallo, posterior Patre est: *Falsa est*, inquit diuus Basilus lib. secundo contra Eunomium, *Scriptura, qua dicit, seculum per ipsum facta esse*. Ad Hebr. 1. *& omnia per ipsum facta esse: comprehensum nimirum etiam seculum, in omnibus. Communis enim*, inquit, *cōsuetudo, aut temporibus, aut seculis omne intervallum subiicit.*

XII. Sæpe etiam diuus Athanasius, Basilus; & alij Patres pro æternitate Filij argumentantur ex illo testimonio Dauidis, Psalm. 80. *Non erit in te Deus recens*. Impium enim est credere, voluisse Deum, vt Deum recentem in Ecclesia haberemus, cum noluerit talem aliquem Deum agnoscere à populo Israël.

Nec valet argumentum Ariatorum apud diuum Athanasium, & diuum Basilium, & alios Patres: Quod est ab alio, posterius est illo. Filius est à Patre, ergo posterior est Patre. Quod argumen-

tum & recentes Ariani ac Samosateniani passim inculcare solent. Respondemus enim cum antiquis Patribus, non esse necessarium, vt quod ab alio est, posterius sit eo, à quo est. Nam & lux est à Sole, & riuus à fonte, nec tamen lux Sole, aut riuus fonte tempore posterior est, quæ sunt exempla accommodatissima sanctorum Patrum. Deratione igitur eius, quod ab altero est, solum est, vt non existat, nisi ex vi alterius, siue vt ex alio naturæ quodam ordine consequatur: non autem vt duratione illo posterius sit: sed hoc quandoque ex accidenti euenit, quemadmodum infra libro secundo, cum adhibebimus explicationem mysterij huius Theologicam, vberius declarabimus. Hoc autem loco hæc sufficiant ad cōfirmendam Christi æternitatem, quæ est vnum ex attributis diuinis.

Porro BONITATEM ipse sibi Christus tribuit, Ioannis decimo: *Ego sum*, inquit, *pastor bonus*. Et Matthæi cap. 20. *An oculus tuus nequam est, quia ego bonus sum?* Et Sapientix 7: de Sapientia genita, hoc est, de Filio dicitur: *Candor est lucis æterna, & speculum sine macula claritatis Dei, & imago bonitatis illius.*

Neque illud obstat, quod olim Ariani apud Athanasium, & nunc etiam Seruetus libro primo de Tri-



Trinitate, & alij Ariani & Samosateniani inculcant: *Quid me dicis bonum? nemo bonus, nisi solus Deus.* Lucæ decimo octavo. Non enim ex propria sententia sua Christus indicauit his verbis, se bonum non esse: sed redarguit legisperitum, qui interrogauerat: *Magister bone, quid faciendo, vitam æternam possidebo?* Quasi diceret Christus; Cum tu non credas, me esse Deum, perperam facis, quod me bonum vocas: nemo enim bonus, nisi solus Deus. Rectè enim D. Athanasius in Dialogis de Trinitate cōtra Anomeos, pag. 662. *Non dixit Christus, inquit, ne me bonum dicito. Sed: Quid me dicis bonum? Illud enim bonitatem tolleret: istud autem perinde est, ac si diceret: Quorsum me dicis bonum, nec tamen confiteris me esse Deum? Ut & illud: Quid me compellatis Domine, Domine, nec facitis quæ dico?* Hætenus diuus Athanasius; atq; eodem modo hunc locum rectè interpretantur Basilius lib. 4. in Eunom. Gregorius Nazianzenus orat. 4. de Theologia. Chrysostomus in cap. 19. Matth. Hieronymus ibidem. Ambrosius lib. 2. de fide, c. 1.

POTENTIAM ab ipso Patre sibi tributam esse proficitur Christus: *Nam data, inquit, est mihi omnipotentia in calo & in terra,* Matth. 28. Et Apocal. 1. 4. 11. *Domine Deus omnipotens, qui erat, & qui est, & qui venturus est.*

A Nec obstat illud, quod obiiciunt Ariani: *Non potest Filius à se facere quidquam, nisi quod viderit Patrem facientem.* Ioannis capite 5. His enim verbis non indicat Christus, sibi potentiam deesse, sed se potentiam non à se, sed à Patre per generationem habere, vt diuus Gregorius Nazianzenus oratione quarta, & Ambrosius libro quarto de fide, cap. 3. & alij interpretantur.

Quin immò hunc ipsum locum rectè diuus Gregorius Nazianzenus in Arianos retorquet. Nam si nihil omnino à se Filius facere potest, consequitur, ipsum non esse puram creaturam. Omnis enim creatura potest saltem à se ipsa peccare.

C Accedit, quod eodem in loco subiungit Christus: *Quacunque Pater facit, hæc similiter & Filius facit.* Est igitur æquè ac Pater omnipotens. Filium autem videre Patrem facientem, non est ab illo discere per doctrinam; sed scientiam Filij, quomodo debeat facere, sicut & potentiam, qua facit, à Patre per generationem esse. Nam cum essentia, & potentia, & scientia idem in Deo sit, hoc ipso, quod essentiam Filius accipit à Patre, accipit etiam potentiam atque scientiam.

D SAPIENTIAM diuinam Christo tribuit Apostolus Paulus luculentissimè ad Colossenses 2. 7<sup>o</sup>

ipso sunt omnes thesauri sapientia & scientia Dei. Item 1. ad Corinth. 1. *Christus Dei Sapientia*. Et Apostolus Petrus Ioannis ultimo: *Domine, tu omnia nosti*. Illud autem: *De die autem illa nemo scit, neque Filius hominis, nisi solus Pater*. Matthæi 24. Patres referunt ad Christi humanitatem: vt sit sensus; Nec Filius id scit ex natura suæ humanitatis. Ita Athanasius oratione in illud: Omnia mihi tradita sunt à Patre. Cyrillus lib. 9. thesauri, capite 4. Ambrosius in cap. 17. Lucæ, & alij.

Nec obstat exclusiua particula: *Nisi solus Pater*; cum enim sermo est de re, quæ alicui personæ diuinæ secundum essentiam, & non secundum originem conuenit, non excluduntur, sed includuntur alia personæ diuinæ, quæ sunt eiusdem essentiæ diuinæ, vt diuus Cyrillus, & D. Athanasius, & D. Augustinus lib. 3. contra Maximinum, cap. 13. verissimè notarunt. Vt enim infrà certo loco asseremus, de ratione diuinitatis ipsius, sunt omnes ipsæ tres personæ, sicut etiam docet diuus Gregorius Nazianzenus in epistola ad Euangrium Monachum. Ex quo fit, vt hoc ipso, quod quidpiam Deo, aut alicui personæ, quatenus Deus ille solus ac verus est, tribuitur, personis etiam aliis diuinis tribuatur.

Atque hæc ratio est, quamobrem docuit D. Augustinus libro 3.

contra Maximinum, cap. 13. Christum secundum diuinitatem fuisse ab Apostolo comprehensum vocabulo, Dei, cum ad Romanos 16. inquit: *Soli sapienti Deo honor & gloria per Iesum Christum*. Deus, inquit Augustinus, *qui est ipsa Trinitas, propterea solus sapiens esse dicitur, quia solus secundum suam substantiam sapiens est*. Vult igitur Augustinus totam Trinitatem ab Apostolo dici, solum sapientem Deum. Cui Trinitati, quemadmodum per Christum, vt hominem, gloria data sit, ea ratione potissimum confirmat ibi D. Augustinus: *Quia ipse, inquit, precepit baptizari Gentes in nomine Patris, & Filij, & Spiritus sancti*. Ubipraprie commendata est huius indiuidua gloria Trinitatis. Hæc diuus Augustinus.

## CAPVT XV.

*Probatur quintò Christi diuinitas iis Scripturæ testimoniis, in quibus ei diuina quoque operationes tribuuntur.*

**P**OSSET pro omnibus huius generis testimoniis illud vnicū testimonium certissimum & clarissimum ipsius Filij sufficere. Ioan. 5. *Quæcumq; Pater facit, ea similiter & Filius facit*. Pater autem 1. creat. 2. conseruat. 3. cognoscit seipsum. 4. videt occulta cordium atque futura. 5. saluat. 6. sanctifi-

cat.

cat. 7. eligit ac predestinat. 8. iustificat  
 & remittit peccata. 9. glorificat. 10. sus-  
 citat à morte in nouissimo die. 11. vocat  
 & attrahit ad Ecclesiam. 12. illuminat  
 mentes hominum ad cognitionem fidei.  
 13. regit atque gubernat pios. 14. conso-  
 latur animos per internam gratiam.  
 15. instituit ac mittit operarios in Ec-  
 clesia vineam. 16. instituit Sacramen-  
 ta. 17. operatur in illis ipse principaliter.  
 18. facit mirabilia. Hæc igitur om-  
 nia & Filius similiter, hoc est, pa-  
 ri, immò eadem virtute, facit. Sed  
 hoc ipsum sigillatim propriis te-  
 stimoniis, quæ has omnes opera-  
 tiones diuinitatis, Christo adscri-  
 bant, operæ pretium erit osten-  
 dere.

I. Atque ut initium faciamus à  
 creatione, esse illam opus proprium  
 veri Dei, quo ipse vult à Diis falsis  
 discerni, patet ex his testimoniis,  
 Ieremiz 10. *Dij qui non fecerunt cae-  
 lum & terram, pereant de terra, & de  
 sub calo.* Quod testimonium pul-  
 chrè ad hoc propositum inducit  
 D. Basilii lib. 4. contra Eunom.  
 Item Psalmo 95. *Quoniam omnes  
 Dij gentium damonia, Dominus autem  
 celos fecit.*

Hoc autem opus in septem po-  
 tissimum Scripturæ locis euiden-  
 ter tribuitur Filio. I. Prouerbio-  
 rum 8. *Quando appendebat funda-  
 menta terra, cum eo eram cuncta com-  
 ponens.* II. Ioânis 1. *Omnia per ipsum  
 facta sunt, & sine ipso factum est nihil.*  
 III. ad Colofs. 1. *In ipso condita sunt*

*universa in cælis & in terra, visibilia  
 & inuisibilia, siue throni, siue domi-  
 nationes, siue principatus, siue potesta-  
 tes: omnia per ipsum & in ipso creata  
 sunt.* IV. 1. Cor. 8. *Unus Dominus  
 Iesus Christus, per quem omnia.* V.  
 ad Hebr. 1. *Et in initio Domine ter-  
 ram fundasti, & opera manuum tua-  
 rum sunt cæli.* VI. Ibidem: *Per quem  
 fecit & secula.* VII. Psalmo 32. *Ver-  
 bo Domini confirmati sunt.*

Hic verò tribus modis in vni-  
 uersum animaduerto responsum  
 esse à diuersis hæreticis. Primò  
 enim Arius ipse, & Arianorum  
 patronus, Asterius quidā sophista  
 & idololatra, vt D. Athanasius  
 serm. 3. contra Arianos testatur,  
 dicebant per Filium quidem om-  
 nia creata esse, sed non nisi tan-  
 quam per administrum & velut  
 commissarium Patris: *Aiebant  
 enim, inquit D. Athanasius, Deum  
 volentem creaturam naturam produ-  
 cere, cum videret eam puritatis suæ  
 architectationis participem esse non  
 posse, condidisse primò vnum, quem ap-  
 pellauit suum Filium & Verbum, ut il-  
 lo condito reliqua deinde per eum con-  
 didi possent.* Quam commentatio-  
 nem Arianorum etiam refert D.  
 Cyrillus lib. 5. thesauri, cap. 5.

Sed argumentatur optimè con-  
 tra illam D. Athanasius, quia si  
 Pater Filio architectationem re-  
 rum aliarum commisit, vel id fe-  
 cit, quoniam ipse non potuit alia  
 creare, & tunc miser est; vel quia



alia creare ipse dedignatus est; & hoc dici non potest, cū etiam rerum minimarum procuratorem habere non dedignetur, vt passerum, qui asse veniunt, & aliorum volatiliū cœli, quorum omnium curam gerit Pater cœlestis, vt patet Matthæi 6. & 10. vel quia non poterat creatitiæ naturam vim Dei Patris sustinere, vt illi heretici fingebant. At tunc sequitur, neque Filium potuisse condere ab ipso per se Patre, cū secundum illos hereticos ipse etiam fuerit creatitiæ naturæ.

Accedit, quod, vt D. Athanasius in epistola de decretis Concilij Nicæni probat, manifestè falsum est, Deum Patrem non etiam alia omnia, seu magna, seu parua, per se ac immediatè (tanquam causam quidem vniuersalem) creasse, & nunc facere. Contrarium enim constat ex his testimoniis. Iob. 9. *Qui extendit cœlos solus.* Et Psalm. 146. *Qui producit in montibus fennum.* Et Prouerbior. 8. *Quando præparabas cœlos aderam, quando certa lege & gyro vallabas abyssos, quando appendebas fundamenta terræ, cum eo eram cunctis componens.* Et Ioannis 5. *Pater meus vsque modo operatur, & ego operor.*

Adde etiam, quod communiter sancti Patres negant fieri potuisse, vt res, quæ non fuerit ipsa ex se infinitæ virtutis, creauerit aliquid ex nihilo, & nominatim

A diuus Athanasius sermone tertio contra Arianos. Quare si Filius fuit creatura, creare reliqua ipse non potuit. Nam & diuus Athanasius ibidem commemorat, hæresim fuisse Marcionis Valentini, & Basilidis, quod Angelis, qui sunt creaturæ, creationem tribuerent. Quam etiam hæresim Irenæus refert libro primo, capite vicesimo secundo, & D. Augustinus libro duodecimo de ciuitate Dei, capite vicesimo quarto.

Secundo, alij heretici ex Ariano (vt est videre apud Augustinum libro primo contra Maximinum, & in sermone Arianorum) dixerunt, quamuis non solus Filius, sed simul etiam ipse Pater creauerit, Patrem tamen vt causam principalem creasse, Filium non nisi vt instrumentum, atque eatenus vt ministrū Patris. Quod ipsum respondit etiam Valentinus Gentilis Italus, nouorum Arianorum antesignanus, in suis prothesibus prothesi 24. & Georgius Blandrata in disputatione Albana in actione septimi diei. Id autem Ariani veteres, vt est apud Athanasium libro de communione diuinitatis, cōfirmabant, quia Scriptura PER Filium omnia creata esse dicit, cū tamen omnia Ex Patre esse dicat. Vt 1. ad Corinth. 8. *Nobis autem vnus est Deus Pater, ex quo omnia, & vnus*

*Domi-*

*Dominus* *Jesus Christus*, per quem *A* *omnia*. Particula enim, *Per*, instrumento accommodari solet, & particula, *Ex*, causæ efficienti principali. Quo argumento etiam vitur *Valentinus Gentilis*, & *Ministri Transylvani* libro secundo, capite sexto, & *Franciscus David* in disputatione *Albana* in actione 3. dici.

At *Filium*, ut causam æquæ principalem, ac *Patrem*, creasse, multis modis evidentissimè probatur. I. Quia ipse *Filius*, *Ioan. 5.* inquit: *Quacumq; Pater facit, hæc & Filius SIMILITER facit.* II. Quia creavit ut verus *Deus Israël* sicut *Pater*; *Dens* autem *Israël* ut causa principalis creavit, quemadmodum fatentur etiam aduersarij. Id patet ex *Apostolo* ad *Hebræos 1.* qui verba illa *Psalmi 101.* à *Dauid* dicta *Deo Israël*, *Christo* accommodat: *Tu initio Domine terram fundasti, & opera manuum tuarum sunt cæli.* III. Quia *Apostolus* ibidem cap. 2. & 3. affirmat *Christum* neque ut *Angelos*, qui sunt omnes administratorij spiritus, neque ut *Moysem* fuisse, qui fuit, inquit, in domo *Dei* famulus. IV. Quia causa efficiens principalis ea dicitur, quæ est prædita per se necessaria & sufficienti virtute ad producendum effectum: *Christus autem est ipsa Dei virtus.* 1. ad *Corinthios 1.* Qua-

re non potuit carere virtute sufficienti ad creandum. V. Quia idcirco *Patrem* ut causam principalem operatum esse intelligimus, quoniam arbitratu suo operatus est ut voluit; id quod minime conuenit instrumento: Atqui *Filium* similiter imperio suo & voluntate operari, legimus *Baruch.*

B 3. *Qui emittit lumen & vadit, vocat illud, & obedi ei cum tremore.* *Stella autem dederunt lumen in custodiis suis, vocata sunt, & dixerunt, adsumus, & luxerunt ei in incunditate, qui fecit illas.* Hæc enim omnia de *Deo Filio*, qui in terris visus est, ibi dicuntur. Et *Ioannis 5.* *Sicut Pater, quos vult vivificat, ita & Filius quos vult vivificat.* Et *Lucæ 8.* *Quis est hic, qui imperat ventis & mari, & obediunt ei?* VI. Quia instrumentum non propria virtute sua, sed motu agentis principalis efficit principalem effectum. At de *Filio Apostolus* ad *Hebræos* primo, inquit: *Portans omnia verbo virtutis sue.* VII. Quia instrumentum non est principium ac finis ultimi operis. *Filius* autem in *Apocalypsi Ioannis* cap. 1. de se dicit: *Ego sum α & ω principium & finis.* Et rursus *Isaie* capite 48. *Deus Filius* qui dicit: *Et nunc Dominus misit me & spiritus eius, illud item ait: Propter me faciam, utique tanquam propter finem, & gloriam meam alteri non dabo.* VIII. Quia *Filius*

lius

lius est omnipotens, ut aliquot testimoniis supra probatum est. Cur igitur non creauerit ut causa principalis, quandoquidem ita creare potuit?

Nec Arianorum veterum ac recentiorum argumentum aliquid valet. Omnia enim ex Patre, & omnia per Filium fieri, non ideo dicit Scriptura, ut Patrem causam principalem, Filium minus principalem esse significet, sed ut probe distinguerentur personarum substantia, inquit D. Basilus libro de Spiritu sancto, cap. 5. Particula enim, Ex, indicat Patrem esse primum principium. Particula, Per, adiungitur Filio, ut denotetur ipsum esse principium medium, hoc est, principium de principio. Sicut etiam particula, In, additur Spiritui sancto, quia in ipso connectuntur Pater & Filius tanquam in mutuo utriusque amore.

Confirmat autem hoc D. Basilus ibi, atque etiam D. Athanasius libro de communis essentia diuinitatis, manifesta ratione. Nam Scriptura particulas has, Ex, Per, & In, sine discrimine tribuere alioqui solet iam Patri, iam Filio, iam Spiritui sancto; atque etiam aliquando omnes illas simul vni & eidem Deo, ut ab iisdem Patribus, & à D. Ambrosio libro quarto de fide, capite 6. & Augustino libro primo de Trinitate, cap. 6.

A notatum est. Quod euidenti argumento est, particulam Per, & In, non significare per se causam minus principalem. Tunc enim Deus ipse ut Deus, ac etiam Pater, esset causa minus principalis.

Nam Deo communiter tribuntur omnes illae particulae ad Roman. II. *Quoniam ex ipso, & per ipsum, & in ipso sunt omnia.* Patri autem tribuitur particula, Per, ad Galat. 4. *Quod si filius, & haeres per Deum.* Et I. ad Tim. I. *Fidelis Deus per quem vocati estis in societatem Filij eius.* Et 2. ad Cor. I. *Paulus Apostolus per voluntatem Dei.* Et ad Rom. 6. *Quomodo Christus surrexit à mortuis per gloriam Patris.* Sicut Deo etiam atque adeo toti sanctissimae Trinitati tribuitur eadem particula Genes. 4. *Possedi hominem per Deum.*

Filio autem tribuitur particula Ex, ad Ephes. 4. *Crescamus in illo, quod est caput Christus, ex quo totum corpus compactum.* Item ad Coloss. 2. & Ioan. 1. *De plenitudine eius nos omnes accepimus.* Et Ioan. 16. *De meo accipiet.* Tantundem autem valet De & Ex. Sic etiam Spiritui sancto particula, Ex, adiungitur. I. Ioan. 4. *De, vel, ex Spiritu suo dedit nobis.* Et Matth. 3. *Quod enim in ea natum est, de Spiritu sancto est.* Rectè igitur D. Basilus lib. de Spiritu sancto, c. 5. huiusmodi voces ad mutuas significationes frequenter transferri, testimoniis



moniis iam recitatis, & aliis pluribus ostendit.

Adde, quod duplici præterea de causa potest dici Pater per Filium creare, quamvis non creet ut causa minus principalis. Primo, quia Filius est sapientia Patris; & rectè dicitur Pater per sapientiam suam operari. Atque id significari per eam loquutionem notat libro primo de fide, capite nono D. Damascenus. Sed quia hæc sapientia est quoque per se subsistens, simul ipsa etiam creat ut causa principalis. Secundò, quia vim, per quam Filius creat, Pater per generationem illi indidit; quo fit, ut id, quod Filius facit, rectè dicatur Pater facere non solum per se, sed etiam per Filium.

Quin ad hoc ipsum significandum notat D. Hilarius in libro de Synodis, dictum esse in quodam Concilio Syrmienti, can. 3. quòd Filius Patri ministraverit in creatione mundi. Nimirum quatenus fuit is, per quem Pater non secundum imperium aut secundum aliquam in operando inæqualitatem, sed secundum originem modo iam explicato creavit. Quia enim minister propriè dicitur is, per quem alius quidpiam facit; Filius etiam quatenus est is, per quem aliquo tandè modo, nempe secundum originem, Pater creavit, potest impropriè & latè sum-

pto vocabulo dici in ea re ministrasse Patri. Quo sanè modo & D. Irenæus libro 3. capite 8. & libro 4. capite 13. loquutus est, qui multis alioqui locis, ut infra videbimus, constitetur Filij & Patris æqualitatem.

De Eusebio verò libro 1. historiarum, capite primo, & de Tertulliano vel Nouatiano potius in libro de Trinitate (Nouatianus enim, non Tertullianus est auctor illius libri, ut D. Hieronymus testatur) qui similiter ita sunt loquuti, laborandum non est, cum eiusmodi auctores non fuerint Orthodoxi.

Quemadmodum neque sollicitè inquirendum est, quo sensu Lutherus in 1. caput Genes. Filium *instrumentum* Dei vocarit: siquidem quædam alia suprâ commemorauimus, in hoc genere Lutherum scripsisse, propter quæ de Ariana hæresi iure optimo suspectus esse possit. Itaque frustra ministri Transyluani libro secundo, capite sexto, & Georgius Bladrata in actione septima Albana, hoc etiam Lutheri testimonio se suumque Arianismum tuentur. Non enim repugnamus quò minus Lutherum secum in suis castris Arianis habeant, posteaquam ille à Christi & Ecclesiæ sanctissimis castris se impiè ac hæreticè segregauit. Ad modum autem loquendi, quem ex Irenæo

N etiam

etiam & ex Concilio Syrmienti A  
obiiciunt, iam responsum est,  
quomodo intelligi debeat: qui  
tamen loquendi modus imitan-  
dus non est.

Tertiò, ad illud euidentissi-  
mum argumentum, quod ex ope-  
re creationis pro Filij diuinitate  
duximus, respondens præterea  
Ministri Transyluani libro secun-  
do, capite tertio & vndecimo, &  
Franciscus Dauid in disputatione  
Albana in actione tertij & noni  
diei, & Georgius Blandrata in ea-  
dem disputatione; cum Scriptura  
affirmat, omnia per Christum fa-  
cta esse, non de prima rerum crea-  
tione loqui, sed de noui mundi, seu  
noue creatura, creatione per gratiam,  
reconciliatione & restauratione, quam  
per Christum factam esse explicat alibi  
Scriptura. Ad Ephes. 1. & 2. 2. ad  
Corinth. 5. ad Galat. 6. & Isai. 61.  
& Apocalyp. 21. *Ecce ego creo callos  
nouos, & terram nouam.* Et addidit  
in disputatione 3. Albana Franci-  
scus Dauid: *Hæc, inquit, est mea  
doctrina, pro qua etiam mortem oppo-  
tere paratus sum hac ipsa hora, & sic  
prodire in conspectum Dei mei, neque  
peto mihi gratiam.*

Frustra verò miser iste gratiam  
petiuerit, si cum hac peruersissi-  
ma Scripturæ interpretatione  
comparuit in conspectum Dei,  
mortuus pro hac doctrina (vti fer-  
tur) in insania.

I. Nam primùm, qualis est hæc  
noua interpretatio & doctrina,  
cum qua nemo vnquam tot san-  
ctorum Patrum in conspectum  
Dei venit? Omnes enim semper  
intellexerunt, creatione etiam  
prima omnia omnino per Chri-  
stum facta esse, eoq; potissimùm  
argumento Nicæni Concilij Pa-  
tres diuinitatem probauerunt, vt  
D. Athanasius sermone 3. contra  
Arianos, & in epistola ad Episco-  
pos Africanos, & in sermone con-  
tra omnes hæres. testatur.

II. Deinde ipsa Scriptura ma-  
nifestè se explicat. ait enim Ioan-  
nes, *mundum* ipsum per Christum  
factum esse, hoc est, cælum & ter-  
ram, & omnia quæ in eis sunt,  
vt omnes Patres interpretantur.  
Neque enim mundum acceptum  
pro improbis hominib; ipse pro-  
priè facit. Itè dicit, *suos* iure crea-  
tionis esse homines etiam malos,  
qui eum non cognouerunt, ne-  
que receperunt, quique proinde  
nequaquam per gratiam instau-  
rati aut creati sunt.

III. Probat etiam apertissimè  
Paulus ad Colos. 1. Ideo Christum  
primogenitum esse ante omnem crea-  
turam, quoniam omnes creaturas  
ipse creauit: *In ipso enim, inquit,  
condita sunt vniuersa, in cælis & in  
terra, visibilia & inuisibilia, siue throni,  
siue dominationes, &c. & omnia per  
ipsum & in ipso creata sunt.*

IV. Dicit præterea ad Hebræos  
r. Filium initio, hoc est, creatione  
prima, terram fundasse, & opera ma-  
nuum eius esse cælos.

V. Dicit ibidem, per ipsum facta  
esse secula, nimirum creatione pri-  
ma, per quam factum est, ut secu-  
la ipsa, id est, res omnes ex inuisibi-  
libus visibilia fierent, quemadmo-  
dum ipse Apostolus ad Hebr. II. id B  
interpretatur.

VI. Dicit denique, Filius de se  
Prouerb. 8. *Quando Pater appen-  
debat fundamenta terra, cum eo se cun-  
cta composuisse.* An clarioribus vn-  
quam verbis ipsi Patri creationem  
rerum Scriptura tribuit?

Quòd autem in Scripturæ qui-  
busdam locis vocabulum *creatura*  
& *creationis* pro restauratione per  
Christum facta, manifestè acci-  
piatur, nemo est qui neget. Hoc  
enim etiam modo Christus omnia  
creat, quæcunque ita crean-  
tur: *Ipsium enim factura sumus*, inquit  
Apostolus ad Ephesios 2. *creati in  
operibus bonis.* Sed non eadem ra-  
tio est aliorum locorum, ubi ser-  
monis circumstantiæ, sicut vidi-  
mus, euidentissimè declarant pri-  
mam quoque creationem rerum  
adscribi Christo.

Aliud enim (exempli causa) est,  
quod Apostolus ad Ephesios 1.  
ait: *Instaurari omnia per Christum,*  
*quæ in cælis, & quæ in terra sunt.* Aliud  
verò, quod ait ad Colossenses 1.  
*Omnia esse creata per Christum*, atq;

A adeo in illo esse conditos ipsos etiam  
Angelos. In illo enim loco ad E-  
phesios non ipsos Angelos nomi-  
natim instauratos aut renouatos  
significat Apostolus; sed signifi-  
cat reparatum esse in cælis nume-  
rum Angelorum, qui imminutus  
fuerat propter casum malorum  
Angelorum, ut Augustinus ex-  
ponit in Enchiridio capite sexa-  
gesimo primo & sexagesimo se-  
cundo. In altero autem loco ad  
Colossenses ipsos etiam Angelos  
bonos, hoc est, thronos, domi-  
nationes, &c. conditos in Chri-  
sto esse dicit. Quod non de illo-  
rum aliqua renouatione (quippe  
qui expertes fuerunt omnis ve-  
tustatis peccati) sed simpliciter  
de creatione accipi debet. Id e-  
nim affirmat, ut probet Christum  
ante omnes Angelos existisse,  
neque esse ex numero creatura-  
rum, sicut diuus Athanasius ser-  
mone quarto contra Arianos, &  
diuus Chrysostomus in illum lo-  
cum annotauit. Quæ probatio  
nulla esset, si tantummodò vellet  
D Apostolus significare, Angelos  
fuisse per Christum renouatos.  
Ferè enim fit, ut prius & anti-  
quius à posteriori renouetur, non  
autem ab eo, quod ante illud ex-  
stitit. Sed id demum oportet ex-  
stitisse ante alterum, quod alte-  
rum creat.

Quæ verò aduersarij afferunt  
ad confirmandam illam suam in-



terpretationem fictitiam, (nempe de renouatione tantum intelligi debere, quæ in Scriptura dicuntur de creatione per Christum) meræ sunt petitiones principij. Sumunt enim ea, quæ à nobis cū ratione & testimoniis multis Scripturæ negantur. Vt quòd solus Pater creauerit: quòd Christus nō fuerit secundum aliquam sui naturam, creationis tempore: sed postea demum quum est ex Maria Virgine conceptus. Hæc omnia verò, nos euidenter probauimus esse falsa.

Illud verò quàm est ineptum? Quod Ioannē scilicet volunt subindicasse illam ipsorum interpretationem, cū ad illa verba: *Ei si non ipso factum est nihil; addidit, quod factum est.* Quasi sit sensus, facta esse omnia per Christum, sed non nisi eo modo, quo fecit, nempe secundum renouationem & creationem nouam. Quis non miretur tam mirificos Scripturæ interpretes? Primum, vt Ioannes adderet, Christum fecisse omnia, non nisi eo modo, quo fecit; superuacaneum erat. Quis enim aliter facit aliquid, quàm eo modo, quo facit? Deinde, ex vocabulo *faciendi*, quod latissimè patet, colligere determinatè modum faciendi secundum renouationem; voluntarium commentū est, profectum ex anticipata hæresi istorum. Deniq; Gregorius Nazian-

zenus, & alij Græci Patres, qui verba illa: *Quod factum est;* cū præcedenti periodo coniungunt, longè aliam ob causam addidisse illa Ioannem censent, nempe vt intelligeretur, non omnia omnino per Filium facta esse (non enim etiam Spiritum sanctum aut Patrem) sed omnes certè creaturas, quæcunque sunt factæ. Augustinus autem, & alij Patres Latini, illa verba ad sequentia referunt, & ex illis initium periodi faciunt, hoc modo: *Quod factum est, in ipso vita erat.* Sed Christo creationis opus adscribi oportere, satis, vt arbitror, ex adductis testimoniis manifestum est.

Ac sunt, qui id rursus probant tali argumento. Dij qui non fecerunt cælum & terram, perdendi & exterminandi sunt *de sub cælo & de terra*, hoc est, ex ipsis veri Dei decreto ab omnibus sunt execrandi, vt pronunciat Deus ipse apud Hieremiam capite 10. At Christus non est talis Deus qui sit exterminandus & perendus de terra: Ergo omnino est verus Deus, qui fecit cælum & terram.

Sed, vt verum fatear, hoc argumentum non magnopere vellem niti. Loquitur enim ibi Hieremias nō de omnibus omnino Diis, qui veri Dij non sint, sed de Gentium idolis, quæ verè erant dæmones. Hos falsos Deos, qui non fecerunt cælum

cœlum & terram, vult Deus execrationi omnibus esse: non autem alios Deos, vel participatione, vel etiā opinione, qui non sint demones. Nam homines sancti sunt Dij per participationem, qui non fecerunt cœlum & terram: neq; tamen ideo sunt ex illo Dei decreto execrandi. Item Sol, & Luna, & stellæ fuerunt Dij, multarum Gentium opinione; qui non fecerunt cœlum & terram: neque ideo tamen voluit vnquam Deus, vt Solum, & Lunam, & stellas homines execrarentur. Videtur igitur mihi locus ille Hieremiæ 10. rectè induci, vt ostendatur, opus creationis esse veri Dei proprium, vt nos suprâ ad hoc propositum induximus: non oportere tamen illum afferre, vt ex eo concludatur, Christum, quia perdendus de terra non sit, esse Deum, qui fecit cœlum & terram. Hoc enim satis euidenter aliis testimoniis, quæ iam adduximus, demonstratur.

II. Est etiam opus proprium Dei, rerum CONSERVATIO. Cuius operis beneficio (vt Apostolus ait Actor. 17.) *In ipso vivimus, mouemur, & sumus.* Hoc autem opus Christo tribuit idem Apostolus ad Colossens. 1. *Omnia, inquit, in ipso consistant.* Et ad Hebr. 1. *Portans omnia verbo virtutis sue.* Quibus ex locis hoc idem sancti Patres probant.

III. Item est actio Dei propria COGNITIO illa, quæ se ipse perfectè

A cognoscit, 1. ad Corinthios 2. *Quæ sunt Dei, nemo nouit, nisi Spiritus Dei, qui in ipso est.* Et ad Roman. 11. *Quis cognovit sensum Domini?* Atqui Christus hanc sibi cognitionem tribuit: *Nemo, inquit, nouit Patrem, nisi Filius.* Et Ioannis 10. *Sicut me nouit Pater, & ego agnosco Patrem.* Non est igitur purus homo (qui secundum Apostolum nō cognoscat, quæ sunt in Deo) sed etiam Deus.

IV. Item Dei proprius actus est, cognoscere ex se occulta cordium, ac ea quæ sunt futura. Hieremiæ 7. *Ego Dominus scrutans corda & renes.* Isaïæ 45. *Annunciate nobis futura, & dicemus, quia Dij estis.* Hanc autem cognitionem Christo competere, manifestissimum est ex Scriptura, Ioan. 2. *Ipse enim sciebat, quid esset in homine.* Et cap. 21. *Domine, tu omnia nosti.* Et ipse de se in Apocal. cap. 2. *Ego sum scrutans corda, & probans renes.* Quibus verbis planè ostendit, se illum eundem Deum Israël esse, qui apud Hieremiam, vt vidimus, eodem modo loquitur: ac proinde non alieno beneficio, vt alij Prophetæ, sed propria virtute scire omnia. Et Ioannis 13. *Hoc dixi vobis priusquam fiat, vt cum factum fuerit, credatis, quia ego sum.* Atque huc, vt alias Christi prædictiones omitam, vel maximè pertinet, quod ipse, tanquam Deus, ex se omnia sciens, docuit Prophetas ea, quæ

prædicturi crant, ut testatur diuus Petrus 1. epist. cap. 1. *De qua salute, inquit, scrutati sunt, & exquiserunt Prophetae scrutantes, in quod, vel quale tempus significaret in eis spiritus Christi, pronuncians eas, quæ in Christo sunt passioni & posteriores glorias.*

V. Proprium opus Dei est SALVATIO. Psalmo 67. *Deus noster Deus saluos facienti.* Et Isaia 45. *Deus iustus, & saluans non est prater me.* Hoc autem opus Christo tribuit Angelus Lucæ capite primo: *Vocabis nomen eius IESVM, ipse enim saluum faciet populum suum a peccatis eorum.* Et Apostolus ad Philipenses capite tertio: *Saluatorem expectamus Dominum nostrum IESVM Christum, &c.* Et ad Hebræos cap. secundo: *Decebat auctorem salutis eorum per passionem consummare, &c.*

VI. Item SANCTIFICATIO. Leuitici 21. *Ego sanctus sum Dominus, qui sanctifico vos.* Id facit Christus, teste D. Paulo ad Ephesios 5. *Christus dilexit Ecclesiam, & seipsum tradidit pro ea, ut eam sanctificaret.* Et ad Hebr. 2. de Christo loquens: *Qui enim sanctificat, & qui sanctificatur ex uno omnes.*

VII. Item ELECTIO prædestinatorum. Ad Ephes. 1. *Sicut elegit nos ante mundi constitutionem, ut essemus sancti, &c.* Quod idem opus præstat Christus Ioannis 13. *Ego scio quos elegerim.*

VIII. Item IUSTIFICATIO &

A REMISSIO peccatorum. Rom. 8. *Deus qui iustificat.* Et Isaia 43. *Ego sum, qui deleo iniquitates tuas.* Et Marci 2. *Quis potest peccata remittere, nisi solus Deus?* Hæc autem omnia Filius quoque facit. Isaia 53. *In scientia sua iustificabit multos.* Lucæ 5. *Ut sciatis, quia Filius hominis habet potestatem remitti peccata.* Ioan. 1. *Qui tollit peccata mundi.* Et illud clarissime ad Hebr. 1. *Per semetipsum purgationem peccatorum faciens.*

IX. Item GLORIFICATIO. Psalmo 83. *Gratiam & gloriam dabit Dominus.* At illam quoque dat Christus, Ioan. 10. *Vitam æternam do eis.* Et 1. ad Timoth. 4. *Reposita est mihi corona iustitiæ, quam reddet mihi Dominus in illa die iustus iudex: non solum autem mihi, sed & iis, qui diligunt aduentum eius.* Et ad Hebræos capite 2. *Decebat auctorem salutis eorum, qui multos filios in gloriam adduxerat, &c.*

X. Item SVSCITATIO à morte in nouissimo die. Ioan. 5. *Pater suscitabit mortuos, & uiuificat.* Addit autem ibidem Christus: *Sic & Filius, quos vult, uiuificat.* Et Ioannis sexto: *Ego resuscitabo eum in nouissimo die.*

XI. Item VOCATIO & ATTRACTIO ad Ecclesiam per internam gratiam. Ioan. 6. *Nemo potest venire ad me, nisi Pater meus traxerit eum.* At hoc Christus etiam facit. Ioannis 10. *Alias oves habeo, quæ non sunt ex hoc ovili, & illas oportet me addu-*



adducere. Apocalypsis 3. *Ecce ego sto ad ostium, & pulso, &c.*

XII. Item ILLUMINATIO mentis interna ad agnoscendam veritatem. Isaia 54. *Erunt omnes docibiles Dei.* Et Matth. 16. *Caro & sanguis non reuelauit tibi, sed Pater meus, qui in cælis est.* Quod etiam Christus facit, Ioannis 1. *Qui illuminat omnem hominem venientem in hunc mundum.* Et Matth. 11. *Nemo nouit Patrem, nisi Filius, & cui voluerit Filius reuelare.* Et Lucæ 24. *Aperuit illis mentem, ut intelligerent Scripturas.*

XIII. Item internum quoddam REGIMEN atque GYBERNATIO spiritualis animorum. Psalmo 22. *Dominus regit me.* Id autem competit Christo. Ioannis decimo quinto: *Sine me nihil potestis facere.* Et Matth. 28. *Ego vobiscum sum usque ad consummationem seculi.* Et hoc est regnum spirituale Christi, de quo ipse apud Ioannem cap. 19. *Regnum meum non est de hoc mundo.* Et rursus: *Tu dicis, quia Rex sum ego.*

XIV. Item CONSOLATIO interna piorum in tribulationibus. 2. Corinthios 1. *Benedictus Deus & Pater Domini nostri IESU Christi, qui consolatur nos in omni tribulatione nostra.* At Christus quoque nos ita consolatur. Marci 11. *Venite ad me omnes, qui laboratis & onerati estis, & ego reficiam vos.* 2. Corinth. 1. *Per Christum abundat consolatio nostra.* Ad Philippenf. 2. *Si qua ergo consolatio in Christo, &c.*

XV. Item INSTITVTIO & MISSIO operariorum ad colligendam & procurandam messem Ecclesiæ. Hieremiæ 7. *Misi ad vos Prophetas.* Et 1. ad Corinth. 12. *Quosdam quidem posuit Deus in Ecclesia primum Apostolos, &c.* Quod idem munus est Christi. Ioan. 20. *Et ego mitto vos.* Et ad Ephes. 4. *Et ipse quidem* (Christus ascendens in altum) *dedit quosdam Apostolos, &c.*

XVI. Item INSTITVTIO Sacramentorum. Genesis 17. *Hoc est pactum meum. Circumcidetur ex vobis omne masculinū, &c.* At Christus etiam instituit Sacramenta noui Testamenti, *Baptismum*, Matth. 28. *Eucharistiam*, Lucæ 22. &c.

XVII. Item operatio efficax & PRINCIPALIS in ipsorum Sacramentorum vsu. Deuteron. 30. *Circumcides Dominus Deus tuus cor tuum, &c.* Sic etiā operatur Christus, Ioannis 1. *Hic est, qui baptizat in Spiritu sancto.*

XVIII. Denique, Deus facit mirabilia magna SOLVS. Psal. 71. At operum Christi maximè admirabilem Euangelica historia plenissima est. Quæ quidem ab ipso gesta esse propria virtute, sicut à vero Deo, non autem ope aliena, ut fieri quoque solent à Sanctis, ex eadem historia Euangelica planum est. Nam primùm ipse testatus est, se similiter ac Patrem, ea opera patravisse, Ioannis quinto: *Quacunque, inquit, Pater facit,*

*facit, ea similiter & Filius facit. Et rur-*  
*sus ibidem: Sicut Pater suscitavit mor-*  
*tuos, ita & Filius, quos vult suscitare.*  
 Deinde, qui arbitrato suo atque  
 imperio operatur, is propria vir-  
 tute operatur. Sic autem Christus  
 miracula edebat, Ioannis 11. *La-*  
*zare, veni foras.* Et Marci 4. *Surde &*  
*male spiritus, ego praecepit tibi, exi ab eo.*  
 Denique, ipse etiam aliis potesta-  
 tem edendi miracula impertiu-  
 it, Matth. 10. & Marci ultimo; quem-  
 admodum & in eius nomine po-  
 stea ab illis edita sunt. Quod est  
 etiam argumento ipsum propria  
 virtute ad edendum miracula prae-  
 ditum fuisse.

Cum igitur omnia, quae sunt  
 propria Dei opera, Christus fece-  
 rit, dubitari non potest, quin sit ve-  
 rus Deus. Quo argumento, tan-  
 quam efficacissimo, & ipse Chri-  
 stus Ioannis 10. utebatur: *Si non*  
*facio, inquit, opera Patris mei, nolite*  
*credere mihi. Si autem facio, & si mihi*  
*non vultis credere, operibus credi-*  
*te, ut cognoscatis, & credatis, quia ego*  
*in Patre, & Pater in me est.* Perse-  
 quitur autem Scripturae locos, in  
 quibus propria Dei vel opera, vel  
 attributa, vel nomina tribuuntur  
 Christo, Iodocus Clarius inter  
 ceteros scriptores Orthodoxos  
 copiosissime & diligentissime in  
 eo libro, quem scripsit aduer-  
 sus Varimadum  
 Arianum.

## CAPVT XVI.

*Probatur sextò Christi diuinitas iis*  
*Scripturae testimoniis, quae pro-*  
*prie ostendunt, ipsum esse aequa-*  
*lem, & consubstantialem suo*  
*Patri.*



N hoc genere testi-  
 moniorum illustris ad-  
 modum est locus ille  
 ad Philippenf. 2. *Qui*  
*cum in forma Dei esset, non rapinam*  
*arbitratus est, esse se aequalē Deo, sed se-*  
*metipsum exinanivit formam serui ac-*  
*ciens.* Quo ex loco triplici ratio-  
 ne diuinitas Christi, atque adeo  
 ipsius cum Patre aequalitas demon-  
 stratur. Primò, quia est in forma Dei,  
 hoc est, praeditus natura, siue es-  
 sentia Dei. Ita enim omnes Patres  
 interpretantur. Athanasius serm.  
 4. contra Arianos. Basilii lib. 1.  
 & 4. contra Eunomium. Grego-  
 rius Nazianzen. orat. 5. de Theo-  
 logia. Gregorius Nyssenus libro  
 de sermone Domini in mote. Cy-  
 rillus libro 3. thesauri, cap. 1. & 2.  
 Ambrosius lib. 2. de fide, cap. 4. &  
 epist. 47. Hieronymus in 1. caput  
 ad Titum. Augustinus lib. 2. con-  
 tra Maximinum, cap. 5. Hilarius  
 libro 8. de Trinit. ultra medium.  
 Chrysostomus, & alij interpretes  
 in hunc locum. Secundò, quia si-  
 ne rapina, hoc est, nihil sibi ultra  
 dignitatem suam arrogans, po-  
 tuit existimare, se esse aequalem  
 Deo,

Deo, sicut verissimè erat. Quo etiam modo Patres iam citati ea verba intelligunt. Tertiò, quoniam si exinaniuit se, ac formam serui accepit; Ergo antea non erat seruus natura: atque adeò natura erat Deus, non creatura: omnis enim creatura est serua: sicut nominatim diuus Basilius lib. 4. contra Eunomium ex hoc loco optimè argumentatur.

Et tamen ea veterum atque recentium Arianorum impudentia fuit, vt ex hoc ipso testimonio, probare contrà niterentur, Filium non esse Patri æqualem. Contendebant enim Ariani veteres apud D. Augustinum lib. 2. contra Maximinum, cap. 5. & etiam Seruetus lib. 1. de Trinitate, & Ministri Transyluani lib. 2. cap. 6. sensum illorum verborum D. Pauli esse, Christum non existimasse sibi, quasi per rapinam arrogandam æqualitatem cum Deo, quam non habebat, sed contrà potius, sese demisisse, & fecisse quæ erant serui. Quam interpretationem Erasmus quoque pro sua erga sectam Arianam propensione, de qua supra vidimus, sequutus est.

Argumentum autem veterum Arianorum, pro ea interpretatione, quod & Seruetus libro primo de Trinitate, & Erasmus repetit, erat, quia nisi ita hæc sententia intelligatur, non videbitur habere locum id, quod Apostolus conti-

nuò subiungit per illam particulam aduersatiuam: *Sed*, semetipsum exinaniuit, &c. Indicat enim his verbis, eam submissionem & humilitatem Christi contrariam esse arrogantiae & superbiae, quam idem Christus ostendisset, si sibi æqualitatem cum Deo rapiendam existimasset.

Et congruit maximè cum hoc commeto interpretationis, quod Franciscus Dauid in disputatione secunda Albana, ait, formam Dei, in qua dicit Apostolus Christum esse, non significare eo loco Dei essentiam, sed imaginem, siue similitudinem quandam Dei visibilem, quæ erat ipsa Christi humanitas singularibus Dei donis affecta: aut etiam, quod Seruetus libro primo de Trinitate, & Erasmus, aiunt, formam Dei eo loco esse speciem externam operum diuinorum, quæ Christus mirabiliter patrabat: idque significari Seruetus etiam vult vocabulo, *μορφή*, pro quo Latinus interpres *formam* dixit. Siue enim hoc dicitur, quod dicitur Erasmus & Seruetus, siue illud, quod Franciscus Dauid, bellè interpretatio illa Arianæ constabit, vt nimirum sit sensus, Christum, quantumvis ob naturæ suæ præstantiam, imago quædam visibilis Dei esset, aut etiam diuina opera efficeret, tamen non æqualitatem cum Deo sibi arrogasse, sed contrà potius,



se demisisse, & ea fecisse, quæ sunt A patet, quia vt accepisse formam serui, eo loco non solum est habuisse figuram, aut imaginem humanam, veletiam opera tantum humana exterius egisse, sed verè accepisse humanam formam atque naturam, secundum quam Filius est ieruus, vt patet Isa. 42. & 49. Ita etiam esse in forma Dei, non est tantummodò

Sed hæc commenta interpretationum vanissima sunt. Primò enim manifestissimè peruertunt Apostoli sententiam. Quis enim non videat, aliud esse; *Non est arbitratu esse rapinam, se aequalem esse Deo* (quod Apostolus dixit) aliud verò; *Non est arbitratu aequalitatem cum Deo sibi esse rapiendam.* Deinde repugnant, vt antè citauimus, omnes Patres. Tertiò, si Filium in forma Dei esse, sic eo loco esse essentia, siue natura Dei præditum, nullo modo illa veterum & Ariannorum interpretatio potest stare. Nam si est præditus essentia Dei, Deo est æqualis, & sine arrogantia potuit id ipsum existimare: C consequenter non debuit ab Apostolo commendari, quasi vitauerit arrogantiam, in existimando se æqualem Deo, vt isti comminiscuntur. At formam Dei eo loco esse essentiam, siue naturam Dei, non autem imaginem, vel speciem externam, vt Erasmus & Franciscus Dauid dicunt, multis modis confirmatur.

Primò, ex interpretatione Patrum, & nominatim D. Basilij libro primo & quarto contra Eunomium, vbi ex instituto probat, formam Dei, in qua Filius esse dicitur, non esse aliquam figuram, aut imaginem, sed planè ipsam essentiam diuinam. Secundò idem

esse imaginem Dei, aut peragere diuina opera, sed esse reuera præditum natura siue essentia Dei, vt Patres intellexerunt. Ex quo, vt dictum est, illicò sequitur, Christum sine arrogantia se Patri æqualem existimare potuisse, idque voluisse Apostolum significare. Tertiò, quamuis vocabulum, Forma, Latinè quandoque significet similitudinem, siue speciem externam: tamen quod eo loco non significet, nisi naturam siue essentiam, patet ex textu Græco, vbi pro forma est μορφή, quod vocabulum nunquam significat externam speciem, vt falsò Seruetus & Erasmus volunt, neque etiam similitudinem, vt exposuit Franciscus Dauid, sed essentiam, siue naturam. Vnde Deuter. 4. *Vocem eius audisti, formam autem nullā vidisti*, vbi vocabulum, Forma, pro similitudine accipitur, Græcè non est μορφή, sed ὁμοίωμα, id est, similitudinē, sicut etiam Hebraicè habetur נִדְבָרָא, quod vocabulum itidem significat similitudinem. Itaq; perperam Franciscus

ciscus Dauid eum locum Deuteronomij adduxit ad suæ interpretationis confirmationē. Quatō accedit, quòd argumentum illud Arianorum & Serueti ex particula aduertatiua petitum, nullius omnino est momenti.

Duobus enim modis potest nihilominus retinere suam vim ea particula aduertatiua. Primo, vt hic sit sensus: Christus cū esset natura diuina præditus, ad eò non putauit rapinam, se æqualem Deo esse, vt etiam se exinaniuerit, formam serui accipiens; certissimus videlicet, quòd ea ratione nequaquam æqualitatem suam cum Deo esset amissurus. Vt cū legitimus Rex, verbi gratia, facillè deponit, quandoque habitum regium, & induit seruilem, certus quò nihilominus ius regium saluum ei manet; id quod non perinde Tyrannus, qui sibi regiam dignitatem rapuit, facere audet. Atque ita hunc locum intelligunt interpretes Græci, vt D. Chrysostomus, Theodor. Theophylact. & Oecumenius. Altero modo potest hic esse sensus: Christus, quāuis essentia Dei præditus, minimè rapinam existimaret, se esse æqualē Deo, tamen nō idcirco despexit formam serui, sed eam nostra causa suscepit. Qui sensus planissimus est, & ita intelligit hunc locū D. August. lib. 2. cōtra Maximi. ca. 5. respondens ad illud argumentum Aria-

num, & alij Patres communiter.

Porro, neque mouere debet, q̄ pro interpretatione illa Ariana citant, vbi suprā Transyluani Tertullianum libro de Trinitate, qui dicit Christum, *quamuis se ex Deo Patre Deum esse meminisset, nunquam tamen se Deo Patri comparasse, aut contulisse*. Primū enim D. Hieron. lib. 2. contra Ruffin. & lib. de scriptoribus Ecclesiast. vbi meminit Nouatiani, affirmat eum librū de Trinit. non Tertulliani, sed Nouatiani esse. Item in eo lib. refutatur Sabelliani, qui tamen nondum erāt temporibus Tertulliani. Deinde non negatur in eo lib. æqualitas Filij cū Patre, sed dicitur Filius non se cōparasse cum Patre, q̄ attinet ad quandā dignitatē principij Patri propriam, qua secundū humanum modum concipiendi, potest Pater cēferi quodammodò maioris esse dignitatis, quā Filius, vt infrā quoque ca. 21. ex sententia D. Gregorij Nazianzeni orat. 4. & Basilij libro 1. contra Eunom. & Cyrilli lib. 2. thesauri, cap. 3. & Hilarij lib. 9. de Trin. notabimus, cū exponemus illud Christi: *Pater maior me est*, in responsione ad argumentum quoddam Arianorum.

Respondent præterea Seruetus & Fraciscus Davidis, vbi suprā ad illud testimonium Philip. 2. Christum esse quidem æqualem Deo Patri, sed communicatione quadā

diuinitatis & omnipotentia, non naturæ, vt Pater.

At hoc perinde est ac dicere, esse æqualem non æqualem : quæ interpretatio bellè quadrat cum Apostoli textu. Qui enim natura Deus est, procul dubio perfectione sua longè antecellit ei, qui natura non est Deus.

Deinde Deus non communicat, neque communicare potest suam potentiam & diuinitatem ei rei, quæ natura non sit Deus : vt ipse etiam asseuerat apud Isaiam: *Gloriam meam alteri non dabo.*

Quare res secundum naturam suam creata, nisi in eadem hypostasi sit simul prædita natura diuina, atque adeo natura etiam sit Deus, non potest communicatam habere diuinitatem. Cum igitur aduersarij negent in Christo hypostaticam vnionem (quam per summam blasphemiam Seruetus appellauit Asininam) peruersè iactant, Christo fuisse diuinitatem communicatam, & illum ea communicatione Patri esse æqualem.

II. Est deinde illud testimoniū Ioannis 5. non dissimile præcedenti: *Quarebant eum Iudei interficere, quia non solum soluebat Sabbathum, sed & Patrem suum dicebat Deum, æqualem se faciens Deo.* Quo loco diuus Athanasius arbitratur, Ioannem non tantum ex sententia Iudæorum, sed ex se ipso illud

A addidisse: *Æqualem se faciens Deo.*

Quod si ita sit, nullum euidentius testimonium pro Filij æqualitate cum Patre proferri potest. Idem verò, quod diuus Athanasius, diuus Chrysostomus homil. 38. in Ioannem, sensisse videtur, cum ita scripsit: *Non dixit, inquit, Dicens, sed: Faciens. Non enim verbo tenuit,*

B *sed frequentius operibus se Deo æqualem ostenderat.* Hoc autem cum Chrysostomus ait, Euangelistam eo vocabulo (Faciens) subindicare voluisse, ex sua sententia etiam id Euangelistam narrauisse declarat. Nam ex sententia quidem Iudæorum minimè Christus re ipsa atque operibus se ostendebat, aut faciebat Deum. Idem disertis verbis affirmat D. Hilarius lib. 7. de Trinitate, ante medium: *Non nunc, inquit, Iudæorum sermo ab his dictus refertur. Expositio potius hæc Euangelista est, causam demonstrantis, cur Dominum interficere Iudæi vellent.*

Sed quantumuis etiam daremus, Euangelistam narrasse illis verbis existimationē Iudæorum, certe hoc ipso, quod neque Christus, neque ipse Euangelista illam correxit, non obscure eam veram esse indicauit, vt D. Augustinus & D. Chrysostomus exponūt in hūc locum: *Si enim aliter sensisset, inquit Chrysostomus, sed Iudæi sic perperam intellexissent, falsam correxisset opinionem, neque id Euangelista silen-*



tiopraterrississet. Vt cap. 2. cū videret  
verba illa: *Soluite templum hoc, & in  
tribus diebus excitabo illud; aliter à  
Christo dicta, hoc est, de carne sua, ali-  
ter à Iudeis intellecta, de suo videlicet  
templo, illorum corrigens suspensionem  
Euangelista subiunxit; Hoc autem di-  
cebat de templo corporis sui.* Sic etiam  
cap. ult. Cū putassent discipu-  
li Christum dixisse, Ioannem non  
moriturum, eam illorum opinio-  
nem correxit statim ipse Euange-  
lista dicens: *Non dixit Iesus, non  
moritur, sed sic enim volo manere, etc.*

Atqui, dices Arianus aliquis, in-  
quit D. Chrysostomus, propterea  
Christus addidit: *Non potest Filius  
quidquam à seipso facere, ut tolleretur æ-  
qualitatem.* At rectè ibi Chryso-  
stomus offendit, id potius æqua-  
litate confirmare. Sensus enim  
est, non quod minus possit Filius  
quàm Pater (subiungit enim sta-  
tim: *Quaecunque Pater facit, hac &  
Filius similiter facit.*) Sed non posse  
illum facere aliquid contrarium  
Patri, & quod etiam non faciat  
Pater, cū sint consubstantiales,  
ipseque Filius à Patre per genera-  
tionem potentiam acceperit; vt  
rectè exponit D. Hilarius lib. 7. de  
Trinitate. Suprà etiam capite 13.  
cum Gregorio Nazianzeno nota-  
uimus, inde potius euidenter pro-  
bati, Filium non esse creaturam:  
cū nulla alioqui creatura sit,  
quæ non possit aliquid à se ipsa  
facere, nempe cū operatur ma-

lum, vt etiam D. Chrysostomus in  
illum Ioannis locum annotauit.

III. Ioan. 17. Ait Christus ad  
Patrem: *Mea omnia tua sunt, & tua  
mea sunt.* Quod certè nulla creatura  
potest dicere, vt rectè inquit D. A-  
thanasius in epistola ad Episco-  
pos Africanos. Si enim, quæ ha-  
bet Pater, omnia etiam sunt Filij,  
ergo nulla res est, in qua Pater Fi-  
lio antecellat, atque adeo omni-  
no sunt æquales.

At, aiebant olim Ariani, non  
omnia omnino Filium sibi hoc in  
loco vendicare, sed omnes dun-  
taxat Apostolos, suos esse dicere.  
Cōtrà verò D. Athanasius obiicit,  
Christum non dicere: *Omnes tui mei  
sunt, sed omnia tua mea sunt.* Accedit  
quod Christus ibi, vt probaret,  
Apostolos etiā esse suos, & se illos  
accepisse à Patre, propositionem  
illam vniuersalem sumit: *Omnia  
mea tua sunt, & tua mea sunt.* Quo  
fit, vt non idem sit eo loco, omnia  
Patris esse Filij, & Apostolos esse  
Filij: Tunc enim idem per idem  
vitiosè probaret. Habet enim lo-  
cus hoc modo: *Non pro mundo ro-  
go, sed pro his quos dedisti mihi de mun-  
do, quia tui sunt, & mea omnia tua sunt,  
& tua mea sunt.* Quasi diceret, quia  
omnia mea tua sunt, & vicissim  
tua sunt mea, ideo etiam Apostoli  
& tui & mei sunt.

IV. Ioan. 10. *Ego & Pater vnum  
sumus.* Hoc testimonio, vt elegan-  
ter inquit D. Augustinus tractatu

36. in Ioan. simul liberamur ab erroribus Arij & Sabellij tanquam à Cila & Caribdi. Nam quod dicit, *unum*, significat vnitatem essentia, atque adeo æqualitatem vtriusque, quam negabat Arius: quòd autem addit, *sumus*, distinctionem iudicat personarum, quam Sabellius negauit. Vtitur & hoc testimonio ad confirmandam Patris & Filij consubstantialitatem D. Athanasius ser. 4. contra Arianos, & alibi passim, & Hilarius lib. 7. de Trinitate. Basilii libro 1. contra Eunomium. Ambrosii libro 1. de fide, capite 3. & alij omnes Patres: idque optima ratione. Nam si vnum sunt, necesse est, vt vel personæ vel essentia ratione sint vnum. At non personæ ratione (dicit enim sumus) ergo ratione essentia. Et cum essentia diuina non possit esse nisi vna numero, vt postea probabimus, sequitur illos esse vnius numero essentia.

At Ariani apud D. Athanasium sermon. 4. contra Arianos, & Eunomius apud D. Basilium libro 1. contra eundem, & præterea etiam Seruetus libro 1. de Trinitate, & Franciscus Dauid in disputatione Albana actio 2. dici, & Ministri Transyluani libro secundo, capite nono, & Erasmus, huius loci sensum contendunt esse, non quòd sint vnum natura, sed concordia & consensu voluntatis. Quòd con-

A firmant ex illa Christi oratione pro discipulis ad Patrem. Ioannis 17. *Ut sint vnum, sicut & nos vnum sumus.* An nos, inquit Seruetus, ad illorum similitudinem vnum natura esse debemus? Non certè. Sed concordia voluntatis. Quare nec Pater & Filius, aliter sunt vnum.

B Verum huic Arianæ interpretationi opponit in primis D. Athanasius sermone 4. contra Arianos, quod ea ratione etiam Angeli & homines sancti, qui per omnia concordant cum diuina voluntate, essent similiter atque Filius vnum cum Deo Patre: *Et tamen nemo eorum*, inquit Athanasius, *ausus est vnquam dicere: Ego & Pater vnum sumus, aut: Ego in Patre, & Pater in me est: sed omnes dicunt: Quis similis tibi in Deo Domine, aut quis æquabitur Domino in Filiis Deus?* Michæ cap. 7.

D Deinde quod de vnitatem secundum potentiam atque naturam illa Christi sententia intelligi debeat, manifestè conuincit D. Basilii lib. 1. contra Eunomium ex ipsa loci circumstàtia. Et D. etiam Hilarius lib. 7. de Trinitate circa medium: *Quum enim dixisset de iis, qui crediderunt*, inquit Basilii, *non rapiet eos quisquam de manu mea. Et nemo potest eos rapere de manu Patris mei. Induxit: Ego & Pater vnum sumus; planè vnum pro æquali & eodem iuxta potentiam accipiens.* Itarectissime Basilii. Nam si non vnum secundum

secundum potentiam, sed secundum concordiam intellexisset, non satis apertè inde probasset, neminem posse oues suas de manu sua rapere, sicut nec de manu Patris: Posset enim ipse, quantumvis consentiret cum Patre, & ex eius consensu (ut Seruetus inquit) oues teneret, esse minus potens, quàm Pater, ac proinde non æquè esset impossibile oues rapere de manu illius, atque de manu Patris. Ideo igitur quod non rapitur de manu Patris, non rapitur de manu Filij, quia, ut inquit præclare diuus Hilarius loco citato, & diuus Augustinus tractatu 48. in Ioannem, *manus Patris, manus Filij est*, hoc est, potentia Patris, potentia est Filij. Quod si eadem potentia diuina est Filius præditus qua Pater, etiam erit præditus eadem natura diuina, ut quæ à diuina potentia minimè distinguitur.

Tertiò id ipsum Augustinus tractat. 48. in Ioannem, & Chrysostomus in hunc locum, probant ex eo, quod ita perspicuè Christus loquutus est, ut Iudæi planè intellexerint eum dicere se esse vnum natura cum Patre, atque adeo Deum: nec tamen Christus aut Euangelista eam illorum existimationem, tanquam falsam, correxerit: *Sustulerunt, inquit Euangelista, Iudæi lapides, ut lapidarent eum, &c.* Et paulò post:

**A** *De bono opere, inquit, non lapidamur te, sed de blasphemia, quia tu, homo enim sis, facis te ipsum Deum. Ecce, inquit Augustinus, Iudæi intellexerunt, quod non intelligunt Ariani: ideo enim irati sunt, quoniam intellexerunt non posse dici: Ego & Pater vnum sumus, nisi ubi aequalitas est Patris & Filij.*

**B** Quartò, quod Christus dixit: *Ego & Pater vnum sumus*, idem fuit atque dicere se Filium Dei esse. Ita enim, ut notauit D. Athanasius oratione contra Arianos de dicto illo: Deus ex Deo, &c. Christus ipse sua verba declarat, inquit: *Quia dixi, Filius Dei sum.* At esse vnum cum alio per concordiam non tantundem est, ac esse eius Filium; cum sæpe aliquis sit eius Filius, cum quo non concordat, & contra concordet cum eo, cuius non est Filius. Non igitur hanc vnitatē concordie Christus illis verbis propriè significauit, sed vnitatem naturæ, quæ est propria Filij & Patris.

**D** Quintò, idem ea ratione patet, quod ad confirmandum illud quod dixerat, *se esse vnum cum Patre*, deinde ibi affirmat, se facere opera Patris: *Si non facio, inquit, opera Patris mei, nolite credere mihi, si autem facio, operibus credite.* Hæc autem probatio certè concludit vnitatem potentie, atque adeo naturæ cum Patre.

Sextò,



Sexiò; Accedit, quòd rursus in conclusione Christus exponit, idè etiam esse, quod dixerat, se & Patrem esse vnum, & se in Patre esse, & Patrem in ipso: *Operibus*, inquit, *credite, vt cognoscatis, quia Pater in me est, & ego in Patre*. At certè concordare cum altero, non est propriè esse in illo. Quare non concordia tantum Pater & Filius sunt vnum, sed vnitæ essentia Filius est in æterno suo Patre, & Pater in illo, vt asserit D. Athanasius ser. 4. contra Arianos, & communiter alij Patres.

Septimò; Ipsi etiam Iudæi adeo intellexerunt, Christum argumento ab operibus suis ducto confirmare voluisse, se esse vnum naturam cum Deo Patre, & eatenus se esse in illo, vt rursus voluerint in illum manus iniicere, quia nimirum pergeret asserere & facere se ipsum Deum. Subiungit enim Euangelista continuò post eam Christi argumentationem: *Quarebant ergo eum apprehendere, & exiuit de manibus eorum, etc.*

Quod cum ita sit, nihil aduersariis fauet, quod Christus ibidem, vt magis retunderet Iudæorum contumeliam, quòd blasphemare ipsum dixissent, inter cetera sic respondit: *Nonne scriptum est in lege vestra: Ego dixi, Dij estis? Si illos dixit Deos ad quos sermo Dei factus est, & non potest solui Scriptura; quem Pater sanctificauit & mi-*

*fit in mundum, vos dicitis, quia blasphemauit, quia dixi Filius Dei sum? Non enim contra assertionem suam, argumento ab operibus diuinis à se confirmatam, voluit Christus significare se solū Deum per participationem quandam, vt alios sanctos, esse, quemadmodum perperam contendunt Ariani apud Athanasium serm. 4. & Transyluani li. 2. c. 7. & Franciscus Dauid in disputatione Albana in actione 8. diei, & Georgius Blandrata. Sed vt præclare D. Augustinus tract. 48. in Ioannem ratiocinatur, argumento per locum à minori ad maius refutat contumeliam Iudæorū hoc modo: *Si sermo Dei, inquit Augustinus, factus est ad sanctos homines, vt diceretur, Dij ipsum Verbum Dei; quod est apud Deum, quomodo non est Deus? Si per sermonem Dei sunt homines Dij; si participando sunt Dij; unde participant, nō est Deus? Si calefacti quodammodo igne saluari Dij efficiuntur; unde calefaciunt, non est Deus? Si lumina illuminata Dij sunt: lumen quod illuminat non est Deus?**

Hanc igitur vim responsionis Christi fuisse, rectissimè interpretatur Augustinus. Nam vt Christus ibi ostenderet, se non per participationem, vt alios, sed per essentiam Deum esse, atque adeo longius multò abfuisse à blasphemia vocando se Dei Filium, quàm qui alios, secundum Scripturas, Deos vocant, mox intulit argumentum

à di-

à diuinis operibus, quæ ipse similiter atque Pater faceret, vt antè vidimus. Est etiam interpretatus eodem modo hanc Christi responsionem D. Hilarius lib. 7. de Trinitate post medium: *Non, inquit, impudenter usurpari videtur quòd Dei Filium se dixerit, cum præcellat ceteros qui cognominare se Deos non irreligiose possunt.*

Nec verò huic Patrum interpretationi verba illa Christi eodem loco obstant: *Quem Pater sanctificauit, etc.* Non enim intellexit sanctificationem per gratiam aduentitiam, qua & alij sancti fiunt Dij per participationem, sed illam singularem sui sanctificationem, quæ existit ex vnione naturæ diuinæ & humanæ hypostatica, qua factum est, vt idem esset & Deus verus & homo, vt etiam D. Hilarius & D. Augustinus rectè exposuerunt. Quam Christi sanctificationem, vt D. Hilarius ait, Apostolus Paulus item commemorat ad Roman. 1. cum de Christo inquit: *Qui prædestinatus est Filius Dei in virtute secundum spiritum sanctificationis.* Ideoque à D. Ioanne in Apocalypsi appellatur *sanctus sanctorum.*

Causa verò cur Christus eo loco diuinitatem suam vocabulo sanctificationis significare voluerit, fuit, vt Iudæorum nō modò contumeliam, sed etiam argumentum vno illo verbo confutaret.

**A** Nam inde illi probabant, Christum, cum se Deum faceret, blasphemare, quia homo erat. *De blasphemia, inquit, lapidamus te, quia, tu homo cum sis, facis teipsum Deum.* Quasi dicerent; fieri nequit, vt homo sis & simul verus Deus. Contrà verò indicat Christus, id omnino fieri potuisse per talem humanæ naturæ sanctificationem, qua cum diuina natura vniretur, vt idem Filius Dei esset Deus & homo, longè excellentius earatione, quàm alij, sanctificatus & missus in mundum: vt D. Hilarius optimè exponit.

Certissimum itaque est, Christum illis verbis Ioannis 10. *Ego & Pater vnum sumus*, æqualitatem cum Patre suam in essentiæ siue naturæ vnitatem declarasse, vt hactenus probatum atq; defensum est. Ad id verò, quod ex loco Ioan. 17. Ariani veteres & noui contrà obiciebant: *Ut sint vnum, sicut & nos vnum sumus*; sufficienter atq; doctissimè respondet D. Athanasius serm. 4. contra Arianos, ante medium, cuius placet hoc loco verba etiam referre: *Mos, inquit, est Scriptura diuina, re naturales hominibus in similitudinem & exemplum proponere. Id autem facit, vt ex illis naturalibus motus ac mores hominum, seu mali, seu boni, qui vltro voluntate suscipiuntur, magis appareant. In malis quidem moribus, vt cum dicit Psal. 31. Ne sis sicut equus & mulus, &c.*

In bonis, ut cum dicit Matth. 10. Sitis prudentes, sicut serpentes, & simplices sicut columbae. Quae quidem verba ideo loquutus est, non ut naturaliter nos etiam serpentes atque columbae fieremus, &c. sed ut iumentorum impetus atque motus irrationales effugeremus, serpentesque prudentiam & ex columba mansuetudinem mutnaremur. Ex rebus etiam diuinis similitudinem hominibus decerpens saluator ait Matth. 7. Sitis misericordes, ut Pater vester caelestis misericors est. Et: Perfecti estote, ut Pater vester caelestis perfectus est, &c. Non ut essemus tale aliquid quale Pater est: quod fieri nequit, cum creatura simus, &c. Sic igitur non ut nos essemus, qualis est ipse, dictum est à Christo: Ut sint vnum, quemadmodum & nos sumus, etc. Sed pro nostra natura & quasi fieri potest, ut inde formulam similitudinemque mutnemur, &c. Ille quidem natura & ex vero vnum est cum suo Patre. Nos autem vnum inter nos affectu & animo efficimur, habentes pro archetypo exemplari naturalem unitatem Filij cum Patre. Simili modo ad illud Arianum argumentum respondet D. Cyrillus li. ii. in Ioannem cap. 20. & diuus Chrysostomus homilia i. in Ioannem.

At rursus instat hic Seruetus lib. i. de Trinitate: Ineptia, inquit, & disparata, immò nullatūc esset Christi assimilatio, ut ipsi sint una natura & nos concordēs. Sed non intellexit homo insipientissimus, quonam

A modo declarent Patres ex Christi sententia hanc similitudinem. Non enim præcisè tantum in hoc similitudo est, ut quemadmodum Pater & Filius sunt vnum natura, ita nos simus vnum concordia (quanquam & in hoc aliqua unitatis similitudo atque analogia est) sed in hoc Christus voluit (ut Patres exponunt) similitudinem esse, ut quemadmodum Pater & Filius natura vnum atque adeo naturaliter consentientes sunt, ita & nos per gratiam & studium voluntatis simus vnum secundum consensum. Atque hoc est quod præter Patres antea citatos, voluit indicare D. Cyprianus cum lib. i. epistolarum epist. 6. ad Magnum, de Ecclesiae unitate loquens, sic inquit: Insinuans nobis Dominus unitatem de diuina auctoritate venientem ponit, & dicit: Ego & Pater vnum sumus. Ad quam unitatem redigens Ecclesiam suam denuò ibi dicit: Et erit vnus grex, & vnus pastor.

V. i. Ioannis 5. Tres sunt qui testimonium dant in cælo, Pater, Verbum, & Spiritus sanctus, & hi tres vnū sunt. Ex sententia illa Christi: Ego & Pater vnum sumus, quam Ioannes refert, idem ipse Ioannes unitatem naturalem diuinarum personarum his verbis asserit. Vocat autem testes in cælo, testes diuinos, hoc est, Patrem, Filium, & Spiritum sanctum, qui omnes in Christi Baptismo & transfiguratione te-

rificati



stificati sunt Christi diuinitatem. Hanc enim in primis voluit Ioannes in Euangelio, tum in epistola prima probare aduersus heresim suo tempore exortam, Carpocratis, Ebionis, & Cerinthi, qui Christum existimabant esse nihil aliud quam hominem, vt referunt expressè Irenæus libro 1. capite 25. & 26. Tertullianus libro de carne Christi, & de præscriptionibus hæreticorum. Ignatius in epistola ad Philadelphien. Epiphanius hæresi 27. & 28. 30. & 69. Augustinus hæresi 7. 8. & 10. Eusebius libro 3. historiæ, capite 27. Theodoretus libro 2. de fabulis hæreticorum. Hieronymus libro de viris illustribus in Ioanne, vbi expressè affirmat id, quod diximus, diuum Ioannem compulsum fuisse scribere suum Euangelium pro diuinitate Christi, propter Ebionitas. Quare & Euangelium à diuinitate Christi exorsus est illis verbis: *In principio erat Verbum, &c.* & eandem in fine testatus est iniquis capite 20. *Hæc autem scripta sunt, vt credatis, quod Iesus est Filius Dei, & vt credentes vitam æternam habeatis in nomine ipsius.* Hoc enim capitulum, inquit Augustinus tract. 122. in Ioan. *Velut libri huius indicat finem.*

Hanc igitur assertionem Christi diuinitatis, quam sibi probandam in primis diuus Ioannes proposuerat, confirmat etiam tri-

bus illis testibus è cælo, quos etiam simul asserit esse vnum, nempe natura, vt Filius de se, & de Patre dixerat. Quemadmodum veram etiam Christi humanitatem ibidem probat tribus aliis testibus è terra, nempe, spiritu, aqua, & sanguine, quæ tres in Christi morte verum cum hominem fuisse testificatæ sunt, dum spiritus ex ore, & aqua & sanguis ex latere fluxerunt. Vtitur autem hoc loco Ioannis pro Christi diuinitate, diuus Athanasius libro primo ad Theophilum de vnitate Deitatis Trinitatis, & in disputatione cum Ario in Concilio Nicæno ex eodem Athanasio collecta, & D. Fulgentius libro contra obiectiones Arianorum sub finem. Iodocus Clarius lib. contra Varimadum. Cyprianus libro de vnitate Ecclesiæ. Higinus ep. 1. Augustinus in illum locum Ioan.

Ex quo perspicuum est, Georgium Blandratam nimis liberaliter fuisse mentitum, cum ad hunc locum in actione 2. diei disputationis Albanæ, respondit his verbis: *Nemo est, qui non videat locum hunc suspectum esse, cum à plurimis doctorebus ac interpretibus ferè omnibus prætermisus sit.* Atqui citauimus iam non parum multos, qui sunt illo vsi.

Deinde respondet Seruetus libro 1. de Trinitate, Patrem, Verbum, & Spiritum sanctum nõ ali-

ter ibi dici vnum, nisi quomodo de spiritu, aqua, & sanguine, subiungit similiter ibi Ioannes: *Et hi tres vnum sunt.* Quod non significat hæc tria natura esse quoddam vnum, sed conspirare in vnum & idem testimonium, seu idem de Christo testari.

Sed primùm multa exemplaria Latina non habent illa verba de spiritu, aqua, & sanguine: *Et hi tres vnum sunt.* Quindecim enim manu scripti codices antiqui à Louanienfibus Theologis in eius loci margine notati sunt, qui illis verbis carent. Græcè autem, vbi illa sententia de spiritu, aqua, & sanguine habetur, non dicitur, & hi tres vnum sunt, sed vt dicitur de Patre, Verbo, & Spiritu sancto; sed: *Hi tres in vnum sunt*, id est, de eadem re testantur. Quãuis & hoc ipsum de Patre, Verbo, & Spiritu sancto significat Ioannes, sed non hoc solum, sed vnitatem etiam naturæ, ex qua consequitur etiam conspiratio earundem personarum in idem testimonium, & summa naturalisquæ in rebus omnibus cõsentio, vt antè circa locum Ioannis 10. explicauimus.

VI. Ioannis 14. Qui videt me, videt & Patrem meum. Ex quo loco D. Athanasius oratione in illud: Omnia mihi tradita sunt à Patre meo; concludit, eadem esse in Filio, quæ in Patre, atque adeo esse illos prorsus æquales: *Idco*

**A** enim, inquit, quæ vides in Patre, vides in Filio.

Porro hanc consubstantialitatem Patris & Filij, quæ ex testimoniis Scripturæ multis modis hætenus probauimus, rectissimè Patres Concilij Nicæni explicarunt cùm Filium vocauerunt *ὁμοούσιον* Patri, id est, eiusdem essentia cum illo: vt D. Athanasius in epistola de decretis eiusdem Synodi accuratissimè defendit contra Ariatorum calumnias.

Primùm enim etsi id vocabulum in Scriptura totidem syllabis non reperiatur: tamen res per illud significata passim in Scriptura significatur: Vt Ioan. 14. *Ego & Pater vnum sumus*, & in aliis sexcentis locis hætenus citatis.

Secundò, quoniam non minus licere debuit Orthodoxis vocabulis Scripturæ consentaneis sententiam suam explicare, quàm ipsi Ariani licere sibi volebant vocabulis quoque extra Scripturam vt ad suam hæresim significandam. Nam illa mōstra vocabulorum de Filio: *Erat quando non erat*, Et: *ex non entibus genitum illum fuisse*, Et: *esse ipsum ἐτερόσιον* Patri, id est, diuersæ ab eo essentia, quibus illi suam hæresim explicabant, nusquam reperiuntur in Scriptura, vt sæpe illis meritò obiecit D. Athanasius. Quo argumento idē Athanasius in disputatione habita Laodiceæ aduersariū eò deniq; adigit,

vt pateretur ex consequentia, ipsa A  
Scripturarum argumenta vltro  
citroque duci pro homousios, vel  
heterousios.

Tertiò, quoniam radix eius vo-  
cabuli in Scriptura reperitur, si-  
cut etiam vocabulum vsa, ex qua  
componitur, atque etiam Latinum  
vocabulum, essentia. Nam  
Exodi 3. Deus dicit: *Ego sum, qui* B  
*sum*, Græcè δὲ ὁ ὢν. Inde igitur ὁμοῦς,  
pro essentia diuina; & inde rursus  
ὁμοούσιον.

Quartò, quia similia vocabula  
reperiuntur in Scriptura, vt ostendit  
D. Ambrosius lib. 3. de fide, capite  
7. Vt Lucæ 7. *Panem nostrum*  
*ἐπιτίθειτε*. Et Moyses Deuteronomij  
7. 14. & 26. vocat filios Israël  
*λαὸν πεποιτισμένον*. Quæ vocabula si-  
milis sunt vocabulo ὁμοούσιον,  
cùm sint similiter composita ex  
ὁμοῦς: Sicut vocabula *Consubstantialis*  
& *Supersubstantialis* similia sunt,  
quia componuntur ex vocabulo  
eodem, nempe *Substantia*.

Quintò, quia Patres antiquis-  
simè longè ante Concilium Nicæ-  
num eo vocabulo in consubstan-  
tialitate Filij cum Patre declaranda  
vsu fuerunt, vt D. Athanasius in  
epistola de decretis Nicænæ Syno-  
di aliquorum testimoniis ostendit,  
nempe Dionysij Alexandrini in  
defensione doctrinæ suæ, &  
Dionysij Romani in suis scriptis, in-  
quit Athanasius, *contra Sabellianos*,  
& Theognosti *virī disertī* (ait Atha-

nasius) in 2. lib. Hypothiposeon,  
& Origenis, quem *laboriosum* ap-  
pellat. Ac etiam Eusebius Cæsariensis,  
vt Theodoretus refert libro primo  
historiæ, cap. 12. & 13. confessus est  
eo vocabulo fuisse vsos scriptores  
antiquos.

Sextò, nullo commodiori vocabulo  
sententia Orthodoxa de consubstan-  
tialitate Patris & Filij significari à  
Patribus potuit. ὁμοούσιος .n. dicuntur  
ea, quæ ita habent eandem essentiam,  
vt alterum tamen acceperit illam ab  
altero, sicut notantur D. Athanasius  
libro de Synodis Arimini & Seleuciæ,  
& D. Basilii in epistola quadam ad  
Dei ancillas. Ita fit, vt hac vna  
voce simul & Arii impietas, qui  
consubstantialitatem personarum in-  
ficiati sunt, & perfidia quoque Sa-  
bellij, qui negabat distinctionem  
personarum secundum originem,  
damnetur. Quod ipsum D. Epiphanius  
in Anchorato, & D. Ambrosius libro  
tertio de fide, cap. 7. notantur.

Septimò, accedit, quod ipsi met  
Arianorum antesignani, vel inuiti  
aliquando agnouerunt, veram  
Christi diuinitatem vocabulo, homousios,  
commodè significari. Refert enim  
D. Ambrosius lib. 3. de fide, ca. 7.  
occasione vsurpandi vocabulum,  
*Homousios*, Patribus Concilij  
Nicæni dedisse Eusebium quendam  
Nicomediensem Ariannum auctorem  
(vt Ambrosius ap-



pellat) qui in epistola quadam hoc modo scripserat: *Si verum Dei Filium & increatum dicimus; homou- sion cum Patre incipimus confiteri. Quæ epistola cum esset in Nicæno Con- cilio lecta*, inquit Ambrosius, *hoc verbum in tractatu fidei posuerunt Patres, quod viderunt aduersariis esse formidini, ut tanquam euaginato ab ipsis gladio ipsorum nefanda caput ha- resis amputarent.*

Neque verò hîc obstat, quod vocabulum, *Homoussios*, in quadam Synodo Antiochena contra Paulum Samosatenum, ante hæresim Arianam, reiectum est, cum Paulus ille Filium Patri homoussion diceret. Vt enim notat D. Athanasius, alio sensu in illa Synodo reiectum est id vocabulum, & alio in Concilio Nicæno receptum. Paulus enim Samosatenus Filium dicebat homoussion, id est, eiusdem substantiæ cum Patre, tantummodò secundum speciem, nò secundum numerum, (quod erat delirium, non conueniens cum sua ipsius hæresi) qua ratione re- ctè in Synodo Antiochena id vocabulum repudiatum est. In Con- cilio verò Nicæno rectissimè etiã assertum est, alia ratione, Filium esse Patri homoussion, nempe se- cundum eandem numero essen- tiam. Vnde etiam D. Hilarius in libro de Synodis, sub finem, cum iis loquens, qui auctoritate Con- cilij illius Antiocheni sine causa

ab vsu vocabuli, homoussios, vt in Concilio Nicæno fuit receptum, deterrebantur; ita inquit: *Ma- lè intelligitur homoussios; quid ad me bene intelligentem? Malè homou- sion Samosatenus confessus est; sed nunquid melius Ariani negauerunt? Octoginta Episcopi olim respuerunt, sed trescenti decem & octo nuper rece- perunt, &c.* Et paulò pòst: *Si con- traria inuicem senserunt, debemus quasi iudices probare meliora: Si verò & probando & improbando unũ utri- que statuerunt, quid benefstatuta con- nellimus?*

## CAPVT XVII.

*Probatur septimò Christi diuinitas iis Scripturæ testimoniis, ex qui- bus constat, eum esse naturalem Dei Filium.*



**S**CRIPTRÆ, inquit D. Athanasius in epi- stola de decretis Ni- cænæ Synodi, dupli- cem nomine Filij significationem in- nuunt. Unam secundum adoptionem. *Ut cum inquit Moyses Deuteron. 15. Si audieritis vocem Domini Dei vestri, & seruetis precepta eius, filij eritis Domini Dei. Et Ioannes in Evan- gelio capite primo: Dedit eis potestatem filios Dei fieri. Alteram, secundum naturam, ut cum Isaac Abrahe filius, & Iacob filius Isaac, & deinceps Pa- triarcha filij Iacobi appellantur. Qui primo*

primo modo filius est, non neces-  
se est, sit eiusdem naturæ cum eo,  
cuius dicitur esse filius. Qui au-  
tem secundo modo, hoc est, secū-  
dum naturā est alicuius filius; aut  
eiusdem naturæ cum illo est, aut  
monstrum est, vt verissimè suprā  
cap. 10. notauimus ex D. Augusti-  
no, & aliis Patribus. Christum igitur  
secundum naturam, atque eo  
planè modo, quo nullus alius, Fi-  
lium Dei esse, nunc probandum  
est: vt euidenti consequentia in-  
de intelligatur, illum verissimè  
esse Deum. Tam certa enim hæc  
consequentia est, vt quemadmo-  
dum D. Athanasius serm. 3. Ari-  
anis obiicit: *Ne Diabolus quidem ipse,  
eam negare potuerit.* Vnde de Chri-  
sti diuinitate dubitans, illo modo  
interrogat: *Si Filius Dei es.* Quasi  
dicat: Si verè es Deus, & non tan-  
tū homo: id quod necessariò ex  
naturali filiatione est consequens.  
Atque etiam Iudæi Deum se pro-  
fiteri Christum intelligebant, hoc  
ipso, quod Patrem suum dicebat  
Deū, sicut narrat Ioannes Euan-  
gelista, cap. 5.

Testimonia verò, quæ Chri-  
stum esse naturalem Dei Filium  
probant, potissimū sunt hæc  
duodecim:

Primum testimonium est ipsius  
Patris, Matthæi cap. 3. *Hic est Filius  
meus dilectus, in quo mihi behe com-  
placui.*

Secūdum testimonium est ipsi-

us Filij, Ioannis 3. *Sic Deus dilexit  
mundum, vt Filium suum vnigenitum  
daret, vt omnis, qui credit in illum, non  
pereat.* Filius enim hic loquitur, vt  
Tertullianus etiam lib. cōtra Pra-  
xeam intellexit.

Tertium testimonium est Spi-  
ritus sancti, Matth. 3. qui appari-  
tione sua in specie columbæ, vo-  
cem illam Patris de Filio suo con-  
firmavit.

Quartum est Angeli, Lucæ ca-  
pite primo: *Et vocabitur altissimi  
Filius.*

Quintum est Apostoli Petri,  
Matth. 16. *Tu es Christus Filius Dei  
vini.* Quo inprimis testimonio  
meritò ad Christi diuinitatem cō-  
probandam vtitur D. Athanasius  
serm. 3. contra Arianos, & D. Au-  
gustinus, & Cyrillus, Ambrosius,  
& alij.

Sextum est Apostoli, Ioannis  
cap. 1. *Vidimus gloriam eius, gloriam  
quasi vnigeniti a Patre, plenum gratia  
& veritatis.*

Septimum est eiusdem, Ioann.  
cap. 1. *Vnigenitus, qui est in sinu Pa-  
tris, ipse enarrauit.*

Octauum est Apostoli Pauli ad  
Galatas cap. 4. *Misi Deus Filium  
suum, vt adoptionem filiorum recipe-  
remus.*

Nonum est eiusdem Apostoli,  
ad Hebræos cap. 1. *Qui cum sit splen-  
dor Patris, & figura substantia eius.*  
Quibus verbis Filium naturalem  
esse declarat.

Decimum eiusdem ibidem: *(ui enim aliquando Angelorum dixit: Filius meus es tu, ego hodie genui te.*

Vndecimum eiusdem, Rom. I.

*Qui proprio Filio suo non pepercit.*

Duodecimum testimonium est rursus æterni Patris, apud Dauidem Psal. 109. *Ex vtero ante Luciferum genui te.*

Certè nimis magna atque impudens pertinacia est, ex his testimoniis non intelligere, Christum non per adoptionem, more aliorum, seu hominum, seu Angelorum, sed planè per naturam esse Dei Filium, ac proinde naturâ Deum.

Primò, quia vnigenitus dicitur, cum tamen multi alij per adoptionem sint filij.

Secundò, quia excellentiori modo, quàm vel vlli homines sancti, vel etiâ ipsi Angeli Filius est, ut disputat ex instituto in epistola ad Hebræos Apostolus.

Tertiò, quia Filius est non gratia, sed generatione ex vtero, hoc est, ex substantia Patris, ut diuus Athanasius, & alij Patres interpretantur.

Quartò, quia ante Luciferum, hoc est, ab æterno ante omnes creaturas genitus, ut D. Athanasius oratione de dicto illo: *Deus ex Deo*, circa finem, ostendit aduersus Ariariorum commentum, qui ante Luciferum exponebant, id est, ante lucem diurnâ, circa me-

diam noctem ex vtero Virginis: quasi non etiam alij multi sine singulari aliqua natalis prærogatiua, ante diem nascantur.

Quintò, quia ita genitus est, ut maneat tamen in *sinu*, hoc est, in substantia sui Patris, tanquâ verbum naturale illius, sicut D. Athanasius in expositione fidei ponderauit.

Sextò, quia Filius Dei *vini & altissimi*, & eiusmodi nominibus nominatur, quomodo nullus alius Sanctus appellatus est in Scripturis.

Septimò, quia per illum alij adoptionem filiorum obtinent, ut ait Apostolus ad Galatas 4. atque adeò filiationis rationem, & nomen ab eius filiatione participât. Quamobrem necesse est illius filiatione non esse similiter per adoptionis gratiam, sed planè naturalem. Quod pulchrè quoque D. Athanasius serm. 2. contra Arianos illo versiculo Davidis confirmat: *Dilexisti iustitiam, & odisti iniquitatem, propterea vnxit te Deus, tuus tuus oleo laetitiae præ participatoribus*

*tuus*, Psal. 44. Videte Ariani, inquit Athanasius, & saltem hinc cognoscite, participatores Domini ceteros omnes Psalmistam appellasse. Si enim vnus ex non entibus, & creatus esset, fuisset & ipse vnus ex istis participatoribus. At qui cum eum, ut Deum æternum, suo hymno celebravit Psalmista, inquit: *Thronus tuus Deus in seculū seculi, &c.*

*& re-*



*Et reliqua omnia ex eo partem capere declaravit; quid aliud intelligendum, quam alium illum esse à rebus creatis?*

Ad hoc verò argumentum firmissimū, quod ex filiatione Christi ita ducitur, respondebant olim Ariani, teste D. Athanasio in epistola de decretis Nicænæ Synodi, & etiam Eunomiani, teste D. Basilio libro 2. contra Eunomium, Christum vnigenitum Filium Dei dici, quoniam ipse à solo Deo ingenerito creatus est. Nec dissimiliter etiam respondet Seruetus lib. 1. de Trinitate, & Dialogo 2. de Trinitate. Et Franciscus David in disputatione Albana, in actione 5. & 6. dici, & alij Seruetiani Transylviani. Dicunt enim, Christum esse vnigenitum & naturalem Filium Dei, quia sine virili semine à solo Deo, & ex ipsius Dei substantia in vtero Virginis conceptus est: Quo factū est, vt Deus sit ipsius naturalis Pater, & qui vicem viri in eius generatione supplerit. Atque ita rem hanc ab Angelo explicatam esse contendunt, Lucæ 1. illis verbis: *Spiritus sanctus superueniet in te, & virtus altissimi obumbrabit tibi, ideoq; quod nascetur ex te sanctum, vocabitur Filius Dei. Pondera*, inquit Seruetus, *verbum: Ideoque. Nota imitationem, nota rationem, quare Filius Dei vocetur.*

Sed primum rectè contra hanc veterum & recentium Arianorum & Eunomianorum responsionem

obiicit D. Basilius, quòd vnigenitus, inquit, non qui à solo genitus, sed qui solus genitus est, in communi usu appellatur. Ac rursus non sufficere, quòd Christus à solo Deo, sine virili opera genitus sit, vt vnigenitus Filius dicatur, confirmat diuus Athanasius in illa epistola de Synodi decretis, optimo exemplo. Nam Adam à solo Deo productus est, neque tamen idcirco est, aut dicitur Filius Dei vnigenitus. Nō igitur ratio vnigeniti in eo posita est, quod is à solo Deo producat, sed in productionis modo, vt scilicet per illum ipsa essentia ac natura diuina producto communicetur, tanquam naturalis atque viuo exemplari.

Atque hæc Basilij atque Athanasij responsio similiter contra Seruetianos valet, quatenus hi etiam rationem vnigeniti inde petunt, quòd Christus à solo Deo vice viri fuerit progenitus. Solum enim inter Seruetianos & Arianos discrimen est, quòd Seruetiani Christum, vt hominem, non autem secundum aliquam aliam naturam, volunt esse Filium vnigenitū Dei, quatenus à solo Deo, sine viri opera est progenitus. Ariani autem non, vt hominem, sed, vt esse eum putabant, primam illam creaturam, quam ipsi cōminiscebantur, fuisse vnitam in vtero Virginis cum humana carne. Itaque quatenus vtriq; conueniunt

in hoc quod Christus, vnigenitus, siue secundum humanam, siue secundum aliam naturam, ideo dicatur, quoniam à solo Deo productus est, vtrique reuincantur, vt dixi, illo argumento D. Basilij, & D. Athanasij.

Quod autem addunt Seruetiani, ideo etiam vnigenitum & Filiū Dei naturalem dici, quia sit progenitus ex ipsa Dei substantia, hoc modo confutamus. Vel esse Christum ex substantia Dei, nihil aliud est, quàm eum productū esse virtute atque efficacia diuinæ substantiæ, tanquam causæ solummodò efficiētis; Vel ex ipsa etiam Dei substantia illum constare, ita vt ex diuina etiam substantia, siue essentia illius persona constitutatur, sicut constituitur, verbi gratia, ex materia & ex forma sua res quæpiam, quam dicimus ex materia & forma esse. Si primum tantum Seruetiani concedunt, nihil amplius Christo, quàm ceteris creaturis concedunt; ac proinde nullam rationem assignant, quā obrem Christus propriè vnigenitus atque naturalis Dei Filius sit, & dicatur. Omnis enim creatura, ex Deo, atque adeo (si ita loqui libeat) ex ipsa Dei substantia est, tanquam ex causā quidem sui efficienti, ex qua non etiam substantialiter constet. Si autem secundū illud dēt, nempe sic esse Christum ex Dei substantia, vt ex ipsa etiam

diuina substantia, seu essentia cōstet, habemus quod volumus: Id enim ipsum est Christum esse naturā atque substantiā Deum, ac proinde verissimè Filium Dei vnigenitum. Sed quoniam hoc secundum Seruetiani non concedunt (volunt enim Christum non ex alia natura constare, nisi ex ea, quam accepit ex Virgine) apparet eos verbatantum dare, & fucum facere, cū distitant, Christum esse ex substantia Dei. Quid enim hoc rei est? Certè oportet alterutrum esse ex illis duobus, quæ diximus: quorum alterum si concedant, nihil singulare tribuūt Christo; si verò alterum dent, in sententia sua minimè persistant, sed nostrā, vt exposui, vel inuiti subscribunt.

Præterea illud est, quod isti minimè expedire possunt: Concedunt enim, Christum esse Filium Dei naturalem; vtunque hoc intelligant, vel potius non intelligant. Cū autem ex hoc, quod fatentur, præterea nos concludimus, esse illum eiusdem naturæ cum Deo Patre, nihil ad hanc consequentiam respondent. Sed neque vllō modo respondere possunt. Quod enim consubstantialē non est Patri suo naturali, id non Filius est, sed omnino monstrum.

Porro sermo Angeli cum MARIA, quem nobis obiciunt, nihil minus significat, quàm id, quod ipsi

ipſi volunt. Cùm enim Angelus dixit: *Spiritus ſanctus ſuperueniet in te, & virtus altiffimi obumbrabit tibi;* non voluit ſignificare, ſine viri opera Virginem concepturam fuiſſe purum hominem, talem quales aliàs ſolèt concipi opera virili, ſed hominem omnino qui ſimul eſſet ille ipſe Dei Filius, qui exſtiterat ab æterno, vnitis videlicet eadem potenti Dei virtute, natura diuina & humana in vna hypoftaſi. Hoc illud myſterium eſt, propter quod dixit fuiſſe futurum, vt homo, qui ex Virgine tam ſingulari modo ſanctus, (hoc eſt, qui fontem ipſum omnis ſanctitatis diuinitatem, vnità ſibi ſubſtantialiter haberet) naſceretur, verè eſſet atque vocaretur Dei Filius, quippe cùm eſſet ipſe æternus Dei Filius. Hæc eſt viſ atque ratio illius illationis, ſiue conſequentiæ Angeli: *Ideoq̃, et quod naſcetur ex te ſanctum, vocabitur Filius Dei;* quam conſequentiam Seruetus non intellexit.

Sed inſtant ſæpius, & quærunť à nobis Seruetiani; Vtrum non ipſe Chriſtus quàm homo, & quàm conceptus ex Virgine, ſit Filius Dei? Quibus nos reſpondemus, omnino illum hominem Chriſtum, qui conceptus eſt ex Virgine, qui natus, qui crucifixus eſt, eſſe Filium Dei altiffimi vnigenitum & naturalem (ſic enim affirmat Angelus & Apoſtoli paſſim) ſed tamen non quàm homo eſt, ſed quàm idem ſe-

cundum ſuam hypoftaſim eſt Verbum diuinum. Nominatio enim Filij non ad naturam, ſed ad hypoftaſim, ſiue ſuppoſitum propriè accommodari debet. Et quamuis Chriſtus homo ſecundum naturam etiam humanam, præditus ſit quoque diuinæ gratiæ vberriſimis donis, ratione quorum homines alij dici ſolent Dei Filij adoptiui: tamen minimè ipſe ſimiliter atque alij, Filius adoptiuus, quàm homo eſt, dici debet. Ratio eſt, quoniam cùm aliquem dicimus eſſe filium adoptiuum allicuius, ſimul ſignificare ſolemus, non eſſe filium eiufdem naturalis ſecundum ſuam hypoftaſim; quod falſò de homine Chriſto, reſpectu Dei, ſignificaretur. Verè enim diuus Ambroſius libro de Sacramento Dominicæ incarnationis, capite octauo: *Adoptiuum,* inquit, *ſilium, non dicimus ſilium eſſe naturā.* Nec ſi Chriſtus homo ſecundum humanitatem quidem Filius Dei naturalis non eſt, oportet eum ſecundum humanitatem dici Filium adoptiuū. Satis enim eſt, vt alterutro modo ſit Filius ſecundum ſuam quidem hypoftaſim, ad quam propriè referri debet appellatio Filij, ſicut antè dictum eſt.





## CAPVT XVIII.

*Probatur octauò Christi diuinitas  
iis Scripturæ testimoniis, ex qui-  
bus constat, illum esse prosequen-  
dum omni cultu diuino.*

**I**LLI Maiestatē eā esse,  
vt dign⁹ sit cultu diui-  
no, sicut Deus Pater,  
atque adeò illum ve-  
rissimè Deum esse, Primùm patet  
eiusdem Filij luculentissimo te-  
stimonio, qui in Euangelio Ioan-  
nis cap. 5. testatur, eam esse volun-  
tatem Patris: *Ut omnes, inquit, ho-  
norificent Filium, sicut honorificant  
Patrem.* Quem locum vrgens di-  
uus Athanasius in libro de com-  
muni essentia diuinitatis Patris, &  
Filij, & Spiritus sancti: *Non permi-  
sit, inquit, Christus diuidere honorem  
sibi debitū, ab honore, qui debetur Patri.*

Secundò idem probò genera-  
tim hoc modo: Si Christus eadem  
gloria atque maiestate præditus  
est, qua Pater, dubitari non de-  
bet, quin eodem etiam cultu, quo  
Pater prosequendus sit. Cultus e-  
nim dignitati personæ, quæ hono-  
ratur, consentaneus esse debet. At  
Christus eadem gloria atque ma-  
iestate, qua Pater præditus est: Eo-  
dē igitur cultu, quo Pater, est pro-  
sequendus. Assumptam proposi-  
tionem demonstrat manifestè D.  
Athanasius in Dialog. de Trin. pa.  
676. ex duobus locis Euāgelij in-  
ter se collatis. Vnus locus est Mat-

**A**thæi 16. *Filius enim hominis venturus  
est in gloria Patris sui.* Alter est Mat.  
25. *Cum autē venerit Filius hominis in  
maiestate sua.* Quo loco gloriam il-  
lam atque maiestatem Patris, in  
qua venturus est, suam etiam esse,  
disertè Christus affirmat. Quod  
rursus inde patet, quia habet eas-  
dem proprietates diuinas (vt su-  
prà cap. 13. conuicimus) ex qui-  
bus vtique existit Maiestas Patris.

Tertiò probauero idem, si si-  
gillatim ex Scriptura sacra osten-  
dero omnes partes cultus diuini  
Christo tribuēdas esse. Deo enim  
cultum diuinum tum deferimus,  
1. Cū in illum credimus. 2. Cū  
in illum speramus. 3. Cū illum  
super omnia diligimus. 4. Cū ei  
obedimus propòsita nobis mer-  
cede æterna. 5. Cū eius iram ti-  
memus. 6. Cū in illo gloriamur.  
7. Cū illi tāquam beneficiorum  
auctori gratias agimus. 8. Cū eū  
adoramus. 9. Cū per eius nomē  
iuramus. 10. Cū ei tanquam Do-  
mino seruimus. 11. Cū in eius  
nomine, & illius auctoritate,  
Christianæ religionis sacris ini-  
tiamur. 12. Cū illum tanquam  
largitorem bonorum inuocamus.  
Quæ omnia vni ac soli Deo con-  
uenire, ex Scripturis pspicuū est.

At hæc ipsa etiam Christo de-  
beri, Scriptura manifestè docet.  
I. De Fide, Ioan. 3. *Sic Deus dilexit  
mundum, vt Filium suum vnigenitum  
daret, vt omnis qui credit in illum, non  
per-*

perest. Et Ioan. 14. Creditis, inquit, in Deum, & in me credite. Quo loco se Deum confestatum esse rectè affirmat D. Augustinus tract. 67. in Ioannem: *Consequens est enim, ait Augustinus, ut si in Deum creditis, in me credere debeatis: quod non esset consequens si Christus non esset Deus.* II. De spe, Isai. 11. & Roman. 15. *Erit radix Iesse, & qui exsurgens regere gentes, in eum gentes sperabunt.* Et Psalmo 2. *Beati omnes qui confidunt in eo. De filio enim est sermo.* III. De dilectione, Matth. 10. & Lucæ 4. *Qui amat patrem & matrem, adhuc autem & animam suam, plus quam me, non est me dignus.* IV. De obedientia, Matt. 7. *Omnis qui audit verba mea hæc & facit ea, similabitur viro sapienti, &c.* V. De timore iræ eius, 1. Cor. 10. *Neg. tentemus Christum sicut quidam eorum tentauerunt, & à serpentibus perierunt, &c.* Et Psalmo 2. *Ne quando irascatur Dominus, & pereatis de via iusta.* Quod de Filio intelligi ex ipso contextu compertum est. VI. De gloria nostra in eo, ad Galat. 6. *Absit mihi gloriari, nisi in Christo.* Et rursus ad Philipp. 3. *Gloriamur in Christo IESU, non in carne fiducia habentes.* VII. De gratiarum actione, 1. ad Timoth. 1. *Gratias ago ei, qui me confortauit, Christo IESU Domino nostro, qui me fidelem existimauit.* Et Apocalyp. 11. *Gratias agimus tibi Domine Deus omnipotens, qui es, & qui eras, & qui venturus es.* VIII. De adoratione, Matth. 2.

**A** *Procedentes adorauerunt eum.* Et ad Hebr. 1. *Adorem eum omnes Angeli eius.* Et Psalmo 2. *Apprehendite disciplinam;* nempe Filij, ad cultum eius. Hebraicè enim est: *Osculamini Filium:* quod erat signum cuiusdam adorationis. IX. De iuramento per eius nomen, ad Rom. 9. *Veritatem dico in Christo IESU, non mentior.* X. De seruitute ei tanquam Domino seruienda, ad Colossen. 3. *Domino Christo seruite.* Et Matth. 4. *Et Angeli ministrabant ei.* Quem locum pulcherrimè vrget D. Athanasius sermone. 3. contra Arianos: *Seruiebant, inquit, ei Angeli ut diuerso alienoq; ab illis natura, & adoratur ab illis non ut gloria tantum maior, sed ut alius, discretus & seiunctus à conditione tum creaturarum reliquarum, tum etiam ipsorum Angelorum, Patri tantummodo aqua-  
lis secundum rationem substantie.* Si enim, quia gloria sublimior, adoratur, par erat ut omnia inferiora superioribus se in adoratione inclinarent. *At non ita est.* Petrus enim Cornelium adorare se volentem, inhiuit dicens: **D** *Quoniam & ego homo sum. Angelus quoque ad Ioannem: Vide ne feceris conseruus enim tuus sum, &c.* At Christus discipulos se adorare permittit, & quisnam sit, eos instruit: *Vos vocatis me Magister & Domine, & bene dicitis, sum etenim. Thomam item sic alloquentem eum: Dominus meus & Deus meus; his verbis uti concedit, nihilque impediendi ei opponit. Videat Lector*

et totum locum. XI. De initiatione in eius nomine etiam Matt. 28. *Baptizantes eos in nomine Patris, & Filij, &c.* Et Act. 19. *Baptizati sunt in nomine IESV.* XII. De inuocatione denique illius tanquam donorum gratię largitoris, 2. ad Corint. 1. *Gratia vobis & pax à Deo Patre nostro & Domino IESV Christo.* Et Act. 7. *Domine IESV suscipe spiritum meum.* Et Isai. 45. *Hac dicit Dominus: Viri sublimis ad te transibunt, teq. deprecabuntur.*

Respondet autem ad hæc argumenta Seruetus Dialogo primo de Trinitate, & Franciscus Dauid in disputatione Albana in actione 3. dici, & alij Seruetiani, Christum quidem esse adorandum, & honore diuino prosequendum, non quia sit Deus ille Israël, sed quia plenitudo diuinitatis in ipso habitat, & quia conceptus est de Spiritu sancto, & deniq. quia propter eiusmodi rationes Pater ipse iussit eum à nobis adorari. At contra his obiicimus, quod ipse Deus Israël clamat per Isaiam: *Gloriam meam alteri non dabo.* Igitur non iubet Pater, id est, iste Deus Israël, Christum adorari, si Christus modo dis omnibus alter à Deo Israël est, hoc est, si non est ipse etiam Deus Israël. Deinde consequenter obiicimus, in habitationem diuinitatis in Christo, nisi sit secundum vnionem substantialem cum humana natura in eadem hypostasi,

A qua fiat, ut ipse homo Christus verissimè quoque Deus sit, non esse satis, ut homo Christus diuinis honoribus rectè affici possit. Etenim quicumque alius modus in habitationis diuinitatis præter illum hypostaticum, necesse est, sit tantummodò secundum rationem præsentia cuiusdam, & efficacitatis diuinæ; quo quidem pacto in omnibus creaturis Deus inhabitat: neq. tamen ideo creaturæ possunt affici diuino cultu.

Quocirca Franciscus Dauid his argumentis conuictus, tandem intellexit, Christum, nisi Deus verus sit, neutiquam posse diuinis honoribus affici, atque adeo neque adorari, neq. inuocari ut auctorem bonorum. Itaque licet in actione 3. Albana, disertis verbis scripssisset: *Pharisaicum esse contendere, Christum non esse adorandum,* in hunc ipse demum Pharisaicum errorem incidit, negauitque (ut refert in epistola quadam Blandrata) Christum adorandum aut inuocandum esse, ne illum alioquin (quod necessariò sequi videbat) Deum esse fateri cogeretur. Bene autem habet quod Scripturæ testimonia, ex quibus probauimus, Christo cultum diuinum deferendum esse, euidētiora sunt, quam ut ullis tenebris cauillationū obscurari possint. Quale enim commentum, verbi gratia, est illud, quod Franciscus iste ad exemplum



plum Stephani Christum tãquam A  
Dominum inuocantis, respon-  
det, non Filium, sed Patrem, qui  
etiam saluator est, inuocatum ab  
eo fuisse illis verbis: *Domine I E S V*  
*accipe spiritum meum.* Nõnne eui-  
dentissimum est, illum *I E S V M*  
saluatorẽ tunc à Stephano fuisse  
inuocatum, quem ibidem dixerat  
se vidisse, *stantem in cælo à dextris* B  
*virtutis Dei*? An verò Pater stare  
dicitur à dextris virtutis Dei? Mi-  
nimè certè, sed Filius, *qui est ad*  
*dexteram Patris.* Sed nihil necesse  
est persequi similes nugas.

Quare maneat, Christum ve-  
rissimè Deũ esse. 1. Quia & Deus  
in Scripturis, ita propriè vt Pa-  
ter, sepissimè dictus sit. 2. Et quia  
id ipsum Scriptura multis in lo- C  
cis, tanquam sui interpres, con-  
testatur. 3. Et quia nequaquam  
sit ex numero creaturarum. 4. Et  
quia diuinæ naturæ proprietati-  
bus sit præditus. 5. Et quia diui-  
nas item operationes efficit. 6. Et  
quia æqualis & consubstantialis  
est Patri. 7. Et quia Filius eiusdem  
est naturalis. 8. Et denique quia D  
tantæ est maiestatis, vt sit non mi-  
nus quàm Pater diuinis honori-  
bus omnis generis prosequendus.  
Hæc enim illa sunt octo capita, ad  
quæ (sicut suprà nobis proposi-  
tum fuit) reuocauimus vniuersa  
Scripturæ testimonia præcipua, ex  
quibus euidentissimè Christi di-  
uinitas comprobatur.

## CAPVT XIX.

*Probatur secundo loco Christi diui-  
nitas ex testimoniis item diui-  
nis, quæ extra Scripturam quo-  
que suppetunt ad illius assertio-  
nem confirmandam.*

**D**IXIMVS suprà ca-  
pite 10. Diuinitatem  
Christi nõ modò di-  
uinis illis testimo-  
niis probari, quæ in Scriptura sã-  
cra existant, sed etiam aliis item  
diuinis, quæ extra Scripturam  
admirabiliter Deus ipse exhibuit.  
Hæc partim continentur prædi-  
ctionibus Sibyllarum de Christi  
diuinitate, partim euentis ali-  
quot mirabilibus, quibus histo-  
riæ produnt diuinitus sæpe fuisse  
approbatam Orthodoxorum de  
diuinitate sententiam, & contra-  
riam hæresin Deo quàm maximè  
exosam fuisse.

Sibyllarum carmina, in quibus  
de Christi diuinitate prænuncia-  
tum diuinitus sit, commemorat  
Lactantius libro primo diuina-  
rum institutionum, capite sexto,  
& libro quarto, capite 18. Et D.  
Augustinus libro 18. de ciuitate  
Dei, capite 23. vt alios omittam.  
Cum autem plures Sibyllæ existi-  
terint, vt Lactantius Firmianus  
ex Marco Varrone ostēdit, maxi-  
mè illustria carmina pro Christi  
diuinitate sunt Sibyllæ Erythræ,  
quæ

quæ celebrior inter ceteras, vt ait A  
Lactantius, ac nobilior habetur.  
De qua etiam Clemens Alexan-  
drinus videtur loqui lib. 6. Stro-  
maton, ante medium, cùm ita in-  
quit: *Sicut Iudeos Deus saluare esse vo-  
luit, dans eis Prophetas, ita etiam Gre-  
corum spectatissimos propria sua lingua  
Prophetas excitatos, à vulgo secreuit, vt  
declarat Apostolus Paulus dicens: Li-  
bros quoque Græcos sumite, agnoscite  
SIBYLLAM, quomodo unum Deum  
significet, & ea quæ sunt futura.* Hæc  
igitur Sibylla tam artificiosè de  
Christo vaticinata est, vt initiales  
ipsius carminum literæ (sicut ab  
Augustino loco citato notatum  
est) sententiam hanc Græcè red-  
derent: *Ἰησους Χριστος θεου υἱος  
της*, hoc est, IESVS Christus Dei  
Filius Saluator. Huius etiam Si-  
byllæ illud carmen inter cetera de  
Christo est:

*E cælo Rex adueniet per secula futurus,  
Scilicet in carnem presens vt indices  
orbem.*

*Unde DEVM cernent incredulus at-  
que fidelis.* Et rursus:

*Oculos ælium retegens, tunc quisque D*

*loquetur  
Secreta, atq, DEVS referabis pectora  
luci.*

Item illud in conclusione clarif-  
simè:

*Unus & æternus Deus, hic seruator &  
idem*

*Christus pro nobis passus quem carmi-  
na signant.*

Quæ carmina Constātinus Ma-  
gnus (apud Eusebium in eius vita  
sub finem) dicit Ciceronem Lati-  
na fecisse. Ac ipse etiam Cicero  
lib. 2. de diuinatione commemo-  
rat, se vidisse carmina Sibyllæ, quæ  
initialibus literis aliquam senten-  
tiam significarent. Nec obscura  
etiam illa alia carmina Sibyllina  
quæ item D. Augustinus & Lactā-  
tius referunt: In manus iniquas  
infidelium postea veniet, & da-  
bunt Deo alapas manibus incæ-  
stis. Et rursus: Insipiens gens, tuū  
DEVM non intellexisti. Hæc de  
Christo nō nisi diuinitus à Sibyl-  
lis prædici potuerunt, nec falsa es-  
se possunt, si sunt dicta atque as-  
serta diuinitus.

C Mirabiles autem euentus, qui-  
bus Orthodoxa sententiā de Chri-  
sti diuinitate confirmata sit, mul-  
ti proditi sunt in variis historiis.  
Scribit Gregorius Nissen. in ora-  
tione de laudibus Gregorij Thau-  
maturgi, huic Gregorio ante-  
quam hæresis Ariana exoriretur,  
Beatam Virginem cum D. Ioanne  
Euangelista apparuisse, & Ioan-  
nem iussu Virginis ei confessio-  
nem fidei tradidisse, in qua asse-  
retur Trinitas consubstantialis, &  
Verbi diuinitas æterna. Exstat au-  
tem ea fidei confessio tom. 1. Con-  
ciliorū ante V. Synodum, & apud  
Eusebium lib. 7. cap. 25. Item scri-  
bit Eusebius li. 9. & Beda in Mar-  
tyrologio 26. die Nouembris, D.

Petro

Petro Alexandrino, ex Oriente Ariana hæresi, Christum veste disscissa conspectum fuisse, caussamque sciscitanti respondisse, Arius vestem meam quæ est Ecclesia dilaceravit. Item quàm horribili mortis genere Arius pœnas erroris sui dederit, fufis visceribus, historici testantur. & præterea etiam Epiphanius hæresi 68. & 69. Et Athanasius ser. 2. contra Arianos, qui etiam in epistola ad Serapionem affirmat, Deum ipsum ea re iudicem atq; condemnatorem se præbuisse Ariane perfidiæ. Item scribit Amphiloehius in vita Basilij, cum inter Catholicos & Arianos de possessione cuiusdam Ecclesiæ controuersia esset, Basilium cum Arianis pacem fecisse, ut ij Ecclesiã illam sibi vendicarent, qui precibus iuxta fidem suam fufis à Deo obtinerent, ut eius Ecclesiæ fores repagulis prius ac seris fortiter reclusæ sua sponte paterent: tum Arianos primò id suis precibus efficere tentauisse, neque potuisse impetrare: mox D. Basilium cum alijs Catholicis preces ad Deum, iuxta fidem Orthodoxam quam prædicabāt, piè fudisse, nec mora fores Ecclesiæ magna vi fuisse vltro apertas. Nec minus illud memorabile quod D. Gregorius li. 3. Dialogorum, cap. 29. narrat accidisse suo tempore in vrbe Spoletana. Nempe, cum Catholici Ecclesiã S. Pauli, quam

Arianus quidam Episcopus, suæ synagogæ dedicare volebat, vi occlusissent, illum nihilominus cum suis Arianis impetum in Ecclesiã fecisse: tum portas Ecclesiæ vltro patuisse, & lampades templi quæ extinctæ fuerant, diuinitus accensas fuisse; veruntamen Episcopum ubi est ingressus cecitate diuinitus fuisse percussum, atq; ita re infecta domum à suis, non sine magno Arianorum pudore, reductus esse. Narrat item Gregorius eodem libro ca. 30. cum ipsemet quandam Ecclesiã, quam Ariani profanauerant, reconciliasset, confestim omnes vidisse suum terribile, hoc est, Diabolum in suis specie, ex ea Ecclesia exire, ac simul nubem lucidissimam altare templi circumdedisse, lampades vltro accensas fuisse, suauissimo odore locum totum fuisse perfusum. Præterea illud maxime memorabile est, quod Rufinus li. 11. cap. 4. testatur, quo tempore Lucius quidam Episcopus Arianus Catholicos valde vexabat, Monachos magna miracula solitos fuisse facere his verbis: *In nomine IESU, quem Lucius persequitur, surge, & ambula.* Quid quod Victor Vticensis li. 2. de persecutione Vandalica & D. Gregorius li. 3. Dialogorum, c. 32. testantur, Catholicos, præcis, inssu regis Ariani, linguis, nihilominus com modissimè postea per omnem vitam fuisse loquutos? Addit Gre-

R gorius



gorius se quēdam Episcopum senem nouisse, qui affirmaret, cū vno quodam ex illis sine lingua loquentibus se fuisse colloquutum. Sed longum esset omnia miracula per censere quę ad Arianorum confusione[m] per eos olim fiebant, qui Orthodoxam doctrinam tuebantur: vt per Ambrosium teste D. Augustino li. 9. confessionum, cap. 7. & per D. Hilariū & D. Martinum etiam tum, cū ab Arianis in exilium missi essent, teste Fortunato & Seucro Sulpitio in illorum vitis, & passim per alios,

## CAPVT XX.

*Probat[ur] postremo loco Christi diuinitas testimonio omnium Orthodoxorum Patrum.*



**P**OSTREMO probamus Christi diuinitatem testimonio omnium Patrum, qui vnquā in Ecclesia Catholica Orthodoxi ac celebres habiti fuerunt. Et quidem eos nobis suffragari quidam ex aduersariis non diffitentur. Verba enim Francisci Davidis in act. 8. diei disputationis Albani sunt: *Ego non nego, veteres interpretes stabilem tripersonatum Deum.* Sic enim per blasphemam contumeliam vocant isti vnum Deum, Patrem, & Filium, & Spiritum

**A** tum sanctum. Ac loquitur Franciscus David etiam de iis qui vetustissimi sunt, & in exordio Ecclesię floruerūt, vt Iustinus & Ignatius, quorum auctoritatem inter ceteros ei obiecerat in illa disputatione Petrus quidam Melius. Alij verò Seruetiani, Patres qui floruerunt ante Concilium Nicænum, nobis aduersari contendunt. Quod manifestum mendacium est.

**B** Ante Nicænum enim Conciliū floruerunt in primis Clemens Romanus, Ignatius, Dionysius Areopagita, Martialis (qui primo Ecclesię seculo, hoc est, primis 100. annis à Christo nato, vixerunt) item Iustinus, Athenagoras, Irenæus, Clemens Alexandrinus (qui fuerunt secundo seculo) item ex tertio seculo Origenes, Gregorius Thaumaturgus, Dionysius Alexandrinus, Dionysius Romanus, Tertullianus, Cyprianus. At hi omnes fidem SS. Trinitatis atque adeo Filij diuinitatem magno consensu profitentur.

**D** Clemens Romanus li. 8. constit. Apost. c. 18. *Tibi, inquit, omnis gloria & honor, & adoratio, Patri, & Filio, & Spiritui sancto, & nunc, & semper, & in omnia secula seculorum.* Quam Clementis sententiā, paulū immutatis verbis citans D. Basilii lib. de Spiritu sancto, c. 29. Clementem inducit affirmantem, id se de Trinitate scribere, *forma ac regula à pres-*

à presbyteris, inquit, qui ante nos fuerunt, transumpta.

Ignatius in epistola ad Antiochenos perinde ac si cum Serucianis hodie loqueretur: *Abiicite*, inquit, *omnem Gentilem & Iudaicum errorem, ut neq; multitudinem introductis Deorum, neque prae-textu vnius Dei negetis Christum.* Moyses enim, dicens: *Dominus Deus tuus Deus vnus est, & vnum solum predicans Deum*, continuò & Dominum nostrum confessus est, dicens: *Dominus pluit super Sodomam & Gomorrhâ, à Domino ignem & sulphur.* Et rursus in eadem epist. Omnis, inquit, qui annuntiat vnum solum Deum, & tollit Christi diuinitatem, is est Diabolus & inimicus omnis iustitiae. Et in epist. ad Philadelph. Si quis, inquit, dicat vnum esse Deum, & confiteatur Christum IESVM, sed eundem nudum hominem putet, serpens est fraudem & errorem predicans in exitium hominum. Et in epistola ad Philip. In tres, inquit, eiusdem honoris credendum est. Et rursus ibidem: Si Deus & homo est, cur iniquum vocas Dominum glorie, qui natura inuariabilis est? Et infra: Illud, inquit, si Filius Dei es, ignorantia argumentum est. Si enim re vera agnouisses, sciuisset quod ex aquo potest rerum conditor vniuersarum & facere quod non est, & mutare quod est. Quibus verbis Christum rerum omnium conditorem esse, atq; adeo verum Dei Filium (quod daemon ignorabat) confessus est.

A Dionysius Arcopagita libro de Mystica Theologia, cap. 2. In Theologicis, inquit, hypothesisibus maximè propria affirmatione Theologia laudamus quomodo diuina & bona natura singularis dicitur, & quomodo trina: & qua secundum ipsam dicta paternitas & filiatio, & quid vult monstrare Spiritus. Et infra: Quomodo super substantialis IESVS humana natura substantia factus est. Et lib. de diuinis nominibus, cap. 1. In omni, inquit, tractatione summam diuinitatem sanctè celebrari videmus: ut singularem quidem atque unicam propter simplicitatem & unitatem illam impartibilem: ut Trinitatem verò propter superessentialis fecunditatis in tribus suppositis expressionem.

C Martialis in epistola prima ad Burdegalenses: Nihil, inquit, discretum in diuinitate Trinitatis sentiat. Et rursus ibidem: Pater, & Filius, & Spiritus sanctus, in personis tria diuisa; in diuinitate vnus Deus indiuisus est.

Iustinus in libro de vera & recta fide: Vnus, inquit, verè est Deus omnium, qui in Patre, Filio, Spirituq; sancto cognoscitur. Quoniam enim ex sua natura & essentia Pater Filium generauit, & ex eadem processit pfectusque est Spiritus, iure ac merito ea qua vnius eiusdemque essentiae sunt, vnius etiam atq; eiusdem habentur diuinitatis. Et infra: Nulla, inquit, ratio communitalis Patris cum Filio ac Spiritu

sancto, etiam si Pater ingentius sit, diu-  
lere villo modo poterit. Et rursus ibi:  
Restat igitur ut demonstremus quomo-  
do una sit Patris, & Filij, & Spiritus san-  
ctus essentia, &c. Et in Apologia ad  
Antoninum pium pro Christianis  
affirmat, Christū fuisse illum qui  
de rubo ignis loquutus est Moy-  
si, inueniens Exodi 3. *Ego sum qui sum,  
Deus Abraham, Deus Isaac, Deus Ia-  
cob.* Hac, inquit, verba dicta sunt ad  
persuadendum Dei Filium & Apostolū  
Iesum Christum esse qui prius Ver-  
bum erat, & specie ignis apparuit. Et in  
Dialogo cum Triphone: *Filium vo-  
cans Patris virtutem, virtutē, inquit,  
ortam esse à Patre eius dixi; & potest a-  
te & consilio non decisione & delibatio-  
ne quasi essentia Patris diuidatur.* Ac-  
rursus ibidem de Filio affirmat il-  
lud dictum esse: *Pluit Dominus à  
Domino, &c.*

Athanagoras Iustini æqualis in  
Apologia ad eundem Antoninum  
imperatorem: *Primum, inquit, ger-  
men Patris est Filius, non tanquam fa-  
ctum: A primordio enim Deus mens  
æterna existens, habuit in se ipso ratio-  
nem & verbum.* Et rursus: *Dicimus  
Deum Patrem, & Filium Deum, &  
Spiritum sanctum: illorum & in unio-  
ne virtutem, & in ordine distinctionem  
demonstrantes.*

Irenæus lib. 3. cap. 9. *Si homo non  
viciisset inimicum hominis, non iuste vi-  
ctus esset inimicus. Rursus autem nisi  
Deus donasset salutem, non firmiter ha-  
beremus eam, & nisi homo coniunctus*

*A* fuisset Deo nostro, non potuisset parti-  
ceps fieri incorruptibilitatis. Oportebat  
enim Mediatorem Dei & hominum  
per suam ad utrosque domesticitatem ad  
amicitiam utrosque reducere. Et lib.  
4. cap. 11. *Ipse Christus cum Patre vi-  
uorum est Deus, qui & loquutus est  
Moy-  
si, & qui Patribus manifestatus  
est.* Et libro 3. cap. 8. (quem locum  
suprà etiam c. 10. commemorauim-  
us: *Neg, Dominus, inquit, neg, Spi-  
ritus sanctus, neg, Apostoli, eum qui non  
esset Deus definitiue & absolute Deum  
nominassent aliquando, nisi esset verus  
Deus, neque Dominum appellassent, nisi  
qui dominatur omnium, Deum Patrem  
& Filium eius.* Etc. 19. *Annunciae-  
runt, inquit, Apostoli hunc esse Chri-  
stum Filium Dei æternum, eorum regē.*  
C Et cap. 16. *Declaratum, inquit, est  
manifeste, quoniam neminem alium,  
Deum vel Dominum vocauerunt qui  
veritatis fuerunt predicatorum, nisi so-  
lum verum Deum Patrem & Verbum  
eius.* Etc. 20. *Exclusa est, inquit,  
omnis contradictio dicentium, si ergo  
tunc natus est, non erat antea Christus.  
Ostendimus enim quia tunc non cæpit  
D Filius Dei, existens semper apud Pa-  
trem.*

Clemens Alexandrinus libro 1.  
pædagog. cap. 6. in principio: *Fi-  
lium, inquit, cum Deus esset, nihil di-  
dicisse, fuit consentaneum. Neg, enim  
Verbo maior quis fuerit. An non ergo  
vel inuiti fatebuntur Verbum perfectū  
ex perfectō Patre natum? Et lib. vlt. c.  
vlt. in fine illius operis: *Laudemus,  
inquit,**



inquit, Patrem & Filium, Filium inquam, pedagogum & magistrum unum cum sancto Spiritu, qui unus est omnia, in quo omnia, per quem omnia, cui gloria, nunc & in secula seculorum, amen.

Origenes etiam in commentariis ad cap. 9. epistolæ ad Roman. luculentissimum testimonium diuinitati Christi præbet: *Miror*, inquit, *quomodo quidam legentes, quod Apostolus ait: Unus Deus Pater, ex quo omnia, & unus Dominus IESVS Christus, per quem omnia; negent Filium Dei Deum debere profiteri, ne duos Deos dicere videantur. Et quid de hoc Apostoli loco facient, ad Romanos cap. 9. in quo aperte Christus super omnia Deus esse perscribitur? Sed non aduertunt qui hoc ita sentiunt, quod si- cut Dominum IESVM Christum non ita unum esse Dominum dixit, ut ex hoc Deus Pater non esse Dominus dicatur, ita etiam Deum Patrem non ita unum Deum esse dixit, ut Dei Filius Deus non credatur. Unus autem uterque est Deus. Ac rursus: Qui autem est super omnia, supra se neminem habet. Non enim post Patrem Filius, sed de Patre. Et postea: Manifestè ostenditur natura Trinitatis, & substantia una, quæ est super omnia. Recitat etiam ex Origene D. Athanasius in epistola de decretis Nicenæ Synodi, pro diuinitate atque æternitate Filij hanc sententiam: Si est, inquit Origenes, *ulla imago inuisibilis Dei, ipsa quoque imago inuisibilis fuerit. Immo hoc quoque addo, quod**

*cum sit illi similitudo Patris, fieri non potest, ut fuerit, quando non fuerit. Quando enim Deus, qui secundum Ioannem Euangelistam lux dicitur splendore carnis sue Maiestatis? ut quis audeat Filio principium adscribere, quasi antea nondum existenti? Quando autem non erat ineffabilis illa, inenarrabilis, inenarrabilisq; Patris substantia imago, forma, ratio, quæ Patrem agnoscit? Cogitet secum quicunq; audei dicere; Erat quando non erat Filius, se hoc ipsum dicere: Erat quando sapientia non erat, quando ratio non erat, quando vita non erat. Idem Origenes, ait Athanasius, alibi dicit: *Fas non est, neque periculo vacuum, quantum in nobis est, exspoliare Patrē unigenito suo semper secū existente Verbo, exspoliare item eum sua sapientia, in quo latabatur. Inde enim sequeretur, eum non fuisse semper latatum. Ac subiungit è vestigio ibi D. Athanasius: Ecce nos demonstramus huiusmodi sententiam (de Christi diuinitate) à Patribus ad Patres, quasi per manus traditam esse. Vos autem, inquit, noui Iudei & discipuli Caipha, quos verborum vestrorum Patres ac Maiores demonstrabitis: cum ne unum quidem ex prudentioribus, aut doctis in auctorem citare possitis?**

Valde igitur est credibile, quod Ruffinus in Apologia pro Origene dicit, Arianas sententias, quæ alioqui reperiuntur in scriptis Origenis, non ab ipso Origene, sed ab Arianis postea fuisse posita.

tas. Si enim ipse Origenes idem sensisset quod postea Ariani, nequaquam ita fidenter D. Athanasius illius auctoritatem Arianis obieciisset, neque iisdem rectè insultasset, eò quòd neminem ex antiquioribus possent citare pro sua sententia. Adde, quod in eodem loco Athanasius ait, quèdam in hac materia ab Origene scripta esse, non ex propria sententia, sed quasi ex aliena inter disputandum: *Quæ, inquit Athanasius, disputandi certandi, gratia scripsit, ea non quasi ipsius sint verba, aut quasi ipse ita sentiat, sed eorum, qui cum eo contentiosius disputarunt, accipienda sunt.* Sed hæcenus de origine.

Gregorius Thaumaturgus in Confessione fidei, quæ existat in tomis Conciliorum ante quintam Synodum, & apud Gregorium Nicænum in oratione de eodem, & Eusebium libro septimo historiæ, capite 25. Verbum Dei affirmat esse *verum Filium veri Patris, Deum ex Deo, inuisibilem ex inuisibili, æternum ex æterno.* Item: *Trinitas, inquit, perfecta, maiestate, æternitate, & regno minimè diniditur.* Item ait: *Neque seruiens quid, neque factum, neque additum in Trinitate reperitur.*

Dionysius Romanus apud Athanasium in epistola de decretis Nicænæ Synodi: *Uniri, inquit, necesse est omnium Deo Dei Verbum, &*

*in eodem habere versarique Spiritum sanctum, & sanctam Trinitatem in unum omnium Deum omnipotentem, veluti in vericem & principem confirmari & coalescere, Martionis enim vaniloqui doctrina, sectionem divisionemque Monarchiæ in tres principatus instituit, sed diabolica institutio est, non autem verorum Christi discipulorum, et acquiescentium Saluatoris præceptis.* Hi enim, ut Trinitatem predicari à sacris literis planè sciunt, ita tres esse Deos à veteri aut nouo Testamento induci, nequaquam agnoscunt. Ceterum non minus culpaueris eos, qui Filium Dei opus credunt, & factum esse Dominum opinantur: cum sacra eloquia generationem ei congruentem, non autem formationem, aut creationem testimoniis suis attribuant. Et rursus ibi: *Blasphemia igitur illa non vulgaris, sed maxima habenda est, si Dominum dicas manufactum.* Et ad extremum: *Non igitur diuidenda est in tres Deitates admirabilis & diuina unitas, neque sub nomine creatignis imminuenda est Domini dignitas & immensa maiestas.* Sed credendum est in Deum Patrem, & in Filium eius *IESVM Christum, & in Spiritum sanctum, uniri, Deo totius vniuersitatis Verbum: Ego enim, inquit, & Pater unum sumus.* Et ego in Patre, & Pater in me. Ita enim et diuina Trinitas, & sancta predicatio professioque, Monarchiæ conseruari poterit. Testatur etiam D. Athanasius in epistola de sententia Dionysij Alexandrini, Romanum hunc Dio-

nyfium volumina aliquot scrip-  
pisse contra eos, qui Filium Dei,  
opus aut creaturam esse asse-  
rebant: *Ex quibus clarè ostenditur, in-  
quit Athanasius, hæresim Chri-  
sto rebellium Arianorum non iam pri-  
mum, sed olim ab omnibus damnatam  
fuisse.*

Sanctus item Dionysius Alex-  
andrinus: *In suspicionem raptus, in-  
quit idem Athanasius in epistola  
de decretis Nicænæ Synodi, quòd  
Filium creaturam nominasset, & fa-  
ctum esse dixisset, ad Dionysium Epi-  
scopum Romanū pro defensione crimi-  
nis, ita scribit, se non dixisse Filium fa-  
ctum, quem Patri consubstantialem  
confiteatur.* Verba autè eius recitat  
Athanas. ibi, & copiosius in epist.  
quam scripsit de sententia huius  
Dionysij Alexandrini. Inter cete-  
ra de Filio inquit: *Quia splendor est  
æternæ lucis, omnibus modis, & ipse  
quoque æternus est. Luce enim semper  
existente, certum est, & splendorem  
semper existere.* Item paulò pòst: *Fili-  
us, inquit, cum Patre semper coexi-  
stit.* Et infrà: *Ignorant, inquit, Pa-  
trem à Filio alienari non posse, & in  
Patris Filijq; manibus esse Spiritum  
sanctum.* Et paulò pòst: *Hoc igitur  
pactò, inquit, unitatem, que indivisi-  
bilis est, in Trinitatem dilatamus,  
& Trinitatem que diminui non po-  
test, in unitatem consumamus: & ta-  
men scilicet accusamur, inquit, qua-  
si qui dicamus, Filium unum esse  
ex numero rerum factarum, & ne-*

*A* *quaquam Patri suo consubstantia-  
lem. Vide plura apud D. Athana-  
sium.*

Item Tertullianus libro con-  
tra Praxeam: *Quoniam ipsa, in-  
quit, regula fidei a pluribus Diis se-  
culi ad unicum & verum Deum trans-  
fert, non intelligentes unicum quidem,  
sed cum æconomia esse credendum, ex-  
pauescunt ad æconomiam, nume-  
rum & dispositionem Trinitatis (hanc  
vocauit æconomiam) diuisionem,  
presumunt unitatis.* Et infrà: *Dico,*  
inquit, *aliud esse Patrem, aliud Fi-  
lium, aliud Spiritum sanctum: Ma-  
le accepit Idiotæ, aut quisque peruersus  
hoc dictum, quasi diuersitatem sonet, &  
ex diuersitate diuisionem protendat Pa-  
tris, & Filij, & Spiritus. Necessitate  
autem hoc dico (cùm eundem Patrem,  
& Filium, & Spiritum contendunt, ad-  
uersus æconomiam Monarchia adul-  
tes) non tamen diuersitate aliud Filium  
à Patre, sed distributione, nec diuisione  
aliud, sed distinctione, quia non sit  
idem Pater & Filius, vel modulo alius  
ab alio.* Et infrà: *Si una persona &  
Dei & Domini in Scripturis inuenire-  
tur, meritiò Christus non esset admissus  
ad nomen Dei & Domini. Nemo enim  
alius praterquam vnus Deus predica-  
batur.* Et rursus: *Itaque, inquit,  
Deos omnino non dicam, nec Do-  
minos, sed Apostolum sequar, ut si  
pariter nominandi fuerint, Pater &  
Filius, Deum Patrem appellem, &  
Iesum Christum Dominum no-  
minem, solum autem Christum potero  
Deum*



*Deum dicere, sicut idem Apostolus, ex quibus Christus, qui est, inquit, Deus super omnia benedictus in aenum omne. Et infra: Et nomen Patris, inquit, Deus omnipotens, altissimus, Dominus virtutum, Rex Israël, Qui est. Hac dicimus, & in Filium competiisse, & in his Filium venisse, & in his semper egisse, & sic ea in se hominibus manifestasse. Omnia, inquit, Patris mea sunt, cur non & nomina? Et infra: Qui tres unum sunt, non unus: ad substantia unitatem, non ad numeri singularitatem.*

Iam sanctus Cyprianus libro 2. ad Quirinum, cap. 6. ex professo probat, Christum esse Deum, accommodans ad eum illa Scripturæ testimonia, quæ solum conueniunt vero Deo Israël. Vt illud Genesis 35. *Fac illic altare illi Deo, qui tibi apparuit cum fugeres à facie Esau.* Et illud Isaia 45. *In te Deus est, & non est alius Deus præter te. Tu enim es Deus, & non sciebamus, Deus Israël Saluator.* Et illud ad Roman. 9. *Ex quibus Christus, qui est super omnia Deus benedictus in secula.* Et in tractatu de vanitate idolorum: *Unus, inquit, omnium Dominus est Deus; neque enim illa sublimitas potest habere consortem cum sola omnem teneat potestatem.* Et tamen infra nihilominus de Filio dicit: *Hic Deus noster, hic Christus est.*

Atque hæcenus pro Filij diuinitate & fide sanctissimæ Trinitatis sententias clarissimas audiui-

mus omnium illustrium Patrum, qui primis tribus seculis in Ecclesia floruerunt, hoc est, qui fuerunt ante Concilium Nicænum. Quod autem eandem omnino fidem professi sint omnes deinde Patres ac Doctores celebres, qui à tempore Concilij Nicæni, quod I.V. seculo aduersus Arianorum hæresim celebratum est, usque in præsens tempus aliquid scripserunt, vel in Conciliis variis sententias suas dixerunt; in confesso apud ipsos etiam aduersarios est. Floruerunt enim ab eo tempore in Ecclesia præcipuè Athanasius, Basiliius, Gregorius Nazianzenus, Gregorius Nyssenus, Cyrillus Hierosolymitanus, Hilarius, Ambrosius, Cyrillus Alexandrinus, Chrysostomus, Hieronymus, Augustinus, Leo, Fulgentius, Vigilius, Boëtius, Gregorius Magnus, Isidorus, Beda, Damascenus, Anselmus, Richardus, Victorinus, sanctus Bernardus, sanctus Thomas, sanctus Bonauentura, & alij Scholastici, à quibus omnibus ex professo passim esse fidem sanctissimæ Trinitatis propugnatam nemo est qui nesciat. Id quod factum etiam est in plurimis Conciliis, quæ post Nicænum, & ex Nicæni sententia, variis locis ac temporibus celebrata fuerunt. Quid verò noui Ariani & Samosatēniani, Seruetiani ex monumentis antiquissimorum illorum Patrum, qui

qui ante Nicænum Conciliū fuerunt, nobis obiiiciant, & quid item in aliis quoque Patribus cauilentur, videbimus paulò pòst. Superest enim iam, vt obiectiones illorum, quibus directè oppugnant, Christi diuinitatem refellamus.

Argumentantur enim tripliciter. Primò, ex illis testimoniis Scripturæ, quibus olim etiam Arianæ & Samosateniani perperam abutebantur. Secundò, suis quibusdam ratiocinationibus, quas ineptissimè exstruunt ex Scriptura. Tertiò, ex locis quibusdam Orthodoxorum Patrum, quos vel deprauant, vel non intelligūt: Ad quæ omnia nunc ordine respondemus.

## CAPVT XXI.

*Respondetur ad ea, quæ contra Christi diuinitatem obiiiciunt hæretici ex Scriptura.*

**R**IMO obiiiciunt, Quòd nunquā Christus ipse se nominauit Deum. Quæ obiectio nominatim est etiam Francisci Dauidis Seruetiani in actione 3. dici disputationis Albanæ. Respondemus primū, nullam esse consequentiam, Christus se Deum non nominauit: igitur Deus non est. Nam neq; se vnquam ipse Saluatorem, aut Redemptorem,

**A** his totidem verbis, nominauit: Et tamen sine controuersia Saluator atque Redemptor est. Deinde dicimus cum Augustino, satis illum apertè Deum se professum esse tū cū dicit: *Creditis in Deum, & in me credite*; quod tantundem est, ac si diceret: *Ego sum Deus*. Item Deum se esse dixit, cū Filium Dei se nominauit, & se ac Patrem vnum esse testatus est, vt ipsi etiam Iudæi intellexerunt: *De bono enim, inquit, opere non lapidamus te, sed de blasphemia, quia tu homo cū sis, facis te ipsum Deum*. Item Ioan. 19. cū eum illis verbis accusarent apud Pilatum: *Nos legem habemus, & secundum legem nostram debet mori, quia Filium Dei se fecit*, nempe natura-

**C**lem: nam de filiatione secundum adoptionem ipsi quoque Iudæi gloriabantur, dicentes: *Patrem habemus Deum*. Ioannis capite octauo. Eam autem Iudæorum accusationem nunquam Christus tanquā falsam refutauit, etiamsi rursus à Caipha interrogaretur: *Tu es Christus Filius Dei benedicti*? Quin potius in ea confessione, quòd videlicet Filius Dei consubstantialis Patri esset (sicut Iudæi intelligebant) vsque ad mortem perstitit. Tertiò, an satis nobis non est, quòd Prophetæ, & Apostoli, & Euangelistæ illum absolutè & disertè Deum nominarint, vt suprà plurimis testimoniis demonstrauimus? Hoc certè, vt ait Irenæus,

nunquam illi fecissent, nisi veris-  
simè Deus esset.

Secundò obiiciunt, quòd ipse  
Christus Patrem suum solum esse  
Deum asseueravit, Ioannis 17. *Hæc  
est vita æterna, ut cognoscant te solum  
Deum verum, & quem misisti* IESVM  
CHRISTVM. Quod etiam Apo-  
stolus indicat, prima ad Corin-  
thios cap. 8. *Nobis, inquit, vnus est  
Deus Pater, & vnus Dominus IESVS  
Christus.* Atque huc item veteres  
& noui Ariani illa omnia Scriptu-  
ræ testimonia ineptissimè refe-  
runt, in quibus Deus verus, vnus,  
& solus dicitur.

Respondet D. Gregorius Na-  
zianzenus oratione 4. de Theo-  
logia, & D. Athanasius sermon. 4.  
contra Arianos, non longè ab ini-  
tio, & D. Basilus lib. 4. contra Eu-  
nomium, in fine, & Chrysostomus  
homil. 22. in Matth. & alij omnes  
Patres, cùm solus Pater, Deus ve-  
rus dicitur; aut cùm Deus verus  
dicitur esse vnicus & solus, tan-  
tummodò excludi à vera diuini-  
tate multitudinem falsorum Deo-  
rum, qui ab Ethnicis Dij habe-  
bantur, non autem Filium, aut  
Spiritus sanctum: immò tribui  
his potius veram diuinitatem  
hoc ipso, quòd solus Pater dici-  
tur esse verus Deus, aut verus De-  
us absolutè dicitur vnus esse. Hoc  
autem multis modis euidentissi-  
mè sanè probatur. 1. Quia vera  
diuinitas, & verus Deus, vnum

quiddam est, quod est Pater, Fi-  
lius, & Spiritus sanctus. Siquidem  
hæ tres personæ, excepta ratione  
Patris, & Filij, & Spiritus sancti,  
vnum quiddam & idem sunt, vt su-  
prà cap. 14. probatum est testimo-  
nio Ioannis 10. & 1. Ioan. 5. Cùm  
igitur Pater vel absolutè, vel solus  
verus Deus affirmatur, hoc ipso  
affirmatur esse illud vnum, quod  
est Pater, & Filius, & Spiritus san-  
ctus: ac proinde nò potest ea ora-  
tione significari, quòd Filius, aut  
Spiritus sanctus non sit etiam il-  
lud vnum, quod est verus Deus.

2. Quia cùm solus Pater dicitur ve-  
rus Deus, aut quiduis aliud, non  
intelligitur id esse sine suo Verbo,  
& Sapientia, aut sine suo Spiritu,  
vt non minus verè quàm acutè D.  
Athanasius ratiocinatur in epi-  
stola ad Serapionem, circa medium.  
Ac proinde Verbum etiã & Spiri-  
tus illius hoc ipso debent intelligi  
esse verus Deus, siquidè nihil in Deo  
Patre est, quod non sit etiam De-  
us, vt pote qui summè est simplex.

3. Quia in alio loco, nempe 1. Io-  
an. 5. disertè Filius quoque dicitur  
verus Deus: immò in illo ipso capi-  
te Ioan. 17. cùm Christus adiun-  
xit: *Et quem misisti IESVM Christum:*  
sensus enim est, vitam æternam  
esse, cognoscere Christum etiam  
esse verum Deum, vt pulchrè osten-  
dit D. Athanasius lib. de suscepta  
natura, contra Apolinar. in fine,  
& D. Greg. Nazianzenus orat. 4.



de Theol. & D. Cyrill. li. 10. Thes. cap. 6. 4. Quia in aliis etiā locis similiter Filius solus dicitur esse verus Deus, nec ideo tamē Pater excluditur, vt præclare vrget diuus Basilii libro 4. in Eunomium; de Filio enim illud dicitur Baruch 3.

*Hic est Deus noster, & non assimabitur alius ad eum*, &c. *Post hac in terris visus est*, &c. Et illud etiam Isaia 45. *Non est absque te Deus, Deus Israël Saluator.* vt notat etiam D. Cyprianus libro 2. ad Quirinum, cap. 6. Et cū Apostolus 1. ad Corin. 8. solum Christum vocat Dominum, non excludit Patrem, vt superius cap. præcedente Origenem pulchrè ratiocinantem audiuius, ad cap. 8. epist. ad Roman.

Quæ igitur in Scriptura personā aliquam diuinam videntur excludere, *ad eos tantum*, inquit rectè Basilii *qui falsò dicuntur Dij, referenda sunt.* Vel ut etiam cū in Deuteronomio cap. 32. inquit: *Dominus solus dux eius fuit, & non erat cum eo Deus alienus.* Quæ autē Scripturæ vnum Deum verum absolute prædicant, hoc ipso prædicāt Patrem, & Filium, & Spiritum sanctum, vt qui sunt illud vnum, quod est Deus verus. Sicut rectè illic Basilii & D. Athanasii sermone 4. cōtra Arianos, paulo post initium argumentantur.

Tertiò obiciunt, ea Scripturæ loca, in quibus significari videtur, Filium esse creaturam, & opus

A quoddam factum. Vt Prouerborum cap. 8. *Dominus creauit me in initio viarum suarum. Quem locum Arianis fuisse semper in promptu, dicit diuus Gregorius Nazianzenus oratione tertia de Theologia. Et ad Philippenfes cap. 2. Dominum & Christum fecit illum.* Et Ioannis cap. 1. *Ante me factus est.* Et ad Hebræos 1. *Tanto melior Angelis effectus.* Et ad Hebr. 3. *Fidelis est ei, qui fecit illum.* Et ad Coloss. 1. & Eccles. 24. *Primogenitus ante omnem creaturam.*

1. Respondet D. Athanasius sermone 3. contra Arianos, & diuus Gregorius Nazianzenus loco citato, & Basilii lib. 4. in Eunom. sub finem, & alij Patres, hæc de Filio secundum assumptam humanitatem intelligenda esse: secundum eam enim creatus ac formatus est, vt daret initium diuino operi redemptionis & reparationis generis humani. Hoc enim diuus Athanasius vult significari per illud: *In initio*, vel (vt habent LXX.) *In initium viarum suarum ad operasus.* Quod confirmat ex alio loco Isaia cap. 49. vbi Filius similiter dicit: *Et nunc hac dicit Dominus qui formauit me ex utero seruum sibi, vt congregem Iacob & Israël ad eum.* Ecce hic, ait Athanasius, non vt sit formatur (secundū seruilem naturā humanitatis) sed vt congreget tribus, quæ antequam formaretur, existebant. Nam vt illic creauit, ita hic, formauit: & vt illic, opera, ita hic, vt congregem,

*collocatum vides.* Neque obstat huic interpretationi verbum illud præteriti temporis, *creauit*. Quæ enim de futuro in Scriptura dicuntur, solent verbo præteriti temporis significari, vt intelligatur tam esse certa ac si iam accidissent. Vt illud Psalmi: *Foderunt manus meas, & pedes meos, &c.*

2. Alia expositio illius loci: *Domini creauit me*; est Dionysij Romani apud Athanasium in epistola de decretis Nicænæ Synodi, verbum creandi, & Græcè *κτισειν*, significare eo loco non *facere*, sed *præficere*, vt sit sensus, Filium à Patre fuisse præfectum omnibus diuinis operibus. Quo sensu etiâ dicere solemus, *creari* magistratus, verbi gratia.

3. Alia expositio est, verbum, *creauit*, ibi significare non productionem ex nihilo, sed generationem Filij. Nam & Sapientia de se ibidem dicit: *Nondum erant abyssi, & ego iâ concepta eram.* Et: *Ante omnes cælos ego parturiebar.* Cur autem processio Filij utroque vocabulo (*creandi* & *gignendi*) significetur, explicat diuus Hilarius in libro de Synodis: nempe vt perfectio processionis Filij à Patre commodius & plenius intelligi posset. Creatio enim dicitur, vt intelligatur illius processio simplicitas, q̃ scilicet non est ex aliqua præexistenti materia, itemque immutabilitas Patris producentis. Ge-

neratio autem dicitur, vt significetur Filij cum Patre consubstantialitas. Ponit hanc etiam interpretationem diuus Athanasius sermone tertio contra Arianos, eamque pulchra ratione confirmat. Nam in Scriptura legimus, filios vocari quandoque seruos; nec tamen quia serui suorum Patrum, ob reuerentiam, quam his habent, vocantur, filij esse definiunt. Vt cùm lib. 3. Regum cap. 1. Bersabee loquens de Salomone cum Dauide, vocat eum seruum eius, qui tamen erat filius. Et filij quandoque dicuntur non gigni, sed fieri, Genesis 4. Ecclesiast. 14. &c. neque tamen ideo non gignuntur. Quin etiam vſitato genere sermonis dicimus procreari liberos, qui tamen verè gignuntur. Non igitur quia processio filij, creatio quandoque nominatur, generatio non est.

4. Addit quoque aliam expositionem in illo sermone sub finem diuus Athanasius; vt dicat videlicet Sapientia genita se creatam esse, non in se, sed in suis exemplaribus, quæ sunt ipse creaturæ: *Non enim, inquit Athanasius, creatur creatrix, sed propter imaginem sui rebus creatis ingentiam ipsa se creari dicit. Et quemadmodum ipse Dominus loquutus est: Qui vos excipit, me excipit, eo quòd formula eius in nobis sit: ita quoque tametsi res create illud ipsum non sint quod ille est, tamen ob si-*

*mulachrum & formulam, quæ in creatis est, velut ipse creatur.* Mihi ex his quatuor interpretationibus tertia videtur solidior; quamvis omnes diuersa quidem ratione coherent possunt.

Ac pertinent istæ expositiones ad eum locum, posito quòd ibi legendum esset: *Ab initio creauit me Dominus*, vt est apud 70. Nam longè verisimilius est, quod iam olim Epiphanius hæresi 69. & D. Basilii lib. 2. in Eunomium circa medium notauit, nò debere legi, *creauit me*, sed, *possedit me*, Verbum enim Hebraicum נָצַח quod eo loco exstat, *possedit*, significat. Verbum autem possidèdi, secundum Scripturæ phrasim, generationem indicat, vt Genes. 4. cum natus esset Cain, Eva inquit: *Possedi hominem per Deum.*

Sed valent in primis allatæ expositiones pro quodam alio loco Eccles. 24. Vbi sine controuersia legitur sapientia dicere: *Ab initio creata sum.* Et rursum: *Qui creauit me, requieuit in tabernaculo meo.* Quamquàm Euaristus Pontifex in ep. i. nò, qui *creauit me*, sed *qui genuit me*, legit.

Illud autem: *Dominum & Christum fecit illum*, constat de Christo secundum humanitatem esse intelligendum. Vt etiam illud: *Qui factus est ex semine Dauid secundum carnem*, sicut latius persequitur D. Athanasius sermon. 2. & 3. contra Arianos, & Basilii lib. 2. contra

Eunomium, & nos cap. seq. magis declarabimus.

Illud autem: *Ante me factus est*, idem est, ac *mihi prelatum & antepositus est*: Quia prior, inquit, *me erat*. Ita exponit Ambrosius lib. 4. de fide, cap. 5. & Augustinus, Chrysostomus, & alij in eum locum. Item cum dicitur: *Tanto melior Angelic effectus*, sensus est, id est, declaratus, vt Chrysostomus & Theophylactus in eum locum exponunt. Item cum idem Apostolus de Christo dicit ad illud: *Fidelis est ei qui fecit illum*, non significat absolutè eum factum esse, sed esse factum Pontificem secundum humanitatem. Denique *primogenitus ante omnem creaturam*, non ideo dicitur quia sit ipse vna quædam creatura ante alias creata: tunc enim primo creatus dici debuisset, vt rectè ait Basilii libro 4. in Eunomium: nec verè tunc esset ante omnem creaturam, cum nò sit ante se; sed ideo primogenitus ante omnem creaturam dicitur, quia ab æterno, atque adeo ante creaturam omnem genitus est, & nullus fuit genitus ante ipsum. Item, vt inquit Basilii li. 4. contra Eunomium, ideo dicitur primogenitus creaturarum, quia causa est, vt creaturæ sint productæ ex nihilo: sicut primogenitus mortuorum, quia causa est resurrectionis ex mortuis.

Quartò obiiiciunt ea Scripturæ testimonia, quæ indicant Christum



stum differentem quandam personam à Deo esse, perinde atque alium quemuis hominem, atque adeo minimè ipsum esse Deum. Vt cùm ipse dixit: *Ascendo ad Patrem meum & Patrem vestrum, Deum meum & Deum vestrum. Et: Deus meus, Deus meus, ut quid dereliquisti me?*

Respondemus cum D. Gregorio Nazianzeno orat. 4. de Theolog. hæc de Christo intelligi oportere, secūdum assumptam humanitatem; secūdum quam quidem non est Deus sed habet Deum, utpote qui secundum humanitatem est creatura. Cùm autem ex aliis plurimis Scripturæ locis euidenter constet, hunc eundem hominem Christum, esse quoque secundum personam atque hypostasim suam Deum, minimè illo modo dicendi *Deum meum & Deum vestrum* indicatur, differre illum etiam hypostasi & persona à Deo, sed sua humana natura, sicut & nos quoque differimus.

Quintò, veteres & noui Samosatreniani obiiciunt Scripturæ locos, quibus passim Christus asseritur verus homo, & idem ipse homo Christus, Filius Dei affirmatur. Vnde colligunt non esse illum aliqua alia natura præditum nisi humana: ac proinde non essentia Deū esse, sicut est Pater, sed esse ac dici Deum, seu Filiū Dei, tantummodò adoptione & sanctificatione singulari humanæ suæ naturæ.

A Quod argumentū Seruetus in suis libris & dialogis de Trinitate singulis ferè paginis inculcat, sicut etiā Fran. David & alij Seruetiani.

Rectè autem D. Athanasius ser. 4. contra Arian. his omnibus exprobrat quòd hâc obiectionem à Caïpha & Iudæis didicerint. Nam illorum etiā obiectio nefaria aduersus Christum hæc ipsa erat: *De blasphemia accusamus te, quia tu homo cū sis, facis te ipsum Deum.* Ioan. 10. Respōsio autem nostra vel potius Scripturæ sanctæ ad Iudaicā hanc & hereticam obiectionem est, naturā etiam Deum esse illum ipsum hominē qui Christus est: *Hic enim est Deus noster & nō reputabitur alius ad eum*, qui tamen postea *in terris visus est, & cum hominibus cōuersatus est.* Baruch 3. Hic Verbum erat in principio Deus apud Deum, qui idem caro factum est, & habitauit in nobis. Ioan. 1. Hic vocabitur Emanuel, hoc est, nobiscum Deus. Isaïa 7. Hic Deo cū esset equalis, formam serui accepit, & habitu est inuentus ut homo. Philip. 2. Quare idem Deus & homo naturā est, ut his & aliis multis testimoniis confirmat illic Athanasius, & à nobis probatū est.

Sexto, quasdam obiiciunt Scripturæ sententias, quibus significari videtur, non iisdē perfectionibus siue attributis Filium præditum esse quibus Patrem. Vt illud Luc. 19. *Quid me dicis bonum? Nemo bonus nisi solus Deus.* Et item illud Ioan. 5.

Non

*Non potest à se facere Filius quidquam.* Et illud Matth. 20. *Sedere autem ad dexteram meam vel sinistram, non est meum dare vobis.* Et Marci 13. *De die autē illa nemo scit, neq. Filius hominis.* Quæ sententiæ defectum quendā bonitatis, potentiæ, & scientiæ in Christo significare videntur.

Respondemus ad locū primum, non negare illis verbis Christum se bonum esse, sed redarguere legisperitum hoc pæto: Cū nemo bonus absolute sit nisi solus Deus: & tu me Deum esse minimè fatearis; quid me dicis bonum? vt suprā etiam cap. 13. notauimus exponi hunc locum ab Athanasio & ab aliis Patribus.

Ad secundum locū respondeo, sicut Filius habet essentiam à suo Patre per generationis originem, ita & potentiam & alia omnia, ac in eo sensu non potest à se facere quidquam; cū tamen per originem suam à Patre omnia ipse possit quæ viderit Patrem facientem, vt ibidem dicit. Et suprā notauimus. Gregorium Nazianzenum & Basilium inde potius euidenter concludere, Filium non esse creaturā: omnis enim creatura potest ex se aliquid facere, nepe peccare.

Ad tertium locum respondet D. Augustinus li. 1. de Trin. c. 12. id intelligendum esse secundum humanam naturam, cuius respectu mater filiorum Zebedæi petebat suis filiis tanquam Christi consan-

guineis dexteram & sinistram dari. Respondet etiam pulchrè D. Cyrillus lib. 10. thesauri, c. 5. cū dicit; *Non est meum dare*, non negare se habere dandi potestatem; sed affirmare potius: vt apparet ex eo quod subiungit, *sed quibus paratum est, etc.* Quasi diceret, meum est illis, quibus à Patre paratum est, dare. Sensus igitur hic est: Non est meum dare vobis, id est, non decet, non est æquum, vt vobis dem titulo quem prætenditis, consanguinitatis.

Ad locum: *De die autem illa, &c.* quamuis variè videntur respondere sancti Patres, tamen omnes quod ad rem attinet, consentiunt in ea explicatione, quam luculenter ponit inter ceteros D. Athanasius ser. 4. contra Arianos post medium, & D. Basilium li. 4. contra Eunom. circa finem, & D. Gregorius Nazianzenus orat. 4. de Theol. circa finem. Quæ explicatio in his tribus consistit. Primò, absolute quidem optimè fuisse perspectū Christo extremi iudicii diem, ac proinde minimè eum illis verbis significasse, nulla ratione se eum diem scire. Quod probant euidentibus argumentis. 1. Quia cognoscebat Patrem suū, quod longè maius est, atq; adeo omnia quæ in Deo sunt, & notitiā quoq; illius dici. 2. Quia omnia Patris sua erāt, ac proinde illius etiam dei cognitio. 3. Quia ipse est sapientia Dei,

&

& in illo omnes thesauri diuinæ scientiæ absconditi. 4. Quia non potest opifex ignorare suum proprium opus; Filius autem auctor est seculorum omnium, atq; adeo etiam illius extremi diei. 5. Quia ipse in illo die iudex venturus est, neque est credibile à iudice ignorari diem sententiæ dicendæ præstitutum. 6. Quia signa proximè antecedentia illum diem perspicacissima habebat. Vbi enim dicit: *Neg, Filius ibi*, inquit Athanasius, *discipulis recēset ea quæ diem illam antecedunt, dum inquit: ista cōsistat futura sunt, ac tunc denique finis. Jam quia ea quæ diem illam antecedunt eloquitur, omnino in cognitione sua diem habet quæ post res prænuntiatas subsequatur est. Nec minus pulchrè D. Gregorius Nazianzenus: Quomodo, inquit, rem aliquam ignores ipsa sapientia, ille seculorū factor, ille consummator atque immutator, ille rerum quæ geruntur finis, ille ea quæ Dei sunt non minus cognoscens, quàm spiritus hominis ea quæ in ipso sunt? Qui verò constat, ipsum ea quidem quæ horam illam antecedunt, ac quæ vel in ipso finis articulo posita sunt, exactissime scire, ipsam autem horam ignorare? Enigmati quippe hæc res similis est, perinde ac si quis ea quæ ante murum sunt certissime se scire affirmeret, murum autem ipsum ignorare se fateatur, aut diei finem probe sciens noctis principium minimè agnoscat: ubi alterius cognitio alterum, necessariò secum introducit. Secundò*

dicunt Patres, sensum Christi verborum fuisse, non scire se illum diem naturali facultate humanæ intelligentiæ suæ. Tertiò dicunt, hunc verborū sensum ideo Christum illo modo negandi absolute, & quasi sermonis ænigmate siue amphibologia dissimulasse, vt illo sermone tam absoluto retunderet discipulorum curiositatem, ne id ab eo importunius sciscitari vellent, quod vt ilius nesciebant. Quamobrem diuus Augustinus & alij Patres asserunt, Christum cū id diceret, tacitum apud se significasse quoque se diem illum nescire vt alijs indicaret. Ita fit, vt quemadmodum concludit diuus Athanasius, nulla in Christi verbis fuerit falsitas, licet diem illum sciuerit, veram enim ipse sententiam significauit, tametsi eam iusta de causâ texerit sermonis ambiguitate, propter vtilitatem eorum cum quibus loquebatur.

Septimò obiciunt, quòd passim Filius in Scriptura dicitur ab ipso Patre accipere, quasi alioqui ipse nō habeat. Vt cū ait: *Omnia mihi tradita sunt à Patre meo. Et: quod dedit mihi Pater maius omnibus est. Et: Donauit illi nomen quod est super omne nomen. Et: Data est mihi omnis potestas.*

Respondent Patres, hæc ideo dici, quia quidquid Filius habet, habet per æternam originē à Patre. Quædam tamen ex eo genere dicuntur



dicuntur etiam data illi esse secundum humanitatem; ut, *nomen super omne nomen, & omnis potestas in cælo, & in terra*: quanquam non ita quidē ut homo Christus haberet hæc immediatē secundū ipsam humanitatem (ut delirant Vbiquetarij & Vbiquetariorum Patres Seruetiani) sed ut illa haberet secundum hypostasim suę humanitatis, hoc ipso quod humanitas ad hypostasim diuinam assumpta est; qua ratione humanitas etiam diuina illa accepit, ut sunt in diuina hypostasi; sicut latius in libris nostris contra Vbiquetarios disputauimus.

Octauo obiiciunt, quædā Scripturę testimonia quę indicare videntur, non eo modo Filium esse operatum omnia, quo ea operatus est Pater. Nam Apostolus dicit 1. Cor. 8. *Unus est Deus Pater, ex quo omnia, & unus Dominus IESVS Christus, per quem omnia*: quasi Filius fuerit tantummodò operis instrumentum. Sed ad hoc suprà cap. 15. responsum à nobis est, per Filium res factas ideo dici, quia cū Filius operandi potestatem habeat à Patre, hoc ipso quod Filius operatur, operatur etiam Pater per illum. Et quomodo istę particule, *Per, Ex quo, &c.* eandē vim habeant & sine discrimine personis omnibus diuinis tribuantur, illic etiam docuimus cum D. Basilio & aliis Patribus.

A Nonò colligunt, omnes illas Scripturę sententias quę indicare videntur Filium esse Patre inferiorē. Ut illud: *Pater maior me est*. Ioannis 14. Et: *Tunc & ipse Filius subiectus erit ei*. 2. Cor. 15. Et: *Sicut mandatum dedit mihi Pater*. Et: *Non veni ut facerem voluntatem meam*. Et: *Semper viuens ad interpellandum pro nobis*; & cetera eiusdem generis. Quo argumēto vtuntur etiam Transyluani lib. 2. cap. 6.

Præclare autem D. Athanasius libro de suscepta natura contra Apollinarium: *Hæc*, inquit, *humana verba humilitatis Filij Dei, ideo ad constituendam suam blasphemiam hæretici detorquent, quia nolunt attendere Apostolo de Christo ad Ephes. 3. dicenti, quod propter nos cū dives esset, factus est pauper, ut nos illius inopia diuites fieremus. Quod si non illum tantummodò ut est in forma serui pauper & humilis cogitarent, sed etiam ut in forma Dei, Deo æqualis, non absolutè ex eiusmodi locis colligerent, eum Patre inferiorē esse, sed tantum secundum assumptam humanitatem. Non enim tantummodò minor Patre in Scriptura dicitur, sed etiam æqualis. Ex quo necessariò efficitur, secundum aliquam tantum rationem illum esse minorem, & secundum aliquam verò non item: ut optimè D. Gregorius Nazianzenus oratione 4. de Theolog. ratiocinatur.*

Est igitur regula omnium sanctorum Patrum verissima, ut humilia quæ dicuntur in Scripturis de Christo ei adscribamus secundum assumptam humanitatem, alia verò quæ diuinitatis propria sunt, secundum naturam diuinam, in qua prius etiam quam caro fieret erat Deus.

Et quidem singula quæ in Christo pertinent ad humilitatem humanæ naturæ, cum aliquibus ex aduerso prærogatiuis diuinis cōnexa fuisse, elegantissima oratione persequitur D. Gregorius Nazianzenus oratione 3. de Theologia sub finem. Quam, quia simul etiam copiosa & brevis est, & maximè ad hunc locum pertinet, nō erit alienum hīc referre: Progenitus, inquit, est Christus; sed etiam progenitus erat; & ex muliere quidem, ceterum virgine. Illud humanum, hoc diuinum. Patris expers hīc: matris expers illic. Vtrumque horum diuinitatis est. Materno quidem vtero gestatus est: verum à Propheta cognitum est, & quidem in vtero adhuc existente, atque ante Verbum, cuius causā procreatus fuerat, saltante. Fasciis quidem inuolutus est: verum sepultura fascias rediuit excussit. In præsepio quidem reclinatus est: ceterum ab Angelis celebratus est, & a stella proditus, & a Magis adoratus. Cur tu ad id quod oculis cernitur, impingis, nec spectas id quod animo, & intelligentia percipitur? In Ægyptum quidem pulsus est: verum im-

A pura Ægyptiorum sacra depulsi ac profugauit. Non erat illi speciei neque decore apud Indeos: sed apud Davidem speciosus erat forma præ filiis hominum, atque etiam in monte discipulorum oculos splendore perstrinxit, ac sole clarior efficitur, futurum videlicet splendorem adumbrans. Baptizatus quidem est ut homo: sed peccata sustulit ut Deus, atque ideo baptizatus est, ut aquis ipsis sanctitatem afferret. Tentatus est ut homo: victoriam reportauit ut Deus, atque adeo nos magno & intrepido animo esse iubet, ut qui virtute sua mundum superarit. Fame affectus est: sed multa hominum millia aluit, ipseque panis est vniuersi ac cælestis. Siti laborauit: sed clamauit, si quis sitit veniat ad me & bibat: atque etiam facturum se pollicitus est, ut qui fide præditi sunt, fontis instar scatulant. Fatigatus est, sed eorum qui fatigantur, atque onusti sunt, est requies. Somno depressus est: sed in mari leuis incedit, ac ventos increpat, Petrumque pessum euntem subleuat ac erigit. Velligal pendit, sed ex piscis atque etiam exigentium Rex est. Samaritanus vocatur & demoniacus: ceterum ei qui à Hierosolymitana urbe descendens in latrones inciderat, salutem affert, atque à demonibus agnoscitur, & demones fugat, & spirituum legionis in profundum præcipites agit, ducentumque demonum quasi fulgur cadentem videt. Lapidibus petitur: sed non arripitur. Orat: sed alios orantes exaudiat. Collachrymat: sed lachrymas sedat. Quarit ubi posui sit Lazarus ( homo enim

enim erat ) sed Lazarum à morte ad vitam excitat, ( Deus enim erat ) Venditur, & quidem vili pretio, nempe triginta argenteis: sed interim mundū pretio magno, hoc est cruore suo redimit. Ut unus ad occisionem ducitur: verum Israëllem pascit, nunc autem vniuersum terrarum orbem. Ut agnus mutus est: sed verbum est, illius in deserto clamantis voce annunciatum. Languore affectus est & vulneratus: verum depellit omnem morbum, & omnem languorem. In crucis lignum enehitur atque affigitur: sed nos vita ligno restituit, latronemque simul pendentem seruat, atque obscurat quidquid oculis cernitur. Acetum illi propinatur, ac fel in cibum porrigitur: sed quis est, qui aquam in vinum commutauit, atque amarulentum illum gustum sustulit? ille, inquam, totus dulcis atque expetibilis. Animam tradit: sed eius rursus accipienda potestatem habet, velumque rumpitur (supera enim patefiunt) ac petra scinduntur, hominesque vita fundi prius ad vitam renouantur. Moritur, sed vitam impertit, ac morte sua mortem exinguit. Inhumatur: sed resurgit. In infernum descendit, sed animas reuehit, atque in cælos ascendit, venturusque est ad iudicandum viuos & mortuos.

Christus igitur minor & subiectus, & obediens Patri est secundum humanitatem; quomodo etiam paulo minor Angelis dicitur factus, vt in dialogis de Trinitate contra Anoméos recte notauit D. Athanasius. Secundum diuinita-

A tem autem hic idem homo Christus equalis est Deo & vnum cum Patre, atque adeo tantò melior Angelis factus est, quanto differentius præ illis nomen hereditauit. Quæ si necdum Christi perduelles intelligant, digni sunt, inquit Athanasius serm. 2. contra Arianos, qui pudore fugillantur & audiant: Reddite quæ sunt hominibus homini, & quæ sunt Dei Deo.

B Addit etiam D. Gregorius Nazianzenus oratione 4. de Theologia & D. Basilii libro 1. contra Eunomium, sub finem, & Hilarius libro 9. de Trinitate post medium, maiorem etiam dici Patrem Filio, quadam principij auctoritate, tametsi Filius in natura sua quidem totam illam dignitatem atque perfectionem Patris habeat: vt magis sequenti libro explicabitur.

C Respondet etiā nominatim ad illud: Tunc & Filius subiectus erit ei, &c. Gregorius Nazianzenus oratione illa 4. de Theologia & diuus Cyrillus libro 10. thesauri, capite octauo, & Chrysostomus & Gregorius Nissenus in tractatibus peculiaribus de illa sententia, intelligi id de Christo in suis membris quæ sunt Ecclesia: vt sit sensus, tunc cum tradiderit regnum Deo & Patri, corpus ipsius, hoc est, Ecclesiam iam triumphantem perfecte subiectā fore Patri. Nec videtur ob stare huic interpretationi, quod Pater non subiecit



Ecclesiæ omnia, sed ipsi Christo; **A** Apostolus autem ibi ait: *Tunc & ipse subiectus erit ei, qui subiecit illi omnia.* Responderi enim potest, hunc sensum esse: Tunc ipse Christus in suis membris subiectus erit ei, qui eidem Christo secundum se subiecit omnia. Iuxta alteram verò expositionē, quæ concedit ipsum Christum secundum se, etiam ratione humanitatis tunc fore subiectum Patri, particula, tunc, non est otiosè addita, nec significat, tunc primò Christum Patri subiectū esse cœpisse, sed habet quandam emphasim, videlicet fore, ut in illa etiam gloria ac summo triumpho Ecclesiæ Christus eius caput sit subiectus Patri secundum humanitatem.

Commemorat etiam D. Augustinus libro 1. de Trinitate, capite 8. quosdam dixisse, hunc eius loci sensum esse: Tūc subiectus erit ei, id est, tunc humana natura Christi absorbebitur à diuinitate. Quæ non est loci interpretatio, sed deprauatio manifesta. Si enim non manebit, sed absorbebitur, igitur **D** non erit ulli subiecta.

Sunt etiam expositores aliqui qui dixerunt, subiectionem eo loco tantum significare summam Filij cum Patre concordiam. Sed satis est cum Patribus antea citatis intelligere eam subiectionem de Christo secundum humanitatem, & in suis etiam membris.

Vtraque enim interpretatio consistere simul potest. Atq; hæc ferè sunt quæ ex Scripturis directè obiiiciūt heretici aduersus Christi diuinitatem, præter alias multas obiectiones similes, quas in confirmatione nostrarum probationum ex Scriptura suprà confutauimus.

## CAPVT XXII.

*Respondetur ad argumenta quæ à ratione petunt Sectarij contra Christi diuinitatem.*



**R**ATIONE variis etiā modis sine ratione argumentantur. Primo hoc pacto, Christus est verus Filius Dei, ut in Scriptura passim habetur, ergo non est ens simpliciter primum, sed ens ex alio: ac proinde non est verus Deus. Siquidem nomine Dei omnes intelligunt ens simpliciter primum. Et confirmāt rursus hoc argumentum Seruetiani, quia passim Christus indicat se Filium esse illius veri Dei Israël, non igitur est ipse verus Deus Israël: siquidem oportet Filium à Patre esse distinctum. His enim rationibus veteres & noui Samosatēniani Seruetiani retorquent contra Filij diuinitatem firmissimum illud argumentum, quod pro illa petunt Patres (ut suprà cap. 17. vidimus) ex vera ratione naturalis filiationis.

Respon-

Respondemus autem, Filium, A  
 vt est persona, esse quidem ex alio,  
 vt autem est illud vnum simplicif-  
 simum, quod est Pater, & Filius,  
 & Spiritus sanctus, non esse ex alio,  
 & catenus esse Deum, & ens  
 simpliciter primum. Vnum enim  
 illud, quod est Pater, & Filius, &  
 Spiritus sanctus, non procedit ab  
 aliquo alio. Quamquam de ratione  
 quidem huius entis vnus &  
 primi est, vt in illo etiam conti-  
 neantur duæ illæ personæ (nempe  
 Filius & Spiritus sanctus) qua-  
 rum quælibet, vt persona est, est  
 ens ex alio per originem. Hoc at-  
 tigit optimè Athanasius serm. 4.  
 contra Arianos, cum respondens  
 ad similem obiectionem veterum  
 Arianorum, dixit: *In illo vno & primo*  
*Deo, quod in Scripturis commemo-*  
*ratur, includi etiam ipsius verbum.*

Ad argumenti verò confirma-  
 tionem respondeo, Christum esse  
 Filium veri Dei Israëlitis, non qua-  
 tenus is est Deus Israël, sed quate-  
 nus est etiam persona Patris, quæ  
 persona Patris verissimè est Deus  
 Israël. Ita non à Deo Israël, qua-  
 tenus is est Deus Israël, sed à Pa-  
 tre Christus distinctus esse debet.

Secundò, vel Pater genuit Fi-  
 lium suum iam existentē, vel non-  
 dum existentem. Primum non  
 videtur dici posse; si autem secun-  
 dum dicatur, consequitur aliquā-  
 do, Filium non exstitisse, ac pro-  
 inde non esse Deum.

Ad hoc argumentum, quod  
 fuit etiam Eunomij, respondet o-  
 ptimè D. Basilius lib. 2. contra eū-  
 dem genuisse existentem, sed non  
 aliunde existentem quàm ex ipsa  
 sui generatione. Quemadmodum  
 etiam quod ex tempore genera-  
 tur, existens vtique generatur,  
 sed exstans ex vi suæ generatio-  
 nis. Simul enim res existit & gi-  
 gnitur, vt Aristoteles etiam do-  
 cuit:

Tertiò, Filius voluntate est ge-  
 nitus à Patre, tum quia non coac-  
 tē, tum etiam quia voluntate ge-  
 nerare fuit præstabilius, vt urge-  
 bat Sophista Asterius, patronus  
 Arianorum, apud D. Athanasium  
 serm. 4. contra Arianos, non lon-  
 gè à fine; potuit igitur non gene-  
 rari: & consequenter verus Deus  
 non est, cum Deus sit ens simpli-  
 citer necessarium.

Respondet ibidem Athanasius  
 & D. Gregorius Nazianzenus o-  
 ratione 3. de Theologia, non lon-  
 gè ab initio, Patrem neque coac-  
 tē, neque etiam voluntate, vt vo-  
 luntas liberè in obiectum suum  
 fertur, sed vt fertur in illud necēs-  
 sariò, tanquam quædam natura.  
 Quemadmodum Pater ipse, vo-  
 lens Deus est, non coactē, neque  
 tamen voluntate libera, sed vo-  
 luntate vt natura. Quam rem se-  
 quenti etiam libro magis decla-  
 rabimus.

Quartò, vel generatio Filij est

finita, iamque conqueuit, vel non est finita. Si nondum est absoluta & finita, ergo est imperfecta, & nec dum Filius perfectè genitus. Si autem finita est, ergo etiam incepit, atque ad eò etiam inceperit Filius, neque est Deus sempiternus. Hoc argumento veterum Eunomianorum etiam Franciscus Dauid Scruetianus vitur.

Respondeo autem primùm cū Gregorio Nazianzeno orat. 3. de Theolog. & D. Basilio lib. 4. in Eunomium, non necessariò sequi, si aliquid finem habuit, idem & initium habuisse. Vt neque contrà sequitur, id finem habiturum esse, quod initium habuit. Nam Angelus & anima rationalis initiū habuerunt, neque vnquam tamen finem habitura sunt.

Deinde dicimus, generationē Filij nec iam finem habere, neque vnquam habituram esse: non quia nondum perfecta sit, sed quia eadem ipsa perfecta ex æterno, in æternum perseuerat. Generatio enim Filij passiuè quidem, aliud non est, quàm ipse Filius vt ex Patre existens: actiuè autem est ipse Pater, vt est intellectu suo producens Filium. Quare quemadmodum Pater & Filius secundum eas rationes sempiterni sunt, ita etiā sempiterna quoque semperque durans est Filij generatio. Itaque vera est semper illa Patris oratio ad Filium: *Ego hodie gennire*. Cui

A consentaneum est quod verè dicit Origenes in cap. 1. Ioan. semper Filium generari à Patre; nec Origenes solum, sed etiam diuus Athanasius in expositione fidei. Ex qua re quemadmodum non sequatur, imperfectam esse generationem Filij, exemplo declarare possumus. Nam si semper duraret visio parietis, dici paries posset semper videri, non quia paries imperfectè videretur, sed quia visio parietis alioqui perfecta & tota simul, perpetuò eadem maneret. Itain proposito. Et tamen cū vtrumque verè dici possit, scilicet Filium semper generari (propter æternitatem suæ generationis) & semper natum esse (propter eiusdem generationis perfectionem) tutius sanè est cū Augustino in Psal. 2. & Gregorio lib. 29. Moralium, cap. 1. dicere, Filium semper esse natum: vt particula, Semper, indicet æternitatem generationis; & particula, Natus, perfectionem geniti, vt rectè notat D. Thomas 1. p. q. 42. art. 2.

Quintò, Pater dat Filio vitam, & alia omnia, & Filius accipit à Patre. Pater igitur præstantior est Filio, & sic Filius non erit summus ac verus Deus sicut Pater. Id probatur, quoniā (vt Christus dixit) *Beatus est dare, quàm accipere*, teste Paulo, Actor. 20. Quod etiam verum est, vbi naturaliter datur aliquid & accipitur. Dare enim est eius,



eius, quod est perfectum actu, accipere verò eius, quod est in potentia. Vnde forma naturalis, quia dat esse materiæ, perfectior est quàm materia, & in aliis ad eundem modum. Si dicas, tunc esse melius dare, quàm accipere, cum accipiens est in potentia ad recipiendum; Filius autem non fuisse in potentia ad recipiendum, quia semper habuit: contrà hoc rursus potest obijci primò, quod Filius etiam videtur fuisse in potentia, quandoquidem potuit recipere. Nam si recipere non potuit, quomodo recepit? Secundò, licet Filius semper habuerit, tamen inde non sequitur, ipsum non fuisse in potentia recipiendi, sed non fuisse ita in potentia, vt caruerit aliquando ipsa perfectione accepta. Id autem non impedit quo minus Filius, quantum est ex se, fuerit in potentia, & eatenus minus ex se perfectus, quàm is qui dedit. Vt materia (verbi gratia) etiam tunc cum perfectionem suam à forma recipit, retinet tamen suam potentiã, & eatenus ex se est imperfectior quàm forma: Idquæ verum etiam esset, licet materia ab æterno accepisset suã perfectionem à forma.

Respondeo igitur aliter, tunc quidem esse melius dare, quàm accipere, quando accipiens non est vnum; & idem in aliqua re cum eo, qui dat: ratione cuius vnitatis ipse etiam accipiens habeat re ipsa

quidquid est perfectionis in eo qui dat. Si enim dans & accipiens re ipsa sunt etiam quiddam vnum; eadem re ipsa perfectio erit in dante & in accipiente. Atque ita se res habet in proposito. Pater enim dans, & Filius accipiens sunt vnum quiddam in essentia, ratione cuius omnis perfectio, quæ est in Patre dante, est etiam in Filio accipiente. Atque hinc rursus fit, vt minimè Filius potuerit accipere à Patre per talem aliquam potentiam, qualis est in aliis rebus accipientibus, quæ non sunt idem numero cum rebus, à quibus accipiunt, quæquæ; ideo sunt eatenus imperfectæ. Sed potuit Filius accipere, & accepit seipso, quatenus ita processit in persona distinctus à Patre, vt etiam sit vnum in essentia cum illo. In quo quidem potentia genere nulla est imperfectio: non enim hic consideratur aliqua potentia physicè, quæ ex se habeat re ipsa carentiam aliquam, sed logicè, vt dici solet, quatenus nimirum verè intelligimus posse in diuinis ita Filium procedere à Patre, sicut dictum est. Neque verò responsio hæc nostra ideo vitiosa videri debet, quoniam præcedit ex hypothesi ipsius mysterij sanctissimæ Trinitatis quod fides ponit. In omni enim materia, & in hac præsertim, qui defendit aliquam assertionem debet ipse assertionem suam ponere, & ex ea respondere

ad

ad argumenta quæ obiiiciuntur, A vt sequenti etiam libro magis patebit.

Sextò, vrgent passim Seruetiani, quòd Scriptura non alium Filium Dei nobis proponit, nisi hominem illum Christum, qui conceptus est ex MARIA: à quo etiam Matthæus, Marcus, & Lucas exordium Euangelij sui ducūt; sicut B & Ioan. cap. 2. ait: *Hoc est initium signorum* IESV. Non est igitur alius aliquis Dei Filius æternus, qui præter naturam humanam habeat etiam naturam diuinam. Si enim talis aliquis Filius est, de illo in primis oportebat Euangelistas sermonem facere.

Sed hæc obiectio ineptissima est. Respondemus enim, omnino C Filium Dei nullum alium esse, nisi hominem Christum, qui est cōceptus ex MARIA Virgine. At hic ipse homo Christus, Deus etiam est, ac proinde etiam duplici natura, diuina & humana in eadem hypostasi præditus, vt suprâ probatum est. Itaque licet vnus & idē Filius est, cū sit vna & eadē persona, tamen dupliciter est natus; D nempe ab æterno ex Patre secundum diuinitatem, & in tempore ex matre secundum humanitatem

Quod cū asserimus, non facimus duos dimidiatos Filios, vt Seruetus est cauillatus; neque etiā dicimus, alium esse Filium Dei, & alium Filium hominis, vt in scitē

quidam Petrus Melius in actione 8. diei disputationis Albanæ Seruetianis respondet; sed explicamus magnum illud pietatis mysterium, quod absconditum fuit à seculis, & manifestatum iis, quibus voluit Deus notas facere diuitias gloriæ Sacramenti huius, nempe vnum & eundem Christū ex duplici natura æterna & temporali; atque adeò ex duplici etiā natiuitate constare. Quod nisi ita sit, Scriptura sacra, quæ Christum verum Deum asserit & verum hominem, nullo modo potest intelligi. Hunc autem ac talem Filium Dei passim nobis Scriptura, atque adeò etiam ipsi Euangelistæ proponunt, vt ex multis testimoniis patet pro illius diuinitate superius allatis. Quanquam Matthæus quidem, & Marcus, & Lucas initio Euangelij sui, non nisi generationem huius Filij, vt erat homo factus, explicare instituerunt, & eiusdem deinceps opera, quatenus fuit, manifestatus in carne. Quo etiam sensu Ioannes dixit, conuersionem aquæ in vinum fuisse initium signorum IESV. Qui tamen initio Euangelij sui æternam eiusdem Filij generationē & opus illius maximè admirabile, nempe totius vniuersitatis creationem, luculenter nobis exposuit.

Septimò, ille homo IESVS factus est Dominus, atque adeò etiā Deus,

Deus, vt patet Actor. cap. 2. *Certissime sciat omnis domus Israël, quia & Dominum & Christum fecit Deus hunc IESVM, quem vos crucifixistis.* Non est igitur naturâ Deus æternus. Si enim naturâ æternus Deus est, quomodo ex tempore factus est Deus?

Respondet D. Athanasius sermone 3. contra Arianos, & D. Cyrillus lib. 9. thesauri, cap. 3. & D. Basilii lib. 2. in Eunomium, *IESVM* non esse ex tempore factum Dominum & Deum secundum hypostasim, aut naturam diuinam, sed secundum humanitatem, quam nimirum est crucifixus. Neque verò id ita, vt secundum ipsam humanitatem immediatè esset Deus ac Dominus, sed vt esset Deus ac Dominus secundum hypostasim humanitatis, quod cum factum est, humanitas ipsa diuinitatem accepit, non in se, sed in sua ipsius hypostasi. Itaque sensus huius loci est, factum diuinitus fuisse, vt *IESVS* esset non tantum homo, sed etiam Deus ac Dominus, atque adeò Christus. Quod quidem, vt ex tempore fieret, non oportuit ipsum Christum secundum hypostasim suâ ex tempore produci, sed satis fuit, ex tempore naturam humanam & diuinam in hypostasi Christi vniri; id quod factum esse, maxime post Christi resurrectionem fuit declaratum, vt ibi significat Apostolus. Quemadmodum Iacob

non tunc ipse productus ab Isaac patre est, cum Isaac eum benedicens, *Dominum illum fecit fratrum suorum*, vt rectè argumentatur D. Athanasius loco citato.

Octauò, Christus est *Mediator Dei & hominum*, vt affirmat Apostolus 1. ad Timoth. 3. Non igitur ipse est Deus: Nam si Deus est, quomodo apud Deum est noster Mediator? Respondendum est, Christum, quamuis Deus est, non tamen vt Deum, sed vt hominem obuiisse munus Mediatoris nostri apud Deum. Ita fit, vt etiam noster fuerit Mediator, quâ homo, apud seipsum quatenus est Deus, qui vnâ cum Patre & Filio fuerat humano generi infensus. **C** Ac tantum abest, vt Christus, quia Deus simul & homo sit, non potuerit esse noster apud Deum Mediator, vt contrâ potius, nisi Deus & homo esset, Mediator perfectus esse non potuerit. Vt pulchrè asserit D. Athanas. lib. de suscepta humanitate cõtra Apollinar. & D. Irenæus lib. 3. ca. 19. & communiter alij Patres, vt in peculiari disputatione de Christo Redẽptore & Mediatore ostendimus, & infrâ quoque lib. vlt. fusiùs explicabitur.

Nonò, per summam impudentiam nobis obiciunt Serueticiani, quod errorem Ebionitarum asseramus, cum ponimus, Verbum seu Filium Dei æternum sibi vniuisse humanitatem. Ebionem. n. & Cherinthum



thum similiter docuisse, Christum æternum descendisse in hominem IESVM, & inhabitasse in illo, vt refert Irenæus lib. 3. cap. 19. atque hunc illorum errorem fuisse, non autem quòd Christus homo purus fuerit. Ita enim Trāsylvanis verisimilis Ebionitis mentiri libuit lib. 1. cap. 1. & 3.

Respondemus autem, doctrinam Orthodoxā de vnione Verbi diuini & humanæ naturæ in Christo ab hæresi Ebionis & Cherinti, quam ipsi Transylvani renouant, plus quàm cælum à terra distare. Ebion enim & Cherinthus IESVM purum hominem fuisse ex MARIA conceptum, neque ante illam existisse aiebant, vt disertè omnes Patres testantur. Irenæus lib. 1. ca. 25. & 26. vbi ait, secundum Cherinthus: *IESVM fuisse Ioseph & MARIE filium, similiter vt reliquos homines*. Tertullianus li. de carne Christi: *Ebion*, inquit, *nudum hominem, & tantum ex semine Dauid, non et Dei Filium constituit IESVM*. Et lib. de præscriptionibus idem de Cherintho dicit. Epiphanius hæresi 30. *Ebion*, inquit, *ex semine viri, hoc est, ipsius Ioseph IESVM esse decreuit*. Idem testatur Eusebius lib. 3. cap. 21. & 27. & Hieronymus libro de scriptoribus Ecclesiasticis in Ioanne Euangelista, & D. Augustinus hæresi 10. & ante hos omnes Ignatius in epistola ad Philadelphienfes, cuius verba sunt: *Qui di-*

**A** *cit IESVM purum esse hominem, serpense est, mentis inops cognomine Ebion*. Mentis autè inopem appositè appellauit, propterea quòd vox ipsa *Ebion*, Hebraicè significat mendicum, seu inopem, vt iam olim notatum est à Theodoro lib. 2. de fabulis hæret. & ab Epiphanio hæresi 30. & ab Eusebio lib. 3. historiarum, cap. 21. Deinde aiebant Ebion & Cherinthus, *descendisse in specie columba in hominem IESVM anno atatis eius trigesimo quandam aliam personam spiritualem, quàm Christum nominabant, & tunc virtutes perfecisse: in fine autem renouasse iterum Christum de IESV, & IESVM passum esse, & resurrexisse, Christum autem impassibilem, perseverasse*. Ita enim hanc hæresim explicat D. Irenæus lib. 1. cap. 25. & lib. 3. cap. 19.

Quid autem, obsecro, doctrina Orthodoxa cum hac hæresi habet commune? Nunquid nos asserimus, IESVM purum hominem fuisse cōceptum & natum? Num distinguimus duas personas, alterā spiritualem & diuinam, quæ tantummodò inhabitavit in homine **D** IESV, alteram humanam ipsius IESV? Num dicimus, hominem IESVM nullo modo existisse priusquam conciperetur ex MARIA? Hæc certè dogmata non nostra, sed Serueticana sunt. Nos enim ipsum Verbum æternum dicimus carnem factum esse, atq; eatenus Dei Filium fuisse etiam conceptū

ex MARIA, vnamque adeo personam hominem IESVM & Christum & Verbum esse. Quod Ebion & Cherinthus minimè falsi sunt. Secundum nullam enim sententiam hereticorum Verbum caro factum est, inquit Irenæus lib. 3. cap. 11. Et rursus in eodem lib. cap. 20. *Ostendo*, inquit, manifestè, quod Verbum in principio existens apud Deum secundum presinitum tempus à Patre, unitum est suo plasmati, & patibilis homo factum, exclusa est omnis contradictio hereticorum dicentium; Si tunc natus est, non erat antea Christus. Ostendimus enim, quod tunc non capit Filius Dei, existens semper apud Patrem. Adde, quod à somniis illis descensus Christi in IESVM, & discessus rursus ab eodè, longissimè abest Orthodoxa doctrina. Atque hætenus quidem in hoc capite responsum est ad rationes eas, quibus propriè conantur hæretici ostendere Christum verum Deum non esse. Alia verò illorum sophismata propriè oppugnant Trinitatem personarum in vna & eadè diuinitate, ad quæ postea in suo loco, proprio dicemus.

## CAPVT XXIII.

*Respondetur ad testimonia veterum Patrum, quæ perperam obiciunt hæretici contra Christi diuinitatem.*



Atrum, qui ante Concilium Nicæn. floruerunt, tam euidentia testimonia pro diuini-

tate Filij superiùs attulimus, ut mirum mihi sit, si Transyluani Seruetiani putarunt, quemque futurum mediocriter prudentem, quem commouerent illis eorundem Patrum sententiis, quas lib. 2. ca. 6. in contrariam partem perperam citant. Obiiciunt autem nobis nominatim quedam ex Ignatio, Irenæo, Tertulliano, Cypriano, qui tamen clarissimè, ut suprà vidimus, Christi diuinitatè testificati sunt, ut etià Franciscus Dauid concessit in disp. Albana, sicut suprà ca. 20. retulimus.

Ex Ignatio obiiciunt, quod in epistola ad Magnesianos ait: *Unus est solum verum Deum Patrem suum annuntiavit*. Respondetur hoc loco ab Ignatio, tàmmodò Christi sententiam recitari ex Euangelio Ioannis, cap. 17. *Ut cognoscant te solum Deum verum, &c.* Ex qua sententia minimè sequi, Christum non esse verum Deum, euidentissimis Patrum argumentis suprà cap. 21. demonstrauimus. In illo enim solo verò Deo, qui est Pater, etiam includitur Verbum, & Spiritus eius, qui non possunt esse creaturæ, cum sint in ipso Deo. Neque excludi vult Ignatius per particulam, Solum, nisi falsos Deos, ut neque etiam voluit Christus ipse.

Item obiiciunt, quod in epistola ad Tarsenses ait: *Christum esse Filium Creatoris, neque esse illum, qui est super omnia Deus, sed Filium eius*. Respondetur, intelligi hoc loco ab Ignatio,

Creatorem & Deum super omnia, quatenus est illa persona, quæ est Christi Pater, & cuius Christus ipse est Filius, vt patet ex eiusdem Ignatii verbis. Verum autem est, Christum non esse Creatorem & Deum super omnia, quatenus Creator & Deus super omnia est Pater, (non enim Christus est Pater) sed est tamen Creator & Deus super omnia, quatenus hic Creator & Deus super omnia, est vnum quiddam simplicissimum, quod est Pater, & Filius, & Spiritus sanctus. Sic enim ab Apostolo (cum quo minimè Ignatius pugnat) Deus super omnia & Creator dicitur, Rom. 9. & ad Coloss. 1. & c.

Item obiiciunt, quòd in epistola ad Philippenses ad ipsum Patrem accommodat illud Deuteronomij 6. *Dominus Deus tuus, Deus vnus est.* Respondeo, verissimè est, Patrem esse Deum illum vnum. Nam & hoc nò solus Ignatius, sed etiam Christus ipse affirmavit, Ioan. 17. Ceterum hic ipse vnus Deus, qui est Pater, est etiam Filius & Spiritus sanctus, vt antea sæpiùs dictum est.

Item obiiciunt, quod in eadem epistola sic inducit Christum cum Diabolo loquentem: *Noni vnum, scio solum, non sum Deo aduersus, confiteor excellentiam, noni generationis mee auctorem.* Respondeo. Inducitur ab Ignatio Christus eo modo de se loquens secundum humani-

tatem, quomodo etiam ipse in Euangelio dicit: *Pater maior me est.* Et: *Ascendo ad Patrem meum, & Patrem vestrum, Deum meum, & Deum vestrum.* Quanquam si maximè Ignatius Christum ibi secundum diuinitatem loquentem faceret, non ideo Patrem excellentiorem esse natura & essentia intelligeret, sed quadam auctoritate principij, vt loquuntur etiam alij Græci Patres, quos suprà c. 21. citauimus.

Item obiiciunt, quòd epistolam ad Antiochenos his verbis concludit: *Valete Deo & Christo.* Respondeo, impudentiam intolerabilem esse, quod hoc isti opponant. Siquidem in eadem ipsa epistola Ignatius disertè appellat *Diabolum & inimicum omnis iustitie eum, qui annunciat,* inquit, *vnum solum Deum, & tollit Christi diuinitatem.* Distinguit igitur ibi Christum à Deo secundum humanitatem.

Denique obiiciunt ex Ignatio illa verba in epistola ad Ephesios: *Medicus autem noster est solus verus Deus, ingenuus, & inuisibilis.* Respondeo, statim subiūxisse ibi Ignatiū: *D Habemus autem etiam Medicum Iesum Christum ante secula unigenitum Verbum.* Nò igitur priorib. verbis exclusit Filium, cum solum Patre Deum ingenuum medicum nostrum dixit, sed creaturas vel falsos Deos, qui animorum morbis mederi sufficienter non possunt, sicut potest Deus Pater & Deus Verbum. Adde quod



quod incertū est, an eo modo hic locus Ignatij legi debeat. Athanasius enim in lib. de Synodis Seleucia & Arimini, recitat id Ignatij testimonium sic: *Vnus est medicus noster corporalis & incorporealis, genit⁹ & ingenuus, in homine Deus.* Theodoret. verò in Dialogo I. sic: *Medicus noster est genitus ex ingenito.* Denique huiusmodi locis obscurioribus opponenda sunt alia Ignatij clarissima testimonia pro Filij diuinitate, quæ suprà cap. 20. citauimus.

Ex Irenæo obiiciunt, quod li. I. c. 2. sic ait: *Ecclesia ab Apostolis & à discipulis eorum accepit eam fidem quæ est in unum Deum, Patrem omnipotentem, qui fecit cælum & terram, mare & omnia quæ in eis sunt, & in unum IESVM Christum Filium Dei incarnatum pro nostra salute, & in Spiritum sanctum, qui per Prophetas prædicauit, etc.* Non igitur Filius, sed solus Pater est vnus Deus omnipotens, Creator.

Respondeo, Irenæum dixisse quidem his verbis Patrem esse vnum Deum omnipotentem Creatorem, sed non solum Patrem: ac multò minus negauit Filium esse quoque illum vnum Deum. Quin imò in eo ipso loco id apertè confessus est; magna profectò vt sit aduersariorum impudentia quòd hunc locum Irenæi obicere non erubuerint. Mox enim subiungit, ideo Ecclesiam ab Apostolis ac-

A cepisse eam fidem, vt Christo, inquit, *IESVS Domino nostro, & Deo, & Salvatore, & Regi, secundum placitum Patris inuisibilis omne genus curuetur cælestium, terrestrium, & infernorum.* Prioribus igitur illis verbis non negat vel Filium vel Spiritum sanctum esse illum vnum Deum, sed tantummodò fidem in Patrem, & B Filium, & Spiritum sanctum per ea quæ vniciue illorum accommodari solent, explicat, videlicet potentiam & creationem singulariter tribuēs Patri tanquam principio primo, & salutem hominum Filio tanquā redemptori, & prædicationem Prophetarum Spiritui sancto, quo *inspiratè loquuntur sancti Dei homines*, vt diuus Petrus inquit.

C Quòd si ea quæ nominatim vni personæ Irenæus hic tribuit, alteri negat (vt Seruetiani ratiocinantur) consequēs etiam erit, Patrem nò prædicasse per Prophetas. Hoc enim ibi Irenæus de Spiritu sancto dicit, non de Patre. Et tamen verissimum est illud, quod D. Paulus de Patre ait: *Multifariam multisq; modis olim Deus loquens Patribus in Prophetis, nonissimè loquutus est nobis in Filio, ad Hebr. I.*

Item obiiciunt ex Irenæo quod li. 2. cap. 3. de Deo Israël, qui fecit cælum & terrā loquens: *Hic Deus, inquit, est Pater Domini nostri IESVS Christi.* Quod & alias passim in illo opere aduersus hæreses cōfirmat,

præsertim li. 3. cap. II. & li. 4. c. 37. A  
Ex quo Seruetiani colligunt Irenæum sensisse quòd Christus non sit ille ipse Deus Israël, siquidem Filius debet distinguì à suo Patre.

Respondemus autem nihil minus sequi. Nam non vult Irenæus Christum esse Filium Dei Israël quatenus is est Deus Israël, sed esse Filium eius personæ & eius Patris, qui verè est Deus Israël, & mundi fabricator, non autem alterius qui sit Deus alius diuersus à Deo Israël & fabricatore mundi. Disputat enim Irenæus cōtra deliria Valentini & Marcionis, q̄ fingebāt Patrem Christi non esse illū Deum Israël qui mundū fabricauit, sed alium nescio quē Deum commentitium; vt intelligi potest ex eodē Irenæo tū alias tum li. 3. c. II. Itaq; ex sententia Irenæi Christum quia Filius Dei Israël sit, non oportet distinguì à Deo Israël, vt Deus Israël est, sed vt hic Deus Israël est p̄sona Patris; sic enim Christus est Filius Dei Israël, vt suprà etiā c. præcedenti respōdimus ad quoddam argumentū Seruetianorum.

Item obiiciunt illa verba Irenæi li. 4. cap. 2. in fine: *Christus, inquit, suum Patrem confitetur quem & lex annūciat dicens: Audi Israël, Dominus Deus tuus, vnus est.* Respondemus, Irenæū hoc loco confirmare quidem contra Valentinianos Christi Patrem non esse Deum commentitium quem appellabant Bythum, quem a semetipsis, inquit, sin-

xerunt, sed illum verū Deum Israël, qui vnus verus est: non tamen negare Irenæum quin hic idem Deus vnus sit etiam Filius & Spiritus S.

Ex TERTULLIANO, obiiciunt inprimis illa verba in libro contra Hermogenem: *Ei Pater, inquit, & index Deus est. Non tamen ideo Pater & index semper, quia Deus semper. Nā nec Pater potuit esse ante Filium, nec index ante delictum: Fuit autem tempus cū ei delictum & Filius non fuit, quod iudicem, & qui Patrem faceret.*

Respondemus, Deum dupliciter Patrem denominari. Vno modo propriè, quatenus habet sibi consubstantialē & cōeternum Filium. Altero modo impropriè respectu Angeli vel hominis qui rationis est particeps & secundum quandam rationem Dei Filius, vt ab eo videlicet est p̄ductus & destinatus ad beatitudinē tanquam ad paternam quandam hæreditatem. Priori modo ab æterno Deus est Pater, sicut etiam ab æterno est consubstantialis ei Filius. Posteriori modo non nisi ex tempore, sicut non nisi ex tempore existit creatura rationalis respectu cuius est Pater. Atq; hoc posteriori modo tantū dicit ibi Tertullianus non semper Deum fuisse Patrem, quia non semper fuit illi Filius, nempe creatura rationalis.

Et quòd hoc modo intelligi debeat ibi Tertullianus probatur triplici ratione manifestè. Primò, quia id Tertullianus affirmat ibi  
contra

contra Hermogenē, qui fuisse materiam aliquam Deo coeternam, ex qua mundus creatus sit, hunc in modum probabat: Deus semper fuit Dominus sicut semper fuit Deus: At nō potuisset semper esse Dominus nisi fuisset semper illa saltē materia respectu cuius esset Dominus: Ergo semper talis aliqua materia fuit. Huic argumento opponit Tertullianus, quod nō necesse est Deū fuisse semper Dominum: *Sed ex quo esse, inquit, ceperunt, in quos potestas Domini ageret, dictus est Dominus.* Ac mox id confirmat ab exemplo illis verbis quę Seruetiani obiiciunt. Nam & Pater & iudex Deus est, videlicet respectu creaturę similiter rationalis, cuius est Dominus; neq; tamē semper ita Pater & iudex, sed ex quo cōpit habere creaturā rationalem, hoc est, Angelum & hominem, tanquam Filium, & ex quo delictū quod iudicari posset esse cōpit. Secundō idē probo. Quia ibi Tertullianus ita dicit Deum ex tempore esse Patrem, sicut ex tempore est etiam iudex. At est iudex respectu creaturę rationalis & ei⁹ delicti, ergo similiter de Deo loquitur quatenus est ex tempore Pater respectu creaturę rationalis. Tertio, quia in aliis locis apertē Tertullianus asserit Filiū Dei naturalem, hoc est, Verbū diuinū, fuisse coeternum Patri, præsertim in lib. contra Praxeam. Vbi inter cetera de Filio dicit: *Sermo ergo & in Patre*

*semper: sicut dicit, ego in Patre; & apud Deū semper: sicut scriptum est; & sermo erat apud Deū; & nunquam separatus à Patre: Quia ego & Pater unū sumus.* Videat Lector alia quę ex eodem Tertull. recitauimus suprà c. 20.

Item obiiciunt ex eodem lib. illa verba Tertulliani: *Quacunque ergo substantia sermonis fuit, illam dico personā, & illi nomen Filij vendico, & dum Filium agnosco, secundum à Patre defendo.* Ac superiūs in eodem libro dixerat, *Filium & Spiritum sanctum secundum & tertium locum esse sortitos.* Respondeo, *secundum & tertium à Tertulliano hīc dici tantummodo propter ordinē originis, sicut ipse ibi exemplis aliquot declarat, vt fontis fluminis & rui, &c. non autem propter naturę aliquam inēqualitatem.* Repetit enim passim in illo libro tres personas esse vnum & eundem Deū, ac proinde distinctione personarum nō tolli vnus Dei monarchiam, vt Praxeas perperam argumentabatur.

Item obiiciunt quod ait in eodem libro: *Pater tota substantia est, Filius verò derinatio totius & portio.* Respondeo, ex verbis eius quę proximē antecedunt, euidenter apparet nō ita hoc intelligendum esse, quasi particulam tantum habeat Filius substantiæ Patris, & nō eandem ipsam Patris substantiam integram. Dixerat enim Tertullianus: *Dico Filium alium à Patre, non tamen diuersitate substantiæ, sed distributione, nec diuisione alium, sed*



*sed distinctione, quia non sit idem Pater & Filius* (nempe quoad personam) Patrem igitur totam substantiam appellat, quia ut ibidem explicat, fons & principiū est aliarum personarum; Filium autem derivationem & portionē totius, hoc est Patris, quatenus ab illo procedit. Ut si diceremus totam aquam fluminis & riui esse in fonte tāquam in principio; Flumen autem & riuum esse derivationes & quasi portiones quasdam fontis. Quo exemplo declarat etiam ibi rationem Trinitatis Tertullianus, cum dicit, Spiritum sanctum esse tertium à Deo Patre & Filio, *sicut est*, inquit, *tertius à fonte riuus ex flumine*. Atque in hoc sensu Filium esse derivationem & portionem Patris, confirmat ibi Tertullianus: *Quia Filius*, inquit, *ipse proficitur, Pater maior me est*; videlicet auctoritate etiam quadam originis, ut Græci quoque Patres loquuntur.

Item obiciunt, quòd in eodem libro, aliquanto inferius, ex eo quod Deus Exodi 33. inquit: *Non videbit me homo & viuet*; & tamen quidam dicuntur vidisse, ut Abraham & Iacob, qui non ideo statim mortui sunt, ita colligit Tertullianus: *nam ergo alius eris qui videbatur, quia non potest idem inuisibilis definiri qui videbatur, & consequens erit, ut inuisibilem Patrem intelligamus pro plenitudine Maiestatis; Visibilem vero Filium agnoscamus, pro modulo derivationis.*

Respondeo, hunc locum facile intelligi posse ex illo altero quem proximè explicauimus. Sententia enim Tertulliani hæc est, Deum, ut Pater est, atque adeo ut tanquam fons & principium cōtinet totam plenitudinem diuinitatis, nunquam neq; in veteri, neq; in nouo Testamento aut in se, aut in specie aliqua externa esse visum: Eundem autem Deum ut est alia quædam persona scilicet Filius, qui est per originem derivatio & portio & quasi modulus Patris, visum esse tam in veteri Testamento Patribus in speciebus variis externis, quàm in nouo in carne.

Hac autem ratione Tertullianus duo voluit efficere. Primum enim eo pacto dissoluit apparentē Scripturæ contradictionem, quæ dicit neminem posse videre Deum quin illico moriatur, & tamen commemorat Deū visum esse aliquibus, qui non ideo statim mortui sunt.

Deinde (quod maximè sibi propositum habebat) eadem ipsa ratione probasse se existimauit contra Praxeam oportere Filium in persona distingui à Patre, ut ita sine contradictione assignari possit iuxta Scripturam idem Deus inuisibilis & visibilis, pro personarum distinctione. Nec iam disputo de argumēti huius firmitate, sed de mente Tertulliani. Hunc dico minimè Filij diuinitatem negare,

gare, propterea quod in hoc suo argumento asserat Filium fuisse visibilem pro modulo deriuationis eius. Idem enim intelligit hic cum deriuationis modulum dicit, quod intellexerat in præcedenti loco cum Filium vocauit portionem & deriuationem Patris; vbi planum antea fecimus non negari à Tertulliano Filij consubstantialitatem, sed indicari originem eius ex Patre, tanquam fluminis ex fonte. Etsi video sanè potuisse Praxeam ad Tertulliani argumētum respondere, sine distinctione personarum contradictionem illā Scripturæ tolli ea ratione, quod quidem Deus inuisibilis est in hac vita secundum essentiam suam, & visibilis in forma aliqua externa. Sed, vt dixi, de argumento Tertulliani non disputo.

Vltimò ex Tertulliano obiiciunt quod in lib. de Trinitate subinde dicit: *Patrem Christi esse unum illum Deum Iudeorum, nec Filium eripere Patri hoc quod vnus sit Deus, & nihil posse cum hoc Deo Patre comparari.* Respondemus vera hæc esse omnia. Nam Pater Christi non alius, sed ille vnus Deus Iudeorum est: neque desinit Pater esse vnus ille Deus, propterea quod Christus sit Deus; est enim Christus nō alius Deus, sed ille idem qui est Pater: Nec in auctoritate quidem principij quidquam potest cum Patre comparari, quamuis in ipsa

A quidem essentia siue natura Filius & Spiritus sanctus sunt illi cōsubstantiales. Adde, quod falsò liber ille de Trinitate Tertulliano inscribitur, vt suprà c. 15. notauimus.

Ex CYPRIANO obiiciunt, quod in expositione Symboli Apostolorum dicit: *Deum omnipotentem esse Patrem Christi.* Ex quo isti con-

B sequi putant, Christum non esse Deum omnipotentem, sed ab eo distinctū. Respondemus primum non Cypriani, sed Rufini Aquileiensis Presbyteri esse expositionem illam, vt omnibus notum est. Deinde quod Deus omnipotens Creator cæli & terræ, sit Christi Pater, non tam Rufini exponētis solum quàm ipsorum A-

C postolorum in symbolo sententia est. Itaq; triplici nomine sunt incepti Transyluani quod hanc sententiam obiiciunt. 1. Quia non est Cypriani vt aiunt; Photinus enim & Eunomius & Arius in illa expositione refutantur, qui fuerunt posteriores Cypriano. 2. Quia neque vllius expositionis symboli sententia illa est, sed ipsorum Apostolorum in symbolo. 3. Quia nihil aliud ea sententia continet, quàm Deum illum verum omnipotentem qui fecit cælum & terram esse personam illam quæ est Christi Pater: ceterum idem ipse Deus est persona etiā Filij & Spiritus sancti, vt suprà aliquoties respondimus. Quare idem ipse Ruf-

finus in eadem explicatione symboli dicit: *Est ergo Deus Pater non intrinsecus creans, sed ex eo quod ipse est Filius generans sempiternum, immortalis immortalē, &c.* Et rursus in fine: *Ve sancta, inquit, Trinitas unum sit per substantiam, & effectum* (intelligi secundum accommodationem quendam) *personarū, discreta.* Et hactenus de testimoniis quæ perperam obiiiciunt ex iis Patribus qui fuerunt ante Concilium Nicænum.

Porro licet agnoscant atq; fateantur aduersarij, Concilij Nicæni Patres & alios omnes Doctores Orthodoxos, qui post Concilium Nicænum scripserunt, ex instituto Christi diuinitatem atq; adeo sanctæ Trinitatis mysterium propugnauisse, tamen aliquid etiam ex ipso Nicæno Concilio & nonnullis eiusmodi Patribus vanissimè nobis obiiiciūt, quasi ipsorum heresi contra Filij diuinitatē nonnunquam eiusmodi Patres vel inuiti suffragati sint.

Primum igitur Transyluani li. 2. c. 6. dicunt, in ipso Nicæno symbolo negari Christum esse Deum omnipotentem, creatorem cæli & terræ, hoc ipso quod Christus ibi dicitur Filius huius Dei omnipotentis. Et tamen quia ea istorum hæresis in hoc symbolo apertè damnatur, Antichristianum symbolū contumeliosè illud appellauerant li. 1. c. 1. Respondemus igitur, ex eo quod Christus sit Filius

A Dei omnipotentis, nō sequi quod sit ipse natura alius à Deo omnipotente, sed solum distingui eum ab illa persona, quæ cum sit Pater ipse, est ille verus Deus omnipotens, vt sæpe dictum est.

Deinde obiiiciūt quod Hilarius (qui tamen duodecim libros pro fide SS. Trinitatis scripsit) li. 9. de Trinitate ita dicit: *Sed solus fortè Pater verus Deus Christo non relinquit ut Deus sit.* Quasi velit solum Patrem, non autem Christum esse verum Deum.

Respondeo. Hilarium his verbis nihil asserere sed ponere obiectio nem Arianorum & Transyluanorum, inde petitam, q̃ solus Pater dicitur verus Deus. Cui obiectio nē vestigio ita ibidem respondet: *Non relinquit sane, si vnus sit Deus Pater Christo ut vnus sit Dominus non relinquit.* Quod si vnus, inquit, Deus Pater Christo non adimit ut vnus sit Dominus, ita solus Deus Pater verus Christo non auferat ut Deus verus sit. Ratiocinatur hic autem D. Hilarius eodem ferè modo quo Origenes in commentariis ad c. 9. epist. ad Romanos, vt suprā c. 20. notauimus: nempe ita non sequi Christū non esse verum Deum, si Pater dicitur vnus & solus Deus verus, quomodo non sequitur Filium non esse vnum Dominum (sicut appellat Apostolus 1. Cor. 8.) si Pater vnus ac solus Dominus dicatur.

Tertiò obiiiciunt quod D. Ambrosius



brosius in c. i. ep. ad Tim. dicit de Patre Christum illud dixisse: *Ne-  
mo bonus nisi solus Deus.* Item soli Pa-  
tri accommodat illud Apostoli in  
eodem loco: *Inuisibilis soli Deo.* Et il-  
lud item: *Qui solus est potens.* Addūt  
etiam, Ambrosium ubiq; asserere  
præminentiam quandam Patris  
respectu Filij.

Respōdeo. Vt Filius non exclu-  
ditur quando dicitur solus Pater  
verus Deus, ita neq; cū solus Pater  
dicitur inuisibilis, bonus, immor-  
talis. Intelligitur enim Pater hæc  
esse non sine suo Verbo & Spiritu;  
& ille Deus verus, inuisibilis, bo-  
nus, immortalis, in sua completa  
ratione est vnum quiddā quod est  
non solum Pater, sed etiam Filius  
& Spiritus sanctus. Quare D. Am-  
brosius li. 2. de fide, c. 1. & 3. & li. 3.  
c. 2. omnia illa nomina, *bonus, inui-  
sibilis, &c.* probat conuenire etiam  
Filio. Adde quod incertū est num  
D. Ambrosij sint illi commentarij  
in epistolas Pauli qui inscribun-  
tur D. Ambrosio.

Illud autem quod aiunt ab Am-  
brofio præminentiam quandam  
Patris respectu Filij asseri, falsis-  
simū est, si de inæqualitate aliqua  
Patris & Filij in essentia intelliga-  
tur. Verba enim Ambrosij li. 5. de  
fide, c. 9. initio hæc sunt: *Ad te nunc  
omnipotēs Pater cum lachrymis verba  
conuerto. Ego te quidem inaccessibilem,  
incomprehensibilem, inestimabilem,  
prompte dixerim, sed Filium tuum mi-*

*norem non ausim dicere. Nam cū  
illum splendorem gloria & imaginem  
substantia tua legerim; vereor, ne mi-  
norem imaginem tua dicendo substan-  
tie, minorem substantiam tuam dicere  
videar, cū plenitudo tua diuinitatis  
omnis in Filio sit.* Habere autem Pa-  
trem quandam principij auctori-  
tatē quæ cum æqualitate in natu-  
ra consistit, non negamus. Rectē  
enim Hilarius li. 9. de Trin. *Pater  
maior est donantis auctoritate, sed Fi-  
lius minor est cui vnum esse donatur.*

Quartò ad hæresim suam anti-  
cipatam vanissimè quoq; detor-  
quent verba D. Chrysostomi, qui  
hom. 4. in 1. c. 1. ad Tim. ait: *Patrem  
immortalem, & inuisibilem, & regem  
seculorum esse à se, Filium autē hac ipsa  
habere à Patre.* Quasi hinc illico se-  
quatur, Filium ex gratia quadam  
Patris hæc habere, atq; adeo non  
natura, sed gratia esse Deum.

Respondemus verò, ineptissi-  
mam hanc istorum consequentiā  
ab eodem Chrysostomo ibidem  
confutari. Nam postquam com-  
memorat, ex hoc ipso loco Aria-  
nos hæreticos fuisse solitos argu-  
mētari, sic inter cetera dicit: *Quid  
igitur? inquit, immortalitatem nos ita  
ut Deus habemus? Absit. Cur id? Quo-  
niam ipse hanc per naturam habet, nos  
autem per gratiam. Sed nunquid ita &  
Filius? Minimè verò. Verum & ipse  
hanc per naturam habet.*

Quintò obiiciunt quòd D. Cy-  
ril. li. 10. thesau. c. 4. sub finē, illud

Isai. 44. *Ego primus & ego nouissimus*, A exponit de Patre. Respondemus, Patrem omnino esse illum Deum primum & nouissimum, hoc est Deum sempiternum: Verum non solum Patrem, sed etiam Filium & Spiritum sanctum. Atque hoc non voluisse ibi negare Cyrillum patet. 1. Quia ideo de Patre illum locum Isaia exponit, ut inde ostendat Filium creaturam non esse. Sic enim ibi hæreticos urget: *Quid dicitis, quando Pater de se dixit; Ego primus & ego posthac? An & ipsum primum creaturarum & creaturam audetis predicare? Sicut igitur Pater non est creatura quamuis primus dicatur sic & Filius. Et sicut Pater principium se esse omnium ostendens dicit: Ego sum primus, sic & Filius totius creatura primus dicitur, quia per ipsum omnia facta sunt & ipse principium omnium atq; creator est.* 2. Quia eodem li. c. 6. initio ita dicit: *Primum postremumque, hoc est, sempiternum se Pater Deum appellat, secumq; Filium necessario intelligit.* Proposuerat enim ibi Cyrillus argumentum Ariatorum, quod nunc etiam Transyluani nefarie usurpant: *Ecce inquitur hæretici, ait Cyrillus, ipse Filius ait solum Patrem verum Deum esse, sed & ipse Pater dicere inuenitur, Ego primus, & ego posthac, non est Deus pater me. Quomodo igitur ad primum & solum verum Deum alium vos quasi verum Deum dicere audetis? Nonne videntur loqui apud Cyrillum*

ipsum Transyluani? Respondet autem: *Non ad Filij deiectionem hac dicitur, nisi forsan (ut apud fabulas gentilium fertur) inter Filium & Patrem bellum esse credatis: sed ad deiectionem falsorum Deorum, &c.* Quanta est igitur Transyluanorum vel cæcitas, vel impudentia, quod illos Patrum locos obiciant in quibus ipsi cum suis argumentis iugulantur?

Sexto, eadem cæcitate nobis opponit Hieronymum qui in caput 4. ad Ephes. illud: *Vnus Deus & Pater omnium*, de Patre intelligendum esse dicit. Quid hoc nobis obstat? An negamus Patrem esse illum unum Deum? Sed respondeat istis eodem in loco ipsemet Hieronymus: *Si, inquit, ut existimant Ariani (& Transyluani) Deus Pater est Deus solus; eadem consequentia solus erit Dominus IESVS Christus. Et sic nec Pater erit Dominus, nec Filius Deus, sed absit ut non sit vel in dominatione Deitas vel in Deitate dominatio. Vnus est Deus & vnus est Dominus, quia Patris & Filij dominatio vna diuinitas est. Præterea & fides vna dicitur, quia* D *similiter in Patrem, & Filium, & Spiritum sanctum credimus.*

Septimo & vltimo, pari vel maiori etiam cæcitate obiciunt Augustini locum lib. 6. de Trinitate, c. 9. initio: *Videndum, inquit Augustinus, est, an intelligere cogamur, cum dictum est Patri: Ut cognoscant te solum verum Deum; tanquam hoc insinuare voluerit, quia solum Pater Deus*

verum est; ne non intelligeremus Deum, A  
nisi ipsa tria simul Patrem, & Filium,  
& Spiritum sanctum.

Respondemus, satis eodem loco declarasse Augustinum, quo sensu dixerit solum Patrem esse Deum. Solum enim dicit, non ita ut Filius & Spiritus sanctus Deus etiam non sint, ut Ariani (inquit ibi Augustinus) solent accipere, sed B ita ut ipsum etiam Patrem seorsim ac per se consideratum intelligamus esse Deum, & non tantummodò ut cõsideratur coniunctim vnà cum Filio & Spiritu sancto. Quo quidem pacto ibidem Augustinus explicat Filium etiam solum & Spiritum sanctum solum esse Deum, & omnes etiam tres personas simul. Ex Domini ergo testimonio, C inquit, & Patrem unum verum Deum dicimus, & Filium unum verum Deum, & Spiritum sanctum unum verum Deum; & simul Patrem, & Filium, & Spiritum sanctum, id est simul ipsam Trinitatem, non tres veros Deos, sed unum verum Deum. Hactenus Augustinus. Atque hactenus satis multa pro asserenda diuinitate

Filij, si tamen de re infinita satis multum dici potest.



## CAPVT XXIV.

Probatur etiam, Spiritum sanctum esse verum Deum.



PIRITVM sanctum esse verum Deum, omnes illi hæretici veteres negauerunt, qui Filiū Deum verum esse inficiati sunt. Idem negant noui Ariani & Samosateniani: quamuis plerunque etiam Spiritum sanctum esse Deum, facile iidem concedunt, asserentes videlicet eum esse ipsum Deum Patrem, aut quandam potentiam eius. Hac enim ratione putant plerosque locos, qui pro Spiritus sancti diuinitate afferuntur, se posse eludere. Quæ causa me mouit, ut (quod superius cap. 2. 4. & 5. feci) in hac disputatione prius putauerim esse probandam Spiritus sancti personalem tum substantiam, tum distinctionem à Patre & Filio, quàm eius diuinitatem. Substantia enim & distinctione Spiritus sancti à reliquis personis constituta, maius pondus habere videntur ea testimonia, quæ afferuntur pro illius diuinitate, maioremq; plagam nouis Arianis, tanquam inermibus & imparatis insigunt, qui propterea in cõfutanda Spiritus sancti diuinitate minus accurati & solliciti sunt, quoniam sperant se posse facile respondere, illum nõ esse nisi ipsum Deum Patrem, aut



facultatem quandam & energiam ipsius. A quo perfugio supra istos exclusimus.

Porro non solum illi hæretici veteres Spiritum sanctum esse negauerunt, qui Filium Deum esse negarunt, sed etiam alij quidam ex Arianis, qui cum Filium denique fateretur Deum esse consubstantialem Patri, contendebant tamen, Spiritum sanctum non Deum, sed Filij creaturam esse. Aduersus quos disputat ex instituto diuus Athanasius in epistolis duabus ad Serapionem.

Fuit etiam hic error Macedonij, contra quem, iubente Damaso, celebratum est Concilium primum Constantinopolitanum. Itemque Eunomij. Arianorum enim, & Eunomianorum, & Macedonianorum vox erat: *Spiritum sanctum non verum, sed peregrinum et adscripticium Deum esse*; vt refert D. Gregorius Nazianzenus orat. 5. de Theologia.

Item Valentini error fuit, Spiritum sanctum esse Angelum quendam, vt testatur D. Athanasius in longiori epistola ad Serapionem, post medium.

Quod Valentini commentum non modò quibusdam è veteribus Arianis, vt ibidem refert D. Athanasius, sed etiã Seructo deliranti placuit: vt intelligi potest ex eius Dialog. 2. de Trinitate.

Transyluani etiam Seructiani

libro 2. cap. 5. Spiritum sanctum Deum esse negat. Sic etiam Franciscus Dauid in actione 3. dici disputationis Albanæ, & alij.

Idem videri potest Philippus Melancthon negauisse, cum in locis communibus editis anno XLV. fol. 53. dicit: *Quando Spiritus sanctus mittitur, aliquid essentie diuine mitti. Quasi non essentiam diuinam is habeat, sed aliquid essentie diuinæ, quod est tantundem dicere atque habere nihil essentie diuinæ, siquidem hæc omnino est impartibilis.*

Quibus hæreticis omnibus videri non iniuria potest Erasmus vel assentiri, vel suffragari voluisse, cum præfatione ad libros Hilarij ita scriptum reliquit: *Audemus, inquit, Spiritum sanctum Deum appellare, quod veteres non sunt ausi. Mètitur profectò, nisi veteres hæreticos intelligat. Nos enim diuinitatem Spiritus sancti testimoniis etiam veterum Patrum ita confirmabimus, vt appareat, eos non modò ausos fuisse Spiritum sanctum Deum appellare, sed etiã integris voluminibus Spiritum sanctum verum Deum esse probauisse, ac iis palam, multisque modis maledixisse, qui id non cõfiterentur. Sed prius tamen ex Scripturis Spiritus sancti diuinitas probanda est, & ferè methodo eadem, qua superius item ex Scripturis probauimus Filij diuinitatem.*

PRIMO igitur loco probatur his Scripturæ testimoniis, quibus directè significatur Spiritum sanctū esse Deum. I. Act. 5. *Dixit autem Petrus: Anania, cur tentauit Satanas cor tuū, mentiri te Spiritui sancto? Non es mentitus hominibus, sed Deo. Est igitur Deus Spiritus sanctus, ut ostēdit rectè ex hoc loco D. Athanas. lib. de cōmuni essentia diuinitatis Patris & Filij, & D. Greg. Nazian. orat. 5. de Theologia, sub finem, & communiter alij Patres.*

II. 1. Corinth. 3. *Nescitis, quia templum Dei estis, & Spiritus Dei habitat in vobis? Si quis autem templum Dei violauerit, disperdet illum Dominus, templū enim Dei sanctum est, quod estis vos.* Et 1. Corinth. 6. *An nescitis, quoniam membra vestra templum sunt Spiritus sancti, qui in vobis est? Et subiūgit mox: Glorificate & portate Deū in corpore vestro. Quem Deum (inquit Augustinus epist. 66.) nisi Spiritum sanctum, cuius corpora nostra dixerat esse templum? Nec verò vlla creatura in nobis tāquam in templo habitat. Alioqui dicitur (inquit Athanasius in Dial. de Trinitate contra Anomeos, prope finē) *vbi tandem in Scriptura dicatur Propheta, vel Apostolus, vel in genere homo quispiā, templum Angeli, vel vllius reicreata? Vtitur etiam hoc testimonio pro Spiritus sancti diuinitate rectè inter ceteros Patres D. Basilus lib. quarto in Eunomium, sub finem.**

III. Rectè etiam idem D. Ba-

A filius in sermone contra Sabellianos, sub finem, & diuus Athanasius in illis Dialogis de Trinitate, vrgent, Spiritum sanctum tum etiam in Scriptura Deum appellari, cum appellatur *Spiritus diuinus*, vel *Spiritus Dei*. Nulla enim creatura Spiritus Dei, vel Spiritus diuinus appellatur. *Quid enim aliud est Spiritus diuinus, vel Spiritus Dei, quā Deus?* ait D. Athanasius.

III. Appellatur quoque Deus Spiritus sanctus à D. Paulo 2. ad Thessalonicenses, cap. 3. cum inquit: *Dominus autem dirigat corda vestra in dilectione Dei & tolerantia Christi.* Hunc enim locum vrgens D. Athan. in disputatione cū Ario in Niceno Concilio: *Quemnam, inquit, Dominū hic appellari putas? Patrem, an Spiritum sanctum? Nam Christum expressè recensuit. Si enim primo loco Patrem hic constituas, Deus est Spiritus. Sin Spiritum primo loco ibi nominatum confiteris, necesse est, ut cum Dominum quoque concedas. Quod si Dominus est; nimirū & Deus quoque habendus erit. Scriptum est enim: Ego sum Dominus Deus tuus.*

D V. Pertinet huc etiam illud testimonium Dauidis 2. Reg. 23. *Spiritus Domini loquutus est per me, & sermo eius per linguam meam; dixit Deus Israël mihi, loquutus est fortis Israël dominator hominum.* Quo loco an non manifestè, Spiritum Domini, vocat etiam Deum Israël, fortem & dominatorem?

SECUNDO probatur ex illis A locis, vbi Scriptura ipsa tanquam sui interpres exponit, loqui de Spiritu sancto quædam testimonia, quæ sine vlla controuersia loquatur de vero Deo: Vnde certissimè patet, Spiritum sanctum esse ipsum Deum verum, sicut suprà quoque de Filio sumus argumentati.

I. Isaias enim de vero Deo loquitur, cum dicit cap. 6. *Vidi Dominum sedentem super solium excelsum, &c. Et dixit: Vade, & dic populo huic, Audite audientes, & nolite intelligere, & videte visionem, & nolite cognoscere, excæca cor populi huius, &c.* Hunc autem Deum verum ac Dominum exercituum esse Spiritum sanctum, interpretatus est D. Paulus Act. 28. *Bene, inquit, Spiritus sanctus loquutus est per Isaiam Prophetam dicens: Vade ad populum istum, & dic ad eos, Aure audietis, & non intelligetis, & videntes videbitis, & non perspicietis, &c.* Quod idem Isaiæ testimonium Ioannes Euangelista cap. 12. de Filio, vt suprà vidimus, interpretatur, quia nimirum idem Deus est, Pater, Filius, & Spiritus sanctus. Quod Cherubini etiam testati in illo loco apud Isaiam sunt, quando propter distinctionem personarum, vt notauit lib. 3. in Eunomium D. Basilius, ad Deum ac Dominum exercituum ter clamarunt: *Sanctus, sanctus, sanctus Dominus Deus Sabaoth.*

Itaque pulchrè idem Basilius lib. 5. contra Eunomium, probans ex hoc loco diuinitatem Spiritus sancti: *Propheta Isaias, inquit, Patris personam inducit, in quem credabant Iudæi: Euangelista, Filij; Paulus, Spiritus sancti; vnum Dominum Sabaoth, qui visus esset, in communi nominantes. Diuisus est enim ipse sermo de personarum substantia, indiuisa manente in ipso de vno Deo sententia.*

II. Item Deus verus est, qui loquutus est olim per os sanctorum, qui à seculo sunt Prophetarum eius, vt Zacharias Lucæ 1. testatur, & patet ex multis aliis testimoniis. At Spiritum sanctum esse illum, qui per Prophetas in Scripturis sanctis loquutus est, affirmat Christus Marci 12. *Ipse, inquit, David in Spiritu sancto dicit: Dixit Dominus Domino meo, &c.* Et D. Petrus 2. epist. cap. 1. *Spiritu sancto inspirati loquuti sunt sancti Dei homines.*

III. Item, Deus verus est ille, qui Leuitici ca. 16. loquutus est ad Moysen, & præcepit ei, dicens: *Loquere ad Aaron fratrem tuum, ne omni tempore ingrediatur sanctuariū, quod est intra velum coram propitiatorio, quo tegitur arca, vt nō moriatur.* Hunc autem qui sic præcepit, fuisse ipsum Spiritum sanctum interpretatus est D. Paulus ad Hebr. 9. Nam vbi præceptum id commemorauit; confestim subiunxit, quid eo voluerit significare Spiritus sanctus: *Hoc, inquit, significante Spiritu*



*Spiritus sancto, nondum propalatum esse Sanctorum viam, adhuc priore tabernaculo habente statum.*

IV. Deus item loquitur in Psal. 94. ubi inter cetera inquit: *Nolite obdurare corda vestra, sicut in exacerbatione secundum diem temptationis in deserto, &c. ubi tentauerunt me Patres vestri, &c.* Hunc verò Deum Spiritum sanctū esse, qui fuit in deserto B sicut tentatus, exponit item D. Paulus ad Hebr. 3. *Quapropter, inquit, sicut dicit Spiritus sanctus; & cetera qua recitauimus ex eo Psalmo.*

V. Denique, ut multa præteream, quæ sunt huius generis, Deus Israël est is, qui illud promisit apud Hieremiam, cap. 31. *Hoc eris pactum, quod seriam cum domo Israël, post dies illos, dicit Dominus, dabo legem meam in visceribus eorum, & in corde eorum scribam eam, & ero eis in Deum, & ipsi erunt mihi in populum.* Hanc autem noui fœderis promissionem fuisse ipsius Spiritus sancti, diuus Paulus in eadem epistola ad Hebræos, capite decimo: clarissimè docet: *Contestatur, inquit, nos & Spiritus sanctus. Postquam enim dixit; Hoc autem testamentum, quod testabor ad illos, post dies illos dicit Dominus; dando leges meas in cordibus eorum, & in mentibus eorum susperscribens eas.*

TERCIO, probatur Spiritus sancti diuinitas ex eo, quòd cum multis in locis Scripturæ, commemorentur omnes præcipuæ Dei crea-

turæ, ut cælum, elementa, homines, Angeli: nusquam tamè in numero creaturarum ponitur Spiritus sanctus, sed cum Patre & Filio numerari solet; vel certè p se ipse commemoratur tanquam existēs extra omnem ordinem creaturarum. Si enim ipse vna quædā creatura, neque ea postrema est, cur non etiam cum creaturis aliis ad Deum collaudandū à Dauide Psalmo 148. aut à tribus pueris in camino ignis Babylonis, Danielis 3. inuitatur? Cur quemadmodum dicunt: *Benedicite Angeli Domini Domino, benedicite cæli Domino, & alia omnia opera Domini, ut Domino benedicant, adhortantur, non etiam addunt: Benedic Spiritus sancte Domino?* Ita enim & D. Athanasius Verbum non esse creaturam, seu aliquod Dei opus factum (siquidem in hoc puerorum cantico est prætermisus) arguentatur serm. 3. contra Arianos, non procul à fine.

Ac rectissimè D. Basilius lib. de Spiritu sancto, cap. 18. *Spiritus sancti, inquit, consortium ad Patrem & Filium, satis hoc declarat, quòd non in turba creaturarum locatus est, sed solitariè pronuntiatur.* Huc etiam pertinet, quòd Spiritus sanctus, quia non perinde ac Filius assumpsit ad vnitatem personæ suæ naturam aliquam creatam, nusquā in Scripturis legitur profiteri se inferiorem esse Deo, aut illum tanquam

Y Domi-

Dominum ac Deum suum recognoscere, sicut facit Filius propter formam, quā assumpsit serui. Hinc enim rectè etiam probat D. Augustinus libro primo contra Maximinum, Spiritum sanctum secundum naturam suam propriā, quam solam habet, nequaquam esse creaturam aliquam.

QUARTO, probatur ex illis locis, quibus diuinæ naturæ proprietates Spiritui sancto æquè atque Patri & Filio tribuuntur. IMENSITAS tribuitur illi Psalmo 138. *Quò ibo à Spiritu tuo, &c. Et Sapient. capite primo: Spiritus Domini repleuit orbem terrarum.* BONITAS, Psalmo 142. *Spiritus tuus bonus deducet me in terram rectam.* OMNIPOTENTIA, Sapientiae 7. *Omnia habens virtutem.* SAPIENTIA, 1. ad Corinthios capite secundo: *Spiritus omnia scrutatur, etiā profunda Dei.* Et ibidem: *Qua sunt Dei, nemo nouit, nisi Spiritus Dei, qui in ipso est.*

Quod autem dicitur, Spiritus sanctus scrutari profunda Dei, nō significat, illum non ea nosse, & ideo scrutari, sed contrā potius penitus comprehendere, vt rectè aduersus cauillationem veterum hæreticorum asseruit D. Basilii lib. 5. in Eunomium, sub finem, & Idacius Clarus lib. cōtra Varimadum Arianum. Nam eodem sensu Deus dicitur *scrutans corda hominum*, Hierem. 17. & Sophoniz 1.

QUAMOBREM euidentis demonstratio est, argumentum illud, quo Spiritum sanctum non esse creaturam, in disputatione Athanasij cum Ario in Nicæno Concilio, sub finem, hoc ferè modo probatur: Nulla creatura potest comprehendere Deum; siquidem is incomprehensibilis est, & incomprehensibilis denominatur, non quia nequeat comprehendere à se, sed quia comprehendere non potest à creaturis. At Spiritus sanctus comprehendit Deum; siquidem etiam profunda Dei scrutatur. Igitur Spiritus sanctus creatura non est. Quòd si creatura non est, Deus est. *Omnis enim substantia quæ est, si creatura non est, Deus est.* vt etiam D. Augustinus inquit lib. 1. de Trinitate, cap. 6.

QUINTO, probatur illis Scripturæ locis, quibus operationes etiam diuinæ Spiritui sancto tribuuntur. Nam CREATIO tribuitur illi, Psalmo 32. *Verbo Domini cæli firmati sunt, & Spiritu oris eius omnis virtus eorum.* CONSERVATIO, Sapientiae 1. *Spiritus Domini repleuit orbem terrarum, & hoc quod continet omnia, &c.* IUSTIFICATIO, 1. ad Corinthios capite sexto: *Iustificati estis in nomine Domini nostri IESU Christi, & in Spiritu Dei nostri.* Quod pertinet etiam omnes illi loci, in quibus gratia diuina, qua iusti reddimur, dicitur gratia Spiritus sancti. SALVATIO, Apocal.

cal. 14. *Amodo iam dicit Spiritus, ut requiescant a laboribus suis.* **PREDICTIO** futurorum, **ACTOR**. 1. *Oportet impleri Scripturam, quam prae dixit Spiritus sanctus per os David de Iuda, &c.* Et 2. Petri cap. 1. *Spiritus sancto inspirante loquuti sunt Sancti.* **PATRATIO** miraculorum, ad Romanos 15. *In virtute signorum & prodigiorum, in virtute Spiritus sancti.* **VIVIFICATIO**, seu resuscitatio, Romanos. 4. *Si autem Spiritus eius, qui suscitavit Christum a mortuis, habuit in vobis, vivificabit mortalia corpora vestra per Spiritum sanctum inhabitantem in vobis.* **GOVERNATIO** Ecclesiae, ex principali quadam potestate, sicut Pater & Filius eam gubernant, Act. 20. *Attendite vobis & universae gregi, in quo vos Spiritus sanctus posuit regere Ecclesiam Dei.* Et Act. 13. *Dixit Spiritus sanctus; Segregate mihi Paulum & Barnabam ad opus, ad quod assumpsi eos.* Et Act. 10. *Petro autem cogitante de visione, dixit Spiritus ei: Ecce viri tres quaerunt te. Surge itaque, & descende, & vade cum eis, nihil dubitans, quia ego misi eos.* Et rursus Act. 15. *Visum est Spiritui sancto & nobis.* Item Act. 16. *Paulus & Timotheus prohibiti sunt a Spiritu sancto loqui verbum in Asia.* **LARGITIO**, atque distributio spiritualium donorum in Ecclesia, 1. Corinth. 12. *Hec autem omnia operatur unus atque idem Spiritus, dividens singulis, prout vult.* Et Rom. 5. *Caritas Dei diffusa est in cor-*

*atribus nostris per Spiritum sanctum.* Et Rom. 8. *Spiritus vita in Christo Iesu liberavit me a lege peccati & mortis.* Et Rom. 14. *Non est regnum Dei esca & potus, sed iustitia, & pax, & gaudium in Spiritu sancto.*

**Sexto**, probatur aliis Scripturae testimoniiis, ex quibus multiplici ratione apparet, Spiritum sanctum esse æqualem atque consubstantialem Patri & Filio.

**I.** Quia dicitur vnum quiddam esse cum illis, ut 1. Ioan. 5. *Tres sunt, qui testimonium dant in caelo, Pater, Verbum, & Spiritus sanctus. Et hi tres vnum sunt.*

**II.** Quia æquè in ipsius nomine atque Patris & Filij Baptismo initiare iussi sunt Apostoli, Matt. 28. *Baptizantes eos in nomine Patris, & Filij, & Spiritus sancti.* Ac ab illo similiter in Baptismo spiritualiter regeneramur, Ioan. 3. *Nisi quis renatus fuerit ex aqua & Spiritu sancto, non potest intrare in regnum Dei.* Et ad Tit. 3. *Salvos nos fecit per lavacrum regenerationis et renouationis Spiritus sancti.* Pulchrè autem D. Greg. Nazian. orat. 5. de Theol. 5. inquit, *non est Deus adorandus Spiritus sanctus, quomodo me Deum (participatione) per Baptismum efficit?* Et D. Cyrillus li. 13. thesauri, cap. 1. *Natura igitur, inquit, & essentialiter Spiritus sanctus Deus est, quoniam qui ipsum suscipiunt, Dij per gratiam efficiuntur.*

**III.** Quia Patri & Filio ipse solus in Scriptura annumerari solet,



tanquam eminentior omni ordine rerum creaturarum, atque adeo eiusdem essentiae cum Patre & Filio. Id patet ex illo loco Matthæi 28. atque etiam ex Apostolo 2. ad Cor. 13. *Gratia*, inquit, *Domini nostri Iesu Christi, & caritas Dei* (Patris) *& communicatio sancti Spiritus sit cum omnibus vobis, Amen.*

IV. Quia certum est, Spiritum sanctum esse præstantiorem Christo, quatenus Christus quidem est homo. Qua ex re sequitur, Spiritum sanctum esse æqualem Deo Patri & Filio Deo, siquidem noui Ariani & Samofateniani fatentur, nihil præter Deum homini Christo antecellere. Id autem probatur, quoniam Christus, ut homo, virtute Spiritus sancti concipitur, & sanctificatur, Lucæ 1. & vngitur gratia, Isaïæ 61, *Spiritus Domini super me* *èd quòd vnxit me.* Et in desertum ductus est, Lucæ 4. Et obtulit se ad mortem, Heb. 9. Et eiecit *Damonia*, Matth. 12. Et ad vitam reuocatus fuit, Rom. 4. Et blasphemia in Spiritum sanctum est detestabilior, Matth. 12. Quæ & alia huius generis argumenta sunt, Spiritum sanctum longè antecellere homini Christo ut homini.

SEPTIMO probatur, quoniã eodem cultu, quo Pater & Filius, psequendus est. Primum enim propter diuinam maiestatem suam, summo cultu dignam, dicimur ipsi eius templa, 1. Cor. 6. Quem locum pulcherrimè ad hanc rem

A vrget in epi. 66. D. Augustinus: *Si*, inquit, *templum facere Spiritui sancto iuberemur, sicut fecit Salomon de lignis & lapidibus, utique faciendo templum latrariæ illi, hoc est, cultum diuinum, exhibere conuinceremur. Quanto magis igitur latrariæ debemus, cui non templum facimus, sed sumus?*

Deinde summus cultus religionis est ille, qui ei tribuitur cum in eius etiam nomine Baptismus datur, ut notauit lib. 5. contra Eunomium D. Basilii.

Tertiò, latrariæ etiam cultus est, quod in illum credimus, perinde ac in Patrem & Filium, sicut in Apostolico Symbolo docemur. Quod vrgens D. Athanasius in epistola ad Episcopos Africæ: *Nemini*, inquit, *Christianorum unquam dubium fuit, nos in Deum, non in creaturam credere.*

Quartò, huc pertinet quod Apostolus 1. ad Corint. 6. Spiritum sanctum glorificari à nobis iubet, cum ait: *Glorificate, & portate Deum in corpore vestro.* De Spiritu namque sancto, cuius nos esse templum dixerat, ibi loquitur.

D Quintò, nec solùm homines, sed Angeli etiam Spiritui sancto seruiunt. Nam, ut diuus Athanasius in epistola ad Serapionem ait: *Spiritus sancto pariter & Filio minister apud Mariam est Gabriel, cum dicit: Spiritus sanctus superueniet in te, & virtus altissimi obumbrabit tibi.*

Deniq; præceptum illud à Christo repetitum Matth. 4. *Dominum Deum tuum adorabis, & illi soli seruias*, etiam Spiritui sancto latriam exhibere iubet, vt docet in epistola 66. D. Augustinus: *Vnus enim, inquit, cui per latriam seruire iubemur, ita ibi dicitur solus, vt & Pater intelligatur, & Filius, & etiam Spiritus sanctus. De illo quippe dicit Apostolus: Nescitis quia corpora vestra templum sunt Spiritus sancti, &c.*

OCTAVO probatur testimonio Patrum, idque triplici modo. I. Quia disertis verbis passim affirmant, Spiritum sanctum esse Deum, & quæ atque Patrem & Filium: vt patet ex multis antiquissimorum etiam Patrum sententiis quæ suprà c. 20. recitauimus pro asserenda Filij diuinitate.

II. Quia pleriq; illorum iustis etiam voluminibus diuinitatem Spiritus sancti ex professo defenderunt. Vt Athanasius in epistolis ad Serapionem. Basiliius li. 3. & 5. in Eunomium, & nominatim in lib. de Spiritu sancto. Gregorius Nyss. in lib. ad Eustachium, quod Spiritus sanctus sit Deus. Gregorius Nazianz. orat. 5. de Theolog. Cyrillus Hierosol. catechesi 16. & 17. Cyrillus Alex. lib. 13. & 14. thesauri, & li. 7. Dialogorum de Trinitate cum Hormia, & lib. alio peculiari quod Spiritus sanctus est Deus, qui liber subsequitur illum 7. de Trinit. Didymus Alex. libris

A duobus de Spiritu sancto. Hilarium li. 12. de Trin. in fine. Ambrosius libris 3. de Spiritu sancto. Augustinus li. 1. de Trinit. c. 6. & li. 1. contra Maximinum, & in epistola 124. ad Pascendum Arianum, & alij multi his posteriores.

III. Quia summam esse impietatem censent non credere Spiritum sanctum esse Deum, & iis qui id non credunt, grauissimis verbis maledicunt. Athanasius in ep. longiori ad Serapionem non longè à fine: *Qui, inquit, Spiritum sanctum ad creaturas detrabit, impius est & sine Deo, & infideli deterior, & quiduis potius quam Christianus.* Et rursus in lib. de beatitudine Filij Dei ad Theophilum: *Maledictus, inquit, qui solum verum Deum Patrem, & unigenitum verum Filium, & unicum verum Deum Spiritum sanctum non consitetur.* Nec leuior illa diui Gregorij Nazianz. execratio est, orat. 5. de Theologia: *Colamus, inquit, Deum Patrem, Deum Filium, Deum Spiritum sanctum, tres proprietates vnã diuinitatem nec gloria, nec honore, nec essentia, nec regno diuisam. Quisquis aliter sentit, nec Luciferum exorientem videat, vt cum Scriptura loquar, nec celestis splendoris gloriam.* Et idè rursus, oratione in appulsu Episcoporum ex Aegypto: *Blasphemia, inquit, est, non Spiritus sancti diuinitatem asserere, sed eum submonere à diuinitate.* Et D. Cyrillus li. 13. thesauri, c. 1. *Quomodo, inquit, non*

erunt impietatis rei, qui inter creaturas  
 audent Spiritum sanctum collocare?  
 Nec dissimiliter D. Basilius libro  
 3. in Eunomium: *Quomodo, inquit,  
 non manifesta impietatis est dicere, ip-  
 sum Spiritum esse Deitatis exortem?*  
 Item D. Ambrosius lib. 1. de Spi-  
 ritu sancto, cap. 2. *Eiusdem, inquit,  
 impietatis est vel Patri, vel Filio, vel  
 Spiritui sancto derogare.* Et D. Au-  
 gustinus lib. 1. de Trinitate, capi-  
 te 6. probans diuinitatem Spiri-  
 tus sancti, quia templum eius su-  
 mus: *Quid autem, inquit, insanius,  
 magisq. sacrilegum est, quam ut quis-  
 quam dicere audeat membra Christi  
 (quasumus nos) templum esse creatu-  
 re minoris secundum ipsos quam sit ipse  
 Christus?* Item D. Hilarius libro  
 duodecimo de Trinitate sub fi-  
 nem: *Profundatna, inquit, Spiritus  
 sanctus tuus scrutatur & nouit; & ego  
 natura sua potentiam creationis nomi-  
 ne infamabo?* Hæc ut innumeras  
 alias veterum sententias similes  
 omittam, abundè satis esse puto,  
 ut intelligatur fidem de Spiritus  
 sancti diuinitate perpetuò fuisse  
 in Ecclesia constitutissimam, &  
 nec verè, nec sobriè scripssisse Eras-  
 mum, veteres Spiritum san-  
 ctum Deum appella-  
 re ausos non  
 fuisse.



## CAPVT XXV.

*Respondetur ad hereticorum argu-  
 menta contra diuinitatem Spi-  
 ritus sancti.*



A M verò noui hostes  
 Spiritus sancti illud  
 inprimis cōtra illius  
 diuinitatem vrgent,  
 quod nunquam, vt inquit, in  
 Scriptura De<sup>o</sup> nominatur. Quod  
 ipsum veteres Ariani & Eunomia-  
 ni nunquam non etiam inculcare  
 solebant, vt videre est potissimū  
 apud D. Athanasium, in Dialogis  
 de Trinitate contra Anomeos, &  
 D. Gregorium Nazianzenū orat.  
 5. de Theologia.

Sed præcedenti c. ostensum est,  
 non vno tantum, sed pluribus in  
 locis Scripturæ, Spiritum sanctum  
 Deum appellari, vt 2. Regum 23.  
 Actor. 5. 1. Cor. 6. &c. Quin etiam  
 Ioan. 4. Vbi Dominus dicit, *Spiri-  
 tus est Deus*, Spiritum ipsum sanctū  
 à Christo Deum appellari probat  
 D. Ambrosius li. 3. de Spiritu san-  
 cto, c. 11. Quod cum veteres olim  
 Ariani agnoscerent, hæc verba ex  
 Euangelio sacrilegè expunxerūt.  
 Aduersus quos idcirco Ambro-  
 sius: *Literas, inquit, potuistis abolere,  
 sed fidem non potuistis auferre. Nec o-  
 nim vos poteratis obliterare veritatem,  
 sed illa litera de libro vite nomina ve-  
 stra debebat.* Adde quod satis est,  
 Spiritui sancto in Scriptura tri-  
 bui rem ipsam & attributa pro-  
 pria



pria diuinitatis, vt illum Deum esse credere debeamus, etiamsi nusquam in Scriptura Deus nominaretur. Rectè enim D. Gregorius Nazian. oratione 5. de Theologia, ad hanc ipsam hæreticorum obiectionem respondens: *Iudæum esse*, ait, *relictis rebus syllabas confectari.*

Deinde obiiciebāt hæretici veteres illud Ioan. 1. *Omnia per ipsum facta sunt, & sine ipso factum est nihil.* Est igitur Spiritus sanctus etiā per Verbum factus, ac ideo creatura. Respondet D. Gregorius Nazian. orat. 5. & communiter alij Patres, non omnia simpliciter per Verbū facta esse, sed omnia quæcunque sunt facta; Spiritum autem sanctum esse extra ordinem earum omnium rerum quæ factæ sunt. Alioqui posset similiter ex illis verbis colligi, Patrem ipsum esse factum per Verbum.

Tertiò obiiciebant illud Amos 4. *Ego Dominus formans tonitru & creans Spiritum.* Sed respondet Athanasius in epistol. ad Serap. Nazianzenus vbi suprà, Basilii lib. 3. in Eunomium, & alij, ibi sermonem esse de vento, non de Spiritu sancto.

Quartò, illud Rom. 8. *Spiritus postulat pro nobis*; igitur est inferior. Sed hoc quomodo sit intelligendum ipse Apostolus ibi declarauit. Postulare enim Spiritus pro nobis dicitur, quatenus *adinnuat*

*infirmiorem nostram* (sicut inquit Apostolus) *ut sciamus quid nobis postulandum sit, & id postulemus quemadmodum oportet.* Hac etiam ratione idem Apostolus ad Gal. 4. dixit: *Misit Deus spiritum Filij sui in corda vestra clamantem, Abba Pater.* Nempe quia concitat corda vt id clament. Idem enim est quod hic dicit, & quod dixerat Rom. 8. *Accepistis spiritum filiorum in quo clamamus, Abba Pater.* Vt rectè notauit D. Augustinus li. 1. contra Maximinum.

Quintò obiiciebant, quòd Spiritus sanctus à Patre & Filio mittitur. Verum hæc missio non inæqualitatem, sed originis ordinem significat: vt suprà etiam capit. 21. de Filij missione à Patre, responsum est.

Sextò, quod dicitur Ioan. 16. *Non enim loquetur à semetipso.* Respondet Basilii libro 5. in Eunomiū, inde potius sequi eum creaturam non esse: *Omnis enim creatura rationalis aliquando loqui potest à seipso.* Vt cum Dominus de Diabolo inquit Ioan. 8. *Cum loquitur mendacium, ex propriis loquitur.* Quod igitur de Spiritu sancto ait: *Non loquetur à semetipso*; processione eius significat, per quam vnā cum essentia diuina accipit etiam scientiam à Patre & Filio, sicut infrā suo loco docebimus.

Septimò obiiciebant, q̃ Christus non addidit etiam aliquid de Spiritu

Spiritu sancto, cum dicit Ioan. 17. *Hæc est autem vita æterna ut cognoscant te solum Deum verum, & quem misisti Iesum Christum.* Respondit D. Basilii li. 5. contra Eunomium, Spiritum sanctum in illo ipso solo vero Deo, qui est Pater & Filius includi. Quod supra c. 11. & 21. confirmauimus.

Octauo obieiebant Ariani quidam, apud Athanasium in epistola ad Serapionem, illud Apostoli 1. ad Timoth. 5. *Testor coram Deo & Christo Iesu & electis Angelis, ut hæc custodias, &c.* Vnde insipientissime colligebant Spiritum sanctum vnum aliquem esse ex Angelorum numero, siquidem Apostolus non illum post Christum nominatim commemorat, sed statim transit ad Angelos.

Hanc verò dementissimam obiectionem D. Athanasius in eo loco multis Scripturæ testimoniis obruit, ex quibus constat, quandoq; etiam Deum & Spiritum sanctum nominari præterito Filio, ut Isai. 45. & Aggæi 2. quandoq; Deum & hominem aliquem, præteritis Filio & Spiritu sancto, ut Exodi 14. & Lucæ 18. nec tamen inde sequitur aut Filium non esse etiam Deum, aut omnino nihil esse præter Deum & hominem. Non igitur Apostolus Spiritum sanctum ad Angelorum ordinem pertinere, illico significat, si alicubi præter Angelos non eius mentionem

A facit; & ineptum est, ut Athanasius ibi inquit, *necessitatem Apostolo velle imponere, quare non sic & cur non potius ita velita scripserit.*

Nonò ad idem figmentum confirmandum adducebant illud Zachar. 4. *Et respondit Angelus qui loquebatur in me, & dixit ad me, &c.* At spiritus sanctus erat is qui in illo B Prophetâ loquebatur: Est igitur Angelus. Respondet facillè D. Athanasius, loco citato, hunc Angelum qui in Zacharia secundum visionem quandam loquebatur, creatum Angelum, & ministrum quandâ Spiritus sancti fuisse, non ipsum Spiritum sanctum. Quod manifestè probatur ex ipso sermone quem habet ibi ad Zachariam Prophetam hic idem Angelus. Dicit enim inter cetera: *Hoc est verbum Domini ad Zorobabel: non in exercitu, neq; in robore, sed in spiritu meo dicit Dominus exercituum.* Vbi patet hunc Angelum de Deo & de Spiritu sancto eius, tanquam vtriusq; ministrum, ad Zachariam esse loquutum.

D Decimò argumentabatur hoc modo Eunomius: Spiritus sanctus est tertius ordine, ergo etiam natura. Respondet verissimè D. Basilii li. 3. contra eundem, nullam esse hanc consequentiam. Tertius enim est, non ordine aliquo secundum gradus inæquales essentiarum, sed secundum originem in essentia eadem.

Vnde-

Vndecimò vrgebant & hoc argumentum veteres illi hæretici: Spiritus sanctus non est ingenuus, neque genitus; reliquum est igitur vt sit creatus. Quod rursus confirmabant: quia modus procedendi naturalis non est nisi per generationem. Quare si Spiritus sanctus per generationē non procedit, nō procedit naturaliter, sed voluntate & quasi per artē, ac proinde erit aliquod opus factum.

Respondet D. Basilius in sermone contra Sabellianos hoc argumentum *igni infernali traditurum* eos qui cogitatione sua volunt eo modo metiri consubstāntialis Trinitatis mysteriū. Nam etsi ratione non consequamur esse in diuinitate modum aliū naturalē procedendi præter generationem, fides tamen certissimè hoc tradit, à qua non ideo dissentendum est quia rem non intelligimus, cum etiam constet naturaliter multa fieri quorum non habemus exploratam rationem, vt persequitur copiosè & eleganter D. Basilius lociscitatis, & D. Gregorius Nazian. orat. 5. de Theologia. Ac dicemus de discrimine vtriusque processions postea li. 2. in explanatione mysterij Theologica.

Duodecimò, quanquam ex Patribus nihil (quod sciam) contra Spiritus sancti diuinitatem illius hostes obiiciant; posset tamen aliquem fortè mouere quod diuus

A Gregorius Nazianzen. orat. 5. de Theologia sub initium, de Spiritu sancto loquēs, inter cetera sic ait: *At verò nostri sapientes partim vnam quandam & facultatē ipsū existimauerunt, partim creaturam, partim Deum, partim vtro potius nomine vocandus esset, minimè certum atque exploratum habuerunt, ea ratione, vt aiunt, permoti quod Scriptura neutrum horum planè aperteq; demonstrasset.* In quibus D. Gregorij verbis existimare quis posset, nonnullum fundamentum habere quod Erasmus (vt c. præced. commemorauimus) falsò ac impiè aiebat, veteres non fuisse ausos Spiritum sanctum Deum appellare.

Respondeo verò, *nostros sapientes* à D. Gregorio Nazianzeno in hoc loco vocari nō Patres aliquos Orthodoxos in Ecclesia pbatos & celebres, sed quoscunq; fidem Christianā edoctos, Christianosque nomine initiatos, etiamsi sint hæretici, sicut fuerunt illi reuera quorum eiusmodi de Spiritu sancto opiniones refert.

D Atq; hoc ita esse manifestè probō. I. Quia D. Gregorius Naz. illos complectitur eo vocabulo qui non sint planè Ethnici. Recitauerat enim proximè antecedētibus verbis opinionem vel ignorātiā potius de Spiritu sancto eorum, inquit, *qui apud Ethnicos Theologia laude magis claruerunt.* Ac tum subiungit: *At verò nostri sapientes, &c.*

Z II. Quia



II. Quia paulò inferiùs eos solos vocat: *Piosq; atq; Orthodoxos, qui, inquit, Spiritum sanctum Deum esse credunt.* III. Quia contra eos qui id non credunt disputationem deinde instituit, & eos tanquam impios tota oratione exagitat atque etiam grauissimis verbis execratur. quæ suprà c. præcedenti recitauimus. Quæ vehementia minime alioqui contra Patres aliquos vteretur. IIII. Quia D. Basilii libro 2. contra Eunomium sub finem, confutans *blasphemiam* (vt appellat) Eunomij, qui Spiritum sanctum creaturam nominabat, ita scriptum reliquit: *Ex quo pietatis prædicatio denūciatur, neminem in hodiernum vsque diem audiuimus qui Spiritum sanctum creaturam appellasset.* Non est autem vlllo modo credibile D. Gregorium Nazianzenum quivita atq; studiorum consuetudine cum D. Basilio coniunctissimè vixit, id de aliquo Patre Orthodoxo audiuisse, quod diuus Basilii non audiuit, præsertim in tam illustri quæstione. V. Quia Patres omnes, qui ante Gregoriū Nazianzenum Orthodoxi ac celebres in Ecclesia fuerunt, diuinitatem etiam Spiritus sancti simul testati sunt in his locis, quos pro Filij quoque diuinitate superiùs c. 20. citauimus. Quam ad rem & D. Basilii lib. de Spiritu sancto, c. 29. adducit testimonia Clementis Romani & Irenæi, & vtriusque

A Dionysij, Romani & Alexandrini. Hæc paulò fusiùs de loco D. Gregorij Nazianzeni dicta sint, ne cui fortè verum videatur illud quod falsò atq; impiè scripsit de veteribus Erasmus. Et hætenus de Spiritus sancti diuinitate, atq; adeo de tota tertia assertione ex quatuor illis, quas de fide SS. Trinitatis & vnitatis suprà c. 1. suscepimus in hoc primo libro confirmandas. Restat vt dicamus de quarta, cuius erit iam probatio facilior.

## CAPVT XXVI.

*Vnum & eundè Deum esse Patrem, & Filium, & Spiritum sanctum.*

**P**ATREM, Filium, & Spiritum sanctū non vnum & eundè Deum esse, sed Deos tres, anqui hæretici tum veteres, tum recentiores senserunt. Ex veteribus ita docuerunt Peratæ apud Theodoretum li. 5. de fabulis hæreticorum, cap. 18. Quin etiam ita sensisse Philoponum refert Nicephorus lib. 18. historiæ, c. 48. Qui error tēpore D. Anselmi in Gallia cœpit repullulare, vt ex eiusdem Anselmi libro de incarnatione Verbi potest intelligi. Nec ab hoc errore Abbas Ioachim alienus fuisse videtur, siquidem contendebat Patrem, Filium, & Spiritum sanctum non esse vnā aliquam singularem essentiā, sed esse vnum quod-

quoddam collectione & ordine, ad eum modum quo plures fideles sunt vna Ecclesia. Quæ illius sententia in Concilio Lateranensi sub Innocentio III. c. 2. damnata est. Refert etiam Bernardus de Lucemburgo Raymundum Lullium tres essentias in tribus personis diuinis asseruisse.

Nostra autem memoria Valentinus Gentilis Italus, veterē hanc heresim renouauit. Is enim in suis quibusdam prothesibus Patrem, Filium, & Spiritum sanctū tres esse Spiritus æternos essentiali numero distinctos contendit: ita tamē, vt Pater sit solus summus Deus, & ex se; Filius autem & Spiritus sanctus Dij quidam inferiores, vt qui à Patre suam essentiam productā habeant, tamen nō ex nihilo, sed ex substantia Patris, vt inquit prothesi II. Quocirca Patrem vocabat essentialiorem, Filium & Spiritum sanctum, essentialiorem. Atq; ob hanc etiam rationem aiebat Patrē esse illum vnicū & solum & immensum Deum qui in Scripturis commemoratur. Ita enim loquitur Valentinus iste in libro quodam suo antitodotorum (vt vocat) antido-  
to 3. & prothesi 6. 7. 22. & 24.

Ab huius dogmatis absurditate qui hūc Gentilem sequuti sunt, Tricheitæ sunt dicti. Sunt autem hi verissimē Ariani. Arianorum enim sententia fuit Patrem, & Filium, & Spiritum sanctum substā-

tias tres esse essentiali numero distinctas & inæquales. Vnde Trinitatē esse dicebant instar Episcopi, Presbyteri & Diaconi, qui gradibus dignitatis differunt, sicut refert D. Athanasius in Dialogis de Trinit. contra Anomeos. Nec obstat quod Gentilis & asseclæ Filiū asserunt esse genitum ab æterno.

Nam idem etiam quidam ex Ariani tandem concesserunt, vt D. Aug. cōmemorat li. 6. de Trin. c. 1.

Aduersus hos igitur omnes hereticos assertio Orthodoxa de vnitatem diuinitatis trium personarum confirmanda est. Cuius probationem omnem ex his quæ superius asserta sunt possumus tali argumento concludere: Verus Deus non est nisi vnus & idem numero, sed Pater est verus Deus, & Filius est verus Deus, & Spiritus sanctus est verus Deus: Igitur Pater, & Filius, & Spiritus sanctus non sunt alius & alius Deus, sed vnus & idem numero Deus. Quod non modò Pater, sed etiam Filius, & Spiritus sanctus sit verus Deus, supra ostensum est. Quare solum hoc in loco superest confirmanda huius argumenti propositio, scilicet Deum verum non esse nisi vnicū numero.

Et quidē hoc, p̄prie Valentinus Gentilis & eius asseclæ nō videntur negare voluisse: siquidē vnum quendam summum & immensum agnoscunt Deum, quē dicunt esse

solum Patrem. Filium autem, & similiter Spiritum sanctum, ita Deum faciunt, ut tamen non concedant, illum esse immensum ac summum Deum. Quod perinde est ac negare illum esse verum Deum. Siquidem verus Deus non est, qui immensus non est. Nihilominus tamen vnitas veri Dei idcirco est à nobis probanda, quia, ut paulò antè conclusimus, ex illa euidenter cōsequitur Patrem, & Filium, & Spiritum sanctum, cūm quemlibet eorum esse verum Deum superius constitutum sit, esse vnum & eundem numero Deum. quod directò Valentinus Gentilis & alij hæretici negant.

Probatur autem primū, testimoniis diuinis, ac in primis testimonio ipsius Dei veri, vnitatem atque singularitatem essentiae suae clarissimis verbis asserentis Deuteronomij 32. *Videte quòd ego solus, & non est alius prater me.* Et Isa. 43. *Ante me non est formatus Deus, & post me non erit.* Et 44. *Ego primus, & ego nouissimus, & absque me non est Deus. Quis similis mei?* Et 45. *Ego Dominus & non est alius, extra me non est Deus.* Et rursus ibi: *Conuertimini ad me omnes sine terra, quia ego Deus, & non est alius.* Et cap. 48. *Gloriam meam alteri non dabo.* Audi me Iacob quem ego voco, ego primus & ego nouissimus. Et Osee 13. *Deum absque me nescies, & Saluator non est prater me.*

A II. Testimonio Moysis Deuteronomij 4. *Dominus ipse est Deus, & non est alius prater vnum.* Et ibidem: *Scito ergo hodie & cogitatio in corde tuo quòd Dominus ipse est Deus, in cælo sursum & in terra deorsum, & non sit alius.* Et capite 6. *Audi Israël, Dominus Deus noster Deus vnus est.*

B III. Testimonio Dauidis Psalmo 17. *Quis Deus prater Dominum? aut quis Deus prater Deum nostrum?* Et Psalmo 82. *Tu solus altissimus super omnem terram.* Et Psalmo octogesimo quinto: *Quoniam magnus es tu, & faciens mirabilia, tu es Deus solus.*

IIII. Testimonio Salomonis 3. Reg. 8. Stetit autem Salomon ante altare Domini, & ait: *Domine Deus Israël, non est similis tui Deus in cælo desuper & super terram deorsum.* Et Sapient. 12. *Non est alius Deus quam tu.* Ecclesiastici 1. *Vnus est altissimus.*

V. Testimonio Prophetarum ex quibus aliquas sententias prius citauimus.

D VI. Testimonio Christi. Matth. 17. *Ut cognoscant te solum Deum verum.* Et Marci 12. *Primum, inquit, omnium mandatum est; Audi Israël, Dominus Deus tuus Deus vnus est.* Vnde ait illi scriba: *Bene Magister in veritate dixisti, quia vnus est Deus, & non est alius prater eum.* Et Lucæ 4. *Dominum Deum tuum adorabis, & illi soli seruias.*



VII. Testimonio Apostoli Pauli, 1. Corinth. 8. *Nobis vnus est Deus.* Et ibidem: *Scimus, quia nullus est Deus, nisi vnus.* Galat. 3. *Deus autem vnus est.* Ephes. 4. *Vnus Deus & Pater omnium.* 1. ad Timoth. 2. *Vnus enim Deus, vnus & Mediator Dei & hominum.*

VIII. Ac ne quis desit in hac testificatione sexus, postremò, probatur Dei vnitatis testimonio Annæ matris Samuelis, 1. Reg. 2. quæ diuino Spiritu afflata, inter cetera cecinit: *Non est sanctus, vt est Dominus; nec enim est alius extra te: & non est fortis, sicut Deus noster.*

Cùm autem & Deus ipse, se vnicum ac solum Deum esse affirmat, & idem alij omnes testes diuini, quos adduximus, testantur, omnino necesse est de vnitatis singulari ac indiuidua hoc intelligi, non aut de aliqua vnitatis specifica, quæ pluribus indiuiduis contineatur multarum essentiarum singularitate distinctis. Vbi enim plura sunt indiuidua eiusdem speciei, de nullo indiuiduo illius verè dici potest, quod ipsum sit solum, & nullum sit aliud, præter ipsum. Quàm enim portentosum mendacium esset eius hominis, qui dicere auderet, se solum hominem esse, & præter se non esse vllum aliud hominem? Quod si alij etià de illo id ipsum affirmarent, nonne similiter mentirentur? Contrà verò, quia Sol, verbi gratia, non

A modò specie, sed numero etiam est vnicus & singularis; verè, si loqui posset, de se ipso affirmaret, se solum ac vnicum esse, nec præter se vsquam esse aliquem alium Solem, vt & nos iam de illo verissimè dicimus. Eadem igitur ratione, cùm Deus ille indiuiduus & singularis, qui in Scripturis loquitur (non enim genus aliquod, aut species Platonica loqui potest) tam sæpe & seriò affirmet, se solum Deum esse, & præter se nullum esse alium Deum; ac idipsum Christus, Apostoli, & Prophetæ contestentur; intelligere necesse est, Deum verum, vnicum ac solum esse, non secundum rationem aliquam specificam, quæ plures Deos complectatur, sed planè secundum rationem singularem & indiuiduam, sicut Sol est vnus; vel certè Deus ipse & Scriptura tota mentitur, quod tantundem est, atque Deum non esse Deum.

D Idipsum secundo loco ex ipsa notione veri Dei, quæ est omnium mentibus insita, manifestissima ratione demonstratur, hoc modo: Deus est quædam res summa, simplex, infinitè perfecta, prima causa, & finis vltimus omnium, princeps ac rector totius vniuersi. At, quæ res eiusmodi est; sola & singularis, secundum rationem indiuiduam, necessariò est. Deum igitur, secundum rationem indiuiduam, vnicum, solum,

ac singularem esse, conſtitendum A  
eſt.

Id confirmo ſigilatim. Nam ſi  
duo Dij ſint (verbi gratia) nume-  
ro diſtincti, & ſpecifica eſſentia  
ratione conuenientes, iam eſſen-  
tia vtriuſque erit, ſecundum indi-  
uiduam quidem rationem, parti-  
bilis, & ſic neuter ſummè ſimplex.  
Item neuter habebit, vel in perſo- B  
na, vel in eſſentia ſua perfectionem  
individuam alterius; & ſic  
neuter erit infinite perfectus.  
Item, neuter erit cauſſa prima re-  
rum: nam, vt dictum eſt, neuter  
infinite perfectus eſſet; quod au-  
tem infinite perfectum non eſt,  
huic aliquid deeſt: cui autem ali-  
quid deeſt, id non prima cauſſa,  
ſed ab aliqua priori cauſſa eſt, à C  
qua nimirum non plus perfectionis  
accepit; ſi enim ex ſe ipſum  
eſt, quidnam illi perfectionem li-  
mitauifſet? an ipſum ex ſe maio-  
rem perfectionem, quaſi reſpue-  
re atque repudiare potuit? Item  
hinc etiam conſequens eſt, vt neu-  
ter eſſet finis vltimus omnium re-  
rum. Nam cui aliquid perfectionis  
deeſt, id tale non eſt, quod re- D  
bus aliis omnibus tanquam præ-  
ſtantiffimum quiddam anteponi  
debeat. Denique, quoniam rerum  
vniuerſitas non niſi omnium o-  
ptima ratione regitur; & optima  
per ſe ratio regendi, Monarchia  
eſt, id eſt, imperium vnius; effici-  
tur, verum Deum, qui totius vni-

uerſi princeps ac reſtor eſt, non  
eſſe poſſe, niſi vnū numero quem-  
admodum ſummus etiam Philo-  
ſophus in duodecimo libro pri-  
mæ Philoſophiæ, & ſanctus etiam  
Cyprianus in tractatu de vanitate  
idolorum concludit.

Postremò, Dei vnititas illorum  
etiam omnium auctoritate con-  
firmatur, qui vnquam docti ac ſa-  
pientes habiti fuerunt. Et qui-  
dem de Orthodoxis Eccleſiæ Do-  
ctoribus dubium nullum eſſe po-  
teſt, quin omnes vno conſenſu v-  
num ac ſolum, iuxta rationem in-  
diuiduam, Deum eſſe aſſeruerint.  
Nam, vt ex eorum teſtimoniis pro  
Filij diuinitate ſuperius, cap. 20.  
recitatis apparet, hoc illis omni-  
bus in diſputatione de Deo pro-  
poſitum fuit, vt & Iudæorum at-  
que Arianorum perfidiam, qui ſo-  
lum Patrem Deum eſſe voluerūt,  
conſutarent, & nihilominus ta-  
men vnius Dei Monarchiam ad-  
uerſus Gentilium vanitatem ab  
Eccleſia retineri defenderēt. Mo-  
narchia autem non eſt, niſi vbi v-  
nitas ſecundum rationem etiam  
individuam. Videatur hac de re  
potiſſimum Ignatius in epiſtola  
ad Antiochenos. Iuſtinus in libro  
de Monarchia, & in oratione pa-  
rænetica ad Gentes. Tertullianus  
libro contra Praxeam. Cypria-  
nus de vanitate idolorum. Atha-  
naſius in epiſtola contra grega-  
les Sabellij, & in oratione contra  
ido-

idola, & in libro de communie-  
sentia diuinitatis. Gregorius Na-  
zianzenus oratione secunda de  
Theologia, & orat. de natali Do-  
mini. Basilii oratione contra Sa-  
bellium & Arium. Ambrosius lib.  
1. de fide, ca. 1. Augustinus de Tri-  
nitate, cap. 4.

Ac pertinet huc, & Patres etiam  
passim dicunt, tres personas di-  
uinas non esse tres Deos: vt Ter-  
tullianus contra Praxeam. Atha-  
nasia in Symbolo. Augustinus li-  
bro 2. contra Maximinum, & ubi-  
que alij omnes. Quòd si essent tã-  
tummodò specie vnus Deus, tres  
Dij dici possent: sicut dicuntur plu-  
res homines, nõ obstante illorum  
vnitate specifica.

Item, quòd passim negant, in  
ipsa diuinitate vllum numerum  
esse, praterquam in proprietati-  
bus personalibus; vt Gregorius  
Nazianzenus oratione 3. & Patres  
Concilij Toletani, 11. capite 1. &  
Augustinus lib. 1. contra Maxim.  
ante medium. Quo sensu D. Basi-  
lius epistola 141. dicit, Deum non  
esse *vnun numero*: intelligendo ni-  
mirum *vnun numero* affirmatiuè,  
vt sit sensus, vnitatem Dei secun-  
dum essentiam constare re ipsa ex  
collectione alicuius numeri. Quo-  
modo vnitas specifica humanæ  
naturæ constat ex pluribus natu-  
ris, humanis indiuiduis distinctis  
quæ cõstituent vnun numerum.  
Theologi autem cum di. unt, De-

A um esse vnum numero, id intelli-  
gunt negatiuè; vt sensus sit, se-  
cundum rationem indiuiduæ vni-  
tatis, quæ solet constituere nume-  
rum, non esse, nisi vnum.

Item, quòd expressè etiam no-  
minant essentiam diuinam singu-  
larem & indiuiduam. Vt Grego-  
rius Nazianzenus in epistola ad  
B Euagrium Monachum: *Indiuidua*,  
inquit, *summi Numinis natura est*.  
Et Augustinus libro primo con-  
tra Maximinum: *Pater*, inquit,  
*Filius, & Spiritus sanctus vnum sunt*,  
*propter indiuiduam, eandemque na-*  
*turam*.

Item, quòd disertè confirmant,  
non esse Deum vnum specie, ad  
eum modum, quo plures homi-  
nes sunt quoddam vnum. Vt Au-  
gustinus lib. 6. de Trinitate, cap.  
1. Cyrillus Alexandrinus lib. 11. in  
Ioannem, cap. 20.

Quòd si aliquando tres perso-  
nas diuinas comparant cum tri-  
bus hominibus, aut tribus Ange-  
lis, tantummodò hac similitudi-  
ne ostendere volunt, non minus  
essetia suprà dicta distincta, quã  
tres Angelos, aut tres homines.  
D Quo sensu etiam Iustinus in Dia-  
logo cum Triphone dixit, prater  
Patrem esse *aliun*, qui sit etiam  
DEVS, nempe Filium. Quo-  
modo loquendi non voluit si-  
gnificare esse alium Deum, sed  
esse prater Patrem aliam quan-  
dam personam, quæ sit DEVS.

De-



Denique, si Pater, Filius, & Spiritus sanctus secundum rationem specificam, non autem singularem & indiuiduam essent vnus Deus; quòd simul illi sint tria & vnum, non esset mysterium tam admirabile & ineffabile, quàm vbiq; prædicant Patres. Etenim tres etiam homines sunt eo modo tria & vnum, vt patet.

Præter Patres, etiam plerosque Philosophos & Poëtas olim agnouisse vnum Deum, ostendit Lactantius lib. 1. diuinarum institutionum, & Eusebius Cæsariensis lib. 11. de præparatione Euangelica, cap. 9. & Arnobius præceptor Lactantij lib. 3. contra Gentes, & ante hos etiam Iustinus Martyr in oratione paranetica ad Gentes, & in libro de Monarchia, vbi ad hanc rem adducit testimonia Æschyli, Philemonis, Orphei, Pythagoræ, Sophoclis, Euripidis, Platonis, Menandri. Quam etiam fuisse sententiam Socratis, Aristotelis, & Ciceronis, constat.


Cum itaque verus Deus non nisi vnus sit, & non modò Pater, sed etiam Filius, & similiter Spiritus sanctus sit verus Deus, vt superius probatum est, consequitur Patrem, & Filium, & Spiritum sanctum non tres Deos, sed vnicum esse Deum. Quod *est intellectu capi non potest*, (vt lib. 7. de Trinitate, capite vltimo Augustinus loquitur) *fide certissima tenemus, donec il-*

*lucescat in cordibus ille, qui ait per Prophetam: Nisi credideritis, non intelligetis.*

## CAPVT XXVII.

*Respondetur ad argumenta hæreticorum contra Vnitatem diuinitatis in personarum Trinitate.*

B



**S**ed opponunt noui Samosatreniani & Ariani aduersus hanc fidem de vnitatem veræ diuinitatis in personarum Trinitate, & Trinitatis in Vnitate, argumenta varia, vel potius vanissima sophismata, quæ sunt hoc loco diluenda.

C

Primum argumentum. Quæ doctrina recepta est statim vbiq; post Christi in cælos ascensionem, planè est falsa & Antichristiana. Doctrina de vnitatem diuinitatis in tribus personis, statim post Christi ascensionem fuit in orbe toto recepta, & deinceps conseruata, vt videmus. Igitur ea doctrina omnino falsa est & Antichristiana.

D

Vtuntur hoc deliro argumento Transyluani lib. 1. cap. 1. & propositionem testimoniis aliquot Scripturæ ita confirmant, vt videri possint planè insanire. Adducunt enim illa: *Videte, ne seducamini. Et: Post discessum meum intrabunt lupi in pæces, non parcentes gregi, Act. 20. Et: (auete, ne quis vos seducat per inanem*

*inanem Philosophiam.* Ad Coloss. 2. A  
Qualis est (inquiunt) ista de vni-  
tate essentie & tribus personis. Et:  
*Mysterium iniquitatis iam operatur.*  
2. Thess. 2. Et: *Antichristus iam nunc*  
*est, 1. Ioan. 4.*

Respondemus, esse manifestū  
vitium in argumento, vel potius  
evidentissimam insaniam. Nam  
cū dicunt in propositione, do-  
ctrinam, quæ post Christi ascen-  
sionem recepta est, esse falsam, &  
Antichristianam, vel loquuntur  
de omni doctrina, quæ tunc rece-  
pta in orbe fuit, vel tantū de a-  
liqua, siue quoad aliqua capita.  
Si de omni; manifestè delirant.  
Tunc enim non modò dogma de  
Trinitate & Vnitate, sed etiam  
de CHRISTI Resurrectione, de C  
Redemptione, de Baptismo, de  
Eucharistia, & in summa omne a-  
liud dogma Christianum, quod  
per Apostolos mundo persuasum  
fuit, esset falsum & Antichristia-  
num. Si autem intelligunt de do-  
ctrina aliqua, seu quoad aliqua  
capita; tunc quidem verum est,  
doctrinas quasdam post Christi  
ascensionem fuisse in orbem in-  
uectas per falsos aliquos Docto-  
res; & id potest confirmari illis  
Scripturæ locis, quos adferunt:  
Sed hinc non sequitur illud, quod  
determinatè concludunt in argu-  
mento, videlicet hanc ipsam do-  
ctrinam de Trinitate & Vnitate,  
quia in orbe fuit recepta, esse fal-

sam & Antichristianam. Negamus  
enim, hanc esse ex genere illarum  
doctrinarum, quæ per falsos Ma-  
gistros fuit inuecta: Quin immò  
eam à Christo & Apostolis verif-  
simè fuisse traditam, eidentibus  
testimoniis demonstramus, quæ  
suprà suis locis allata sunt.

Ac esset similis paralogismus,  
B si quis ita concluderet: Animal est  
rugibile (intelligendo tantū  
modò quoddam animal, nempe  
leonem) homo est animal: Ergo  
homo est rugibilis. Æquè absurdè  
isti: Doctrina post Christi ascen-  
sionem recepta, est Antichristia-  
na (intelligendo tantū quæ-  
dam doctrinæ capita; neque enim  
possunt intelligere omnia, nisi  
planè insaniūt). Doctrina de Tri-  
nitate & Vnitate post Christi a-  
scensionem fuit vbique recepta:  
Ergo est Antichristiana. Logici  
docent vitium hoc in eo esse, quòd  
mediū syllogismi in neutra præ-  
missarum accipitur vniuersaliter.

Secundum argumentum: Ve-  
rus & vnus Deus est Pater Chri-  
sti: Sed Trinitas personarum (id  
est, Pater, Filius, & Spiritus san-  
ctus) non est Pater Christi: Ergo  
Trinitas hæc non est vnus & ve-  
rus Deus. Hoc argumento præ-  
ter Transylvanos vtitur etiam  
Blandrata in actione 2. dici, dispu-  
tationis Albanæ.

Respondemus autem ad maio-  
rem propositionem; Verum &

vnum Deum, non secundum id omne, quod ipse est, hoc est, ut est Filius & Spiritus sanctus, aut tota simul Trinitas, Patrem Christi esse, sed tantummodò secundum aliquid, nempe ut est persona Patris. Quare si maior illa propositio argumenti sumatur vniuersaliter, ut sit sensus, Deum & quidquid Deus est, esse Patrem Christi, falsa est: Si autem sumatur particulariter, ut sit sensus, Deum secundum aliquid, quod ipse est, esse Patrem Christi, tunc nihil valet argumenti conclusio. Perinde enim est, ac si hoc modo concluderes: Verus homo est pater principis Transylvaniæ; intelligendo hominem illum determinatè, qui est eius principis pater: Sed Petrus non est pater principis Transylvaniæ: Ergo Petrus non est verus homo.

Sciendum enim est, vocabulum *Deus*, vim habere vocabuli còmunis, eò quòd natura diuina, licet singularis sit, tamen in tribus distinctis suppositis existit. Quamobrè, ut ex eo vocabulo rectè construatur aliquis syllogismus, oportet illum in præmissis quasi vniuersaliter seu communiter accipere, videlicet pro omni eo, quod est Deus. Ut in hoc syllogismo: Deus verus est iustus: Sed Pater est verus Deus: Ergo Pater est iustus. Hic recta est conclusio, & in aliis similibus syllogismis, vbi in altera p-

positione aliquid de Deo secundum id omne, quod est Deus, verè enunciatur.

Tertium argumentum. Verus & vnus Deus inuocari à fidelibus potest ac debet per Filium, Dei & hominum Mediatorem. Pater, Filius, & Spiritus sanctus simul, non possunt nec debent inuocari per Filium Mediatorem: Siquidè Filius non potest esse Mediator noster respectu sui ipsius. Ergo Pater, Filius, & Spiritus sanctus simul non sunt ille vnus & verus Deus.

Hoc argumentum, dicit Blandrata in act. 3. dici, disput. Albanæ, se Genevæ proposuisse Caluino, neq; hunc potuisse illud expedire. Testatur etiam Petrus quidam Melius in act. 4. dici eiusdem disputationis, idem argumentum fuisse propositum Caluino à Seructo quoque, & à Valentino Gentili, & passim tanquam insolubile iactatur à Transylvanis.

Sed nihil facilius expediri potest. Respondemus enim vno verbo, Filium secundum assumptam naturam humanam Mediatoris nostri atq; Redemptoris officio functum esse, non modò apud Patrè, & Spiritum sanctum, sed etià apud se, ut ipse simul, quatenus est ille idem Deus, qui est Trinitas, erat humano generi infensus. Ut enim quod Christus sit homo, nihil obstat, quo minus is fuerit hominum Mediator, ita neque quod idem sit Deus,

ob-



obstat, quo minus idem secundum naturam humanam assumptam sit apud Deum Mediator; immò non potuisset hoc officio Mediatoris perfectè fungi, nisi naturam haberet utriusque extremi, hoc est, Dei & hominis, qui erant partes reconciliandæ. Ita disertè docet D. Irenæus lib. 3. ca. 20. & D. Athanasius in Dialogis de Trin. contra Anomeos, & serm. 3. contra Arianos, non longè à fine. Et in lib. de incarnatione contra Apolinarium, in fine, & Basilius lib. 4. in Eunom. circa medium. Cyrillus libro 12. thesauri, capite decimo, & libro 1. Dialogorum de Trinitate, cum Hermia post medium. Chrysostomus hom. 7. in epist. 1. ad Timoth. Theodoretus in Dialogo 2. ante medium. Augustinus lib. 9. de ciuitate Dei, ca. 15. & lib. de consensu Euangelistarum, capite 35. Leo sermone 1. de natiuitate.

Neque obstat, quòd Mediator distingui debet ab utroque extremo. Distinguitur enim Christus Mediator in proposito ea ratione ab extremis, quòd simul Deus est & homo, atque adeò utriusq; partis siue extremi natura præditus: Nullum autem horum extremorum (hoc est, neque Deus, ut erat offensus homini, neque homo) simul est Deus & homo. Quam rem in disputatione peculiari de officio proprio Christi Redemptoris & Mediatoris aliàs explanauimus.

**A** Quartum argumentum: Verus Deus est solus, ut passim prædicat Scriptura: Igitur non est tres personæ. Implicat enim contradictionem, ut qui est solus, sit simul tres. Hoc sophisma ponit etià in actione 1. diei disputationis Albanæ Franciscus Dauid.

**B** Respondemus facillimè per distinctionem. Solus quidem est Deus verus, secundum essentiam rationem, non autem secundum rationem etiam personæ, quo modo noui Iudæi Seruetiani illum solum, vel potius solitarium esse arbitrantur.

**C** Quintum argumentum etiam Sophisticum: Præter Patrem, & Filium, & Spiritum sanctum nullus est Deus in diuinis: Sed Pater non est tres personæ, nec Filius, nec Spiritus sanctus: Ergo nullus est in diuinis vnus Deus, qui sit tres personæ, atq; adeò nec vna essentia, quæ sit Trinitas.

**D** Huius argumenti clara est fallacia. Primò enim peccat, quia est à non distributo ad distributum. Ut si quis diceret: Præter hunc hominem, & hunc, & hunc, &c. nullus est populus: Sed hic homo nò est populus, nec hic, &c. Ergo nullus est populus, qui sit plures homines. Secundò peccat, quia procedit à suppositione personali ad simplicem. Ut si quis argumentetur: Præter hoc indiuiduū humanum, & hoc, &c. nullus est homo,

qui sit species. Sed hoc indiuiduum non est species, nec hoc, nec hoc, &c. Ergo homo non est species. Fallacia est, nam quamuis præter hunc & hunc hominem, nullus homo sit species, accipiendo illum terminum personaliter, vt supponitur p indiuiduis; accipiendo tamen illum simpliciter, id est, pro suo immediato significato, videlicet pro humanitate in concreto, omnino assignatur homo, qui sit species. Ita in proposito, quamuis accipiendo illum terminum *Deus* personaliter, prout potest supponi pro personis, quatenus habet conditionem termini communis, non sit aliquis *Deus vnus*, qui sit Trinitas personarum; accipiendo tamen illum terminum simpliciter, prout supponitur pro illo vno simplicissimo, quod est tres personæ, datur *Deus* in diuinis, qui est Trinitas.

Sextum argumentum: Pater, & Filius, & Spiritus sanctus sunt alius, & alius, & alius; sed Pater est *Deus*, Filius est *Deus*, Spiritus sanctus est *Deus*: Ergo sunt alius, & alius, & alius *Deus*. Sed hinc manifestè variatur suppositio in syllogismi medio. Nam in Maiori, ille terminus; *Pater, & Filius, & Spiritus sanctus*, qui est eius syllogismi medium, accipitur tantum pro personis, quatenus per relatiuam oppositionem ab inuicem distinguuntur præcisè; eo enim modo

A duntaxat verum est, quod sunt alius, & alius, & alius. In Minori autem accipitur pro personis, non solum quatenus distinguuntur, sed etiam quatenus sunt vnum in ratione essentiae absoluta; sicut enim adæquatè, & non aliter, conuenit personis, vt sint *Deus*. Quare simile vitium hic committitur, ac si quis argumentaretur ita: Petrus est musicus: sed Petrus est albus: ergo est musicus albus. Nam hic similiter variatur medijs significatio seu suppositio. Secundum aliam enim rationem Petrus est musicus, videlicet, vt medicine artem didicit; & secundum aliam albus, videlicet secundum quoddam corporis accidens.

C Septimum argumentum: Filius & Spiritus sanctus habent naturam receptam: Pater non: Ergo habet aliam naturam, quam Pater. Sed hæc consequentia eadem facilitate à nobis negatur, qua ab istis fit. Eandem enim naturam numero comunicat illis Pater. Nec potest contra mysterium hoc, ex rebus quas nouimus, duci aliquod argumentum concludens, vt patet ex nostris Prolegomenis.

D Octauo, ad hunc locum pertinet illa forma argumenti, qua veteres etiam hæretici frequenter utebantur: Pater est *Deus* inginitus, Filius autem *Deus* genitus: Ergo sunt alius & alius *Deus*, non vnus & idem.

Respondet D. Gregorius Naz. orat. 3. de Theologia, & D. Basilius li. 1. contra Eunomium, & omnes alij Patres, vocabulo *Ingeniti*, non substantiam aliquam, sed negationē processionis ab alio significari: Ac proinde non sequi, quod Pater sit Deus alius diuersæ substantiæ à Filio, quia sit ingenuus. Est etiam addendum, Filium, non quā Deus est, sed quā est talis persona, esse genitū. Quare hinc non sequitur, illum esse distinctum Deum à Patre ingenito, sed distinctam personam.

Vltimò pertinet huc etiam illud Transyluanorum argumentum li. 1. c. 5. Nam si in vna diuina essentia tres personæ sint, consequens erit, vt in Deo sit rerū quaternitas, & non modò Trinitas. Id probant 1. Quia nomen essentiæ, & nomina personarum, non sunt synonyma: Ergo nomine essentiæ quarta res quædam significatur. 2. Quia essentia non generat, neq; generatur; quæ competunt personis: Ergo est alia quædam distincta res à personis. 3. Quia essentia est quasi fons vnde emanāt personæ & relationes illarum: Ergo re ab his distinguitur. 4. Quia cum in symbolo dicitur, Credo in Deum Patrem; post vocabulum Deus, ponitur virgula. Quasi alia sit res Deus siue essentia diuina à persona Patris, & similiter à persona Filij & Spiritus sancti. 5. Quia

nisi Deus ille vnus & essentia diuina sit res alia distincta à tribus personis, nullus omnino erit vnus Deus in personis tribus. Nō enim hic vnus Deus, erit persona Patris, nec Filij, nec Spiritus sancti, cum nulla istarum personarum sit omnes tres personæ.

Respondet, nihil minus quàm rerum quaternitatem inde sequi. Essentia enim diuina non re, sed ratione à personis distinguitur, vt lib. 3. cap. 3. fusè ostendemus. Nec valent aliquid ea quæ contra hoc obijciunt Transyluani. 1. Etenim vt nomina aliqua nō sint synonyma, satis est quod diuersas rationes in eadem re significant. Quod fit etiam in proposito. 2. Item vt persona generet, vel generetur, essentia autem minimè; satis est distinctio rationis essentiæ & personæ fundata in infinitate illius summæ rei quæ est essentia diuina & persona, ex qua infinitate fit, vt illa vna res æquiualeat rebus distinctis vt distinctis, sicut clariùs hoc totum intelligetur ex his quæ de hac distinctione, cap. 29. & 30. dicemus. 3. Omnino autem falsum est, essentiam esse velut fontem vnde manent personæ. Persona enim non ab essentia, sed ab alia persona manat, à qua ducit originem. Quanquam vna quidem persona aliam producit non de nihilo, sed de sua essentia. Quod quemadmodum intelligi debeat,



infrà lib. 3. explicabimus. 4. Illud verò quod de virgula obicitur, planè ineptum est. Primum enim passim illa virgula in symbolo præmittitur. Deinde siue virgula interponatur siue non; semper in ea parte symboli significamus, Deum illum in quem credimus, esse re ipsa quidem personam Patris, ac sola ratione Deū vt Deum, & Deum vt Patrem distingui: Quæ distinctio potest quidem indicari per interpositionem virgulæ, ac etiam sine virgula interposita intelligi. Nec sequitur, Filium non esse etiam Deum si Deus re ipsa sit eius Pater; vt sibi imaginati sunt Transyluani. Ille enim ipse Deus est re ipsa non modò persona Patris, sed etiam Filij & Spiritus sancti, vt suprà probatum est: neque Deus Pater à Filio suo est distinctus, formaliter vt est Deus, sed vt est illa persona à qua Filius procedit, sicut suprà cap. 22. respondimus ad argumentum primum. 5. Denique, vt sit vnus Deus in tribus personis, non oportet esse præter personas aliquam aliā rem à personis distinctam; sed hunc vnum Deum dicimus esse aliquid ratione sola distinctum; nempe ipsam essentiam quatenus in ratione sua absoluta identificat sibi tres illas personas. Qua sanè ratione non minus ipsa essentia est quiddam perfectum atque completum quod nomine illo Deus in

A concreto significari possit, quàm si esset ipsa vna quædam res seu persona distincta, vt ex his etiam quæ docebimus lib. 2. & 3. intelligetur.

B Alia istorum argumenta, quæ ex Scriptura perperam intellecta extruunt, non propriè & directè pugnant contra vnitatem essentia, & personarum distinctionem in illa, sed contra Filij diuinitatem, quæ idcirco suprà capite 22. refutata sunt.

### CAPVT XXVIII.

*Conclusio eorum quæ hætenus de hoc mysterio probata & defensa sunt, & quomodo in specie sint diluenda alia quadā argumenta quæ præter sophismata hæreticorum subtilius fieri possunt aduersus Vnitatem & Trinitatem personarum.*



D Hætenus quidem à nobis confirmata atque defensa sunt ea fidei dogmata, quæ ad distinctionem & vnitatem diuinarum personarum secundum se spectatam pertinent: quam tractationem initio cōieceramus in primum locum ex quatuor, quibus c. 1. diximus vniuersam disputationem de sanctissima Trinitate contineri. Ostendimus enim, Patrem, & Filium, & Spiritum sanctum

sanctum esse personas; & tres re distinctas; & harum personarum vnamquamque esse vnum verum ac eundem Deum per eandem essentiam diuinā illis omnibus personis communem. Itaq; qualis sit illa res summa & ineffabilis, quæ est vnicus Deus & tres personæ, hæc prior nostræ disputationis pars aperuit. Docuit namque nos fides hanc re eiusmodi esse, vt ipsa eadem sit vnum quiddam simplicissimum, & simul tamen tria: Vnum, quatenus secundum absolutam essentiam rationem, est vnus Deus: Tria, quatenus secundum personæ rationem atq; proprietatem, (quæ vt infra docebimus est respectiua) est & Pater, & Filius, & Spiritus sanctus. Talem esse summam illam atque infinitam rem, quæ est Deus, ratio quidem non capit; sed fidei Christianæ certissima reuelatio, quæ supra rationem est, hoc est, ipsemet Deus, asseuerat.

Ac est duplex ratio persuadendi, prudētissimè nos facere, quòd huic reuelationi, non rem penitus intelligendo, sed credendo, assentiamur. Vna cōtinetur communibus illis fidei nostræ argumentis, siue, vt vocant, motiuis, quibus vniuersam doctrinā Christianam fide atq; assensione prudentum dignissimam esse ostenditur. De quibus argumentis egimus in eo lib. quem inscripsimus,

**A** Analysin fidei. Altera ratio id per suadendi, eademq; disputationis huius propria, est, cū via atque ratione Theologica dissoluuntur humanæ rationis argumenta, quæ fieri possunt aduersus istud mysterium, eaque re demonstratur, nō illud esse impossibile, sed tantummodò excedere vim intelligentiæ nostræ; id quod minimè nos à credendo debet retardare, cū ipsa quoq; ratio humanæ intelligentiæ dicet præstantiorem esse oportere summam illam atque infinitam rem diuinam, quàm vt iam à nobis exploratè percipi possit.

Tunc autem via atque ratione Theologica refellūtur argumenta, quæ obijciuntur aduersus assertiones fidei, cū is qui munus respondendi suscipit, ipsam primum assertionem fidei tanquam hypothesin apud se certissimam ponit, ac deinde partim ex illa, partim ex cognitione atque scientia aliunde comparata, ostendit argumenta eiusmodi esse fallacia. **C** Procedit enim Theologia, seu defendat aliquid, seu probet, tum ex cognitione ipsa fidei, tum ex ea scientia, quæ aliunde ex rebus ipsis colligitur. Neque verò in respondente, sed in obiciente tantummodò vitium est, assertionem eam, de qua disputatur, tanquam aliàs probatam atque certam sumere.

Respondentis enim institutum propriè non est probare & euincere id, de quo disputatio est, sed solum id defendere, quod alioqui ipse habet pro certo: Obiicientis autem, id in primis probare & euincere, quod sumit, quodq; respondententi non videtur verum ac certum esse.

Hoc modo posse Theologicè refelli argumenta, quæ contra assertiones huius mysterij sunt, in genere quidem satis à nobis initio demonstratum est illis documentis, quæ de modo tractandi vniuersam hanc disputationem quasi præmij cuiusdam loco tradidimus. Sed tamen erit illustrior explicatio huius mysterij Theologica, si id ipsum in specie quoq; ostendamus, respondendo suis locis ad ea argumenta, quæ præcipuas indicent difficultates in assertionib⁹ huius mysterij. Diluamus igitur in hoc loco primùm argumenta quæ præter sectariorum sophismata hætenus refutata, fieri possunt contra distinctionem siue pluralitatē (de hac enim obscurissima materia satis mihi videtur dici eleganter, si clarè dicitur, tametsi barbarè) diuinarum personarū. Deinde illa etiam quæ possunt obiici contra illarum vnitatem siue identitatem in essentia, vt asseruntur esse vnus atque idem Deus. De hac enim vnitatem atq; pluralitate diuina secundum

A se agimus in hoc primo libro. Postea verò in sequentibus libris eas etiam difficultates expediemus, quæ ad vnumquemque huius disputationis locū (iuxta partitionem initio à nobis factam) pertinebunt. Ac vbiq; adhibita forma disputandi scholastica, maioris claritatis gratia, disseremus.

## CAPVT XXIX.

*Diluuntur argumenta quadam ad explicandas præcipuas difficultates, quæ in assertionem plurium personarum diuinarū contineri videntur.*



R I M V M argumentum contra diuinarum personarum pluralitatē est huiusmodi: Si sunt plures personæ diuinæ, consequens erit, nullam earum esse rem simpliciter infinitam: carebit enim vnaquæq; re illa atque perfectione alterius, per quam ab ea distinguitur, id est, proprietate personali, seu respectiua alterius. At hoc absurdum est: siquidem persona, quæ infinita non est, non est verè diuina: Non sunt igitur plures diuinæ personæ.

Respondendū est, nequaquam id esse consequens. Et quod dicitur in cōfirmatione, carere vnā personam re atq; perfectione alterius, hoc est, relatione siue proprietate



prietate alterius personali, distinguendum est. Si enim intelligatur præcisè, quatenus personæ opponuntur, & distinguuntur ab inuicem; omnino conceditur. Sin verò intelligatur simpliciter, ita ut nullo modo vna persona habeat proprietatem atq; perfectionem alterius; negandum id est. Quamuis enim, ut vna persona ab altera distinguatur, nō habet perfectionem alterius; habet tamen, ut est vnum in essentia cum illa. Et satis hoc est, ut simpliciter sit infinita. Nam infinitas personæ non solum ex perfectione personalis proprietatis, sed maximè etiā ex ratione essentiæ (ut ita dicam) conflatur: cū essentia sit de ratione personæ, & idem cum illa. Vnde satis intelligitur, vnamquamque personam diuinam esse infinitam hoc ipso, quod in essetia obtinet quidquid est perfectionis in aliis personis.

Quocirca vt explicentur facilius similia argumenta quæ ex distinctione & oppositione personarum ad concludendum personas nō esse infinite perfectas, peti possunt; in promptu habendum est, nihil secundum oppositionem relatiuam distingui ab altero in diuinis, quod non etiam sit idem cū illo quatenus habet in se quoq; rem atq; rationem absolutam essentiæ, in qua proinde etiam habet quidquid est perfectionis in altero, id quod sufficit ad sui infi-

nitatem. Ioannes enim in epist. 1. c. 5. non solum affirmat, Patrem, Filium, & Spiritum sanctum, *tres esse*, hoc est, esse personas distinctas ppter oppositionem relatiuam, sed etiam de his ipsis distinctis personis addit: *Et hi tres vnum sunt*, propter essentiam in qua conueniunt. Et eadem ratione apud Ioan. c. 14. Christus ipse dicit: *Ego in Patre, & Pater in me est*. Et c. 10. *Ego & Pater vnum sumus*. Ac præclare D. Athanasius in orat. contra Sabellij gregales, hanc distinctionē & simul identitatē (ratione essentiæ) diuinarum personarum, explicat illis verbis: *Filius, inquit, identitatem habet cum Patre, & tamen ipse interim Pater nō est, sed unitus natura cum Patre*. Et à D. Dionysio, 2. c. de diuinis nominibus eodem sensu dictum est diuinas personas esse coniunctas in vnum discretè & discretè coniunctim. Et similiter D. Gregorius Naz. orat. in sancta lumina inquit; *distingui Deum indistinctim & coniecti distinctim*. Quia scilicet hoc propriè est quod fides de mysterio SS. Trinitatis ponit, ita personas suis proprietatibus distingui vt simul illæ ipse sint vnum & idem ratione essentiæ. Hoc autem fundamento posito, manifestè consequitur, non posse ex distinctione personarum colligi quòd altera persona perfectione alteri in re ipsa careat, ac ideo non sit infinite perfecta: habet enim quid-

quid rei & perfectionis est in altera, quatenus est etiam vnū & idem cum illa. Hoc enim sensu D. Athanasius in orat. contra Sabellij gregales, Orthodoxè dixit: *Perfectam etiam paternitatem in Filio subsistere*. Et rursus ser. 4. contra Aria. paulò post initium: *Quidquid est*, inquit, *Filius, id vniuersum est propriū*, id est intimū, *substantia Patris*. Ac deniq; hæc intima existētia vnus personę in altera, ratione cuius vna habet quidquid perfectionis in altera est, vocauit Damascenus li. i. c. ii. *πῶς ὁ ὁμοῦς*, quam Theologi nōnunquam circumincessionem Latinè nominant.

Secundum argumentū. Vel pluralitas personarum est necessaria in ente infinito, vel non. Si nō est, ergo non est vllō modo ponenda in Deo: Totus enim Deus secundū id omne quod in eo est, est ens necessarium. Si autem necessaria est, ergo etiā in vnaqualibet persona diuina, vt persona est, debet esse pluralitas personarum; quod absurdum est. Patet consequētia. Nam persona etiā est ens infinitū.

Respōdendum est: esse quidem pluralitatem personarum necessariam in ente infinito, quale Deus est; quādoquidem ex reuelatione fidei compertum habemus eam in Deo esse; & alioqui etiā scimus nihil in ipso Deo esse quod sit contingens seu non necessariū. Quando autem inde infertur, oportere

A etiam esse in persona infinita pluralitatem talē; concedimus, si sermo sit de persona diuina secundū totam suam realitatē, ex qua constat ipsius infinitas. Sic enim vt in essentia diuina est pluralitas personarum, consequenter etiam est in persona diuina, cuius nimirum res atq; infinitas constat etiam ex diuina essentia. Sicut enim verè dixit Christus: *Ego in Patre, & Pater in me est*, ratione essentia; ita etiā verissimè dixisset: *Ego & Pater sumus in Spiritu S. & similiter Spiritus S. & Pater sunt in me*. Quod perinde est ac dicere, in vnaquaq; diuina persona esse plures personas diuinas seu pluralitatem diuinarum personarū: *Manent enim mutuo in seipsis diuina psona*, vt Orthodoxè docuit D. Dionysius 2. c. de diu. nom. & oēs alij Patres passim confirmant.

Ceterū hic simul aduertendū est, neutiquam posse pluralitatem esse personarum in ente infinito, quod est Deus, & persona diuina, nisi etiā essent in diuinis vnitates personarū, quatenus personę relatione opponuntur. Nam sicut omnis multitudo constat ex vnitatibus, ita pluralitas omnis personarū ex vnitatibus personarum; nec aliud absq; manifesta contradictione intelligi potest. Quocirca si propterea quod personarum pluralitas in ente infinito necessaria sit; in argumento pposito colligatur plures personas esse oportere

tere in persona quauis diuina, vt est etiam vna persona, quâdoquidem etiâ vt vna est infinita: distinctione opus est. Nam verum est, in persona diuina, vt secundû rationem suæ vnitatis completâ & adæquatâ in re ipsa est vna, esse personarum pluralitatem, quatenus essentia illius est plures personæ. Sed tamē non ita in persona diuina, vt vna, sunt plures personæ, quasi ipsa vt est vna, sit personæ illę plures. Tunc enim non esset vna; & consequenter si nō essent in diuinis quædam vnæ personæ, nulla omnino esset ibi personarum pluralitas, vt dictum est. Neq; verò ad infinitatem vnus personæ, vt est vna, necesse est vt sit plures personæ, sed satis est, vt verè plures personæ sint in ipsa. Sicut verè Pater est in Filio (iuxta Christi sententiam) quamuis Pater non sit ipse Filius.

Tertium argumentum. Vnitas essentia diuinę in vna hypostasi, ad omnia omnino sufficit, quæ possunt esse necessaria in ente infinito, qualescūt De<sup>o</sup>. Ergo superuacanea est in tali ente pluralitas personarū, atq; adeo omnino non est. Antecedēs probatur, quia vnitas essentia est simpliciter infinita. Quid autē omnino vel in Deo vel extra Deū est, ad quod id non sufficiat q̃ simpliciter infinitum est?

Respondeo. Verissimū est, vnitatem essentia diuinę simpliciter infinitam esse prout est in re. Sed nego tunc argumenti consequen-

tiam. Ratio autem cur negem, est, quoniam illa vnitas in re non esset infinita simpliciter, atq; adeo neq; ad omnia sufficiens, nisi esset etiâ, vt est, plures personæ. Ex hac enim pluralitate constat etiam eius infinitas. Quare talis pluralitas superuacanea nō est. Neq; verò hoc temerè dicimus, sed reuelatione diuina eruditi, quæ talem esse omnino rationē infiniti ac summi illius entis certissimè nos docet.

Quantum argumentū. In diuinis nihil est, quod nō sit de intrinseca ratione & quidditate essentia diuinæ, sumēdo sanè rationem eam & quidditatem obiectiue, vt est in re ipsa. Atqui pluralitas personarum non potest esse de intrinseca ratione essentia diuinę: Ergo talis personarum pluralitas in diuinis nō est. Maior ppositio per se clara est. Nā quidquid est in Deo, Deus est. Minor pbat̃ur tripliciter. Primò, quia tunc essentia diuina non esset summè simplex, siquidē contineret intrinsecè realitates distinctas. Secundò, quia inde sequeretur essentiam diuinam nō esse ens vnum per se, sed per aggregationē. Etenim ex pluribus entib. in actū perfectis, vt Philosophus docet, non potest constare vnum per se. Atqui plures personæ diuinę sunt entia perfectissima & completissima: Ergo minimè potest ex illis vnū per se constare. Quod rursus hac ratione confirmatur. Pluralitas personarum creaturarum non



potest constituere vnum ens per se; idq; ob eam causam, quia sunt in actu perfectæ: Ergo multò minus id poterit pluralitas diuinorum personarum, cum sint infinitè perfectæ. Tertiò eadem minor inde probatur, quòd si de ratione essentię sunt tres personę, ergo de nulla persona per se affirmari poterit, qd sit essentia diuina, quòd quidē nulla persona est tres personæ: non enim Pater (verbi gratia) est etiā Filius, & Spiritus sanctus.

Respondeo falsam esse omnino argumenti minorem: quin immò asserimus personas esse, prorsus de ratione & quidditate diuinę essentię. Primum enim ita docet D. Athanasius in orat. contra Sabellij gregales; vbi explicans propriam & adęquatam rationem diuinitatis: *Vniuersa, inquit, plenitudo & integritas Deitatis est Pater ut Pater, & Filius ut Filius.* Et infrā: *Idē, inquit, de Patre & Spiritu sancto est existimandum.* Iam si diuina essentia est Pater, & Filius, & Spiritus sanctus, vt tales sunt: igitur Pater, & Filius, & Spiritus sanctus sunt de ratione essentię diuinę. Et clarissimè idē Athanasius serm. 4. contra Arian. nō longè ab initio dicit: *Ipsum proprietatem Patris, essentiam Filij constituere.* Idem docet D. Gregorius Naz. orat. in sancta lumina: *Vnum, inquit, in tribus diuinitas est, & tria vnum ea in quibus diuinitas est, vel, vt magis propriè, inquit, loquar, tria sunt*

*ea quę ipsa diuinitas est.* Et in epistol. ad Euagrium monachum, cum is obieciisset, videri diuinā essentiam compositam, si ex tribus ipsa personis constat; nequaquam D. Gregorius Naz. negat, illam ex tribus personis esse constitutam, sed aliis modis conatur defendere eam nihilominus non esse compositam. Omnes quoq; alij Orthodoxi Patres, cum fatentur, essentiā vnā & (quod idem est) vnū Deum esse tres personas, pcul dubio intrinsecè & essentialiter tres personas esse intellexerunt: Cum in Deo ipso nihil insit extrinsecum vel accidentarium essentię suę. Idem docet scholasticę Theologię princeps D. Thomas 1. p. q. 27. art. 2. ad 3. arg. Et infrā li. 3. c. 3. ostēdemus, personas ab essentia nullo modo formaliter ex natura rei distingui. Vnde euidenter sequitur esse illas de adęquata ratione essentię.

Itaq; neganda est, vt dicebam, argumenti minor. Ad primam autem illius probationē, respondetur, non ob stare eiusmodi personarum pluralitatem simpliciteri essentię diuinę. Vt enim respōdet Gregorius Naz. Euagrio monacho; nequaquā de diuinis personis distinctis, ita vt de aliis distinctis rebus, quę compositionē in creaturis faciunt, cogitandū est. Conuenit enim his personis nō modò vt secundum oppositionem relationum distinguantur, sed simul e-

tiam

tiam vt secundum rationem absolutam sint atq; constituent quiddam vnum simplicissimum quod est ipsa essentia diuina.

Sed vrgebit hoc modo aliquis: Personæ diuinæ sunt in diuinis, non solum quatenus re ipsa sunt vnum & idem absolutum, sed etiam quatenus relatione opponuntur, atque adeò, vt etiam sunt distinctæ & plures: At quidquid est in diuinis, secundum omnem rationem quæ ibi est, oportet esse intrinsecum essentiæ diuinæ: Ergo personæ non solum, vt identificantur, secundum rationem absolutam, sunt quiddam intrinsecum essentiæ, sed etiam vt distinguuntur, atq; adeò videtur sequi illud idem quod prius, scilicet, essentiam non esse summè simplicem.

Respondetur; Cōcedendo quidem, vt probatur, personas, etiam vt distinctas, re ipsa esse intrinsecè in essentia & idem cum illa, sed tamen hæc pluralitas nō obstat illi summæ simplicitati quam essentia habet, vt illæ ipsæ personæ oppositæ & distinctæ, simul etiam in ea identificantur. Ratio est, quia pluralitas hæc personarum non est pluralitas rerum aliquarum, quæ, vt distinctæ sunt, componant aliquod vnum, quod vllō modo sit perfectius quolibet componente; sed est simpliciter pluralitas personarum, quæ non est com-

A positio, vt patet etiam in personis creatis. Ex hoc igitur, quod re ipsa de quidditate essentiæ sint personæ, vt etiā plures sunt, & non solum vt sunt idem in ratione absoluta; solum concluditur id, quod fides tradit, de mysterio sanctissimæ Trinitatis: nempe quidditatem seu rationem illam summam, quæ re ipsa est essentia diuina, habere ex se, & vt sit plures personæ, quæ pluralitas nō est compositio propter rationem dictam, & vt etiam sit quiddam vnum simplicissimū. Neq; ista duo pugnant. Nam simplicitati solum obstat pluralitas, quæ est tantum pluralitas, & non etiam identitas; itemque pluralitas compositionis alicuius vnus quod sit perfectius componentibus. Quod si quis in proposito vltterius vrgeret vellet compositionis vocabulum, statim incidet in questiones inanes de nomine.

Ad secundam probationem illius Minoris argumenti quarti, respondeo, quod dici solet: Ex pluribus entibus in actu perfectis non posse constare vnum per se; tantummodò verum esse, quando plura entia perfecta non sunt etiā vnum quiddam per identitatem, vt vsu venit in rebus creatis. Vbi autem plura sunt etiam vnum per identitatē, sicut sunt in mysterio Trinitatis; nihil obstat illorū aut perfectio aut distinctio, quo minus constituatur ex illis vnū quiddam

dam per se. Atque ex hoc ipso patet responsio ad confirmationem illius secundæ probationis. Causa enim cur plures personæ creatæ non possint cōstituere vnum per se, est, quia non sunt etiam vnum per identitatem, sicut sunt personæ diuinæ.

Ad tertiam denique probationem respondeo. Quamuis vnaquæque persona non sit tres personæ, est tamen aliquid, quod est idem, & nullo modo ex natura rei distinctum à tribus personis, & quod in se etiam continet totam illam rationem trium personarum intrinsicam essentia. Hoc autem satis est, vt vnaquæque persona per se sit diuina essentia: neque opus est, vt sit etiam ipsa tres personæ, quatenus distinctæ sunt inter se. Quod aliquo modo possumus exemplo declarare. Si enim de intrinseca essentia hominis non solum esset animal rationale, sed etiam eadem essentia hominis, haberet quandam aliam rationem, quæ actu, sine vlla distinctione formali ex natura rei, contineret totum id, quod est animal rationale; hoc ipso præcisè, quod aliquid esset res essentia hominis sub illa ratione, satis intelligeremus id esse essentiam hominis. Ita igitur in proposito: Cùm essentia diuinæ intrinsicè competat, vt sit non modò personæ, vt distinctæ sunt, sed etiam vnum quiddam absolutum

A simplicissimū, quod actu sine vlla distinctione ex natura rei, continet totam illam rationem personarum distinctarum inter se; satis vnaquæque persona est essentia diuina hoc ipso quod est illud vnum absolutum, quod est tres personæ distinctæ, licet nō sit etiā ipsa personæ distinctæ. Nā quia ratio essentia diuinæ est, vt sit quoque tres personæ distinctæ; necesse est, nullam personam esse etiā personas distinctas; siquidem tunc tolleretur omnis personarum distinctio. Et quamuis, vt dictum est, inter vnum illud absolutum quod est essentia, & personas distinctas, nulla sit actualis distinctio; tamen est inter hæc distinctio quæ dā virtualis quæ sufficit, vt persona quælibet sit illud vnum absolutum, quod est etiā alię personæ, & tamen non sit alię personæ: sicut sequenti capite declarabimus. Ac mihi videtur D. Greg. Naz. orat. 5. de Theolog. hanc rem totam præclare indicasse cū subtiliter dixit: *Filius non est Pater, sed quod Pater: Nec Spiritus sanctus est Filius, sed quod Filius. Aug. ita* (inquit ibi) *inconfusarium personarum distinctio in vna diuinitatis natura conseruatur.* Et in eandem sententiam D. Aug. in Psal. 48. conc. 1. *Quidquid* (inquit) *est Pater quod Deus est, hoc est Filius, hoc est Spiritus sanctus.*

Quintum argumentum. Ex infinitate Dei demonstrant Theologi, & nominatim D. Thom. 1. p.



q. 11. impossibile esse pluralitatem Deorum: Ergo ex infinitate personarum diuinarum potest etiam demonstrari, impossibile esse pluralitatem personarum; vel si hoc demonstrari non potest, neque illa demonstratio Theologorum valebit. Respondeo: Negandam esse consequentiam. Nam pluralitas Deorum esset pluralitas rerum diuersarum, quæ in nulla identitate conuenirent. Si quæ autem res ita diuersæ & distinctæ sunt, fieri non potest, ut quælibet illarum sit infinite perfecta; cum necesse sit alteram carere simpliciter perfectione alterius. At verò pluralitas personarum non est talis; est enim coniuncta cum conuenientia identica in eadem essentia diuina, ratione cuius una persona distincta habet quidquid est perfectionis in altera, uti suprà in responsione ad argumentum primum satis declaratum est.

## CAPVT XXX.

*Respondetur ad alia quedam argumenta, quæ ostendunt in hoc propriè difficultatem, quòd una essentia asseritur in tribus personis.*



**A**DVERSUS unitatem etiam diuinæ naturæ, secundum quam tres diuinæ personæ, licet inter se distinguantur, asseruntur

**A** esse idem Deus, atque adeo res eadem; occurrunt præcipuè tria argumenta, quæ sunt dissoluenda, ut Theologica explicatione mysterium hoc magis illustretur. Primum est huiusmodi: Si Pater (verbi gratia) secundum essentiam est unum & idem re cum Filio, & secundum proprietatem suam personalem re ab eo distinguitur; Consequens est, ut idem in re ipsa sit, & non sit aliud quiddam; atque adeo, ut idem de eodem affirmari & negari possit. Nam Pater secundum essentiam, & secundum proprietatem suam personalem est quiddam unum & idem; quod tamen secundum essentiam dicitur esse idem, quod est Filius, & secundum proprietatem non esse. At hoc consequens pugnat cum illo certissimo principio: Quodlibet est, aut non est; siue, De uno & eodem, non verum est idem affirmare & negare: Ergo & assertio unde id consequitur.

**D** Respondendum est, proprietatem personalem, hoc est, relationem paternitatis & essentiam in Patre, quamuis actu non distinguantur re ipsa; distinguuntur tamen (ut loquuntur Theologi) virtualiter. Quod nihil aliud est, quam rem, quæ est paternitas & essentia in Patre, cum sit simpliciter infinite perfecta, æquiuale re etiam distinctis, ut distincta sunt, atque adeo perinde sine vera contradictione idem

idem de illa re, ut est paternitas, negari, & de eadem, ut est essentia, affirmari posse, ac si, ut est paternitas, & ut est essentia, distingueretur re ipsa actu. Principium autem illud: Quodlibet est, aut non est, intelligendum est de quolibet vno & eodem, quod neque actuali, neque virtuali distinctione, quæ in perfectione infinita fundata sit, distinguitur. Nam si aliquid vnum virtualiter ob infinitam sui perfectionem distinguatur, hoc est, si per infinitam perfectionem distinctis ut distinctis æquiualeat; non minorem perfectionem habet, quam si actu haberet distinctionem. Vnde, sicut si esset actualis distinctio, posset tunc fundare veritatem affirmatiuæ & negatiuæ propositionis re ipsa; ita etiam est credibile, quod iam possit cum virtuali distinctione, cui nihil omnino deest propter infinitatem, & propterea ad omnia sufficit. Quanquā nos quidem nunquam possumus omnino capere, quomodo ea virtualis distinctio ad hoc sufficiat: sed tamen neq; hoc ipsum possumus ex iis quæ nobis sunt nota, impugnare: quippe cum illud ens diuinum infinitè sit altioris ordinis, & obstet diuina reuelatio quo minus illam propositionem vniuersalem, *de eodem actu non potest secundum rem ipsam idem affirmari & negari*, accomodemus etiam illi enti diuino:

A sicut eadem reuelatio obstat aliis argumentis similibus contra assertiones fidei de rebus diuinis, ut suprà docuimus in plegomenis.

Atque ex hoc eodem fundamento oportet ferè omnes huius materiæ difficultates explicare. Hinc enim videbimus infra lib. 3. quomodo etsi re sint idem essentia & persona; tamen propter distinctionem virtuales, essentia ut essentia, re ipsa sit cōmunicabilis, & persona ut psona non itè. Quod autè aliqui in huiusmodi difficultatibus recurrunt ad distinctionem rationis ex parte intelligentiæ nostræ; non satis firmum periculum id est, ubi disputatur de affirmatione & negatione identitæ eiusdem de aliquo, non solum secundum diuersas rationes formales de re conceptas, sed etiam secundum rem ipsam materialiter (ut ita dicam) sicut in hoc mysterio oportet sæpe disputare. Quare illo potius fundamento in distinctione illa virtuali à doctissimis Theologis constituto, utendum censeo in hac materia ad eiusmodi difficultates expediendas.

D Verū aduersus hoc ipsum fundamentum obiciet hic aliquis, infinitatem quidem perfectionis illius entis diuini, in qua virtuales illam distinctionem stabili-mus, posse quidem valere ad hoc, ut si quid est perfectum, id de ente infinito affirmetur; non autem ad hoc

ad hoc ut aliquid perfectum negetur de ente infinito: cum videatur sanè infinitati potius perfectionis repugnare, ut aliquid perfectionis illi per negationem detrahatur: nos verò illa etiam, quæ perfectionis in re diuina sunt, propter illam distinctionem de re diuina negare; ut quum dicimus, illud quod est Pater, ut est Pater, non esse Filiū, verbi gratia.

Respondendum est, infinitatem ob stare quidem quo minus aliquid perfectum negetur ita de re infinita, ut duntaxat negetur, & non etiam alia ratione affirmetur re ipsa de illa; quia tunc careret simpliciter illo. Quod autem aliquid ita negetur de re infinita, ut etiam affirmetur propter virtutalem distinctionem, minimè repugnat eius infinitati, immò est id maxime illi consentaneum; ut eatenus æquiualeat rebus distinctis in fundanda videlicet veritate affirmationis & negationis, sicut exposuimus. Quod totum ex reuelatione ipsa fidei de hoc mysterio, atque adeò de conditione infinitatis illius summi entis, colligimus: quæ reuelatio nullo argumento refutari potest, quantumvis sit admiranda.

Sed rursus obiectionem ita urges: Ergo illa res quatenus de illa aliquid negatur, non est infinita. Respondeo: Ea quidem ratione præcisè, concedo. Sed est infi-

nita, quatenus re ipsa illi conuenit, non solum ut non sit illud, quod de illa negatur, sed etiam ut alia ratione virtualiter distincta illud ipsum sit. Vnde quia utrumque istorum, videlicet & ut sit, & ut non sit illud, re ipsa semper est in re coniunctum; semper etiam res ea diuina, de qua idem secundum distinctionem virtutalem affirmatur & negatur, est re ipsa infinita. Quamuis cum nos quidem inadæquato quodam conceptu præcisè duntaxat consideramus negationem, nondum consideramus id, per quod adæquatè illa res est infinita: quia nondum consideramus quidquid illi rei adæquatè re ipsa competit: non est autem res illa infinita, nisi secundum id totum, quod adæquatè habet, atque adeò secundum quod idem affirmatur & negatur de illa secundum distinctionem virtutalem.

Quid igitur? dicet postremò aliquis. Erit ne concedendum, rem diuinam, quæ est Pater, esse finitam, quatenus non est Filius?

Respondeo: Minimè, sed tantum ea quidem inadæquata ratione præcisè, non esse vel potius non cognosci esse finitam. Neque enim secundum quemcunque inadæquatum conceptum rei oportet rem esse vel infinitam, vel finitam: sed satis est, ut alterutrum ei cōueniat secundum id totū, quod



res ipsa est, & esse intelligitur. Totum enim, quod est in re, spectari oportet, ut intelligatur quantum perfectionis res habeat, vel quantum ei desit. Quod si res diuina, quæ est Pater, adæquate spectetur non solum secundum id, quod non est, sed etiam secundum id totum, quod est, ut percipitur ab ipso Deo & à beatis, simpliciter est infinita, ut iam antè diximus.

Secundum argumentum ducitur ex illo etiam notissimo principio: *Quæ sunt eadem vni tertio, sunt eadem inter se.* Vnde consequi videtur, si Pater & Filius secundum proprietates suas personales, hoc est, secundum paternitatem & filiationem, sunt idem cum essentia diuina, & huius ratione vnus & idem Deus; nequaquam ipsos posse inter se distinguere; aut si inter se sunt distincti, non esse illos vnum & idem in tertio, nempe in essentia diuina.

Ioan. Capreolus in 1. lib. sent. d. 2. q. 3. a. 1. ut respondeat ad hoc argumentum, tres adfert in proposito explicationes illius principij seu maximæ, quæ sunt eadem vni tertio, sunt eadem inter se. Prima est, intelligendum id esse de his quæ sunt eadem vni tertio re & ratione: alioquin non esse generatim verum, ut patet in actione & passionem, quæ quamuis concedantur esse idem re cum motu, quia tamen differunt ab illo ratione, non sequitur, quod actio sit passio. Quoniam igitur

Appropriates personales distinguuntur ratione ab essentia; non sequitur eas esse idem inter se propterea quod sint idem re cum essentia. Atque ita respondet S. Thomas ad id argumentum 1. p. q. 28. a. 3. Secunda expositio est, illa quæ sunt eadem vni tertio, esse eadem inter se, vel esse eadem alicui, quod utriusque extremorum identificatur, & ita esse in presenti. Nam paternitas est eadem cum essentia quæ identificatur paternitati & filiationi. Tertia expositio, quam etiam Caietanus 1. p. q. 28. a. 3. adhibet, est, quæ sunt eadem vni tertio, esse eadem inter se, quoad id solum, in quo sunt eadem cum tertio. Et sic esse in presenti. Nam paternitas & filiatione sunt eadem inter se, quoad rationem absolutam & essentialem, in qua tanquam in tertio quodam identificantur.

Ceterum nulla istarum explicationum videtur esse satis commoda. Non prima. Nam quamuis sola distinctio rationis extremorum à tertio impediatur, quo minus extrema sint inter se idem secundum suam etiam formalem rationem; non impedit tamen, quo minus, ut sunt re eadem cum tertio, sint etiam re eadem inter se, ut patet in illo ipso exemplo actionis & passionis. Quamuis enim actio & passio non sint idem secundum rationem formalem; tamen re ipsa quidem sunt idem etiam inter se, hoc

hoc ipso quod asseruntur esse re idem cum tertio, nempe cum motu. Quod et ita sit, non est illa prima expositio sufficiens ad propositum nostrum. Nam filiatio & paternitas, non tantum ratione, sed etiam re inter se distinguuntur, ac sunt duæ res quædam; cum tamen sint re idem cum tertio, nempe cum essentia diuina. Quod quemadmodum non repugnet, superest explicandum aliunde, quam ex distinctione rationis eiusmodi proprietatum ab essentia diuina. Nam non obstante ea distinctione rationis, videntur eæ proprietates propter illam Maximam debere esse re idem inter se, quandoquidem re sunt idem cum tertio.

Secunda etiam expositio minus adhuc commoda videtur. Nam dicere satis esse, ut quæ sunt eadem vni tertio, sint eadem alicui, quod identificetur cum illis, perinde est ac dicere, satis esse, ut sint eadem vni tertio. Illud enim quod identificatur illis, est tertium. Vnde sic respondere ad argumentum, solum est concedere assumptum, videlicet filiationem & paternitatem esse realiter idem vni tertio, & nihil dicere ad consequentiam, qua inde, vi illius Maximæ inferitur, esse quoque realiter idem inter se.

Tertia denique expositio eodem vitio laborare videtur. Nam quod

dicatur paternitatem & filiationem esse idem inter se secundum rationem absolutam & essentialem, perinde est ac tantummodo dicere, esse idem in tertio. Illa enim ratio est quoddam tertium, in quo identificantur. Item hæc tertia expositio auget argumenti difficultatem. Nam sic argumentabitur aliquis: Quæ sunt eadem vni tertio, quoad id, in quo sunt eadem vni tertio, sunt eadem inter se: sed paternitas & filiatio, quoad suam realitatem, sunt eadem vni tertio, ergo realiter quoque sunt eadem inter se. Atque hoc est argumentum Aureoli apud Capreolum loco citato, quod non satis dissoluit 1. par. quæst. 28. art. 3. Caietanus, nec verò ipse Capreolus.

Facilius igitur & commodius & quidem ex mente etiam Theologorum omnium respondere possumus, illam Maximam intelligendam esse, quando tertium ex sui ratione habet tantummodo, ut sit re vnum; si autem ex sui ratione non solum habet, ut sit re vnum, sed etiam, ut sit re plura, non potest verificari illa Maxima de tali tertio: inferre enim ex identitate extremorum in tali tertio, quod illa inter se extrema non sint re distincta, sed eadem; esset inferre naturam talis tertij, ut patet. Quoniam igitur in proposito nostro illud tertium, scilicet diuina essentia, est talis res, quæ in sua ratione

tione includit etiam relationes, seu proprietates personales distinctas realiter, nihil efficit argumentum ex illa Maxima petitem. Distinguenda enim ea Maxima in proposito est, iuxta doctrinam traditam suprā in Prolegomenis. Si enim intelligatur vniuersaliter de omni omnino tertio etiam infinito quale diuina essentia est, falsa est; neque ex inductione ex rebus creatis collecta, potest ita vniuersaliter probari, cum obstat reuelatio diuina quo minus eandem esse rationem putemus in illa etiam summare, quæ est diuina essentia, vt docuimus in Prolegomenis. Si autem intelligatur ea Maxima de omni tertio, quod duntaxat habet, vt sit re vnum, cuiusmodi sunt res omnes creatæ; sic vera est; sed tunc non potest ex ea Maxima colligi, proprietates personales, quia sunt re idem cum tertio, quod est essentia diuina, esse etiam re idē inter se. Est enim essentia diuina alterius rationis tertium, vt diximus.

Tertium argumentum continetur quodam syllogismo, qui esse videtur ex eodem genere syllogismorum, qui expositoriij syllogismi vocantur, & certō concludunt. Potest enim quispiam ex fidei assertionibus hætenus confirmatis talem formā syllogismi aduersus illas ipsas deducere: Hic Pater est hæc essentia diuina: Et hæc essentia

diuina est Filius: Ergo hic Pater est Filius. Ac proinde non consistit personarum distinctio cum essentia vnitatem, neque è contrario.

Respondendum est, in rei veritate non esse expositoriū, sed fallacem eum syllogismum. Nam medius terminus in syllogismo expositorio ita debet significare re singularem, vt ea res singularis ex se non habeat etiam esse plura realiter: alioquin æquiualebit eiusmodi medius terminus termino communi, qui, p inde nisi in altera premissarum distribuitur completè, hoc est, nisi accipiatur vniuersaliter, consequentia erit nulla. Vt si quis ita argumentetur: Animal est lupus: Equus est animal: Ergo equus est lupus. Hic enim quia medius ille terminus, *animal*, nec in Maiore, nec in Minore supponitur pro omni animali, sed pro diuersis; consequentia est nulla, propter variam suppositionē medij. Sic igitur in proposito, quoniam essentia diuina, quamuis sit singularis, tamen ex se est etiā plura realiter, hoc est, plures personæ; & quia ideo terminus essentia æquiualeat, quoad propositum, termino communi; oporteret, vt ille syllogismus factus bonus esset, terminū essentia, qui est medius, in maiori, aut minore completè distribui. Vt quando in Maiori dicitur: Hic Pater est hæc essentia diuina; sensus esset: Hic Pater est omne, quod est



est essentia diuina. Vel certè cum in Minore dicitur: Hæc essentia diuina est Filius; sensus esse deberet: Omne quod est essentia diuina est Filius. Tunc autem, quamuis syllogismi forma esset bona, tamen assumptæ propositiones essent falsæ: quia aliquid est essentia diuina, quod non est Pater. Est enim essentia diuina Filius, & Spi-

ritus sanctus, qui non est Pater. Et similiter aliquid est essentia diuina, quod non est Filius, nempe Pater, & Spiritus sanctus.

Atque hæcenus in hoc primo libro, quæ ad personarum Trinitatem in vnitatem diuinitatis secundum se attinebant, confirmata & defensa & nonnihil etiam explicata sint.



LIBER SECVNDVS,  
DE IIS QVÆ  
PERTINENT AD  
PERSONAS INTER

se comparatas.

CAPVT PRIMVM.

*Quanam, & quàm variâ sit secundum fidem Orthodoxam diuinarum personarum inter se comparatio, & qua in hoc genere tractari possint, quæstiones Theologica.*



MNIS personarum diuinarum inter se comparatio est secundum aliquem illarum ordinem. Et quidem, ut D. Gregorius Naz. orat. I.

de pace sub finē verissimè ait: *Sola ipsa adoranda Trinitas, quo ordine erga se sit, intelligit. Sed quamuis id ipsi perspicuè non intelligamus, credimus tamen per fidem certissimam edocti, & vnum quendam ordinem inter diuinas personas*

non esse, & alios quosdā ordines, A quos intelligentia nostra distinguimus, inter eas esse, ratione quorum possint diuersa ratione comparari. Non est in diuinis personis ordo aliquis perfectionis, secundum quem aliqua persona sit vel duratione prior, vel perfectione melior, vel naturā atque potestate præstantior, quàm alia. Est tamen B nihilominus inter diuinas personas quadruplex ordo, ut non sine certa methodo atque ordine doctrinam omnem quæ ad hunc locum pertinet, complectamur. Primus ordo est *originis*, nempe ut intelligimus personam vnā procedere ab altera. Secundus ordo est *relationum*, secundum originem. Nā quatenus Pater, verbi gratia, genuit Filium, & Filius est genitus à Patre: Pater secundum rationem eius originis refertur ad Filium relatione paternitatis, & Filius relatione filiationis ad Patrem. Tertius ordo est *æqualitatis*, quatenus omnes tres personæ diuinæ & perfectionis magnitudine, & æternitate, & potentia intelligun D tur esse pares. Quartus ordo (ut docendi causa sic appellem) est *missionis*, ut nimirum vna diuina persona ab altera mitti dicitur.

Hi omnes ordines, cum in personarum diuinarum distinctione fundati sint, consequenter ab illis hæreticis negantur, qui, ut supra lib. I. cap. 5. commemorauimus,

aliquam esse in Deo personarum distinctionem, impiè negarunt. Nominatim autem de Eunomio refert li. I. contra eundem D. Basilium quod dixerit: *Non oportere dicere, in Deo ordinem esse: quia ordo, inquit, posterior est ordinante.* Contra quem Basilius: *Non intellexit, inquit, aut vtrò occultauit, quod est quadam ordinis species non ex nostra positione consistens, sed ad naturæ consequentiam contingens. Velut ignis ad lucē quæ in ipso est. In his enim priorem causam dicimus* (causam hinc dicit more aliorum etiam Græcorum Patrum, pro principio) *posterius autem id, quod ex ipsa est: non intervallo hæc inter se disparantes, sed ratione causam* (id est principium) *priorem causato* (id est producto) *intelligentes. Quæ igitur ratione ordinem in Deo reprobatur?*

Et quidem, quod attinet per se ad ipsam assertionem fidei, nullo negotio ex euidentibus testimoniis diuinæ Scripturæ probari possunt illi omnes ordines diuinarum personarum, quos docendi causa quadripartito numerauimus. O r d o quidem originis, quem & Augustinus lib. 4. super Genes. cap. 34. & 35. (propterea, quod illo diuina natura personæ procedenti communicatur) ordinem naturæ vocat; probatur manifestè illis locis: *Ego ex Deo processi.* Ioannis cap. 7. Et: *Spiritus veritatis qui à Patre procedit.* Ioannis

nis cap. 14. Item illis omnibus locis, quibus Filius genitus à Patre dicitur. Loquuntur etiam de hoc ordine originis siue processioneis Concilia & Patres pro fide vnitatis & distinctionis personarum à nobis suprâ libro 1. capite 20. citati. Ac nominatim illum asserunt Iustinus in confessione rectæ fidei, Tertullianus libro contra Praxeam. Gregorius Nazianzenus oratione prima de Filio, & oratione in sancta lumina, &c. Qui etiam docent, diuinam naturam per originem ei personæ, quæ procedit, communicari.

Ex qua doctrina error coarguitur eorum Sectariorum, qui (vt refert Genebrardus libro primo de Trinitate) autotheani nominati sunt, eò quòd senserint Filium habere diuinam naturam à se, non à Patre. Nam si Filius, vt persona est, producit à Patre; eo ipso fatendum est illum habere diuinitatem à Patre. Hoc enim in renihil aliud est, quàm Filium, vt persona est, produci à Patre subsistentem in illa eadem natura, quam habet Pater. Quo ipso Filius habet eam naturam à Patre. Quod si alioqui autotheani fateantur, Filium in ratione personæ procedere à Patre; apertè pugnant secum. Nam eo ipso falsum est, quod aiunt, non habere illum Deitatem à Patre.

**A** Quidquid verò sit de illorum sententia & mente ( Nullum enim ab ea factione, quod sciam, satis apertum scriptum euulgatum est ) habemus præter testimonia paulò antè citata Ioannis cap. 7. & 14. quibus etiam pater, Filium habere Deitatem à Patre & non ex se, etiam alia ad hanc rem propriè accommodata. Ioannis cap. 5. *Sicut Pater habet vitam in semetipso, ita dedit Filio, &c.* Et capite sexto: *Ego vivo propter Patrem.* Et capite septimo: *Ego scio eum, quia ab ipso sum.* Et capite decimo: *Quod dedit mihi Pater, maius omnibus est.* Et Matthæi cap. vñ. decimo: *Omnia mihi tradita sunt à Patre meo.*

**C** Sed argumentantur autotheani, vt refert Genebrardus. 1. Quia essentia nō generatur. Respondetur. Filius non habet essentiam à Patre tanquam productā aut genitam, sed tantum vt communicatam, hoc ipso, quod Filius producit subfistens in illa. 2. Quia ergo est (inquiūt) precariò Deus. Respondetur. Nihil minus sequi, quandoquidem naturaliter eum Pater produxit. Tribuit etiam Genebrardus hunc errorem Caluino li. 1. instit. cap. 13. Sed reuera si attentè Caluinus legatur, tantum videbitur voluisse, Filium, vt Deus quidem essentialiter est, ex se esse, & solummodò, vt persona est, esse ex Patre. Id quod verum est.

Nam



Nam licet verissimè Patres & Concilia asserant, Deum esse ex Deo, accipiendo vocabulū Dei personaliter, vt scilicet significat quoque personam ipsam Patris & Filij: tamen Filius quatenus essentialiter Deus est, id est, vt est illud vnum simplicissimū quod est Deus, non est ab alio, quia vt sic, est quid absolute. Quod si hoc tantū alij hæretici, quos autotheanos nominant, voluerunt, non esset cum illis hac de re certandum. Nam & in eo sensu videtur Epiphanius hæresi 69. Filium appellasse autotheon.

ORDO autem relationum secundum originem, illis itidem Scripturæ testimoniis certissimè probatur, in quibus ipsæ diuinæ personæ nominibus relatiuis nobis significantur. vt nomine Patris, Filij, Verbi, Spiritus sancti. Nam & Verbum, alicuius dicentis est Verbum; & Spiritus etiam, alicuius est Spiritus. Ac passim relationibus distinguuntur diuinas personas asserunt S. Patres; D. Dionysius 2. c. de diu. nom. Athanasius orat. 2. & 4. contra Ariam. & in Dialogo de Trin. contra Anomæ. pag. 664. Gregorius Naz. orat. 1. & 4. de Theolog. Basilii in serm. de fide, & li. 1. & 2. contra Eunom. Cyrillus li. 7. thesau. c. 1. Augustinus li. 5. de Trin. c. 3. & 5. & c. Et ita etiam in Concilio Toletano XI. c. 1. & in Florentino. expressè definitum est.

A Quocirca & ab Orthodoxis omnibus tanquam certissimum axioma ponitur, in diuinis omnia esse vnum, vbi non obuiat relationis oppositio. Id quod ex illo Concilio Toletano & Florentino præsertim sess. 18. colligitur.

B ORDO verò æqualitatis supra lib. 1. satis probatus est, cum diuinitatem Filij, & Spiritus sancti ex plurimis testimoniis Scripturæ sacre, ac nominatim c. 17. ex iis quæ consubstantialitatem diuinarum personarū declarant, demonstraremus. Nā quæ persona verè Deus est, nulla re vel ratione potest esse aliā persona inferior. Atque ad hoc maximè aduersus hæreticos comprobandum Orthodoxi olim Patres studium suum omne contulerunt.

ORDO denique missionis non potest euidētius significari, quàm significatur illis testimoniis: *Qui me recipit, recipit eum qui me misit.* Matth. 10. Et: *Misit Deus Filium suum.* Ioann. 3. Et: *Spiritus veritatis, quem ego mittam vobis à Patre.* Ioan. 14. Et: *Quem mittet Pater in nomine meo, &c.*

D Sed cum hæc ex fide comperta sint, quædā præterea de vnoquoque ordine istorum Theologicè disputantur, quæ cum explicata sunt, mentem mirificè illustrent atque confirmant, ne vllis vel hæreticorum, vel gentilium Philosophorum cauillationibus à fide SS.

Tri-

Trinitatis dimoueat. Nam de ordine originis superest explicandum, 1. Qui tandem fiat ut processio siue productio diuinæ personæ in natura diuina locum habere possit, nec tamē ideo natura diuina ex se imperfecta sit, quamuis recipiat in se personæ processionem? 2. Qui potuerint in diuinis esse plures quàm vna processio? ponit enim fides, ibi esse processiones duas, alteram Filij, & alteram Spiritus sancti. 3. Cùm omnis processio sit secundum aliquam operationem, docendum est etiam secundum quas operationes existant in diuinis illæ duæ processiones? 4. Item, docendum quænam sit ratio & discrimen illarum processionum, & quam ob rem processio Spiritus sancti non æquē sit generatio atque processio Filij? 5. Explicandum, quodnam sit proprium vniuscuiusque processionis principium, hoc est, vnde habeat originē Filius, & vnde etiam Spiritus sanctus? 6. Disputandum etiam vtrum ita necessariò Spiritus sanctus procedat etiam à Filio, ut ab eo distingui non posset nisi ab eo procederet? 7. Si non modò à Patre, sed etiam à Filio asseratur procedere Spiritus sanctus; videndum est, vtrum Pater & Filius sint vnum & idem principium Spiritus sancti, an verò plura? 8. An & quomodo istiusmodi productiones siue pro-

cessiones diuinarum personarum sint de aliquo, vel ex aliquo? constat enim ex fide non esse prorsus ex nihilo. 9. Per quam vim atque potentiam diuina aliqua persona principium sit processionis? 10. Denique docendum est, vtrum & qua ratione operationes illæ diuinæ, secundum quas existunt illæ processiones, sint voluntariæ?

De ordine etiam relationū est præterea quod Theologicè differatur, 1. An non omnino contra rationem sit ponere relationes in diuinis? 2. Quænam & quot relationes reales ibi sint secundum originem? 3. Num eiusmodi relationes omnes realiter inter se distinguantur? 4. Quid relationes eiusmodi in illa re diuina præstent? Vtrum personas ipsæ constituent & distinguant? & an id præstent ipsæ solæ? 5. Item vtrum eadem relationes, propriæ quasi notæ siue notiones personarum sint, & qua ratione?

De ordine item æqualitatis, 1. explicare oportet, quomodo diuinarum personarum perfecta ex omni parte æqualitas possit cū ordine originis, qui est inter easdem, consistere? 2. Num secundum istam æqualitatē peculiaris aliqua relatio realis præter relationes originis inter diuinas personas asseri debeat?

Ad extremum de ordine quoque missionis, i. explicandum est,

d

quid

quid propriè sit, personam ali-  
quam ab alia mitti? 2. Ad quos-  
nam effectus mitti diuina perso-  
na possit? 3. Vtrum persona que-  
libet à qualibet mitti possit? De  
his igitur rebus omnibus, ne in  
huius tractatione mysterij omit-  
tamus explicationem Theologi-  
cam, ordine nunc dicemus, idq;  
(vt res obscurissimæ facilius per-  
cipi possint) aperto & simplici  
genere sermonis.

## CAPVT II.

*Explicatur prima quæstio de ordi-  
ne originis siue processionis diui-  
narum personarum, superiori  
capite propoſita.*



**P**RIMA quæstio de  
ordine originis erat,  
qua ratione proces-  
sio in summa illa per-  
fectione diuinæ naturæ locum vl-  
lum habere possit? Sunt enim  
argumenta quædam, quæ id fieri  
non posse, euincere videtur: qui-  
bus proinde si responderimus, **D**  
responsum à nobis erit quæstio-  
ni propoſitæ. Ratio enim com-  
modissima explicandi huius ma-  
teriæ difficultates est, cum ex ip-  
sa ratione mysterij, suprà libro  
primo diuinis testimoniis confir-  
mata, diluuntur argumenta que  
contra illud humana ratio obii-  
cit.

**A** Primum igitur argumentum  
contra processionem assertio-  
nem est: Nam inde sequitur in di-  
uinis esse potentiam passiuam si-  
ue receptiuam, quod absurdissi-  
mum esse ostendit nominatim D.  
Thomas 1. part. quæst. 25. artic. 1.  
Id probatur. Nam si in Deo est  
processio ad intra (vt Theologi  
loquuntur) manet in Deo id, quod  
procedit, atque adeo in ipso Deo  
recipitur. Quod si recipitur, cer-  
tè potentia ibi ad recipiendum  
est. Si enim in Deo non est poten-  
tia ad recipiendum id quod pro-  
cedit, quomodo potest esse pro-  
cessio alicuius in Deo, quod ma-  
neat in ipso?

**C** Respondetur, minimè ideo se-  
qui, quòd in Deo sit potentia pas-  
siua. Ratio est, quia ad potentiam  
passiuam vel receptiuam, qualis  
non est in Deo, non satis est quo-  
modocumq; posse recipi, aut ma-  
nere aliquid in illa, sed requiritur  
vt in se illa potentia passiuam care-  
at perfectione eius quod recipi-  
tur, atque adeo vt indigeat illo,  
quasi in se per identitatem nullo  
modo illud habens. In diuinis au-  
tem id, quod procedit, recipitur  
in eo à quo procedit per identi-  
tatem naturæ, cui identitati non  
obstat distinctio personalis eius  
quod procedit ab eo à quo pro-  
cedit, vt patet ex reuelatione fi-  
dei primo libro confirmata. Cum  
autem obiiicitur, non potuisse reci-  
pi



cipi in Deo quod processit, si potentia recipiendi in Deo nulla est; ad hoc suprà libro I. capite 22. respondimus, non esse quidem in Deo potentiam passiuam Physicam, qualem iam descripsimus, (neque enim ea requiritur) esse tamen potentiam simpliciter, siue (vt vocant) Logicam, id est, verè ibi posse illud, quod procedit, manere, & recipi in re, à qua procedit, per identitatem naturæ, non per aliquem modum perficiendi Physicum.

Secundum argumentum. Si vlla processio in Deo est, sequitur, illud, à quo procedit aliquid in diuinis esse imperfectum; vtpote in se carēs perfectione eius quod ab ipso procedit. Nam si ex se habet alterius perfectionem; ergo nihil præter illud supererit quod possit procedere, vel certè superuacanea processio est: Quandoquidem etiā sine processione tota perfectio eius quod procedit, est in altero à quo dicitur procedere.

Respondeo. Illius summæ rei, quæ Deus est, ea omnino ratio est, vt & necessariò sit ibi aliud ab alio secundum personalem distinctionem salua vnitatem naturæ procedens, & ea demum ratione perfectio procedētis, tum in eo quod procedit, existat per identitatem naturæ. Ita sit, vt neque id, à quo alte-

rum procedit, perfectione procedentis careat, neque impossibile aut superuacaneum sit alterum procedere; cum personaliter nihilominus distinctum ab eo à quo procedit sit, & talis ratio & quidditas sit illius rei diuinæ, vt nisi eiusmodi processio intercederet, non posset vel procedētis, vel eius à quo id procedit, perfectio constare. Hanc enim vim esse huius magni mysterij docuit nos reuelatio diuina suprà lib. primo confirmata. Neque verò nostra admiratio, ex dissimilitudine rerum creaturarum nata, valere debet ad hoc mysterium impugnandum, sed potius ad illud maximè suspiciendum, vt patet ex dictis initio huius materiæ.

Tertium argumentum. In omnibus processionibus id, quod procedit, habet diuersam naturam ab eo, à quo procedit. In diuinis hæc naturæ diuersitas esse non potest; ergo nequit esse in diuinis processio. Sed hæc formam argumentandi nihil contra mysterium hoc valere, suprà in prolegomenis manifestè ostēdimus; cum mirū non sit, si longè diuersissima sit ratio illius processionis diuinæ, quæ distat infinito intervallo ab omnibus processionibus rerum creaturarum.

## CAPVT III.

*Explicatur secunda quæstio de ordine originis supra proposita capituli.*



**S**ECUNDA quæstio erat, quid potuit in diuinis esse ampli⁹ quā vnica processio? hoc est, quomodo potuit processio etiam esse Spiritus sancti præter processionem Filij seu Verbi? Quam quæstionem vt explicemus, proponenda simpliciter atque diluenda sunt aliquot argumenta, quibus id fieri non potuisset videtur probari.

Primum argumentum. In diuinis re ipsa tantum est vnica actio, quæ eadem est intellectio & volitio: Ergo vna tantum processio illi correspondet. Respondetur negando consequentiam. Nam licet intellectio & volitio diuina sint eadem actio, virtualiter tamen sunt duæ distinctæ, id est, eiusmodi est illa actio, quæ re ipsa est intellectio & volitio diuina, vt propter suam infinitam perfectionem perinde possint illi duæ processiones realiter distinctę respondere, atque si re ipsa essent ibi duæ actiones actu distinctæ. Neque enim tunc intellectio & volitio diuina haberēt maiorem perfectionem, quā iam habent, licet sint idem. Et ita perinde iam sufficiunt ad duas processiones.

**A** Secundum argumentum. Vna processio in diuinis requirit simpliciter totam perfectionem quam habet illa vnica actio, quæ re ipsa est intellectio & volitio: Ergo vnica tantum processio potest esse per illā. Probatur consequentia. Nam impossibile est, vt alicui actioni respondeat processio aliqua vltra perfectionem illius: Si ergo vnica processio exhaurit (vt ita dicam) totam actionem diuinam, sequitur non esse aliam præter vnica. Antecedens verò probatur, quia vnica processio requirit simpliciter perfectionem infinitam in actione: Sed illa actio non habet plus quā infinitā perfectionem simpliciter: Ergo vna processio requirit totam perfectionem illius. Minor & consequentia patet, & Maior est clara, quoniā vnica processio est etiā simpliciter infinita.

**C** Respondeo. Concedo primum argumenti antecedens, & nego consequentiam. Ratio cur negem est, quoniam duæ processiones diuinę non habent maiorem perfectionem quā vna, propter identitatem essentia. Vnde hoc ipso quod aliqua actio est sufficiens ad vnā, erit etiam per eandem perfectionem sufficiens ad duas; quandoquidem vna processio nō continet perfectionem aliquam quæ non sit etiam in processione altera. Concluderet autem illud argumentum, si vtraque processio esset

esset maioris perfectionis, quàm altera sola; quia tunc vna processio hoc ipso, quod requireret totam perfectionem illius actionis, ita exhauriret illam, vt non posset eadem actio sufficere ad processionem alteram. Iam verò hoc nō habet locum, vt patet. Nec tamen ex infinitate illius diuinæ actionis colligas, sufficere illam non modò ad duas illas processiones, quas fides asserit in diuinis, sed etiam ad plures, vel ad infinitas. Eadem namque fides nos docet, ita demum & non aliter infinitatem illius diuinæ actionis constare, vt duæ tantum in diuinis sint, atque adeò esse possint processiones, ex quibus existat tantummodò Trinitas personarum.

Tertium argumentum. Aut per vnā processionem potest procedere quidquid potest procedere in diuinis, aut non. Si potest; ergo etiam actu procedit, & sic alia processio non fuerit, quia esset superflua. Consequentia patet, quia in Deo, quoniam est ens infinitum & necessarium simpliciter, quidquid potest esse, actu est. Si autem non potest; ergo vna processio in diuinis est secundum se imperfecta, immò quælibet per se sumpta, quandoquidem per nullam illarum procedit, aut procedere potest, quidquid potest in diuinis procedere.

Respondeo. Concedo, nō pos-

se per processionem vnā procedere quidquid potest procedere in diuinis. Nego tamen idcirco processionem vnā esse imperfectam. Etenim illud ipsum, quod procedit per vnā, æquè perfectum est atque totum quod potest procedere in diuinis. Nam propter identitatem essentię, tanta perfectio est in vna persona, procedente, quanta in duabus. Ita fit, vt nō minus iam sit perfecta vnaquælibet processio, quàm esset si per illam procederet quidquid potest in diuinis procedere. Quòd autem per vnā non possit procedere id totum, non arguit imperfectionem illius, vt patet ex ratione allata, sed indicat conditionem illius entitatis summæ, quæ est Deus & Trinitas, quæ cōditio est nobis diuinitus reuelata.

Quartum argumentum. Si in diuinis sunt duæ processiones realiter distinctæ; cum in diuinis nihil sit distinctum realiter ab alio, nisi secundum originem & relationem, id est, nisi quatenus vnū procedit ab alio: oportebit, vt vna processio procedat ab altera. Sed hoc est impossibile. Ergo & illud. Minor probatur: Nihil potest esse principium alterius, nisi sit etiam principium actionis, per quam illud alterum procedit. Sed vna processio non potest esse principium actionis, per quam altera processio est. Ergo vna



processio non potest esse principium processionis alterius. Minor hæc probatur; Nam cum eadem sit actio realiter in diuinis, per quam vtraque persona procedit, videlicet intellectio & volitio Patris æterni: Si vna processio est principium actionis, per quam altera processio est, esset etiã principium actionis, per quã ipsamet est; quod videtur repugnare, nam tunc produceret seipsam.

Respondeo. Concedo Maiorẽ argumenti, scilicet processionem vnam principium esse processionis alterius. Sicut enim est certum de fide vnam personam procedentem, scilicet Spiritum sanctum, esse ab altera procedente, scilicet à Verbo; ita etiam certum est, vnam processionem procedere ab altera, quia nihil aliud processio est, quã ipsa persona, vt procedens. Negatur verò argumenti Minor, scilicet hoc esse impossibile. Ad probationem respondetur, vnam processionem esse quidem principium illius actionis realis, per quam alia processio est, non vt illa actio est productio eiusdem processionis, quã principium est, sed prout est productio alterius processionis. Quod est dicere, processionem Verbi esse principium actionis, per quam est processio Spiritus sancti, non vt ea actio est intellectio, quo pacto per eam est Verbi processio,

A sed vt est volitio, quo pacto per eam est processio Spiritus sancti, vt sequenti capite videbimus. Quamuis enim ea actio, vt intellectio & volitio, actu sit vna & eadem, tamen virtualiter distinguitur, id est, equiualeat propter suam infinitatem actionibus distinctis. Quã distinctio virtualis, quia in diuinis fundatur in infinitate, sufficiens est ad hoc, vt in diuinis idem re ipsa affirmetur, & negetur de eodem actu, sine vera contradictione, vt suprà libro primo, capite vltimo explicatum est. Rei namque infinita perfectio efficit credibile, vt non minus idem possit verificari, & negari de eodem actu, distincto sic virtualiter, quã si actu distingueretur. Atque ita in proposito, Verbi processio eiusdem actionis diuinæ re ipsa est & non est principium ob eiusmodi virtualem distinctione actionis, sicut dictum est.

#### CAPVT IV.

*Explicatur questio tertia de ordine originis, suprà cap. i. proposita.*



ERTIA questio de ordine originis erat, secundum quasnam operationes sint in diuinis processiones illæ duæ? De qua quidem re primò statuendum est, has processiones secundum ope-

operationes esse immanentes in ipso operante, non autem secundum operationes aliquas transeuntes, hoc est, quæ effectum habeant in extranea aliqua materia, quæ sit extra operantē. Hoc primum testimoniis Scripturæ patet. Nam Filius à Patre procedens in ipso Patre manet, sicut ipse testatus est: *Ego in Patre, & Pater in me est*, Ioan. 14. Quod & D. Athanasius in expositione fidei pulchrè ex illis verbis D. Ioan. cap. 1. probat: *Unigenitus qui est in sinu Patris, ipse narravit*. Sic etiam Spiritus S. cum sit Spiritus Dei Patris & Filij, à quibus, ut postea docebimus, procedit, non minus est atque manet in ipso Deo Patre & Filio, quæ spiritus hominis est in ipso homine, ut ait quoque D. Paulus 2. Corinth. 2. Quod explicans in Confessione fidei diuus Athanasius: *Spiritus, inquit, sanctus progressio Patris semper est in manibus Patris & in manibus Filij*.

Deinde, hoc ipsum confirmatur à Theologis optima ratione. Nam processiones, quas fides docet esse in diuinis, necesse est intelligere secundum modum perfectissimum. Est autem perfectissimus modus processionsis is, qui est secundum operationes immanentes, quales sunt operatio intellectus & voluntatis, non autem ille, qui est secundum operationes transeuntes. Quod inde

A patet. Quia processio secundum operationem transeuntem, etiam inuenitur in creaturis imperfectis, cuiusmodi sunt corporeæ.

Postremo, idem confirmatur ex iis, quæ suprà libro primo constituta sunt, tanquam certissima ex fide. Si enim operatio, qua procedit diuina persona non haberet terminum suum immanentem in natura personæ producentis, hoc est, in ipsa essentia diuina, sed existeret in alia re externa; terminus eius processionsis, hoc est, persona diuina procedens, non esset cōsubstantialis principio suo, hoc est, personæ producenti: cum nihil extra Deum sit substantiā atque natura sua Deus.

C Secundò, de proposita questione tradit etiam doctrina Orthodoxa, operationes illas immanentes, secundum quas esse diximus processiones personarū diuinarum, non alias esse, præterquam intellectus & voluntatis, & ita quidem, ut per operationem intellectus procedat Filius, & per operationem voluntatis procedat Spiritus sanctus.

Hoc probatur certissimè tali argumento. Si processio in diuinis necessariò est per operationem immanentem intellectus aut voluntatis; & processio Spiritus sancti à processione Filij diuersa est; omnino confitendum est, processionem Filij esse secundum

ope-

operationem intellectus, & processionem Spiritus sancti esse secundum operationem voluntatis. At processio in diuinis necessario per operationem intellectus aut voluntatis est; & processio Spiritus sancti à processione Filij longè differt. Igitur omnino confitendum est, processionem Filij esse per operationem intellectus, & processionem Spiritus sancti per operationem voluntatis.

Priorem propositionem probabo. Nam Scriptura sacra, vbicunque rationem Filij & processionis eius, propriè & acuratè (quantum in hac vita intelligere expedit) nobis declarat; Filium, aut *Verbum*, aut *Sapientiam*, appellat, ut Prouerb. 8. Ecclesiast. 24. Ioan. 1. & 1. Ioan. 1. & Apocalypsis 19. &c. *Verbum*, autè & *Sapientia*, si in natura intellectuali procedit, non nisi ab intellectu operatione procedit. Quod & ipsa Sapientia de se pronunciat, Sapient. 7. & Prouer. 24. illis verbis: *Ego ex ore altissimi prodij*. Quid enim verius Dei os est, quàm mens atq; intellectus diuinus, quo Deus nobis loquitur? Itaque si oportet processionem in diuinis esse per operationem intellectus, aut voluntatis; & processio Spiritus S. differt à processione Filij: consequens est, vt processio Filij sit per operationem intellectus, sicut Scriptura determinatè tradit, & processio Spiritus

sancti per operationem voluntatis, quæ sola superest.

Nunc probō etiam alterā propositionem in argumento sumptam, videlicet, processionem in diuinis necessariò per operationem intellectus aut voluntatis esse, & processionem Spiritus S. à processione Filij plurimum differre. Scriptura enim sacra non alias operationes immanentes esse propriè in ipsa natura diuina præterquam intellectus & voluntatis tradit: neque verò aliè in illa natura summè simplici & immateriali, & perfectæ esse possunt. Quo fit, vt per alterutram processionem existis, necesse sit esse diuinam processionem. Item Filium Scriptura sacra vnigenitum Patris appellat, quo ipso manifestè declarat processionem Filij, generationem esse, processionem autem Spiritus sancti, generationem non esse; atq; adeò plurimum processionem Spiritus sancti à Filij processione differre, sicut infra quoq; dicemus.

Est igitur, vt conclusimus, processio Filij per operationem intellectus, & processio Spiritus sancti per operationem voluntatis. Quod ipsum meritò D. Thomas 1. part. quæst. 27. art. 1. asseruit fidei Catholicæ ponere. Nam & D. Athanasius in oratione contra Sabellij gregales idem confirmat, & hæresim fuisse Arianorum testatur, quòd Filius non esset verè



ac propriè Verbum, hoc est, quidam per intellectum procedens. Item Verbum diuinum procedere per intellectum affirmat apertè D. Cyrillus lib. 1. in Ioan. cap. 5. & Basiliius homil. in cap. 1. Ioann. & Theodoretus lib. 2. ad Græcos, & Damascenus lib. 1. fidei, cap. 6. Et sup. lib. 1. cap. 14. vidimus, Patres æternitatem Filij ea etiam ratione probare, quia sit Patris Sapientia, nec Pater vnquam sua Sapientia caruerit. Quòd si Sapientia est; & procedit; profectò ex intellectu procedit. Vnde enim est, nisi ab intellectu Sapietia? Sic etiam & Spiritus S. passim à sanctis Patribus Dilectio & Caritas Patris & Filij appellatur. Vt ab Augustino li. 9. de Trin. cap. 12. cuius verba sunt: *Sicut Dei Verbum Filium esse nullus Christianus dubitat, ita Caritatem esse Spiritum sanctum.* Caritas autè atq; amor non aliunde profectò, nisi à voluntate procedit.

Quæ cum ita sint, sequitur, Hieronymum quendam Zancklium, qui ante annos aliquot, licet aliqui ipse hæreticus, pro Trinitatis mysterio librum Heydelbergæ conscripsit, temerariè vel potius hæreticè in 1. par. operis, lib. 5. ca. vlt. dixisse, Theologorù axioma, quòd Filius procedat per intellectum, & Spiritus sanctus per voluntatem, esse temerarium. Nimirum homo iste non tam Theologicè doctus, quàm sibi videbatur,

A videre huius assertionis probationem in Scripturæ fundamentis non potuit.

Ceterùm hoc in loco temeritas etiam vel error potius Durandi in 1. d. 6. q. 2. & Greg. Arimin. d. 10. q. 1. & d. 13. q. 1. prætereunda non est, qui duo ex omnib. aliis Theologis sequuti singularem quandam opinionem suam, plus in hac re, quàm oportuit, sapere voluerunt. Putarunt enim, personas non procedere per intellectum & voluntatem, sed ex sæcunditate naturæ per quosdam alios actus communicatiuos naturæ diuinæ, quos dicunt esse priores actibus voluntatis & intellectus.

Argumentatur autè peculiariter Durandus pro hac sentetia. Primò, Actus per quos psonæ procedunt, nō sunt omnib. personis cōmunes & essentielles, sed alicuius, vel aliquarum personarū proprii & notionales. Actus intellectus & voluntatis sunt communes & essentielles omnibus personis. Ergo per illos non procedunt personæ. Secundò, cuius est actio, per quam aliquid producitur; eius est etiam producere. Sed omniū trium personarū est velle & intelligere. Ergo & producere personas procedentes, si per illos actus producuntur; quod est absurdum. Tertiò, productiones personarum distinguuntur realiter. Actus intellectus & voluntatis non item. Ergo actus

intellectus & voluntatis non sunt A productiones personarum. Quarta, ei actioni, cuius conditio repugnat fecunditati, non conuenit, ut sit productio: actus intellectus & etiam voluntatis est huiusmodi: Ergo, &c. Maior videtur clara. Minor patet ex lib. 9. Metaphys. ubi Philosophus docet, per actiones immanentes, quales sunt B intellectus & voluntatis, nihil produci. Quinto, qualis est ordo realis inter ea, quæ distinguitur realiter, talis est ordo inter illa eademe, ubi distinguuntur sola ratione. Sed ubi intellectus & voluntas distinguuntur realiter inter se, & etiam à natura, communicatio naturæ non est per intellectum & voluntatem, sed per aliquem alium actum priorem & communioem, scilicet per naturalem quandam actum generationis. Ergo similiter erit, ubi hæc distinguuntur sola ratione, scilicet in Deo. Minor patet, in creatura intellectuali, quæ potest se communicare, qualis est homo. Is enim non per intellectus actum, sed per naturalem quandam operationem priorem communicat naturam suam. Quin etiam si ignis esset intellectus (ait Durandus) non communicaret suam naturam per intellectum, sed per calorem, ut iam facit.

In contrarium est communis omnium sententia, immò & si-

des, quemadmodum antè demonstratum est. Ut autem deceptio istorum Doctorum detegatur, notandum est, hoc quod est communicari naturam per actionem alicuius potentia illius naturæ, non obstat quo minus illud idem communicetur eo ipso ex fecunditate ipsius naturæ: B quin immò hæc duo sunt necessario connexa. Ratio huius est, quia illa ipsa vis potentia & actionis, per quam natura communicatur, tota est radicaliter ab ipsa natura, ut patet. Unde quidquid communicatur per eiusmodi vim & potentiam actionis, communicatur ex fecunditate nature; quamuis non sine quodam ordine, vel C secundum rem, ubi potentia & actus distinguuntur realiter à natura, vel secundum rationem, ubi distinguuntur ista sola ratione, sicut in proposito: Perperam igitur illi Doctores, ut explicarent, ex fecunditate naturæ diuinae produci personas, à sententia Orthodoxa descuerunt, quæ docet, produci eas per intellectum & voluntatem, tanquam Verbum videlicet & amorem diuinum, ut ex Scriptura & Patribus antè confirmauimus. Ac certè quod Durandus ait, nomen Verbi, improprie tribui Filio per quandam adaptationem, erroneum est, ut supra ex diuo Athanasio notauimus, & notat etiam S.

Tho-

Thomas prima parte, quæstione trigesima quarta, articulo primo, ad 1. ubi appellat Origenem, fontem Arianæ perfidiæ, propterea quod idem videatur in caput primum Ioannis, censuisse. Denique, cum intellectio & volitio diuina sint actus quidam infinitè perfecti, quid opus est, quosdam alios actus, præter illos, in Deo comminisci, qui sint communicatiui naturæ diuinæ, quasi illi nequeant hoc satis præstare?

Iam pro solutione primi & secundi argumenti Durandi communiter notare solent Theologi, dupliciter posse accipi id, quod est intelligere & velle in diuinis: Primo modo, vt est intelligere & velle tantum: Secundo modo, vt est dicere & spirare. Primo modo dicunt, has actiones communes & essentielles esse, & tantum probare argumentum Durandi, eas vt tales sunt, non esse etiam productiones. Secundo autem modo asserunt esse actiones notionales, & productiones. In quam etiam sententiam rectè dicit sanctus Thomas 1. part. quæst. 34. artic. 1. ad 3. quamlibet personam diuinam intelligentē esse, sed non dicentem.

Ceterum, nisi hæc distinctio magis explicetur, vt intelligi plenius possit, quidnam rei verbis subsit, quum dicimus: intellectio

A vt intellectio, & vt dictio; & volitio vt volitio, & vt spiratio; non omnino satisfiet argumentis Durandi. Nam si intellectio, vt dictio, nihil aliud est, quàm intellectio vt productio Verbi; & volitio vt spiratio nihil aliud est, quàm volitio vt productio Spiritus sancti; rursus redit difficultas argumenti. Ex

B eo enim, quòd intellectio est communis omnibus personis, concludere nititur Durandus etiam intellectionem, vt productio est, communem esse personis omnibus, si productio sit per intellectionem; & similiter de volitione. Vnde respondere, intellectionem non esse communem, vt dictio est; si dictio nihil aliud, C quàm productio est; perinde est ac respondere, quòd non sit communis vt productio. Atque ita nihil ea ratione videtur responderi, quia nulla tunc causa assignatur, cur in proposito non sit communis personis omnibus productio actiua, cum tamen eis sit communis re ipsa illa actio, per quam productio est in diuinis.

D Vt igitur distinctio illa à Theologi rectè usurpata, rectè quoque intelligi possit, atque etiam, vt constet verè per eam responderi argumentis Durandi; diligenter animaduertendum est, quòd sicut propter conuenientiam diuinorum personarum, & distinctionem earundem in latitudine sub-



stantiæ, necesse est in latitudine substantiæ diuinæ esse duas rationes saltem virtualiter distinctas, videlicet rationem absolutam, quæ est essentiæ, & rationem respectiuam, quæ est personæ: ita etiam in latitudine actionis diuinæ oportet ponere duas rationes actionis, saltem virtualiter distinctas; quarum altera sit absoluta, atque adeo communis omnibus personis, sicut est essentia seu natura; altera sit respectiua, quæ non sit communis omnibus, sed propria personæ, vel personarum producentium.

Hoc autem ita esse asserendum, sequitur Theologico discursu ex ipso mysterio sanctissimæ Trinitatis. Nam hoc ipso quod persona produciens distinguitur à persona producta, oportet ut actio, per quam illam producit, sit ipsi propria, secundum aliquam peculiarem rationem, qua eiusmodi actio sit productio: Absurdum enim esset & impossibile, ut quatenus productio est, esset etiam actio ipsius personæ productæ. Et ex alia parte propter identitatem naturæ, à qua est etiam actio intellectus & voluntatis: oportet quoque intellectionem & volitionem secundum aliquam item rationem peculiarem, communem esse omnibus personis, sicut est natura. Et quia quæ sunt propria, & notionalia in diuinis, sunt rela-

tiua; Et quæ sunt communia, sunt absoluta; consequens est (quemadmodum dicebamus) ut sicut in latitudine substantiæ diuinæ, est substantia absoluta, quæ est essentia communis; & substantia respectiua, quæ est personalitas; ita etiam in latitudine actionis intellectus & voluntatis, sit intellectio & volitio absoluta, quæ sit communis, & intellectio, & volitio respectiua, quæ sit propria personæ, vel personis producentibus. Et quemadmodum non repugnat simplicitati rationis substantialis diuinæ, quod in ipsius latitudine sit ratio substantialis absoluta & respectiua; ita neque simplicitati actionis diuinæ repugnat, quod in eius item latitudine sit actio respectiua & absoluta. Nam sicut ratio absoluta & ratio respectiua in latitudine substantiæ diuinæ virtualiter solum distinguuntur, & actu sunt una & eadem ratio simplicissima; ita etiam in latitudine actionis diuinæ. Quemadmodum quoque tota ipsa latitudo diuinæ actionis solum virtualiter distinguitur à latitudine tota substantiæ diuinæ, eoque ipso consistit diuina simplicitas. Eadem namque entitas æterni Patris (verbi gratia) est substantia absoluta, videlicet essentia seu natura; & respectiua, videlicet persona: & item etiam intellectio absoluta & respectiua. Et quem-

quemadmodum tota ratio respectiua non actu, sed virtualiter solum distinguitur à ratione tota absoluta; sic etiam relatio illa Patris, quæ est intellectio, vt dictio, non alia est actu à relatione quæ Patris proprietates personalis est, nempe à paternitate. Sed vna & eadem relatio paternitatis, ob sui infinitatem, simul est & actio, & proprietates, atque adeo continet duas has rationes, solum virtualiter distinctas. Ac similiter eadem relatio spirationis est tum volitio respectiua, siue volitio vt spiratio, tum etiam quasi forma quædam relatiua communis Patri & Filio, vt sunt vnum principium Spiritus sancti, siue vnus spirator, vt infra cap. 8. & 10. patebit. Neque sanè incredibile debet videri, quòd omnes istæ rationes in re diuina, atq; in latitudine tum substantiæ diuinæ, tum diuinæ actionis & relationis illic reperiantur virtualiter solum distinctæ & actu identificate; siquidem sunt longè diuersæ à rationibus substantiæ & actionis & relationis in creaturis.

His ita explicatis, satis iam perspicui potest, quam habeat vim distinctio illa Theologorum inter diuinam intellectiōem vt *intellectio* est, & vt *dictio* est. Nomine enim intellectiōis, vt est intellectio, animo concipi debet intellectio absoluta; sicut aliàs intellectio, vt intellectio, absolutum quiddam esse

A solet: nomine autem intellectiōis, vt est dictio; intellectio respectiua. Ac similiter per nomen volitionis, vt volitio, intelligi debet volitio absoluta, & vt est spiratio, volitio respectiua. Ita facilis erit solutio argumentorum Durandi. Intellectio enim respectiua quæ sola duntaxat est productio, non est communis omnibus personis, sed propria Patri. Item volitio respectiua siue vt spiratio, quæ sola duntaxat est productio Spiritus sancti, non est communis omnibus tribus, sed propria Patris & Filij. Atq; hæc est doctrina recepta cōmuniter ab omnibus Theologis, & consentanea D. Augustino qui lib. 15. de Trin. c. 17. duplicem sapientiā, & duplicem charitatem in diuinis distinguit: Alteram essentialem, id est, communem, atq; adeo absolutam: Alteram propriam (sapientiam nempe quæ est Verbum, & charitatem quæ est Spiritus S.) atq; adeo respectiuam & notionalem, ex qua videlicet innotescere possit propria ratio alicuius personæ. Sed apertius D. Thomas 1. p. q. 37. ar. 1. eam tradit doctrinam. Patet ergo ex his responsio ad primum & secundum argumentum Durandi.

Ad tertium respondeo, falsum esse, productiones personarum distingui realiter, si sumantur actiue. Quamquam distinguuntur quidem virtualiter: quæ distinctio

sufficit ut distinctę personę per illas actiones procedant, atq; adeo ut processiones seu productiones earum, passiuę acceptę, realiter distinguantur, sicut declaratum est suprà, cap. 3.

Ad quartũ primò negatur Minor. Solum enim docet Aristoteles nõ esse necesse ut per actiones immanentes aliquid producat; ceterũ neque id illis repugnat.

2. Quidquid sit in actionibus immanentibus creaturaru; aliter est sentiendum de actione immanente infinita: maximè cum in ente infinito non sit alia actio per quam natura illius communicari possit. Quomodo autem, licet per intellectum personę procedant & per voluntatem, procedant nihilominus eo ipso ex fecunditate naturę, iam antè exposuimus.

Ad quintũ respondeo, non posse esse proportionem in eo quod Durandus vult, quandoquidem nõ est in diuinis alia actio, sicut est in homine. Proportio igitur poterit esse in eo, quod sicut homo, licet generet per potentiam distinctam realiter à sua natura, generat tamen ex fecunditate naturę; ita etiam Pater æternus licet generet per potentiam ratione distinctam à natura sua, generat tamen ex fecunditate suę naturę.

Illud autè hoc loco præmittendum non est, aliqua argumenta ex his quę Durandus fecit, præ-

**A**sertim priora illa tria, posse etiam in simili forma fieri contra ipsius opinionem de actu illo peculiari communicatiuo naturę. Nã posset etiam obiici, oportere etiam illum actum esse communem tribus personis sicut est natura. Itẽ, quod cum deberet esse communis personis omnibus, per illum etiã persona procedens communicaret sibi ipsi diuinam naturam, atq; adeo produceret se ipsam. Et deniq; quod actus illi nõ esset nisi vnus; ac proinde non posse per illum, pcedere personas distinctas. Et certè, ut ad has obiectiones Durandus responderet, similiter indignisset distinctione illa actionis absolutę & respectiuę; itemq; distinctione illa virtuali vni\* & eiusdem re ipsa actionis, quibus nos in defensione doctrine communis & Orthodoxę contra eundem Durandum vsi sumus.

**D**Restant autè in hac questione soluenda duo argumeta; quorum altero probari videtur nõ posse in diuinis procedere verbũ aliquod distinctum per intellectum; altero nihil etiã posse procedere per voluntatem. Vnum est tale. Per notitiam intuitiuam quę non fit per speciem intentionalem, sed immediate per entitatem obiecti cogniti, non producitur verbum distinctum ab ipsa notitia, secũdum omnium sententiam. Sed notitia Patris æterni est intuitiua illo modo.



modo. Ergo non producitur per illam Verbum distinctum.

Respondeo, solum probari hoc argumēto in diuinis non esse eandem rationē cur producat Verbum, quę est in creaturis. quod vltro fatemur. In nobis enim (secundum quorūdam opinionem) ideo Verbum producitur vt in illo obiectum contemplerur, atque ita obiectum vnatur etiam potentię in ratione termini. Itaq; quando obiectum secundum se alioqui est sufficienter vnitum, meritō negāt aliqui necessariam esse talis Verbi productionem. In diuinis autem nō est productio Verbi necessaria propter illam rationem, sed quia natura diuina fecunda est, iuxta illud Isaia 66. *Nunquid ego qui aliis generationem tribuo, sterilis ero?* Deniq; fides docet, de ratione illius entitatis diuinę, quam ipsi minimē percipimus, esse, vt in illa Verbum procedat, quamuis Dei notitia sit intuitiua.

Alterum argumentū est huiusmodi: In nobis nihil procedit per voluntatem: Ergo nec in diuinis. Hanc enim consequentiā minimē sanē videtur fuisse reiecturus D. Tho. qui i. p. q. 27. ar. 4. ex contrario antecedēte concludit contrarium in simili forma. Antecedens autem nostrum probatur: Quia neq; aliquid in nobis per voluntatem producitur tanq̃ principium ipsius actus volūtatis; Principium

enim alicuius actus non producitur per illum. Neq; producitur aliquid vt actionis terminus, in quo amemus rem; sicut Verbū mentis secundum aliquos est terminus in quo rē speculamur: Constat enim naturam amoris esse, vt per illum feramur in rem prout est in seipsa absq; alio medio termino, ac in eo ipso dicitur voluntas differre ab intellectu. Multo verō minus producitur aliquid per amorem tanquam terminus, quem amemus. Amamus enim, vt patet, rē ipsam, quę ante erat. Sequitur ergo, nihil produci per amorem in creaturis.

Ad hoc argumētum Caietanus i. p. q. 27. art. 3. negat antecedens. Putat enim similiter per amorem aliquid procedere distinctum tanquam actus terminum. Sed hoc planē falsum est, vt patet ex argumento facto. Negatur igitur argumenti consequentia concessio antecedente. Nam alia ratio est de amore infinito, qui p̃inde habet similiter perfectionem, vt ex illo procedat aliquis terminus, sicut procedit ex intellectu infinita. Neq; verō S. Thomas illa sua contraria ratione voluit niti assertionem de processione Spiritus sancti per voluntatem in diuinis. Hęc enim assertio reuelatione potissimū nititur. Sed tantum probauit D. Thomas congruentiam & credibilitatem illius. Ad quam persuadendam nō est opus deter-

determinatè assumere, quòd in creaturis procedat aliquis terminus distinctus per amorem; neq; id S. Thomas apertè assumpsit; sed satis est, quòd in creaturis videmus aliquid procedere per voluntatem, siue sit ipsemet amor, siue terminus illius. Ex hoc enim fit credibile, quòd in diuinis certè, per voluntatem infinitè perfectam procedat aliquid perfectiori modo; scilicet tanquam terminus amoris habens eandem naturam diuinam cum suo principio.

### CAPVT V.

*Explicatur questio quarta de ordine originis suprà cap. i. propofita.*



**Q**UARTA questio de ordine originis erat, quænam sit ratio & differentia vtriusque processions? Et quidem Scriptura sacra satis apertè asseuerat processionem Filij verè ac propriè esse generationem: processionem autem Spiritus sancti non item; quandoquidem, vt suprà dictum est, Filium docet esse vnigenitum, neque vnquam Spiritum sanctum, Filium appellat. Quocirca Theologi processionem Spiritus sancti, non generationem, sed spirationem nominant. In qua re appellationem eam, quæ est in Scriptura, sequuntur; vt ipso vocabulo significant Spiritum procedere per

**A** modum cuiusdam vitalis inclinationis siue impulsus, qualis est videlicet amor ipse qui procedit à voluntate. Et quemadmodum nomen ipsum Spiritus sancti satis est ad substantiam huius diuina persona declarandam (vt D. Basilii lib. 5. in Eunomium rectè inquit) sic etiam nomen spirationis ad declarandam ipsius processionem.

**B**Ceterum difficile admodum est in hac questione reddere rationem Theologicam, ex qua possit intelligi quid intersit inter processionem Spiritus sancti, & processionem Verbi diuini, propter quod Verbum diuinum sit genitum & Filius, & processio eius generatio: Spiritus sanctus non item. Suppetunt enim argumenta quædam ad probandum, processionem Spiritus sancti esse generationem.

**D**Primò. Definitio generationis rei viuientis à Theologis tradita, & nominatim à D. Thoma 1. p. q. 27. artic. 2. verè competit processionem Spiritus sancti: Ergo est vera generatio. Antecedens patebit circumspicienti singulas eius definitionis particulas. Generatio enim eiusmodi definitur esse origo viuientis à principio viuente in similitudine naturæ. Quæ omnia videntur conuenire in processionem Spiritus sancti.

Secundò. Pater æternus, vt produciens Spiritum sanctum, est generans:

nerans: Ergo Spiritus sanctus, vt procedens ab illo, est genitus. Consequentia est clara. Antecedens autem ita probatur. Pater vt producens Verbum, est generans: Ergo etiam vt producens Spiritum sanctum. Patet. Quia per eandem actionem est producens vtrumque. Atque id rursus ita confirmatur. Nam vel illa actio

Tertiò. Melius est personę procedenti procedere vt genitā, atq; adeo per generationē, quā non procedere vt genitam. Sed personę diuinę procedenti per voluntatem, cū sit infinita, tribuendum est id quod est melius. Ergo tribuenda est Spiritui sancto processio quę sit generatio. Maior probatur. Quia si non esset id melius, non competeret Verbo diuino. Quod pręterea esse confirmatur: Hoc quod est esse generationem, est perfectio processions: Ergo cuiusq; processioni diuinę (cum quolibet sit perfectissima) debet competere.

Quartò. Sicut id quod in diuinis procedit per intellectum ex vi suę processions procedit vt simile producenti in eadem natura; ita etiam id quod procedit per

A voluntatē. Sed quia id quod procedit per intellectum, procedit ex vi suę processions, vt simile; concludit S. Thomas 1.p.q.27.ar.3. illud procedere vt genitū. Ergo pari modo de Spiritu sancto idem concludi potest. Maior probatur. Nam quod procedit per voluntatem ex vi suę processions, procedit vt persona diuina: Ergo vt similis producenti in natura diuina. Consequentia patet, quia de ratione personę diuinę est illa similitudo. Antecedens probatur. Quia persona diuina procedens per voluntatem, per se vtiq; procedit per processionem illam, atque adeo ex vi illius; non enim ex vi alterius; & certum est procedere ex vi alicuius.

C Quintò. Sicut in genere loquendo de processione per intellectum, abstrahendo à processione creata & increata, id quod procedit per intellectum, procedit vt simile intelligenti aliquo modo: ita etiam loquendo in genere de processione per voluntatem, id quod procedit per voluntatem, procedit vt simile ipsi amanti: Vt enim volūtas ipsa, inclinatio quędam & quasi impulsus in bonum est; ita etiam amor qui ab ea procedit. Sed ex illa conditione processions per intellectū in genere, argumentatur S. Thomas 1. parte q.27. artic.2. & 3. ad probandum esse generationem processionem

f Verbi.



Verbi. Ergo pari ratione processio Spiritus S. generatio quædā erit.

Postremo videtur etiā hāc quæstionē difficilē reddere tale argumentū: Nam quando fides docet, Spiritum S. non esse genitum, sed tantummodò Verbum diuinū; vel indicatur nobis hac fidei reuelatiōe aliquid reipsa in quo differat

spiratio seu processio Spiritus S. à generatione siue processione Verbi, quod non sit reuelatum ex fide sub aliis verbis quibus credimus alia quædā de SS. Trinitate; vel solum illud ipsum docetur, quod reipsa sub aliis verbis credimus de istis processionibus: ut verbi gratia, quod processio Spiritus S. est per modū amoris cuiusdā & quasi impulsus: Processio autē Verbi non itē; Aut quod persona procedens per intellectū ita procedit, ut habeat etiā potentiam producendi aliā personā sicut Pater, & propterea dicatur Filius: Persona autē procedens per voluntatem non item. Si primum dicatur, obstare videtur, quod non modò non euidenter, sed neque ex fide ipsa constat quid sit illud peculiariter reuelatū ex fide sub his verbis *generationis* & *spirationis*, quod non sit etiā sub aliis verbis reuelatū. Si enim aliquid tale constaret, non tantopere laborarent Doctores in assignādo discrimine inter utramque processionem. Nec tamē satis esse cōsentaneum videtur, ut concedamus aliquid reipsa esse ex

A fide reuelatum, quod doctis saltē non constet ex ipsa fide, ita ut in illo omnes consentiant, vel plerique oēs. Videmus autē magnam varietatē inter doctos in assignādo harum processionū discrimine; & à quibuslibet ad eam rem illa afferri quæ sunt posita in opinione. Si verò secundū dicatur; neque id videtur satis cōmodē respōderi posse. Nam tunc sequeretur, eum qui omnia alia sub aliis verbis de diuinis processionibus reuelata, concederet, & hoc solū discrimen inter utramque processionem negaret ac diceret Spiritum S. etiam esse genitū; sequeretur, inquam, talem in re non esse hæreticum, sed solum in loquēdi modo ab Orthodoxis disidere.

C Quia videlicet cū totū illud alioqui reipsa concederet quod Catholici concedunt de utraque processione; vellet tamen appellare processionem Spiritus S. generationem, & Spiritum S. Filiū, cū tamen Catholici non ita loquantur: Et ita esset hæc omnis controuersia non de re, sed solum de nomine. Quod si verū est, nihil profectò fuit, cur tantopere quæstio hæc ingenia atque studia Doctorum in Ecclesia exercuerit; aut cur tā acuratē proponitur fidelibus ut discernant inter generationē & processionē. Quāobrem difficilis omni ex parte videtur esse explicatio istius quæstionis.

Nihilominus his non obstantibus certissimè credendum est quod fides

fides docet, processionem Verbi esse generationem, & Spiritus S. non item: Atq; adeo Spiritum S. nō esse Filium. Hoc enim patet ex Scripturis diuinis qbus Filius Dei dicitur vnigenitus vt Ioān. 1. & 3. & multis aliis in locis suprā li. 1. c. 17. citatis. de qua re videndus est D. August. li. 5. de Trin. c. 14. & li. 15. c. 26. & 27. Quod verò attinet ad solutionem argumentorum, præsertim vltimi, aduertendū est, tripliciter posse procedi in questione de discrimine processionis Spiritus sancti & Verbi.

Primo modo inquirendo differentiam aliquā harum processionum euidentē. Et sic frustra quis conaretur assignare rationē propter quam processio Verbi sit generatio & non processio Spiritus S. Sicut enim impossibile est euidenter percipere rationes harum processionum, ita impossibile est assignare euidenter discriminē illarū, vt verissimē inquit in Dialog. de Trin. pag. 676. D. Athanasius.

Secundo modo, inuestigando discrimen secundū aliquam congruentiā, vt videlicet ratio aliqua adferatur, quæ efficiat credibile id, q̄ docet fides; nempe processionem Verbi esse generationem, processionē Spiritus S. non item. Et sic non est admodum difficile assignare discrimen istarum processionum. Atq; ita procedere videntur pleræque rationes allatæ à

Doctoribus. Cuiusmodi est illa, quam S. Augustinus adfert lib. 15. de Trin. c. 27. propterea videlicet nō esse Filium, neq; genitum Spiritum sanctū, quia Filius non solet procedere à duobus nisi eorum alter sit pater, & alter mater. Quo pacto constat non procedere Spiritum S. à Patre, & Filio. Eodem modo videtur etiā procedere ratio S. Thom. 1. p. q. 27. art. 4. videlicet propterea non esse generationem processionē Spiritus sancti, quia de ratione processionis per voluntatem, vt talis processio est, non est vt id quod procedit, procedat vt simile volenti. De ratione autem processionis per intellectum est, vt id quod per eam procedit, pcedat vt simile intelligenti quatenus intelligēs est. Vnde quoniam de ratione generationis videtur esse, vt etiā abstrahendo à subiecto in quo est, ex ratione ipsius, id quod procedit, procedat vt simile processionis principio: & hoc non competit processioni Spiritus S. nisi quatenus est in Deo, vbi quidquid procedit est Deus; ideo credibile est, processionem Verbi generationē esse, Spiritus sancti non item. Quam rationem etiam insinauit S. Augustinus li. 5. de Trin. c. 14. & reddidit quoq; D. Anselmus in Monologio, c. 15.

Tertio possumus de hac questione disputare inquirendo discrimen proprium istarum pro-

cessionum secundum se, si non euidenter, saltem ex ipsa fide; sicut (verbi gratia) fides, quæ docet, Patrem esse distinctam personam à Filio, docet etiam quid intersit inter Patrem & Filium, nempe quod Pater est principium Filij & Filius procedit à Patre, &c.

Atque in hoc consistit potissima difficultas huius questionis. Nam ex una parte, cum credamus, alteram istarum processionum esse generationem & alteram non; deberemus, ut apparet, saltem ex ipsa fide posse assignare discrimen. Et ex alia parte est difficile illud assignare, ut ostendit vltimum illud argumentum supra factum.

Et quidem si attendamus alias rationes discriminis, quas etiam adferunt nonnulli Doctores, videntur illi insinuare per reuelationem huius mysterij de vtriusque processione differentia nihil peculiare proponi nobis credendum quod non doceatur ex fide sub aliis verbis. Talis enim est ratio illa quam Ricardus de S. Viç. li. 6. de Trinit. cap. 8. & Alex. Hal. 1. parte q. 42. memb. 2. art. 2. & 3. adferunt: videlicet processione Spiritus sancti ideo non esse generationem, quia generatio debet esse communicatio præcipua eiusdem nature, per quam scilicet id quod procedit, accipiat à producente potentia communicandi alteri eandem naturam. Constat

A autem aliqui ex fide, Spiritum sanctum non posse producere aliam personam, ut potest Filius: Non igitur est Filius seu genitus. Quanquã cum hi Doctores processionem Verbi præcipuam appellent, non satis cautè loqui videntur. Etsi enim Spiritus sanctus non habeat potentiam producendi personam aliam; tamen non ideo processio illius est minus præstans aut perfecta quàm processio Verbi, sed omnino illi equalis simpliciter, cum in eadem essentia diuina communem sibi habeat omnem perfectionem Verbi. Ceterum non malè, quod ad rem ipsam attinet, Doctores illi sentiunt. Verissimum enim est, Spiritum sanctum non ita procedere ut possit ipse naturam diuinam alteri personæ communicare. Quod quia etiam sub aliis verbis quàm *generationis & spirationis*, ex fide sci-  
mus: ideo dicebam, non videri Doctores istos discrimen ali-  
quod peculiare inter generatio-  
nem Verbi & processione Spi-  
ritus sancti assignare, quod alio-  
qui non sit ex fide reuelatum.

Quoniam verò D. Athanasius in epistola ad Serapionem, & S. Augustinus libro 3. contra Maximinum, cap. 14. & D. Ambrosius lib. 1. de fide, cap. 5. & omnes alij Patres apertè fatentur, se processionum istarum discrimen nescire; omnino sentiendum est, do-  
ceri



ceri quidem ex fide aliquod peculiare discrimen esse propter quod processio Spiritus sancti non sit generatio: sed tamen id discrimen non esse nobis fide omnino & in particulari declaratum; atque ideo, ut ex sententia Patrum rectè Gregorius Ariminen. in 1. distin. 13. quæst. 1. & Marfilus in 1. quæst. 16. aiunt, impossibile esse in hac vita, citra peculiarem aliam reuelationem, per tales, quales nos sumus, illud discrimen explicari. Si enim nihil aliud per fidem deberemus credere circa differentiam harum processionum, præter id, quod aliis verbis scimus de isto mysterio, nihil sanè esset, cur tantopere in hoc discrimine declarando Doctores hærerent, & præterea videretur quæstio hæc omnis solū esse de nomine, quod minimè putandum est. Submitteendus igitur atque captiuandus intellectus est in obsequium fidei, *neque propterea* (vt diuī Athanasij verbis serm. 3. contra Arianos vtar) *sacris Scripturis*, quæ Verbum genitum esse, Spiritum sanctum genitum non esse docent, *diffidendum est, quia huiusmodi questionem non satis explicare possumus*: maxime cum id discrimen harum processionum, quod in hac parte fides generatim docet, etiam si penitus illud nobis in specie non explicet, nullo argumento ex ratione naturali ducto impugnari possit.

**A** Ad primum igitur argumentū respondeo, primò, de ratione generationis, iuxta descriptionem illam, non quomodocunque esse vt id quod à principio viuente, procedit, procedat illi simile; sed vt id habeat ex vi suæ processions, quatenus talis processio est. Inter Verbum autem & Spiritum sanctum discrimen est, quòd Spiritus sanctus non procedit, vt similis ex vi processions per voluntatem, vt talis processio est, Verbum autem ex vi processions per intellectū, vt processio per intellectum est, procedit vt simile, sicut magis patebit in solutione quarti argumenti. Deinde dico, descriptionem illam generationis viuents non esse satis adæquatam generationi diuinæ; & aliquid omnino esse in processione Spiritus sancti, quod re ipsa obstat, quo minus illius processioni conueniat adæquata ratio generationis diuinæ, quæ conuenit processioni diuini Verbi, quid autem sit illud, Deus scit. Nobis satis est ex fide generatim scire, quòd id omnino est aliquid.

**D** Ad secundum argumentū, nego, Patrem, vt est produciens, Spiritum sanctum, esse generantem. Ad probationem dico, eandem actionem Patris, vt est intellectio, esse generationem; vt autem est volitio & productio Spiritus sancti, non item. Quam ad rem distinctio illa virtualis suffi-

cit, de qua suprà cap. 2. est dictum. Ad confirmationem respòdeo similiter, actionem illam, vt est intellectio, esse per se generationem; vt autem est volitio minimè.

Ad tertium, distinguo maiorem propositionem. Non enim positiuè est melius procedere in diuinis per generationem; ita scilicet, vt is processio nis modus sit melior quocunque alio: sed est quidem melius negatiuè, id est, quo nihil est melius. Hoc tamen non impedit quo minus processio diuina, quæ non est generatio, sit etiam melior negatiuè, id est, æquè perfecta atque processio, quæ est generatio. Ad confirmationem dico, satis esse, vt illam generationis perfectionem habeat processio Spiritus sancti in essentia, in qua identificat sibi processio nem Verbi, atque adeò perfectionem generationis. Et hoc satis est ad infinitatem processio nis Spiritus sancti explicandam. Quia cum illa constet etiam ex essentia diuina, quam sibi identificat, satis est, vt in illa participet perfectionem alterius processio nis.

Ad quartum respondetur, illo argumento solum probari, processio nem Spiritus sancti re ipsa, vt est talis, scilicet vt est diuina, & vt est in Deo, habere, vt ex ipsius vi, id quod procedit, procedat vt simile: sed tamen id non habet, vt absolutè est processio per volun-

tatem, neq; etiam, vt est processio perfectissima per voluntatem. Atque ita hæc est differentia inter processio nem Verbi & Spiritus sancti, quòd de ratione processio nis per intellectum est similitudo inter Verbum productum & ipsū intelligentem, vt per speciem intelligibilem obiecti intelligit: & idcirco de ratione processio nis per intellectum perfectissima (etiam si hæc per impossibile esset extra Deum) est, vt id quod procedit per illam, procedat, vt perfectissimè simile intelligenti, hoc est, vt simile in eadem natura. Vnde fit, vt processio perfectissima per intellectum sit generatio, quia ex sui ratione habet eam similitudinem. At verò de ratione processio nis per voluntatem in genere non perinde est similitudo, vt in responsione ad sequens argumentum patebit; atque adeò nec de ratione perfectissimæ processio nis per voluntatem est, vt quod procedit per illam, procedat vt perfectissimè (hoc est in natura) simile: Sed tātum hoc competit illi, quatenus est diuina & in Deo, & propterea non perinde est generatio. Et in hoc ponit sanctus Thomas cōgruentiam rationis suæ, i. par. quæst. 27. art. 4.

Ad quintum, negatur Minor. Ad eius autem probationem ductam ex eo, quòd voluntas, à qua volitio procedit, est etiā impulsus qui-

quidā, sicut est ipse amor: Respondet Caietanus i. p. q. 27. a. 4. amorem non procedere tanquam similem volenti, secundum ultimum principium, quo est volens. Ratio est, inquit, quoniam ultimum principium, quo aliquis constituitur volens, est obiectum quatenus apprehensum; cui, ut patet, non est similis amor, quamuis sit similis voluntati. Verbum autem mentis procedit ut simile intelligenti secundum ultimum constitutivum illius in esse intelligentis, scilicet secundum speciem intelligibilem. Verum hæc Caietani responsio ex quadam opinione minus certa procedit, quæ scilicet ponit obiectum apprehensum concurrere effectivè ad actum voluntatis. Quare aliter ad argumentum respondeo, id quod procedit per voluntatem, propterea non esse omnino simile volenti, ut per voluntatem est volens, quia voluntas est inclinatio ad omne bonum adæquatè: Amor autem procedens tantum est inclinatio ad obiectum illud determinatum, quod respicit: Item voluntas pertinet ad secundam speciem qualitatis, amor verò ad primam. Secus autem se res habet in intellectu. Nam verbum procedens & Species intelligibilis, quæ ultimò constituit intelligentem in esse intelligentis, pertinent ad eandem speciem qualitatis, nempe ad primam; & præ-

terea representant idem in specie obiectum. Adde quòd veritas fidei de differentia utriusque processions non nititur illa ratione sancti Thomæ, sed divina revelatione. Quare non est magnopere de eiusmodi ratione laborandum.

Ad ultimum iam patet ex dictis responsio. Asserimus enim, per fidem de differentia generationis & processions tradi aliquid peculiare re ipsa, quod non traditur de hoc mysterio sub aliis verbis; quanquā non explicetur in particulari quid sit illud. Quam rem bene ex aliorum etiam Orthodoxorum Patrum sententia notavit D. Damascenus li. i. fidei Orthodoxæ, cap. 2. cum ita dixit: *Quoniam quidem est differentia generationis & processions, didicimus: Quis verò sit modus huius differentie, nequaquam: Quamuis autem ista intelligere non possumus, tamen ita esse, veraciter confitemur & credimus.*

## CAPVT VI.

*Explicatur quinta questio de ordine originis, suprâ cap. i. propoſita.*



QUINTA questio de ordine originis erat, quòdnam sit proprium principium cuiusque processions. Et de processione quidem Filij nunquam fuit dubitatum, quin eius principium sit Deus Pater; sed de processione Spiritus S.

acer-



acerrima cōtrouersia fuit s̄ape, & A  
est modò inter Ecclesiam Latinam  
& Gr̄acam, hoc est, inter Catho-  
licos & Schismaticos. Gr̄aci enim  
recentiores sentiunt, Spiritum  
sanctum non à Filio, sed à solo  
Patre procedere. Qui est etiā Ar-  
menorum, Ruthenorum, & Mo-  
scorum error. Nominatim ita do-  
cere cœpit (quod quidem con- B  
stet) Theodoretus circa annum  
Domini CCCC. XXX. in refuta-  
tione eorum anathematum, quæ  
D. Cyrillus scripsit aduersus Ne-  
storium & eius fautores, ex quib⁹  
initiò fuit hic Theodoretus. Af-  
firmat is igitur in illa refutatione  
cap. 9. Spiritum sanctum neque à  
Filio, neque per Filium, sed à Pa-  
tre solo procedere. Quod ipsum C  
alij Nestoriani sub idem tempus  
asseruerunt in suo quodam Sym-  
bolo, quod exstat inter opera D.  
Cyrilli, & in actis Concilij Ephe-  
sini, per Theodorum Peltanum,  
non ita pridem Ingolstadij è Gr̄co  
in Latinum conuersis, tomo 2.  
cap. 37.

Deinde, circa annum Domini  
DCC. LXVII. plures iam è Gr̄a- D  
cis eum errorem complexi erant.  
Nam Ado Viennensis & Abbas Vr-  
spergensis in Chronicis referunt,  
sub id tempus fuisse Concilium  
quoddam Gentiliaci celebratum,  
in quo præsente Rege Galliæ Pi-  
pino, Caroli Magni patre, disputa-  
tum sit à Latinis & Gr̄acis de

sanctissima Trinitate & de imagi-  
nibus. Ex quo sanè licet coniicere,  
controuersiam Gr̄acorum & La-  
tinorum in eo Concilio circa Tri-  
nitatem fuisse de processione Spi-  
ritus sancti, cū de quæstionibus  
aliis huius mysterij idem vtrique  
perpetuò senserint. Est autem de-  
inceps is error sensim factus cō-  
munis apud Gr̄acos. Nam circa  
tempora Nicolai primi, hoc est,  
circa annum Domini DCCC.  
LX. Theophylactus floruit, qui in  
caput tertium Ioannis, tanquam  
ex Gr̄eciæ communi sententia lo-  
quens, Latinos palàm traduxit,  
quò sentirent Spiritum sanctum  
à Filio procedere. Item iam sub id  
tempus Gr̄aci ex libris Dialogo-  
rum diui Gregorij (quos Gr̄acè  
conuerterant) verba illa: *Filiòque*  
*procedit*, expūxerant, vt narrat Io-  
annes Diaconus, Theophylacti  
æqualis, libro 4. de vita S. Grego-  
rij, cap. 75.

Ac denique, circa annum Do-  
mini M. LI V. erupit apertū Gr̄a-  
corum schisma, in quo huc vsque  
perseuerant propter illum erro-  
rem, tametsi sæpius à sevnà cum  
aliis erroribus damnatum, & rur-  
sus per summam inconstantiam  
receptum. Imperante enim illo  
tempore Constantino X. cogno-  
mento Monomacho, & Roma-  
no Pontifice Leone IX. quidam  
Michaël, Patriarcha Constanti-  
nopolitanus, eius Imperatoris  
pa-

patrocinio fretus, Pontificem Romanum cum suis excommunicatum esse proclamare cepit, eo quod in Symbolo addidissent illud: *Filioque procedit*; sibi quod primatum Ecclesie arrogauit, ut ex epistolis Leonis IX. ad Constantinum Monomachum intelligi potest, itemque ex Sigeberto in Chronico anno Domini M. L. IV. & ex D. Antonino tertia parte historiali, titulo 22. ca. 13. §. 11. Hunc etiam errorem Græcorum Valentinus Gentilis, cuius supra lib. 1. mentionem aliquoties fecimus, sequutus est. Siquidem in prothesibus suis, prothesi 36. & 37. contendit; *Solum Patrem essentiatorem esse* (ut loquitur) *Filij & Spiritus sancti.*

Cōtrā, omnes Orthodoxi magno consensu semper docuerunt, non à Patre solum, sed à Patre & Filio procedere Spiritum S. Quæ assertio Catholica, ut à Græcis quibusdam perperam sentientibus negari cepit, ita ex contrario ab Orthodoxis subinde magis & magis ex instituto defensa est. Nam cōtrā Nestorianorum illud Symbolum, de quo antè diximus, disertè hæc assertio propugnata fuit à D. Cyrillo Alexandrino in epistola ad Nestorium, sicut postea videbimus.

Deinde, circa annum Domini DC. cum plures à Græcis in errorem illum prolaberentur (ut ex disputatione illa Concilij Genti-

liacensis apparet, quæ incidit, ut supra diximus, non multò post id tempus, addita sunt à Latina Ecclesia in Symbolo Nicæno & Constantinopolitano illa verba: *Filioque procedit*, explicationis gratia, & ad execrationem contrarij erroris, & defensionem Orthodoxæ fidei. Et si enim penitus exploratum non est, quoto anno, & à quo Pontifice ea particula in Symbolo addita sit; tamen certum esse videtur, illam factam esse non multò ante, vel post annum Domini DC. intra annū videlicet circiter D. LXXXIX. & DC. LIII. Nam in Concilio Toletano tertio, circa annū videlicet D. LXXXIX. recitatur Symbolum Nicænum & Constantinopolitanum sine hac additione; postmodum verò in Concilio Toletano VIII. circa annum DC. LIII. recitatur cum illa; neque ante hoc tempus usquam legitur, hæc additio in ipso quidem Nicæno & Constantin. Symbolo.

Deinceps verò ulterius progrediente magis ac magis Græcorum errore, & tandè aperto schismate erumpente, accuratissimè multi scriptores Orthodoxi contra illud disputarunt, ut D. Anselmus lib. de processione Spiritus sancti, & alij: ac denique in Concilio Florentino ad extremum doctissimè & copiosissimè refutatus est.

Probatum autem assertio Catholica PRIMO ex Scripturis. I. Nam Io. 15.

ait Filius ipse de Spiritu S. *Ille me clarificabit, quia de meo accipiet, et annuntiabit vobis.* Est autē scientia id, quod Spiritu sanctus hīc dicitur accepturus fuisse de Filio: vt exponunt in eo loco August. Cyrillus, & Chrysostomus, & patet ex ipsis Christi verbis. At scientia diuina Spiritus S. & eiusdem essentia vnū & idē sunt. Accepit igitur Spiritus S. à Filio essentia per processione.

Nec verum est, quod ait in eum locum Theophylact. hunc sensum esse, De meo accipiet, id est, loquitur cōsentanea iis, quæ ego docui, & nihil contrarium: Vel, de meo accipiet, id est, ex meo thesauro, qui est Pater, vnde ego etiam accepi. Etenim Christus ipse in eodem sermone declarat, quid sit illud, *De meo accipiet.* Nempe est idem q̃ antea dixerat: *Non loquetur à semet ipso, sed quacūq; audiet, loquitur.* Nō solum igitur consentanea doctrinæ Filij loquitur, sed ea ipsa non loquitur à se, sed accipit ex Filio: idq; non per disciplinā quasi ignoraret, sed per æternā processione.

Illā autē interpretatio: De meo, id est, de thesauro meo, qui est Pater, vnde ego etiam accepi; præter quā quod extorta est, eō denique redit, vt intelligamus Spiritum sanctum esse etiā à Filio. Pater enim vt à Filio distinguitur per oppositionem relatiuam, non est thesaurus, siue res Filij, sed vt est vnum quiddam cum illo. Sic enim

in ipso Filio sunt oēs thesauri sapientiæ & sciētiæ Dei. Nec aliter Pater thesaurus esse potest Filij, nisi quatenus est in Filio, iuxta illud: *Ego in Patre, & Pater in me est.* Non enim habet extra se Filius thesaurū Patris. Est autem Pater in Filio, vt est vnum in essentia cum Filio, sicut D. Athan. & August. & oēs Patres interpretantur. Iam igitur, si Spiritus sanctus per processione accipit scientiā à Patre, vt is est vnū quiddam cum Filio atque adeo thesaurus Filij; cōsequitur necessariō, ipsum etiā per processione accipere sciētiā à Filio. Quod. n. est ab vna p̃sona diuina, quaten⁹ est vnū cū aliā, eo ipso quē est ab aliā.

Nec mouere debet q̃ de futuro dicit Christus; *Accipiet:* cū tamen ab æterno acceperit, per processione, nimirum æternam. Vtrunq; enim verum est, & q̃ accipiet, & q̃ acceperit, sicut etiam quod in p̃sentia accipit: Siquidem durat eadem in omni differētia temporis illa æterna processio Spiritus sancti, vt D. Augustinus in eum locum rectē notauit. Adde quod accipiet dicit, quia futuro tempore loquuturus erat, atq; adeo manifestaturus scientiam quam acceperisset.

II. Deinde loquēs in eodē serm. Filius de Spiritu S. *Si non abiero, inquit, Paracletus non veniet ad vos: Si autem abiero, mittam eum ad vos.* Et iterū: *Cū venerit Paracletus quē ego mittam vobis à Patre, docebit vos oēm verū.*



*veritatem.* Ex quibus locis tale deducimus argumentū. Omnis missio (vt ex Orthodoxa doctrina optimè explicuit D. Thō 1. p. q. 43. ar. 1.) est secundum modū aliquem processionsis eius, qui mittitur, ab eo qui misit. In proposito autem Spiritus S. qui mittitur, non procedit à Filio secundum imperium, vt procedit seruus à Dño missus; neq; secundum consiliū, vt procedit quis ab eo, à quo mittitur instructus de re aliqua quā ignorabat. Restat igitur vt procedat sū originē accipiēdo à Filio substantiā & scientiam suam, & quidquid habet: sicut flos dicitur emitti ab arbore, procedens sū suū esse ab eo.

Idq; rursus cōfirmatur hoc modo. Mitti ab altero nemo verè dicitur, nisi qui impulsu & quasi motu alicuius incipit de nouo esse alibi sū aliquem modum, quo ibi non erat. Si igitur Spiritus S. verè à Filio mittitur ad homines; necesse est, vt Spiritus S. sū gratiæ operationem aliquam incipiat ex impulsu, & quasi motu Filij esse in hominib. quomodo antè in his non erat. *Quale autē esse dicem?* impulsū illū, & quasi motū Filij, ex cuius incipit p operationē aliquā Spiritus S. esse in hominib. ? Certè quicunq; excogitetur pter eū qui est sū originem, stare non poterit cū consubstantialitate Spiritus S. & Filij. *Quare reliquū est,* vt idcirco Spiritus S. à Filio mitti dica-

A tur, quia ex vi suæ originis & quasi impulsu pcessionis, à Filio habet essentiam & potentiam suam, atq; adeò etiam illam operationem sū quam incipit esse peculiari modo in hominibus; quippe cū actio Spiritus S. eadem sit cum essentia & potentia Spiritus sancti. *Quæ considerans* D. Augustinus lib. 4. de Trin. cap. 19. & deinceps, rectè docuit, personam vnā ab altera mitti, esse personam vnā ab altera procedere secūdm originē.

Nec valet, quod Græci dicunt, Spiritum S. mitti à Filio, non quoniam ab illo ipse pcedat, sed quia Filius etiā dat hominibus illa dona, quæ sunt dona Spiritus S. Primum enim hæc interpretatio non retinet sermonis proprietatē atq; veritatem in eo, quòd Scriptura affirmat, Spiritum sanctum à Filio mitti. Ad missionē enim alicuius processio etiam eius aliqua ab eo qui mittit necessaria est, vt antè demonstratum est. Deinde, neque exponunt hoc modo Græci Scripturam aliquo modo improprio, qui sit in ipsa Scriptura vñtatus. *D* Nam si dare tantummodò dona Spiritus sancti, est mittere Spiritū sanctum; ergo Pater etiam mittitur à Filio & Spiritu sancto: cū Spiritus sanctus & Filius dent etiā omne donum *descendens à Patre luminum.* Id autem nusquam legitur in Scriptura, vt D. etiam August. li. 2. de Trin. ca. 5. obseruauit.

Tertiò. Nō minus verē ac propriē Scriptura dicit, Spiritum sanctum mitti à Filio, quā Filium à Patre. Sed non esset tolerabilis interpretatio, si quod dicit Paulus, *mississe Deum Filium suum in mundum*, aliquis contenderet aliud non esse, quā contulisse etiam Patrē dona & beneficia Filij in genus humanum, non autē misisse ipsum Filium secundum se per processionem originis. Igitur neque est tolerabilis illa interpretatio Græcorū de missione Spiritus sancti. Quartò. Filius ita dat dona Spiritus sancti, vt ipsum etiam Spiritum sanctum nobis det: nempe vt eo per cognitionem & amorem, adiuti illis ipsis donis, fruamur, atq; adeò, vt illum ea ratione, tanquā rem quandam nostram, ad præclarum vsum cognitionis & amoris possideamus. Dicit enim Apostolus 1. ad Cor. 6. *Membra vestra templa sunt Spiritus sancti, quem habetis in vobis.* Et iterum ad Rom. 5. *Charitatē Dei diffusam esse in cordibus nostris per Spiritum sanctum qui datus est nobis.* Vbi vtrunq; significat nobis dari: nēpe caritatem Dei, quæ est vnū ex Spiritus S. donis, & ipsum etiam Spiritum S. Quod etiam disertis verbis Patres cōfirmant. Augustinus lib. 15. de Trin. cap. 26. Ambrosius lib. 1. de Spiritu S. ca. 4. & 5. Chrysost. in ca. 5. ad Rom. Cyrill. in ca. 16. Ioan. Quomodo autē intelligi potest, ipsum etiam Spiritum san-

ctum dari atque mitti nobis à Filio, nisi aliquo tanquam motu siue impulsu Filij Spiritus S. incipiat esse per operationem suam in nobis? Nullus autē in proposito impulsus nisi secundum originē locū habere potest, vt antè ostēsum est. Procedit igitur Spiritus S. à Filio.

Neq; hoc loco obstat illud qd legim<sup>9</sup> Isa. 46. & 61. de Filio: *Et nūc Dñs misit me & Spiritus eius.* Quamuis. n. D. Aug. li. 2. de Trin. c. 5. commotus hoc testimonio, velit (vt infrā lib. 2. c. vlt. videbimus) impropriē quodammodò dici posse, personā vnā mitti ab altera, à qua non procedit: tamen longē certissima est Christi interpretatio, qui Lucæ 4. exponit, se non secundum diuinitatem, sed secundum humanitatē assumptā fuisse missum à Spiritu S. Spiritus, inquit, Domini super me, eò qd vnixerit me, euangelizare pauperibus misit me. Est igitur Filius ea natura à Spiritu S. missus, sūm quam Spiritus S. est super ipsum, & vnxit eum oleo gratiæ & lætitiæ praconforibus suis, nempe secundum humanitatem. Vt etiā sup. lib. 1. ca. 11. obiter exposuimus circa locū illum Isaie.

III. Pertinet etiā ad hanc quæst. maximè qd Christus affirmat Io. 16. *Omnia quæ habet Pater mea sunt.* Ex qua sententiā, cū sit vniuersalis, nihil licet excipere ex numero eorum, quæ habet Pater, nisi illud qd necessariò excipiendum est, vt distinctio Patris & Filij possit salua con-

consistere. Si enim distinguitur, A necesse est, aliquid sibi proprium habere Patrem quod non habeat Filius, vt eo possit Pater à Filio distingui. Hoc autem est sola relatio Patris, quæ is opponitur Filio. Quæ ratione enim illi non opponitur secundum eam originis relationem, vnum quiddam est cum illo, vt optimè ratiocinatur in illum locum D. Augustinus. At inter ea quæ præter relationem paternitatis habet Pater, est etiam vis spirandi siue producendi Spiritum sanctum: neque per hanc Pater opponitur relativi Filio, vt patet: Hanc igitur vim etiam habet Filius, & proinde ipse vnà cum Patre spirat Spiritum sanctum.

III. Adde, quod ad id ipsum significandum Christus Ioan. 20. *Insufflauit & dixit; Accipite Spiritum sanctum: vt quemadmodum spiritus æreus ex ore humano procedit, ita Spiritus sanctus à Filio, procedere intelligeretur.* Huc enim eam Christi cæremoniam pertinuisse interpretatur D. Augustinus li. 3. contra Maximinum, cap. 14. & D. Cyrillus lib. 12. in Ioan. c. 56. Et Anastasius Antiochenus li. 1. de rectis dogmatibus, cuius auctoris mentio honorifica sit in 6. Synodo: nec aliò videtur posse illa cæremonia insufflationis referri.

V. Ad Rom. 8. & ad Gal. 4. Spiritus sanctus vocatur *spiritus Filij*, sicut etiam idem vocatur spiritus

Patris, Matt. 10. & aliàs. Quomodo autem est & dicitur peculiari-ter spiritus Filij? Certè per originem, sicut Patris. Nam si dicas esse spiritum Filij per identitatem naturæ; aut quia ipse etiam procedit à Patre à quo procedit Filius: eodem modo dici posset Filius esse Verbum Spiritus sancti; vt qui etiam est eiusdem naturæ cum Spiritu sancto, & procedit à Patre à quo procedit Spiritus sanctus. At id nunquam est dictum. Restat igitur vt Spiritus sanctus sit & dicatur spiritus Filij, quia est eius per originem, sicut & Patris.

SECUNDO probatur assertio Catholica testimoniis Conciliorum. Nam in primis Concilium Ephesinum, & Synodus I V. act. 1. & 5. & Synodus V. act. ult. & Synodus VI. act. 17. & Synodus VII. actione 7. approbarunt epistolam quam D. Cyrillus ex Concilio Alexandrino, quod ipse conuocarat, scripsit ad Nestorium. In qua epistola sic inter cetera dicit Cyrillus: *Spiritus appellatus est veritatis, & veritas Christus est: vnde ab ipso similiter sicut ex Patre procedit.* Quinque igitur generalibus Conciliis in ipsa Græcia celebratis processio Spiritus sancti à Filio probata est. Et quidem in VII. Synodo quæ maiori ex parte Græcorum, fuit, non modò epist. Cyrilli probatur, sed ipsum etiam Constantinopolitanum Symbolum cum



illa additione (Filioq;) recitatum est, vt ex antiquissimo etiam Codice manuscripto Latini probauerunt in Concilio Florentino sess. 5. & 7.

Præterea in pluribus Conciliis Tolletanis ante schisma Græcorum eadem veritas asserta est, nempe in Concilio Toletano I. c. 21. & in III. c. 1. & in IV. c. 1. & in VIII. c. 1. B & in XI. cap. 1. Post schisma etiam in aliis multis, nempe in Barensi quodam, cui interfuit D. Anselmus, vt ipsemet commemorat libro de processione Spiritus sancti, cap. 4. Et in Lateranensi sub Innocentio III. c. 1. in cuius definitionem consenserunt etiam Græci, vt patet ex c. 4. Item in Lugdunensi sub Gregorio X. vt refertur lib. 6. decretalium, tit. 1. c. vnico. In eoq; Concilio Græcis etiam consentientibus Symbolum cantatū est cum illa additione, Filioq; procedit, ter Græcè & ter Latine. Item in Concilio Florentino consentientibus Græcis & Latinis. Et denique etiam in Tridentino sess. 3. in confessione fidei.

TERTIO probatur testimoniis eorum Patrum Latinorum & Græcorum, qui etiā ante schisma ortum floruerunt, quorum omnium (vt verissimè in illo Concilio Lugdunensi dictum est) incommutabilis veraq; sententia tenet Spiritum sanctum à Patre & Filio procedere. Neque enim Latinorum auctoritas,

quia Latini sunt, à Græcis schismaticis sine summa temeritate contemni potest. 1. Quia non minus sunt antiqui, & eruditi, & sancti quàm Patres Græci. 2. Quia in Concilio etiam Ephesino Latinos & Græcos simul, ad auctoritatem dogmatis Ecclesiastici contra Nestorium, citatos fuisse, commemorat Vincentius Lirinensis in libro contra profanas vocum nouitates: nempe Felicem & Iulium Pontifices, & Cyprianum, Ambrosium, Basilium, & vtrumque Gregorium Nicenum & Nazianzenum, & Athanasium. Quod etiam factum est à quinta, sexta & septima Synodo. Et item ab Augustino libro 2. contra Iulianum (vt in C Apologia nostra de sacrificio Missæ, cap. 1. notauimus) & à D. etiam Basilio libro de Spiritu sancto, capite 29.

Ex Latinis igitur omnium vetustissimus Tertullianus in libro contra Praxeam non longè ab initio, ita inquit: *Spiritum sanctum non aliunde puto quàm à Patre per Filium.* D Et rursus in eodem libro: *Tertius, inquit, est Spiritus à Deo (puta Patre) & Filio, sicut tertius à radice fructus ex frutice, & tertius à fonte riuus ex flumine, & tertius à sole, apex ex radio. Nihil tamen à matrice alienatur à qua proprietates suas ducit. Vbi vides ex Tertulliani sententia ita procedere Spiritum sanctum à Filio sicut procedit fructus ex frutice*

& riuus ex flumine, & apex ex radio. Item Hilarius lib. 2. de Trinit. prope finem: *Spiritus sanctum de Patre & Filio auctoribus esse confitendum*, inquit, est. Ambrosius li. 1. de Spiritu sancto, c. 10. cuius auctoritas à Patribus Concilij I. Constantinopolitani maximi facta est: *Spiritus*, inquit, *sanctus cum procedit à Patre & Filio, non seperatur à Patre, non seperatur à Filio*. Et li. 2. de Spiritu sancto, c. 12. *Omnia*, inquit, *Patris habet Filius, & quæ accepit ipse per unitatem naturæ, ex ipso per eandem unitatem accepit Spiritus*. Sicut ipse Dominus de suo Spiritu declarat, dicens: *Propterea dixi, quia de meo accipiet*. Augustinus libro 15. de Trinitate, cap. 26. *Sicnt habet Pater in semetipso ut de illo procedat Filius, sic dedit Filio ut de illo procedat Spiritus sanctus*. Idem li. 5. de Tri. c. 14. Item D. Leo epist. 91. seu. 95. cuius fidem Patres in Synodo Calcedonensi se completi professi sunt, & in quo D. Petrum loqui dicebant: *Alius*, inquit, *est qui genuit, alius qui genitus est, alius qui de utroque procedit*. Et in ep. 31. seu. 33. D. Cyrilli epistolâ ad Nestorium, de qua suprâ diximus, approbavit. Item D. Prosper in lib. de vita cõtemplatiua: *Spiritus ex Patre Filioq; procedit*. Id ipsum asserit D. Fulgentius libro de fide ad Petrum, cap. 2. Et Idacius Clarus, lib. contra Varimadum Arianum, Boëtius lib. 1. de Trinitate, cap. 12. D. Gregorius libro 1. Moralium,

A cap. 8. & lib. 2. Dialogorum, capite ultimo, qui à Græcis etiam tanquam sanctus colitur, & retinetur in Ecclesiæ Græcæ Calendario. Itē Beda libro 1. de elementis Philosophiæ. De aliis verò Latinis scriptoribus omnibus qui post Græcorum schisma floruerunt, dubium nullum est, quin acerrimè aduersus recentiores Græcos assertionem Catholicam ppugnauerint, ut diuus Anselmus libro de processione Spiritus sancti, & Magister sententiarum lib. 1. sententiarum, dist. 11. & D. Thomas in opusculo de erroribus Græcorum, & in qq. de potentia, quæstione 10. art. 4. & 5. & passim alij omnes.

C Est autem in Latinorum sententia obseruandum, apud ipsos quidem nihil interesse, quod ad rem attinet, utrum Spiritus sanctus dicatur procedere à Patre & Filio, vel à Patre per Filium. Quia enim Filius à Patre accepit vim qua spirat Spiritum sanctum; hoc ipso quod procedit à Filio, procedit etiam à Patre per Filium. Itaq; vnum & idem est procedere illum à Filio, ut is accepit vim spirandi à Patre, & procedere à Patre per Filium. Quanquam & immèdiatè etiam procedit à Patre, ut is consideratur non ut communicans Filio vim spirandi, sed ut principium etiam immèdiatū Spiritus sancti, æquè ac Filius, sicut infrâ magis

magis explicabitur, cum docebi-  
mus quemadmodum Pater & Fi-  
lius sint vnum & idem principium  
Spiritus sancti. Atq; ita illud Ter-  
tulliani, quod antè citauimus, in-  
telligi debet: *Spiritum sanctum non  
aliunde puto quam à Patre per Filium.*  
Quare Theodoretus, doctissimus  
ac primus eorum omnium Græ-  
corum, qui Spiritum sanctum à  
Filio procedere negant, vtrumq;  
simul negauit, vt suprà diximus;  
videlicet & Spiritum sanctum pro-  
cedere à Filio, & procedere à Pa-  
tre per Filium: intelligens nimi-  
rum vtrumque idem esse.

Alij autem recentiores & impe-  
ritiores Græci non recusant con-  
cedere Spiritum sanctum proce-  
dere à Patre per Filium, vt refert  
Cardinalis Besarion in oratione  
doctissima, quam habuit de hac  
quæstione in Concilio Florenti-  
no. Sed aiunt, Spiritum sanctum  
dici per Filium à Patre procedere,  
1. Vt significetur terminus rela-  
tionis quam significat nomen Pa-  
tris. 2. Vt significetur Spiritum  
sanctum & Filium esse consubstā-  
tiales. 3. Vt significetur à Patre  
non solum Spiritum sanctum, sed  
etiam Filium procedere, vt illud,  
*per Filium*, tantundem valeat atq;  
si dicatur, *cum Filio*.

At hic manifestus est abusus  
vocabulary. Nihil enim eorum  
triū, quæ Græci dicunt, potest re-  
ctè significari eo modo loquendi.

A Non primum nec secundum: quia  
tuncliceret pari modo dicere, Fi-  
lium procedere à spiratore per  
Spiritum sanctum. Vt enim Spi-  
ritus sanctus verè dicitur proce-  
dere à Patre, licet non vt à Patre,  
sed vt à spiratore; sic etiam Filius  
à Patre spiratore, licet non vt à  
spiratore, sed vt à Patre. Atque ita  
dicam similiter, Filium procedere  
à spiratore per Spiritum sanctum,  
nec hac oratione processionem  
aliquam Filij à Spiritu sancto si-  
gnificari, sed terminum relatio-  
nis spiratoris, & consubstantiali-  
tatem Filij & Spiritus sancti. Qui  
certè modus loquendi & signifi-  
candi est absurdissimus. Non po-  
test etiam illo modo loquendi si-  
gnificari tertium, quod aiunt Græ-  
ci, nempe Spiritum sanctum cum  
Filio procedere à Patre. Primum;  
quia eodem sensu licebit dicere,  
Filium procedere à Patre per Spi-  
ritum sanctum: quem modum lo-  
quendi nec ipsi Græci tolerabunt.  
Deinde, quia consuetudo loquēdi  
Scripturæ & auctorum Ecclesia-  
sticorum, immò aliorum quorum-  
uis rectè loquentium, non admit-  
tit, vt, *PER*, significet idem quod,  
*CVM*: quin immò semper indicat  
aliqualem causam. Alioqui si, *PER*,  
tantundem valeret, atq; particu-  
la, *CVM*, facile ab Arianis illa te-  
stimonium possent eludi, ex quibus  
Patres, etiam Græci vetustiores,  
potissimum pro diuinitate Filij  
sunt



sunt argumentati: Ioan. 1. *Omnia per ipsum facta sunt.* Ad Coloss. 1. *Omnia per ipsum creata sunt.* Ad Hebræos 1. *Per quem fecit & secula.* Sen- sus enim similiter esse posset, nō à Filio creata esse omnia, sed ipsum potius Filium vnā cum aliis rebus esse creatum. Causam igitur particula *Per* semper significat: ac p- inde idem est, vt diximus, per Filium Spiritum sanctum procedere, & à Filio siue ex Filio procedere, quemadmodum etiam in locis citatis; & item Genes. 4. *Possedi hominem per Deum,* id est, à Deo, sicut exponit D. Basilius lib. de Spiritu sancto, c. 5. sub finem.

EX GRÆCIS item Patribus antiquis nullus est in quo non inueniatur illustre aliquod testimonium pro Spiritu sancti processione à Filio. Diuus Athanasius in Symbolo: *Spiritus sanctus*, inquit, *à Patre & Filio, non factus, nec creatus, nec genitus, sed procedens.*

Neque negari potest hoc Symbolum esse D. Athanasij. Nam D. Augustinus in Psalm. 120. ex hoc Symbolo sub Athanasij nomine recitat versiculum proximū huic ipsi quem nos recitauimus: *De hoc sole* (Christo) *Pater Athanasius*, ait Augustinus, *Alexandrinus Episcopus ita pulchrè loquutus est: Filius à Patre solo est, non factus, nec creatus, sed genitus.* Atq; aliàs etiam vitur idem Augustinus sententiis huius Symboli, vt in Enchiridio c. 36. & li. 5.

A de Trin. cap. 8. & epist. 174. ad Pascensium, & ser. 195. de tempore. Item D. Gregorius Naz. in orat. de laudibus Athanasij testatur, eū perfectissimam fidei confessionsnem composuisse: *Quam totum, inquit, Oriens & Occidens veneratur.*

Sed neque dici potest, Latinos addidisse ad Athanasij Symbolum illam particulā (*& Filio*). Primū enim, versiculus proximus quem Augustinus citat (*Filius à Patre solo est, &c.*) indicat, particulam (*& Filio*) in sequenti versiculo fuisse ab eodem Athanasio positam. Nam quorsum dixisset de Filio, illum à solo Patre esse, nisi vt discrimen processionsis eius à processione Spiritus sancti ostenderet, quod ille à solo Patre, Spiritus sanctus etiā à Filio procederet? Nec enim alioqui fuit opus dicere illū à solo Patre esse, ne alioqui putaretur esse etiam à Spiritu sancto: cum id nemo vnquam putauerit. Deinde in Græco etiam Athanasij Symbolo illa particula similiter inuenitur. Tertiò in Concilio Toletano IIII. cap. 1. quod ante schisma Græcorum, hoc est, circa annum 633. celebratum fuit, recitatur idem Symbolum Athanasij cum ea particula. Postremò, neque ipsi Græci schismatici ausi sunt negare particulam illam esse Athanasij, sed ausi sunt potius, per summam contumeliam, dicere, virum sanctissimū, cum ita in Symbolo

h scri-

scripsit, ebrium fuisse: ut de Græcis sui temporis refert Gennadius Scholarius libro pro defensione Concilij Florentini, c. i. Præterea id ipsum & quidem maximè sobriè ac sapienter sensisse D. Athanasium, patet manifestè ex aliis eius scriptis. Nam serm. 4. contra Arianos post tria circiter folia ab illius sermonis initio: *Scriptura*, inquit, *exempla in medium producit quibus & Indeos pudefacere & Græcorum calumnias refellere possumus, qui dicunt nos, quia Trinitatē agnoscimus plures Deos agnoscere. Non enim tria principia aut tres partes introducimus, quemadmodum Marcionisse, cum non tres soles ad comparisonem adducamus, sed unicum solem, eiusque splendorem, unicumque ex AMBOBUS lucem.* Solem vocat Patrem, splendorem Filium, lucem ex utroque procedentem Spiritum sanctum, ut ex ipso Athanasij loco est evidentissimum.

Et in epistola ad Serapionem contra quosdam hæreticos, qui admittebant Filium esse Deum ex Deo Patre, Spiritum autem sanctum esse à Filio Deo productum, non tamen esse Deum sed Filij creaturam; ea ratione argumentatur D. Athanasius, quòd ita Spiritus sanctus verè est ac procedit immanenter à Filio Deo, sicut Filius à Deo Patre; ac proinde vel Spiritum sanctum ab illis hæreticis concedendum esse similiter Deum ex Deo Filio, vel si creatura Filij di-

citur eodem modo Filium esse dicendum creaturam Patris: *A Patre*, inquit, *dicunt Spiritum sanctum procedere, quoniam à Verbo Patris desumit, & mutitur & donatur.* Et postquam ibi ostendit sic Spiritum sanctum desumere, & mitti & donari à Filio seu Verbo, quomodo Filius desumit, & mittitur & donatur à Patre, sic concludit: *Quum igitur istiusmodi ordinem & naturam habeat Spiritus ad Filium, qualem Filius habet ad Patrem, qui fieri potest, ut qui Spiritum creaturam dicit non idem de Filio necessariò sentiat?* Si enim Filij Spiritus creatura est, consequens est ut dicant etiam Verbum Patris creaturam esse. Et paucis verbis interpositis, quibus hæreticos illos exagitat, rursus hoc modo concludit: *Ut enim Filius qui in Patre est (virget Filij processionem in Patre immanentem) creatura non est, sed ex propria substantia sui Patris; ita Spiritum qui est in Filio (nempe similiter per processionem ab eo, in eodè ipso Filio immanentem) necesse est creaturis coniungere, aut separare à Verbo, & imperfectam Trinitatem facere.* Et rursus aliquanto inferius, clarius adhuc format idem argumentum his verbis: *Quod si Filius ideo, quia ex Deo Patre est, proprius ipsius substantia est; necesse est & Spiritum qui ex Deo esse dicitur (nempe ex Deo Filio) proprium esse secundum substantiam Filij.*

Ex quo argumento Athanasij  
toties

toties repetito manifestissimum est cum sensisse, quod Spiritus procedat à Filio. 1. Quia id sumit tanquam concessum ab aduersario, & inde deniq; diuinitatem Spiritus sancti concludit. 2. Quia si non ex processione Spiritus sancti à Filio, sed ex nuda missione & acceptione illius, sine processione respectu, argumentaretur; nequaquam bene concluderet, Spiritum sanctum esse Deum, sicut Filius à quo mittitur & à quo accipit, est Deus. Nam Angelus vel homo mitti & accipere disciplinā potest à Deo; & tamen quia non etiam procedit immanenter ab eo, minimè est Deus. 3. Illa verba clarissima sunt: *Necesse est & Spiritum, qui ex Deo esse dicitur, &c.* Oportet enim omnino ex Deo Filio ibi subintelligere, ut oratio & consequentia D. Athanasij cohereat. Vult enim concludere, Spiritum sanctum, quia sic est ex Filio Deo, sicut Filius est ex Deo Patre, ipsum etiā esse Deum consubstantialē Filio. Quemadmodum, quia Filius (ut ibi è vestigio argumentū suum confirmandum inquit D. Athanasius) *sapientia & veritas est, scriptum est, & Spiritum, Spiritum sapientia & veritatis esse.* Mihi quidem tam evidens est hoc loco, D. Athanasium processionem Spiritus sancti à Filio agnouisse, ut suspicer à Græcis aliquibus qui in contrario errore fuerint particulam Filio, post illud

A Verbum, ex Deo, expunctam esse: tamen frustra, cum illa etiam expuncta, nequeat locus aliter constare, nisi ex Deo Filio subintelligamus.

Rursus idem argumentum repetit Athanasius in duabus epistolis breuioribus ad Serapionem hoc modo: *Si Filium, quoniam non est ex non entibus, sed ex Deo, consequenter non potest esse creatura; necesse est, neg, Spiritum sanctum esse creaturam: eò quòd in confesso est eum esse ex Deo.* Ex quonam autem Deo esse Spiritum sanctum in confesso est apud hæreticos etiam Macedonianos quos redarguit Athanasius? Certè non ex Deo Patre, id enim Macedoniani negabant, sed ex Deo C Filio, quod illi confitebantur.

Item in libro cuius est titulus, Redargutio hypochrismi Meletij, sub finem: *Impossibile, inquit, est, Spiritum sanctum in Trinitatis gloria numerari, si non emanasset ex Deo per Filium, sed per modum creatura à Deo factum ut putant.* Quemadmodum autem idem sit emanare Spiritum sanctum per Filium, & emanare à Filio, suprā explicauimus.

Item D. Basilius (quem tanti fecit ipse Athanasius, ut gloriam Ecclesie nominauerit in epistola ad Palladium) libro 2. contra Eunomium sub finē sic loquitur: *Nulla, inquit, Filij operatio à Patre dissoluta est; Omnia enim, inquit, mea tua sunt, & tua mea sunt. Quando igitur Spi-*



ius causam soli vnigenito attribuit Eunomius? Vides quomodo probat Spiritum sanctū esse etiam à Patre (quod negabat Eunomius) quia procedit à Filio, & omnes actiones Filij sunt etiam Patris?

Et li. 3. contra Eunomium initio: *Cur necesse est, inquit respondens ad consequentiam Eunomij, si dignitate & ordine tertius est Spiritus sanctus, natura quoque ipsum tertium esse? Dignitate namque ipsum esse secundum à Filio, cum ab ipso esse habeat, & omnino ab illa causa dependeat, pietatis ratio tradit: natura verò tertia, neque ex sanctis Scripturis didicimus, neque ex prædictis possibile est colligere.* Græci in Concilio Florentino sels. 20. respondebant non haberi in omnibus Græcis codicibus illa verba: *Cum ab ipso esse habeat, & omnino ab illa causa dependeat;* ac proinde Codices Latinos corruptos esse. Sed Latini ostenderunt Græcum Codicem ante 600. annos scriptum in quibus ea sententia continebatur. Et certè continetur ea etiam in verbis quæ è vestigio ibi subiungit ita Basilii: *Nam quemadmodum Filius ordine quidem à Patre secundus est, quoniam ab illo est; & dignitate quoniam origo & causa essendi Pater ipse est; natura verò nullo modo secundus, quoniam in utroque, una est Deitas: ita Spiritus sanctus etsi dignitate & ordine secundus à Filio est, non tamen aliene ipsum natura esse inde consequitur.* Vbi notet Lector,

A quomodo Basilii interpretetur, quid sit, dignitate & ordine vnam personam esse secundam ab altera, sicut Spiritum sanctum à Filio secundum esse concedit: Ait enim id esse, personam vnam esse alteri originem & causam (hoc est principium) essendi.

Idem asserit li. 5. in Eunomium c. 8. cuius titulus est, *quod Spiritus sanctus sit imago Dei & Christi.* Imago enim debet ab exemplari procedere, ut ostendit rectè D. Augustinus, lib. 83. qq. q. 73. & infra suo loco docebimus. Rursus eodem loco c. 11. Cuius titulus est, *quod si cui se habet Filius ad Patrem, ita Spiritus sanctus ad Filium.* Ac ibi ita dicit: *Quapropter verbum Dei est Filius, verbum autem Filij est Spiritus sanctus.* Procedit igitur à Filio Spiritus sanctus sicut Filius procedit à Patre. Quomodo autem Spiritum sanctum appellet verbum postea li. 4. c. 3. exponemus, cum agemus de propriis personarum. Rursus in eodem lib. c. 12. in cuius titulo hæc quaestio proponitur: *Quare Spiritus sanctus non est Filius Filij?* Respondet autem his verbis Basilii: *Non equidem quia non sit ex Deo per Filium. Sed ut non Trinitas putetur esse infinita multitudo quæ suspecta sit Filios ex Filiis habere, quemadmodum fit in hominibus.*

Ex quo loco multis sanè modis probari potest, Spiritum sanctū, ex sententia Basilij, procedere quoque

quoque à Filio. 1. Quia nisi id habuisset pro comperto, ineptè moveret quæstionem, quare non dicatur Filius Filij? Nam quæ esset ratio dubitandi? Certè nemo sanæ mentis quærat, quare frater non dicatur filius fratris, à quo non procedit. 2. Quia non respondet, ideo filium non esse, quia non procedit ab eo: id quod fuisset promptissimum respondere, si ita rem habere putasset: sed alias rationes conatur reddere, cur filius filij non sit. Sicut etiam D. Athanasius in epistola ad Serapionē: Vbi sæpe repetit, tandem esse mysterium id ineffabile: quo nihil certè opus erat cōfugere, ac multò minus eiusmodi quæstione se diuexare, si vno verbo dici poterat, ideo Spiritum S. non esse Filium Filij, quoniam à Filio non habeat esse. 3. Quia disertis verbis Basilii eam etiam responsionem excludit: *Non quia non sit*, inquit, *ex Deo per Filiū, etc.* 4. Quia excludens eam responsionem, certè fateretur, Spiritum sanctum habere esse per Filium, quod idem est, ac habere esse à Filio, vt suprà in hac quæstione explicatum est.

Præterea D. Gregorius Nazianzenus oratione 5. de Theolog. quærit: *Quid desit Spiritui sancto, quare non sit Filius?* Respondet: *Nihil deesse illi dicimus. Neque enim Deo quidquam deest. Verum manifestatio- nis, mutuaq. eorum relationis differen-*

*tia diuersa quoq. ipsis nomina procreauit.* Mutuam autem relationem eorum intelligit procul dubio esse relationem eorum ad inuicem, quæ non est alia, nisi secundum originem, ex qua in diuinis existit personarum differentia. Nam & ibidem etiam eadem ratione dicit Filium non esse Patrem, *propter mutuam utriusque relationem*, nempe secundum originem. Ac denique ibidem tres personas comparat cum Adam, qui à nullo homine exstitit, & Eua, quæ exstitit ex Adamo, & Seth, qui exstitit ab utroque.

Item diuus Gregorius Nizænus libro ad Ablabium, cuius titulus est; *Quòd non oporteat tres Deos dicere*, vbi ostendit, nihilominus personas distingui secundum originem: *Eam*, inquit, *quæ circa causam & causatum consideratur differentiam non negamus, per quod solum alterum ab altero discerni deprehendimus: nimirum quod credimus, aliud quidem causam esse, aliud ex causa, & ex eo quod ex causa est.* Quibus postremis verbis manifestè designat Spiritum sanctū; qui est ex eo, quod ex causa est, hoc est, ex Filio. Atque etiam cū dicit, solum per eum originis ordinem alteram personā ab altera discerni. *Causam* autem, more aliorum Græcorum Patrum, accipit pro originis principio. Item subiungit ibi: *Rursus aliam differentiam*

consideramus. Nam aliud quidem continetur, & sine medio ex primo est. Aliud verò per id, quod immediatè, ex cōsistenti est. His autem verbis illam differentiam Filij & Spiritus sancti proponit, quam suprà explicauimus: nempe quòd Spiritus sanctus non solù immediatè, sed mediatè etiam procedit à Patre, hoc ipso quòd procedit à Filio, qui est ex Patre. Filius autem solù immediatè à Patre pcedit. Adducit etià Gennadius in defens. Concilij Florentini, cap. 1. alium locum huius Gregorij ex homil. 4. in orationem Dominicam, quem dicit ex illius operibus fuisse à Grecis schismaticis expunctum. Verba autem Gregorij, quæ citat, sunt ista: *Spiritus sanctus & ex Patre dicitur, et ex Filio praterea esse ostenditur.* Item Besarion in oratione dogmatica, cap. 6. adducit testimonium alterum ex eodem lib. 1. contra Eunomium, qui libri nondum Latine editi sunt, vbi hic Gregorius de Filio & Spiritu sancto loquens: *Uterque, inquit, ex primo principio, id est, ex Patre, suam substantiam habet.*

Item D. Gregorius Taumaturgus in sua confessione fidei, quam refert in orat. de illius laudibus D. Gregorius Nicænus: *Unus, inquit, Spiritus sanctus ex Deo ortum, & existentiam habens, qui per Filium apparuit imago perfectæ Filij perfecti.* Quo loco dupliciter significat

A processionem Spiritus sancti à Filio. 1. Quia dicit, illum per Filium apparuisse, id est, missum visibiliter ad Apostolos fuisse. Missio autem respectum processionis includit, vt suprà explicatum est. 2. Quia perfectam imaginem Filij perfecti vocat. Imago autem ab exemplari aliquo modo procedat, necesse est. Et quidem si sit tantum imago artificialis, sufficit vt ab exemplari procedat secundum illius formam intellectualem, quæ est in mente artificis: Imago autem naturalis qualis est in proposito, ab exemplari suo procedit semper, vt à principio sui esse. Omnis siquidem efficiens intendit sibi assimilare secundum formam suam id quod efficit.

Item D. Cyrillus Hierosolymitanus catechesi decima septima: *Unus, inquit, est Spiritus sanctus subsistens, qui ubique Patri & Filio adest, non qui ab ore Patris & Filij loquente formetur, vel effletur, vt in aërem diffundatur, sed substantialis loquens ipse, & operans.* Quo loco dum negat diuus Cyrillus, Spiritum sanctum ab ore Patris & Filij materiali modo effari, procul dubio indicat, spirari ab ipsis alio modo sublimiori, sic videlicet, vt ipse etiam sit subsistens, & loquens, & operans.

Item D. Chrysostomus homilia prima de Symbolo, tomo quinto: *Iste, inquit, est Spiritus de Patre*



*Et Filio procedens. Et homil. 2. Spiritum sanctum dicimus Patri & Filio coequalem, & procedentem de Patre & Filio.*

Item Epiphanius hæresi 69. probat contra Arianos, Spiritum sanctum non esse Filij creaturâ: *Quoniam unus*, inquit, *est Spiritus Dei, Spiritus ex Patre procedens, & de Filio accipiens. Hi vero volunt hunc creaturam esse.* Quo loco manifestum est verbis illis: *Et de Filio accipiens*; si significasse Epiphanium processionem Spiritus sancti à Filio; siquidem eam acceptionem opponit creationi: nisi quod voluit illud ipsum vocabulum retinere, quo Filius ipse in Evangelio processionem Spiritus sancti à se significavit, inquit: *De meo accipiet.* Item in libro Anchoratus, *Spiritum sanctum esse à Filio, & ex Filio*, sæpissimè repetit.

Idem apertissimis verbis sæpe etiam asserit D. Cyrillus Alexandrinus. Vt lib. 13. thesauri, cap. 2. *Ex Filio*, inquit, *naturaliter & substantialiter Spiritum Sanctum sicut ex Patre provenire credimus.* Similiter lib. 11. in Ioannem, cap. 1. & 25. & lib. 12. cap. 56. & lib. 5. 6. & 7. Dialogorum de Trinitate cum Hermia, & lib. de recta fide ad Theodosium, post medium. Et in epist. ad Nestorium suprà citata. Asserit etiam idem apertè Didymus Alexandrinus lib. 2. de Spiritu sancto. & Simeon Metaphrastes in vita S.

A Dionysij Areopagita. Anastasius Antiochenus libro 1. de rectis dogmatibus. Et Tharastius Patriarcha Constantinopolitanus in epistola ad Episcopos Oriëntales, quæ exstat in VII. Synodo, act. 3. Et Maximus in 4. caput Ezechiel. vt Belarion citat in sua oratione dogmatica, cap. 6.

B QVARTO probatur Catholica assertio ratione Theologica, hoc modo: In diuinis personis nulla est distinctio, nisi ratione relationum, quæ sint secundum originem vnius personæ ab alia. At certissimum est, personam Filij distingui à persona Spiritus sancti, vt suprà libro primo probatû est. Igitur est inter Filium & Spiritum sanctum relatio atque ordo originis. Rursus, non est inter Filium & Spiritum sanctum talis ordo originis, secundum quem Filius sit ab ipso Spiritu sancto, vt in confesso est apud omnes. Restat igitur, vt secundum eum originis ordinem, qui est inter Filium & Spiritum sanctum, Spiritus sanctus procedat à Filio. Quod autem non sit in personis distinctio nisi secundum relationem seu ordinem originis, patet, 1. ex Scriptura, quæ ubiq; testatur, personas diuinas esse vnum quiddam, excepta sola distinctione, quam indicant illarum nomina, nempe *Pater, Filius, & Spiritus sanctus*, quæ certè nomina sunt relatiua.

In quo genere maximè illustre est illud Filij testimonium loquentis cum Patre: *Omnia tua mea sunt.* Ex qua oratione, vt suprà diximus cum Augustino, cùm vniuersalis sit, nihil debet excipi, quod possit esse commune vtrique, salua distinctione Patris, & Filij, vt Pater & Filius est, cuiusmodi est quidquid est absolutum. 2. Id patet testimoniis Patrum. Ita enim docet D. Gregorius Nicænus lib. ad Ablabiū, in fine. Et Greg. Naz. orat. 5. de Theologia. Athanasius contra Anom. pag. 659. & pag. 664. Basilius in Eun. pag. 309. & 335. Cyrillus lib. 7. thesauri, cap. 1. Augustinus lib. 7. de Trinit. cap. ultimo, & lib. 15. cap. 14. Boëtius lib. 1. de Trinit. cap. 12. Richardus Victorinus lib. 2. de Trinit. Anselmus lib. de processione Spiritus sancti, cap. 1. & 2. & alij. Vnde in Concilio Toletano XI. ca. 1. dicitur, in solis relationibus numerum cerni. Vt dubitari nullo modo possit de illo Theologorum axiomate: In diuinis omnia sunt vnum, vbi non obuiat relationis oppositio. 3. Idem probatur ratione. Nā nisi absoluta essent omnibus personis cōmunia, exceptis solis relationibus; neque personarum vnitatem in essentia (vt rectè notatum est in Concilio Lateranensi) neq; æqualitatem atque infinitatem illarū defendere possemus: non enim vna persona ha-

beret in ratione absoluta quidquid est perfectionis in altera.

Nec mouere debet, quòd Pater ipse, vt Pater est, distinguitur à Spiritu sancto, vt est Spiritus sanctus: cū tamen inter illos secundum has rationes non videatur esse relatio originis. Primum enim ipsæ etiam origines relationes sunt, vt suprà capite 4. exposuimus. Quòd verò ponit axioma illud Orthodoxum, in diuinis nō esse distinctionem, nisi secundum relationes, intelligendum est de relationibus, quæ vel inclusæ sunt in ipsa ratione originum, vel quæ nostro concipiendi modo in ipsis originibus fundantur, quatenus sunt etiam quædam quasi formæ, vel proprietates personarum, vt patet ex dictis suprà cap. 4.

Haftenus igitur Spiritum sanctum à Filio etiam procedere, ex Scriptura, & ex Conciliis, & ex Patribus, & ex ratione Theologica, satis demonstrauiſſe videmur. Quibus omnibus probationibus nescio an illa sit minor, quòd vt à pluribus notatum est, post factum à Græcis schisma, Deo ab iis repente meritis erroris pœnas, deterius semper illorum res habuerunt, donec tandem anno Domini M. CCCC. LII. die XXVIII. Maij imperium illorum, ipso Imperatore occiso, & Constantino-poli capta à Turcis, extinctum est, ipsisq; iugum acerbissimum seru-

uitu-

uitutis impositum. Incidit autem dies ille 28. Maij, eo anno (sic-  
cut est obseruatum) postridie  
Pentecostes: vt videatur Spiritus  
sanctus, tempore potissimum  
honori ipsius consecrato, iniuri-  
am sibi peruersa Græcorum opi-  
nionē illatam vindicare voluisse.

IAM VEROSI Spiritus sanctus,  
vt certissimè demonstratum est, à  
Filio etiam procedit: dubium esse  
non potest, quin rectissimè ab  
Ecclesia fuerit addita in Constan-  
tinopolitano Symbolo illa parti-  
cula, *Filiog.* Vt fides aduersus eos,  
qui de Spiritus sancti processione  
malè docere palàm cæperunt, di-  
sertis verbis explicaretur. Munus  
enim Ecclesiæ, atque adeò summi  
illius Pastoris, Romani Pontifi-  
cis, est, fidem in controuersis  
quæstionibus explicare, ac fide-  
libus credendam proponere, vt in  
Analysi nostra fusè comprobaui-  
mus. Quare non est iusta vllò mo-  
do Græcorum ob hanc rem que-  
rimonia.

OBIIICIUNT autem Græci ad-  
uersus Catholicam assertionem,  
atq; adeò contra illam etiam ad-  
ditionem in Symbolo factam, le-  
uissimam quædam argumenta, quæ  
nunc breuiter refellenda sunt.  
Primò obiciunt illa Christi ver-  
ba Ioannis decimo quinto: *Cum  
veneris Paracletus, quem ego mittam  
vobis à Patre, Spiritum veritatis, qui à  
Patre procedit.* Non igitur procedit

etiam à Filio, quandoquidē Chri-  
stus hoc non addidit.

Respondemus, minimè id se-  
qui, idque ostendimus multis ra-  
tionibus. 1. Quia quod singula-  
riter tribuitur vni personæ diui-  
næ, etiam subintelligitur conue-  
nire alteri, nisi sit illud quo ab al-  
tera persona distinguitur. Pater  
autem non distinguitur à Filio  
per hoc, quòd ab eo procedit Spi-  
ritus sanctus; non enim ea ratio-  
ne opponitur relatiuè Filio. Qua-  
re subintelligendum etiam in illo  
loco est, à Filio quoque Spiritum  
sanctum procedere. Vt cum dixit  
Christus Petro: *Caro & sanguis non  
reuelauit tibi, sed Pater meus qui in cæ-  
lis est*: ipsum etiam Filium reue-  
lasse subintelligimus. 2. Quia li-  
cet Christus dixisset: *A solo Patre  
procedit*, tamē nec tunc excludere-  
tur Filius, vt patet ex ratione iam  
dicta. Multò igitur minus exclu-  
dendus est, vbi non est addita di-  
ctio illa exclusiua, *à solo*. Quemad-  
modum optimè diuus Anselmus  
libro de processione Spiritus san-  
cti argumentatus est. Vt Matthæi  
vndecimo, cum Christus addita  
particula exclusiua, dixit: *Nemo  
nouit Filium, nisi Pater*; minimè se  
exclusit, ac si se ipse non noue-  
rit. 3. Quia alia ratio, eaque du-  
plex fuit, cur à Patre dixerit ibi  
Christus Spiritum sanctum pro-  
cedere, & non etiam à se. Prima,  
vt indicaret, quomodo differret  
sua.



sua processio & processio Spiritus sancti, quatenus uterque est à Patre; nempe quòd ipsius processio est generatio, siquidem ipse est Filius; processio autem Spiritus sancti Paracleti non est generatio, sed communi vocabulo dicitur *processio*, nimirum per amorem. Videtur enim ibi Christus, cum Spiritum Paracletum discipulis promitteret, simul voluisse illius rationem eis indicare, explicando id, in quo ille cum ipso *convenit*, nimirum quòd est à Patre, & id in quo ab ipso *differt* ut est à Patre, nimirum quòd non procedit ut Filius per generationem, sed per alium modum processioneis. Altera ratio fuit, ut indicaret, Patrem esse quasi principalem auctorem Spiritus sancti, à quo ipse etiam Filius vim accepit eundem spirandi. Hanc enim rationem reddit quoque diuus Augustinus lib. 3. contra Maximinum, cap. 14. Adde 4. quòd cum ibidem vocat *Spiritum veritatis*, eo ipso insinuat à se quoque illum procedere. Siquidem Filius ipse est Veritas & Verbum Patris.

II. Obiiciunt Græci, quòd in Concilio Ephesino, quòd est tertium generale, lectum fuit Symbolum Nestorianorum, & refutatio anathematum Cyrilli, scripta à Theodoro, & utrobique habebatur Spiritum S. à solo Patre procedere: neque tamen eam senten-

tiam Patres Concilij damnarunt, quo ipso approbasse illam videntur.

At hæc obiectio nulla est. 1. Quia non damnatur in Conciliis quidquid falsò in eis extra causam principalem, propter quam congregata sunt, recitatur. Coactum autem erat Ephesinum Concilium in primis propter errorem Nestorij, nõ propter quaestionem de processione Spiritus sancti, de qua nihil antea disputatum erat. 2. Quia etiam epistola S. Cyrilli ad Nestorium est in eo Concilio non modò lecta, & non improbata, sed etiam approbata, sicut etiam deinceps à pluribus Synodis, ut supra diximus. In ea autem epistola Cyrillus asserit, Spiritum sanctum esse à Filio: quo ipso satis contraria sententia Theodoretæ & Nestorianorum improbata est. 3. Adde quòd si Græci doctrinam Theodoretæ approbatam silentio ipso à Concilio Ephesino volunt, falsum erit etiam illud, quòd ipsi concedunt, Spiritum sanctum à Patre per Filium esse. Nam id etiam disertè negavit Theodoretus, ut supra diximus.

D III. Obiiciunt, quòd in Nicæno Symbolo non habetur, Spiritum sanctum à Filio procedere, & in Constantinopolitano Symbolo, tantum modò habetur, Spiritum sanctum ex Patre procedere. In Concilio autem Ephesino, cap. 7. prohibetur omnes alteram fidem proferte, aut scribere, aut exponere

nere præter eam, quæ definita fuit in Concilio Nicæno, idq; sub pœna depositionis, si ij qui secus fecerint, fuerint Clerici, & anathematis, si fuerint Laici.

Respondemus in primis, Concilium Nicænum nihil dixisse de processione Spiritus sancti. Tantummodò enim in eius Symbolo habentur de Spiritu sancto illa verba: *Et in Spiritum sanctum*, nempe credimus. Id quod etiam patet ex Cyrillo libro primo Dialogorum de Trinitate cum Hermia, & ex Ruffino lib. 16. historię, cap. 6. Concilium autem Constantinopolitanum dixit quidem in Symbolo Spiritum S. à Patre procedere, sed non à solo Patre, vt Hieremias Patriarcha Constantinopolitanus falsissimè nuper scripsit in sua Censura Confessionis Protestantium, cap. 1. Per hoc autem, quòd hoc Concilium Spiritum sanctum à Patre procedere affirmat, non negat, quin etiam procedat à Filio: vt neque ipse Filius id negauit, cum in Euangelio dixit, *Spiritum Paracletum à Patre procedere*, sicut antè explicatum est.

Deinde dicimus, in eo Concilio à Patre nominatim Spiritum sanctum procedere definitum esse, quia Macedoniani hæretici, contra quos illud Concilium congregatum est, id negabant, asserentes à solo Filio pductum esse, tanq̃ eius creaturam, vt suprà ex Athanasij

A disputatione contra illos intelleximus. Non autem addiderunt ea Concilia procedere illum à Filio quia id tunc temporis nemo negabat.

Tertiò dicimus, in Concilio Ephesino non prohiberi additionem cuiuscunque doctrinæ, quæ illi tradita in eis Symbolis consentanea sit, & eam magis explicet, sed additione alterius doctrinæ, quæ illi aduersa sit: Ita vt altera fides in ea prohibitionem tantundem sit, atque contraria, vel peregrina alia doctrina, sine Scripturæ fundamento, & auctoritate infallibili Ecclesiæ, tradita, sed priuato errore ab aliquo, siue Laico, siue Clerico adinuenta. Quo pacto etiam intelligitur illud Apostoli ad Galat. 1. *Si quis aliud euangelizauerit, præterquam id quod accepistis, anathema sit*. Hoc modo non est altera fides illa, quæ additione illa, Filioq; ab Ecclesia explicata est. Nō enim est contraria ei particulæ Symboli Constantinopolitani, quæ habebat: *Spiritum sanctum à Patre procedere*. Immò eam explicat; cum hoc ipso, quòd à Patre procedit, procedat etiam à Filio, qui est vnum per omnia cum Patre, excepta relatione filiationis, vt suprà expositum est. Itē neq; est ea fides peregrina: sed auctoritate Ecclesiæ legitima & infallibili, grauissima ex causa, proposita & addita in Symbolo: nepe vt hac ratione iis occur-

occurreretur, qui de hac re perperam sentire inceperant, & erroris sui occasionem ex Symbolo illo Nicæno & Constantinopolitano malè intellecto sumebant.

Quòd autem additio illa isto modo facta, minimè fuerit contra prohibitionem illam Concilij Ephesini, duplici ratione præterea probamus. 1. Quia si omnis omnino additio ad Concilij Nicæni Symbolum illicita fuit; ergo neque licitè potuit Conciliū ipsum Cōstantinopolitanū addere particulam illam: *Ex Patre procedentē*; quæ non fuerat in Nicæno Symbolo. Item etiā Concilij Chalced. Patres contra id decretum fecissent, quando Symbolum etiam aliud à Nicæno & Constantinopolitano ediderūt, ubi multæ particulæ adduntur, quæ non sunt in Nicæno. Vt esse vnum Deum, *non quasi solitarium*; & Filium *vitam ex vita, perfectum de perfecto*, & Spiritū sanctum *non ingentum, neq. genitum*, & quædā alia similia. 2. Quia post additionem illam factam, *Filiog.*, hoc est, post annum DX. celebrata sunt in Græcia tria Concilia generalia, sextum, septimū, & octauum, in quibus minimè ignorata est Latinorum sententia de processione Spiritus sancti à Filio; neque tamen eam sententiam reiecerunt, aut decretum illud Ephesinū Latinis obiecerunt; quin potius in VII. Synodo cum illa addi-

tionem Symbolū, vt suprà diximus, recitatum est. Quare Michaël ille Patriarcha Constantinopolitanus & alij Græci schismatici, qui trecentis circiter annis post additionem illam, vt suprà notauim⁹, decretum illud Concilij Ephesini obicere cœperunt, planè id videntur ex anticipato solum errore, & contra sententiam ipsius decreti fecisse: non enim alioqui Græci antiquiores in generalibus Synodis id dissimulassent.

IV. Obiiciunt, quòd Leo III. Pontifex Romanus, qui præfuit circa annum Domini DCCC. curauit, in argentea lamina inscribi Symbolum Constantinopolitanum, sine illa additione, & reponi in altari iuxta corpus D. Pauli, vt Magister sententiarum refert lib. 1. distinct. II. Quo facto improbasse hic Pontifex videtur eam additionem, quæ iam ante CC. annos facta erat.

Respondemus, id consiliū Pontificis eò tantūmodò pertinuisse, vt constaret etiā, quale fuerit Symbolum Constantinopolitanum; & quemadmodum nihil ei contrarium per illam additionem definitum esset; & vt ea ratione prouideretur, ne quis falsò obicere posset, in Symbolo Constantin. dictum esse, quòd Spiritus sanctus à solo Patre procederet, sicut videmus impudenter fecisse nuper Hieremiā Constantinopolitanū; & de-



& denique ut suus etiam illi Symbolo honos in Ecclesia haberetur, nec putaretur Græci illud à Latinis improbari aut contemni, quamvis ad illud aliquid additum fuerit. Nam neque Symbolum Apostolorum improbatum est, quia aliquid ad illud sit additum in Nicæno Symbolo; neque hoc etiam Nicænum, quia aliquid ad illud sit additum in Constantinopolitano; neque hoc rursus Constantinopolitanum, ideo quia aliqua etiam sunt addita in Chalcedonensi.

V. Argumentantur etiam à ratione. Nam Spiritus sanctus est unus. Ergo debet procedere ab uno; item Pater habet sufficientem vim illum spirandi, ergo solus eum spirat.

Sed hæc argumenta nullius sunt momenti. Nam qualibet creatura est una; & tamen qualibet producit ab omnibus tribus personis. Deinde Pater & Filius quatenus sunt unum quiddam, producant Spiritum sanctum, ut postea magis explicabimus. Denique quia Pater eatenus habet sufficientem vim spirandi quatenus est unum quiddam cum Filio, inde fit ut etiam à Filio procedat Spiritus sanctus, ut duobus sequentibus capitibus magis explicabimus.

VI. Obiiciunt quædam loca Patrum. Ut Dionysij, qui c. 2. de divinis nominibus dicit: *Solum Patrem esse fontem divinitatis*. Respon-

A deo, nomine fontis intelligere ipsum, principium primum qui non accipiat ab alio. Quanquam & Epiphanius hæresi 69. appellat Filium *fontem de fonte*, sicut Deum de Deo. Item obiiciunt Gregorium Nazianzenum, qui in oratione ad Episcopos qui venerant ex Aegypto dicit: *Omnia quæ habet Pater, habet Filius, excepta causalitate*. Respondeo, intelligit causalitatem respectu ipsius Filij, per quam scilicet est Pater. Item Basilium, qui epist. 43. inquit: *Nullam secundum propriam notionem, communionem habet Filius cum Patre*. Respondeo, similiter loqui Basilium de Filio ut est Filius, non ut est spirator. Ut enim est spirator, ibi potius dicit

B  
C Basilium per illum tanquam per suum correlativum cognosci Spiritum sanctum. Item Damascenum, qui li. 1. c. 11. ait: *Spiritum per Filium esse dicimus, ex Filio non dicimus*. Respondeo, agere ibi Damascenum de modo loquendi: nempe ut processio Spiritus sancti à Filio potius per particulam *per*, quam ex

D significetur, ut simul indicaretur contra Macedonium, procedere à Patre. Sed iam rectè etiam significatur expressius per particulam, *ex*, contra Græcos. Quod autem rem non neget Damascenus, patet ex cap. 18. eiusdem libri, ubi Spiritum sanctum vocat *imaginem Filij*. Item obiiciunt Theophylactum in 3. c. Ioannis. Sed hic unus fuit

ex illis qui non multò ante apertum schisma temerè in hac quaestione errauerunt.

## CAPVT VII.

*Vtrum Spiritus sanctus distinguatur à Filio, si ab eo non procederet.*

**S**PIRITVM sanctum procedere etiam à Filio, satis, vt arbitror, capite precedenti probatum atque defensum est. Ceterù assertionis huius occasione sollet hoc loco alia quaestio moueri, quælicet sit planè subtilis & speculatiua, tamè quia est celebris apud Doctores Theologos non videtur prætermittenda. Ea quaestio est: Vtrum si Spiritus sanctus non, procederet à Filio distingueretur ab illo? Est enim sententia Scoti in 1. dist. 11. q. 2. & Gabrielis ibidem, & Henr. Gand. quodlib. 5. q. 9. quòd nihilominus distingueretur. Probât primò. Tunc Filius & Spiritus sanctus procederent à Patre per disparatas origines, scilicet intellectus, & voluntatis; ergo nihilominus distinguerentur. Consequentia probatur. Quia illæ origines nõ possunt habere eundem terminum productum. Confirmatur ex D. Anselmo dicente in libro de Spiritu sancto, Filium & Spiritum sanctum distingui, quoniam à Patre habent esse diuersi-

A modè, per diuersas scilicet originēs.

Secundò. Filius nunc distinguitur à Spiritu sancto per suam filiationem & non per spirationem actiuam, qua producit illum. Sed dato quod Spiritus sanctus à Filio non procederet, haberet nihilominus Filius eandem filiationem

**B** quam iam habet. Ergo eodè modo à Spiritu sancto distingueretur. Maior probatur dupliciter. Primò. Quia per idem aliquid distinguitur ab alio quo constituitur in suo esse: Sed Filius constituitur per filiationem in esse persone, & non per spirationem actiuam: Ergo per filiationem distinguitur. Secùdò. Quoniam Filius, quatenus persona est, distinguitur à Spiritu sancto, atq; adeo per proprietatem personalem, qualis est filiatio, & non spiratio.

Tertiò. Si Spiritus sanctus procederet à solo Filio & non à Patre; nihilominus distingueretur à Patre. Ergo pari ratione, quamuis non procederet à Filio, sed à Patre; distingueretur à Filio. Antecedens probò. Quia aliàs si in illo casu Spiritus sanctus esset idem quod Pater, Filius produceret suum Patrem: quandoquidè produceret Spiritum sanctum. Id autem est absurdum.

**D** Quartò. Si tunc Spiritus sanctus à Filio non distingueretur, maximè quia non opponeretur Filio

Filio relatiuè. At ex hoc sequetur, quòd nec iam distinguatur à Filio, vt Filius est, cum ei vt Filio non opponatur relatiuè. Ergo illa ratio nihil valet.

Quintò, sententia hæc ita confirmari potest. Illo casu admissò, Spiritus sanctus esset idem prorsus qui nunc est. Ergo distingueretur à Filio. Antecedens probo. B Quia cum in Patre sit perfecta vis spirandi; ab illo etiam solo reciperet quidquid nunc recipit ab vtraq; persona. Consequentia verò probatur. Quia inter alia, quæ Spiritus sanctus nunc habet ex sui ratione, hoc etiam vnum est, vt scilicet distinguatur à Filio.

Vltimò. Vel iam Pater dependet à Filio, quatenus Spiritum sanctum producit, vel non. Si primum; Ergo Pater non est perfectum principium spirandi, quod capite sequenti videbimus falsum esse. Si secundum; Ergo etiam si Filius Spiritum sanctum non produceret, solus Pater produceret sufficienter eum talem, qualis iam est, atque adeo distinctum à Filio. D Nihilominus contraria sententia communior est, & verior. Illam defendit D. Thomas 1. p. q. 36. art. 2. & q. 10. de potentia, art. 5. Et quodlib. 4. art. 7. & li. 4. contra Gen. c. 24. Et Durand. in 1. d. 11. quæst. 2. Et Ægidius Romanus quodlib. 6. q. 16. & alij.

Sed vt hæc sententia commo-

dius intelligi & probari possit, diligenter est notandum, hanc quæstionem dupliciter posse tractari: Vno modo merè metaphysicè; videlicet per rationes petitas ex solo lumine naturali. Altero modo Theologicè, vt Theologos maxime decet: Videlicet per rationes, quæ nõ solum procedant ex principiis notis lumine naturali, sed etiam ex aliqua propositione reuelata.

Si primo modo quæstio tractetur, sensus illius erit, vtum ex iis tantummodò, quæ naturaliter de Deo nota sunt, conuinci possit, implicare contradictionem, vt aliter personæ diuinæ distinguantur quàm per origines; ita vt quantum est ex vi solius luminis naturalis nullo modo possit in diuinis defendi alius modus distinctionis. Et quidem si isto modo quæstio tractetur, dubium esse nõ debet, quin sententia affirmatiua, quam Scotus tuetur, sit vera. Nihil enim obstat, quo minus, quantum est ex vi luminis naturalis, æquè tum potuisset intelligi aliter personas distingui. Atq; hoc solum conuincunt ferè argumenta proposita. Si autem quæstio Theologicè, vt Theologos decet, tractetur, vtendo scilicet rationibus, quæ procedant etiam ex principiis reuelatis; sic procul dubio sententia S. Thomæ est verissima. Scoti autem & aliorum sententia, quo-



quoniam Theologicè videtur disputare voluisse, simpliciter est reiicienda.

Probatum id primò. In diuinis non est alius modus possibilis quo personæ distinguatur realiter, nisi ratione originis vnus ab alia. Ergo posito, quòd vna persona ab alia non procederet, nullo modo distingueretur ab illa. Consequentia est euidens, quia non posset distinguui, nisi per modum possibilem in diuinis. Itaque si præter modum distinctionis ratione originis, omnis alius modus est impossibilis; dato, quod ille non esset, nullus esset, & sic nulla distinctio. Antecedens verò probatur. Illud quod actu non est in diuinis, simpliciter non est possibile ad intra in diuinis. Sed actu in diuinis non est modus distinctionis nisi ratione originis. Ergo præter istum nullus alius simpliciter est possibilis. Maior huius argumenti est euidens, vt patet ex infinitate simpliciter eius entitatis, quæ est Deus. Minor est diuinitus per fidem reuelata, vt patet ex cap. præcedenti. Consequentia est euidens. Ergo conclusio est Theologica, & consequenter Theologicè certa sententia S. Thomæ.

Secundò. Si Spiritus sanctus non procederet à Filio; non esset omnino. Ergo non distinguetur à Filio. Antecedens probatur, quia de ratione Spiritus sancti est,

A vt habeat ordinem originis ad Filium. Cõfirmatur hæc ratio. Quia neque Filius tunc esset; & consequenter, nec Pater, neque Trinitas. Patet, quia de ratione Filij est, vt spiret cum Patre Spiritum sanctum.

Sed dicat aliquis: Oportet etiam in hac quæstione supponere, quòd Spiritus sanctus esset, quauis non procederet à Filio; quare ista ratio non videtur probare; siquidem assumit, quod non esset. At ego contra obiicio, quòd si illud etiam supponitur in quæstione, omnis hæc disputatio leuissima erit. Nam cum eo ipso quo Spiritus sanctus est Spiritus sanctus, constet illum realiter distinguui à Filio; si supposito, quòd non procederet à Filio, & nihilominus esset; quæreretur vtrum distingueretur à Filio; perinde id esset ac quærere, an supposito quòd non procederet à Filio, & quòd distingueretur ab ipso; distingueretur ab eo; quod non nisi pueriliter admodum & insipienter potest quæri. D. Quæstio igitur solù procedit data præcisè illa hypothese, quòd videlicet non procederet Spiritus sanctus à Filio. Quocirca bona atque firma est etiam illa ratio secunda pro sententia D. Thomæ.

Ad argumenta verò contrariæ sententiæ respondere facillimum iam est. Ad primum, Theologicè procedendo, negatur antecedens; quia

quia non est possibile, vt sint duæ disparatæ processiones in diuinis nisi Filius sit principium alterius illarum. Quanquam fateor, id argumentum probare, quòd quantum est ex vi solius luminis naturalis, non inuenisset Philosophus aliquis repugnatiã in eo, vt duæ processiones disparatæ essent in diuinis sine ordine originis vnus ad alteram. Ceterum hoc non negat S. Thomas; disputat enim de questione Theologicè. Ad confirmationem autem eius argumenti respondetur, verum id esse, quod ait Anselmus, Filium nunc & Spiritum sanctum distinguì, quoniam habent distinctas origines à Patre. Sed tamen posita hypothesi huius questionis, non haberent eiusmodi distinctas origines, vt ostensum est.

Ad secundum argumentum Caietanus 1. p. q. 36. art. 2. negat Scotum Filium distinguì à Spiritu sancto per filiationem formaliter; quoniam, inquit, non distinguatur ab illo per filiationem relatiuè, & nulla alia est distinctio in diuinis nisi relatiua. Ceterum hæc responsio neq; argumento Scoti satisfacit, neque vilo modo sustineri potest.

Quod non satisfaciat Scoto, probatur. Nam vel Caietanus vult negare omnem omnino distinctionem realem inter Filium, vt Filius est, & Spiritum sanctum, atque

A adeo etiam distinctionem realem ratione originis: Vel solum vult negare distinctionem realem relatiuam, qualem ipse ibi ait solum esse inter correlatiua. Omne quidem distinctionem realem inter Filium, vt Filius est, & Spiritum sanctum, negare non potest; cum id sit contra fidem, ex qua constat B Filium & Spiritum sanctum, vt personæ sunt, realiter distinguì. Hinc enim sequitur, Filium distinguì realiter per filiationem, quæ duntaxat constituitur in esse personæ distinctæ à Spiritu sancto. Si verò tantum neget distinctionem realem relatiuam, non satisfacit argumento; quoniam Scotus satis fuit assumere, quod Filius per filiationem distinguatur realiter quomodocunq; à Spiritu sancto; vt inde tandem concluderet, fuisse futuram distinctionem realem (transcendentaliter saltem sumptam) inter Filium & Spiritum sanctum etiam in casu, quo Spiritus sanctus non procederet à Filio. Non enim vult Scotus in tali casu concludere distinctionem talem, puta inter correlatiua; Clarum enim est, quòd tunc Filius & Spiritus sanctus non se haberent correlatiuè.

Quod etiam hæc doctrina Caietani sustineri non possit, probatur. Nā quando concludit, Filium per filiationem non distinguì à Spiritu sancto; quia vt sic non opponitur

nitur illi relatiuè; vel loquitur de A oppositione relatiua ratione relationis tantum; quo pacto opponuntur & distinguuntur duo relatiua. Et ita quidem verum est, Filium per filiationem non opponi Spiritui sancto; sed tamen hinc non sequitur, quòd Filius non distinguatur per filiationem à Spiritu sancto. Restat enim vnus modus, quo per filiationem Filius possit opponi relatiuè Spiritui sancto, atque adeo distingui ab illo, videlicet ratione originis, quæ quidem origo quædam etiam relatio in latitudine actionis & processions diuinæ est, vt supra c. 4. docuimus. Atque hic modus oppositionis relatiuæ sufficiens est ad distinctionem realem in diuinis, quemadmodum ipsemet Caietanus rectè docuit, 1. par. q. 30. ar. 2. qui proinde non satis fuisse memor doctrinæ suæ videtur infra eadem par. q. 36. art. 2. Si verò nomine oppositionis relatiuæ intelligit omnem oppositionem relatiuam tam ratione originis, quam relationis; falsum est, quod assumit, Filium per filiationem non opponi relatiuè Spiritui sancto, & pugnat id etiam cum eo quod ipsemet docuit q. 30. art. 2.

Aliter igitur ad argumentum Scoti responderetur, concedendo id simpliciter, quod in antecedenti sumit Scotus, videlicet iam Filium distingui realiter à Spiritu

sancto nō solum per spirationem actiuam, quatenus eum producit, sed etiam per filiationem formaliter, quatenus per illam est ea persona à qua Spiritus sanctus procedit; negatur tamen argumenti consequentia. Nam nunc quidem est oppositio originis inter filiationem & processionem; in casu autem quæstionis non esset.

Ad tertium argumentum respondet Caietanus concedendo antecedens, & negando consequentiam. Rationem cur neget, hanc reddit, quia in illo casu Pater opponeretur Spiritui sancto mediata ratione originis, quatenus scilicet produxisset Filium, à quo procederet Spiritus sanctus; at in casu propositæ quæstionis, neque immediatè, neque mediata Filius opponeretur Spiritui sancto ratione originis, cum neque Filius tunc produxisset Patrem.

Sed hæc responsio non mihi placet. Est enim illud antecedens Scoti falsum, propter eandem rationem, qua probauimus quòd Spiritus sanctus non distingueretur à Filio, si non procederet à Filio. Nam impossibile est, vt aliquid in diuinis distinguatur ab alio, nisi immediatè etiā opponatur illi vel ratione originis, vel ratione relationis. Sed si Spiritus sanctus procederet à solo Filio, Pater nullo modo istorum opponeretur Spiritui sancto. Ergo non esset possibile,



bile, vt distingueretur ab illo. Maior probatur Theologicè ex eo, quod iam non est alius distinctio- nis modus. Si dicas, hoc argu- mento tantum probari, quòd nò distingueretur tunc Pater imme- diatè à Spiritu sancto; manere au- tem nihilominus, quòd Caieta- nus vult, posse scilicet distingui mediatè; contra hoc rursus est ar- gumentum. Quia vt intelligi non potest, quòd aliqui habeat enti- tatem suam solum mediatè; ita neque est intelligibile, quòd ali- quid ab alio mediatè solum distin- guatur. Distinctio enim est passio entis. Vnde eodem argumento, quo probatur, aliquid non distin- gui ab alio immediatè, probatur etiam eviderter, id nullo modo ab alio distingui. Quæ res exem- plo declarari potest. Nam si auus tuus (verbi gratia) in se intrinsecè non haberet aliquid, per quod etiam immediatè à te distingueretur realiter; non eo ipso intelligi posset realiter à te distingui mediatè, quod Pater tuus à te distingueretur. Si militer se res habet in proposito.

Ad illud igitur argumentum Scoti, nego antecedens. Ad pro- bationem, concedo illud absur- dum sequi; nec est incommodum id consequens concedere, cum conditionalis illa hypothesis ex qua id sequitur, sit impossibilis. Quin immò alia multa absurda ex ea hypothese sequerentur, vt in

A secunda probatione sententiæ S. Thomæ indicauimus.

Ad quartum respòdet aliqui, illam esse rationem sententiæ S. Thomæ quæ affertur in argumen- to: negant tamè ex illa sequi, quòd iam filiatio non distinguatur à processione. Ratio illorum est, quoniam etsi processio Spiritus sancti non opponatur filiationi relatiuè formaliter, opponitur tamen illi relatiuè virtualiter; quod secundum illos nihil aliud est, quàm processionem opponi realiter alicui relationi, cum qua in Filio est coniuncta filiatio, scilicet spirationi. Idquæ putant sufficere, vt filiatio & processio distinguantur.

Verùm hæc respòsio minimè mihi placet. Nam ex ea sequeretur, processionem etiam distingui realiter ab essetia diuina: probatur, quia opponitur illi relatiuè virtualiter; siquidè etiam essentia est coniuncta in Filio cum spiratione, cui formaliter opponitur processio. Si dicas; illud, cui aliqua relatio opponatur virtualiter, debere etiam esse secundum se relationem; saltem sequeretur, paternitatem (verbi gratia) distingui realiter à relatione spirationis, quod tamen omnino falsum est, vt infrà videbimus. Et probatur id consequens, quia spiratio est relatio, & pterea est cum filiatione coniuncta, cui paternitas formaliter opponitur relatiuè.

Ad argumētum ergo Scoti aliter respondeo, rationem videlicet sententię D. Thomę non illam esse, sed quia in illo casu, neque processio opponeretur filiationi ratione relationis, neque ratione originis; iam verò opponitur illi ratione originis.

Ad quintum argumentum respondetur solum probare, quòd si solum Metaphysicè de quæstione agamus; posset quidē intelligi, quomodo in illo casu procederet Spiritus sanctus talis, qualis iam est, atque adeo distinctus à Filio. Theologicè verò procedēdo, negatur id fuisse futurū in illo casu. Nam, vt antea ostendimus, neque fuisset tunc Pater, neque perfecta virtus spirandi; cū de ratione Patris omnino etiam sit, vt identificent sibi Filium in ratione spirandi, atque adeo, vt Filius etiam spiret: quemadmodum quoq; de ratione eiusdem virtutis spirandi est, vt sit etiam in Filio, sicut cap. seq. declarabitur.

Ad vltimum argumentum respondendo, Patrē, quatenus spirans est, non quidem propriè dependere à Filio, vt spirante, sed (quod plus quiddam est) omnino idētificari Filio in ratione spirandi, sicut declarabitur sequenti capite. Quocirca nisi etiam Filius spiraret; Pater minimè spirare posset; immò ne esse quidē, cū deesset illi id quod necessariò sibi identi-

ficat, nempe Filius spirās. Quemadmodū, nisi Pater haberet suam entitatem, non generaret Filium: etsi propriè quidem à sua entitate non dependet, vt generet Filium.

### CAPVT VIII.

*Explicatur sexta quæstio de ordine originis, suprà cap. I. proposita.*

**S**EXTA quæstio de originis ordine longè grauior & planè necessaria hoc loco erat. Vtrum Pater & Filius sint vnū principium Spiritus sancti, an verò plura. Et quidem si hæc quæstio moueatur de principio *qvo* (vt vocant) hoc est, de virtute spirandi, nullam aut exiguam habet difficultatem, quandoquidem eadem virtus spirandi sine controuersia est in Patre & Filio. Quanquam in hoc ipso quæstionis sensu (vt notat Durandus in 1. d. 29. q. 2.) fortè magis propriè dicitur, in Patre & Filio esse idem principium *qvo* Spiritus sancti, quàm Patrē & Filium esse principium idem *qvo*; sicut magis propriè dicitur in Patre & Filio esse eandem vim spirandi; quàm Patrem & Filium esse eandem vim spirandi. Hoc autem accipiendum est, quod attinet ad nostrum modum concipiendi. Nam si ad id, quod re ipsa est, respiciamus; verissimè etiam dicitur, Patrem & Filium esse eandem virtutem spirandi, & etiam idem

idem principium *qvo*. quod tamēn principium virtualiter tantū distinguitur à principio *qvon*, vt videbimus. Est autem grauior atque difficilior quæstio proposita, si de principio *qvo* Spiritus sancti, intelligatur. Nam quibusdam argumentis ostendi videtur, non esse Patrem & Filium vnum principium *qvon* Spiritus sancti.

Primò, Pater & Filius, quatenus personæ sunt subsistentes, & ab inuicem realiter distinctæ, producunt Spiritum sanctum. Ergo verè sunt duo principia *qvæ* illius. Antecedens probatur, quia vt sunt personæ ab inuicem distinctæ realiter, etiam à Spiritu sancto producto distinguuntur. Ergo, vt sunt personæ distinctæ inter se, habent ordinem originis ad illum, atq; adeò illum producunt. Consequentia verò patet, quoniā si eum producūt vt supposita subsistentia & distincta, certè videntur illum producere, vt principia *qvæ*.

Secundò, si Pater & Filius sunt vnum principium *qvon* Spiritus S. oportet aliquid assignare, p quo ille termin⁹ principii supponatur. alioqui propositio qua dicitur: Pater & Filius sunt vnum principium Spiritus sancti, erit de rigore sermonis falsa, si nihil est omnino, p quo ille terminus possit supponi. At nihil tale potest assignari. Ergo non sunt vnum principium. Mi-

**A**nor probatur, quia neque supponitur ille terminus (vnum principium) pro persona Patris determinatè; tunc enim falsò dicemus, Filium esse id principium Spiritus sancti; sicut falsò dicitur, Filius est psona Patris. Neq; supponitur pro persona Filij; quia tunc similiter Pater non esset illud vnum principium Spiritus sancti. Neque rursus supponitur pro vtraq; persona simul & copulativim. Nam tūc neque Pater, neq; Filius dici posset illud vnum principium Spiritus sancti; cum neque Pater sit Filius & Pater copulativim; neque Filius sit Pater & Filius. Neque rursus supponitur pro Patre & Filio disiunctivè; ita vt liceat descendere sub illo termino, *vnum principium*, per propositionem disiunctam dicendo; Vel vnum principium Spiritus sancti est Pater; vel est Filius. Probatur, quia vtraque propositio istarū est falsa. Si enim illud vnum principium esset Pater; tunc Filius non esset illud vnum principium; & similiter si esset Filius, tunc Pater non esset illud vnum principium. Neque supponitur pro vtraque persona disiunctim, ita vt liceat descendere sub illo termino, *vnum principium*, per propositionem, de disiuncto extremo dicendo: Pater & Filius sunt, vel vnum principium, quod est Pater; vel vnum principium, quod est Filius: vtrumq; enim est



falsum, vt patet. Neque etiam supponitur pro essentia; quia illa nō est principium quod; cum non distinguatur à Spiritu sancto. Denique neque pro relatione spirationis; quia illa non est principium quod, sed quo. Nihil igitur est omnino pro quo terminus ille (vnū principium) supponatur, quando Pater & Filius dicuntur esse vnum principium Spiritus sancti: & consequenter huiusmodi propositio videtur esse falsa.

Pro declaratione huius questionis principio aduertendum est, dupliciter explicari posse, Patrem & Filium esse vnum principium quod Spiritus sancti. Primo modo ita, vt omnino ostendatur aliquid vnum in diuinis, quod & sit Pater & Filius, & vnum principium quod simplicissimum Spiritus sancti. Secundo modo ita, vt non solum defendatur esse aliquod tale vnum, quod sit vnum principium quod Spiritus sancti, sed etiam Spiritum sanctum nullo modo procedere à pluribus subsistentibus, vt plura, & distincta sunt. Primo modo non est admodum difficile explicare, quomodo Pater & Filius sint vnum Principium Spiritus sancti. Secundo autem modo videtur difficillimum immò planè impossibile, nec verò necessarium; cum Orthodoxè alioqui assermet diuus Thomas 1. part. quæ-

stione 36. art. 4. ad 1. Spiritum sanctum procedere à Patre & Filio, vt sunt plures.

Primum ita declaro & probō: Si in diuinis est quiddam vnum simplicissimum; quod constet ex persona Patris & Filij, & essentia diuina, & relatione spirationis; & identificent sibi Patrem & Filium; fatendum est omnino, in diuinis esse vnum quoddam principium, vt quod Spiritus sancti, quod sit Pater & Filius. At prorsus in diuinis tale aliquod vnum est. Ergo fatendum omnino est in diuinis esse vnum quoddam principium quod completum Spiritus sancti, quod sit Pater & Filius. Maior probatur. Nam sicut omnes personas diuinas; quia conueniunt in ratione absoluta, & constituunt vnum quid simplicissimum, quod est Deus, & essentia diuina; fatemur esse vnum principium quod creaturarum, quæ ab illo vno simplicissimo manant; ita etiam; si Pater & Filius conueniunt peculiariter non solum in essentia diuina, sed etiam in relatione spirationis, & constituunt eatenus vnum quid simplicissimum; similiter oportebit intelligere aliquod vnum constitutum ex his duabus personis & essentia ac spiratione esse principium quod Spiritus sancti, quod sit Pater & Filius. Etenim à tali vno necesse est Spiritum sanctum distingui (cum

is non similiter identificet sibi duas illas personas & spirationem) non autem ab eo distingueretur, nisi ab eo procederet. Et quamuis istud vnum simplicissimum non sit vnicum suppositum; tamen quia est vnum identificans duo supposita, & idcirco non minus completum & perfectum, quam si esset vnum suppositum; satis intelligi potest esse principium *Q V O D*. Quemadmodum; quamuis tres personæ diuinæ, ut identificantur in ratione absoluta, non constituunt vnum simplicissimum suppositum; quia tamen constituunt vnum quiddam simplicissimum; identificans tria supposita, quod non est minus, quam si esset vnicum suppositum; rectè potest intelligi, illud vnum simplicissimum, quod est Deus vnus, esse principium *Q V O D* productionis creaturarum. Item sicut quælibet trium personarum est illud vnum simplicissimum constans ex Trinitate personarum, ut in ratione absoluta identificantur: ita etiam tam Pater quam Filius est illud vnum simplicissimum constans ex his duabus personis & essentia & virtute spirandi, ut in ea identificantur. Itaque verissima est nostri argumenti Maior. Minor autem, scilicet, tale aliquod vnum esse in diuinis, quod constet ex persona Patris & Filij, & essentia & relatione spiratio-

**A**nis, quodque identificet sibi Patrem & Filium; patet manifestè ex assertione fidei, quæ ponit Spiritum sanctum procedere & spirari à Patre & Filio, sicut ostendimus suprà capite 5. Si enim ab utroque spiratur, necesse est in utroque esse non solum essentiam, quæ communis est quoque Spiritui sancto, sed etiam virtutem ipsis duobus propriam, ut etiam postea capite nono docebimus. Cumque in essentia & virtute spirandi, ac relatione spirationis, Pater & Filius minimè inter se opponantur; ac in eo personæ diuinæ sint vnum, in quo non opponuntur; sit necessariò, ut sit in diuinis quiddam vnum ex his duabus personis & essentia & relatione spirationis constans, quod identificet sibi duas has personas. Quod cum ita sit, fatendum est, id ipsum esse vnum principium *Q V O D* Spiritus sancti, sicut conclusimus.

**D** Quod verò (ut secundo dicebamus) negari nullo modo possit, quin reuera Spiritus sanctus procedat quoque à duabus illis personis, nempe Patre & Filio, ut plures ac distinctæ personæ subsistentes sunt, sicut disertè diuus Thomas prima parte, quæstione trigesima sexta, articulo quarto, ad 1. affirmat; euidenter probari videtur illo argumento, quod primo loco in hac quæstione feci-

mus. Atque etiam ea ratione bene id confirmatur à sancto Thoma, quòd procedit Spiritus sanctus à Patre & Filio, tanquam nexus quidam illorum. Quod si propterea quispiam contendat, posse dici, quòd Pater & Filius sunt etiam plura principia *qvæ* Spiritus sancti, disputatio erit de nomine; vtrum videlicet, quia Pater & Filius non modò vt sunt vnum quiddam simplicissimum, sed etiam vt sunt plura supposita subsistentia, Spiritum sanctum producant; dicendi sint plura principia, *quæ*? an verò, quia ne sic quidem adæquatè producant quatenus plura supposita sunt, sed etiam quatenus vnum sunt in virtute spirandi; negandum sit, esse plura principia, *quæ*? Videtur autem potius esse id negandù, quoniam vt rectè D. Thomas docet 1. part. quæst. 36. art. 4. *principij* nomen est substantiuum. Et idcirco non debet multiplicari, nisi forma quam significat, multiplicetur. In proposito autem forma significata hoc nomine *principium* quod Spiritus sancti, est vnica in Patre & Filio, scilicet eadem virtus spirandi. Non igitur dicendum est, esse plura principia *qvæ* Spiritus sancti, licet sint plura supposita *quæ* spirant. Alia verò ratio est de nominibus adiectiuis, aut connotatiuis. Hæc enim propter solam multiplicationem supposi-

**A** torum, in quibus est forma, multiplicari possunt, vt infrà lib. 3. declarabitur.

Iam verò ex his, quæ de hac quæstione breuiter dicta sunt, intelligi potest primò, quomodo accipienda sit definitio Ecclesiæ in Concilio Lugdunensi, & cap. vnico, de summ. Trinit. lib. 6. qua decernitur, Patrem & Filium esse vnum principium Spiritus sancti, & anathema dicitur illis, qui hoc negauerint. Videlicet sensus est; Verè in diuinis esse aliquid vnum, quod est Pater & Filius, & præterea est principium non solum *qvo*, sed etiam *qvon* Spiritus sancti, vt iam declaratum est. Non verò prohibetur per hanc

**C** definitionem, quo minus sentiamus simul cum D. Thoma, Spiritum sanctum procedere quoque à pluribus subsistentibus. Neque propriè etiam ij damnantur, qui ex hoc concluderent, posse dici quoq; plura principia, iuxta quæstionè de nomine paulò antè expositam: quanquam minus sanè consentaneus ei definitioni modus hic loquendi est, & ideo caueri debet. Atque eodem modo intelligendum Concilium Florentinum est, cum itidem asserit, Patrem & Filium esse vnum principium Spiritus sancti. Item etiam sancti Patres, vt D. Augustinus libro 5. de Trinitat. cap. 14. D. Hilarius lib. 4. Trinit. & D. Anselmus



lib.de processione Spiritus sancti, A  
qui id ipsum docent.

Deinde ex his facile erit de variis Doctorum sententiis circa hanc questionem iudicium facere. Et primum sanè, quod Durandus dicit in 1. dist. 11. quæst. 3. questionem esse de nomine, disputare: Vtrum Spiritus sanctus procedat à Patre & Filio, ut ab vno principio, vel ut à pluribus; nihil cōtinet absurditatis, si tantummodò is loquatur de processione Spiritus sancti, quatenus etiam à personis, ut inter se sunt distinctæ, procedit. Sed tamen esset id dictum sanè temerariū, si negare omnino Durandus voluit, esse vllō modo questionem hanc de re: Vtrum scilicet aliquid vnum reale sit in diuinis, quod ut vnum possit esse principium vnum quod Spiritus sancti? Nam definitio fidei, de qua diximus, supponit esse hoc modo questionem de re, & asserit partem eius questionis affirmatiuā, quam iam nos explicauimus. Neque enim fides circa modos loquendi tantummodò versatur.

Secundò, quod idem Durandus D  
dicit in 1. distin. 29. quæst. 2. magis propriè dici, Patrem & Filium esse duo principia, loquendo de principio quod; si id similiter intelligatur quatenus Spiritus sanctus procedit à Patre & Filio, etiā, ut inter se distinguuntur, non est omnino temerariū; quamquā est

quidem falsum propter rationem supra positam. Si autē negare velit Durandus, esse aliquid omnino in diuinis, ratione cuius propriè possint Pater & Filius dici etiam vnum principium quod, nullo modo est audiendus.

Tertiò, quod Gregorius Ariminensis in 1. dist. 12. quæst. 1. similiter dicit, propriè non esse vnum principium, sed impropriè, quatenus ita significatur, Patrem & Filium non aliter & aliter producere Spiritum sanctum, sed eadem spiratione; si velit simpliciter negare, aliunde posse etiam dici propriè vnum principium, esset temerarium: Si autem hoc non velit negare, sed tantum illud dicit considerando processionem Spiritus sancti, ut est à personis distinctis; non esset quidem erroneū, aut temerarium, licet sit falsum. Illud autem omnino verum est, quod ibidem Gregorius vult, illā fidei definitione supra posita determinatum esse Patrem & Filium nō aliter & aliter sed eodem modo producere Spiritum sanctum. Quanquam non hoc tantum est determinatum, sed etiam esse illos vnum principium Spiritus sancti eo modo, quo supra exposui.

Quartò, quod Gabriel in 1. distin. 12. quæst. 1. ex Ochamo docet, illud vnum principium, quod sunt Pater & Filius, esse constitutū  
l quod-

quoddam ex ~~sententia~~ <sup>sententia</sup> diuina & spiratione; si intelligatur de spiratione, vt identificat quoque duas illas personas, & præterea per hoc non negetur quin etiam Spiritus sanctus procedat à Patre & Filio, vt inter se distinguuntur; verum est, vt patet ex his quæ antè explicauimus. Atque hoc modo Gabriellem hanc rem intellexisse, patere potest legenti illam eius questionem.

Neque verò contra sententiam hanc nostram, quæ est etiam Gabrielis, quidquam valet argumentum quoddam Gregorij, quò ubi suprà colligit quatuor esse personas in diuinis, si etiam ibi sit vñ quiddam quod sit principium Spiritus sancti. Vt enim rectè Gabriel respondet, cōsequentia est nulla; quia illud vñ constans ex duabus personis essentia & spiratione, non distinguitur à quacunque persona diuina, sed tantum à tertia, nēpe à Spiritu sancto; nō enim opponitur origine Patri & Filio, sed tantummodò Spiritui sancto. Itaque non est vñicum suppositū, sed est vñum quiddam identificās sibi duo tantum supposita, & eatenus distinctum quiddam à supposito tertio.

Quòd si obiicias, illud vñum esse quid completum substantiale, ac proinde cū non sit præcisè essentia, vt tale; restare, vt quatenus tale est, sit persona: ad hoc

A ita respondendum est. Quamuis in latitudine substantiæ creatæ, nō sit aliquid cōpletè substantiale, quod vt tale est, non sit præcisè essentia vel persona: in latitudine tamen substantiæ infinitæ, quæ Deus est, fides nos docet tale aliquid esse; nempe illud vñum Spiritus sancti principium: neq; hoc potest vllis argumentis humanis euerti, vt patet ex dictis initio in prolegomenis. Ac non solum in vno Spiritus sancti principio eā esse peculiarē conditionem substantiæ infinitæ fides docet, sed etiam in illo vno principio completo creaturarum quod est Pater & Filius & Spiritus sanctus, vt sunt vñum simplicissimum identificās sibi essentiam & tres personas. Hoc enim vñum, quatenus est tale, nō concipimus esse vñam aliquam personam, neque etiam præcisè tantum essentiam.

Quintò, quòd quidā alius Doctor Torrensis, Canariensis Episcopus, scripsit in 3. par. sui commentarij supra art. 4. quæst. 36. 1. part. D. Thom. illud vñum principium esse relationem spirationis, quatenus est subsistens; verum est, si per hoc non velit negare, qd etiam à personis, vt distinctæ sunt, procedat: Item si per illam relationem vt subsistentem non intelligat incōmunicabilitatem aliquā eius relationis, quia, vt patet, non est incōmunicabilis, sed cōmuni-

nis

nis Patri atq; Filio. His enim exclusis, in re idem est dicere, spirationem vt subsistentem esse vnū principium Spiritus sancti, ac dicere id vnum principium esse spirationem, vt identificat sibi essentiam, & duas personas. Nihil enim aliud re ipsa est spiratio subsistēs, quàm hoc totum. Si autem loquatur de sola spiratione præcisè, vt virtualiter distinguitur ab essentia & personis, ita vt Spiritus sanctus non procedat etiam à personis, vt constituentibus cum spiratione vnum quiddam, nec vt distinctæ sunt; falsum est quod dicit. Et ad eundem fermè modum iudicari potest de quibusdam aliis opinionibus, quas fusè recitat Gabriel, vbi suprâ.

Postremò, intelligi potest ex dictis, cū nam in diuinis esse dicatur principium *qvo* productionis Spiritus sancti; & principium *qvo*, & quomodo ista inter se distinguuntur. Est enim considerandum, illam eandem rem diuinam, quæ est & Pater, & Filius, & spiratio, & essentia; vt est essentia & relatio spirationis præcisè, esse principium *qvo*, seu potentia spirandi: Vt autè est etiam identificans sibi duo supposita subsistentia, atque adeò vt consideratur tanquam quid completum; esse principium *qvo*, virtualiter distinctum à principio *qvo*. Item etiam ipsæ duæ personæ, vt

A distinctæ sunt, dicuntur vnū principium *qvo*, propter vnitatem virtutis, qua spirant, vt suprâ dictum est.

Quibus rebus explicatis, reliquum est, vt ad argumenta initio proposita respondeamus. Et ad primum quidem consequentia negari debet. Nam etsi verum sit, B Spiritum sanctum procedere quoque à Patre & Filio, vt à distinctis suppositis; tamen quia hæc distincta supposita non nisi per eandem virtutem, & quasi formam spirant ac producant Spiritum sanctum; duo principia *qva* minimè dici debent, vt antea docuimus ex sententia diui Thomæ. Accedit, quòd hæc duo supposita etiam C producant Spiritum sanctum, vt omnino sunt vnum quiddam, quæ sanè ratione omnibus modis intelligitur esse vnum principium, sicut etiam exposuimus.

Secundum autem argumentum petit, pro quo supponatur ille terminus, *vnun principium*, qui est prædicatum in illa propositione: Pater & Filius sunt vnum principium Spiritus sancti. Id quod ex dictis facillimè expediri potest. Dicimus enim, supponi pro illo vno simplicissimo constante ex essentia, spiratione, & duabus personis.

Sed tamen propter doctrinam quandam S. Thomæ. i. p. q. 36. artic. 4. ad 4. & vt plenius satisfiat



difficultati propositæ in argumē-  
to, aduertendum nihilominus  
est, hoc nomen, *unum principium*,  
prout de Patre & Filio dicitur,  
habere conditionem nominis  
singularis, & nominis commu-  
nis. Singularis quidem, quatenus  
significat illud vnum simplicissi-  
mum, quod est res singularissi-  
ma, non habens sub se plura indi-  
uidua, in quorum quolibet sit in-  
diuidualiter distinctum. Com-  
munis autem nominis conditio-  
nem habet, quatenus etiam signi-  
ficat duas illas personas, quæ eti-  
am vt inter se distinctæ sunt, pro-  
ducunt Spiritum sanctum tamet-  
si non nisi vt habent vnicam spi-  
randi virtutem. Præterea notan-  
dum: Illud nomen magis propriè  
esse singulare, quàm commune.  
Et ratio est, quia ad conditio-  
nem nominis singularis satis est,  
vt habeat significatum propriè  
singulare; ad conditionem autem  
nominis communis non sufficit  
quæcunque pluralitas significa-  
torum, sed requiritur pluralitas  
significatorum quæ se habeant vt  
inferiora ad principale nominis  
significatum; Vt Petrus & Paulus  
se habent ad significatum huius  
nominis *homo*. In proposito au-  
tem principale significatum illius  
nominis, *unum principium*, maxi-  
me propriè est singulare; plura  
verò significata quæ etiam habet,  
scilicet duæ personæ, non se ha-

bent vt inferiora, sed vt intrinse-  
cè constituenta illud vnum sim-  
plicissimum quod illud nomen  
principaliter significat. Ergo eius-  
modi nomen magis propriè ha-  
bet conditionem nominis singu-  
laris, quàm communis.

Hoc posito, secundum has di-  
uerfas condiciones, quas hoc no-  
men habet, diuersimodè statuen-  
dum est de suppositione eius. Vt  
enim est nomen singulare, dicen-  
dum est, supponi determinatè p  
illo vno simplicissimo. Et hæc est  
maximè propria suppositio eius;  
quia vt dictum est, magis propriè  
est nomen singulare. Et sic facilè  
respondemus ad secundum argu-  
mentum, pro nullo illorum sup-  
poni, quæ in eo argumento per-  
censebātur. Vt aut id nomē habet  
cōditionem nominis communis;  
sic dicendum est cū S. Thoma 1. p.  
q. 36. ar. 4. ad 4. supponi pro vtra-  
que persona cōfusè, & pro neutra  
determinatè, ita vt non sit sem-  
per necesse, sub illo termino de-  
monstrare determinatè Patrem  
tantum, aut Filium tantum, aut  
tatummodò vtrumque simul, sed  
satis sit demonstrare, vel vtrumq;  
vel quemlibet eorum, iuxta mo-  
dum enunciationis, in qua is ter-  
minus vsurpabitur. Nam si dicas  
de vtraque persona simul: Pater &  
Filius sunt principium Spiritus  
sancti, vtraque persona demon-  
stranda est per illum terminum, vt  
con-

conueniunt in virtute spirandi. Si autem dicas Pater est principiū, sola persona Patris vt habet virtutem spirandi, & sic etiam de Filio.

Pro cuius doctrinæ maiori explicatione, soluenda sunt argumenta quæ contra illam obiicit Gregorius, vbi suprà. Primum est. Si pro vtraq; persona illud nomē *unum principium* confusè supponitur; ergo nec Pater per se, nec Filius per se dici potest principiū Spiritus sancti. Patet, quia neque Pater neque Filius est vllō modo vtraq; persona. Respondeo. Nego consequentiā. Nam supponi eum terminum pro vtraque persona confusè, non idem est, ac omne id quod affirmatur esse illud principium, aliquo modo debere esse vtramq; personam; sed posse esse vel vtramque vel quamlibet pro ratione eius de quo id affirmatur, vt iam exposui. Adde, quod secundum illam aliam determinatam suppositionem, quam habet id nomē maximè propriè, vt est terminus singularis; clarissimè etiam intelligitur quemadmodum tum Pater, tum Filius absolutè possit dici principium Spiritus sancti. Etenim illud vnum simplicissimum, quod præcipuè significat id nomen vt est terminus singularis, de vtraq; persona æquè verificatur, vt suprà dictum est.

Secundum argumentum. In illa propositione (Pater & Filius sunt

vnū principium Spiritus sancti) nullum est signum confusium illius prædicati *vnū principium*. Ergo id prædicatum non supponitur confusè. Respondet Capreolus in 1. d. 12. q. 1. signum confusium in illa propositione esse particulam, Et, qua dicimus: Pater & Filius sunt vnū principium. Sicut quando dicitur; Hic & Romæ venditur piper; prædicatum illud *piper* confunditur à particula, Et; vt pro vtroque pipere supponatur confusè, & pro neutro determinatè. Nō enim licet in explicatione talis enunciationis descendere determinatè ad piper quod venditur hic, vel ad piper quod venditur Romæ: siquidem de neutro verè dici potest quod hic Ingolstadij & Romæ vèdatur? Ita etiā in proposito. Secundo respondet Caietanus 1. par. q. 36. art. 4. Non esse opus signo confusiuo, quando terminus secundum se est communis, vel quasi communis, vt accidit in proposito. Tunc enim per se intelligitur quod supponatur confusè, nisi ab alia particula suppositio determinetur. Aliàs in hac propositione, Ad equitādum requiritur equus; vbi, vt patet, nullum est signum confusium; illud prædicatum, *equus*, supponeretur determinatè; quod falsum est, quia nō licet sub illo termino descendere disunctiuè (id est, per totam propositionē disunctam)

dicendo, vel ad equitandum requiritur hic equus, vel hic, etc. (omnes enim istæ propositiones sunt falsæ) sed solum licet descendere per propositionem de extremo duntaxat disiuncto, dicendo, Ad equitandum requiritur vel hic equus, vel hic, &c. Atque ita supponitur ibi terminus ille confusè, quamvis non ei apponatur ullum confusivum signum.

Tertium argumentum. Sub illo prædicato, *unum principium*, non licet in proposito descendere per propositionem de disiuncto extremo, sicut licet in illo exemplo nunc allato. Ergo non supponitur confusè pro utraq; persona. Antecedens probatur. Quia falsum est dicere, Patrem & Filium esse vel Patrem vel Filium. Ad hoc respondeo ex mente Caietani l. p. q. 36. art. 4. in suppositione confusa nominis communis, non esse necesse ut sub tali nomine liceat semper descendere per propositionem de disiuncto extremo: immò ne posse quidem id fieri quando nomen aliquod est commune per modum termini collectivi; sed tantum licere tunc descendere sub tali nomine per propositionem de copulato extremo, ut cum dicitur: Hic homo, & hic, & hic sunt unus populus; non licet descendere per propositionem de disiuncto extremo dicendo: Hic, & hic, & hic homo sunt vel ille, vel ille homo.

A Omnes enim istæ propositiones sunt falsæ. Sed satis est descendere copulativè dicendo: Hic, & hic, & hic homo, sunt hic & ille, & ille homo; ex quibus constat populus. Nam ex hoc etiam satis intelligitur prædicatum illud, *unus populus*, supponi confusè pro illis hominibus. Ad eundem igitur modum in proposito, quia ille terminus, *unum principium*, est communis Patri & Filio quasi collectivè; licet in illa propositione: Pater & Filius sunt unum principium Spiritus sancti, non possimus descendere sub illo termino, per propositionem de disiuncto extremo; quia tamen solum licet sub eo descendere per propositionem de copulato extremo, ostendendo sub illo termino, Patrem & Filium copulativè; satis apparet, quod confusè supponatur pro utroque.

Quartò potest quis ita argumentari pro Gregorio: Demonstrato Patre, verum est dicere, Filius est hoc principium Spiritus sancti, cum non sit aliud principium Spiritus sancti, nisi illud, quod Pater est: Et similiter demonstrato Filio, verum est dicere, Pater est hoc principium Spiritus sancti. Ergo ille terminus *principium* determinatè supponitur pro Patre vel pro Filio. Respondeo; Nego consequentiā, si sermo sit de suppositione illius nominis, ut habet conditionem termini communis.

Ratio



Ratio est, quoniam demonstrato A Patre non licet dicere, Filius est hoc principium Spiritus sancti; nisi quatenus illo, pnomine, Hoc, demonstro tunc vnum illud simplicissimum, quod est principium Spiritus sancti, & est etiam Pater & in Patre. Alioqui si demonstrarem ipsum suppositum Patris immediatè, falsa esset illa ppositio, B & tunc quidem negandum esset argumenti antecedens. Quæ res exemplo declarari potest. Quamuis enim monstrato Patre verum sit dicere, Filius est hic Deus; propterea quod demonstro in Patre illud vnum simplicissimum, quod est Deus: Inde tamè non sequitur, q terminus iste Deus, quatenus habet conditionem termini communis, supponatur determinatè pro aliquo supposito diuino, sed confusè pro omnibus. Ita in proposito.

Verù cum hæcenus ex sententia D. Thomæ posuerimus, Spiritum sanctum suapte ratione procedere à Patre & Filio etiã vt sunt distinctæ personæ; hoc ipsum vtrũ D ita sit, breuiter hoc loco disputandum est. Etenim putat Scotus in 1. d. 12. q. 1. de ratione Spiritus sancti nõ esse, vt pcedat à pluribus suppositis. Id probat primò, quia in Patre, est perfecta vis spirãdi. Ergo ad rationem Spiritus sancti satis est, vt pcedat ex Patre. Secundò. Si per impossibile tãtũ esset

A Pater in diuinis, Spiritus sanctus posset idem produci, qui iam est productus. Ergo de ratione illius non est, vt procedat à pluribus. Confirmatur. Nam idcirco de ratione creaturarum nõ est, vt procedant à pluribus personis diuinis, quia, si per impossibile Deus esset vnum suppositum, posset produci. Ergo similiter sentiendum est de Spiritu sancto in proposito. Tertiò, Spiritus sanctus habet à Patre, quidquid est, de sui ratione. Totus enim procedit à Patre. Ergo non est de ratione ipsius, vt procedat etiam à Filio.

Nihilominus sententia S. Thomæ est verissima, quã etiam Alex. C Hal. 1. p. q. 43. membro vltimo, & alij Theologi communiter asseruerunt. Et probatur optimè à S. Thoma in illa q. 36. art. 4. ad 1. ex eo quòd Spiritus sanctus suapte ratione est amor, & quasi nexus quidã Patris & Filij. Id quod præter D. Thomam docuit etiam D. Augustinus lib. 6. de Trinitate, c. 5. & D. Hieronymus in Psalm. 14. Atque etiam est sanctitas vtriusque vt ait D. Gregorius Nazianzenus oratione quinta de Theologia, & alij Patres. Ex quibus consequitur illum ex sua ratione ab vtraque persona procedere cum procedat vt aliquid vtriusque. Sed rursus id ipsum demonstramus argumento Theologico, cx

ex principiis partim reuelatis, partim euidētibus, hoc modo. Quid Spiritui sancto iam competit, est de ipsius ratione. Sed iam ei competit vt procedat ab utroque. Ergo id ipsum est de illius ratione. Maior euidēter probatur, quia est ens simpliciter necessarium, cui nihil accedit. Minor verò est diuinitus reuelata vt ostendimus suprà cap. 6. Item de ratione eius est, vt distinguatur à pluribus personis; & non tanquam ab his, quas producat: Ergo tanquam ab his, à quibus procedat. Antecedens pro vtraque parte patet. Consequentia probatur, quia in diuinis impossibilis est alius modus distinctionis nisi per originem, vt c. 6. dictum est.

Ad primum igitur argumentum Scoti respondet Caietanus, 1. par. q. 36. art. 4. quamuis virtus spirandi sit perfecta in Patre, dualitatem tamen suppositorum requiri vt conditionem necessariam ad hoc vt Spiritus sanctus per illam Patris virtutem producat. Hæc responsio mihi minimè placeat. Nam quod per se & formaliter concurrat ad productionem alicuius, & influit (vt ita dicam) in illud; non est productionis conditio, sed principium, aut de ratione principij productiui. At duo supposita diuina, vt duo sunt, (quamuis non præcisè, concurrunt enim etiam vt vnum quid-

dam, sicut suprà dictum est) per se etiam concurrunt ad productionem Spiritus sancti. Ergo dualitas suppositorum non est conditio, sed pertinet ad rationem principij Spiritus sancti; quamuis ex illa quidem non sequatur, quod sint duo principia, vt suprà exposuimus.

**B** Aliter ergo ad argumentum Scoti primum respondeo concedendo antecedens, & negando consequentiam: quia nisi Pater identificaret sibi Filium, vt spirātem etiam; atque adeo nisi Spiritus sanctus etiā procederet à Filio; in Patre non esset perfecta vis spirandi. Est enim de huius virtutis ratione, vt sit in duobus suppositis spirantibus. Quare ex hoc, quod Spiritus sanctus potuit produci per virtutem illam spirandi, quæ tota est in Patre, potius sequitur de ratione Spiritus sancti esse vt procedat etiam à Filio; siquidem non consistit ratio virtutis illius, nisi quatenus Filius etiam cum Patre spirat.

**D** Ad secundū respondetur, quod si per impossibile esset solus Pater, & tamen esset talis, qualis iam est, vtraque pars contradictionis esset vera; scilicet & quod Pater produceret Spiritum sanctū (quia ponitur, quod esset talis, qualis iam est, de cuius ratione est vt Spiritum sanctum producat) & quod eum non produceret: quia si non

si non esset Filius, non esset etiam virtus spirandi, vt quæ suapte ratione est etiam in Filio atq; adeo non produceretur Spiritus sanctus. Nec mirum, si ex hypothesi conditionali implicante contradictionem (scilicet quod esset solus Pater sine Filio & tamen talis qualis iam est; cum tamē de illius ratione sit, vt habeat Filiū) sequatur per bonā consequentiam alia quædam contradictio. Ad argumentum igitur, data illa hypothesi, videlicet quod esset Pater talis, qualis iam, & nō esset Filius; conceditur etiā illud antecedens conditionale, scilicet quod procederet Spiritus sanctus à Patre; negatur tamen consequentia quæ infertur per propositionem absolutam; videlicet, ergo iam non est de ratione Spiritus sancti, vt procedat à Patre & Filio. Vt enim compertum omnibus est, cum veritate propositionis conditionalis, de impossibili, stat veritas opposita propositionis absolutæ & de inesse. Sicut dato per impossibile, quod homo esset talis, qualis iam, & tamen non esset rationalis; de ratione illius non esset tunc rationalitas: Neque tamen inde sequitur, quod iam nō sit de ratione ipsius.

Ad confirmationem eius argumenti, simpliciter & absolutē dicendum est, q̄ nisi essent tres personæ diuinæ, creature non producerentur, quia nō esset tunc Deus,

**A** cum is intrinsece & necessario cōtineatur tribus personis. Et sic etiam in pposito si Filius non esset; Spiritus sanctus non produceretur, quia ne Pater quidem esset. Quanquam illud discrimen est, q̄ ratio propter quā creaturæ in illo casu non producerentur, solum esset ex parte defectus principij, & non ex parte quidditatis ipsarū. Illis enim per accidēs est, quod ab vno vel pluribus procedant: Ratio autem propter quam Spiritus sanctus non produceretur, posito quod Filius non esset; non solum esset ex parte defectus principij, sed etiam ex parte ipsius Spiritus sancti, qui cum sit amor & nexus duorū, requirit pluralitatē suppositorum in suæ originis principio.

**C** Ad tertium, patet iam ex dictis, quid respondendum sit. Dicimus enim Spiritum sanctū non habere à Patre totum quod habet, nisi quatenus Pater identificat sibi Filium in ratione spirandi. Quemadmodum igitur Pater & Filius sint vnum principium Spiritus S. & nihilominus is suapte ratione procedat ab illis non modo vt vnum quiddam sunt sed etiā vt sunt duo supposita, hæcenus in hoc capite explicauimus. Quod cum ita sit, rectē **D.** Thomas docet i. p. q. 36. art. 4. ad 7. concedi debere hanc propositionē: Pater & Filius sunt vnus spirator; & negandam esse hanc: Pater & Filius sunt vnus spirans.



rans. quia *spirator* (vt inquit) est nomen substantium, quod non multiplicatur, nisi multiplicetur forma significata (videlicet vis spirandi) *spirans* autem adiectiuum, quod multiplicatur ad multiplicationem suppositorum: de qua doctrina infra quoque li. 3. aliquid annotandum erit.

## CAPVT IX.

*Explicatur questio octaua de originis ordine, supra c. 1. proposita.*

**C** TAVA questio de ordine originis erat, vtrum actus quibus producuntur personae, atque adeo processiones ipsae personarum sint de aliquo & de quonam? Ac in primis ex fide certissimum est esse de aliquo. Ita enim ex Orthodoxa Ecclesiae doctrina definitum est in cap. Damnamus, & in Concilio Florentino & Toletano X I. in confessione fidei vbi dicitur: *Filius non ex nihilo, aut ex alia substantia, sed ex vero Patre, id est, ex substantia generis credendus est.* Quo loco Patres alludunt ad illud Psal. 109. *Ex vtero ante Luciferum genuit.* Significatur autem hac formula dicendi, quam eminenter Pater aeternus in generatione diuina sine vlla imperfectione praestiterit, quod solet apud homines, non solum pater, sed etiam mater, continendo videlicet intra substantiam suam prolem generatam. Quae de re videndus est D. August. li. 15. de

Trin. c. 19. & li. 3. contra Maxim. c. 15. & Theologicum Mag. in 1. d. 5.

Vt autem praeterea constet quomodo sit intelligendum, Filium esse de substantia Patris, quod explicare conatur etiam D. Thom. 1. p. q. 41. ar. 3. sciendum est, tria esse necessaria ad hoc, vt aliquid de aliquo vel ex aliquo dicatur produci.

**B** 1. Vt id de quo alterum esse dicitur, aliquo modo cooperetur ad productionem alterius: Illa enim particula *de* vel *ex*, talem habitudinem ad productum denotat. 2. Vt id etiam sit aliunde, quam per productionem eius, quod dicitur de illo produci. Id quod videtur sequi ex primo: Nam si aliquid producit simul cum productione alterius; non videtur cooperari ad eam ipsam productionem. 3. Vt sit ei quod producitur consubstantialis, aut intrinsecum: alioqui non necessario diceretur de ipso illud produci, vt docet Augustinus lib. de natura boni contra Manich. c. 26. Et probat D. Thom. loco citato ex communi loquendi & concipiendi modo. non enim dicimus domum fieri ex aedificatore; solum propterea, quod aedificator non est intrinsecum vel consubstantialis principium domus. Dicitur tamen quodlibet mixtum fieri de vel ex materia, quia est illi intrinseca & supponitur eius productioni. Similiter dicimus in rebus creatis Filium esse ex substantia Patris, quatenus Pater est ei consubstantialis,

& etiā quaten' Filius sit ex semine Patris, quod variē transmutatum pertinet etiam ad substantiā Filij.

Ex quibus intelligitur, si aliquid producit secundū se totum, nō posse dici, quōd id producat ex vel de aliquo: Ratio est, quoniā nihil tunc intrinsecū illi, & aliunde existens, quā per productionē eius, cooperabitur; neq; etiam id tunc producat a consubstantiali, sed creabitur ab habente diuersam naturā, cū nulla creatura possit creare. Deinde etiā hinc patet, veram esse doctrinam fidei, quōd videlicet psonę productæ in diuinis sint de substantia personarum producentiū. Nam primū, non producit secundū se tota; nō enim producit essentia diuina in illis. Et præterea producunt de principio consubstantiali. Et deniq; aliquo etiam modo cōfert essentia ad earum productionē.

Quis verō modus is sit, id est, quā habitudinē habeat essentia ad personam productā quatenus hæc ex essentia produci dicitur, restat nunc videndum; utrū scilicet habeat se tanquam materia, an tanq̃ forma, ad eum modum, quo si forma ignis (verbi gratia) præexistet, sicut præexistit eius materia, diceremus ignem produci de illa, tanquam de forma: Item ad eum modum, quo homo videtur dici posse produci de anima rationali, tanquā de forma subsistenti, quandoquidem illa aliunde habet esse,

quā per generationē hominis, videlicet per creationem à Deo, & saltem prius naturā præexistit ipsi generationi; atque ita videtur in genere causæ formalis ad generationē totius compositi cooperari. Item dubium est, utrū essentia diuina cooperetur vt principium actiui, sicut suo modo semen, &c.

**B** Ad hoc Durand. in 1. d. 5. q. 2. & Henri. Gand. qui etiā à Caietano 1. p. q. 41. ar. 3. & à Capr. in 1. d. 5. q. vnica citantur, respōdent, Filium esse de essentia Patris tanquam de materia; seclusis tamen imperfectionibus materiæ, vt quōd sit in potentia, &c. Præcipuum fundamentum huius sententiæ, quantū ex Durādo colligi potest, est; quia ad materiā pertinet aliunde esse, quā per productionem rei; & præterea esse quiddam intrinsecū producti; & recipere aliquid ipsius producti. At hæc omnia cōpetunt essentiæ diuinæ respectu personæ productæ. Ergo dici potest ex ea tanquam ex materia persona produci. Minor, quod attinet ad duas primas partes satis patet. Quoad tertiam, probatur, quia ad nostrū modum habet se vt recipiens personalitatem personæ productæ. Alia sententia est D. Thom. 1. p. q. 41. ar. 3. vbi censet, personā produci ex essentia diuina tanquam de forma subsistenti. Ita etiam Capreolus loco citato.

Breuitè autem & commodè poterit res hæc tota sic explicari.

Quæstio proposita potest esse aut de re aut de nostro modo concipiendi. Si sit de modo concipiendi, dici potest, personam productam esse de essentia tanquam de materia, attendendo solum aliquos conceptus inadæquatos & communiores, quos habemus de materia (id quod solum probat Durandus nec videtur ipse aliud velle) non tamen attendendo ad conceptum nostrum ultimum de materia. Nam in illo includitur imperfectio carentiæ &c. quæ nullo modo conuenit in essentiam diuinam, cum hæc actu identificetur etiam productæ & eatenus habeat eius perfectionem. Deinde potest etiam secundum nostrum modum concipiendi dici, personam esse productam de essentia tanquã de forma subsistenti, quatenus de natura communiter concipimus quòd sit quædam forma totalis: item quatenus verè concipimus, essentiam diuinam quodammodo pertinere ad complementum personæ productæ, secundum quãdam analogiam ad essentiam creatam, id est, non aliquid actuando in re, sed per identitatem cum personalitate diuina.

Si verò quæstio sit de re, sic in primis certum est, Filium non esse de substantia Patris, tanquam de materia, neque etiam tanquam de forma tali, quales sunt formæ rerum creatarum. Si tamen per

formam intelligamus quamcunque perfectionem, quouis modo pertinentem ad substantiam, & actualitatem alicuius; dici potest etiam secundum rem Filium esse de essentia tanquã de forma; nam vt diximus ante, pertinet essentia ad perfectionem Filij per identitatem. Ac isto modo potest intelligi sententia D. Thomæ. Quamquam exemplum sane quod ad id explicandum petit ex natura Angeli, non satis accommodatum ad propositum esse videtur. Natura enim intellectualis Angeli producit vñã cum ipso. quare non videtur Angelus dici propriè esse aut fieri de natura intellectuali. Quemadmodum, quia materia rerum à Deo creatarum, per eandem creationem vñã cum ipsis rebus à Deo facta est; minimè potuerunt dici esse aut fieri de materia, vt iam in proposito loquimur. Nam sicut antea expositum est, id, de quo aliquid dicitur esse aut fieri, debet aliunde esse, quàm per productionem eius quod fit, atque eatenus cooperari ad illud.

Est præterea alius modus magis proprius, quo possumus dicere Filium esse de essentia Patris, loquendo secundum rem, videlicet, tanquã de principio quo originis, per quam idem Filius producit; principio quo (inquam) nõ adæquato, sed inadæquato. Videbim⁹ enim c. seq. potentiam generandi com-



completam in diuinis, non ex sola essentia, sed ex aliis etiam rationibus constare. Igitur prout essentia inadæquate saltem ad productionem Filij concurrit, veluti actiue: Et vt ex se est, non per productionem Filij: Et deniq; vt substantialiter est quid intimū Filio: rectè dici potest Filius esse de illa tanq̃ de suo principio saltē inadæquato, sicut inadæquate est potentia generādi: Hæ nāq; cōditiones, vt dictum est antea, requiruntur, & sufficiunt, vt aliquid dicatur esse de alio. Ac potest is explicandi modus inde confirmari, quòd Filius in creaturis rectè dicitur esse de femine, tanquam de substantia Patris, quatenus id velut instrumentum actiuum confert ad eius generationem, licet non nisi variè transmutatum ad substantiam Filij pertineat. Potiori igitur ratione dici poterit in diuinis Filius esse de Patris essentia, vt pote quæ multò perfectiùs ad illius generationem confert, & immutata etiā ipsius substantiam intimè constituit.

## CAPVT X.

*Explicatur quæstio octaua de ordine originis, supra cap. i. proposita.*



PRIMA quæstio circa originis ordinem erat, Per qualēnam vim atque potentiam

diuina persona principium sit productionis? Vtrum scilicet ea sit aliquid absolutum, vel respectiū, vel vtrumque? Est autem ad faciliorem rei explicationem primò notandum: Non hīc quæri, quid sit re distinctum à persona producente, per quod illa tanquam per potentiam producat, sed tantum quæstio est de potentia producēdi, quæ virtualiter solum distinguatur à producente; quatenus per vnā & eandem rem in diuinis lōgè perfectiùs in productione personæ præstatur quod in creaturis fit per causam producentem, & potentiam, qua quidpiam producit. Secundo notandum, de potentia producēdi eodem modo posse nos in hac quæstione loqui, ac de principio quo productionis. Est enim potentia, ex sententia Aristotelis 5. Metaphys. nihil aliud, quàm principium operationis. Principium autem operationis duplex est. Vnū est primum & quasi radicale: scilicet ipsa natura, seu essentia rei, à qua, velut à fonte, manant omnes rei operationes. Alterum est proximum: à quo immediatè, tanquam à naturæ quodam organo, elicitur operatio. Sic igitur de potentia possumus loqui dupliciter. Primò, de potentia incompleta, & inadæquate accepta, prout scilicet est principium quo primū, aut principium quo proximum, id quod

magis propriè dici solet potentia. Altero modo de potentia completa & adæquata, prout utroque principio, primo scilicet & proximo, continetur. Hic verò de potentia adæquarè sumpta differendum est, ut scilicet totum illud intelligatur, quo tanquam principio una persona diuina producit aliam. Et quærimus sanè, non sub qua ratione nos conciperemus potentiam producèdi in diuinis, si de illa tantummodò iudicandù nobis esset, sicut iudicamus de potentia producendi, quam cernimus in creaturis: sed quid absolute statuere debeamus in diuinis esse potentiam producendi secundum potentia rationem, in illa re diuina infinite præstantiorè quàm sit ratio ullius potètiæ creatæ; iuxta ea, quæ generatim in prolegomenis monuimus de modo concipiendi diuina.

His positis respondeo ad quæstionem, per tres assertiones, in quarum confirmatione discutimus quoque sententias Theologorum, quæ sunt hac de re. Prima assertio: Potentia producendi in diuinis omnino constare ex essentia diuina; quanquam non ex illa sola, ut postea ostendemus. Nominè autem essentia hoc loco uolò etiam intelligi potentiam intellectus & voluntatis, quæ sunt perfectiones essentielles & absolute in diuinis, ita ut potentia ge-

nerandi, ex essentia & intellectu; spirandi verò, ex essentia etiam & voluntate constet. Ita enim sentit etiam sanctus Thomas 1. par. quæstione 42. articulo quinto, ut rectè in eo loco exponit Caietanus. Vnde meritò is reticet argumenta quædam Scoti, quibus solùm probatur, intellectum & uoluntatem pertinere ad potentias notionales, id quod sanctus Thomas non negat. Iam probatur assertio, primum testimonio sancti Augustini lib. 5. de Trinitate, cap. 10. Et diui Damasceni lib. 1. fidei Orthodoxæ, capite octauo, & Richardi Victorini lib. 6. de Trinitate, ca. 2. qui ita docent, atque etiam aliorum Omnium Patrum, quum ex Scriptura confirmant, Filium & Spiritum sanctum esse non ex nihilo, sed ex ipsa essentia diuina productos, tanquam ex potentia uidelicet, seu principio quo primo productionis. Verissimè enim diuus Athanasius in Dialog. de Trinitate cōtra Anomæos, pag. 667. utrum, id est, essentiam Patris, ex qua Filius est genitus, *vim gignendi* esse interpretatur.

Secundò probo eandem assertionem ratione: Nam quod in omnibus aliis rebus concedimus, naturam uidelicet & essentiam, esse primum principium operationum, quibus sese naturæ communicant, nullo modo negadum est perfectissimæ illi naturæ diuinæ:

Si-

Siquidem ut perfectissimè persona produciens per illam existit; ita etiā oportet, ut perfectissimè per illam operetur. Ut enim ait Aristoteles 3. Phys. textu 36. forma, quæ dat esse, dat etiam operari. Cuius fundamentum est, quod operatio rei est primò ac principaliter debita ipsi rei naturæ.

Ac simili etiam ratione facile patet, intellectum quoque & voluntatem diuinam ad potentias notionales pertinere. Etenim in omnibus etiā rebus potentiæ sunt tanquam instrumenta siue organa, per quæ ab ipsa natura operationes exercentur. Quo fit, ut hoc ipso, quod natura principium est operationum; principia quoque earundem sint naturæ potentiæ: id quod concedendum est etiam in diuinis suo modo. Et confirmatur hoc ipsum. Nam quod natura diuina per potentiam intellectus & voluntatis sit principium productionis personarum eiusmodi, quæ infinitam perfectionem habent, maxima est perfectio; & ex alia parte nihil obstat, quo minus hæc perfectio conueniat rei absolutæ, qualis est essentia, intellectus, & voluntas diuina: Ergo omnino est illi tribuenda. Antecedens quoad primam partem ex se perspicuum est, quoad secundam verò, patet ex fide, quæ, ut suprà capite quarto demonstratum est, docet, per intellectum & volun-

tatem personas procedere; quod non esset verum, si id repugnaret rationi absolutæ: Nam potentia intellectus & voluntatis ut sic, absolutum quiddam sunt. Nec sanè vlla ratione ostendi potest in eo repugnantia.

Ex huius autem assertionis confirmatione iudicari potest de opinione quorundam, qui censuerunt, solam relationem, & non essentiam, esse potentiam notionalem, ex quibus est Durandus in 1. distinctione septima, quæstione secunda; & Bonauentura eadem distinctione, quæstione prima, & alij apud Capreolum eadē distinctione, quæstione prima. Si enim loquantur de potentia completè & adæquatè sumpta, quasi illa tota contineatur sola relatione, & nō etiam constet ex diuina essentia; falsò opinantur: Sin verò de potentia sumpta pro principio, quo proximè (secundum virtualem distinctionem) persona producitur; non loquuntur aberrant, ut postea ex tertia assertionem nostra patebit. Et quidem cum Durandus alioqui sentiat personas fuisse productas ex fecunditate naturæ, ut suprà capite quarto vidimus; consequenter negare non potest, quin natura sit de adæquatæ potentiæ ratione; quanquam temerariè negat, personas produci etiam per intellectum & voluntatem, ut suprà cap. 4. ostendimus.



Iam sit secunda assertio. Potentia notionalis formaliter non continetur, sola essentia diuina & intellectu, aut voluntate, sed præterea etiam constat ex relatione. Itaque potentia generandi est essentia, & intellectus, & paternitas; spirandi verò, essentia, voluntas, & spiratio relatio. Ante huius autem assertionis probationem illud notandum est, cum paternitas, quatenus relatio est, contineat actu plures rationes virtualiter distinctas; videlicet actionis cuiusdam respectiuæ, proprietatis personalis, & respectus cuiusdam fundati virtualiter in generatione; & spiratio similiter, ut relatio est, contineat rationem cuiusdam respectus fundati in productione Spiritus sancti, & etiam actionis voluntatis respectiuæ; cum, inquam, hæ relationes plures has notiones contineant; in hac sanè assertionem solum dicimus, potentiam notionalem non constare tantum ex ratione absoluta essentiæ, & intellectus aut voluntatis, sed etiam ex relatione; postea verò declarabimus, quānam ratione ex his, quæ virtualiter distinctæ cerni possunt in relatione, pertineat ipsa relatio ad potentiam notionalem.

Hoc posito, probanda iam assertio est; quæ quidem non modo est ex mente illorum Theologorum, quos paulò antè commemo-

rauimus, sed etiam videtur in primis esse sancti Thomæ 1. par. quæstione 36. art. 4. ad 1. & 2. ubi affirmat, potentiam spirandi esse proprietatem. Constat enim in diuinis non esse proprietatem, nisi relationem. Item videtur etiam esse D. Augustini, lib. 5. de Trinitate, cap. 5. ubi ait, ex eo ipso Patrem dici & esse Patrem, quod est ei Filius. At est ei Filius ex vi potentie generandi. Ergo ab hac dicitur & est Pater; & consequenter potentia generandi, vel est, vel includit relationem paternitatis, à qua nimirum Pater est & dicitur Pater. Neq. n. ut vult Caietanus 1. par. quæst. 42. artic. 5. tantummodò voluisse videtur Augustinus dicere, Patrem, eò esse Patrem, quo refertur ad Filium, & non etiam quo gignit Filium. Item omnino videtur hæc nostra assertio testimonio quoq; D. Athanasij confirmari posse, qui in Dialogo de Trinitate contra Arianos, pag. 659. dissertè ait, Patrem hypostasi suæ gignere.

Est tamen hæc nostra assertio contra Caietanum 1. part. quæst. 41. artic. 5. & alios, qui volunt potentiam notionalem formaliter esse quid absolutum duntaxat; contra quos probatur etiā ratione hoc modo. Si potentia generandi aut spirandi esset tantummodò aliquid absolutum, Filius non minus generaretur à seipso, & Spiritu sancto, quàm à Patre; & similiter Spiritus

san-

sanctus non minus spiraretur à se ipso quàm à Patre & Filio. At hoc est impossibile. Ergo illud etiam vnde id sequitur. Maior probatur. Nam, vt intelligi potest ex doctrina D. Thomæ 1. p. q. 41. art. 4. hoc ipso Pater generat Filium, quod Pater vt persona talis est, habet potentiam generandi, à qua est per identitatem quandam cum virtuali distinctione ipsa generatio, ex vi cuius Filius existit. Sed, si potentia generandi esset tantummodò aliquid absolutum, totum hoc similiter verificaretur de Filio & Spiritu sancto. Ergo similiter Filius & Spiritus sanctus tunc generaret ipsummet Filium. Rursus minor nunc assumpta probatur. Nam quidquid est absolutum in diuinis, ex æquo conuenit omnibus personis, vt patet passim ex Patribus & ex Conciliis, quæ nullam agnoscunt proprietatem in diuinis, nisi relatiuam. Igitur, si potentia generandi est tantummodò aliquid absolutum; illa potentia etiam erit Filij & Spiritus sancti, vt sunt tales personæ: cumque ab eo etiam necessario sit actus aliquis, cuius est potentia ipsa cuius actus est; necessario tunc etiam actus generationis, qui in diuinis à potentia generandi est, esset Filij & Spiritus sancti; ac proinde Filius & Spiritus sanctus æquè atq; Pater generarent eundem ipsum Filium. Nam quamnam alia ratione Pater

A est generans Filium, nisi quia ipsus vt talis persona est, est potentia illa generandi à qua est actus generationis Filij?

Et confirmo argumentum istud à simili, hoc modo. Inintelligibile est, vt id quod producit per calefactionem, verbi gratia, nō producat ab eo igne, cuius est ille ipse calor, à quo talis calefactio de facto oritur. Ergo parimodo, cū à potentia generandi, per generationem, quæ per illam potentiam idèticè est, producat persona Filij, inintelligibile est, Filiū non produci à se ipso, & à Spiritu sancto, si illis æquè atq; Patri conuenit illa potentia generandi. Ac simili forma argumentorum possumus item probare, Spiritum sanctum æquè spirari à se ipso, atque à Patre & Filio, si æquè illi atq; Patri & Filio cōmunis est illa potentia spirandi à qua spiratio est. Verum vt his & similibus argumentis occurrī possit, Caietanus & alij aiunt, solam quidem essentiam diuinā cum intellectu aut voluntate ex sententia ipsorum, esse potentiam notionalem, vt est quid absolutum formaliter loquendo; relationem tamē paternitatis aut spirationis, vel potius coniunctionem essentiarum cum relatione paternitatis aut spirationis esse quādam conditionem requisitam, vt essentia sit potentia generandi vel spirandi: ac proinde essentia tan-

tum, quatenus est in Patre, esse potentiam generandi, non verò quatenus est in Filio, aut Spiritu sancto: & similiter essentiam tantum, ut est in Patre & Filio, esse potentiam spirandi, non autem quatenus est in Spiritu sancto.

Ceterum hæc doctrina, quæ de conditione ad aliquod requisita, vtiliter alioq. usurpari solet, nihil eos auctores in proposito iuvat ad refellendum argumenta quæ fecimus contra illorum opinionem. Quod ita ostendo. Si quid non est conditio requisita ut intrinseca entitas atque ratio alterius per se constare & esse possit; id neque potest etiam esse conditio requisita ad hoc, ut aliquid de altero verificetur, quod formaliter non competit illi nisi secundum id quod habet intrinsecè suapte entitate & ratione. At coniunctio essentiarum diuinarum cum paternitate vel spiratione non est conditio requisita ut entitas intrinseca & ratio essentiarum, quatenus est quid absolutum, constare per se & esse possit. Ergo neque ea coniunctio cèseri potest conditio requisita ad hoc, ut essentia sit potentia generandi vel spirandi: posito, quod essentia sit potentia præcisè & formaliter secundum rationem suam intrinsecam & absolutam, ut illa opinio ponit. Maior potest declarari in omnibus aliis, quibus aliqua conditio dicitur esse necessaria

ad aliquid. Quia enim hoc quod est esse potentiam calefaciendi, verbi gratia, competit formaliter calori secundum suam solam entitatem intrinsecè; ideo, quod non est conditio, ut entitas caloris sit; neque etiam est conditio, ut calor sit potentia calefaciendi; & ita coniunctio calidi cum passo non est conditio ut calor sit potentia calefaciendi in calido, sed ut calefactio de facto sequatur, quæ, ut patet, non intrinsecè, sed extrinsecè pertinet ad calorem. Ac eadem est ratio de omnibus aliis. Minor verò probatur. Nam certum est ex fide coniunctionem essentiarum cum relatione paternitatis aut spirationis, non esse conditionem, ut essentia sit in aliquo secundum suam rationem absolutam; tunc enim sequeretur, eam esse in solo Patre, vel in Patre & Filio tantummodò. Quare patet non satis eos circumspicere sentire, qui concedunt, illud prædicatum, *potentia generandi vel spirandi*, verificari formaliter de sola ratione absoluta essentiarum diuinarum ac intellectus & voluntatis; & tamen aiunt, coniunctionem essentiarum cum relatione paternitatis aut spirationis esse conditionem requisitam ut essentia sit potentia generandi vel spirandi.

Item ex his patet non esse accommodatum ad propositum quoddam exemplum, quo illi conantur suam



suam sententiam declarare. Aiunt enim, sicut idem specie calor naturalis in fœmina est potētia efficiendi lac, & in mare non item; ita eandem essentia in Patre esse potentiam generandi, in Filio non item. Discrimen namque est apertum. Nam de calore naturali non verificatur intrinsecè, etiā in fœmina, quòd sit potentia efficiendi lac, sed tantummodò instrumentaliter & extrinsecè, per ordinem ad diuersam potentiam nutritiuam indiuidualem, quam habet fœmina; quæ duntaxat potentia formaliter & intrinsecè est potentia produciendi lac, per calorem tanquam per suum instrumētum. In proposito verò illi Doctores non ponunt aliam potentiam generandi, nisi secundum rationem absolutā intrinsecè. Quare quod non est conditio requisita ut essentia habeat illā suam rationem absolutam, ita neq; ut sit potentia generandi: quemadmodum, in eo ipso exemplo, quod non est conditio requisita ut potentia nutritiua talis in indiuiduo, nempe fœminæ, existat, non potest esse conditio, ut eiusmodi potentia sit potentia produciendi lac.

Tertia assertio. Potentia generandi adæquatè & completè est essentia intellectus, & relatio paternitatis, quatenus hæc relatio est etiam vis quædam vltima, per quam in diuinis est generatio; Ac

similiter potentia spirandi est essentia, & voluntas, & relatio spirationis, quatenus hæc relatio est etiam quædam vis vltima, per quā est actio spirationis. Hæc assertio etiam est ex mente D. Thomæ in illa q. 36. ar. 4. ad 1. & 2. & aliorum Doctorum; quam ita declaro & probo. Si necesse est potentiam notionalem secundum rationem suam vltimam & completam, esse propriam personæ producentis vel personarum quæ producunt; necessariò consistendum est, eam ex relatione quoque diuina consistere ut relatio diuina est quædam vis vltima, sicut in assertione dictum est. At illud omnino necesse est. Ergo & istud etiam consistendum est. Minor patet. Quoniam aliàs Filius etiam & Spiritus sanctus seipso producerent; ut in confirmatione secundæ assertionis argumentati sumus. Quare, quemadmodum suprà c. 4. ut hoc absurdū effugeremus, necesse fuit ex fide huius mysterij colligere, quòd sit quædam actio in diuinis propria personæ producentis; ita hîc ut idem absurdum caueatur, ex eadem fide colligendum est, quandam esse potentiam produciendi in diuinis, quæ secundum completam sui rationem sit propria personæ producētis aut personarum illarum quæ producunt. Maior autem probatur. Nam in persona aut personis producen-

tibus, præter ipsas productiones actiuas, nihil est proprium nisi relatio; puta paternitas in Patre, & relatio spirationis in Patre & Filio. Quare si completa ratio potentia notionalis debet constare ex aliquo his personis proprio, oportet ut sit relatiua per aliquam nimirum eiusmodi relationum: sicut supra etiam capite 4. eadem ratione colligebamus, ipsas etiam productiones actiuas, oportere relatiuas esse, cum debeant esse producentium personarum propria. Rursus; sicut supra, ob infinitatem illius relationis, quæ est paternitas, verbi gratia, non fuit necesse ponere distinctam relationem in generationis actu, quæ esset actio respectiua; ita etiam neque iam oportet aliam relationem querere, quæ sit potentia generandi; sed ea ipsa paternitas continet etiam sufficientem perfectionem, per quam ut relatio est, eminenter respondet principio quo siue potentia proxima producendi, quæ in creaturis cernitur. Atque hoc est, quod in illa Maiore, & etiam in assertionem dicimus, potentiam notionalem seu producendi, constare ultimate ex relatione etiam, ut diuina relatio est vis quædam ultima producendi. Hanc enim rationem habet quatenus ob sui infinitatem longe præstantius & eminentius præstare potest quod suo modo præstant poten-

tia seu principia actionum in creaturis.

Itaque patet iam ex hac probatione non modo veram esse assertionem illam tertiam, sed etiam quæ sit omnino eius vis. Nam quia in præcedente assertionem simpliciter dixeramus, potentiam notionalem constare quoque ex relatione diuina; & diuina relatio propter sui infinitatem plures rationes virtualiter distinctas continet; addimus iam, potentiam ex diuina relatione constare & compleri secundum eam peculiarem rationem, qua relatio diuina principio proximo, seu potentia producendi in creaturis, responderet.

Præterea potest etiam ex hac doctrina intelligi, quemadmodum licet ad potentiam generandi (verbi gratia) pertineat quoque relatio paternitatis, adhuc tamen potentia generandi, ut principium quo, virtualiter distinguatur ab ipso generante seu principio quo, scilicet à Patre. Etenim eadem relatio paternitatis, ut respondet eminenter principio quo generationis in creaturis, constituit ultimo in diuinis potentiam generandi: ut autem respondet etiam proprietati hypostatice in creaturis, atque eatenus (ut infra docebimus) constituit personam Patris; sic etiam constituit principium quo generationis. Et similiter eadem relatio spirandi,

di, quatenus identificat sibi duo supposita, constituit principium quod completum spirandi, ut exposuimus supra cap. 6. quatenus autem eminenter respondet principio quod productionis in creaturis, sic constituit ultimatam potentiam spirandi.

Sed occurrunt aliquot argumenta ad probandum, potestiam notionalem non debere ullo modo esse relatiuam. Primum peti potest ex D. Augustino lib. 3. contra Maximinum, cap. 12. ubi dicit, Filium non idcirco alium Filium non generasse, quia non potuit, sed quia non oportuit. Est igitur potentia generandi communis Patri ac Filio, & proinde aliquid absolutum. Respondeo. Sensus verborum D. Augustini est, Filium non ex defectu potentie omnino non generauisse. Habet enim potentiam Patris, quatenus illi identificatur in ratione absoluta essentia, atque ita non omnino potentia generandi caret; quanquam ut opponitur Patri relatiue, non illam habeat, sicut Pater. Nec tamen hinc sequitur, Filium non esse omnipotentem, id quod solum volebat Augustinus defendere contra obiectionem Maximini. Quem admodum enim ad hoc, ut persona Filij sit infinitum ens, satis est, illum habere entitatem omnem Patris in ratione absoluta, ita ut sit omnipotens æque ac Pater, sa-

tis est, ut habeat omnem potentiam Patris in ratione absoluta. Quod autem, ut talis persona, non habeat potentiam Patris relatiuam, argumentum id est, non imperfectionis, sed distinctionis eius à Patre. Sicut etiam quod Pater, ut est talis persona, non habeat potentiam ut generetur, quam habet Filius, non est argumentum imperfectionis Patris, sed distinctionis eius à Filio. Satis enim est, quod illam habeat in essentia, in qua Filio identificatur.

Sensus ergo eius, quod Augustinus dicit, Filium potuisse generare, est, illum in essentia quidem habere potentiam generandi, ut explicatum est. Sensus autem eius quod addit, non oportuisse tamen ut generaret, est, non oportuisse, ut Filius etiam haberet potentiam & actionem generandi, ut talis persona est, licet alioqui habeat in essentia. Nam perfectio sanctissimæ Trinitatis talis est, ut contra potius oporteat Filium, quatenus talis persona est, generari duntaxat, non autem habere etiam potentiam generandi, aut generare. Et nihilominus tamen sciendum hic est, communiter loquendo, non esse simpliciter negandum, quin Filius habeat omnem potentiam Patris. Omnipotentia namque nomine communiter intelligitur absolutum quoddam attributum, quod æque con-



uenit omnibus personis. Atq; ex his facillè intelligi potest, doctrina S. Thomæ prima parte, quæstione 41. articulo sexto ad 1. & ad 2. Et quæstione 42. articulo sexto ad 3.

Secundum argumentum. Si potentia consistit in relatione, sequitur personas non procedere per intellectiōem & volitionem. Consequens est falsum, vt ostensum est suprâ cap. 4. Ergo id etiam ex quo istud sequitur. Maior probatur. Nam fieri non potest, vt intellectio & volitio sit ab alio principio, quàm ab intellectu & voluntate. Confirmatur. Nam relatio, vt relatio est, non videtur posse esse principium actiuium. Respondeo. Tantummodò efficitur hoc argumento, potentiam notionalem non consistere adæquatè in relatione, sed etiam in intellectu & voluntate; non verò probatur, quòd non consistat etiam in relatione, tanquam complente rationem potentia, non quidem actuando intellectum & voluntatem, sed per quandam identitatem cum distinctione simul virtuali vtriusque coniunctam. Ac explicari hoc facillè potest ex eo, quod in creaturis etiam videmus, intellectiōem & volitionem procedere non solum à principio quod est intellectus & voluntas, sed etiam ab habitu complente & actuante intellectum & voluntatem in ra-

tionem principij: qui quidem habitus, vt patet, non est voluntas, aut intellectus.

Tertium argumentum. Potentia generandi est id, quo produciens assimilat sibi productum, vt etiam docet D. Thomas 1. part. quæst. 41. artic. 5. Relatio non est huiusmodi. Ergo non constat ex relatione potètia generandi. Respondeo ad Maiorem. Non est necesse, vt in omni eo, quod est de ratione completa potentia generandi, produciens assimilet sibi productum, sed satis est, vt illud sibi assimilet in sua essentia, atque adeò in principio primo, & quasi radicali generationis. Nam mas (verbi gratia) cum actiue generat foeminam, non eam sibi assimilat in potentia generandi actiue, si vera sit sententia multorum, qui censent, foeminam non habere potentiam actiue generandi. Adde, quòd essentia diuina non minus intima est illi relationi, quæ complet in diuinis potentiam generandi, quàm natura specifica potentia generandi in creaturis ipsi rationi indiuidua potentia. Quare hoc ipso, quòd Pater æternus assimilat sibi Filium in essentia, dici potest idem Pater æternus, non minus assimilare sibi Filium in essentia potentia generandi, quàm creator generans assimilat sibi genitum in ratione specifica potentia generandi, licet non

non etiam assimilet illud in ratione indiuidua eius potentie.

Quartū argumentum duci potest ex doctrina D. Thomæ 1. part. quæst. 41. art. 5. ubi ait, relationem esse extra rationem formalem potentie, & quasi in obliquo tantum potentie nomine denotari. Respondetur, ibi sanctum Thomam loqui de relatione, ut est proprietas constituens personam; quo pacto verum est, quasi in obliquo significari nomine potentie. Cum hoc tamen rectè consistit illud, quod diximus, relationem, ut est vis quædam, seu principium quo, pertinere formaliter ad potentiam.

## CAPVT XI.

*Explicatur quæstio decima de ordine originis, supra capite primo proposita.*



EST A eademq; postrema quæstio circa originis ordinem erat. Vtrū operationes illæ diuinæ, secundum quas existunt processiones, sint voluntariæ? Ac est sententia Orthodoxa (ut patet ex dictis lib. 1.) eiusmodi operationes esse quidem voluntarias voluntate diuina, nō ut libera est, sed ut Deus per illam necessariō & naturaliter, & sc, & omnia, quæ sunt ad intra (ut loquuntur Theologi) in natura diuina, quæque

A proinde pertinent ad ipsius Dei perfectionem, vult esse atq; amat. Ita fit, ut neque liberè (sicut aiebant Ariani) Pater genuerit Filium, neque etiam inuitus, sed volens id necessariō. Atque eodem modo Pater & Filius non inuiti; nec liberè, sed volentes necessariō spirant Spiritum sanctum.

B Quamquam est hic discrimen, quod operatio, qua procedit Filius, voluntaria isto modo dicitur, non à voluntate, ut à principio, sed (ut prima parte, quæstione 41. articulo secundo, rectè diuus Thomas explicat) duntaxat concomitanter: Non enim procedit Filius ab ipsa voluntate, ut à principio. At operatio qua Spiritus sanctus procedit, voluntaria est à voluntate, ut à principio, siquidem ipse à voluntate procedit.

C Ex qua doctrina facile refellitur argumentum illud, quod diuus Augustinus lib. decimo quinto de Trinitate, capite vigesimo, & contra sermonem Arianorum, cap. 1. refert Arianum quendam opposuisse Catholico: Aut Pater genuit Filium volens, aut nolens; si volens, ergo liberè; si nolens, ergo est miser. Hoc argumentum, teste eodem Augustino, acutè Catholicus refutauit, quærendo vicissim ex Ariano, vtrum Pater esset Deus volens, aut nolens; ut si volens, responderet; inferret similiter, Patrem non naturā sed

sed liberè esse Deum; si volens; A  
concluderet, esse miserum. Dicē-  
dum est igitur, Patrem & volun-  
tariè, & nihilominus naturaliter  
Filium genuisse; sicut voluntariè  
& naturaliter est Deus, voluntate  
scilicet concomitante.

Sed hoc loco primùm dubitari  
potest, quid sit omnino genera-  
tionem Filij esse voluntariam vo-  
luntate naturali & necessaria con-  
comitanter? Respondeo. Nihil al-  
liud, quàm generationem Filij ef-  
se obiectum volitum & amatum  
voluntate Patris, non tamen pro-  
ductum; sicut essentia diuina est  
ita obiectum diuinæ voluntatis,  
non tamen producta per illam, &  
ipse Filius similiter. Est enim con-  
siderandum, in voluntate diuina C  
non solum esse perfectionem, ut  
amentur diuinitus ea, quæ per  
ipsam produci possunt, ut Spiritus  
sanctus & creaturæ; sed etiam  
ut ametur essentia diuina, & Fi-  
lius, & alia, quæ ad intra non pro-  
cedunt per voluntatem: ad eum  
modum, quo nostræ voluntas ama-  
teat ea etiam, quæ ipsa non pro-  
ducit. Secundò, dubitant hic ali-  
qui, quidnam sit prius secundum  
nostrum modum intelligendi, Pa-  
trem æternū generare Filium, an  
velle generare? Caietanus enim i.  
par. quæst. 41. art. 2. & Scotus in i.  
distinct. 6. dicunt, quòd velle ge-  
nerare sit prius. Ratio Caietani  
est, quia velle generare, est quid

absolutum, & generare, quid no-  
tionale, seu respectuum. Prius au-  
tem in diuinis est absolutū, quàm  
notionale, secundum nostrum  
modum intelligendi. Contrà ve-  
rò Franciscus Ferrariensis libro  
quarto contra Gentes, cap. 11. &  
Capreolus in i. distinct. 6. quæst. 1.  
putant, prius esse generare, quàm vel-  
le. Probat. Quia actus naturalis  
prior est, quàm actus voluntatis.  
Sed generatio est actus naturalis:  
Ergo, &c. Secundò, quia actus in-  
tellectus, qualis est in diuinis ge-  
neratio, prior est, quàm actus vo-  
luntatis.

Quæstio est omnino parui mo-  
menti, quandoquidem non pro-  
priè de ipsa diuina re, in qua nihil  
est prius & posterius, sed de ordi-  
ne nostri intellectus in concipien-  
do illam nunc disputatur. Et pos-  
sumus dicere, utramque opinio-  
nem habere suum locum, secun-  
dum varias quidem consideratio-  
nes eorum, quæ apud nos solent  
prius vel posterius concipi, ut o-  
stendunt argumenta utriusque opi-  
nionis. Quanquam ratio illa pri-  
ma secundæ opinionis probari mi-  
nimè debet, cum videatur sup-  
ponere, quòd actus voluntatis,  
per quem concomitanter gene-  
ratio Verbi diuini est voluntaria,  
non sit naturalis, sicut ipsa gene-  
ratio: Hoc enim plus quàm falsum  
est, ut patet ex his, quæ initio hu-  
ius capituli exposuimus.

Ter-



Tertiò quæri potest, vtrum si-  
militer actus ipse notionalis, quo  
Spiritus sanctus producit, sit  
voluntarius concomitanter? Ra-  
tio dubij est, quoniam, cum Spi-  
ritus sanctus procedat per volun-  
tatem, non videtur concomitan-  
ter & quasi extrinsecè voluntarius  
esse sicut est actus intellectus quo  
generatur Filius; sed tantummo-  
dò per se & intrinsecè. In contra-  
rium est, quod præter actum illum  
voluntatis, quo Spiritus sanctus  
procedit, est alius actus volunta-  
tis virtualiter distinctus, per què  
non procedit, videlicet volitio  
absoluta cõmunis omnibus per-  
sonis, vt suprà cap. 4. ex doctrina  
D. Augustini ab omnibus recepta  
exposuimus. Quare poterit per  
hunc etiam actum concomitan-  
ter esse voluntaria processio Spi-  
ritus sancti. Et ita planè est: Vt re-  
ctè quoque attigit Caietanus 1. p.  
q. 41. artic. 2. Manet tamen in hoc  
discrimen, quod generatio Filij  
non solum voluntate absoluta est  
voluntaria concomitanter, sed  
voluntate notionali, per quam  
procedit Spiritus sanctus. Quæ-  
cunque enim Pater æternus vult;  
vult per vtrumq; actum volunta-  
tis. Processio autem Spiritus san-  
cti non est voluntaria concomi-  
tanter nisi per actum voluntatis  
essentialem; nam illo alio notio-  
nali, per se & intrinsecè est voli-

A tus, hoc ipso quod per eum ipse  
procedit.

## CAPVT XII.

*Explicatur questio prima de ordi-  
ne relationis diuinarum perso-  
narum suprà cap. 1. proposita.*



**P** R I M A quæstio huius  
generis erat, an non  
omnino cõtra ratio-  
nem sit ponere rela-  
tiones in natura diuina? Nam et si  
suprà c. 1. ex Scriptura & Patribus  
probauerimus eas in diuinis esse,  
& hæcenus sæpe in tota hac dispu-  
tatione, necessariò, vt explicare-  
mus alia, id supposuerimus; opor-  
tet tamè de hoc ipso propriè etiã  
C & ex instituto differere. Ac sunt  
argumenta quædam, quæ viden-  
tur habere hoc loco non exiguam  
difficultatem.

Primum argumentum est. In  
diuinis nihil est, quod secundum  
suam rationem abstrahat ab ente  
reali, & rationis. Sed relatio, vt  
relatio, abstrahit. Ergo minimè  
est in diuinis. Maior probatur.  
D Quia quidquid est in diuinis, est  
Deus; atque ita non abstrahit ab  
ente reali. Minorem videtur asse-  
rere diuus Thomas prima parte,  
quæstione 28. articulo primo, vbi  
docet, hoc esse peculiare prædi-  
camenti *ad aliquid*, quod ratio re-  
lationis aliquando inuenitur in

ente reali, aliquando in enterationis. Item ibi ait, rationem huius prædicamenti abstrahere ab inhærentia in subiecto; secus rationes aliorum prædicamentorum. Abstrahit igitur relatio ab ente reali; alioqui non abstraheret ab inhærentia in subiecto.

Respondeo distinguendo Maiorem: Nihil in diuinis abstrahit, ab ente reali secundum rationem nominis obiectiuam, id est, secundum id quod in ipso Deo intrinsecè respõdet vocabulo; concedo; secundum rationem autem formalem, id est, secundum significatum formale nominis, quod est in intellectu, quando nomen usurpatur; nego. Quamuis enim, quidquid intrinsecè dicitur de Deo, obiectiuè sit ens reale; non tamen est necesse, vt per quemcunq; conceptum sub aliquo nomine formatum de Deo, concipias illud esse reale; sed potes abstrahere. Et hoc sanè modo, videlicet secundum conceptum formalem communissimum, significatū nomine relationis, abstrahit relatio à reali & rationis, vt docet D. Thomas. Nam per relationem possumus intelligere illud, quod respicit alterum, antequam discernamus, vtrum respiciat per realitatem aliquam in se obiectiuè, atque adeo realiter, vel solum extrinsecè, per conceptum alterius

intelligentis illud in ordine ad aliud, atq; adeo secundum rationē. Et similiter hoc modo verum est, quòd ratio relationis abstrahat ab inhærentia in eo, quod refertur. Et sic est intelligendus S. Thom. loco citato.

Quòd si loquamur de ratione relationis obiectiuè significata per nomen, impossibile est, vt illa abstrahat à reali & rationis, sed debet esse vel rationis, quæ proinde non inhæreat in ipso subiecto, quod refertur, quatenus refertur, sed extrinsecè ab intellectu dicatur de illo: Vel realis extra animam, quæ proinde sit re ipsa in subiecto, quod refertur. Etenim propria etiam ratio atque differentia prædicamenti ad aliquid, si obiectiuè consideretur, est quiddam actiua & inhærens in ipso subiecto: alioqui relatio vt sic non esset forma accidentalis subiecti, si secundum suam peculiarem differētiā non actuat subiectum, neq; in illo inhæret.

Itaq; D. Thomas 1. p. quæst. 28. Artic. 1. quando dicit, relationem abstrahere secundum propriam rationem à reali, & ab inhærentia, intelligendus est de ratione formaliter per nomen relationis significata, non obiectiuè. Id quod satis est, vt consistat illud discriminē quod eo loco assignat S. Thomas inter hoc & reliqua prædicamenta.

menta. Rationes enim & differentia propria aliorum prædicamentorum, ne secundum formale quidem significatum nominum, reperiuntur in aliquo ente rationis sicut reperitur ratio formalis prædicamenti ad aliquid. Nulla siquidem substantia aut quantitas, &c. est ens rationis. Et sanè si ea, quæ Caietanus in illum locum diui Thomæ disputat, sunt vera; eodem etiam modo interpretanda sunt, videlicet de abstractione relationis à reali & rationis secundum significatum nominis formale, alioqui si secundum obiectiuum intelligat, non satis ille probabiliter loquitur.

Secundum argumentum. Relatio realis inter aliqua, necessario supponit distinctionem illorum realem, saltem secundum prioritatem quandam & ordinem rationis, quo scilicet prius ea intelligatur realiter distingui quam realiter referri. At relatio in diuinis nullo modo supponit distinctionem realem personarum. Ergo non est in diuinis realis relatio. Maior est nota. Minor probatur, quia, ut supra vidimus, distinctio ipsa realis non est in diuinis nisi per relationem.

Respondeo. Relatio, quæ est accidens, sicut secundum rem vel rationem, (multi enim sentiunt

A non distingui realiter relationem à fundamento) supponit subiectum à quo sustentetur, & fundamentum, ad quod consequatur & ex quo verè pendeat; ita etiam secundum rem, vel rationem, debet supponere distinctionem realem extremorum, quæ per illam referuntur. At verò relatio diuina, quia non est accidens, sed substantia, ut infra patebit; idcirco ut non supponit villo modo subiectum à quo sustentetur, neque etiam fundamentum à quo verè pendeat: ita neque debet supponere distinctionem extremorum, sed ipsæ relationes constituunt talem distinctionem sicut constituunt personas, immò sunt ipsæ personæ subsistentes, ut infra capite 14. docebimus. Nec incredibile videri debet in hoc esse discrimen relationis diuinæ & relationis creatæ; cum propria ratio relationis diuinæ distet infinite à ratione propria relationis creatæ, iuxta ea quæ initio notauimus in prolegomenis.

D Tertium argumentum. Relatio formaliter non est perfectio simpliciter simplex. Ergo non est ponenda in Deo. Antecedens probatur. Quia non est melius ipsa, quam non ipsa: Melius enim est esse absolutum, quam respectiuum: perfectionem autem simpliciter simplicem de-



scribit D. Anselmus in Monologio esse eam, quæ in quocunque ente melior est ipsa quam nō ipsa. Respondetur negando antecedens; ad probationem dico, non esse idē, aliquid esse perfectionem simpliciter simplicem, & aliquid esse melius quocunq; alio, quod non sit ipsum; sed satis est, vt sit melius quocunq; alio secum incompatible in eodem subiecto. Iam, quamuis absolutum vt est tale melius sit, quam respectiuum; tamen respectiuū non est incompatible cum absoluto; sed possunt reperiri hæ duæ rationes in eodem. Et ita, cū ex sui ratione respectiuum nihil melius, quod sit ei incompatible, excludat ab aliquo subiecto; sequitur, quod sit perfectio simpliciter simplex. Et loquor de respectiuo præcisè vt respectiuum est (quomodo reperitur etiam in Deo) non de respectiuo accidentali, quod cum diuina perfectione stare in eodem simul non potest.

Sed difficultatem huius argumenti non parum augent verba quædam D. Thomæ 1. p. q. 28. art. 2. ad 3. vbi sic inquit: *Si in perfectione diuina nihil plus contineretur, quam quod significat nomen relatiuum, sequeretur quod eiu esse esset imperfectū, utpote ad aliquid aliud se habens.* Ex quibus verbis colligi videtur, relationē in diuinis per se non con-

tinere (sententiā D. Thomæ) perfectionem. Alioqui si essentia diuina solum contineret quod significatur nomine relationis, non ideo esset imperfecta, vt dicit S. Thomas. Ex alia parte absurdum est, aliquid ponere in Deo, quod sit imperfectum.

Propter hoc Caietanus in commentario ad eum locum D. Thomæ, putat relationem diuinam formaliter, vel vt ad, neq; dicere imperfectionem, neq; perfectionem, sed abstrahere ab utroque. Ratio illius est, quia si diceret perfectionem, vt sic, aliqua perfectio esset in vna persona, quæ non est in alia; & si diceret imperfectionem, aliquid esset in Deo imperfectum, quod est inconueniens. Vnde ad verba S. Thomæ quatenus videntur significare, quod ad vt ad, dicat imperfectionem, respondet, non idcirco S. Thomam concludere, quod essentia diuina esset imperfecta, si tantum haberet quod significat nomen relatio, quia relatio vt sic dicat imperfectionem, sed quia quando ratio relationis sola cōpetit alicui, habet coniunctam aliquam imperfectionem, videlicet accidentis, aut entis rationis: Quidquid enim duntaxat est relatio, debet esse, vel accidens, vel ens rationis.

Aliqui præterea ex recentioribus, quasi explicantes mentem Cai-

Cai-

Caietani dicunt, relationem, quatenus reale accedens est, dicere quidem perfectionem, atq; adeo relationem etiam diuinam, ut essentia diuina est, dicere perfectionem; Quia quod relationi creatæ competit propter rationem accidentis, competit relationi diuinæ, propter rationem essentia, ut docet in illo ipso articulo. S. Thomas. Relationem autem, quatenus est tale accedens, scilicet *ad aliud*; dicunt abstrahere à perfectione & imperfectione: Et consequenter etiam relationem diuinam, quatenus est *ad*, sicut ait Caietanus. Ceterum hi Doctores non satis explicant propositam difficultatem. Nimis enim confusè & indistinctè loquuntur, ut ex his, quæ statim dicemus, patebit.

Aliter ergo ad argumentum illud ex verbis D. Thomæ extructum, respondendum est. Quod, ut commodè fiat, notandum est, de relatione diuina formaliter, posse nos loqui dupliciter. Vno modo secundum significatum formale huius nominis, videlicet secundum conceptum, quem præcisè formamus de entitate diuina, prout illam afficimus hoc nomine relationis. Et si ita quidem loquamur, bene potest aliquo modo intelligi, quod Caietanus dicit, relationem diuinam, ut relatio formaliter est, abstrahere à perfectione simpliciter, & imperfectione, si

nimirum sensus sit, per illum quidem nostrum formalem conceptum, nondum à nobis actu concipi perfectionem simpliciter simplicem, vel imperfectionem in relatione diuina. Altero modo loqui possumus de relatione diuina, ut relatio est, secundum significatum obiectiuum huius nominis, id est, secundum illud, quod obiectiuè respondet in ipsa re diuina, huic nomini, relationis, cum eo illam afficimus. Et si hoc modo Caietanus & illi alij Doctores velint relationem diuinam, ut relatio est, abstrahere à perfectione simpliciter simplici, & imperfectione; prorsus esset intolerabilis eorum opinio. Probatur. Quia de fide est, relationem diuinam, ut *ad*, & non solum, ut est essentia diuina, esse in Deo quandam realitatem, & realitatem quidem infinitam: ac rursus quoque est euidens, omnem diuinam ac infinitam realitatem, esse secundum se obiectiuè perfectionem simpliciter simplicem, hoc est, quæ melior sit ipsa cuiusque enti, ut ens est, quam quodlibet cum ea incompatible. Ergo Theologico discursu potest ex his duobus principiis certissime concludi, relationem diuinam etiam ut *ad*, in re & obiectiuè esse perfectionem, & perfectionem simpliciter infinitam. Antecedens pro secunda parte, patet, & pro prima probatur, quia

secundum fidem personæ diuinæ **A** realiter distinguuntur per relationes non ut essentia sunt (sic enim ipsæ personæ & relationes sunt unum & idem) sed ut sunt relationes, virtualiter distinctæ ab essentia. Ergo de fide est, quod ut relationes sunt, sunt realitates quædam. Et cum nulla realitas sit in Deo, quæ non sit infinita; de fide **B** etiam est, esse realitates infinitas.

Videtur ergo mihi, simpliciter esse concedendum, relationem diuinam formaliter, ut relatio est, dicere perfectionem simpliciter infinitam: Ut rectè concedit Gabriel in 1. dist. 7. q. 3. quin immò D. Thomas in illa responsione ad 3. ar. 2. quæst. 28. 1. par. si illius doctrina bene consideretur. Et quidem loquendo de relatione diuina, secundum significatum obiectiuum, quod relationis nomini responderet in Deo, satis est iam id probatum. Si verò loquamur de relatione diuina secundum significatum formale, id est, secundum conceptum, quem sub hoc nomine formamus de diuina entitate, qui etiam communis est relationibus creatis; sic non magis videtur abstrahere à perfectione, quàm abstrahant conceptus alij quorumcunque aliorum diuinorum attributorum. Nam si conceptum alicuius abstrahere à perfectione, sit, per illum actum quidem non concipi perfectionem rei; sic verum

est, relationem secundum conceptum formalem abstrahere à perfectione. Sed hoc modo etiam abstrahit à perfectione ratio seu conceptus formalis diuinæ Sapientię, verbi gratia. Nam quando Sapientiam formaliter concipis, nō cogitas eo ipso conceptu de illius perfectione, sed id postea per alium conceptum facis. Si verò abstrahere à perfectione in proposito sit, non posse concipi perfectionem in eo, cui tribuimus conceptum relationis; ne per alium quidem conceptum; sic falsum omnino est, relationem abstrahere à perfectione. Etenim de quacunque relatione possum concipere perfectionem, quin immò perfectionem simpliciter, cum non obstat ulli maiori perfectioni secum incompatibili, ut in responsione ad tertium argumentum, quod proposuimus, declaratum est.

Quod verò attinet ad verba illa S. Thomæ, quæ nobis obiecimur; rectè illa exponit Caietanus. Non enim vult relationem ex se dicere imperfectionem, sed tantum, quod si essentia diuina, solum haberet relationem relationis, qualem habent relationes creatæ, haberet adiunctam imperfectionem, vel accidentis, vel entis rationis. In eo autem minimè assentior Caietano, quod neque perfectionem quoque putat is contineri in relatione diuina formaliter, ut relatio est.

Sed



Sed occurrût adhuc tria argumenta, quib. videtur probari posse, relationem diuinâ, formaliter vt relatio est, non esse perfectionem infinitam, neque simpliciter simplicem. Primum est. Si relatio diuina formaliter est infinita perfectio; ergo aliqua perfectio est in vna persona, quæ non in alia.

Ad hoc argumentum Gabriel ubi suprà concedit faciliè consequentiâ. Sicut, inquit, aliqua realitas est in vna persona, quæ non in alia: Et tamen inde non sequitur, quod persona non sit res infinita. Melius tamen est, distinguere consequens: Si enim intelligatur, quatenus personæ opponuntur & distinguuntur ab inuicem, conceditur; Si verò intelligatur simpliciter, ita vt nullo modo vna persona habeat relationem alterius, negatur. Quamuis enim, vt distinguitur, non habet perfectionem alterius, tamē habet, vt est vnum in essentia cum illa. Et satis est vt eatenus habeat, ad hoc vt simpliciter sit infinita, sicut suprà libro I. cap. 29. fusè docuimus.

Secundum argumentum est, quod inde sequeretur esse plura infinita simpliciter. Quod tamen impossibile est, vt ostendit diuus Thomas I. p. q. II. Respondetur concedendo esse plura infinita respectiua; neque hoc est absurdum, quia non solum his pluribus infinitis conuenit vt sint plura, sed e-

tiam vt sint vnum infinitum; propter quâ vnitatem alterum illorū habet quidquid est perfectionis in altero. Atque ad eò non obstat hic ratio illa, qua D. Thomas I. p. q. II. & alij Theologi concludunt, non posse plura infinita esse simpliciter; quæ duntaxat sint plura, & nō etiam vnum & idem. Notandum autem est, hoc argumentum non esse peculiare contra hoc, quod asserimus, relationes formaliter dicere perfectionem infinitam; nam etiam fieri posset contra hoc, quod ipsa fides expressè docet, scilicet in diuinis esse plures personas, seu plures res respectiuas, quarum vtique nulla est finita, sed qualibet infinita simpliciter. Ad quod eodem modo est respondendum.

Quod si quærat aliquis, an concedi possit, esse in diuinis tres infinitates simpliciter? Respondendum est, si semper addatur particula *Respectiua*, vel *Relatiua*, in re concedi posse. Nec magis incommodum id concedere, quàm quod certum est de fide, tres esse realitates infinitas relatiuas; quia realitas infinita respectiue, & infinitas respectiua idem sunt omnino. Ceterum, quia in hac materia modus loquendi cautissimus esse debet, præstat omnino non dicere, tres infinitates, quia infinitas sonat attributum absolutum. Et ita diuus Athanasius:

Non

*Non tres, inquit, immensis, sed unus, A*  
*immensus. Vsurpans nimirum vo-*  
*cabulum immensitatis absolutè*  
*& substantiuè.*

Tertium argumentum. Perfe-  
 ctio simpliciter simplex (vt in Mo-  
 nologio definit Anselmus) est ea,  
 quæ in quocunque ente ens est,  
 melior est ipsa, quàm alia secum  
 incompatibilis. Sed nulla relatio  
 diuina est talis: Ergo nulla relatio  
 diuina est perfectio simpliciter  
 simplex. Minor probatur. Nam  
 paternitas (verbi gratia) in Patre  
 non est melior, quàm sit filiatio,  
 illi incompatibilis in Filio; cùm  
 constet vtramque esse æqualem,  
 & sic de relationibus aliis. Respõ-  
 deo. Nego Minorem. Ad proba-  
 tionem dico, filiationem non esse  
 re vera incompatibilem paterni-  
 tati. Nam, vt patet, est vtraque in  
 eadem essentia diuina, atque adeò  
 in vna & eadem re numero. Item  
 est vtraque etiam in eadem perso-  
 na, tum Patris, tum Filij, quatenus  
 identificantur in essentia, iuxta  
 illud: *Ego in Patre, & Pater in me est.*  
 Ex hoc igitur, quod paternitas  
 non sit melior, quàm filiatio, mi-  
 nimè sequitur, eam non esse  
 meliorem, quàm quiduis  
 illi incompati-  
 bile.

## CAPVT XIII.

*Explicatur questio secunda, de or-*  
*dine relationum, supra cap. x.*  
*proposita.*



ECVND A quæstio de  
 ordine relationum e-  
 rat, quænam, & quot  
 relationes reales sint  
 B in diuinis secundum originem? Ac  
 respondent Theologi, esse in di-  
 uinis tantummodò quatuor eius-  
 modi relationes, videlicet, pater-  
 nitatem & filiationem, spiratio-  
 nem & processionem. Id patet ex  
 his, quæ hætenus constituta sunt.  
 Nam duæ sunt tantum origines in  
 diuinis. Altera per intellectum,  
 quæ generatio dicitur, altera per  
 voluntatem, quæ nominatur spi-  
 ratio. Quælibet autem origo dua-  
 rum tantum relationum funda-  
 mentum est, quarum altera sit re-  
 latio principij, altera eius, quod  
 est à principio per originem. Ita  
 fit, vt in origine, quæ est genera-  
 tio, duæ relationes fundamentum  
 (iuxta nostrum modum concipi-  
 endi) habeant; paternitas videli-  
 cet, quæ est relatio in principio e-  
 ius originis, nempe in Patre, & fi-  
 liatio, quæ est relatio eius, quod  
 procedit ab eo principio, nempe  
 Filij. Ac similiter origo secundum  
 processionem amoris duarum e-  
 tiam relationum fundamentum  
 est; videlicet spirationis, quæ est  
 relatio principij eius originis, hoc  
 est,



est, Patris & Filij communis, qui sunt, vt suprà dictum est, vnum illud principium Spiritus sancti; & processiois, quæ est relatio eius, quod est ab eo principio, nempe Spiritus sancti. Vt enim ista origo amoris proprium nomen non habet, sed spiratio, actiue, & processio passiue, dicitur; ita neque ipsæ relationes, quæ in hac origine fundantur, sed illud accipiunt ab ipsa origine. Ex qua explicatione facile intelligi potest quod hac ipsa de re docet ex Orthodoxa doctrina diuus Thomas prima parte, quæstione vicefima octaua, articulo quarto.

#### CAPVT XIV.

*Explicatur tertia quæstio de ordine relationum, suprà capite primo proposita.*



ERTIA quæstio de ordine relationum erat, num eiusmodi relationes omnes distinguantur inter se realiter? Ac de his quidem, quæ sibi inuicem propriè opponuntur, vt de paternitate & filiatione, spiratione & processione, dubium nullum est. Sed omnis hoc loco apud Theologos controuersia est de spiratione comparata cum paternitate & filiatione, quibus nõ opponitur: Vtrum scilicet relatio spirationis, com-

munis Patri & Filio, re ipsa ante omnem operationem intellectus actu distinguatur à relatione paternitatis & filiationis, sicut paternitas & filiatio inter se.

Prima sententia est Durandi in 1. distinct. 13. quæst. 2. & Heruei quodlib. 7. & Dionysij Carthusiani in 1. distinct. 27. quæst. 1. qui putant distingui realiter. Et probari hæc sententia potest, primò, ex S. Thoma, qui 1. par. quæst. 32. art. 2. simpliciter negat, Patrem referri ad Filium & Spiritum sanctum vna relatione. Item ex eodem 1. p. q. 28. artic. 4. vbi docet, in diuinis esse quatuor relationes reales, sicut explicauimus præcedente capite. Si enim tantum tres realiter inter se distinguuntur; simpliciter essent tantum tres reales.

Secundò. Vel paternitas & spiratio ante omnem operationem intellectus sunt duæ relationes actu, vel vnica tantum; si actu duæ; ergo actu realiter distinctæ. Probatur consequentia. Nam implicat à parte rei esse dualitatem aliquam absque pluralitate, atque adeò absque distinctione actu. Si verò sunt vnica relatio à parte rei; ergo duæ relationes habent à parte rei pro termino vnam & eandem relationem, quod sanctus Thomas in illa quæstione tricesima secunda, art. 2. censuit esse impossibile.

Tertiò. Ista propositio est falsa;



sa; paternitas est spiratio. Ergo à parte rei distinguuntur à ctu. Antecedens est D. Thomæ in illa quæstione artic. 3. ad 3. Consequentia probatur, quia si essent idem, vera esset illa propositio. Sicut vera est ista: Bonitas est Sapientia in diuinis, propter identitatē à parte rei.

Quartò. Vnum absolutum non potest esse idem cum pluribus absolutis. Ergo nec vnum respectuum cum pluribus respectiuis, & consequenter, nec relatio spirationis erit idem cum paternitate & filiatione. Antecedens videtur clarum. Neque enim id conceditur in diuinis, sed tantum, quod vnum absolutum sit idem cum tribus respectiuis, scilicet essentia cum personis. Consequentia patet ex paritate rationis.

Quintò. Sicut se habet generare ad generari, ita spirare ad spirari. Ergo à commutata proportionē; sicut se habet generari ad spirari, ita generare ad spirare. Sed generari & spirari ita se habent, vt distinguantur realiter inter se, quia sunt idem quod Spiritus S. & Filius. Ergo generare & spirare etiam realiter distinguuntur: Et consequenter etiā paternitas, quæ est idē quod generare, & spiratio, quæ est idē quod spirare.

Vltimo. Aliqua dicuntur à parte rei de paternitate, quæ dici non possunt de spiratione; vt quod constituit personam, &c. Ergo reali-

ter ista duo distinguuntur. Atque eadem formā argumentorū probari potest distinctio realis inter filiationem & spirationem.

Secunda sententia communis & longè verior est, huiusmodi relationes non distingui realiter à ctu, sed ratione, & virtualiter; vt bene explicat Caietanus 1. p. q. 32. art. 2. de qua distinctione suprā libro 1. cap. 30. & aliàs diximus. Ita docet S. Thomas 1. p. q. 32. ar. 3. ad 3. & q. 40. art. 1. ad 1. & Capr. in 1. dist. 13. q. 1. art. 2. & Caietanus 1. part. quæst. 32. art. 2. & præterea etiam Scotus in 1. dist. 13. quæst. 1. Marsilius in 1. quæst. 30. artic. 4. dub. 2. & alij. Probatur autem hæc sententia primò ex Ecclesiæ definitione in cap. Damnamus, de sum. Trin. & fide Cathol. Vbi ex sententia omnium Orthodoxorum Patrū, quorum testimonia suprā libro 1. cap. 20. pro fide sanctissimæ Trinitatis citauimus, apertè exploditur quaternitas rerum in diuinis. Et sanè D. Athanasius in epistola ad Epiætetum, pudēdam hæresim esse, ait, quaternitatem vilo modo pro Trinitate inducere. Quare vel erronea, vel errori proxima videtur esse illa prima sententia. Nec satis est, quod respondet Durandus, ab Ecclesia tantū reiici quartam rem absolutam, quæ videlicet sit essentia diuina realiter à tribus personis distincta. Quamuis enim eiusmodi quaternitas in illo quidem

dem capitulo, *Damnamus*, præcipuè reiciatur, tamen absolutè negatur etiam quaternitas rerum. Itaque temerarium saltem, & errori proximum est, asserere quorumcunq; rerum quaternitatem. Nam & Arianos eo nomine exagitat in illa epist. ad Epict. D. Athanasius. Secundò. In diuinis nulla est distinctio realis, nisi inter opposita relatiuè, vel ratione originis, vel ratione relationis. Sed paternitas & spiratio, ac similiter filiatio & spiratio, nullo modo istorum opponuntur. Ergo nullo modo distinguuntur realiter. Tertiò. Si spiratio distinguitur realiter à paternitate, cur spiratio nò sit quarta persona in diuinis, cum alioqui sit perfecta quædam substantia, vt omnia quæ sunt in Deo? Respondet Durandus, quia non est incommunicabilis. Est enim communis Patri & Filio: de ratione aut personæ est incommunicabilitas. Còtrà: Incommunicabilitas in diuinis non còsistit in eo, vt aliquid nullo modo sit in altero; sed in hoc, vt aliqd distinguatur realiter ab altero, & vt non sit in illo, quatenus ab eo distinguitur. Si igitur spiratio realiter distinguitur à paternitate & filiatione, erit etiam incommunicabilis eo modo, quo in diuinis reperitur incommunicabilitas: ita scilicet, vt non sit in paternitate & filiatione quatenus ab eis distinguitur. Quòd autem sit in pa-

ternitate & filiatione, vt est idem in essentia cum illis, id nihil obstabit quò minus sit vt ab illis distinguitur incommunicabilis. Aliàs enim, neque paternitas esset incommunicabilis, siquidem ipsa similiter est in filiatione ratione essentia; iuxta illud: *Ego in Patre, & Pater in me est*. Si autem dicatur, spirationem non solum esse in paternitate & filiatione, quatenus illis identificatur in ratione absoluta essentia; sed etià, quatenus ab eis distinguitur: Contrà obiciendum est, quòd vnum distinctum esse in eo, à quo distinguitur, non contingit, nisi aut per actuationem siue informationem, aut per compositionem, aut per identitatem in alia quadam tertia ratione virtualiter ab utroque distincta vt accidit in diuinis. Sed duo primi modi existendi in alio non possunt habere locum in proposito. Ergo restat, vt spiratio sit in paternitate & filiatione vltimo duntaxat modo, scilicet ratione tertij, nempe essentia; diuinæ, in qua identificentur.

D Qui modus non obstat, quò minus sit alioqui æquè incommunicabilis, atque paternitas ipsa & filiatio, vt antè conclusum est.

Iam ad argumenta contrariæ opinionis respondendum est. Ad primum respondetur, verè dici, esse quatuor relationes reales in diuinis, quamuis inter se omnes

non distinguantur realiter. Sicut verè quoque solemus dicere, Deum habere multas perfectiones reales, quamvis non ideo significamus, eas realiter esse distinctas. Et ratio huius est, quia ut nomen significans aliquid reale, in plurali numero usurpemus (sicut in proposito facimus, cum dicimus, plures esse in diuinis relationes reales) satis est, significatum illius formale, hoc est, conceptus nostris multiplicari, & cuilibet conceptui verè respondere obiectiue aliquid reale, licet non sit realiter distinctum. Ita verò accidit in proposito. Nam etsi paternitas & spiratio non sint alia & alia res obiectiue: tamen alium & alium conceptum nos formamus de re diuina, ut illam appellamus paternitatem, & spirationem, & cuilibet conceptui istorum respondet aliquid reale. Quod verò sanctus Thomas prima par. questione tricesima secunda, articulo secundo dicit, unicam relationem non posse respicere distinctas relationes, intelligendum est de vna, quæ non sit duplex virtualiter. In proposito autem paternitas & spiratio sunt duæ relationes virtualiter, id est, illa vnica relatio, quæ actu est paternitas & spiratio, æquiualeat propter infinitam sui perfectionem duabus distinctis, atque ita potest respicere & terminare duas distinctas relatio-

nes, scilicet filiationem & processionem: & eadem ratione filiatio & spiratio, licet sint vnica actu relatio, terminare possunt, paternitatem & processionem, quæ distinguuntur realiter

Ad secundum argumentum Egidius Romanus in 1. distinct. 27. artic. 1. quæst. 1. & Capreolus, ubi suprâ, & alij recentiores, quamvis negent paternitatem & spirationem ante omnem operationem intellectus esse duas res: concedunt tamen ante omnem operationem intellectus esse duas relationes actu. Quod si obiciamus, multiplicato inferiori oportere, ut superius etiam multiplicetur: Atque adeò, si sunt à parte rei duæ relationes, debere etiam à parte rei esse duas res; quandoquidem res habet se ad relationem, ut superius transcendentaliter; respondent, satis esse, ut id, quod est superius, multiplicetur in proprio distinctiuo inferioris; distinctiuum autem paternitatis & spirationis in proposito esse relationem filiationis & processionis: Nam relationes (inquiunt) ut relationes sunt, multiplicatur per terminos. Quare dicunt, satis esse, filiationem & processionem esse aliam & aliam rem, ad hoc, ut re ipsa ante operationem intellectus, paternitas & spiratio sint duæ relationes: Sunt enim duæ per filiationem & processionem, tanquam per terminos.

Verum



Verum ista responsio non est solida. Nam dato quòd satis sit, vt superius multiplicetur secundum proprium distinctiuum inferioris: falsum tamen est, relationes tantum distingui in esse relationis per terminos: quin immò plures relationes, intrinsecè inprimis, hoc est, se ipsis sunt plures; per suos autem terminos non nisi extrinsecè distinguuntur. Si igitur paternitas & spiratio sunt duæ relationes ante omnem operationem intellectus; oportebit vt realitas, quæ est superior ad relationem, non solum multiplicetur in terminis, sed etiam in paternitate & spiratione secundum se ipsas intrinsecè. Item contra hanc responsionem facit, quod ex illa ipsa facillimè probari potest idem, quod per eam illi auctores remouere student, nempe paternitatem & spirationem esse duas res. Argumentator enim sic: Res debet multiplicari in proprijs terminis earum relationum, quæ ante omnem operationem intellectus sunt duæ relationes. Sed paternitas & spiratio sunt proprij duarum relationum termini, quæ ante operationem intellectus sunt duæ, videlicet processioneis & filiationis. Ergo res debet multiplicari in paternitate & spiratione, quod est, vt dixi, contra illud ipsum quod illi Doctores ea responsione agunt. Aliter igitur respondeo ad illud

A secundum argumentum cum Caietano 1. part. q. 32. art. 2. videlicet paternitatem & spirationem, ante omnem operationem intellectus non esse duas relationes, sed vnã actũ, quæ tamen est duplex virtualiter, atque adeo sufficiens ad terminandas duas relationes diuersas, scilicet filiationem & processioneis.

Ad tertium argumentum respondeo. Quando disputatur de hac propositione, paternitas est spiratio, & similibus, vtum sint concedendæ; dupliciter possumus usurpare prædicatũ & subiectum talium propositionũ; primo modo adæquatè secundum omne id, quod significant, id est, non solum secundum significatum obiectiuum, sed etiam secundum formale quod concipitur in intellectu; & sic negandæ sunt simpliciter, quia falsum est, quòd significatum formale subiecti sit significatum formale prædicati identicè loquendo sicut procedunt illæ propositiones. Secundo modo contingit usurpare prædicatum & subiectum earum enunciationum secundum significatum obiectiuum duntaxat; & sic sunt concedendæ, quando per prædicatum & subiectum significamus idem realiter in Deo. Iam D. Thom. q. 32. artic. 3. loquitur primo modo. Communiter autem concedi solet illa altera propositio; bonitas

est sapientia; quia accipitur in ea A  
subiectum & prædicatum secun-  
do modo, id est, obiectiue.

Ad quartum argumentū. Sunt  
qui concedant antecedens, scili-  
cet impossibile esse, vt vnum ab-  
solutum sit idem cum pluribus  
absolutis distinctis realiter; &  
tunc negant argumenti conse-  
quentiam. Rationem discriminis B  
eam assignant, quòd absolutum  
distinguitur ab omnibus aliis, &  
ita eadem ratione, qua ab vno di-  
stinguitur, etiam à quocunque a-  
lio: respectuum verò non à quo-  
cunque alio, sed à suo correlati-  
uo distinguitur; & ideo quamuis  
à correlatiuo distinguatur, po-  
test tamen vtrumque correlati-  
uum esse idem cum tertio, siue C  
id tertium absolutum sit, siue re-  
latiuum, modò id non opponat-  
ur relatiue duobus illis corre-  
latiuis extremis, sed alteri quar-  
to.

Verum hæc responsio non mi-  
hi placet. Primò, quia quantum  
est ex vi solius rationis naturalis,  
non magis impossibile videtur,  
vnum absolutum esse idem reali-  
ter cum pluribus absolutis reali-  
ter distinctis, quàm, quod iam  
docet fides, vnum absolutum esse  
idem realiter cum pluribus re-  
spectiuis. Sicut enim propter vir-  
tualem distinctionem duorum  
respectiuorum ab absoluto ter-  
tio, & propter infinitatem abso-

luti & respectiui, defendimus  
iam mysterium Trinitatis respon-  
dendo ad argumenta, quæ con-  
trà sunt: ita etiam, si diuinitus  
reuelatum fuisset, vnum absolu-  
tum esse idem realiter cum plu-  
ribus absolutis, potuissimus eo-  
dem modo respondere ad argu-  
menta, quæ contra id fierent. Po-  
tuisset enim tunc intelligi, quo-  
modo nihilominus illud tertium  
absolutum virtualiter distingue-  
retur à duobus extremis absolu-  
tis, sicut natura absoluta à perso-  
nis absolutis. Ita, vt quemad-  
modum iam natura absoluta cre-  
ata realiter distinguitur à perso-  
na absoluta, sic natura infinita  
absoluta virtualiter tunc distin-  
gueretur à personis absolutis.  
Secundo, ratio illa discriminis,  
quæ assignatur in ea responsione,  
non ex omni parte vera est. Nam  
quamuis respectuum non distin-  
guatur realiter à quocunque a-  
lio, loquendo de distinctione ta-  
li, puta vt à correlatiuo: tamen  
certum est, ipsum distingui rea-  
liter secundum se à quocunque  
alio, loquendo de distinctione se-  
cundum conceptum communem  
transcendentalem distinctionis.  
Commentitium enim esset dice-  
re, quòd paternitas creata, verbi  
gratia, vt relatio est in re, non di-  
stinguatur à lapide, & aliis rebus,  
realiter, sed tantum à filiatione.  
Iam verò ex hoc solo quod respec-  
tiuum

aiuum saltem transcendentali-  
ter distinguatur à quocunque alio  
realiter, videretur etiam æ-  
què absurdum, quòd vnum re-  
spectuum possit esse idem cum  
pluribus, siue absolutis, siue re-  
spectiuis, si verum est quod illi  
Doctores aiunt, ideo impossibi-  
le esse, vt vnum absolutum sit i-  
dem realiter cum pluribus ab-  
solutis, quoniam absolutum di-  
stinguatur realiter à quocunque  
alio.

Aliter igitur ad argumentum  
respondetur negàdo antecedens,  
quantum est ex vi solius rationis  
naturalis: quanquam supposita  
iam reuelatione fidei, Theologi-  
cè bene potest probari, non esse  
possibile in diuinis, vt vnum ab-  
solutum sit idem realiter cum plu-  
ribus absolutis; quia quod non  
est in diuinis, non potest esse,  
cùm Deus sit ens vnde quaque ne-  
cessarium. Quod verò vnum re-  
spectuum sit idem cum pluribus  
respectiuis, quoniam nec ex sola  
ratione naturali, neque ex reue-  
latione, probari potest falsum  
esse, sed potius ex reuelatione  
concluditur esse verum, vt su-  
prà ex Ecclesiæ definitione o-  
stendimus; absolutè concedi de-  
bet.

Ad quintum respondetur, ra-  
tionem à permutata proportio-  
ne non habere locum, nisi in  
quantitatibus. Alioqui eodem ar-

gumento probare Durandus po-  
tuisset, personam generantem, &  
personam spirantem, esse reali-  
ter duas personas distinctas, quod  
est contra fidem. Patet, si ita ar-  
gumentemur: Sicut se habet per-  
sona generans ad personam ge-  
nitam, ita persona spirans ad per-  
sonam spiratam. Ergo à commu-  
tata proportionem, sicut se habet  
persona genita ad personam spi-  
ratam, ita persona generans ad  
personam spirantem. Sed perso-  
na genita distinguitur realiter à  
persona spirata. Ergo & persona  
generans à persona spirante. Vt  
igitur hîc ille modus argumen-  
tandi non valet, ita nec illic, vbi  
Durandus vult. Ad vltimum ar-  
gumentum, negatur consequen-  
tia. Alioqui similiter probaretur,  
personam & essentiam esse duas  
res, quod est contra fidem. Pa-  
tet, quia aliqua dicuntur de per-  
sona, quæ non possunt dici de es-  
sentia. Satis est igitur ad hoc di-  
stinctio virtualis, vt suprà li-  
bro primo, capite tri-  
gesimo declara-  
tum est.





## CAPVT XV.

*Explicatur questio quarta de relationum ordine, supra cap. i. proposita.*



QUARTA questio de ordine relationum inter diuinas personas erat, vtrum relationes constituent atq; distinguant personas diuinas, & an id præstent ipsæ solæ? Est enim celebris admodum apud Theologos hæc controuersia, per quid scilicet personæ diuinæ constituentur & distinguantur. Ad vitandam verò confusionem & obscuritatem qua hæc disputatio implicata esse solet, animaduertendum in primis est duplicem esse posse sensum questionis. Primus est, vt quærat, quasi conditionaliter, quid sit formaliter loquendo in persona, de quo, si nostro modo in creaturarum cognitione vsitato ratiocinaremur, affirmaremus esse id, quo personæ constituuntur & distinguuntur. Secundus sensus questionis est, vt absolute quærat de re ipsa obiectiue, quid videlicet sit illud in persona diuina, quo re ipsa entitas illa infinita, quæ est persona, habet, vt sit incommunicabilis & distincta à qualibet persona, & quod nos, proinde, supposita fidei reuelatione de hoc mysterio, absolute affirmare debemus (tametsi conceptu

A nostro inadæquato & imperfecto) esse constitutum & distinctum personæ diuinæ. Ac in primo quidem sensu questio non magni est momenti. Neque enim eo modo quæritur propriè de ipsa constitutione & distinctione personæ diuinæ, sed de modo quem nos in ea concipienda teneremus, si non erudiremur per fidem & Theologiam. In secundo verò sensu, questio est maximi momenti, & multum refert quid de ea affirmetur, vel negetur. Nam agit de eo, quod re ipsa obiectiue conuenit personæ diuinæ, quamuis id à nobis nõ clarè iam percipiat.

Secundò notandum diligenter est. Cùm quærimus de constitutiuo & distinctiuo diuinæ personæ, etiam re ipsa obiectiue; minime nos inuestigare aliquam realitatem incompletam existentem in diuina persona, quæ videlicet componat ipsam, & vltimo tribuat illi, vt sit incommunicabilis & distincta à qualibet alia, sicut videre est in constitutiuo personæ creatæ. Est enim diuina persona res simplicissima, in qua proinde quidquid re ipsa est, actu est tota persona. Sed cùm res illa diuina, quæ est persona Patris (verbi gratia) re ipsa habeat essentiam absolutam, & generationem actiuam, & relationem paternitatis, quæ omnia inter se virtute distinguuntur; meritò quærimus, vtrum illa

res

res sit distincta & incommunicabilis, ut est essentia, vel generatio, vel paternitas. Cum enim ista tria virtualiter distinguantur; & hæc distinctio sufficiat ad negandum de vna ratione istarum id quod affirmatur de alia, ut supra lib. i. c. 30. dictum est; non frustra inquiritur, secundum quam istarum rationum competat rei illi diuine esse incommunicabilem & distinctam; ita, ut non competat illi hoc secundum rationem aliam. Patet igitur, quid sit querere de constitutiuo & distinctiuo personæ.

Tertiò, ut facilius veritatem inuestigemus, & rectius de variis opinionibus in hac disputatione iudicare possimus, hoc tanquam totius disputationis fundamentum, in promptu habendum est; videlicet, cum persona nihil aliud sit, quam intellectualis nature indiuidua substantia, id est, incommunicabilis & distincta à quolibet alio; necesse esse, ut illud sit personæ constitutiuum in diuinis, quod est aliquid substantiale, & personæ, ut personæ, proprium: Si quid autem secundum aliquam rationem non sit tale, id esse non posse diuinæ personæ constitutiuum.

His præmissis, prima sententia in hac questione est Gregorij Ariminensis in i. d. 27. q. vnica, & Præpositiui, quemadmodum Gabriel, & Scotus in i. d. 26. referunt. Hi censent personas diuinas se totis

A distingui & constitui. Neque querendum esse aliquid peculiare in persona, quo constitutatur & distinguatur. Probant id primò. Quia persona est summè simplex. Ergo quidquid dicatur esse constitutiuum personæ, erit tota persona; & consequenter se tota constituitur. Secundò. Persona non est minus simplex, quàm essentia. Sed essentia se tota constituitur in esse essentiæ, propterea quod est simplex. Ergo etiam persona. Ex quibus rationibus patet Doctores istos respondere ad questionem iuxta illum secundum sensum de re ipsa. Et sic Franciscus quoque Ferrariensis lib. 4. contra Gent. cap. 26. & Caietanus i. p. q. 40. art. 2. circa solutionem primi argumenti, videntur concedere idem, quod Gregorius, videlicet, personas se totis constitui secundum rem: idque colligunt ex verbis S. Thomæ in illa q. 40. art. 2. in sol. 1.

Ceterum hæc sententia aut insufficienter respondet questioni, aut est plus quam falsa. Cum enim dicitur, personam se tota constitui & distingui; aut sermo est de totalitate realitatis & entitatis, quam actu habet persona; ita ut sensus sit, totam rem personæ (sub aliqua tandem ratione) distingui, & esse incommunicabilem. Et sic quidem verum id est. Nam cum personæ diuinæ realitas non habeat actu partes, sed sit simplex;

de quacunq; tandē ratione affirmemus, quod efficiat, vt res personæ sit incommunicabilis & distincta, oportet concedere, quod tota realitas personæ, vt est sub illa ratione, videlicet paternitatis, aut generationis, &c. distinguatur & sit incommunicabilis. Sed tamen per hoc non est satisfactum quæstioni. Nam cū tota illa res personæ sit & essentia absoluta, & generatio, & paternitas, oportet vlteriùs explicare, secundum quam harum rationum virtualiter distinctarum tota illa res sit incommunicabilis & distincta. In hoc enim est difficultas huius quæstionis, vt initio explicauimus. Si verò, cū dicitur, personam constitui & distinguise tota, sermo sit de totalitate personæ non modò secundum rem, sed etiam secundum omnes illas rationes virtualiter distinctas, quæ sunt in persona; tunc procul dubio sententia illa est plus quàm falsa. Nam falsum est, immò erroneum, quòd res personæ, etiam vt essentia absoluta est, sit incommunicabilis & distincta ab alia persona. Quare falsum etiam erit, quod res personæ se tota constitutur in esse personæ, accipiendo totalitatem hoc modo. Vnde pessimè sonat, quod Gregorius illic concedit, personam distinguere realiter ab altera per essentiam, quamuis *non*, in-

A quit, *essentialiter*. Falsum est hoc. Nam si per essentiam distinguitur; Ergo essentia est personæ propria; Ergo etiam essentialiter distinguitur. Antecedens patet. Nā intelligi non potest, vnum ab alio distinguere per aliquid, quod non sit illi proprium, sed vtriq; commune.

B Iam ad argumenta Gregorij respondeamus. Ad primum dico, non ob stare simplicitatem personæ, quò minus rectè quæri possit, per quam rationem virtualiter distinctam, persona sit incommunicabilis, ita vt non sit talis per aliam; quanquam nihilominus verum sit, personam se tota esse incommunicabilem, loquendo de totalitate realitatis, vt dictum est.

C Ad secundum ita respondeo. Si loquamur de re, quæ est essentia, cū in ea quoque non obstante simplicitate plures rationes virtualiter distinctæ coniungantur; rectè etiam quæri potest, per quid illa constitutur in esse essentie; & responderi, quod per rationem absolutam, non relatiuam. Si autem loquamur formaliter de essentia secundum rationem illam solam, quam hoc nomen *essentia*, in illa re diuina formaliter significat; sic, cū significemus tantum vnicam rationem, quæ ex illis virtualiter distinctis, quæ in re ipsa diuinæ essentie insunt; non debet quæri,



quæri, per quid constituatur, sed seipsa constituitur. Aliud verò est, quando loquimur de persona absolute & in concreto significata. Nam hoc nomen *persona* ex modo significandi, significat rem diuinam, continentem plures rationes virtualiter distinctas. Quocirca rectè quæritur, per quam illarum rationum constituatur persona, id est, per quam rationem reddatur incommunicabilis & distincta.

Ad auctoritatem ex S. Thoma allatam à Caietano & Ferrari. respondendo, ex illo loco D. Thomæ colligi, quod persona se tota constituatur & distinguatur, loquendo de totalitate realitatis personæ. Id enim docet ibi S. Thomas ad ostendendum non esse in persona diuina compositionem. Gregorius autem Ariminensis aliquid amplius videtur velle quàm hoc; siquidem concedit personam distingui per essentiam; quod non potest dici, nisi persona constitueretur per omnes rationes, quas virtualiter includit. Quare Caietanus & Ferrarien. perperam omnino fecerunt, si in hoc propter verba S. Thomæ voluerunt Gregorio assentiri.

Secunda opinio est, personas constitui & distingui per proprietates quasdam absolutas, quæ sint in diuinis præter relationes, origines, & essentiam. Hanc senten-

tiam Marsilius in 1. quæstion. 30. artic. 2. tribuit Lynconienti & Iohanni de Ripa, & eam etiam Scotus in primo dist. 26. quæst. 1. tribuit Bonauenturæ; sed immeritò, ut ostendit rectè Caietanus 1. parte quæst. 40. artic. 1. Fundamentum eius sententiæ est: Nam origines & relationes supponunt ipsam personam constitutam. Ergo oportet ipsam personam Patris, verbi gratia, per aliquid aliud constitui quàm per origines vel relationes; & consequenter necesse est, præterea assignare aliquam proprietatem absolutam, qua constituitur. Antecedens probatur. Nam generatio actiua, verbi gratia, est à persona subsistente, & ratio paternitatis consequitur generationem tanquam fundamentum.

Hæc sententia si procedat, quatenus quæstio est de eo quod absolute sentiendum est de constitutione personæ, re ipsa (ut initio declaravi) plus est quàm falsa. Et quidem aliqui conantur illam impugnare ex eo, quod impossibile sit, vnum absolutum, quale est essentia, esse idem realiter cum tribus absolutis realiter distinctis. Ceterum hæc ratio infirma est. Ut enim supra capite præcedente ostendi, quod ad discursum nostrum attinet, non minus apparet impossibile, nec facilius defendi potest,

quòd vnum absolutū sit idem realiter cū tribus respectiuis, quàm quòd sit idem cum tribus absolutis. Ex distinctione enim virtuali illius absoluti & trium proprietatum absolutarum perinde potuissimus defendere mysterium, si ita fuisset reuelatum, atque iam facimus. Efficax igitur argumentum contra istam sententiam sumitur ex Ecclesiæ definitione in capitulo Firmiter, & Damnamus, de summa Trinitate & fide Catholica, & in Concilio Florentino, & Toletano XI. vnde constat distinctionem in diuinis non esse, nisi per proprietates & rationes relatiuas; quemadmodū id ipsum quoque testimoniis omnium Orthodoxorum Patrum confirmamus suprā cap. 6. Et verba quidem Concilij Toletani XI. in confessione fidei contra hanc sententiam clara sunt: *Ergo in hoc, inquit, diuine persone numerum insinuant, quod ad inuicem sunt. Et in hoc numero carent, quod in se sunt.* Quæ sententia ad verbum sumpta videtur ex D. Augustino tract. 39. in Ioan. Argumentatur præterea Scotus in 1. d. 26. contra hanc sententiam rectè ex eo, quod Scriptura simpliciter diuinas personas nominat respectiuis nominibus; quæ quidem propriè est intelligenda, cū nihil obstat. Ad fundamentum verò eius sententiæ postea commodiori loco respōdēbitur.

**A** Tertia opinio est D. Bonauenturæ in 1. d. 26. q. 3. personas diuinas per origines constitui & distinguui. Ratio eius est, quoniam, cū debeant cōstitui & distinguui per relationes aut per origines; & originēs sint priores secundū nostrum concipiendi modum, quàm relationes; per eas constituuntur.

**B** Hæc opinio quatenus ponit per origines quidem personas constitui & distinguui, non aberrat à veritate, vt statim patebit.

Quarta opinio est, constitui & distinguui per relationes. Ita sanctus Thomas 1. part. q. 40. art. 2. & Albertus Magnus in 1. d. 27. art. 2. & ferè alij Doctores in 1. d. 26. & D. Anselmus lib. de incar. Ver. & lib. de Spiritu sancto, c. 2. & 10. & Ricard. de S. Vi& lib. 3. de Trinit. Neque verò hæc sententia excludit omnino origines à constitutione personarum diuinarum, si quæstio sit de eo quod absolutè quidem statui debet de re, iuxta id quod initio notauimus de duplici quæstionis sensu. Quare ponam aliquot assertiones vt rectiūs hæc tota difficultas explicetur.

**D**

Prima assertio. Si disputatio hæc instituatut absolutè & de re ipsa, modo suprā declarato; sic personæ diuinæ nec per relationes solas, nec per origines solas, sed tum per origines, tum per relationes personales, constituuntur & distinguuntur. Hæc assertio con-

consentanea est inprimis menti **A** D. Thomæ 1. part. quæst. 40. art. 2. ubi docet, per relationes & origines constitui & distingui, quamvis principaliter per relationes, quod quemadmodum sit intelligendum, postea declarabo. Est etiam hæc assertio ex mente sancti Bonaventuræ. Is enim loco citato minimè vult negare, quòd re ipsa **B** diuinæ personæ per relationes etiam constituentur, sed tantum loquitur secundum modum, quo nos quidem constitutionem diuinarum personarum concipere-  
mus, si hac de re nobis iudicandū esset more vſitato in cognitione creaturarum, de quo postea dicemus. Denique est etiam ea assertio ex mente sanctorum Patrum, **C** qui sine discrimine modò per origines, modò per relationes dicunt personas distingui, vt intelligi potest ex locis suprà cap. 1. & 6. citatis, & passim S. Thomas 1. part. in suo tractatu de Trinit. refert.

Probatur autem assertio hæc efficaci ratione, hoc modo: Res diuina, quæ est Pater, verbi gratia, tam vt est generatio actiua, quàm vt est paternitas, est substantia incommunicabilis & distincta ab omnibus aliis personis. Ergo re ipsa tam per originem, quàm per relationem, est & constituitur persona distincta. Consequentia patet, tum ex definitione personæ, tum ex his, quæ notauimus,

cum declararemus titulum quæ-  
sitionis. Antecedens etiam est manifestum ex fide. Nam constat, generationem actiuam & paternitatem esse quid proprium personæ Patris, & quid substantiale siue subsistens; cum in diuinis nulum sit accidens. Atque id rursus confirmatur. Nam, vt suprà cap. 4. declaratum est, etiam origo, vt origo, siue vt productio vel processio est, est relatio. Ergo cum ex definitione Ecclesiæ habeamus, personas distingui per proprietates relatiuas, fatendum est, personam Patris, verbi gratia, non tantum per proprietatem relatiuam, quæ est paternitas, sed etiam per eam, quæ est generatio actiua, constitui & distingui. Atque eodem modo argumentari possumus de origine, siue processione passiuæ personæ. Immodò sanè facilius, cum illa nihil aliud sit, quàm ipsa persona relatiua, quatenus concipitur à nobis, vt à persona producente existens. Vnde vix videtur aliqua esse distinctio, ne virtualis quidem, inter processionem passiuam & personam procedentem; sed solum est inter hæc distinctio rationis ex parte nostra, cum fundamento quasi extrinseco, quod videlicet est ipsa origo actiua. Quando enim concipimus, personam procedentem esse ex vi illius originis actiuæ, dicimus illam procedere.



Ex quibus argumentis patet, à nemine primam illam assertio- nem negari posse, quandoquidem colligitur manifestè ex principiis, partim à fide traditis, partim ab omnibus concessis. Dixi autem in ea assertionem personas distinctas constitui per origines & relationes personales, vt ita excluderem à constitutione personæ spirationem relationem, & spirationem originem actiuam, communem Patri & Filio, quæ, vt patet, cum persona Patris & Filij non constituit vnā personam, sed vnum quiddam simplicissimum, quod potest producere Spiritum sanctum, de quo satis dictum est supra cap. 7.

Sed ad maiorem declarationē eius assertionis tria argumenta soluenda sunt. Primum est, quòd videtur poni aliqua compositio in persona, si constitutum illius dicatur esse duplex scilicet origo & relatio. Secundum est illud argumentum secundæ sententiæ, quod, vt patet, directò contra hanc nostram assertionem videtur valere. Tertium est tale. Per-  
sona Patris (verbi gratia) prius est persona; atq; adeò prius etiā est constitutum illius, quā sit persona Filij. Sed paternitas non est prius, quā sit Filij persona. Ergo paternitas non est constitutum personæ Patris. Maior probatur ex ordine originis, propter

A quem videtur ex natura rei aliquo modo prior persona Patris. Minor probatur. Paternitas non est prius, quā filiatio: Ergo nec est prius, quā Filius. Consequentia est clara, antecedens probatur. Quia relationes sunt simul natura.

Ad primum respondeo. Cū relatio & origo actu sint idem, nulla propterea compositio in persona per vtrumque constituta ponitur, sed tantum declaratur excellentia diuinæ personalitatis, cui non solum competit, vt quomodocunque sit proprietas hypostatica siue personalis, sed vt eadem ipsa sit & relatio paternitatis & generatio; cū tamen ista multiplicentur & distinguantur in creaturis.

Ad secundum, vt aliqui respondeant, negant Patrem generare, vt est formaliter Pater, & completa persona incommunicabilis, sed dicunt eum generare, & est quid subsistens absolutum, quod vocant incompletè personam. Et sic respondent ad argumentum, negando, quod generatio & paternitas supponant personam iam constitutam. Hæc responsio nullo modo defendi potest. Ratio est, quoniam persona Patris non distinguitur realiter à Filio, nisi quatenus habet relationem paternitatis. Ergo non est generans personam Filij, nisi vt habens pater-

ternitatem. Antecedens est de fide, & consequentia per se clara.

Aliter ergo responderetur, negando, quòd à parte rei, ut iam loquimur, actio notionalis præsupponat personam constitutam, & relatio actionem notionalē. Sunt enim hæc omnino vnum & idem simplicissimum; quapropter nulla est inter illa prioritas ex natura rei. Et cum dicitur, in argumento actionem notionalem esse fundamentum relationis, atque adeò priorem illa, falsum est à parte rei. Ut enim diximus suprà cap. 11. relatio diuina, cum sit subsistens, non habet re ipsa fundamentum, quia non indiget sustentante, sed est ipsa persona diuina, & origo. Quanquam verum est quidem, nostrum intellectum habere ordinem quendam in concipienda persona, origine, & relatione diuina. Ceterum non obstante hoc ordine intellectus nostri, agnoscimus re ipsa nullum esse ordinem inter ista; ut neque est ullus conceptionis ordo in intellectu perfectè ista concipiente, ut concipiunt Deus ipse & beati.

Ad tertium responderetur eodem modo, quo re ipsa persona Patris est quadantenus prior persona Filij, etiam posse dici (si ita licet loqui) paternitatem priorem esse filiatione; ita scilicet, ut talis prioritas significet solum ordi-

**A** nem originis, qui quidem non est ordo durationis, nec causalitatis. Is tamen ordo originis non obstat, quò minus illæ relationes sint simul naturæ, quatenus simultas naturæ distinguitur contra ordines causalitatis & durationis, quos ordines Aristoteles voluit excludere à relationibus realibus. Atque hæc satis sunt, quod attinet ad quæstionem de constitutiuo personarum re ipsa; quod verò attinet ad quæstionem de constitutiuo secundum nostrum modum concipiendi, quia ea res etiam satis implicatè tractari solet, dicendum deinceps à nobis est aliquid.

**C** Quare sit secunda assertio. Si respiciamus conceptum vltimum & peculiarem, quem nos oportet formare de persona, & de relatione, & de origine diuina, sic sanè dicendum est, secundum nostrum etiam modum concipiendi, personas diuinas constitui, & distingui per relationes & origines personales, quatenus relationes & origines sunt formaliter. Hæc assertio à nemine profectò negari potest. Quam ita probabo. Conceptus vltimus, quem nos formare oportet, de persona diuina est, quòd ea sit quædam res subsistens, & incommunicabilis, & distincta ab omnibus aliis infinitè perfectiori modo, quàm hæc ipsa competant per-

personæ creatæ: Et conceptus est, quem formamus de relatione diuina, est, quod per illam res, quæ est persona, respiciat alteram personam correlatiuam, infinite perfectiori modo, quam vnum relationum creatum respicit alterum: & similiter conceptus, quem formamus de diuina origine, est, quod per illam infinite persona vna producit aliam, aut ab alia procedit. Atqui de re, quæ est persona diuina, non aliter concipimus, eam esse subsistentem incommunicabiliter, & ab aliis distinctam, quam vt concipimus eam illo perfectissimo modo respicere alteram personam, & similiter habere ordinem originis ad illam. Ergo secundum nostrum modum concipiendi sic acceptum, persona diuina per relationem & originem formaliter constituitur.

Neque huic assertioni obstat, quod noster intellectus prius format conceptum personæ diuinæ, quam conceptum relationis, & originis diuinæ. Hoc enim ideo est, quia eundem ordinem in concipiendis diuinis, quem in creatis concipiendis, tenet: constat autem in persona creatæ, prius formari conceptum personæ, quam originis, & relationis. Hoc autem ordine, non obstante intellectus noster Theologicè ratiocinando cognoscit, quod ille prior conceptus personæ non competat rei diui-

næ, nisi quatenus de illa etiam ille alter relationis & originis verificatur. Ac potest etiam è contrà intellectus noster prius concipere ipsam relationem, & originem, quatenus est veluti forma, & constitutum personæ.

Sit iam tertia assertio. Si præcisè respiciamus ad conceptum vniuersalem in adæquatum, quem de persona diuina, relatione, & origine formamus; sic secundum nostrum modum concipiendi, personæ diuinæ non constituuntur per relationes & origines formaliter. Est dicere: Quod cum ad illud tantummodò conceptum attendimus, non affirmamus per relationem & originem constitui personam, vt tali conceptu apprehenditur, neque vnquam id affirmaremus, si nihil vltius de persona, relatione, & origine diuina à nobis cogitaretur. Hæc assertio est ad mentem Capreoli in 1. dist. 26. & Ferrar. 4. contra gent. ca. 26. & S. Thom. 1. part. quæst. 40. ar. 1. & 4. Probatur autem hoc modo: Conceptus ille noster vniuersalis & in adæquatus de persona, relatione, & origine diuina, est etiam communis personæ, relationi, & origini creatæ. Sed in creaturis nihil, cui talis conceptus competat, concipitur à nobis, vt constitutum personæ. Ergo cum talem conceptum duntaxat respicimus, nondum iudicamus secundum



dum nostrum modum, quòd relatio & origo formaliter in diuinis constituent personam, nec id vnquã iudicaremus, si nihil vltius deratione propria personæ, relationis & originis diuinæ à nobis conciperetur. Maior patet ex his quæ suprà docuimus in prolegomenis. Minor est clara. Nam quidquid tali conceptu concipimus in creaturis, tandem vltius procedendo cognoscimus esse accidens, & consequenter non constituere personam, quæ vt sic est quid substantiale.

Atque hanc assertionem mihi videtur voluisse insinuare S. Thomas 1. part. q. 40. art. 4. cum dicit, relationem paternitatis, vt relatio est formaliter, secundum intellectum esse quid consequens personam constitutam, & actum notionalé; quatenus verò est constitutiuæ personæ, præcedere ipsum actum notionalé. Quo loco videtur distinguere in relatione conceptum communem, secundum quem non constituit ad nostrum modum, & conceptum alterum vltiorem & proprium, quo concipitur vt relatio diuina subsistens, secundum quem constituit, etiam ad nostrum modum; vt dictum est in assertionem præcedente. Nec mihi sanè probabilior videtur alia quædam interpretatio quam obscurius adhibet Caietanus 1. par. q. 40. art. 4. ad hunc D.

**A** Thomæ locum. Distinguit enim relationem prout accipitur in actu signato, & in actu exercito. Relationem in actu signato vocat ipsam relationem, vt conceptam sub ratione formali relationis; Relationem verò in actu exercito, ipsam relationem, vt exercet munus relationis, id est, vt subiectum suum refert ad aliud. Iam quod S. Thomas ait, relationem vt constitutiuam præcedere actum notionalem, intelligi vult Caietanus de relatione in actu signato: Quod verò ait, relationem, vt relatio est, subsequi actum notionalem; de relatione in actu exercito, id est, vt refert Patrem ad Filium. Ceterum hæc distinctio non satis aptè videtur accommodari ad hoc propositum. Nam vt ex ipso Caietano (qui est eius distinctionis auctor) in suo Logices commetario, cap. de relatione, colligitur, differentia actus signati & exerciti in relatione, solum videtur pertinere ad diuersitatem nominum, quibus solemus significare relationem sub eodem etiam formali conceptu. Vnde ait illic, relationem in actu signato esse relationem, vt significatur hoc termino *relatio*; relationem verò in actu exercito, esse relationem, vt significatur hoc termino, *ad aliquid*, quia hic videtur significari munus eius ex ipso modo significandi. D. autem Thomas cum illic distinguit rela-

tionem vt constitutiua & vt relationem, non agit de diuersitate terminorū, sed conceptum eiusdem relationis diuinæ. Ita scilicet vt ea iuxta cōceptum quidem relationis communem ad nostrum modum nō constituat; iuxta conceptum verò alterum, quo concipitur à nobis vt diuina, cōstituatur. Nec sanè videtur ad ipsam alioqui rationem vel conceptum relationis, vllō modo, qui satis percipiat, differentia illa actus signati & exerciti in proposito accommodari posse.

Quarta assertio. Si respiciamus ad conceptum communem, quo ipsi concipimus personam & personalitatem creatā, & etiam personam & personalitatem diuinā; sic quidem personę diuinę ad nostrum modum constituuntur per relationes & origines, non quatenus relationes & origines formaliter sunt, sed quatenus sunt proprietates quædā subsistentes. Ante probationem autem huius assertionis illud notādum est. Cū relatio, & origo diuina, re ipsa sit non solum relatio & origo, sed etiam proprietas subsistens, possumus relationem & originem concipere non solum conceptu illo communi, quo concipimus relationem & originem creatam, sed etiam illo, quo concipimus proprietatem personalem creatam, vt subsistens est. Item possumus

A (vt patet) eodem conceptu communi concipere personam & personalitatem diuinam, quo concipimus creatam vt persona est.

Iam probatur assertio. Secundum nostrum communem conceptum de persona creata & persona diuina, sub ea ratione personæ diuinæ constituuntur per aliquid, sub qua ratione concipimus eas esse incommunicabiles. Sed personas diuinas intellectas à nobis conceptu illo communi personis creatis, concipimus esse incommunicabiles, quatenus habent relationes & origines, non vt relationes & origines, sed vt subsistentes proprietates. Ergo diuinæ personæ cōceptę nostro communi conceptu personarum creatarum, per relationes & origines non vt relationes & origines, sed vt subsistentes proprietates, constituuntur. Maior patet, & Minor probatur, quia quamdiu continemus nos in vñtatis atque communibus nostris cōceptibus, minime concipimus personam aliamquam reddi substantialiter incommunicabilem per relationes aut origines formaliter; bene autem per subsistentes proprietates. Deinde confirmatur assertio ex S. Thoma 1. p. q. 40. art. 4. Cū dicit relationem, vt constitutiua personæ præintelligi actibus notionalibus. Quo loco per relationem vt constitutiua, non solum vide-

vide-

videtur intelligere relationem diuinam, conceptam ultimo & peculiari conceptu, quæ de illa possumus habere, ut expositum est, in secunda assertione, sed etiam conceptam sub communi ratione proprietatis subsistentis. Quæ ratione iam dicimus per illam ad nostrum modum personam constitui. Notandum est tamen, cum asserimus per relationes & origines ut subsistentes sunt, ad nostrum modum personas constitui, non esse hoc ita intelligendum, quasi ad nostrum modum constituantur per illas, ut à nobis concipiuntur tanquam duæ proprietates subsistentes; sed solum volumus, quod constituantur per illas ut sic, quatenus possunt etiam concipi ut una proprietas eiusdem personæ. Ratio huius est. Nam apud nos persona non constituitur per duas, sed per unam proprietatem subsistentem simplicem. Vnde ut ad nostrum modum intelligamus per relationem & originem subsistentem constitui personam, oportet utramque concipere ut unam proprietatem subsistentem: id quod facile est, quandoquidem verum est in re, relationem & originem in diuinis esse unam & eandem actu proprietatem simplicem.

Porro ex hac assertione facile iudicari potest de opinione quorundam, qui censent, diuinas personas ad nostrum modum consti-

A tui per relationes sub ratione absoluta. Ex quibus est Ferrar. 4. contra Gent. ca. 26. & Capreolus in 1. d. 26. Si enim sensus sit, constitui ad nostrum modum per relationes actualiter conceptas sub aliqua ratione absoluta, falsum est; Nam sub nulla absoluta ratione verè licet concipere personas esse incommunicabiles, cum id planè pugnet cum ipsa rei veritate. Si autem sensus sit, constitui per relationes conceptas sub quadam ratione, ad quam proximè solet se habere ratio absoluta in creaturis; & quam ipsi etiam iudicemus esse rationem absolutam, si tantummodò de diuinis ratiocinaremur per conceptus communes illis & rebus creatis, nec ulterius conciperemus de diuinis aliquid peculiare; sic vera quidem esset illa opinio, nec differret ab hac nostra quarta assertione. Ratio enim subsistentiæ, sub qua concipimus relationes & origines ut constituentes, proximè se habet ad rationem absolutam, secundum nostrum modum: Nullum enim subsistens siue substantiale apud nos, est respectuum, sed absolutum quiddam. Atque hætenus ad questionem iuxta utrumque illius sensum, quem initio distinguebamus, satis responsum esse videtur.

Solum superest hoc loco discutendum, quid sibi voluerit D. Thomas 1. p. q. 40. artic. 2. cum dixit,



personas constitui per relationes & origines, principalius tamē per relationes. Nam & hoc dictū ipsi ad confirmationem nostrę primę assertionis adduximus, & est sanē obscurum. Aut enim illic D. Thomas loquitur de constitutione personarum re ipsa obiectiue; & sic falsum est, quod principalius illę constituantur per relationes. Nihil enim in diuinis re ipsa est aut præstat aliquod principalis, quā alterum. Quare cū probatum sit in prima nostra assertionē personam re ipsa per originem & relationem constitui; ex æquo intelligendum est, constitui per vtramq;. Aut loquitur D. Thomas secundum nostrum modum concipiendi, de constitutione personarum; & tunc quæro vterius, vtrum loquatur de relatione & origine, prout concipiuntur à nobis conceptu communi relationis & originis vt sic; vel conceptu proprio relationis & originis diuinę, vt est relatio & origo diuina; vel conceptu relationis & originis, vt est proprietas subsistens? Si loquitur de relatione & origine vt cōcepta communi conceptu relationis & originis; falsum omnino est, principalius per relationes ad nostrū modum personas constitui; quia sic neque per relationem, nec per originem constituuntur, vt probatum est in tertia assertionē. Si verò loquitur de relatione & ori-

gine, vt concipiuntur conceptu proprio relationis & originis diuinę; sic etiam falsum id esse videtur quod dicit. Nam ex æquo affirmamus, quod per vtramq; hoc est, per relationem & originem sic conceptam, constituatur persona; quandoquidem illo proprio & vltimo conceptu tam originem, quā relationem diuinam concipimus vt quid perfectissimum & intimum personarum. Si verò loquatur de relatione & origine, vt concipiuntur sub ratione proprietatis subsistentis; etiam videtur persona ex æquo per vtramq; constitui; quandoquidem eo conceptu tam originem, quā relationem concipimus vt subsistentem, & non vt viam ad personam, aut tanquam aliquid progrediens ex ipsa, vt dicit S. Thomas. Difficile profectò mihi esse videtur hoc loco explicare mentem S. Thomę, nisi quis dicat, illum non solū respexisse ad modum concipiendi relationem & originem, sed etiam ad modum significandi per illos terminos, *relatio & origo*; & ideo dixisse principalius per relationes personas constitui, quia ex ipso modo vocabuli, relatio est quiddam personarum intimum, origo verò videtur quiddam quasi ex persona egrediens vel ad personam tendens.

## CAPVT XVI.

*Explicatur quæstio quinta de ordine relationum, suprâ capite primo proposita.*

**Q**UINTA, ac vltima de relationibus quæstio erat, vtrum ipsæ sint propriæ quasi notæ, siue (vt Theologi appellant) notionones personarum? Affirmat verò sententia Theologorū certa & communis. Nam notionones personarum in hac disputatione appellantur quædam siue conditiones siue proprietates diuinæ, non omnibus personis communes, in abstracto significatæ, quibus propria ratio cuiusque personæ significatur, atque innotescit. Tales autem sunt in primis relationes, vt paternitas, vt filiatio, vt spiratio, vt processio. Ac oportuit huiusmodi notionones in hac materia asserere, & vsurpare, vt propriè respondere hæreticis possimus, cum instant quærentes, per quidnam personæ differant, cum sint alioqui idem Deus. Id enim vsurpatione eiusmodi nominum abstractorum commodè explicamus, cum respondemus, paternitate, filiatio, & processione differre. Ex Patribus autem D. Augustinus lib. 5. de Trinitate, cap. 6. videtur clariùs de huiusmodi notionibus diuinarum personarum esse loquutus, quem deinde scho-

**A**læ Theologi post Magistrum lib. 1. sentent. distinct. 13. & 27. in illarum explicatione sequuti sunt, Quin etiam D. Basilius lib. 2. contra Eunomium, non longè à fine, huiusmodi notionum discretè meminit, quas etiam proprias personarum formas, & notas, & characteres nominat.

**B** Sed de numero huiusmodi notionum nonnulla est disputatio. Nam D. Thomas 1. part. quæst. 32. artic. 5. & alij communiter Theologi quinque notionones esse asserunt, non plures, neque pauciores. Sunt autem hæ: Innascibilitas, Paternitas, Filiatio, Spiratio, Processio. Quod ita probatur. Notio in diuinis aliud nihil est, quàm ratio, per quam innotescit diuina persona. Sed per hæc quinque sufficienter innotescunt personæ diuinæ. Ergo istę quinque notionones asserendę sunt, non plures, vel pauciores. Minorè ita declaro & probo: Persona innotescit, vel quia est, à quo alius, vel quia est, qui ab alio: Hæc enim duo pertinent ad origines, quibus multiplicantur personæ. Rursus Pater nō potest nobis innotescere, *vt qui ab alio*. Est enim primum principiū. Et ita vt tale potius innotescit per hoc, quod à nullo est, id quod explicat notio illa Innascibilitas. Quatenus verò est, à quo alius, innotescit per paternitatem & spirationem. Filius deinde est, & à

quo alius quo pacto innotescit per A  
 spirationem, quæ illi etiam com-  
 petit; & qui ab alio; & sic innotescit  
 per filiationem. Spiritus sanctus  
 denique tantum est, qui ab alio, &  
 sic innotescit per processionem.  
 Ita fit, ut quemadmodum comu-  
 nis illa sententia Theologorum po-  
 nit, tantummodò sint illæ quinque  
 notiones. Ex quibus quidem qua-  
 tuor tantummodò sunt relatio-  
 nes, & tres tantum sunt proprie-  
 tates personales, ut loco citato  
 rectè D. Thomas explicat. Quia  
 innascibilitas non est relatio, nisi  
 reductiue, sed potius negatio  
 quædam, ut docet D. Basilius lib. I.  
 contra Eunomium, & D. Grego-  
 rius Nazianzenus ora. 3. de Theo-  
 logia, & D. Athanasius in Dialog.  
 de Trin. contra Anom. pag. 673.  
 & communiter alij sancti Patres.  
 Reliquæ quatuor sunt relationes,  
 ut suprà cap. 13. exposuimus. Pro-  
 prietates autem personales tan-  
 tum sunt tres, ut patet ex disputa-  
 tione capituli præcedentis. Nam  
 spiratio est communis Patri & Fi-  
 lio, ut suprà cap. 6. expositum est.

Scotus verò in I. dist. 28. quæst. D  
 I. vult, ponendam esse notionem  
 sextam, videlicet inspirabilita-  
 tem communem Patri & Filio,  
 quæ neget processionem ab alio  
 per spirationem, sicut innascibili-  
 tas negat processionem per ge-  
 nerationem. Sed hanc eius opi-  
 nionem rectè confutat Caietanus

I. par. quæst. 32. ar. 3. Nam quod at-  
 tinet ad personam Patris, non est  
 opus ponere inspirabilitatē: quā-  
 doquidem innascibilitas, utriusque  
 processionis negationem in hac  
 materia significat, ut docet non  
 modò D. Thomas I. p. q. 32. art. 4.  
 sed disertè etiam D. Athanasius in  
 epist. de Synod. Arimini & Seleu-  
 ciæ, & D. Basilius lib. I. contra Eu-  
 nom. ubi absolutè ita inquit: *Hæc  
 est ingeniiti significatio, non habere ali-  
 unde principium ut sit.* Ac nihilo etiā  
 magis ponenda est inspirabilitas  
 in Filio. Nam cum notio sit ratio,  
 qua innotescit persona; non est po-  
 nenda facilè in numero notionum  
 aliqua negatio, nisi quando pecu-  
 liaris aliqua ratio mouet; ut in Pa-  
 tre, quia est primum principium,  
 quod optimè innotescit per nega-  
 tionē processionis ab aliquo prio-  
 re. Ratio huius est, quia negatio  
 communiter non est apta ad no-  
 tificandum aliquid, cum ipsa po-  
 tius per aliud innotescat, scilicet  
 per habitum oppositum. Unde  
 quòd quædam negatio, scilicet in-  
 nascibilitas sit in proposito notio  
 Patris, est veluti quædam exceptio  
 regulæ generalis, propter ratio-  
 nem illam peculiarem primi prin-  
 cipiij, quod aptissimè (ut dictum  
 est) innotescit per negationē; quæ  
 ratio cum non perinde cernatur  
 in Filio; non est similiter in eo po-  
 nenda aliqua notio consistens in  
 negatione, qualis esset inspirabi-  
 litas.



litas. Atque eadem ratione neque innascebilitas dicitur esse notio Spiritus sancti, licet verè etià Spiritus sanctus ingenuus dicitur, vt etiam loquitur D. Athanasius in Dialog. de Trinit. contra Anom. pag. 664. Et diligenter circa hanc ipsam notionem *ingeniti*, doctrina Patrum notanda est, nempe illam non significare propriè substantiam aliquam Patris, qua Filius careat (in qua significatione Ariani inculcabant hanc vocem, quam ideo, auctore Diabolo, excogitam fuisse in eo sensu, affirmat in epist. de decretis Nicænæ Synodi D. Athanasius) sed negationem, vt explicatum est.

Possent autem præterea hoc in loco quæri, quare non ponatur aliqua notio Spiritus sancti, qua explicatur, nullam personam ab ipso procedere, sicut contrà in Patre ponitur ad significandum, illum à nulla persona procedere? Verùm ad id facile respondet D. Thomas 1. par. q. 32. art. 3. ad 2. rationem cur talis notio in Spiritu sancto non ponatur, esse, quia notio debet esse aliquid pertinens ad dignitatem personæ. Quod autem à Spiritu sancto nulla persona procedat, non pertinet ad dignitatem eius.

Sed argumentabitur fortè contra hoc aliquis hunc in modum: Quod Pater à nullo procedat, pertinet ad dignitatem Patris, & ideo

rectè id significatur peculiari notatione. Ergo etiam pertinet ad dignitatem Spiritus sancti, vt ab ipso nulla persona procedat; atq; adeò debet hoc etiam notatione aliqua significari. Consequentia probatur. Nam sicut illud competit Patri ratione suæ personalitatis; ita istud, Spiritui sancto ratione suæ. Sed Spiritus sanctus, vt est talis persona, est æquè perfectus ac Pater; Ergo æquè istud pertinet ad dignitatem Spiritus sancti, atque illud ad dignitatem Patris. Respondetur: In re ita est, quòd pertineat istud etiam ad dignitatem Spiritus sancti, quam habet vt talis persona est. Sed est tamen discrimen secundum nostrum modum loquendi & concipiendi, & negatio processionis ab alio, secundum nostrum modum concipiendi, denotat quandam dignitatem: Negatio autem potentie producendi aliam personam non item. Quare cùm huiusmodi quæstiones de nominibus abstractis tribuendis, vel non tribuendis personæ alicui diuinæ, pertineant ad nostrum loquendi & concipiendi modum; illud est satis, vt non tribuamus Spiritui sancto talem notionem; sed circumloquimur (id est, vt imur pluribus verbis) cùm explicare volumus, nullam personam esse, quæ procedat ab illo.

## CAPVT XVII.

*Explicatur questio prima de ordine æqualitatis inter diuinas personas, suprà capite primo proposita.*

**P**RIMA questio de æqualitate diuinarum personarum, suprà in capite huius libri primo proposita, erat, quæ tandem cõstare possit ex omni parte perfecta personarum diuinarum æqualitas cum earundem personarum ordine, secundum originem?

Existit enim ratio triplex de hoc sciscitandi, vt simul rursus hîc complectar capita difficultatum, quæ ad hunc locum pertinent. Prima ratio est, quia quod est ex alio, nõ videtur esse ens simpliciter primum, ac proinde nec Deus, cum Deus sit ens simpliciter primum. Igitur persona procedens non est ens primum, nec Deus, ac proinde nec æqualis personæ producenti, quæ Deus ac ens primum est. Altera est, quia quod est principium originis alterius, eodem secundum durationem prius esse videtur: producit enim illud ex non esse ad esse; atque ideo quod productum est, prius videtur non fuisse, quam fuerit. Quod autem aliquando non fuit, id minimè est æternum, atq; ita persona procedens nõ vi-

**A** detur esse duratione æqualis, hoc est, coæterna principio suo: quæ fuit, vt suprà libro primo cap. 22. vidimus, potissima argumentatio Arianorum. Et confirmabatur ab illis hæc ratio hoc modo: Nam vel Pater genuit Filium existentem, vel non existentem. Primum videtur dici nõ posse. Quod **B** enim iam existit, non gignitur. Si autem Filius non existens genitus est, ergo aliquando nõ existit, ac proinde æternus non est. Tertia ratio est, quòd ordo originis in diuinis efficere omnino videtur, vt potentia, per quam vna persona producit alteram, non sit communis etiam personæ productæ, (si enim esset, seipsam produceret) vnde illicò sequitur, personam productam non esse æqualem producenti in perfectione potentiz.

Hæc verò nihil omnino mouere debet, quò minus certissimam esse existimemus fidem de perfecta personarum æqualitate, quam superiori libro, præsertim cap. 16. confirmauimus atq; defendimus aduersus veteres ac novos hæreticos. Quod enim ad primam rationem attinet, respondendum est, Deum quidem ens primum esse duratione, sic vt nihil fuerit ante ipsum: Itè etiam primum esse in ratione causz, ita vt quidquid omnino fit, fiat ab illo: Item etiam vt Deus quidem est, à nullo secundum originem esse. Ceterum in-

clu-

cludi in Deo duas quasdam personas, quarum quælibet, ut persona est, habet principium secundum originem. Nam Deus est quiddam unum, quod est Pater, & Filius, & Spiritus sanctus. Hoc unum licet secundum se totum, atque adeò, ut Deus est, non sit ex alio: tamen continet Filium & Spiritum sanctum, qui sunt ab alio, & hoc ipsum est de ratione Dei. Persona igitur procedens, licet, ut persona est, sit ex alio, tamen ut est illud unum, quod est Pater, & Filius, & Spiritus sanctus, non est ex alio, & eatenus est ens simpliciter primum, ac verus Deus, secundum veram illam & communem Dei notionem, quam Physici ac Metaphysici habuerunt, ut supra quoque libro primo, capite vigesimo secundo attingimus, & ex D. Athanasio confirmamus.

In secunda verò ratione falsissimò sumitur, id durationi esse necessario prius altero, quod producit alterum. Atque etiam illud falsissimum est, quod in ea additur, id omne quod producit, id necessario ex non esse ad esse produci debere. Quin immò intelligendum est, ex peculiari & accidentaria tantum conditione producentis & producti hæc quandoque euenire, ut scilicet produciens antecedit duratione productum; & ut productum prius ali-

A quando non fuerit, & postea esse inceperit.

Quod dupliciter confirmamus. Primò, quia de ratione productionis, ut secundum communissimam notionem productio est, tantummodò est, ut quod producit, existat non ex se, sed ex vi atque potentia producentis: non autem ut prius non fuerit aliquando; neque enim hoc includitur in communissima definitione atque conceptu productionis: immò neque in causæ quidem definitione. Aristoteles enim causam definiens tantummodò dixit causam esse rem eam, ex qua (hoc est, ex cuius vi) quiddam aliud sequitur, nec addidit aliud quiddam ex causa sequi, quod prius aliquando non fuerit.

Secundò idem manifesto argumento confirmare possumus, quo non modò D. Thomas 1. par. questio. 42. art. 2. & alij scholæ Theologi, sed etiam D. Basilius libro 2. contra Eunomium, & D. Athanasius orat. 2. contra Arianos, doctissimè sunt vti, ut ex diuersitate rationis, qua personæ diuinæ, & res aliæ temporales à suis principiis procedunt, ostenderent cœternitatem personæ procedentis in diuinis, docerentque non esse perpetuum, & quasi legitimum in omni productione, ut res producta sit duratione posterior suo principio, incipiatque esse post-



quam aliquando non fuerit. Id verò argumentum est huiusmodi: quod productum non coexistat producenti, euenire solet, vel quia produciens producit liberè, quando vult; vel quia etiamsi sit agens naturale, non tamen habet totam suam perfectionem statim ac est, sed postea acquirit, & tunc demum agit; vel quia producit actione successiua, ex quo prouenit, vt productum sit posterius duratione, quàm ipsum. Sed in productione diuinarum personarum nihil istorum reperitur: producit enim persona naturaliter; & est ab æterno sufficienter perfecta ad producendum; & denique producit actione instantanea. Igitur non est in diuina processione vlla ratio, quam ob rem persona producta temporalis esse possit, & principio suo non coæterna.

Itaque ad illud, q̄ heretici querbāt, utrū Pater genuisset Filium existentē, vel non existentē; rectè D. Basil. lib. 2. cōt. Eun. respōdet, genuisse existentē, sed existentem tamē, nō nisi à Patre, & ex vi generationis. Quo pacto etiā, q̄ est ex tempore, gignitur existens. Simul enim res existit ex vi sui principij generantis, & gignitur, vt etiam traditum est à Philosopho. Dixerit etiam eleganter diuus Augustinus de hac diuinarum personarum coæternitate sermone 64. de verbis Domini: *Non erat,*

*A* inquit, tempus ante Filium, per quem omnia facta sunt. Ioannis 1. *Quomodo essent tempora ante illum, per quem facta sunt tempora.* Et homil. 43. sic ait: *Pater inquit ad Filium; Ex vtero ante Luciferum genuit e.* Per Luciferum intelliguntur tempora; Ergo ante tempora, ante omne, quod ante dicitur.

*B* Atque, vt hæc Filij generatio ab æterno est, ita etiam semper durat perfecta; vt suprà libro primo cap. 22. docuimus. Maximè cum ipsa quoque vt origo est, constituat personam, vt cap. 14. huius libri disputatum est. Nam & hinc etiam sequitur, generationem Filij tum actiue, vt est actio Patris, & eius personam constituit, tum passiue, vt est processio Filij, personam eius constituens, semper esse, hoc ipso, quòd semper est persona ipsa generans & genita. Et si autem semper Filius perfectè generetur; tamen, quod ad modū loquendi attinet, satis est cū Augustino in psalmum secundum, & Gregorio Nazianzeno libro 29. Moral. cap. 1. dicere, Filium semper genitum, siue natū esse, quàm semper generari; ita vt vocabulo *semper*, significemus generationis æternitatem, vocabulo autem *genitum*, perfectionem eiusdem. Sic ut suprà lib. 1. ca. 22. notauimus.

*S*IC ETIAM nec ratio tertia, ex potentia producendi cōtra æqualitatem diuinarum personarum ducta, quidquam omnino valet.

Vt

Vt enim suprà capite nono huius libri ostendimus; quamvis Pater habet potentiam generandi notionalem, quam Filius, vt illi opponitur, non habet; non propterea Filius est inæqualis potentia; communicat enim in essentia, atque adeò in potentia absoluta, quidquid perfectionis est in potentia notionali Patris. Sicut etiã B quidquid perfectionis est in entitate relatiua Patris, habet in entitate absoluta essentia; licet eam entitatem relatiuam Patris non habeat, vt Patri opponitur. Adde, quòd nomine omnipotentia in diuinis communiter intelligitur, attributum quoddam absolutum, secundum quod personæ dicuntur æqualis, immò eiusdem potentia; iuxta illud Athanasij: *Non tres omnipotentes, sed unus omnipotens.* Quocirca S. Thomas in 1. d. 20. q. 1. ar. 1. ait, potentiam relatiuã non pertinere ad omnipotentiã simpliciter diuinam, sed Patris. Vnde ex eo, quòd Filius, vt opponitur illi relatiuè, non habeat potentiã quam Pater, non rectè concluditur, quòd non sit omnipotens simpliciter, sed quòd non sit omnipotens relatiuè, sicut Pater. Id quòd non impedit, quòd minus sit æqualis Patri secundum potentiam; sicut quòd non sit ens relatiuè, quo modo Pater non impedit, quòd minus sit summum, & infinitum ens, æquè ac Pater.

## CAPVT XVIII.

*Explicatur secūda quæstio, de æqualitate diuinarum personarum, suprà capite 1. proposita.*

**A**LTERA quæstio de æqualitate, erat, utrū secundum hanc æqualitatem peculiaris est in potentia relatio realis inter personas diuinas asseri debeat? Affirmat enim Scotus in 1. d. 31. q. 1. & quodlib. 6. Probatur hæc sententia. Primò. Quoniã nihil ex requisitis ad relationem realem deest in diuinis, quò minus æqualitas personarum sit realis relatio: Est enim ibi fundamentum reale, scilicet essentia, sunt extrema realiter distincta, scilicet personæ æquales; & denique ante omnem operationem intellectus, quatenus conueniunt in illo fundamento, sunt æquales, quippe cum re ipsa nullo modo se excedant.

Secundò. Vnitas in quantitate efficit æquale per relationem realem. Ergo perfectissima vnitas in quantitate virtutis siue perfectionis (vt vocant) efficit perfectissimè æquale secundum eam relationem. Talis autem est vnitas in diuina essentia, cum sit vnitas numerica perfectissima. Omnino igitur in diuinis ponenda est realis relatio æqualitatis.

Tertiò confirmari potest ea ratione sententia hæc Scoti. Nam si

æqualitas non est relatio realis in A  
diuinis, maximè, quia non suppo-  
nit in extremis distincta funda-  
menta. Atqui ad relationem rea-  
lem in diuinis non præquirun-  
tur distincta fundamenta. Ergo  
id non obstat. Maior patet ex do-  
ctrina sancti Thomæ 1. part. quæ-  
stione 42. art. 1. Minor probatur.  
Nam nec relationes originis sup-  
ponunt distincta fundamēta. Ni-  
hil enim aliud supponunt, quàm  
essentiam. Et confirmatur hoc ar-  
gumētum dupliciter. Primò, quia  
in diuinis non est distinctio, nisi  
per relationes. Ergo relationes  
ipsæ non debent supponere ali-  
quam distinctionē, & consequen-  
ter neque distinctionem funda-  
mentorum. Secundò, quia distin-  
ctio fundamentorum solum vide-  
tur requiri, quando relationes di-  
stinctę indigent fundamento. Sed  
relationes diuinæ non indigent  
fundamento, cum sint subsisten-  
tes. Ergo non præquirunt dis-  
tinctionem fundamentorum.

Quartò. Si æqualitas in diuinis  
non esset relatio realis, maximè  
propterea, quòd personæ, quate-  
nus æquales dicuntur, non distin-  
guuntur. Sed hoc est falsum. Ergo  
nihil impedit, quò minus æquali-  
tatem in diuinis relationem realē  
esse concedamus. Minor proba-  
tur. Nam si loquamur de perso-  
nis, non solum ut vnum & idem  
sunt in ratione absoluta, sed etiam

ut ab inuicem distinguuntur per  
proprietas relatiuas; certum  
est, eas ut distinctæ sunt & perfe-  
ctionem habere, & in tali perfe-  
ctione minimè se excedere. Ergo  
quatenus distinctæ sunt per tales  
proprietas relatiuas, sunt etiam  
æquales. Antecedens pro prima  
parte patet ex his, quæ suprà capi-  
te vndecimo disputauimus. Ibi  
enim ostendimus, relationes etiā  
esse perfectiones infinitas. Pro al-  
tera verò parte probatur idē an-  
tecedens. Nam Pater, ut Pater,  
non est perfectior, quàm Filius, ut  
Filius, ut patet ex fide: *In hac enim  
Trinitate nihil est maius aut minus*, in-  
quit Athanasius. Apparet ergo,  
æqualitatem in personis diuinis  
C posse esse relationem realem in-  
ter psonas, ut distinctæ sunt, dato,  
quod nō possit esse talis relatio inter  
illas ut vnū & idē sunt in essentia.

Quintò. Suffragatur etiam huic  
sententiæ, quòd S. Thomas 1. par.  
quæst. 42. art. 1. concedit, in con-  
ceptu æqualitatis contineri rela-  
tiones originis. Itaque non abso-  
lutè ibi negat, æqualitatem esse re-  
lationē reale; sed tantum ait, nō  
esse relationem realem distinctā  
à relationibus originis. Videtur  
igitur saltem dare, quòd sit rela-  
tio realis, quamuis eadem cum  
relationibus originis. Sicut spiratio  
relatio realis est, quamuis nō  
distincta à relatione paternitatis  
& filiationis.



Nihilominus contraria sententia vera est, nempe æqualitatem diuinarum personarum tantum esse relationem rationis. Ita Durandus in 1. d. 31. q. 1. & Ægidius Romanus eadem d. & q. & Marfilus in 1. q. 33. art. 2. & Capr. in 1. d. 31. q. vnica. & Caietanus 1. par. q. 42. art. 1. ex sententia S. Thomæ ibidem. Fundamentum huius sententiæ est, quoniam ut aliqua realiter referantur, oportet in illis multiplicari id, quo ex natura rei ad inuicem coordinantur, ea coordinatione seu habitudine, quam volumus exprimere per nomen relationis. At illud, quoad inuicem personarum diuinarum ex natura rei coordinantur, ut dicimus illas esse æquales, non multiplicatur in illis. Ergo non referuntur relatione reali, ut dicuntur æquales. Maior probatur. Nam ad relationem requiritur distinctio secundum id, quo aliqua se mutuo respiciunt. Aliàs esset relatio sine distinctione relatorum ut sic; quod contradictionem implicat. Illud autem, quo aliqua se mutuo respiciunt, omnino est id, quo ex natura rei ad inuicem aliquo modo coordinantur. Quare illud, quo aliqua coordinantur, oportet multiplicari, ad hoc, ut inter illa esse possit relatio realis. Iam probatur Minor. Nam id, quo diuinæ personarum ex natura rei sunt coordinatæ, ut dicuntur æquales, est id,

A propter quod vna non excedit alteram, nec exceditur ab illa, sed hoc est vna & eadem essentia diuina, in qua personarum identificatur. Ergo, id quo personarum diuinæ, quatenus dicuntur æquales, se se respiciunt & coordinatæ sunt, non est aliquid distinctum in personis. Confirmatur etiam argumentum hoc auctoritate S. Augustini libro 5. de Trinitate, cap. 6. & lib. 6. cap. 4. dicentis, Filium esse æqualem Patri, non secundum id, quod est ab alio, sed secundum id, quod est ad se, id est, secundum essentiam absolutam.

Sed quæris, quomodo sit intelligendum, æqualitatem personarum esse relationem rationis? Respondeo. Hoc consistit in duobus conceptibus. Primus est, quo concipimus verè, personas non se mutuo excedere; per quem conceptum intellectu referimus vnā personam ad alteram. Secundus est, quo verè concipimus nos id de personis diuinis verè concepisse. Primus conceptus significatur obiectiue per nomen æqualitatis; secundus formaliter. Et sic relatio æqualitatis formaliter est ens rationis, habens fundamentum in re; quod fundamentum est vnitas in essentia diuina, per quam quidquid habet vna persona, habet altera. A ratione huius fundamenti, cum omnino sit reale, potest absolute concedi, personas esse

æquales realiter, sicut concedi so-  
let realiter Deum esse Dominum,  
propter fundamentum dominij  
reale, nempe diuinam potentiam:  
quamuis dominiū ipsum forma-  
liter significet relationem ratio-  
nis Dei ad creaturas. Denique  
hoc modo exponendum est, quod  
dici solet æqualitatem persona-  
rum esse perfectionem realem in  
diuinis; scilicet ratione funda-  
menti.

Iam ad argumenta contrariæ  
sententiæ respondendum est. Ad  
primum respondeo, non sufficere  
quamcunque distinctionem fun-  
damentorum, sed requiri, vt ratio  
proxima fundamenti sit distincta  
in vtroque extremo. Quod non vsu  
venit in proposito. Vnde falsò as-  
sumit Scotus, ante operationē in-  
tellectus personas diuinas referri.

Ad secundum respondeo; Vni-  
tatem in quantitate efficere qui-  
dem relationē æqualitatis, si tan-  
tummodò sit vnitas quantitatis  
specificæ: si verò sit vnitas etiā nu-  
merica, eo ipso tollitur id, quod  
requiritur ad relationem realem,  
scilicet pluralitas fundamenti pro-  
ximi.

Ad tertium respondeo; Fal-  
sum esse, quod assumitur, relatio-  
nes originis nihil aliud suppone-  
re præter vnā essentiam. Nam  
supponūt etiam distinctas origi-  
nes; quæ quamuis non sint funda-  
mentum relationum ab ipsis actu

A distinctum, virtualiter tamen sunt  
quasi fundamentum, id quod satis  
est. Nam ex eo intelligitur, perso-  
nas referri ad se inuicem relatio-  
nibus originis quatenus ordinan-  
tur ad se inuicem per aliquid di-  
stinctum, scilicet per origines. At-  
que ex hoc patet responsio ad reli-  
quas duas illius argumenti con-

B firmationes. Falsum enim est, so-  
las relationes formaliter in diui-  
nis distingui. Distinguuntur enim  
etiam origines, quatenus origi-  
nes sunt; atque ita intelligi potest,  
ante relationes originis esse quā-  
dam coordinationē personarum  
ex natura rei per aliquid, quod in  
ipsis distinguatur, & sit veluti fun-  
damentum relationū; quamquam  
actu verum est, propriè loquēdo,  
C nullum ibi esse fundamentum.

Ad quartum argumentum pos-  
set primò responderi, ideo perso-  
nas, vt distinctæ sunt, non referri  
ad se inuicē relatione reali æqua-  
litatis, quia quòd non se excedant  
vt distinctæ sunt, competit illis ob  
identitatem essentiæ, atque ita il-  
lud, per quod non se excedunt,  
D non videtur omnino in ipsis mul-  
tiplicari, sed tamen hæc responsio  
non exhaurit omnem argumenti  
difficultatem. Nam illa identitas  
in essentia, nihil omnino obstat,  
quò minus personæ, vt relatiuæ  
sunt, sint verissimè distinctæ; &  
adhuc vt distinctæ sunt, verifican-  
tur de illis, quòd non se excedant.

Ergo,

Ergo, satis hoc est ad relationem **A** diuersæ. Respōdeo primò. Quid realem æqualitatis.

Ideo respōdetur secundò, propterea nō esse relationem realem æqualitatis inter personas, vt distinctæ sunt, quia vt sic, non conueniūt in aliqua ratione peculiari, quæ sit propriè generica vel specifica, sed habent quasi disparatas perfectiones. Ad relationem autem æqualitatis non satis videtur esse negatio excessus, sed etiam aliqua generica vel specifica conuenientia in eo, quo aliquanō se excedunt. Id quod exemplo potest declarari. Nam quamuis de puncto & linea verificetur, quòd non se excedant in latitudine quantitatis (nec enim sic comparari possunt) tamen quia non conueniunt in ratione quantitatis, idcirco nō possunt dici equalia. Quod autem perfectiones diuinæ, vt distinctæ sunt, nec genere nec specie propriè conueniant, patet, quia in diuinis non est vllum genus aut differentia, sed sola conuenientia numerica ibi locum habet.

Sed vrgebit rursus hoc modo aliquis. Ad relationem inæqualitatis satis est, verificatio excessus, sine conuenientia. Ergo etiam ad relationē æqualitatis sufficiet sola excessus negatio. Antecedēs probatur. Nam duæ differentię specificæ, quarum altera sit perfectior, inæquales sunt, quamuis vt sic non conueniant, sed sint omnino

**B** Relatio autē æqualitatis fundatur in vnitare, & idcirco præter negationem excessus requiritur certa quædam conuenientia æqualum.

Secundò potest etiam negari inæqualitatem, diuersitatem, & dissimilitudinem, esse relationes, vt ponitur in argumento. Hæc enim nomina non relationem, sed certam quandam distinctionem aliquorum significant. Diuersitas enim solū significat distinctionem in substantia; inæqualitas distinctionem in quantitate; dissimilitudo distinctionem in qualitate. Vnde sicut hoc nomen *distinctum* vel *distinctio* non est relatiuū, ita nec nomen diuersitatis, inæqualitatis, &c. Nam hæc etiam solū indicant talem vel talem distinctionem determinatē. Et probatur hoc rursus. Nam ex sententia Philosophi. 5. Met. cap. 15. Omnis relatio realis, aut fundatur in quantitate; id est, vt exponunt cōmuniter, in vnitare conuenientia (quod ita dicitur, quia vnitas videtur maximè ad quantitatem referri) aut in actione & passione;

aut



aut in ratione mensuræ, sicut ratio potentia ad obiectum, quod est velut ipsius mensura. Sed inæqualitas, diuersitas, & dissimilitudo, neque sunt relationes fundatæ in vnitatem, cum potius inæqualitas, diuersa, & dissimilia, ut sic à se distent; nec in actione & passionem, ut patet, ac multo minus in mensura. Ergo non sunt relationes reales. Ac sanè tantum abest, ut putem hæc esse relationes reales, ut si in latitudine entis aliqua esset ratio maxime velut è diametro opposita rationi relationis, ad illam potius existimarem pertinere inæqualitatem, dissimilitudinem, & diuersitatem, &c. quandoquidem hæc, ut talia sunt, minime inter se coordinantur ex natura rei, sed à mutua potius coordinatione abhorrent. Ceterum quod in hac parte posset aliquem fallere, est ipsa vox. Cum enim dicimus, dissimile, respicimus statim ad aliud dissimile, quasi ad quoddam dissimilis correlatiuum. At eiusmodi respectus non est rerum ipsarum, secundum aliquam mutuam coordinationem ad se inuicem, sed tantummodo fit per intellectum. Sicut quando dicimus distinctum, etiam connotamus ordinem quandam ad aliud distinctum; & tamen distinctio non est relatio realis.

Cum igitur inæqualitas non sit relatio, facilius responderi potest ad obiectionem illam, negando

A consequentiam, quia non est par ratio. Aequalitas enim, cum sit relatio, requirit conuenientiam in fundamento; inæqualitas verò, cum non sit relatio, non requirit tale fundamentum. Et sanè si diuersitas, aut dissimilitudo, aut inæqualitas esset relatio realis, vix possemus facere, quin concederemus inter personas ut distinctæ sunt, esse præter relationes originis, aliquam aliam relationem realem, si non æqualitatis, certè diuersitatis & dissimilitudinis, quatenus personæ distinctæ sunt, & eatenus inter se non conueniunt.

Nec sanè tunc obici posset, quod daretur processus in infinitum, si una relatio, hoc est, paternitas, referatur ad aliam, hoc est, ad filiationem, per tertiam, scilicet per relationem dissimilitudinis vel diuersitatis, ut in simili forma videtur ratiocinari D. Thomas 1. p. q. 42. artic. 1. Non enim sequitur processus in infinitum, si secundum alterius rationis fundamentum una relatio referatur ad aliam per tertiam: id quod tunc solum fieret. Etenim ut duo alba possunt referri ad se per relationem similitudinis, quatenus cōueniunt in albedine; ita etiam duæ relationes paternitatis, verbi gratia, quatenus conueniunt in ratione paternitatis. Et eodem modo si dissimilitudo alioqui esset relatio realis, paternitas & filiatio in diuinis possent

possent referri, ad se per tertiam relationem dissimilitudinis, secundum alterius rationis fundamentum à fundamento originis (quo alioqui se mutuo per se respiciunt) nempe secundum diuersitatem rationis vtriusque: neque inde sequeretur ullus processus in infinitum.

Ad quintum argumentum respondetur, sensum verborum S. Thomæ esse, quòd in illo conceptu, quo personas ad inuicem referimus, intelligendo eas non se excedere, respicimus ad distinctionem earum secundum relationes originis, & ad unitatem essentiae, ex qua provenit, vt non se excedant. Et cum dicit, & qualitatem non esse distinctam relationem à relationibus originis, non solum negat esse relationem distinctam à relationibus originis, sicut ipsæ relationes originis distinguuntur inter se, sed etiam esse relationem realem virtute distinctam, sicut est spiratio distincta virtualiter à paternitate & filiatione.

### CAPVT XIX.

*Explicatur questio prima de ordine missionis diuinarum personarum.*



PRIMA questio de missione diuinarum personarum erat, quidnam sit propriè vnā

A personam diuinam ab alia mitti? Respondemus verò ex doctrina Orthodoxa, quam ponit D. Athanasius in oratione de dicto, Deus ex Deo, circa finē, & explicat clarius D. Thomas 1. par. q. 43. art. 1. personam diuinam hoc ipso mitti, quod ex vi personæ alterius, ad quam secundum aliquem modum processioneis habet relationem, incipit esse alicubi modo nouo, quo antè non erat: vt exempli causa per gratiā in mente hominis. Hoc patet ex ipsa vocabuli notione. Propterea enim dicimus, seruum (verbi gratia) missum esse aliquo à suo Domino, quia ibi incipit esse de nouo ex vi atque auctoritate sui Domini, ad quod habet relationem quandam secundum imperium, quo ab illo processit. In proposito autem nostro, habituudo siue relatio processioneis, quam persona missa habet ad mittentem, non est secundum imperium, sicut illa quam habet seruus; nec secundum consilium, sicut rex dicitur mitti ad bellum à consiliario: sed est secundum originem ad eum modum, quo flos potest dici mitti ab arbore, vt ab ea procedit secundum originem. Probatur. Quoniam processio secundum imperium aut consilium, indicat inferioritatem eius, qui mittitur, quod videlicet sit minus potens aut sapiens, id quod locum non habet in diuinis.

Sed illud deinde notandum est. Modum nouum, quo persona diuina missa est, vbi antè non erat, communiter esse secundum aliquam operationem ad extra: non autem quasi persona simpliciter incipiat esse, vbi antè non erat; Est enim vbique. Dixi, communiter loquendo. Nam Verbum diuinum missum est ad humanitatem secundum modum peculiarem quo persona solet terminare naturam; id quod non est operari propriè, vt in materia de incarnatione disputatur. Quod si aliquis querat, quo pacto persona diuina ex vi processioneis suæ secundum originem habeat, vt sit nouo modo alicubi, id quod requiritur ad missionem. Respondeo breuiter. Hoc ipso, quod persona procedens habet entitatem essentiz diuinæ à persona à producente, habet etiam ab eadem persona, vt efficiat in creatura, quidquid efficit; nam illud etiam efficit per illam ipsam entitatem, quam accepit à persona producente; atque ita per originem habet, à persona producente vt sit illo modo peculiari in creatura, scilicet per operationem; & sic nihil deest, quò minus dicatur à persona producente mitti.

Denique & illud hoc loco notandum est, missionem non ab æterno, sed ex tempore conuenire personis diuinis. Verissimè enim

**A** D. Thomas i.p.q.43.art.2. docet, esse discrimen inter varia nomina, quæ significant processioneem vnus personæ ab alia. Quædam enim denotant processioneem, & simul terminum eius, qui est ab æterno: ac talia ab æterno dicuntur; vt generatio & spiratio. Quædam significant processioneem, & simul denotant terminum temporalem; vt missio. Et talia dicuntur ex tempore propter terminum; sicut propter eandem rationem creatio dicitur ex tempore, etiã si Deus creet per entitatem suam, quæ est ab æterno. Quædam denique significant originem duntaxat, abstrahendo à termino; vt processio. Et hæc indifferenter dici possunt, vel ab æterno, vel ex tempore, prout applicantur ad processioneem vt habentem terminum ab æterno, vel vt habentem terminum temporalem. Vnde ait S.Thom. Verbum diuinum posse dici ab æterno procedere vt esset Deus, & in tempore processisse, vt esset homo. Atq; ita patet eandem processioneem personæ vocari æternam, vt habet terminum æternum, scilicet personam diuinam; & temporalem, vt habet terminum temporalem, videlicet illum nouum modum existendi in creatura; quem paulò antè explicuimus, habere personam etiam ex vi originis.



## CAP V T XX.

*Explicatur questio secūda de ordine missionis, suprà capite 1. proposita.*



SECUNDA questio de ordine missiōis erat, ad quōsam effectus mitti possit persona diuinā? Cui questioni breuiter respondemus, ad eos omnes effectus posse personā diuinā mitti, quos illa potest in creatura variè ac multipliciter operari. Quo fit vt missio personæ diuinæ visibilis ac inuisibilis esse possit. Inuisibilis est, cū fit solum per dona interna gratiæ: visibilis, cū aliquid præterea exterius fit per diuinā personam missam. Notat autem D. Thomas 1. part. quæstione 43. articulo 3. nunquam visibiliter mitti personam diuinā, quin etiam mittatur inuisibiliter secundum donum gratiæ gratum facientis, quæ propriè mentem inhabitat.

Itaq; ad rationem visibilis missionis duo videntur requiri. Primum, vt persona missa procedat ab altera. Secundum, vt secundum aliquem effectum visibilem, qui peculiariter significet eā personam, innotescat effectus missionis alicuius inuisibilis, siue ea missio inuisibilis eodem tempore fiat, siue ante; siue fiat ad ean-

dem personam, ad quam fit missio visibilis, siue ad aliam. Hæc enim omnia sunt per accidens. Per se satis est, vt persona visibiliter missa peculiari modo incipiat esse in exteriori signo, quo ipsa persona peculiariter representetur, vt effectus missionis inuisibilis (quandocunq; & ad quemcunque factæ) innotescat.

Hinc intelligitur primò: Quomodo Spiritus sanctus sit visibiliter missus in specie columbæ ad Christum, Matthæi 3. quamuis eo tempore nullum effectum alicuius missionis inuisibilis tunc factæ ad Christum id signum indicauerit. Satis enim est, quod indicauerit plenitudinē gratiæ in instanti conceptionis animæ Christi datam.

Secundò intelligitur: Quomodo missio visibilis & inuisibilis possint separari, ita vt eo quidem tempore, quo fit visibilis, nulla inuisibilis fiat. Et quanquam hoc ita sit, pro certo tamen habendum est, semper cum missione visibili fuisse inuisibilem, vel ad eandem personam vel ad aliam. Patet, si in memoriam reuocemus diuinas missiones visibiles quarum memoria exstat. Nam cū Spiritus sanctus visibiliter ad Apostolos missus est, certum est de fide, ad eosdem fuisse missum inuisibiliter per gratiam, Act. 2. *Repleti namq; sunt omnes Spiritu sancto.*

Item quādo Spiritus sanctus missus est ad Christum, Matth. 3. credendum est, Ioannem Baptistam non mediocriter auctum fuisse in gratia, & sic inuisibiliter Spiritum sanctum ad illum fuisse missum. Item cū Verbum incarnatum visibiliter in sua secūdum carnem natiuitate mundo apparuit. Beata Virgo sine dubio, ac Iosephus donis Spirit<sup>9</sup> sancti maximis sunt cumulati.

Tertiò intelligitur, quare, etsi signum externum sit effectus totius Trinitatis, nihilominus vna tantū persona dicitur apparere; ratio enim est, quia vna persona peculiariter illo significatur: Etenim vt voce etiam possumus vnā personam & non aliam significare, sic etiam res exterior potest peculiariter institui ad vnā personam significandam. Ac possent hic quēdam de natura huiusmodi signorum dici, nisi ea de re potius in tractatu de vita Christi videretur disputandum. De apparitionibus autem diuinis in veteri Testamento factis, legatur nominatim D. Augustinus li. 2. de Trin. cap. 7. 11. 12. & 13.

Restat autem hoc loco duplex difficultas. Vna est: An de potētia Dei absoluta possit persona inuisibiliter mitti, etiam si nullum donū tribuatur creature, neque aliquid ad extra diuinitus fiat. Et querimus de potentia absoluta, nam de

A lege ordinaria compertum est id fieri non posse. Atque in hac sanē quæstione Gregorius Ariminen. in 1. d. 14. quæst. vnica, tuetur partem affirmatiuam. Probat autem suam sentētiā hoc modo. Deus potest donare, quidquid est donabile, sine eo, quod est extrinsecum ipsi rei donabili. Sed persona diuina est donabilis, & donum seu effectus ad extra, est extra eius rationem. Ergo potest diuina persona sine omni alio dono vel effectū extrinsecū, donari creature, atque adeo inuisibiliter mitti.

Nihilominus contraria sententia est verior, quam defendit Capreolus in 1. distinction. 14. quæst. 1. Probatur. Persona non potest esse de nouo alicubi, nisi secundum aliquid ad extra. Ergo neque potest mitti, aut dari, nisi mediante aliquo ad extra. Consequentia patet ex ratione missionis supra capite decimo octauo declarata. Antecedens est euidentius, quia nouitas non potest esse ex parte ipsius personæ diuinæ, cū hæc sit omnino immutabilis. Debet ergo esse ex parte creature. Et sic per aliquid ad extra. Ex hoc patet responsio ad argumentum Gregorij. Maior enim illa vera est, de eo, quod est donabile secundum aliquam mutationem sui; sic autem non potest donari diuina persona.

Secun-

Secunda difficultas est: Vtrum A  
missio inuisibilis vnius personæ  
sit separabilis à missione alterius,  
id est, an vna persona mitti possit  
sine alia. Respondeo. Primùm,  
quòd missio vnius personæ pro-  
cedentis distinguatur à missione  
alterius ex parte ipsius processio-  
nis diuersæ, clarum est. Secundò  
dico, missionem vnius personæ, B  
secundum nouum existendi mo-  
dum, per hypostaticam termina-  
tionem naturæ, certum etiam est,  
de facto fuisse separatam. Verbū  
enim diuinum solum sic missum  
est ad humanitatem Christi, non  
Spiritus sanctus; quamuis is etiā  
secundum gratiam datam huma-  
nitati fuerit illi missus, vt superius  
notauius. Tertiò dicò, secundum  
nouum modum existendi per a-  
ctionem ad extra, impossibile est,  
personā mitti vnā ad creaturam,  
ad quam non etiam mittatur alia  
persona in diuinis procedens: si-  
cut impossibile est effectum pro-  
dure ab vna, & non ab alia; vt etiam  
D. Athanasius re&isimè disputat  
in longiori epistola ad Serapionē,  
vbi idcirco affirmat hoc ipso, D  
quod vna persona est in aliquo,  
esse in eodem totam Trinitatem.  
Actio enim, per quam effectus p-  
ducitur, cum proficiscatur à com-  
muni essentia & potentia diuina,  
ex æquo est ab vna persona & ab  
altera, & æquē illam habet vna  
persona procedens ex vi proces-

sionis, atque altera itidem proce-  
dens. Quando igitur vna persona  
procedens mittitur secundum a-  
liquem effectum, mittitur etiam  
alia. Pater verò vtrum etiam mit-  
tatur, quandoquidem vnā cum  
Filio & Spiritu sancto est per op-  
erationem in creatura, iamiam di-  
cemus.

## CAPVT XXI.

*Explicatur questio tertia, de or-  
dine missionis diuinarum per-  
sonarum, supra cap. i. proposita.*



ERTIA & vltima quæ-  
stio de missione erat,  
vt vtrum persona quæ-  
libet mitti possit? Cui  
C respōdemus, propriè quidem lo-  
quendo de missione, non posse.  
Nam necesse est, vt persona, quæ  
mittitur, procedat à mittente. Pa-  
ter autē à nemine procedit. Qua-  
re, vt D. Augustinus lib. 2. de Tri-  
nit. cap. 9. notauit, nusquam legi-  
tur, quòd Pater sit missus. Notan-  
dum verò est, quòd etsi Pater non  
mittatur, venit tamen, & existit  
peculiari modo in creatura ratio-  
nali vnā cū reliquis personis mis-  
sis: iuxta id Ioannis 14. *Ad eum  
veniemus.* Sed non dicitur mitti;  
nam missio, præter nouum mo-  
dum, quo persona missa dicitur  
venire, denotat etiam processio-  
nem eius ab alia. Ita omnes qui-  
dem personæ veniunt, vt pulchrè



D. Athanasius in epistola ad Serapionem notauit, quia effectus ad extra communis est omnibus; sed Filius & Spiritus sanctus veniunt missi à Patre, Pater verò à nullo, quia non procedit.

Siverò improprie de missione loquamur, dici potest vna persona mitti ab ea, à qua non procedit, immò etiam à seipsa, vt D. Thomas 1. part. quæst. 43. artic. 8. notauit. Potest enim persona duobus modis dici mittens. Vno modo proprie, ita vt persona mittens intelligatur esse etiam principium processionsis personæ missæ. Et sic persona non mittitur, nisi ab ea, à qua procedit, vt antè dictum est. Altero modo minus proprie, vt persona mittens dicatur hoc ipso, quod est principium eius effectus, secundum quem alia persona, quæ missa dicitur, incipit esse alicubi. Et sic bene potest persona mitti etiam ab ea, à qua non procedit; atque adeò à seipsa, quia ille effectus communis est omnibus personis.

A Atq; ita conciliari possunt diuersæ sententiæ circa modum loquendi de missione personarum. Augustinus enim, qui libro secundo de Trinitate, cap. 5. contendit posse dici, Filium mitti à se & Spiritu sancto, propter illud Isaie 67. *Spiritus Domini super me, ad euangelizandum pauperibus misit me, &c.* (quod tamen de Filio, secundum humanitatem, potest intelligi) & Ambrosius lib. 1. de Spiritu sancto, cap. 3. & Bonauentura, & Magister in 1. distinct. 25. qui idem dicunt, intelligendi sunt, iuxta secundum illum modum loquendi improprium. D. autem Athanasius in epistola ad Serapionem sub finem, & alij Patres Græci, qui, vt C refert etiam S. Thomas opusculo primo contra errores Græcorum, negant personam dari & mitti ab ea, à qua non procedit, procedunt iuxta priorem modum loquendi proprium.





LIBER TERTIVS,  
DE PERSONIS  
DIVINIS CVM ES-  
SENTIA DIVINA COM-  
PARATIS.

CAPVT PRIMVM.

*Quanam sint, circa comparisonem diuinarum personarum cum essentia, ex fide certa, & qua in eo genere Theologicè præterea disputari possint.*

**I**N COMPARATIONE diuinæ essentiae & personarum diuinarum quinque assertiones potissimum sunt certæ, secundum Catholicam fidem. Prima assertio est, tres personas esse, ac rectè dici vnius essentię. Secunda assertio est, personas secundum proprietates siue relationes suas personales nequaquã distingui re ab essentia, sed esse re idem cum illa. Tertia assertio est, quamuis personę sint, idem re cum essentia, non ideo tamen de essentia affirmari posse

**A** quidquid verè personis tribuitur, vt quod generet, vel generetur. Quarta assertio est, posse nihilominus, quæ personarum propria sunt, affirmari de iis nominibus, quæ in concreto quidem significant essentiam; vt si dicas: Deus generat, &c. Quinta assertio est, essentiam diuinam per ipsas proprietates diuinarum personarum subsistere.

Prima assertio satis patet ex iis testimoniis & argumentis, quibus suprà lib. I. cap. 26. probauimus, tres personas esse vnum & eundem Deum, per eandem videlicet essentiam. Atq; ita ab Ecclesia sæpius

pius definitum est contra Arium, quitesse diuo Augustino libro de hæresibus, capite quadagesimo nono, negabat tres personas esse vnius essentia. Et, vt idem Augustinus ait libro tertio contra Maximinum, capite decimo quarto, tres personas esse eiusdem essentia, nihil est aliud, quàm illud, homouision, quod definitum est in Concilio Nicæno, de cuius vocis commoditate atque vsu diximus multa libro primo, capite decimo sexto. Idem patet ex illo, prioris epistolæ Ioannis, capite quinto: *Et hi tres vnum sunt*. Et Ioannis 10. *Ego & Pater vnum sumus*; per quem locum, vt ait Augustinus Tract. 37. in Ioannem, simul liberamur à Scylla & Charybdi, id est, ab Ario & Sabellio. Nā quod dicitur, *vñ*, intelligitur de vnitæ essentia, quam negabat Arius, & non solum de vnitæ concordia, vt supra libro primo, capite decimo sexto probauimus. Pluralitatem verò suppositorum, quàm negabat Sabellius, indicat, ibi Christus per hoc quod dicit, *sumus*. Ac notat diuus Gregorius Nazianzenus in epistola ad Euagrium Monachum, tres personas diuinas potius vnius *essentia*, quàm vnius *natura* dici debere. Credo, quia naturæ vocabulum principium motus eius, in quo est, subindicat, à quo Deus quàm longissimè abest. Item, essentia nomen rectius

A in Deum quadrat, qui nominari vult is, qui est: etenim essentia ab essendo dicitur.

Secunda item assertio aperte probatur. Primò, ex diuina simplicitate. Nam si in persona diuina alia res esset proprietas personalis, & alia essentia, persona diuina esset composita. Secundo, id patet etiam ex illis testimoniis: *Ego & Pater vnum sumus*. Et: *Hi tres vnum sunt*. Id enim vnum, quod est qualibet persona diuina, est nimirum vna essentia. Quo fit, vt secundum essentiam quidem personæ tres sint idem, vt passim asserunt sancti Patres, quorum testimonia ad hanc rem supra libro primo, capite vigesimo nono citauimus. Tertiò denique, id ipsum ab Ecclesia Catholica definitum est, vbicunque asseruit aduersus hæreticos hoc mysterium; quod in eo maximè consistit, quòd tria sunt re etiam quiddam vnum.

Tertia assertio ex secunda certissimè consequitur. Nam si essentia generaret Filium, necesse esset, essentiam re distingui à Filio, quod falsum est: oportet enim genitum & generans re prorsus distingui. Quam ob rem meritò ab Ecclesia damnata est illa *propositio* Abbatis Ioachimi. Essentia generat, cum tamen concedatur illa: Deus generat. Sed est argumentum Ioachimi: Idem est significatum huius nominis *Deus*, &



& huius nominis essentia. Ergo, A si hæc est vera, Deus generat, etiam illa erit vera, essentia generat. Quo argumento Martinus Lutherus etiam, & quidam Hieronymus Zankius Heydelbergensis, in eundem errorem Ioa-  
chimi Abbatis insipienter admodum inducti fuerunt. Respon-  
demus autem ad argumen- B tum. Quamvis obiectiue & secundum rem, idem sit significatum vtriusque nominis; tamen eadem res in diuinis, propter distinctionem virtualem, vt formaliter est natura diuina, non generat; vt autem formaliter est persona relatiua, generat. Quare cum ille terminus Devs ex vi sua, quia concretus est, possit formaliter C significare illam rem, vt est persona; vera est illa enunciatio, Deus generat. Quia verò terminus, *essentia*, ex vi sua non potest formaliter significare rem illam diuinam, vt est persona, sed tantum, vt est natura; ideo falsa est hæc enunciatio, essentia generat. Esset enim sensus, quod illa res diuina, vt est vnum quid simplicissimum, diceret ordinem ad personam, atque adeo distingueretur ab illa realiter; quod erroneum est.

Quarta assertio inde patet; quod nomen in concreto significans essentiam diuinam (nempe Devs) solet etiam poni pro persona: atque ita cum de eo nomi-

ne propria alicuius personæ diuinæ affirmantur, non nisi de ipsa persona diuina affirmantur. Id confirmatur ex capit. 20. Acto-  
rum Apostolorum. Vbi, cum Paulus dicit: *Sanguine Dei constitutus esse Ecclesiam*, terminus ille Devs, supponitur pro persona Filij. Item capitulo *Damnamus*, vbi probatur hæc proposito, Deus generat; supponitur ille terminus, De-  
vs, pro persona Patris. Item, hoc patet ex illis verbis Symboli: *Deum de Deo*: supponitur enim ibi terminus Devs, pro persona Patris & Filij. Ex quo refutatur argumentum, quo Trinitarij conantur probare, Patrem & Filium esse duos Deos, propter illum modum dicendi in Symbolo. Sed (vt dictum est) accipitur ibi ille terminus personaliter, vt indicat ipsa processio vnus personæ ab alia, quæ eo modo dicendi significatur. Quomodo autem hic terminus, Devs, possit (vt dicimus) pro personis supponi, satis intelligitur ex dictis supra libro secundo, capite septimo. Ibi enim docuimus, quod etsi is terminus propriè sit singularis; significans videlicet illud vnum simplicissimum, quod identificat tres personas; habet tamen conditionem termini communis, propterea, quod illud vnum simplicissimum identificatur pluribus suppositis. Quare potest supponi pro illis;

lis; sicut etiam ibi dictum est de A logis vltro citroque disputatur.  
hoc termino, *principium spirandi*,  
quod attinet ad personam Patris  
& Filij.

Quinta assertio illo modo præ-  
cisè posita passim reperitur defi-  
nita ab Ecclesia in Oecumenicis  
Conciliis, cum statuunt vnā es-  
sentiam in tribus personis esse:  
quod idem est, atque eam per pro-  
prietates tres psonales subsiste-  
re. Nominatim in Synodo quin-  
ta generali capite primo anathe-  
ma dicitur ei: *Qui non confitetur v-  
nam essentiam Patris, & Filij, & Spi-  
ritus sancti in tribus subsistentis esse  
adorandam*. Secundo, id ipsum pa-  
tet illis testimoniis, quibus su-  
perius libro primo, capite quin-  
to & vigesimo sexto probauimus  
distinctionem trium personarū,  
quæ sunt eiusdem essentia. Nam  
personæ substantia, eius etiam na-  
turæ subsistentia est, ex qua con-  
stat ipsa persona. Ita fit, vt, cum  
tres personæ diuinæ constent e-  
tiam ex diuina essentia; diuinæ  
quoque essentia subsistentia sit  
subsistentia cuiuslibet diuinæ per-  
sonæ: quod ipsum est, essentiam  
diuinam per ipsas subsistentias si-  
ue proprietates diuinarum per-  
sonarum subsistere.

Sed cum assertiones istæ, ita  
simpliciter positæ, ex fide sint  
certæ, nonnullæ tamen circa illas  
existunt quæstiones, de quibus ma-  
ioris explicationis causa à Theo-

Prima quæstio est circa pri-  
mam assertionem, vtrum essentia  
diuina, vt vna esse trium persona-  
rum dicitur, aliquid ipsa agat &  
operetur tanquam principium  
Q V O D, vt vocant, seu tanquam  
causâ principalis, ita vt diuina  
nomina concreta (vt Deus, crea-  
tor, &c.) possint in aliqua enūcia-  
tione pro ipsa essentia, vt essentia est, poni immediatè & per se,  
non pro persona aliqua, vel per-  
sonis?

Secunda quæstio est circa se-  
cundam assertionem, vtrum di-  
uina persona, saltem eiusmodi a-  
liqua distinctione distinguatur ab  
essentia diuina, quæ sit maior di-  
stinctione secundum rationem, &  
minor distinctione rei à re?

Tertia quæstio est circa ter-  
tiam assertionem, quid præcipuè  
sit obseruandum in vsu nominum  
diuinorum, quæ propriè signifi-  
cent non personas, aut aliquam  
operationem personalem, vel p-  
prietatem, sed ipsam essentiam di-  
uinam, vt personis omnibus com-  
munis est?

Quarta quæstio est circa quar-  
tam assertionem, vtrum, quem-  
admodum quæ propria alicuius  
personæ sunt, possunt affirmari  
de nominibus in concreto signi-  
ficantibus essentiam (vt si dicas,  
Deus generat) sic etiam possint  
ne-

negari: ita, ut hæc etiam enunciatio sit vera, Deus non generat?

Quinta quæstio est circa quintam assertionem, utrum præter subsistentias tres relatiuas personarum proprias, alia quædam subsistentia absoluta in diuina essentia asserenda sit, per quam ipsa quoque secundum se, quatenus est essentia, subsistat? Quas omnes quæstiones breuiter nunc eodem ordine, quo sunt propositæ, persequemur.

## CAPVT II.

*Explicatur quæstio prima de comparatione essentia & diuinarum personarum, capite præcedente proposita.*



**V**OD AD primam quæstionem attinet, opinio fuit Aureoli apud Capreolum in 1. distinctione quarta, quæstione prima, essentiam diuinam, ut essentia est, non esse tale aliquid, pro quo diuinum nomen in concreto possit poni: ut in hac enunciatione, Deus creat, aut conseruat mundum. Argumentabatur autem in hoc modo: Nomen *Deus*, ex vi sua significat habentem Deitatem, ut etiam sanctus Thomas prima parte, quæstione trigesima nona, articulo quarto fateatur. Sed essentia diuina non est habens Deitatem. Ergo id no-

**A**men non potest supponi pro essentia. Confirmatur. Nam maxime pro illa supponeretur, cum dicitur, *Deus creat*: Sed ne tum quidem: Ergo nunquam omnino. Minor probatur. Actiones sunt suppositorum & non naturæ. Ergo in illa etiam propositione supponitur pro personis.

**B** Nihilominus sententia contraria sancti Thomæ in illa quæstione trigesima nona, articulo quarto est tenenda. Fundamentum illius est, quia nominibus concretis per se loquendo volumus significare aliquid completum, & perfectum. Sed in diuinis, non solum persona est quid completum & perfectum, sed etiam illud vnum

**C** simplicissimum, quod est essentia identificans in ratione absoluta tres personas. Ergo illud nomen concretum, *Deus*, perinde potest supponi pro illo vno, id est, pro essentia, ac pro persona. Minor ex dictis supra libro secundo, capite septimo patet, quia non est minus identificare sibi tria supposita, quam esse vnum suppositum.

**D** Vnde ad argumentum sententiæ contrariæ respondetur. Nomen illud per se loquendo supponi, pro completo & perfecto in diuinis, siue illud sit aliquod vnum suppositum, siue aliquid identificans sibi plura supposita: quale est illud vnum simplicissimum, quod est essentia diuina, & etiam illud vnum sim-



plicissimum identificans in ratione spirandi Patrem & Filium, quod etiam est principium vnum completum Spiritus sancti, ut supra libro secundo, capite septimo exposuimus. Sed quia ista ratio rei completa & perfecta, pro qua supponi solent nomina concreta, facilius à nobis animaduer- titur in supposito, quod à nobis concipitur, ut habens formam aliquam; idcirco absolute dici solet, quod nomen DEVS, supponatur pro habente Deitatem, cum alioqui per accidens sit ad suppositionem nominis concreti, ut illud completum & perfectum, quod illo significamus, sit tale, de quo nostro modo concipiamus, quod sit habens formam significatam per nomen. Ad confirmationem illius argumenti respon- deo, actiones esse suppositorum, vel eius, quod non sit minus com- pletum & perfectum, quam suppositum. Quare cum tale sit essentia diuina; nihil obstat, quò minus in illa propositione, *De-*

*uicrate*, terminus DEVS

supponatur pro  
illa.



### CAPVT III.

*Explicatur questio secunda, supra cap. I. proposita.*

**D**E secunda verò quæ- stione, quomodo sci- licet essentia & psona distinguatur; illud in-

primis sciendum est, omnes Do- ctiores Orthodoxos in hoc con- sentire, quod essentia & persona non distinguantur realiter, sicut res à re. Est enim de hoc expressa definitio in capitulo Firmiter, & clarius in C. Damnamus, de sum- ma Trinitate & fide Catholica. Sed tota controuersia est, utrum distinguantur aliqua distinctione, quæ sit media inter distinctionem realem, ut res à re, & inter distin- ctionem rationis. Ita ut ante om- nem operationem intellectus sit aliqua actualis distinctio re ipsa inter essentiam & personam. Item in hoc etiam oportet omnes con- sentire: si quæ sit inter essentiam diuinam & personam, ex natura rei distinctio; illam esse debere ad deum modum, quo dicitur distin- gui includens & inclusum. Nam persona ex essentia constat, ut no- tum est.

His præmissis, prima sententia est Scoti in 1. distinctione secun- da, quæstione quarta, & Occam ibidem, quæstione prima & secun- da, & ut apparet, etiam Durandi dist.

dist. 33. q. 1. & Marsilius in 1. q. 6. art. 2. Essentiam diuinam & personam distingui formaliter, siue ex natura rei ante omnem operationem intellectus. Quæ distinctio apud Scotum nec est realis, vt res à re, nec rationis, sed media. Et vt facilius mens Scoti intelligi possit, sciendum est ipsum, quantum licet colligere ex his, quæ disputat in 1. dist. 2. q. 7. & d. 5. q. 1. & d. 8. q. 4. duos modos distinctionis actualis ponere præter distinctionem rationis. Primus est eorum, quæ ita re ipsa distinguuntur, vt vnum possit separari ab altero, manente illo. Et hanc vocat distinctionem realem, vt res à re, vt inter Petrum & Paulum, albedinem & quantitatem. Secundus eorum, quæ ita se habent ex natura rei, vt aliquid sit de ratione & quidditate vnus, etiam obiectiue loquendo, quod non sit de quidditate alterius; sed tamē non possit vnum ab altero, in re quam constituunt separari manente illo. Talem distinctionem ponit inter prædicata quidditatiua, vt sunt animalitas, & rationalitas, &c. Et hanc vocat distinctionem ex natura rei, quam censet esse mediam inter realem, vt res à re, & rationis. Quod si hæc distinctionem ideo solum vocaret distinctionem ex natura rei, quia alterum eorum quæ ita quidditatiue distingui dicit, in aliqua quidem re ita potest reperiri sine al-

tero vt actu ante omnem operationem intellectus sit ibi aliud ab illo; non sanè poneret hoc ipso eam distinctionem extra latitudinem omnem distinctionis rationis. Nam multa quæ sola ratione distingui censent doctissimi auctores ita se habent vt ex ipsa natura rei possit alterum sine altero in aliqua quidem re inueniri, vbi actu ante omnem operationem intellectus, sit aliud ab illo. Vt animalitas & rationalitas, verbi gratia, ac similiter quælibet alia duo prædicata, quorum alterum sit superius, alterum inferius. Animalitas siquidem, quamuis in homine (vt habet communior sententia) non sit ante operationem intellectus, actu aliud à rationalitate, tamen inuenitur in equo sine rationalitate, & ibi est actu aliud ab illa ante operationem intellectus, & sic de huiusmodi prædicatis aliis. Quam ob causam si quis talem distinctionem rationis velit etiam appellare distinctionem ex natura rei (qualis non est inter duò transcendentia, verbi gratia, quorum alterum ab altero in nulla re potest separari) non esset magnopere de vocabulis dimicandum. Cum verò Scotus velit suam illam distinctionem ex natura rei, non esse distinctionem rationis, sed actu ante operationem intellectus esse; non eo tantum sensu, quo iam diceba-

mus, vocare ipse videtur distinctionem ex natura rei; sed cum alia ita quidditatiuè distinguuntur, ut ubicunque sint, vnum sit actu aliud ab alio ante omnem operationem intellectus. Atque hoc modo ex natura rei putat distinguere essentiam & personam in diuinis. Et idem videtur sentire Durandus in re, quidquid sit de modo loquendi, in quo non omnino conuenit cum Scoto. Vocat enim ipse distinctionem essentie & personæ diuinę distinctionem ex natura rei tanquam inter rem & rei modum, de qua ratione loquendi postea dicemus.

Iam probatur sententia Scoti, primò. Ante omnem operationem intellectus essentia est communicabilis, persona verò incommunicabilis. Ergo ante omnem operationem intellectus ex natura rei actu distinguuntur. Consequentia probatur, quia illarum differentię sunt ex natura rei. Confirmatur. Vel Pater eternus intelligit essentiam & personam ut eandem rationem formalem ex natura rei, vel ut duas rationes: si, ut duas; ergo actu distinguuntur: si, ut eandem; ergo intelligit personam esse communicabilem perinde ac essentiam; & vicissim essentiam esse incommunicabilem perinde ac personam, quandoquidem sunt vnum & idem. Hoc autem est falsum. Ergo non intelligit Pater eternus

A rationem personæ & essentie, esse ex natura rei vnam & eandem.

Secundò. Ante omnem operationem intellectus re ipsa multa competunt personæ, quæ non essentie. Ergo ad vitandam contradictionem oportet ante omnem operationem intellectus esse distinctionem inter personam & essentiam. Antecedens patet. Nam persona opponitur alteri personæ, & distinguitur ab illa, etc. quę omnia non competunt essentie.

Tertiò. Sequeretur alioqui personas diuinas per vnum & idem conuenire re ipsa, & distinguui. Consequens est impossibile. Ergo id etiam vnde hoc sequitur. Maior probatur. Nam certum est ex fide, C Patrem, verbi gratia, per aliquid, quod habet in sua entitate, distinguui à Filio, & per aliquid etiā conuenire cum illo. Ergo si non habet nisi vnum & idem, quod sit essentia & personalitas; per vnum & idem conueniet, & distinguetur realiter à Filio. Minor probatur. Nam inde rursus sequeretur, aliquid esse Filium, & non esse Filium; quod manifestam contradictionem implicare videtur. Id verò patet, quia illud, quo Pater conuenit cū Filio, est Filius; cū nulla sit cōuenientia in diuinis, nisi per identitatem. Et rursus id, per quod distinguitur à Filio, non est Filius. Implicat enim, ut distinctiuum à Filio, sit Filius.

Quar-



Quartò. Essentia & persona distinguuntur definitione. Ergo distinguuntur quidditate ex natura rei. Consequentia est clara. Nam cum definitio sit conceptus adæquans quidditatem seu essentiam rei; ubi sunt duæ definitiones, obiectiue oportet illis correspondere duas quidditates. Antecedens verò probatur. Nam Pater æternus habet hunc conceptum de essentia: Essentia est Pater, & Filius, & Spiritus sanctus. Et de Filio hunc: Filius non est Pater, & Filius, & Spiritus sanctus. Qui conceptus, cum sint perfectissimi in intellectu Patris, & explicant illud, quod verè est à parte rei, omnino videtur adæquare ipsam rei quidditatem, atque adeo esse definitiones. Hæc videntur esse potissima argumenta pro hac sententia.

Quibus non obstantibus hæc opinio Scoti multis videtur improbabilis, & aliquibus parum fidei cõsentanea, & ideo periculosa & temeraria, idq; merito. Primò, quoniam, cum in capitulo, Damnamus, negatur essentiã diuinam esse quartam rem in diuinis, simpliciter & absolutè reiici videtur omnis opinio, secundum quam, propriè loquendo, oportet concedere essentiã diuinam esse rem quartã realiter à tribus personis seu personalitatibus distinctam. Sed iuxta opinionẽ Scoti, si pro-

priè sit loquendũ, omnino oportet admittere essentiam diuinam esse rem quartam realiter distinctam: Ergo Scoti opinio planè videtur in eo loco ab Ecclesia reiecta, ac proinde vt minimum est periculosa in fide. Maior patet ex ipsa Ecclesię definitione quę simpliciter negat essentiam esse rem quartam, & simul concedit etiam simpliciter essentiã esse ipsas tres personas, & contrã. In qua locutione, cum essentia in abstracto significata prædicetur de personis, non obscure significatur sensus identicus re ipsa: atque adeo pugnat prorsus cum hac Ecclesię definitione ea opinio secundum quam propriè loquendo negari oporteat personas esse ipsam essentiam, & affirmari quòd sit res distincta ab illis. Minor verò probatur. Nam ubi re ipsa est alia & alia quidditas, est aliud & aliud ens transcendentaliter, cum vocabulum, *ENS*, significet formaliter essentiam & quidditatẽ; sicut vocabulum, *HOMO*, humanitatem, vt patet ex principiis positis in Metaphysic. Et rursus ubi est aliud & aliud ens, eo ipso est alia & alia res, cū res & ens transcendentaliter reciprocentur seu conuertantur. Ergo de primo ad vltimũ, opinio Scoti quæ admittit re ipsa actu esse aliam quidditatem personæ diuinæ, & aliam quidditatem essentia; propriè loquendo cogitur ad-

admittere duas res esse, personam diuinam & essentiam. Confirmatur; nam quidditas personalitatis, vt secundum Scotum est alia, non est alia per solum conceptum rationis: Et tamen propriè secundum eundem Scotum est alia. Ergo superest vt sit alia quidditas realiter; ac proinde erit realiter distincta. Patet hoc totum. Nam sicut inter ens reale & rationis non est medium, ita neque inter modum alietatis (vt sic dicam) siue distinctionis realis vel rationis. Cùm enim distinctio sit passio entis, non latius patere potest distinctionis modus quàm modus entis. Ex quo rursus sequitur, impossibile esse dari mediam distinctionem inter realem & rationis, vt bene etiam deducit Durandus in 1. distinct. 33. quæstione 1. quem ideo mirum est, tam parum consequenter ibidem dixisse, essentiam & relationem, atque adeo personalitatem non distinguì purè secundum rationem, sed etiam ex natura rei, ante operationem intellectus. Hinc enim (quomodocunque vocet hanc distinctionem) illico iuxta ipsius etiam doctrinam sequitur, quod propriè sit realis. Et tamen propter illam Ecclesiæ definitionem non audet ibi Durandus concedere, essentiam & relationem distinguì realiter.

Sed dicet aliquis; illa definitio-

A ne non reiici omnem omnino distinctionem realè essentiæ & personæ, sed tantùm distinctionem realem, quæ meritò debeat dici rei à re; & distinctionem realem, quæ non sit solum, vt modus rei & res. Quare Scotum, qui non ponit distinctionem realem, vt rei à re, & Durandum, qui solum concedit distinctionem ex natura rei, vt modum rei, & rem, nihil ab illa Ecclesiæ definitione alienum dicere.

Ego verò contrà, primùm ob-  
iicio, quod vtcunque isti Doctores illam suam distinctionem ex natura rei, appellent, verè etiam de illa verificatur, quòd sit realis transcendentallyter, vt antè probatum est. Quocirca videtur ea etiam distinctio in illa Ecclesiæ definitione reiecta: siquidem ibi absque vlla limitatione, aut exceptione modi, quo is vel ille Doctor loquatur simpliciter Ecclesiæ negat esse realem distinctionem essentiæ & personæ. Deinde quomodocunque illam distinctionem appellent, ex positione tamen illorum sequitur, in re quidem tam perfectam distinctionem esse inter personalitatem diuinam & essentiam, quàm est inter ipsas personalitates seu personas diuinas. At hoc manifestè est contra illam Ecclesiæ definitionem. Ergo sententia illorum auctorum est omnino periculosa.

Minor

Minor cum consequentia est clara. Maior probatur. Nam siue personalitatem appelles cum Durando modum; siue cum Scoto dicas, non esse aliam rem, quia non potest separari: semper tamen manebit, quod distinctiua personalitatis & essentiae, sunt tam perfecta, quam distinctiua personarum inter se. Ergo cum utrobique auctores isti ponant alioqui actualem distinctionem re ipsa: tam perfecta erit distinctio personae & essentiae, quam personarum & personalitatum inter se. Consequentia patet, & antecedens probatur. Quia distinctiua personarum sunt tres illae relationes; distinctiua autem personalitatis & essentiae secundum istorum opinionem, sunt ex natura rei quidditas relationis, & quidditas essentiae. At negari non potest, quin quidditas essentiae & filiationis, verbi gratia, sint tam perfecta distinctiua, quam paternitas & filiatione inter se, cum in diuinis nihil sit maius & minus. Ergo utrobique sunt aequè perfecta distinctiua. Neque verò poterant auctores illi rectè hic dicere, quâuis sint utrobique aequè perfecta distinctiua, tamen non utrobique aequè perfectè distinguere, quia non possunt separari ab inuicem essentia & relatio, & propterea non esse inter ista distinctionem realem ut rem à re, sed solùm ex natura rei, vel ut modum rei à re. Hoc, inquam,

A dici non potest in proposito. Nam tunc sequeretur, distinctionem realem inter ipsas personas, non esse, ut rem à re. Patet, quia similiter, neque una persona potest ullo modo separari ab altera; cum altera in altera sit intimè, iuxta illud: *Ego in Patre & Pater in me est.* Io. 14. Quare nullo modo videtur illi auctores potuisse desedere, quoniam secundum ipsorum sententiam aequè perfectè distinguatur in diuinis realiter essentia à persona atque persona à persona. Quod est sanè contra fidem.

Secundò contra illam Scoti & Durandi sententiam hoc modo argumentor. Si diuina essentia & personalitas ante omnem operationem intellectus actu distinguuntur, consequens erit ut sit aliquid ad intra in diuinis, quod sit creatura, & non Deus. At istud consequens est erroneum, ut patet. Ergo & illa sententia ex qua id sequitur. Maior probatur. Nam si loquamur de quidditate personalitatis, illa quidditas iuxta ipsorum opinionem, intrinsecè, & secundum se, non est quidditas essentiae diuinæ; siquidem est alia ex natura rei. Ergo intrinsecè non est Deus; Ergo intrinsecè creatura. Prima consequentia patet, quia nihil est intrinsecè Deus, nisi intrinsecè sit essentia diuina quæ est intrinsecè Deo. Secunda verò consequentia patet, quia inter Deum &



creaturam, nullum est medium. **A**tas perfectionem essentia; nam

Tertiò. Sequitur etiam ex illa tunc idem secundum idem esset  
sententia, personam diuinam non perfectius & imperfectius alio.  
esse simpliciter ens infinitum. Quare secundum illam opinionem  
Consequens est falsum: Ergo id etiam Scoti nulla ratione potest defedi,  
unde sequitur. Maior probatur, quin alterutrum saltem istorum es-  
set finitum. Et sic aliquid in diu-  
inis ad intra esset creatum & finitum.

Postremò. Si quidditas essen-  
tia, & quidditates trium persona-  
**B** litatum ex natura rei ante omnem  
operationem intellectus actu di-  
stinguuntur, quæro, an sint omnes  
istæ quidditates infinitæ, vel nul-  
la infinita, vel aliqua aut aliquæ  
infinitæ, & aliqua aut aliquæ non?  
Primum non potest dici, ut patet  
ex argumento proximè facto. Si  
autem secundum vel tertium di-  
catur; sequitur id, quod prius de-  
**C** ductum est, videlicet, vel aliqua,  
vel omnia esse finita in diuinis ad  
intra, atque adeo creata.

Quare hæc sententia Scoti ve-  
hemèter sanè videtur ob stare ipsi  
Trinitatis mysterio. Præcludit e-  
nim viam potissimè illud defen-  
dendi ab impossibilitate. Nam  
præcipua difficultas in hoc myste-  
rio est, quòd ex pluralitate & di-  
**D** stinctione reali personarum, illico  
videtur sequi, personas distinctas  
non esse simpliciter infinitas, cum  
altera alterius perfectione careat.  
Cui difficultati non possumus a-  
liter respondere, nisi dicamus eas  
nihilominus identificari re ipsa in  
quidditate essentia, atque eate-  
nus

nus alteram alterius perfectionem participare, & ea ratione omnes illas esse infinitas. Tantummodò enim esse impossibile, ut plura sint infinita simpliciter in nullo tertio identificata. Pater autem, hanc ratiocinandi viam præcludi prorsus ab illa sententia Scoti.

Quocirca illa reiecta, omnino tenenda est sententia S. Thom. 1. p. q. 39. art. 1. quæ est etiam omnium Patrum; videlicet essentiam & personalitatem diuinam, atque adeo essentiam & personam, actu esse prorsus in re vnum & idem, & sola ratione distingui. Cuius distinctionis fundamētum in re, est illa virtualis distinctio, de qua supra lib. 1. cap. 30. dictum est, & de qua etiam rectè differit Caietanus 1. p. q. 39. art. 1. Ac certè quod ad Patres attinet, dubium non est, quin senserint inter essentiam diuinam & personam esse summam identitatem realem, ratione cuius ipsas personas etiam vnum & idē in essentia esse dicunt; ut diuus Dionysius 2. cap. de diuin. nom. & D. Athanasius in oratione contra Sabellij gregales, & serm. 4. contra Ariā. & D. Gregorius Naz. oratione 4. de Theologia, & D. August. lib. 7. de Trin. ca. 4. & alij passim. Immo etiā hoc ipsum reuera docuit Christus cum Ioā. 10. affirmavit, se & Patrē vnum quiddam esse, secundum naturam siue

A essentiam, ut supra lib. 1. ca. 16. demonstrauimus. Quod certè verū minimè esset, si actu personæ ab essentia distinguuntur re ipsa.

Ad primum igitur argumentū contrariæ sententiæ concessio antecedenti, nego consequentiam. Ad probationem dico, illam differentiam communicabilitatis & incommunicabilitatis, non multiplicare ex natura rei illud ens præstantissimum, quod est Deus & Trinitas. Quin immò sicut hac differentia non obstante concedit Scotus & Durādus, in diuinis esse vnam rem, quæ est essentia & personæ; ita etiam affirmo, esse illic vnam quidditatem seu formalem rationem obiectiui eminentissimam, quæ propter sui perfectionem habet vtrumque; videlicet, ut quatenus absoluta est, communicabilis sit; quatenus relatiua, incommunicabilis. Et vitandus est hoc loco error, qui facillimè potest irrepere, dum incautè solemus cogitare de illa diuina entitate, quasi esset comprehensa in latitudine entis finiti, & illius differentii subiaceret; cum tamen sit super ens, & super omnes differentias eius, ut supra in prolegomenis cap. 1. notauimus ex doctrina diui Dionysij, & aliorum Patrum.

Ad confirmationem respondeatur, Patrem æternum intelligere personalitatem, & personam, & es-

sentiam, vt vnicam rationem actū, **A** videlicet sit distinctio; sed tamen siue quidditatem obiectiuam; de qua quidem propter illius perfectionem simul cognoscit, quòd vt est absolutum quid, est communicabilis; vt autem est relatio, non item: ad quod sufficit virtualis illa distinctio.

Ad secundum argumentum, itidem dico, lib. 1. cap. 30. distinctionem virtualem in infinita perfectione fundatā sufficere ad verificandum & negandum idem de eodem actu in diuinis sine contradictione & repugnantia, vt suprà lib. 1. cap. 30. docuimus.

Sed potest contra hoc aliquis argumentari argumento quodam Aureoli apud Capr. in 1. distinct. 2. quæst. 3. hunc in modum: **Q**uod affirmatio & negatio eiusdem verificetur sine repugnātia, est quidam effectus in actu, cuius causa est distinctio eius, de quo negatio & affirmatio verificantur. Sed effectus in actu, requirit causam in actu. Ergo illa non repugnantia affirmationis & negationis veræ, omnino requirit distinctionem actu eius, de quo verè affirmatur aliquid & negatur: & sic non sufficiet ad id distinctio tantummodò virtualis, aut rationis. Ad hoc non minus verè quàm acutè sanè respondet Caietanus lib. 1. part. quæst. 39. art. 1. concedendo quidem illam non repugnantiam in diuinis habere causam in actu, quæ

**B** causam in actu sufficientem; siue ea vniuoca sit, siue æquiuoca; vt patet in calore actu producto. Ille enim, non modò potest esse ab igne, qui est calidus actu, sed etiam à sole, qui est tantummodò eminenter siue virtualiter calidus. Iam in proposito, quòd affirmatio & negatio non repugnent, potest provenire vel ex causa vniuoca in actu, quæ erit distinctio etiam actualis in actu eorum, de quibus affirmatio & negatio dicuntur; vel ex causa sufficienti quidem, & in actu, sed æquiuoca, qualis est distinctio virtualis propter eminentiam rei infinitæ. **Q**uod cum ita sit, minimè licet ex veritate negationis & affirmationis in diuinis, inferre determinatè distinctionem actualem in actu, sed vel actualem, vel virtualem in eo esse, de quo affirmatio & negatio verificatur: & virtualem damus.

Ad tertium argumentum respondeo, Maiorem esse veram. Neq; id est vllù absurdum, quando eadem res habet perfectionem infinitam, atque adeo sufficientem



ut & distinguat, & identificet, si- A  
cut vsu venit in proposito.

Ad quartum, negatur anteceden-  
dens. Ad probationem dicendū,  
conceptum illum non esse conce-  
ptum adæquatum, atque adeo nec  
definitionem. Ad conceptum e-  
nim adæquatum essentia diuinæ  
non solum pertinet hoc, quod est,  
essentiam esse tres personas; sed B  
etiā hoc, quod est, rem siue quid-  
ditatem, quæ est essentia, vt est e-  
tiam relatio paternitatis, verbi  
gratia, non esse tres personas.  
Vnde Pater æternus (quantum  
nobis quidem ex reuelatione fi-  
dei deducere licet) de essentia ha-  
bet hunc conceptum; essentia, vt  
est quid absolutum, est tres per-  
sonæ; vt autem est quid relatiuum C  
(vt paternitas, verbi gratia) non  
est tres personæ. Qui conceptus  
adæquatè etiam competit pater-  
nitati. Nam de hac etiam verum  
est dicere, quod vt est quid abso-  
lutum, est tres personæ; vt est quid  
relatiuum, non item. Quare pa-  
tet, diuinam essentiam & relatio-  
nem non distingui diffini-  
tione seu conceptu  
adæquato.



## CAPVT IV.

*Explicatur questio tertia supra cap.  
I. proposita; scilicet quid sit ob-  
seruandum in vsu nominum di-  
uinorum quæ significant essen-  
tiam.*

**E**Neo, quod tertio lo-  
co supra capite pri-  
mo quærebatur, duo  
potissimum sunt ob-  
seruanda. Alterum est, vt nomen  
diuinum essenziale vsurpetur  
in concreto, vel in abstracto. In-  
terest enim hoc vsque adeo, vt e-  
nunciationes, quæ de nominibus  
essentialibus in abstracto essent  
falsæ, sint veræ de iisdem in con-  
creto: vt supra capite primo huius  
libri explicatum est. Hæc enim est  
falsæ; Essentia diuina generat; &  
hæc verissima: Deus generat.

Alterum, quod obseruari de-  
bet, est, vt nomen diuinum es-  
sentiale, quod in concreto vsurpa-  
tur, sit substantiuum (vt *Deus crea-  
tor*, &c.) vel adiectiuū (vt *potens*, *sa-  
piens*, &c.) Nam si est substantiuum,  
D rectè docet D. Thomas, l. p. q. 39.  
art. 3. nisi in numero singula-  
ri de tribus personis posse affir-  
mari. Nec enim dicere possumus,  
tres personas esse tres Deos, sed  
vnum Deum. Cuius ratio est, quo-  
niam huiusmodi substantiua no-  
mina ex modo significandi suo si-  
gnificant formam aliquam abso-

lutè, & quasi per se consistentem. A Quo sit, vt nisi forma p eiusmodi nomina significata multiplicetur, nō debeant ipsa nomina in numero multitudinis de aliquibus affirmari: Atque idcirco nequeunt in multitudinis numero de personis diuinis dici, siquidem forma per ea significata, hoc est, essentia diuina, tantummodò est vna.

Sin verò nomē diuinum sit adiectiuum, docet idem D. Thomas, posse illud in numero multitudinis de diuinis personis affirmari, ita, vt dicamus tres sapientes & omnipotentes, adiectiuè hæc nomina sumendo, non substantiuè, vt fecit in Symbolo D. Athanasius. Huius ratio est, quoniam nomina adiectiua ex modo significadi suo, significant formam aliquam velut adiacentem siue inherenter alteri. Vnde fit, vt quemadmodū formæ inhærentes alteri multiplicari solent secundum multiplicationē suppositorum siue subiectorum, quibus adiacent, ita etiam ea nomina, quæ adiectiuè formam aliquam significant. Quare cum supposita in diuinis plura sint, fit, vt in numero multitudinis de illis affirmantur nomina adiectiua.

Sed an hæc D. Thomæ doctrina vera sit, nonnulla sanè ratio dubitandi est. Primò, quoniam si substantiua multiplicantur secundū multiplicationem formæ, sequitur, quòd si Verbum diuinum as-

sumpsisset duas humanitates, dicendū esset plures homines, quia homo est nomen substantiuum. Cōsequens autem apertè negatur à S. Thom. 3. p. q. 3. art. 2. Igitur neque illud est verum vnde illud sequitur.

Secundò. Nam sequeretur, eum, qui habet plures artes, dicendum esse plures artifices; quia *artifex* est substantiuum nomen, atque ideo multiplicabitur secundum multiplicationem formæ.

Tertiò, ita Scotus argumentatur in 1. d. 12. Terminus numeralis semper ponit suum significatum iuxta significatum nominis, cui adiicitur; sed tam substantiua, quàm adiectiua de formalis significant formas: Ergo nomen numerale additum tam nomini substantiuo, quàm adiectiuo, ponit suum significatum iuxta formas; ac proinde etiam ad multiplicationem adiectiui requiretur multiplicatio formæ.

Quartò. Si ad multiplicationem adiectiui nō requiritur multiplicatio formæ; maximè, quia, vt dicit S. Thom. non significant formam, quasi per se, sed vt alteri adiacentem. Ex quo sequi videtur, ad eorum multiplicationem sufficere multiplicationem eius, cui forma accidit. Sed hæc ratio non est bona: Ergo neque erit vera illa doctrina D. Thom. Minor probatur. Nam sequeretur pari ratio-

ne nomina connotatiua esse dicenda in plurali de personis; vt quòd sint tres creatores & duo spiratores. Sed hoc consequens negatur à S. Thom. 1. p. quæst. 36. art. 4. ad 7. Ergo falsum id est vnde hoc sequitur. Maior patet. Nam etiam ista nomina *spirator* & *creator* significant formam, vt alteri adiacentem, videlicet subiecto habenti virtutem creandi & spirandi. Et inter nomina connotatiua & adiectiua, quoad hoc, non est differentia; quamuis alioqui in eo Gramaticè differant, quòd adiectiua variantur per omnia genera; connotatiua non item.

Nihilominus doctrina illa S. Thom. est vera. Et fundamentum illius est, quoniam ad hoc, vt nomen in plurali prædicetur, requiritur & sufficit, vt id, de quo principaliter, quantum est ex modo significandi illius, dicitur, plurificetur. Sed id, de quo principaliter nomina substantiua in concreto dicuntur, non potest multiplicari, nisi forma significata per nomen multiplicetur; contrà verò, id de quo principaliter nomina adiectiua in concreto dicuntur, potest multiplicari, etiam si alioqui forma significata per nomina adiectiua, non multiplicaretur: Ergo ad multiplicationem nominis substantiui in concreto, requiritur multiplicatio formæ; ad multiplicationem

A autem nominis adiectiui non item. Maior est clara. Minor probatur. Nam forma significata per nomen substantiuum est intrinseca subiecto, de quo principaliter dicitur nomen substantiuum in concreto; quare non simpliciter multiplicatur id, de quo substantiuum dicitur, nisi multiplicata simul etiam forma. Forma verò significata per nomen adiectiuum non est intrinseca subiecto, de quo adiectiuum dicitur, sed extrinseca. Vnde in hac enunciatione: Homo est albus; dicitur esse prædicatum subiecto extrinsecum. Quare benè potest intelligi, quòd id, de quo principaliter adiectiuum nomen in concreto dicitur, multiplicetur, quamuis forma significata non multiplicaretur. Denique confirmatur ea doctrina S. Thomæ ex modo loquendi Orthodoxorū Patrum. Nam in Concilio Syrmiciensi can. 22. dicitur: *Qui Patrem, Filium, & Spiritum sanctū tres Deos dixerit, anathema sit.* Et in C. Firmiter. ex Con. Later. sub Innocētio III. dicuntur omnes personę omnipotentes aq̃uè, vbi nomen omnipotens plurificatur, quia sumitur adiectiue. Quare quod D. Athanasius dicit; *Non tres omnipotentes*, intelligitur sumendo illum terminum substantiue, vt exponit loco citato S. Thom. id est, nō vt significat formam, quasi alteri adiacentem,



centem, sed vt significat formam A absolutè, quam esse vnàm in diuinis personis omnibus volebat ibi docere D. Athanasius.

Sequitur ex hac doctrina temerarium esse, quod Marsil. in 1. lib. sent. quæst. 5. art. 2. Et Petrus de Aliaco in 1. quæst. 3. aiunt, de rigore sermonis, rectè posse dici personas esse tres Deos, & tantū B vitari oportere eū modū loquendi propter periculum, ne credantur tres diuinitates. Sed iam patet ex dictis, eum modum loquendi de rigore falsum esse, & cōtra Concilia & Patres, qui tres Deos dicere quàm maximè alienū esse à Christiana fide passim asseuerant, vt patet ex aliquot eorum testimoniiis, quæ supra lib. 1. cap. 26. citauimus.

Iam ad primum argumentum respondeo, S. Thomā in eo solum assignare differentiam, quod ad multiplicationem substantiui, requiritur multiplicatio formæ, ad multiplicationem adiectiui non item: ceterum non negat, quin nomen substantiui & adiectiui in hoc conueniant, quod ad multiplicationem eorum requiritur semper multiplicatio supposito- rum. Quare cū in mysterio incarnationis supernaturaliter cōtingat non esse plura supposita; rectè idē D. Thomas negat, Verbum fore duos homines, etiamsi essent humanitates duæ assumptæ.

Ad secundum respondetur, nomen *artifex*, quidquid sit de Grāmatica, Logicè tamen esse velut adiectiuum; quia significat formam, vt alteri adiacentem. Item dato, quod esset substantiuum eo modo, quo hīc loquimur; tamen propter plures eiusdem hominis artes, non est dicendum esse illum plures artifices, cū non sit plura supposita; id quod requiritur ad pluralitatem substantiui concreti.

Ad tertium, concessa Maiore, negatur Minor. Nam significatū, de quo dicuntur principaliter nomina adiectiua, quatenus vsurpantur quidem in concreto, propter modum significandi, est subiectum; quamuis alioqui vnumquodque nomen absolutè, vt distinguitur à nominibus aliis, abstrahendo à modo significandi, formam principaliter significet. Ex quo intelligitur, quid sit illud quod dici solet, nomen adiectiuum aliud significare, & de alio dici.

Ad quartum respondeo, quantum est ex vi vocabulorū potuisse quidem (vt argumentum probat) pari ratione dici duos creatores, & spiratores; sed tamen vsus obtinuit, vt illa nomina substantiue sumantur in diuinis

## CAPVT V.

*Explicatur questio quarta supra c.*

*1. proposita; Virum scilicet quod propriū est alicuius diuina persona possit negari de nominibus diuinis essentiam in concreto significantiis: ut in hac propositione: Deus non generat; & sic de aliis.*

**D**VÆ sunt sententiæ contrariæ de hac enunciatione, Deus non generat. Prima est Durandi in 1. dist. 4. quæst. 2. & Gregorij ibidem quæst. 1. & Aureoli apud Capreolum eadem distinct. quæst. 1. & Gabriel quæst. 1. artic. 2. hi putant esse veram in rigore sermonis. Contrariam tamen sententiam asserit S. Thomas 1. part. quæst. 39. artic. 4. ad 3. & S. Bonauentura in 1. dist. 4. quæst. 1. art. 1. & Albertus Magnus ibidem quæst. 1. art. 1. & Caietanus in illa quæst. 39. art. 4. 1. par. & alij Thomistæ.

Quoniam verò argumenta, quæ pro vtraque parte adferuntur, non videntur satis expedita, breuiter pro solutione huius difficultatis, notandum est. Quod si ille terminus, **D E V S**, in illa propositione accipiat ut singularis, ut videlicet significat vnū illud simplicissimum identificans tres personas, sic procul dubio propo-

**A**tio illa vera est in rigore. Probatur. Nam de illo vno simplicissimo verè negatur, quod generet personam diuinam, sicut negatur de essentia, ut patet ex capite, Damnamus, de summa Trinitate & fide Catholica. Et confirmatur. Nam quod Deus generet, non est verum, nisi vocabulum Deus supponatur pro persona Patris: Er-

**B**go, quando non supponitur pro Patre, sed pro essentia, siue pro illo vno simplicissimo, falsum est, quod Deus generet, & consequenter verum, quod non generet. Quare minimè probāndus est Caietanus, qui 1. par. quæst. 39. artic. 4. concedens Aureolo, quod in illa propositione (Deus non ge-

**C**nerat) ille terminus **D E V S** supponatur determinatè pro essentia; dicit tamen nihilominus, propositionem esse falsam: Ratio Caietani est, quia (inquit) supponitur tunc ille terminus pro essentia nō quomodocumque; sed ut subsistens est absolutè, & ut eatenus est in concreto hic Deus. Putat autem

**D** ipse Caietanus essentiam in concreto, siue ut subsistens est, generare; quamuis essentia, ut natura est, & ut significatur in abstracto, non generet. In hoc, inquam, minimè audiendus est Caietanus. Nam etiam si opinio eius de subsistentia essentiæ absoluta vera esset (de quo dicemus in sequenti capite) tamen omnino est contra

fidem, quod aliquid absolutum generet in diuinis; sicut est contra fidem, quod aliquid absolutum distinguatur realiter à persona genita. Nam inter generans & genitum ut sic, debet esse distinctio realis; ut patet ex capite Damnamus; ubi quoniam talis distinctio non est inter essentiam & personam, damnatur illa propositio; Essentia generat. Item hæc opinio Caietani est aperte contra mentem S. Thomæ & omnium aliorum Doctorum, qui non aliter admittunt enunciationem illā; *Deus generat*, nisi quatenus ille terminus, *Deus*, supponitur determinatè pro persona. Maneat igitur, quod dictum est, videlicet, si accipiamus illum terminum *Deus*, tanquam terminum singularem significatè essentiam in concreto, id est, vnum illud simplicissimum quod identificat tres diuinas personas; veram esse de rigore illam propositionem; *Deus non generat*.

Siverò loquamur de illo termino, ut habet etiam conditionem termini communis, sic omnino videtur falsa illa propositio. Nam quamuis in illa non restringatur aliquo modo ille terminus, ut peculiariter supponatur ibi pro persona Patris, tamē neq; etiam persona Patris excluditur ibi vllō modo à suppositione illius, & ita videtur accipi in illa propositione

A vniuersaliter, prout supponi etiā solet pro omnibus illis quibus tanquam terminus communis attribui potest, videlicet pro essentia, & pro qualibet persona. Quare propositio illa falsa est. Falsum est enim, nihil eorum, pro quo supponitur ille terminus, generare; generat enim Pater, qui non excluditur in illa propositione, ut dictum est.

Atq; hoc rursus ita confirmatur. Nam illa negatio, videlicet, *non generat*, simpliciter videtur negare generationem, de quocunq; supposito diuino, ac proinde falsa est ea propositio. Sicut si diceremus: *Homo non crescit*, negatio efficeret, ut propositio ista absolutè esset falsa, propterea quod vniuersaliter negat augmentum de quocunq; homine; quamuis aliqui aliquis homo in particulari sit, qui amplius non crescat.

Et ex hoc patet responsio ad argumentum quoddam Durandi, quo is probabat, illam propositionem esse veram; quia videlicet sit indefinita; quam ideo satis sit in aliquibus singularibus verificari; puta si dicas: *Filius non generat*, & : *Spiritus sanctus non generat*, pro quibus etiam supponitur ille terminus *Deus*. Dicendum est enim aliud esse iudicandum de indefinitis affirmatiuis, aliud de negatiuis. Negatio enim cum sit, ut dicunt Logici, malignantis naturæ, vide-



videtur vniuersaliter negare, etiā A  
in propositione, quæ appareat alioqui indefinita. Quod patet ex communi vsu loquendi. Si enim quis diceret; *Homo non est albus*; vel, *Homo non contraxit originale peccatum*; falsæ iudicarentur istiusmodi enunciationes, quamuis de aliquo singulari verè ista negentur. Sic igitur in proposito.

Quæret fortè aliquis, quid dicendum sit ad questionem, quando illa propositio absolute profertur, non exprimendo, vtrum accipiat ille terminus, *Deus*, tanquam singularis vel tanquam communis? Respondetur simpliciter loquendo probabilius esse, quòd sit falsa. Nam cum vtroque modo possit accipi terminus, si aliud non declaretur; vtroque modo accipi videtur, quando simpliciter profertur. Quare rectè dixit S. Thomas significari in illa propositione, quòd nullo modo sit in diuinis generatio, ac propterea esse falsam. Ex his iudicandum est de illa contraria opinione aliorum. Nam si accipiant illum terminum vt singularem, verè opinantur, si vt communem, vel simpliciter vt communem & singularem; falsò. Et Aureolus quidem, vt singularem accepisse videtur. Durandus verò vt communem.

## CAPVT VI.

*Explicatur questio quinta supra capite 1. proposita; Virum videlicet præter subsistentias personarum relatiuas, sit alia quadam absoluta subsistentia ponenda in diuinis.*



**E**st de hac questione singularis quedam opinio doctissimi aliorum, qui Theologi Caietani, qui 1. parte, questione 3. articulo 3. & questione 39. articulo 4. existimauit præter tres subsistentias relatiuas, quibus constituuntur diuinæ personæ, esse etiam in diuinis quandam subsistentiam absolutam, quæ cum essentia diuina constituat hunc Deum subsistentem; pro quo (inquit) supponitur ille terminus, *Deus*, acceptus essentialiter; vt in illa enunciatione, *Deus creat*, & similibus. Reiiçitur autè à multis, & putatur temeraria hæc opinio, propterea, quòd videtur ponere quasi quartum suppositum in diuinis.

**D** Possumus autem de hac opinione Caietani commodissimè (vt mihi videtur) hunc in modum iudicium facere. Vel nomine subsistentiæ absolutæ intelligit nihil aliud, quàm rationem substantialem absolutam in diuinis, vt substantia distinguitur contra accidens, quæ ratio

nec virtualiter quidem distinguitur ab ipsa ratione substantiali absoluta essentia diuinæ; licet nihilominus essentia dicatur in concreto hic Deus subsistens propter sui complementum & perfectionem: Vel intelligit eo nomine (vt certe videtur) aliquam aliam rationem substantialem virtualiter distinctam, & ad nostrum modum intelligendi, superadditam ipsi rationi substantiali essentia, vt essentia est natura, per quam quidem superadditam rationem essentia iuxta nostrum concipiendi modum quasi contrahatur, & fiat peculiariter singularis, vt ita denique constitutum ex illa ratione, & essentia dicatur hic Deus in concreto subsistens absolute.

Si primum tantum velit; in re nihil diceret contra veritatem. Neque enim aliud tunc intelligeret, quàm essentiam ipsam intrinsecè esse substantialiter perfectam & completam, quod verissimum est: non satis tamen cautè loqueretur, vocando simpliciter rationem substantialem essentia, subsistentiam; ad eum modum videlicet, quo proprietates personales, simpliciter etiam subsistentia dicuntur. Nam communiter in Conciliis & scriptis Patrum, nomen subsistentia refertur ad suppositum, aut ad proprietatem personalem. Vnde dici solet, tres esse subsistentias in diuinis, sicut

A supra capite primo, commemorauimus ex Concilio generali V. Quemadmodum etiam & D. Athanasius in sermone de Deipara initio ait, venerari Orthodoxos *vnū Deum in tribus subsistentiis, in quibus vna sit substantia, vis, & efficacia.*

Si verò secundo modo Caietanus intelligat; sanè opinio illius superuacanea est, & præterea plus quàm falsa. Superuacanea quidè; nam subsistentia relatiue cum sint infinita perfectionis, & adeo intimæ ipsi naturæ diuinæ, vt sint de ratione illius (quemadmodum dictum est supra lib. I. cap. 29.) ad omnia sufficiunt, ad quæ posset aliquis imaginari, necessariam esse illam quartam subsistentiam absolutam.

C Est etiam illa opinio sic intellecta, plus quàm falsa in re. Nam ratio substantialis addita naturæ singulari intrinsecè, sicut est essentia diuina, statim constituit personam: Vnde (nisi chimæras velimus fingere) de ratione subsistentia propriè dictæ, quatenus significat gradum superadditum naturæ, est incommunicabilis, vt patet ex dictis supra lib. I. cap. I. Quare illa opinio Caietani sic intellecta, non immeritò visa est multis ponere quartam personam absolutam in diuinis. Accedit quod D. Athanasius secundum doctrinam Ecclesiæ Orthodoxam rectè in Dialogo de Trinitate contra Anomeos

pag. 165. scripsit, essentiam non A  
nisi *ut in individuis spectatur, hoc est,*  
*in hypostasis subsistere.*

Sed tamen maioris claritatis  
caussa refutanda præterea sunt  
quatuor argumenta, quibus pro-  
bari videtur opinio Caietani in il-  
lo etiam sensu secundo. Primum  
essentia diuina, ut absolutum quid  
est, est simpliciter infinita. Ergo in  
latitudine absoluta debet habere  
peculiarem subsistentiam absolu-  
tam. Consequentia patet. Nam a-  
liàs in ea latitudine carebit maxi-  
ma perfectione. Et consequenter  
non erit infinita.

Respondeo. Est quidem essentia  
sine rationem absolutam simpliciter  
infinita; sed tamē ad hanc infinitatē  
sufficit illi perfectio subsistentia-  
rum relatiuarum, quam intimē si-  
bi in illa ipsa ratione absoluta idē-  
tificat. Sicut enim entitas illa ab-  
soluta in re non constat, nisi iden-  
tificando in se actu entitatem re-  
latiuarum subsistentiarum; ita et-  
iam nec infinitas perfectionis e-  
ius. Ratio autem, propter quam  
in illa infinitate non includit pe-  
culiarem illam subsistentiam ab-  
solutā, est, quia sicut repugnat in  
diuinis esse aliquid absolutum in-  
communicabile, ita etiam esse ab-  
solutam subsistentiam propriē di-  
ctam, de cuius nimirum ratione  
est illa incommunicabilitas. Et  
quod illud argumentum non cō-  
cludat, ex eo clarissimē patet, &

pari ratione posset quis probare,  
debere esse in essentia diuina per-  
sonalitatē absolutam. Patet, si  
hunc in modum aliquis similiter  
argumentetur. Essentia diuina, ut  
absoluta, est simpliciter infinita.  
Ergo debet habere etiam per-  
sonalitatē absolutam. Alioqui  
carebit maxima perfectione ab-  
soluta, qualis est personalitas. Ad  
quod argumētum eodē modo re-  
spōdendum necessariū est, quo de  
subsistentia est à nobis respōsum,  
videlicet satis esse, ut illa essentia  
ratio absoluta actu identificent sibi  
personalitates respectiuas, & re-  
pugnare illi infinitati, personali-  
tatē absolutā, sicut ei repugnat  
incommunicabilitas absoluta, quæ  
est de ratione absolutæ personali-  
tatis.

Secundum argumentum. Es-  
sentia diuina (ait Caietanus) non  
debet mendicare subsistentiam à  
personis. Mendicaret autem, si  
non haberet præter subsistentias  
personarum suam subsistentiam  
absolutam. Ergo est illi omnino  
tribuenda.

D Respondeo. Quamuis essentia  
talē subsistentiā non habeat; tamē  
minimē ideodici potest mēdicare  
subsistentiam à personis; quando-  
quidem subsistentiæ personarum  
sunt ipsi essentia ad eō intimā, ut  
sint vnum & idem cum illa, non  
minus quā esset subsistentia ab-  
soluta, si talis existeret in diuinis.



Tertium argumentum. Constat (ait Caietanus) ex doctrina D. Thomę 1. p. q. 39. a. 4. hoc nomen, *Deus*, in cōcreto, aliquando propriè supponi pro essentia. Ergo concedendum est, essentiam esse quoddam subsistens absolutum, vt sic cōmodè pro illo poniqueat ille terminus in concreto.

Sed ad hoc facile patet responsio ex his, quę capite præcedente disputata sunt. Dicimus enim illud, pro quo tunc nomen, *Deus*, supponitur, esse illud vnum simplicissimum identificās tres personas subsistentes; quod non est minus perfectum & completum, quàm si esset subsistens per vnam subsistentiam absolutam, vt etiam docuimus suprā lib. 2. cap. 7.

Quartum argumentum. Si non conceditur ille *hic Deus subsistens absolute*; sequitur in diuinis nullam esse rem vnam singularem, quę secundum rem sit communis tribus personis subsistentibus. Consequens est absurdum. Ergo id etiam, ex quo sequitur. Maior probatur. Nam vt essentia est res singularis per tres subsistentias regularitas, non est res vnica, sed tres potius ab inuicem distinctę; quę tres res non sunt aliquid commune, sed sunt potius incommunicabiles. Oportet igitur præterea esse subsistentiam absolutam, quę essentia sit res vna, & singularis, & communis.

**A** Respondeo. Minor est falsa: & illud item falsum est, quod in eius confirmatione sumitur. Itaque dicimus, rem illam vnam, & singularem, & communem, quam oportet esse in diuinis, nequaquam esse debere singularem per aliquā vnam subsistentiam, sed per entitatem identificantem tres subsistentias in ratione absoluta; atque adeò illa res singularis vna nihil est aliud, quàm illud vnum simplicissimum, identificās tres personas singulares. Cū enim communitas illa, quę est in diuinis, nō sit communitas alicuius abstracti secundum rationem, sed communitas per identitatem eius, quod est commune, & eorum, quibus

**C** est commune; non oportet querere singularitatem in illo communi, abstrahendo ab ipsis personis identificatis in illo. Ex quo intelligi potest, in quonam fuerit deceptus Caietanus, dum ita est argumētatus. Videtur enim quæsiuisse singularitatem rei communis in diuinis, quasi abstractam ab ipsis personis. Quod minimè facere debuit. Item ex his Caietani argumentis conici potest, eum subsistentiam illam absolutam, pro qua pugnat, intellexisse illo secundo sensu, quem plusquam falsum esse docuimus.



LIBER QVARTVS,  
DE HIS, QVAE  
SVNT PROPRIA  
SINGVLARVM PER-  
SONARVM.

CAPVT PRIMVM.

*Explicatur primò generatim, quenam sint cuiusque persona propria, secundum fidem, & quòd aliqua præterea in eo genere Theologicè disputari possint.*



VIDQVOD ALI-  
cui<sup>9</sup> personæ di-  
uinæ, aut etiam  
aliquarum pro-  
prium est, neces-  
se est, vt sit vel po-  
tentia aliqua notionalis; vel actus  
notionalis; vel processio secundū  
originem; vel relatio secundum  
notionalem actum, aut processio-  
nē; vel proprietas personalis, quæ,  
vt suprà lib. 2. ca. 14. exposuimus,  
relatione & origine continetur.  
Nam quidquid aliquid horum in  
diuinis non est, commune est o-  
mnibus personis diuinis. Nihil e-  
nim præterea reliquum est, nisi  
diuina ipsa essentia, & attributa,

A & essentiales operationes, quæ o-  
mnia æquè personis tribus con-  
ueniunt hoc ipso, quòd omnes il-  
læ sunt vnus Deus, vt superiùs lib.  
1. cap. 26. probatum est. Cùm au-  
tem de potentiis notionalibus, &  
notionalibus actibus, & proces-  
sionibus, & relationibus, & pro-  
prietatibus personalibus suprà li-  
bro secūdo in comparatione ipsa-  
rum personarum inter se, ita di-  
sputauerimus, vt simul etiam ex-  
plicatum à nobis sit, quid ex his  
vnicuique personæ competeret,  
satis apparet, quod ad rem qui-  
dem attinet, parum hoc loco su-  
peresse, quod de personarum pro-  
priis tractemus.

Ce-

Ceterum existat partim in Scriptura sacra, partim in monumentis Orthodoxorum Ecclesiæ Patrum, singulares quædam diuinarum personarum appellationes, quæ ita significant illa ipsa, quæ paulò antè diximus, esse personarum propria, ut simul tamen occasione Theologis dent, quædam præterea circa illa propria explicandi ad illustrandam magis huius mysterij fidem. Atque hæc videlicet causa est, quam ob rem aliquid etiã de hoc genere in hoc loco differere instituiamus; diuum Thomam imitati, qui præter ea, quæ ad diuinas origines & relationes spectant, peculiare etiam de singulis personis tractauit questiones. Dicamus igitur de singulis personis breuiter, quæ in hoc genere notatu digniora erunt.

## CAPVT II.

*De his, quæ propriè tribuuntur Patri.*



**P**ATRI primò tribuitur, quòd sit *principiũ*, & quidem illi soli, respectu Filij: Nam respectu Spiritus sancti communis cum Filio est illi ea nominatio, ut patet ex iis, quæ suprà lib. 2. cap. 5. & 7. sunt disputata. Ac ratio manifesta eius appellationis est, quoniam principiũ dicimus id, à quo est aliud. Pater autem est, à quo est

**A** Filius & Spiritus sanctus. Atque hoc quidem modo de Patre loquitur D. Augustinus li. 4. de Trinitate, capit. 20. & passim alij Patres Latini. Græci verò, ut Basilus, Gregorius Nazianzenus, & alij, Patrem causam esse Filij dicunt, vocabulum, causæ, pro principio usurpantes. Sed prudenter admonuit D. Thomas 1. part. quæst. 33. artic. 1. principium potius esse dicendum. Causa siquidem propriè diuersitatem quandam naturæ indicat, quæ non est vlla inter Patrem & Filium. Neq; verò, quia Pater principium dicitur, ideo Filius minor Patre est. Rectè enim D. Hilarius lib. 9. de Trinit. post medium: *Licet Pater, inquit, maior est donantis auctoritate* (intellige non re secundum quandam consuetudinem cogitandi nostram) *tamen Filius minor non est* (re videlicet ipsa) *cui vnum cum Patre esse donatur.*

Porro tria circa hanc Patris appellationem sunt hoc loco notanda. Primò notandum ex Augustino lib. 5. de Trinit. cap. 3. Nomen *principiũ*, cum sit relatiuum significans ordinem vnus ad alterum, vbicũq; est aliquis ordo, posse habere locum. In diuinis autem habet locũ dupliciter, iuxta duplex genus ordinis. Si enim consideremus ordinem, quem tota Trinitas, ut est vnus Deus, habet ad creaturas, quarum est causa; sic nomen, *principium*, dicitur in diuinis



nis essentialiter, & est commune omnibus personis. Notionaliter autem dicitur secundum ordinem originis ad intra. Et sic quidem respectu Filij est proprium Patris, & respectu Spiritus sancti est commune Patri & Filio, ut docuimus supra libro 2. capite quinto & septimo. Notionaliter autem sumptum, hoc nomen non competit Spiritui sancto, ut patet. Porro hoc nomen notionaliter sumptum, intelligit sanctus Augustinus tribui Patri, super illud Psalmi 109. *Tecum principium*, &c. Et D. Thomas intelligit ita accipi in illo loco Ioannis capite primo: *In principio erat Verbum*. Sic etiam accipitur in Concil. Syrm. cap. 23.

Secundo notandum. Hoc nomen nullo modo accipi notionaliter respectu essentialitatis: Ea enim non habet ordinem originis ad ullam personam, ut patet ex cap. Damnamus, de summa Trinitate. Nec obstat quod Patres dicere solent, personam Patris esse originem & fontem diuinitatis. Sicut loquitur D. Dionysius cap. 2. de diuin. nomin. & D. Athanasius in ora. de dicto illo: *Deus ex Deo*. & Augustinus lib. 4. de Trinitate, cap. 20. & alij. Ita enim hoc exponendum est, ut sit sensus, Patrem esse principium omnium personarum, quæ procedunt in diuinis, & quibus diuinitas etiam continetur: Sicut etiam exponit Magister senten-

tiarum in 1. distinctione vigesima nona.

Tertio notandum est. Nihil efficere Aureolum, cum in 1. distin. 29. quæst. 1. contendit auctoritate Patrum probare, quæ bene usurpari posse in diuinis nomina, Causa, atque nomen, Principium. Obiicit autem quod D. Hilarius lib. 4. de Trinitate, vocat Patrem auctorem Filij, & Augustinus lib. 7. de Trinitate, cap. quarto inquit: *Idem enim Deo causa est, ut sit, quod est causa, ut sapiens sit*. Et D. Hieronymus super tertium caput ad Ephesios: *Deus est*, inquit, *causa sua substantia*. Nihilominus enim asserimus esse vitandum in diuinis illud vocabulum. Nam primum quidem non potest proprie Deo competere ad intra. Causa enim materialis & formalis ibi non est. Neque rursus finalis, aut efficiens; cum hæc non habeant proprie locum, nisi ubi est diuersitas nature: sicut & Aristoteles, causam definiuit esse id, ad quod aliud sequitur. Metaphorice autem non est opus, in diuinis usurpare id nomen, cum habeamus aliud; ne detur occasio errandi. Ad auctoritates verò illas respondetur, exponendas esse, & non facile imitandas. Hilarius ergo auctorem accipit, pro principio. Illæ autem propositiones S. Augustini & Hieronymi sunt exponendæ negative, ut sit sensus, Deum nullam aliam

habere causam suæ substantiæ. A Quo sensu & à Lactantio Firmiano libro primo diuinarum institutionum, capite septimo, scriptum legimus, Deum à seipso fuisse procreatum. Quimodus loquendi imitandus non est.

SECUNDO, proprietribuitur Patri, quod sit ingenuus, quæ appellatio, quemadmodum non proprie significet substantiam, sed negationem quandam processionis, supra libro primo, cap. 22. & lib. 3. cap. 15. explicauimus contra Arianos. Ac notat præterea D. Damascenus libro primo, capite nono. Si *genitum & ingenuum* in proposito accipiat pro eo, quod est factum & non factum; non esse concedendum, Patrem esse ingenuum, & Filium genitum: id enim significaret diuersitatem substantiæ. Ceterum accipiendo proprie, potest cõcedi sine diuersitate substantiæ. Nam ut supra libro primo & secundo, capite quarto, ostensum est, perfectissimæ generationi, de cuius ratione est similitudo in natura, non obstat identitas naturæ generantis & geniti, sed potius conuenit.

Querat iam aliquis, utrum possit etiam Spiritus sanctus dici ingenuus? Ratio enim ex instituto de hoc disputandi merito esse potest, quia diuerso modo hac de re loquuntur sancti Patres; Gregorius enim Nazianzenus in ser-

mone de Epiphania; & D. Athanasius in Dialog. de Trinitate; & D. Hieronymus in regulis diffinitionum contra hæres. ita illum vocant. Contrà verò D. Augustinus libro quinto de Trinitate, capite sexto & septimo, & alibi; & D. Cyrillus lib. primo thesauri, cap. 1. 2. 3. & 4.; & Damascenus, ubi supra;

B & D. Hilarius lib. 4. de Trinitate, negant Spiritum sanctum esse ingenuum, quin immò est definitum idem in Concilio Toletano XI. & Syrm. can. 18. Ceterum controuersia est, ut patet, de nomine. Patres enim primò citati usurpant nomen, *Ingeniti*, prout ex vi propriæ significationis tantum negat processionem vnā, scilicet per generationem, & sic non dubium, quin cõueniat etiam Spiritui sancto, ut supra lib. 3. cap. 15. dicebamus. Alij verò Patres accipiunt, *Ingenitum*, prout est notio primi principij simpliciter, quo pacto ex usu Theologorum negat utramque processionem, sicut in illo cap. 15. ex Basilio notauimus. Et sic certum est, Spiritum sanctum

D non esse ingenuum. Et quia communiter hoc nomen accipitur, ut

notio primi principij, non est absolutè tribuendum Spiritui sancto.



## CAPVT III.

*De iis, quæ propriè tribuuntur Filio; & an is, vt Verbum est, habeat etiam respectum ad creaturas.*

**I**LLI in primis maxime proprium est, vt sit, atque appelletur *Verbum*, propriè sumendo id vocabulum. Nam ipse solus verè procedit per intellectum diuinum, vt supra lib. 2. cap. 4. probatum est, id quod omnino requiritur ad internum mentis Verbum, quale duntaxat potest locū habere in diuinis. Quam ob rem verè docet D. August. lib. 5. de Trin. c. 13. eandem relationem habere Verbum ad intelligentem, q̃ Filius habet ad Patrē, siquidem Verbū est ipsemet, pcedens Filius.

Nec sanè D. Basilii propriè de Verbo loqui cēfendus est, cū in disput. aduers. Eun. li. 5. post med. dicit, Spiritum S. esse *Verbum Filij*. Verbū igitur illū appellauit quatenus, pgressus est ipse etiam à potentia notionali Filij, sicut Filius à potentia Patris (licet diuersa processione) & quatenus voluntatem ac mentē Filij in spiratione sua hominib. declarat. In hoc. n. sensu putat ibi Basil. Spiritum S. à D. Paulo Verbū Filij appellatū esse, cū de Filio loquēs, inquit: *Portansq; omnia Verbopotentia sue*. Ad Hebr. 1.

Sed questio est hoc loco primū,

**A** vtrum Filius, quatenus Verbū est, non modò ad Patrē intelligentem habeat respectum, vt docuit D. August. sed etiā ad omnia, quæ Pater intelligit, atq; adeò etiam ad creaturas? Quod idē est, atq; querere, vtrū processerit Verbū diuinū ex cognitione omniū, quæ Pater intelligit, atq; adeò etiā creaturarū; vnde fiat, vt ad ea etiam omnia respectum habeat, tanquam ea intelligibili modo representans? Verbo enim intellectus, quasi dicuntur & representantur ea, quæ sunt intellecta.

**C** Sunt autē hac de re duæ Theologorum diuersæ sententiæ. Prima sententia est Scoti in 2. d. 1. q. 1. a. 2. & quodlib. 14. qui putat Verbum tantum procedere ex cognitione essentiæ diuinæ; personarum verò non, nisi cōcomitanter, quatenus non possunt ab essentia separari; creaturarum autem nullo modo.

**D** Probat primò, quia pari ratione Spiritus sanctus deberet procedere ex amore omnium: Sed hoc est falsum: Ergo & illud. Minor probatur. Quia amor creaturarum est liber in Deo, sed Spiritus sanctus nō procedit per amorem liberum, sed naturalem & necessarium. Ergo minimè procedit ex amore creaturarum.

Secundò. Sequeretur alioqui Verbum etiam procedere ex seipso, vt noto Patri. Consequēs est falsum. Ergo & illud vnde sequitur.



tur. Maior probatur, quia ipsum A etiam Verbum cognoscitur à Patre inter alia.

Tertiò, si Verbum procederet ex cognitione creaturarum, haberet relationem realem ad illas. At hoc est absurdum: Ergo & illud. Maior probatur. Quia Verbū dicit respectum realē ad id, à quo procedit, vt à cognito.

Quartò, potest hæc sententia sic confirmari. Nam ideo maximè Verbū procederet ex cognitione creaturarū, quia debet procedere per cognitionem perfectissimam, atque adeò per cognitionem omnium. Sed hæc ratio non valet: Ergo nihil est, cur Verbum ex cognitione creaturarum procedere statuamus. Probatur Minor primò, quia nulla perfectio accedit ad cognitionem Dei ex eo, quod est cognitio formaliter creaturarum, sed totam perfectionem habet ex eo, quod est quædam entitas in se, quæ nullo modo dependet à creaturis. Potest igitur fieri, vt Verbum procedat per intellectum perfectissimam, quamvis procedat tantum per cognitionem, vt est solum cognitio rerum diuinarum, id est, personarum & essentiarum diuinarum. Secundò probatur eadem Minor, quoniam oporteret alioqui, vt etiam procederet ex cognitione creaturarum secundum existentiam illarum, cum sic quoque cognoscan-

tur à Deo. Sed hoc est absurdum. Ergo & illud. Patet. Quia cognitio creaturarum, quoad esse existentia, est libera in Deo: Sed Verbum non procedit per cognitionem liberam. Ergo neque per cognitionem creaturarum secundum esse existentia.

Nihilominus secunda sententia S. Thomæ 1. par. quæst. 34. ar. 3. verissima est, nempe Verbum procedere ex cognitione omnium, & repræsentare omnia. Ita etiam sentit Alexander Halensis 1. p. q. 62. ar. 2. & Bonauentura in 1. d. 27. 2. par. illius, qu. 2. & omnes Theologi sectatores D. Thomæ. Quin immò ita etiam docuit D. August. lib. 15. de Trinit. cap. 14. vbi docet, Verbum diuinum procedere ex scientia æterni Patris perfectissima, per quam scilicet cognoscit omnia; & item li. 83. quæstionum, quæst. 63.

Probatur sententia hæc primò. Eadē est cognitio à parte rei, per quam Pater æternus cognoscit essentiam suā, & omnia; & nihil obstat, quò minus concedamus Verbum productum esse per illam cognitionem, non solum vt à parte rei est cognitio essentia, sed etiam vt est cognitio reliquorum omnium. Ergo ita est omnino dicendum. Antecedens pro prima parte ex se patet, & pro secunda patebit ex solutione argumentorum. Consequētia verò probatur.

Nam

Nam quando aliqua à parte rei A sunt idem, quidquid actu prædicatur de vno re ipsa, dicitur etiam de altero, nisi reuelatio fidei obftet, quò minus ex vniuersali inductione eorum, quæ nota sunt in creaturis, ita argumentemur in diuinis, vt patet ex his quæ disputauimus suprà in prolegomenis.

Secundò. Verbum diuinum procedit ex ea cognitione Patris æterni, qua seipsum is comprehendit. Sed illa est cognitio, qua non solum se, sed etià creaturas omnes, vt causa earum efficiens, cognoscit. Ergo Verbum diuinum ex cognitione etiam omnium creaturarum procedit.

Tertiò. Essentia diuina, quatenus in intellectu Patris est velut intelligibilis species, intelligibiliter repræsentat illi non solum essentiam diuinam, sed alia omnia, quæ ab ipso cognoscuntur. Ergo pari modo Verbum productum repræsentat ei omnia, & consequenter tale Verbum producit ex cognitione omnium. Antecedens est clarum. Et consequentia D probatur. Quia Verbum producit omnino simile intelligenti, vt intelligens est per speciem vel quasi speciem intelligibilem. Ergo omnia, quæ repræsentantur à specie vt species est, etiam repræsentantur à Verbo, per modum Verbi. Alioqui Verbum minimè procederet vt simile intelligenti

per speciem, si latius pateret repræsentatio speciei, quàm Verbi. Quod si quæras, quidnam sit Verbum intelligibiliter repræsentare? Respondeo, ad eum modum intelligendam esse Verbi repræsentationem, quo intelligitur repræsentatio speciei. Sicut ergo hoc, quod est, speciem repræsentare, nihil aliud est, quàm eam continere peculiarem ordinem ad res intelligibiles, id est, esse talem entitatem, vt possit esse aptum principium cognitionis illarum; ita repræsentatio Verbi consistit in hoc, quòd habet Verbum peculiarem quandam ordinem ad res, tanquam id, quod est productum per cognitionem ipsarum. Longè enim abest ab huiusmodi repræsentatione vel speciei, vel Verbi, similitudo vniuoca, fundata in aliqua conuenientia essentiali repræsentantis & repræsentati; vt patet.

Denique pro sententia nostra duci potest argumentum ex illo ipso quod Scotus ait, personas concomitanter repræsentati per Verbum. Hoc enim non aliter intelligi posse videtur, nisi vt sensus sit, idcirco Verbum repræsentare personas, quia repræsentat essentiam, tanquam productum per cognitionem illius, quæ cognitio etiam est cognitio personarum, & sic etiam concomitanter producit ex cognitione personarum,

& repræsentat illas. Sed hoc totū similiter est verum de cognitione creaturarū, cū eadem quoq; sit illarum cognitio, & cognitio essentię. Igitur etiam procedit Verbum ex cognitione creaturarum.

Iam verò ad primū argumētum Scoti, Caiet. 1. p. q. 34. a. 3. respondet distinguendo duplicem amorem creaturarū in Deo. Nam quidam amor in Deo est naturalis & necessarius, qui videlicet est creaturarum, secundum esse ipsarum possibile, quod habent in Deo; & per hunc, concedit Caietanus, procedere Spiritum sanctum. Alter amor est liber, videlicet creaturarum in se ipsis secundum proprias existētiās; & per hunc negat Caietanus Spiritum S. procedere.

Ego verò de distinctione illa duplicis amoris creaturarum, quam etiam tradit Henricus Gandau. quodlib. 6. q. 3. nihil pugno: quod autem negat Caietanus, pcedere Spiritum sanctum ex amore creaturarum in se ipsis, omnino puto falsum esse. Ratio est, quoniam ex vna parte idem est amor diuinæ essentię, & amor creaturarum secundum quodlibet ipsarum esse; & ex alia parte nihil obstat, quominus Spiritus sanctus procedat ex illo, vt re ipsa est amor essentię & creaturarum; sicut patebit ex solutione argumenti Scoti. Ergo omnino fatēdum est ita Spiritum sanctum procedere ex quocunq; diuino amore creaturarum, sicut

A ob eandem rationem ex sentētia D. Thomę. 1. p. q. 34. art. 3. fatemur Verbū pcedere ex qualibet creaturarum cognitione diuina. Atq; hæc est etiā expressa sententia D. Tho. 1. p. q. 37. ar. 2. ad 3. cuius hæc sunt verba: *Pater nō solum Filium, sed etiā se & nos diligit Spiritu sancto. Quia diligere, prout notionaliter sumitur, nō solum importat productionem diuinæ persone, sed etiam personā productam per modum amoris, qui habet habitudinem ad rem dilectā. Vnde sicut Pater dicit se & omnem creaturam Verbo q̄ genuit, in quantum Verbum genitum, sufficienter repræsentat Patrem & omnē creaturam: ita diligit se & omnem creaturam Spiritu sancto, in quantum Spiritus sanctus procedit vt amor bonitatis primæ, secundum quam Pater amat se & omnem creaturam. Et sic patet quod respectus importatur ad creaturam & in Verbo & in amore procedente, quasi secundario, in quantum scilicet veritas & bonitas diuina est principium intelligendi & amandi omnem creaturam.*

Ad argumentū ergo Scoti, concedo simpliciter Maiorē, & nego Minorem. Idē namq; amor diuinus vt terminatur ad Spiritum S. est necessarius, & vt terminatur ad creaturas, est liber. Ratio est, quoniam amor diuinus creaturarum, non ideo dicitur liber, quia secundum suam entitatem possit esse, & non esse; sed quia, quamuis in se totus quoad entitatem suam sit simpliciter necessarius, habet tamen tantam perfectionē, vt crea-  
turæ



turæ possint esse illius terminus, & possint non esse, ipso actu amoris immutato. Aequiualeat enim, quoad hoc, amori libero, qui potest esse, & non esse. Sic igitur, quamuis concedamus, Spiritum sanctum procedere ex amore, qui est liber in ordine ad creaturas, tamen inde non sequitur, quod potuerit Spiritus sanctus non procedere in diuinis; quia ille amor, etiam ut liber dicitur respectu creaturarum, non est talis, ut potuerit non esse, quoad illam ipsam perfectionem, per quam est amor liber creaturarum. Sed idcirco tantum liber respectu creaturarum dicitur, quia potuit ad creaturas non terminari. Hoc autem non impedit quod minus ille idem amor necessario à Spiritu S. tanquam à suo quodam naturali obiecto terminatur fuerit. Quemadmodum simili ratione idem re ipsa voluntatis actus potest esse necessarius respectu alicuius finis (ut puta beatitudinis in comuni) & liber respectu alicuius medij ad eundem finem; quando eodem voluntatis actu re ipsa in utrumque ferimur.

Ad secundum argumentum respondeo, duplicem posse sensum esse illius, quod in maiori propositione inferitur: Verbum diuinum procedere à se ipso, ut noto Patri. Primum est formalis, ut scilicet inferatur: Verbum esse à se ipso, quatenus formaliter denominatur esse notum Patri. Et tunc in re idem est hoc ac dicere, Verbum procedere ab ea

cognitione & notitia, per quam etiam ipsummet Verbum fuit cognitum; denominatur enim Verbum notum formaliter à notitia Patris, per quam cognoscitur. Et si sic illud intelligatur, facile in re conceditur; quamuis est impropria locutio, & non necessaria. Alter sensus potest esse materialis; ut scilicet inferatur; Verbum procedere à se ipso, quod est notum Patri. Sicut (exempli gratia) verbum in creaturis procedit aliquo modo à re cognita per eam notitiam, qua producitur ipsum verbum, quatenus nimirum impressit sui speciem intelligibilem intellectui, qui illa concurrente, producit verbum intelligibile. Et si hoc modo id intelligatur, neganda est simpliciter argumenti Maior. Nam notitia, per quam Verbum procedit in diuinis; non fit per speciem aliquam, quam Verbum imprefferit in intellectu Patris.

Ad tertium argumentum respondeo. Verbum diuinum solum habere respectum realem ad illum, à quo procedit ut à producente, qui duntaxat est æternus Pater. Ad res autem cognitās & representatas, ut sic, tantum dicit respectum rationis, quia neque ab illis procedit, ut à producentibus ipsum immediate, nec ut ab imprimantibus speciem per quam producat; quauis procedat à cognitione & notitia illarum. Adde, quod si quid probaret illud argumentum, etiam probaret contra ipsum Scotum, Verbum diuinum ne

per cognitionem quidem essentia diuinæ produci. Patet, quia neque Verbum habet respectum realem ad essentiam diuinam, vt essentia est, cum nullum habeat ordinem originis ad illam.

Ad quantum concedo Maiorem, & nego Minorem. Ad primam eius probationem dico; non ideo Verbum procedere per cognitionem creaturarum, quia aliter intelligi nequeat, quod procedat per cognitionem in re perfectissima. Est enim cognitio diuina perfectissima, etiam vt est cognitio essentia, & personarum. Sed quia, vt dictum est, nihil obstat, quò minus procedat per cognitionem, catenus etiam perfectissimam quatenus est cognitio essentia & aliorum omnium. Ad secundam probationem, Caietanus 1. part. q. 34. art. 3. negat, Verbum procedere ex cognitione creaturarum, secundum existentias illarum; quia talis, inquit, cognitio est libera. Quocirca dicit, S. Thomæ sententiam intelligendam esse de cognitione creaturarum secundum esse possibile illarum in Deo, quæ est necessaria & naturalis.

Ceterum hæc expositio aperte est contra mentem S. Thomæ. Primum enim D. Thomas 1. p. q. 34. artic. 3. absolute docet, ex cognitione omnium omnino Verbum procedere. Deinde etiam ibi di-

A cit, Verbum diuinum, eorum quidem quæ sunt in Deo, esse tantum expressiuium, non factiuium: creaturarum autem esse expressiuium & factiuium; quod maxime intelligi debet respectu creaturarum in propriis existentis, quas iam Deus facit. Iuxta illud Prophetæ: *Dixit & facta sunt*; quod ad hoc propositum accommodat illic S. Thom. Itē 1. p. q. 37. art. 2. ad 3. simpliciter etiam D. Thomas docet, Verbum procedere ex cognitione omnium creaturarum, & Spiritum sanctum ex amore omnium. Vbi obseruandum est, raro aut nunquam à D. Thoma fieri mentionem amoris creaturarum secundum esse earum possibile. Atque ita non distinguit is duplicem amorem, sicut distinguit duplicem scientiam, videlicet visionis & simplicis intelligentia; quanquam in re (sicut supra attigi) etiam amor ita potest distingui.

Respondeo igitur ad illam secundam probationem aliter, & concedo Verbum procedere etiam ex cognitione creaturarum, quoad existentias. Neque enim hoc est absurdum, etiamsi talis cognitio sit libera. Non enim libera dicitur, quia potuerit secundum suam perfectionem non esse; sed ob id solum quod potuit non terminari obiectiue à creaturis secundum existentiam ipsarum: sicut suo modo supra dictum est de amore in respon-

responsione ad primum argumētum Scoti.

Secundò circa eandem doctrinam quæri hoc in loco potest, vtrum cognitio Patris prius terminetur ad res intelligendas, quàm ad Verbum productum, vel contrà? Ad hoc Franciscus Ferrar. lib. 4. contra Gent. ca. 13. respondet, prius terminatam fuisse ad Verbum productum. Probat. Quia cognitio nostra, vt exempli gratia, lapidis, prius terminatur ad verbū productum lapidis, quàm ad lapidem. Ergo similiter in proposito se res habet. Antecedens probatur, quia ad hoc producit verbum, vt in illo cognoscatur res: Quare prius producit, & postea res cognoscitur per illud. Confirmatur hoc etiam ex D. Aug. lib. 83. qq. q. 33. dicente Patrē esse sapientem sapientia, quam genuit. Ergo videtur prius generare sapientiam, quàm per illam sapiat & intelligat res.

Respondeo breuiter, quæstionē hanc intelligi posse vel de prioritate reipsa, vel de prioritate secundum rationem & intellectum nostrū. Si de prioritate reipsa intelligatur, omnino dicendum est, non prius Patrem aut Verbū producere, aut res cognoscere, sed vtrumque facere planē simul. Et quidem quòd non prius cognoscat res, quàm reipsa producat Verbum, probatur: quia nec pri-

us tempore, nec duratione, vt patet; nec etiam prius natura. Quod probo; quia vnum in reipsa esse prius natura, quàm aliud, propriè quidem loquendo est, esse in re ipsa causam illius. At neque cognitio rerum est causa reipsa productionis Verbi, neque etiam res ipsa cognita. Non cognitio rerum: quia cognitio rerum & productio Verbi est eadem actio, Inter causam autem & effectū realem requiritur distinctio realis. Nō etiam res, quæ cognoscuntur, quia constat principium productionis Verbi esse solum Patrem. Et sic patet, nullam esse prioritatem realem cognitionis rerum respectu productionis Verbi.

Quòd autem contrà productio Verbi non sit etiam prior reipsa, quàm sit cognitio rerum, probatur eodem modo. Nam in primis nō est prior tempore, vt patet: neque etiam natura; cū reipsa eadem actio sit productio Verbi, & cognitio rerum, sicut dictum est. Item quia Pater nullo modo accipit cognitionem à Verbo producto, vt patet ex S. August. lib. 6. de Trin. cap. 1. & lib. 7. cap. 1. & lib. 15. cap. 7. vbi eo sensu negat, Patrem esse sapientem sapientia, quam genuit.

Si verò loquamur secundū nostrum intelligendi & concipiendi modum; sic prius Pater æternus cognoscit res, quàm per earū co-



gnitionē producat Verbū. Quod A nihil aliud est, quā prius nos concipere Patrē vt cognoscentem res, quā concipiamus illum vt producentem Verbum. Probat-  
tur, quia intelligimus Patrē produ-  
cere Verbum cognoscendo res,  
itaque prius concipimus ipsum  
cognoscere.

Ex his patet responsio ad ra-  
tionem Ferrariensis. Primū e-  
nim, si negemus in creaturis pro-  
duci Verbum, tanquam terminū  
distinctum à cognitione; illud an-  
tecedens nō habet locum in pro-  
posito. Secundō, dato, quod tale  
Verbum in creaturis producat; in  
diuinis non valet consequentia,  
neque de prioritate secundū rem,  
neque de prioritate secundum ra-  
tionem. Etenim Pater æternus nō  
ita producit Verbum distinctum  
à sua notitia, quasi ipse illo ad eum  
finem indigeat, vt in eo tanquam  
in quodam priori intelligat res; si-  
cut in creaturis iuxta quorundam  
opinionem, verbum distinctum à  
notitia producit; sed producit  
illud Pater æternus tantummodò  
ex fecunditate naturæ suæ, vt su-  
prà lib. 2. cap. 4. fuit à nobis expo-  
situm. Itaque neq; productio Ver-  
bi est prior re ipsa, quā cognitio,  
nec est opus, vt concipiamus Ver-  
bum, tanquam prius, in quo vide-  
licet Deus cognoscat, &c. Ad con-  
firmationem autem ex S. August.  
responderetur, sententiam illam re-

tractatam esse ab eodem, lib. 1. Re-  
tractationum, cap. 26.

PRAETEREA propriè Filio tri-  
buitur, quod sit imago Patris.  
Nam ipse ex vi processioneis suæ  
procedit à Patre, vt similis, vt su-  
prà lib. 2. cap. 4. ostensum est. De  
ratione autem imaginis est non  
modò, vt sit similis rei cuius est  
imago, sed etiam vt ab eo, tan-  
quam similis aliquo modo proce-  
dat seu exprimatur. Quod D. Au-  
gustinus lib. 83. q. 73. & 74. exem-  
plo accommodato probat. Nam  
ouum (inquit) ouo est simile; & ta-  
men, quia ouum ab ouo non pro-  
cedit, ouum oui imago minimè  
dicitur.

Sed refert Caietanus l. p. q. 35.  
art. 2. contra hanc D. Augustini, &  
aliorum Theologorum doctri-  
nam argumentum Aureoli, quod  
est huiusmodi: Si de ratione ima-  
ginis est, vt procedat ab eo, cuius  
est imago; sequitur, neminem præ-  
ter pingendi artifices posse habe-  
re imagines. Patet, quia ab illis  
tantum imagines procedunt, & fi-  
unt. Hoc argumentum dicit Caiet-  
tanus ex rudi intellectu processisse.  
Non enim contingit vno tan-  
tūmodo, aliquid procedere ab  
alio. Potest enim procedere ab  
alio, vel secundum esse reale alte-  
rius, vel secundum esse intention-  
nale, quod habet ab intellectu.  
Quamuis igitur imago eius, qui  
non est pingendi artifex, non pro-  
cedat

cedat ab eo secundum esse reale illius; procedit tamen secundum esse, quod is habet in intellectu artificis. Iam D. Augustinus processionem accipit alterutro modo.

Quoniam igitur Filius in diuinis maximè ex vi processionis suæ procedit, ut Patri similis, ipse maximè propriè imago nominatur. Et nihilominus tamen, si imaginis vocabulum paulò latius vsurpemus, pro re simili, quæ ab altero procedat, licet non omnino ex vi processionis suæ procedat, ut similis, potest etiam Spiritus sanctus nominari Patris & Filij imago. Quo sanè pacto diuus Athanasius in epistola ad Serap. & diuus Basilius lib. 5. contra Eunom. non longè à fine, & Damascenus lib. 1. cap. 18. Spiritum sanctum imaginem Filij nominauerunt. Cùm autem in libro Augustini de fide ad Petrum, cap. 1. dicitur: *Vnam esse sanctæ Trinitatis diuinitatem & imaginem; ad quam factus est homo*; imago ibi ponitur pro exemplari, ut rectè D. Thomas explicauit, 1. p. q. 35. art. 1. ad 1.

Accommodantur præterea Filio in Scripturis alia plura nomina, de quibus, cùm nullam contineant peculiarem difficultatem, operæ pretium non est in proposito disputare. Colligit ea summam D. Gregorius Nazianzenus in Apologetico 1. non longè à fine, paucis illis ac elegantibus

verbis: *Quis, inquit, sine vitæ probitate & speculatione per omnes Christi appellationes, ac vires, & facultates, iam sublimiores illas ac primas, quam, quas humiliores subiit, perrexeris? nimirum Dei, filij, imaginis, verbi, sapientia, veritatis, lucis, vitæ, potentia, vaporis, defluxionis, splendoris, factoris, regis, capitis, legis, viæ, portæ, fundamenti, petra, margaritæ, pacis, iustitiæ, sanctificationis, redemptionis, hominis, serui, pastoris, agni, pontificis, victima, primogeniti ante creaturam, primogeniti ex mortuis, resurrectionis? De quibus etiam Filij nominibus pulchrè D. Hilarius libro de vnitate Patris & Filij sub finem, & Theodoretus li. 2. de curandis affectionibus Græcorum.*

#### CAPVT IV.

*De iis, quæ propriè tribuuntur Spiritui sancto.*



PERSONÆ Spiritus sancti, præter ipsam Spiritus sancti appellationem, de qua dictum à nobis est suprà libro 2. cap. 14. primò tribuitur propriè, quòd sit amor, procedens ac productus à voluntate diuina. Quod ut rectè intelligatur, notat D. Thomas, 1. p. q. 37. art. 1. vocabulum *Amoris* tribus modis accipi in diuinis. Primò pro amore essentiali, hoc est, absoluto, qui communis est

*Amor*

*omni-*

omnibus personis diuinis. Secundo, pro amore notionali, hoc est, respectiuo, quo Pater & Filius produciunt Spiritum sanctum. Tertio, pro amore notionali, producto; & sic est proprium Spiritus sancti, qui videlicet est hic ipse amor, productus. Quæ doctrina facile intelligitur ex his, quæ supra lib. 2. cap. 4. disputauius de distinctione intellectus diuine, essentialis, & notionalis; ac de simili distinctione amoris.

Ponitur autem hæc distinctio à D. Augustino libro 15. Trin. cap. 17. quem communiter Doctores sequuntur cum Magistro in 1. distinct. 32. Et ut vidimus supra loco citato, consequenter loquendo ad ipsum sanctæ Trinitatis mysterium, oportet omnino hanc distinctionem admittere. Pro cuius maiori declaratione sunt aliquot argumenta soluenda, quæ sunt contra illam.

Primum est Aureoli apud Capreolū in 1. dist. 32. quæst. 1. Nam si est quidam amor essentialis, per quem non produciatur persona diuina; & quidam notionalis, per quem produciatur; sequitur in diuinis esse duos amores realiter distinctos. Sed ad hoc facile dicitur, satis esse distinctionem virtualem, ut patet ex dictis supra lib. 2.

Secundum. Cum ex Scripturis non constet hæc distinctio, videtur quædam temeritas illam ad-

mittere in re grauissima. Ad hoc Magister sent. conatur respondere, ubi supra, probando istam distinctionem ex illo, quod habetur 1. Ioan. 4. *Deus charitas est*. Et iterum; *Dilectio est ex Deo*. Nam primum illud dicit intelligendum esse de dilectione essentiali; secundum de notionali; quoniam videtur ibi denotari origo. Ceterum ex hoc loco non sufficienter ea distinctio probatur. Nam in Concil. Mileu. cap. 4. ad probandum dilectionem niti auxilio diuino, adfertur ille locus: *Dilectio ex Deo est*. Quare videtur ibi sermo solum esse de dilectione creata: Dicendum est igitur, satis esse pro hac distinctione auctoritatem Doctorum, & præterea rationem Scripturæ ipsi consentaneam: qua supra libro 2. cap. 4. Theologicè conclusimus, admittendam esse eam distinctionem.

Tertium argumentum occurrit ad probandum, quod ea distinctio sit insufficiens. Nam ubi legimus ad Coloss. 1. *Et transfudit in regnum Filij dilectionis suæ*; nomine dilectionis non videmur posse intelligere dilectionem essentialem, neque notionalem; quia dici non potest, Filium procedere à dilectione essentiali, vel notionali; cum tamen ibi sit sermo de aliqua dilectione Dei, ex qua Filius procedat. Dicit enim Apostolus: *Filij dilectionis suæ*.

Ad



Ad hoc respondeo primò cum A. D. Augustino lib. 15. Trin. cap. 19. & D. Thoma lectione 3. in epistola ad Coloss. Illic sermonem esse de dilectione essentiali; & illum genitium casum, *Dilectionis*, non denotare habitudinem causæ, sed solum formæ, quam Filius etiam habet. Quemadmodum dici solet: Vir egregiæ formæ; ubi B. sensus non est, quòd sit productus à forma, sed quòd habeat illam. Ita in proposito, cum dicitur; Filij dilectionis suæ, sensus est, Filij, qui habet eandem essentialem dilectionem communem cum Patre.

Secundò respondeo cum S. Thoma, 1. p. quæst. 41. art. 2. ad 2. Accipi quidem dilectionem ibi essentialiter; phrasin autem esse Hebraicam, ut sensus sit; In regnum Filij sibi dilectissimi; quo pacto id etiam exponit loco citato D. Augustinus. Si autem benè utramque expositionem consideremus, apparebit, iuxta utramque dici posse, quòd accipiatur dilectio notionaliter etiam. Ratio est, quoniam Filius, ut dilectionem D. essentialem, ita notionalem habet communem cum Patre; Item, ut essentiali, ita notionali est Patri dilectissimus. Diligit enim Pater se & omnia, etià per dilectionem notionalem.

Sed quæri solet hoc loco, utrum verè dici possit, Patrem &

Filium sese inuicem diligere ipso etiam Spiritu sancto? D. Thomas 1. p. quæst. 37. art. 2. distinguit de dilectione. Nam dilectione essentiali negat Patrem & Filium se Spiritu sancto diligere: sua enim duntaxat essentia se sic diligere; dilectione autem notionali verè id dici posse concedit. Quæ D. Thomæ assertio recepta est communiter à Theologis in 1. dist. 32. quanquam illic Magister hanc quæstionem dubiam reliquerit. Ac docuit hoc etiam S. Augustinus 15. Trin. cap. 17. & D. Hieron. super Psal. 14. & D. Bern. in libro de diligendo Deo.

Et probatur hoc modo. Quando agens aliquid efficit, quod C. medium sit inter actionem & ultimum terminum, quem agens respicit per illam actionem, ut aliquo nomine significatur; tunc nò solum per actionem ipsam, sed etiam per illud medium dicitur respicere ultimum terminum, ad quem tendit. Sed in proposito, Spiritus sanctus est tanquam medium aliquid productum per eam actionem dilectionis, qua Pater & Filius respiciunt seipsos, ut ultimum terminum. Ergo non solum per illam dilectionem, sed etiam ipso Spiritu sancto per eam producto; se diligunt. Maior probatur: quia omnia, quæ agens efficit, ordinat ad ultimum terminum, quò tendit actio; ergo omnibus

illis, quæ antecedunt ultimum terminum, rectè denominatur agens respicere illum. Minor est clara; quia per illam volitionem notionalem, quatenus dilectio dicitur, Pater & Filius tendunt in se ipsos, amando se videlicet; & ut patet, producendo Spiritum sanctum, amant se ipsos, atque adeo Spiritus sanctus est quasi medium inter actionem illam, & Patrem, & Filium, ut sunt eius actionis ultimus terminus. Confirmatur hoc ipsum, ea etiam ratione, quod Spiritus sanctus verè est inclinatio quædam Patris in Filium, & vicissim Filij in Patrem, quandoquidem est amor productus ab utroque. Ergo verè dicuntur amare se Spiritu sancto, tanquam inclinatione quadam in se ipsos.

Ex quo intelligi potest, rectè Richardū Victorinum in epist. ad D. Bern. de processione Spiritus sancti in hunc modum dixisse: *Si tu rectè diceris amare te amore cordis tui, cur non etiam rectè dicantur Pater & Filius amare se amore cordis sui, qui est Spiritus sanctus?* Sequitur etiam, nō perinde posse dici, quod Pater & Filius spirent Spiritu sancto. Ratio est, quoniam Spiritus sanctus non est aliquid medium inter spirationem, quatenus spiratio dicitur, & ultimum huius actionis terminum, sed est ipse ultimus terminus. Quare si Pater & Filius dicerentur spirare Spiritu

A sancto, significaretur aliqua habitudo Spiritus sancti ad seipsum, quod esset absurdum. Non enim dici potest, quod significaretur habitudo ad Patrem & Filium; Pater enim & Filius nō se spirant Spiritu sancto, sed diligunt.

Est igitur in hoc genere diligenter attendendum, an effectus quispian alicuius actionis medius sit inter illam & ultimum terminum, vel non, sed ipse sit ultimus terminus. Nam si medius sit, agens potest denominari per illum etiam agere; secus verò, minimè. Vnde non benè diceretur: Aedificator ædificat ædificio; benè autem diceretur: Ignis generat ignem calore, non solum in ipso generante igne existente, sed etiam eo quem producit in ligno. Nam is etiam calor mediat inter actionem & effectum seu terminum ultimam actionis, scilicet ignem generandum. Atque ex his patet solutio argumentorum omnium, quæ Caietan. 1. p. q. 37. art. 2. ex Durando & Scoto refert contra eam doctrinam S. Thomæ.

D Respondendum est tamen nominatim ad vnum quoddam argumentum, quod ex dictis nondū potest dissolui. Nam D. Aug. lib. 7. de Trin. cap. 1. & lib. Retract. cap. 26. negat hanc propositionem; Pater est sapiens sapientia genita, ergo etiam ista est neganda, Pater diligit dilectione producta. Videtur

detur enim S. Augustinus etiam A  
retractasse hanc propositionem,  
quando illam, quæ similis est, re-  
tractauit.

Respondeo primùm, esse dif-  
ferentiam; quòd *sapere*, vel *sa-  
piens* solet sumi tantùm essentia-  
liter, & propterea non perinde  
dici potest, Pater sapit sapientia  
genita. Secundò dico. Si illius  
propositionis: *Pater est sapiens sa-  
piencia genita*; sensus sit, Patrem  
cognoscere res in Verbo obiecti-  
uè; ita vt non significetur aliqua  
alia dependentia cognitionis Pa-  
tris à Verbo; in rigore æquè be-  
nè posset dici, sapiens sapientia  
genita, atque intelligens vel di-  
cens sapientia genita, & diligens  
dilectione producta. Quare S. Au-  
gustinus tantùm retractauit illam  
propositionem, si sit sensus, Ver-  
bum esse causam Patri, vel prin-  
cipium, vt intelligat: in quo sen-  
su etiam negandum est, quòd diligit  
Spiritu sancto.

ALTERVM nomen quod præ-  
cipuè accommodari solet perso-  
næ Spiritus sancti, est DONVM. D  
Qua de re conuenienter doctrinæ  
D. Augustini lib. 4. de Trin. cap.  
20. & lib. 5. cap. 15. & 16. & lib. 15.  
cap. 19. duo notata sunt rectè à D.  
Thoma, 1. part. quæst. 38. Vnum  
est, vocabulum hoc DONVM & per-  
sonæ procedenti, & essentia posse  
tribui in diuinis. Personæ proce-

dent; quia vt aliqua res sit donum  
tres cōditiones requiruntur. Pri-  
ma, vt sit donantis. Secunda, vt  
possit ab eo, cui donatur, posside-  
ri. Tertia, vt supra eiusdem facul-  
tatem sit. Sed hæc omnes conditio-  
nes cōperunt personæ diuinæ pro-  
cedenti. Ergo rectè donū dici po-  
test. Minor probatur. Nam perso-  
na procedens est personæ produ-  
cētis, & donātis ratione originis.  
Itē possideri potest à creatura ra-  
tionali per fruitionem. Deniq; est  
super naturalem facultatem crea-  
turæ, vt patet. Potest etiā tribui id  
nomen essentia diuinæ, quatenus  
donū secundum identitatē etiam  
dici potest esse ipsius donantis.

Quo pacto eadem res esse po-  
test donum ipsum & donans. Et  
sic quidem essentia diuina, & De-  
us, & Trinitas ipsa se donant per  
gratiam rationali creaturæ, vt  
hæc frui quoque ipsa diuinitate  
possit: sicut & per iustitiam et-  
iam Deus se dat mercedis lo-  
co propter merita: *Ego enim, in-  
quit, ero merces tua.*

Alterum, quod diuus Tho-  
mas notat, est, nomen hoc DO-  
NVM, quatenus personale est,  
esse proprium Spiritus sancti.  
Probatur. Quia Spiritus san-  
ctus solus ex vi suæ processio-  
nis procedit, vt amor. Sed a-  
mor est id, quod primò omni-  
um donatur, & ratione eius reli-  
qua. Ergo propter hanc peculia-  
rem



rem rationem, illud nomen est A  
proprium Spiritus sancti.

Sed porro, vt rectius intelligatur hæc ipsa doctrina, quinque nobis occurrunt notanda. Primum est, dupliciter aliquod nomen personale posse esse proprium alicui personæ diuinæ. Primò ex vi suæ significationis, quæ propriè tantum competat personæ sic procedenti. Et hoc modo nomen, VERBVM, personaliter acceptum, est proprium Filij, qui solus procedit per intellectum; id, quod pertinet ad significationem huius nominis. Secundo modo, propter vsum, & accommodationem Doctorum, qui attendentes aliquam peculiarem rationem in vna personâ, meritò aliquod nomen illi soli tribuerunt. Et hoc solummodò probat illa ratio S. Thõ. nomen, DONVM, esse proprium Spiritus sancti. Alioqui si solam vim significandi illius attendamus, procul dubio etiam posset competere personæ Filij; quandoquidem Filio etiam conueniunt tres illæ conditiones, quas cum eodem D. Thoma docuimus ad significationem eius nominis pertinere. Neque verò, quòd Spiritus sanctus sit amor, atque adeo id, quod primò solet donari, efficit, vt illi soli nomen doni ex vi suæ significationis competat. Quamuis enim id ita sit, tamen non consuevit dici donum solus amor, sed alia mul-

ta. Illa ergo ratio S. Thomæ tantum ostendit, meritò à Doctoribus fuisse id nomē soli tertiæ personæ attributum; quod facile facere potuerunt, cum vsus alioqui nominum sit ad placitum.

Secundò notandum, hoc nomen donum, vt Spiritui sancto tribuitur, duas relationes obiectiuè significare: ac similiter etiam vt tribuitur cuicunque alteri rei. Prima est ad donantem. Et hæc in Spiritu sancto est realis, non tamen distincta ab illa, quam Spiritus sanctus habet ad Patrem & Filium ratione originis. Ita enim inquit D. Augustinus lib. 4. Trin. ca. 20. *Spiritum sanctum donum esse, nihil est aliud, quam ipsum à Patre & Filio procedere.* Secunda est ad eum, cui donatur. Et hæc in Spiritu sancto est relatio rationis ad creaturas, quibus donatur. Sicut etiam relatio cuiuscunque alterius doni, ad eum, cui donatur, solum videtur esse rationis, quatenus donum dicitur.

Sed existit hæc difficultas, quam tractat in illa quæst. 38. 1. p. Caietanus; Vtra istarum relationum principalius significetur nomine DONI, vt Spiritui sancto tribuitur. Et Caietano quidem relatio ad creaturas principalius significari videtur. Quamuis concedit alioqui relationem ad donantem esse magis principalem in Spiritu sancto; sed tamen non

vt is nomine DONI significatur. A quem habet ad creaturas, vt eas, Mihi videtur principalius significari relatio ad donantem. Probat. Quia illam significat obiectiue, tanquam quid intrinsecum ipsi rei, quæ donatur, atque adeo primario videtur obiectiue significari per id nomen; relatio verò ad creaturas, quasi secundario. Sed quæstio est de nomine parui momenti.

Tertio notandum, hanc relationem rationis, quam Spiritus sanctus dicit ad creaturas, vt est donum, competere illi ab æterno vt deduci potest ex verissima quadam doctrina D. Thomæ, 1. par. q. 34. art. 3. ad 2. & idem in specie affirmat, q. 38. art. 1. ad 4. Ratio est, quoniam fundamentum illius non est actualis donatio, quæ quidem est ex tempore, sed potentia Spiritus sancti, vt donetur, quæ fuit ab æterno. Atq; hoc est planè consentaneum doctrinæ S. Augustini lib. 5. de Trinitate, cap. 15. vbi docet, donum non dici ex eo, quod donetur, sed etiam, quia possit donari.

Quarto etiam est notandum, hanc relationem ad creaturas competere Spiritui sancto ratione suæ quoq; proprietatis personalis formaliter; quemadmodum & Verbo diuino competit non modò secundum essentiam, sed etiam secundum proprietatem suam personalem respectus ille rationis,

tanquam Verbum productum ex earum etiam cognitione, intelligibiliter repræsentat. Probat; quoniam Spiritus sanctus secundum suam proprietatem personalem est amor productus. Ergo etiam donum. Item: Sicut Verbum secundum suam proprietatem personalem producit ex cognitione creaturarum; ita etiam Spiritus sanctus ex earundem amore, vt supra cap. præcedente vidimus. Sed rectè idcirco dici potest; Verbum secundum suam quoque proprietatem personalem habere respectum rationis ad creaturas, vt eas quidem tanquam Verbum repræsentat; quanquam non vt eas per communem essentiam facit (quo pacto intelligendum puto D. Thomam 1. p. q. 34. art. 3. ad 1.) Ergo pari ratione respectus Spiritus sancti ad creaturas, vt donum nominatur, erit etiam secundum proprietatem illius personalem. Item; ipsa etiam persona Spiritus sancti donatur ad fruendum rationali creature. Igitur secundum proprietatem etiam personale est donum. Caietanus quidem 1. p. q. 38. art. 1. conatur ex verbis S. Thomæ ibidem in sol. 4. suadere solum ratione essentiae Spiritum sanctum esse donum. Sed contrarium potius ex verbis D. Thomæ, si rectè expendantur, colligi potest.

Quintò deniq; notandum est, Spiritum sanctum non modò donari creaturis à Patre, & Filio, sed etiam à se ipso, quatenus etiam donatur per amorem essentialem, qui communis est omnibus personis. Ratio huius est, quoniam donatio Spiritus sancti est actio ad extra, quam oportet omnibus personis tribuere. Est tamen peculiaris ratio, propter quam à Patre & Filio dicitur donari; quia videlicet illum etiam donant amore relatiuo seu notionali, quo etiã nos amant.

De aliis Spiritus sancti nominibus nò necesse est sermonem hoc loco instituire. Cõplectitur quædam in disputatione cõtra Eunomium D. Basilius li. 5. non procul à fine: *Spiritus*, inquit, *imago Filij di-*

**A** *ctus est, & Dei spiritus, & Verbum, & spiritus oris, & bonus spiritus, & rectus, & principalis, & spiritus potẽtia, & Dominus, & Deus dictus est Dei spiritus, sicut etiam ipsum Verbũ.* Quomodo autem intelligi debeat, quod D. Basilius & Verbum & imaginem Spiritum sanctum appellat, suprà cap. præcedenti exposuimus. Hęc Deo trino & vno adiuuante atque  
**B** donante occurrerunt, quę de fide ipsa sanctissimæ Trinitatis, certo illo ordine ac methodo, quam initio nobis proposuimus, tractaremus. Nunc superest, vt in postremo libro horribiles cuiusdam Polonici libelli aduersus sanctissimam Trinitatem blasphemias ad verbum ex eodem nefario libello recitatas confundamus,







LIBER QVINTVS,  
IN QVO BLAS-  
PHEMIÆ ADVERSVS  
SANCTISSIMAM TRINITATEM  
CVIVSDAM RECENTIS LIBEL-  
LI IN POLONIA EDITI  
confutantur.

CAPVT PRIMVM.

*De argumento eius libelli, & de methodo qua refutabitur.*



**L**IBELLVS IN POLONIA non ita pridē fuit libellus contra fidem sanctissimæ Trinitatis, auctore quodā, quem nominare non est necesse, vsq; adeo blasphemus, vt ne ipsius quidem auctor tantam impietatem diu ferre potuerit, sed errores suos Cracouiz, quæ est vrbs nobilissima in regno Poloniæ, superiore hyeme in magna hominum frequentia, vt certò accepimus, publicè eiurauerit. Hunc libellum, vt in hac postrema dispu-

**A**tationis parte refellerem, rationes aliquot me permouerunt.

Primùm enim etsi auctor ipse libelli ad meliorem mentem redierit, tamen fieri potest, vt alij, in quorum manibus libellus ille versatur, erranti auctori assentiantur, resipiscenti verò, & errorem agnoscanti suum non assentiantur, donec impietas ipsa per se doctrinæ manifestè confutata fuerit, & proditus spiritus Antichristianus, à quo ille libellus compositus erat.

Deinde ipse etiam libelli auctor, qui in nulla religione (vt ille met

in præfatione inquit) satis fidenter constituisse hætenus videbatur, confirmandus est, ut in agnita veritate tandem aliquando firmus persistat, ne rursus excidens à fundamento, quod est Christus, mobilitate fidei fiat Arianorum similis, quos, quia fundamentum non retinebant, similiter fuisse in omni religione errabundos & ad omnia temerarios scribit diuus Athanasius oratione de illo dicto: *Omnia mihi tradita sunt, à Patre meo.*

Quod si confirmatione nostra libelliauctor iam in fide constans opus non habet, gratum certè ipsi esse debet, si ab aliis etiam iidem errores confutentur, quos ille ex animo se detestari professus est. Denique postulat ipsa ratio institutæ disputationis, ut posteaquam fidem ipsam in vniuersum sanctissimæ Trinitatis pro mediocritate nostra contra veteres & novos Dei perduelles asseruimus, & explicationibus Theologicis illustrauimus, illa etiam, quæ ad euertendâ vniuersam eam fidem postremò excogitata & euulgata fuerunt, postremò refutemus, ne quid à nobis in hoc genere prætermittatur.

Res iam igitur mihi erit non cum auctore, qui resipuisse dicitur, sed cum illius libello; ne impietatis venenum in eo inclusum, vel nunc noceat, vel aliquando rur-

sus erumpat, & tanquam cancer serpat, atque animos simplicium pestilenter inficiat. Vbi autem auctorem appellare opus erit, in primis à Lectore cogitari volo spiritum Antichristi, vel potius ipsiusmet Dæmonis, qui fuit quoque auctor principalis eius peruerissimi libelli.

**B** Animaduerto autem, cum librum omnem esse diuisum in partes tres. Totidem enim genera argumentorum sunt ea quibus in illo fides sanctissimæ Trinitatis oppugnatur. Prima pars continet quinque veluti præiudicia, aut si mauis, quinque præiudicatas opiniones, quibus conatur suadere Disputator, doctrinam de sanctissima Trinitate non firmo veritatis fundamento, sed fallacibus hominum placitis, atque adeo mendacio constitutam esse. Secunda pars continet tria signa, siue *νετηρια* (ut Disputator vocat) quæ idipsum indicare possint. Tertia denique tria argumenta, quæ contra eam fidem directò pugnant. Respondebimus igitur ordine ad singula.



## CAPVT II.

Respondetur ad primum disputationis præiudicium, quo suadere voluit, veram non esse fidem de sanctissima Trinitate.

**P**RIMUM præiudicium est, quod Christiani ad retinendum dogma sanctissimæ Trinitatis metu pænæ compelluntur. Ex qua re vult Disputator colligi, non ideo dogma Trinitatis retineri, quia verum sit, sed quia iis, qui illud repudient, seruii quodam incusso timore pœna proponitur. Huc enim pertinet, quod in præfatione libelli ad extremum inquit: *Monstrosissimos partus* (cuiusmodi contendit esse Trinitatis dogma) *ali foveri, retineri, non posse, nisi horum parentes monstruosissima seruitute, tanquam nutrice utantur.*

Ego verò in primis hic quæro, quinam profeminatores dogmatis de Trinitate, & quasi parentes fuerunt? Certè Christus ipse & Apostoli. Verissimè enim D. Basiliius in sermone contra Sabellianos & Arium: *Dominus*, inquit, *sic docuit, Apostoli predicauerunt, Patres conseruauerunt, Martyres confirmarunt.* Et rursus ibi: *Hanc, inquit, coniunctionem Trinitatis declarat Baptismi traditio, & fidei in eo confessio.* Atque etiam D. Athanasius in epistola ad Serapionem, *Dominus*, in-

**A**quit, *emittens Apostolos suos, praecepit eis hoc fundamentum in Ecclesia ponere. Proficiscentes, inquit, docete omnes Gentes, baptizantes eos in nomine Patris, & Filij, & Spiritus sancti. Apostoli autem profecti ita docuerunt, & hac est predicatio in omnem sub celo Ecclesiam.* Et his antiquior Irenæus lib. I. cap. 2. *Ecclesia*, inquit, *per uniuersum orbem, usque ad fines terræ seminata, ab Apostolis & à discipulis eorum accepit eam fidem, quæ est in unum Deum Patrem omnipotentem, & in unum IESVM CHRISTVM Filium Dei, & in Spiritum sanctum.*

**C** Quæ Patrum testimonia verissima esse abundè constare potest ex his, quæ pro fide sanctissimæ Trinitatis disputauimus in libro primo. Num verò Christus & Apostoli, ut dogma Trinitatis, orbi persuaderet, ullam vim externam adhibuerunt? Quis nescit quam illi rationem in docendo tenuerint? Nempe solapotentia & gladio Spiritus, quod est ipsum Dei Verbum, armati, animos hominum debellarunt, ut & subiicerent intellectum in obsequium eius fidei, & in eiusdem confessione usque ad extremum spiritum constantissimè persisterent. Quare falsissimum illud est, quod sumit spiritus Antichristi, parentes dogmatis de Trinitate, eum doctrinæ quasi partum alere atque fovere in animis hominum non posse, nisi seruitute tanquam nutrice utantur.



tur. Non enim huius dogmatis parentes alij fuerunt, nisi Christus & Apostoli, qui, ut dictum est, nulla seruii pœna proposita, ipsa vi veritatis ita mentibus hominū id dogma in generarunt, & adolefcere etiam fecerunt, ut fuerint innumeri (sicut & iam sunt) qui contrā potius pro retinendo eo dogmate nullum genus mortis, nedum seruitutis, recusarent.

At his (dicit aliquis) qui ab ea fide semel suscepta desciscant, pœna nunc est proposita ab illis, qui Ecclesię Christianę, per Christi & Apostolorum prædicationē plantatę & constitutę, curam gerunt. Non nego, quin ita sanè, & quidem summa cum ratione fiat. Ut enim sapienter diuus Augustinus **C** lib. 3. contra Cresconium Grammaticum, cap. 51. & libro 2. contra duas Gaudentij epistolas, cap. 11. ratiocinatur; consentaneum minimè est, ut furta, & adulteria, & alia facinora, quę cum hominum iniuria coniuncta sunt, puniantur; grauiissimum autem perfidię scelus aduersus Deum, quod etiā vel ipso exemplo in Republica **D** Christiana perniciosissimum est, non puniatur. Hinc verò nihil minus consequitur, quàm eos, qui fidē, quam professi sunt, retinent, eam non, quia fundamento nitatur veritatis, sed solū quia metu pœnæ stabilita sit, retinere. Quid enim? An non etiam pœna decre-

**A** ta est furto & adulterio, verbi gratia, quę sunt peccata contra virtutem iustitię & temperantię? Propterea ne sequitur, iustitiam & temperantiam, à nemine idcirco, quia virtutes sunt, sed quia pœna tenetur, coli? Hęc certè consequentia nemo non animaduertit, quàm sit inepta. Quamobrem, ut **B** ad faciendum id, quod per se bonum est, metus pœnæ vtiliter incutitur, ppter eos, qui nolunt bene operari virtutis amore; sic etiā ad id constanter credendum, quod est per se verum, quale in primis est dogma sanctissimę Trinitatis.

Sed ne quid in illo pestifero libello prætermittamus, ad ea etiā breuiter respondendum est, quę in eo obiter afferuntur contra ipsam per se seueritatem Ecclesiasticę disciplinę in puniendā perfidia illorum, qui à fide sana desciūt, quam sunt in Baptismo professi. Primum opponit Disputator humani arbitrij libertatem, cuius cū maximè officium sit credere, minimè conuenire videtur, ut vlla vi omnino adigatur ad credendum. Hoc enim est, quod in libelli præfatione contendit: *Ut hominum, inquit, animis, suapte natura liberis, nulla vis inferatur, sed quod quisque ex sacris literis fide perceptum tenere possit, hoc ipsi si nō aperte profiteri, saltem liberè*

berè pra se ferre sine fama fortuna. A nem bonum videri; vt auaro pecuniam, vinum ebrioso, &c.

Primum autem audire mihi in his verbis videor, quasi vocem communem omnium hæreticorum, qui, vt D. Augustinus libro 32. contra Faustum, ca. 19. sapienter notauit, cum sibi licere volunt, vt, quod putent ipsi Scripturæ consentaneum, credant, hoc videlicet agunt: *Vt sumus, inquit, animus unicuique auctor sit, quid in unaquaque Scriptura probet, quid improbet, id est, vt non auctoritati Scripturarum subiiciatur ad fidem, sed sibi Scripturas ipse subiiciat.* Subiungit autem eo loco D. Augustinus, perinde ac si cum huius libelli auctore, tum quum propter hoc falsum principium in fide fluctuabat, loqueretur: *Quo te, inquit, committis, anima misera, infirma, carnalibus nebulis inuoluta; quo te committis? Quasi diceret: Quid tandem constanter creditura es, si arbitrato tuo fidem tibi ex Scriptura vis comminisci? Vt enim quisque animo affectus est, ita facile id esse verum & Scripturæ consentaneum, quod cum suis præiudiciis atque voluntatibus congruit, putat; nisi & sit alia regula, quæ animum in credendo dirigat, & humana temeritas aliqua severitate compescatur. Quod & auctor ipse huius libelli Aristotelis sententia (vt postea videbimus) cõfirmat, qui ait: *Qualis unusquisque est, talem sibi fi-**

Ad ipsum autem argumentum ex arbitrij libertate pro licentia quiduis credendi petitur, satis esse cõseo, respondere illud idem, quod olim Donatistis similiter argumentantibus respondit acutissimè D. August. lib. 3. contra Cresconium Grammaticum, ca. 51. *Frastra, inquit, dicis, Relinquas libero arbitrio. Cur enim non in homicidiis, & in stupris, & in quibuscunque aliis facinoribus, & flagitiis, libero te arbitrio dimittendum esse proclamas? Que tamen omnia iustis legibus comprimi utilissimum et saluberrimum est. Et addit: Dedit quidem Deus homini liberam voluntatem, sed nec bonam, infirmam, nec malam esse voluit impunitam. Ac rursus lib. 2. contra duas Gaudentij epistolas, ca. 11. Clamante, inquit, si audetis, puniantur homicidia, puniantur adulteria, puniantur cetera quantalibet sceleris siue libidinis facinora seu flagitia. Sola sacrilegia (& perfidiam in Deum) volumus à regnantium legibus impunita. Hæc cum dicitis, quid aliud dicitis, nisi nulla hominum potestas contradicat & obstrepat nostro libero arbitrio, quando iniuriam facimus Deo? Deinde Disputator in eadem præfatione sic obicit:*

*Quanta, quæso, & quàm portentosa hæc est seruitus? Nusquam tam immanis unquam fuisse tyrann-*

rannus legitur, qui pauperem occi-  
disset, aut exilio saltem multasset,  
quod nō potuerit magnum aliquod  
à diuine quopiam donum impetra-  
re. At nostri tyranni sacris in-  
structi literis probè norunt, fidem  
esse donum Dei, non autem arbitrij  
mei: & tamen innumeros truci-  
dant Christianos, qui hoc non pos-  
sint à Deo donum habere.

Respondeo. Pugnāt Disputator  
nō modò cum veritate, sed etiam  
secū apertissimè. Si enim fides ita  
donum Dei est, vt non etiam opus  
sit humani arbitrij; cur paulò an-  
tè volebat animis hominum sua-  
pte (vt inquit) natura liberis im-  
punè permitti, vt quod quisque  
ex sacris literis fide percipere pos-  
sit, hoc ipsi prae se ferre liceat? At  
fides donum Dei est. Nemo ne-  
gat. Sed ita tamen fides est Dei do-  
num, vt Deo ipso, qui nemini de-  
est, adiuuante, sit posita in libero  
cuiusque arbitrio. Si enim nullo  
modo in libera hominum volun-  
tate situm est credere; cur Deus  
præcipit omnibus vt credant? cur  
non credere est peccatum, quod  
qui committit, vt ait Dominus,  
iam iudicatus est? cur ab ipso etiam  
Deo, iis, qui credunt, præmium  
sempiternæ salutis, & contrà non  
credētibus supplicium semper-  
num propositum est? Qui enim, in-  
quit Matth. 28. crediderit, & bap-  
tizatus fuerit, saluus erit; qui verò non

A crediderit, condemnabitur. Eat nunc  
igitur Disputator, & non modò  
Christianum magistratum, sed  
Deū ipsum in primis accuset velut  
immanissimum tyrannum, quod  
ad pœnas etiam æternas eos con-  
demnet, qui non potuerint (vt  
blasphemauit) fidei donum ab il-  
lo obtinere: Sicut ergo (inquit præ-  
clarè D. Augustinus libro de præ-  
destinatione Sanctorum, cap. 11.)  
quamuis donum Dei sit, falsa carnis  
mortificare; exigitur tamē à nobis pro-  
posito premio æternæ vitæ; ita donum  
Dei est & fides, quamuis & ipsa, cum  
dicitur Matth. 16. Si credideris, sal-  
uus eris; proposito premio salutis exiga-  
tur à nobis. Ideo enim & hac præcipiū-  
tur nobis, & dona Dei esse monst-  
rantur, vt intelligatur quod & nos ea fa-  
ciamus, & Deus faciat, vt illa facia-  
mus. Sicut per Prophetam Ezechielem  
apertissimè dicit, capite 36. Ego faciam  
vt faciat.

### CAPVT III.

*Respondetur ad secundum præiudi-  
cium contra fidem sanctissima  
Trinitatis.*



E C V N D V M præiudi-  
cium, ex quo vult Di-  
spulator colligi, fal-  
sum esse dogma Tri-  
nitatis, est, quod videatur esse cō-  
sentaneum anticipatis erroribus,  
quibus imbuti antea fuerint illius  
assertores.

*Qualis*



*Qualis quisque est, inquit, talis sibi bona esse doctrina videtur, & in talem, si liceat, sacras literas sensum interpretatur; non secus, quam Aristotele teste, qualis quisque est, talis ei finis esse videtur, ut in avaris, iracundis, ebriosis videre est, qui talem iudicant bonum esse finem, quales sunt ipsi. Quales autem ij fuerint, à quibus avidissimè receptum, comprobatum & profeminatum est Trinitatis dogma, nemo ignorat. Eos enim maximè omnium fuisse constat imbutos consuetudine colendi multitudinem Deorum, cum maiorum, ut Iouis, Apollinis, Martis; tum etiam minorum, ut Castoris, Pollucis, Cereris, Liberi, Proserpina, Dianæ. Ex hoc ergo voberrimo Deorum fonte, & innummeri Sancti, tanquam minores invocandi Dij, & tres etiam diuina persona veluti maiores Dij adoradi, in orbem Christianū profluxerunt.*

Primum mendacium in hac verè Antichristiana oratione est, qd ij fuerint consuetudine colendi Deos plures imbuti, à quibus receptum, probatum, & profeminatū dogma Trinitatis est. Hi enim fuerūt, ut lib. I. demonstraui-  
mus, & paulò superius repetiui-  
mus, in primis Apostoli, qui Deum vnum venerabantur. Deinde veteres Pa-  
tres, ex quibus quàm plurimi sunt

qui cultui plurium Deorum nunquam dediti fuerunt, ut Tertul-  
lianus, Irenæus, Athanasius, Basil-  
lius, Gregorius Nazianus, Gre-  
gorius Nizænus, Chrysostomus,  
vterque Cyrillus, Augustinus, &  
alii ex iis, quorum testimonia pro  
fide sanctissimæ Trinitatis citau-  
mus libris superioribus, & maxi-  
mè libro primo.

Alterum mendacium, idq; du-  
plex est, quod ex consuetudine &  
anticipato errore colendi Deos  
plures, prodierit tanquā ex fonte  
dogma Trinitatis, ex quo tres p-  
sonæ diuinæ tanquā maiores qui-  
dam Dij sint adorandæ. Primum  
enim dogma Trinitatis non ex  
consuetudine plures Deos colen-  
di, sed ex Christi & Apostolorum  
schola prodiit, ut suprā ostensum  
est. Deinde hoc dogma minimè  
tradit, tres personas diuinas, tan-  
quam Deos aliquos maiores, vel  
minores esse adorandas, sed tan-  
quam vnum & eundem, summum  
atque verissimum Deum. Aut dic-  
cat Spiritus Antichristi; Quis Pa-  
trum Orthodoxorum vnquā tres  
Deos asseruerit? Hoc certè inau-  
ditum est apud verè Christianos.  
Verissimè namque Tertullianus  
lib. contra Praxeam: *Duos quidem  
definimus, Patrem & Filium, et iam tres  
cum Spiritu sancto secundum rationem  
œconomia, qua facit numerum. Duos  
samen Deos, & duos Dominos, nunquā  
ex ore nostro proferimus. Et infra: Ita-*

que Deos omnino non dicam, nec Dominos Et Clemens Alexandr. lib. 5. Strom. Nihil, inquit, religio nostra habet antiquius, quam Deum naturam unicum esse. Et Dionysius Roman. apud D. Athanasium, in epistola de decretis Nicenæ Synodi: Veri, inquit, discipuli Christi, ut Trinitatem prædicari à sacris literis planè sciunt, ita tres esse Deos, à veteri aut nouo Testamento induci nequaquam agnoscunt. Et Augustinus lib. 2. contra Maximinum, cap. 1. Sensisti, inquit, duos Deos esse colendos, Christianas aures ferre non posse. Ut iam innumera eiusdem generis testimonia superioribus libris citata omitam.

Præterea, ut loquamur iam de illis Patribus, qui fortè antequam dogma Trinitatis reciperet & assererent, Deos plures in Ethnicismo coluerant, ut fortasse Dionysius Areopag. Iustinus, & alij quidam; tamen credi sine summa stultitia non potest, eos quia plures Deos coluerant, dogma Trinitatis, hoc est, de Deo natura vno, & personis trino, fuisse complexos.

Primò, quoniam inter dogma sanctissimæ Trinitatis & errorem Gentilium, de multitudine Deorum, maxima dissimilitudo est. Illud enim dogma vnicum Deum singularem ponit; error Gentilium Deos natura plures. Quocirca D. Athanasius in epist. ad Serap. & D. Greg. Naz. orat. 2. de Theolog. & in Apolog. 1. & orat. de natal. Dñi;

A & D. Greg. Nizæ. in orat. catechetica; & D. Ambrós. lib. 1. de fide, c. 1. §. 2. verissimè docent, Ecclesiam Christianam per hoc dogma de Trinitate, & à Iudaismo, qui pluralitatem diuinarum personarum negat, & ab Ethnicismo, qui plures Deos asserit, dissidere: Ipsos autem Arianos potius, qui vnum B Deum maiorem, & alios minores, hoc est, Filium & Spiritum sanctum asserunt, ad Paganos accedere.

Secundò, quia qui ex aliqua anticipata opinione, vel consuetudine, aut affectu animi, quidpiam approbant & complectuntur, nequaquam id ipsum faciunt, ut priorem illam opinionem, vel consuetudinem, vel affectum auerterentur, & ex animo pellant: ut in auaris, vel libidinosis videre est. Hi enim, cum aut pecuniam, aut voluptatem ob dispositionem animi, qua sunt affecti, sibi bonam & eligendam, velut finem, reputant, non ad eum finem id faciunt, ut libidinem & auaritiam detestentur, quin immò his vitiis inprimis addicti sunt, & ob id ea quarunt, quæ valent ad illa exercenda. Quòd si quis auaritiam & libidinem tunc animo detestetur cum aliquid facit, non rectè dixeris, eum idcirco id complecti & probare, quoniam ad auaritiam & libidinem sit affectus. Iam verò, qui ex Ethnicismo ad Christianam religionem & fidem sanctissimæ Trinitatis conuersi sunt,

sunt, eo ipso pristinam consuetudinem colendi plures Deos vehementer detestari voluerunt. Non igitur rectè dici potest, eos ob corruptelâ illius consuetudinis, quasi in illa adhuc essent animo atque affectu implicati, dogma sanctissimæ Trinitatis fuisse complexos, sed potius errorem pristinum cū veritate longè diuersissima commutasse.

Quod & illi ipsi sanè, cum Christiana sacra suscepissent, probè intelligebant, atque apertè profitebantur. Nam & multitudinē Deorum damnabant, nec omnino aliquid cum illa commune retinere volebant in religionis doctrina. Cuius rei Tertullianus locupletissimus testis est, cū libro aduersus Praxeam ita de animo eorum, qui ad fidem sanctissimæ Trinitatis cōuerſi erant, testificatur: *Nationes*, inquit, *à multitudine idolorum transibant ad unicum Deum: vt differentia cōstitueretur inter cultores vnius & plurima diuinitatis. Nam & lucere in mundo Christianos oportebat, vt filios lucis. Lumen mundi vnum & Deum & Dominum nominantes. Quod si* **D** *ex conscientia, inquit, qua scimus Dei nomen & Domini, Patri, & Filio, & Spiritui conuenire, Deos & Dominos nominaremus, extinxissemus facies nostras etiam ad martyria timidiore, quibus enadendi statim pateret occasio iurâtibz per Deos & Dominos, vt quidam hereticifaciunt, quorum Dij plu-*

**A** *res.* Quæ ex Tertulliani oratione patet, eos, qui ad fidem vnius Dei trini olim ex Ethnicismo conuertebantur, vsque adeò non putasse plures Deos esse sibi credendos, aut dicendos, licet plures diuinas personas confiterentur, vt maluerint potius acerbissimâ mortem oppetere, quam potuissent alioqui faciliè effugere, vt inquit Tertullianus. Quomodo ergo ex animi affectu ad plures Deos, quos tantopere detestabantur, dogma Trinitatis complexi sunt? Certè non ob eam causam id dogma receperunt, sed quia diuinitus illud confirmari videbât. Deniq; nemo non videt quàm infirmū & voluntarium (vt ita dicam) genus argumētandi sit, arbitrato tuo fingere, prauam aliquâ dispositionem animorum eam doctrinam peperisse, quam tu falsam existimas. Cū. n. vix aliquid ita verū sit, in quo non aliqua similitudo falsi, sicut etiam è contrario cogitari possit; quòdnam omnino verum est, quod nō isto modo falsum esse pbare liceat? At inquit pterea Disputator:

*Neque moueor plurimis audiens diuinis suffragiis diuinarum Trinitatem personarum comprobari: cū vix pauciores flecti & detorqueri videam sacras sententias ad Sanctorum inuocationem, verè Dei cultui plurimum detrahentem.*



Quem verò moueat, quòd hìc spiritus Antichristi sine probatione vlla dicit, omnes illas Scripturas, quæ pro fide sanctissimæ Trinitatis adduci sunt solitæ, perperam esse detortas? Benè autem habet, quod suprà lib. I. ex eiusmodi Scripturæ locis, qui sunt penè innumeri, rectissimè hoc dogma probari, conuicimus. Sanctorum autem inuocatio quemadmodum nihil detrahat, sed adminiculetur plurimùm vero Dei cultui, quid attinet hoc in loco docere? ostendunt id ex Catholicis scriptoribus multi, & nos etià in iis libris, quibus inficiam & vanitatè Herbrandi, & aliorum sectariorum in hoc argumento redarguimus. Videamus igitur, quibus exemplis spiritus Antichristi mendacium illud deinde confirmet, nèpe: quia Ecclesiæ Doctores multitudini Deorum erant assueti, idcirco dogma Trinitatis recepisse.

*Ecquis intelligens vir non animaduertat, quo artificio, tum Romani, quia pristinī memores imperij, maiestatis, ac gloria essent, totā postea Christi doctrinam, Christianamq; religionem in pompas, & vnius hominis imperium penè diuinum cōmutarint: tum Græci, Scholasticiq; Theologi, quoniam acutissimi disputatores essent, totas ferme sacras literas in disputationes con-*

*A uerterint? tū Germani, quia libertatis plus aquo amantes essent, omnem suam religionem in solam fidē omnium bonorum seruitute operū solutam & liberam transfuderint? Quis igitur prudens homo non intelligat, plerosque Christianæ religionis Antistites, non tam ex diuinis literis religionem & doctrinam suam hausisse, quàm ad ipsas sacras literas innatam sibi superstitionem afferentes, attentè cogitasse, quemadmodum eam, verbo Dei vestitiā, ceu ipsius Christi religionem propagarent?*

Obsecro, quid est delirare, si hoc non est? Primum, quomodo **C** Romani pristini memores imperij, totam Christianam religionē in vnius hominis imperium commutarunt? Romani ne primi summum Ecclesiæ Pastorem (hunc enim spiritus Antichristi intelligit) creauerunt? Quinam Romani? Nōne Petrus summus iam Pastor Ecclesiæ ab ipso Christo constitutus, ad Romanos venit? Et cuius pristini imperij memores? Illiusne, quod vsurpabatur, quando Romana Respublica florebat? At illa non fuit vnius hominis, sed vnius Senatus? Cuiusnam ergo? Quod obtinuit à temporibus Cæsarum. At neque Cæsar vllus, neque Romanus populus subiectus Cæsari, summum Ecclesiæ Pastorem

rem constituit, vt in nostrā Analysi fidei & ab aliis plurimis Catholicis scriptoribus euidenter ostensum est, & plurimum differt Romani imperij ratio secularis, à principatu Petri, qui totus pertinet ad bonum Christianæ Reipublicæ spirituale. Nam quod Pontifex summus opibus etiam temporalibus ad tuendam ab hominum contemptione & improbitate dignitatē suam vtitur; id non pompæ, sed necessitati cuidam adscribi debet, posteaquam id requirit hominum proteruia atque deprauatum ingenium. Quod ipsum dignitatis Ecclesiasticæ siue ornamentū, siue præsidium adeo non abhorret à veræ Ecclesiæ ratione, vt etiam Deus per Isa. c. 60. 61. & 66. prænuñciauerit huiusmodi copia & amplitudine prælatos Ecclesiæ noui Testamenti fuisse futuros insignes, ac ex ea re quoque illos dignosci voluerit.

Deinde quale illud est, quod inquit spiritus Antichristi, Theologos Scholasticos totas sacras literas in disputationes conuertisse? An verò illas de suo gradu deiiciunt, nec earum amplius auctoritatem retinent? Perinde enim sonat quod Antichristus ait, conuertisse Theologos sacras literas in disputationes, quasi veram doctrinam literarum sacrarū pro incertis disputationibus commutarent. At enim, quæ in sacris literis

A continentur, in quæstionē, & quasi formam quandam controuersię reuocare solent. Quorsum id verò, nisi vt quæ in Scripturis obscuriora sunt, argumentorum explicatione illustrent, & disputatione ipsa magis confirment?

Illud fortè negandum non est, quod addit, Germanos eos, qui reiecta necessitate operum solam fidem satis esse volunt, ideo hoc dogma arripuisse, quoniam plus nimio libertatis amantes essent. Nam cum ea doctrina vanissima sit, nec fundamento solido veritatis per se niti possit; credibile est, ideo solum quia cum libertate carnis congrueret, aliquibus esse factam probabilem.

C Intolerabile autem est, quod ad extremum ait, Christianæ religionis antistites, qui dogma Trinitatis tradiderunt, non ex diuinis literis religionem hausisse, sed innatam superstitionem diuinis literis studiosè ornasse, vt eam Christiano nomine conuestitam faciliùs propagarent. Quid hoc aliud est dicere, quàm omnes Christianæ religionis verissimos antistites (omnes enim tales, dogmatis de Trinitate assertores fuerūt, vt libro primo demonstratum est: ita vt ne vnus quidem verus Christianus, qui illud oppugnarit, indicari possit) Christianos nō fuisse, & religionem Christianam non veram religionem esse, sed super-

stitutionem Christiano nomine pal-  
liatam? Etenim qui ex sacris lite-  
ris Christianam religionem non  
haurit, sed illis superstitionē suam  
pugnantem cum vera fide diuini-  
tatis palliat, Christianus non est.  
Hoc igitur si Christianæ religio-  
nis antistites fecerunt, antistites  
Christianæ religionis, Christiani  
non fuerunt. Rursus: Quæ religio  
per Christianæ religionis antisti-  
tes summo consensu ppagata est,  
Christianæ religio est. Vnde enim  
Christianam religionem accepi-  
mus, nisi ab his, qui Christianæ re-  
ligionis antistites fuerunt? Si reli-  
gio igitur per eos antistites pro-  
pagata, superstitio tantum est no-  
mine Christiano vestita; nihil ali-  
ud, quam superstitio est religio  
Christianæ. En, quid in hoc pesti-  
lenti libello agat spiritus Antichri-  
sti: nempe ut everso Christianæ  
religionis fundamento, quod est  
fides SS. Trinitatis (vt D. Athan.  
ad Serapionem grauissimis verbis  
inquit) Christianā religionem in  
vniuersum de medio tollat, qui e-  
rit etiam in extremo tempore co-  
natus impius Antichristianus.

## CAPVT IV.

*Respondetur ad tertium & quartum  
& quintum præiudicium contra  
fidem SS. Trinitatis.*



ERTIVM Disputatoris  
præiudicium est, quod  
Orthodoxi Ecclesiæ Pa-

A tres plures in Scripturæ locis sen-  
sus distinxerunt, vt quoquo mo-  
do falsum dogma Trinitatis, va-  
rietate illa sensuum quasi caligine  
quadam hominum oculis offusa,  
viderentur ex Scriptura confir-  
mare:

*Cum quatuor, inquit, offerren-  
tur cuiuslibet ferè sacra sententia  
sensus, & ὁ ἐν ᾧ, seu literalis, &  
mysticus seu spiritalis, & tropolo-  
gicus seu moralis, & deniq; anago-  
gicus: cumq; plures etiam ostende-  
rentur eiusdem sensus species: non  
potuerunt spe sua frustrari versuti  
& callidi homines. Etenim si secun-  
dum vnum sensum, vel vnius sen-  
sus speciem res minimè successit, ar-  
ripuerunt statim vel alium sensum,  
vel aliam eiusdem sensus siue lite-  
ralis, siue spiritalis, siue moralis  
speciem, aptam ad cerebri sui idola  
in aliorum animis fabricanda.*

Nullum vnquā in aliquo quan-  
tumuis immanissimo cerebro va-  
nius idolū, vel dicam potius men-  
daciū, fabricatum est, quam hoc,  
quod hic fabricauit spiritus An-  
tichristi. Nam cum innumera pe-  
nè Scripturæ testimonia pro fide  
sanctissimæ Trinitatis Orthodoxi  
Patres afferant, quæ ferè nos o-  
mnia suprà libro primo adduxi-  
mus, nullum eorum nisi in literali  
ac maxime proprio sensu vsurpāt  
cum in disputatione aduersus Dei  
per-



perduelles hæreticos eam veritatem confirmant. Obsecro enim, quæ verborum translatio est, in illo Ioannis testimonio de Christi diuinitate? *Visimus in vero Filio eius, hic est verus Deus & vita aterna.* Itē in illo Apostoli: *Qui est Deus super omnia benedictus in secula.* Lector consulat locos Scripturæ quos libro primo fusè exposuimus, & ubi animaduertit omnino nullum nisi in sensu literali à sanctis Patribus in hac disputatione videri, mirabitur spiritum Antichristi, quod ipse sibi tam impudenter mendacia de assertoribus sanctissimæ Trinitatis finxerit, ut aliquid quod oratione apud imperitos exagitet, habere videatur.

QUARTVM Antichristi præiudicium est, quod affirmare soleamus mysterium sanctissimæ Trinitatis non posse cerni humani lumine ingenij. Ut, si hoc hominibus persuasum sit, nemo illius errorem animaduertere conetur.

*Nec difficile, inquit, eis fuit hac ipsa trabali clauo postea figere, quā humana rationis naturale lumen diuinis in rebus effulgens planè extinxissent, freti illis Apostoli verbis: Animalis homo non percipit, quæ sunt spiritus Dei: stultitia est illi, nec potest intelligere quia spiritualiter diiudicantur. Vocari autem animale[m] qui natura lumine*

*nititur. Illum nihil in spiritualibus mysteriis comprehendere, sed pro stultitia ducere, quæcunque per reuelationem spiritus nobis pate sunt.*

Non extinguunt Orthodoxi in rebus diuinis naturale lumen ingenij, sed illustant, cum docent, doctrinam fidei, quæ illius aciem fugit, eo nobis minimè metiendam. Hoc enim ipsum est quod potest cernere id lumen in rebus eiusmodi diuinis, minimè videlicet illa se, quantum satis sit, cernere hac in vita posse. Quod an nō est verissimum? Quorum enim rerum est fides quam de Deo concipimus? Nempe *sperandarum*, ut

inquit Apostolus ad Hebr. ii. Et quæ sunt illa quæ nos in altera vita consequuturos speramus? *Quæ Deus preparauit diligentibus se. Quæ tandem ista? Respondeat idem Apostolus 1. Cor. 3. Nimirum quæ nec oculus vidit, nec auris audiuit, nec in cor hominis ascenderunt; hoc est, Deus ipse trinus & vnus, qui est merces nostra, quem videmus nunc per speculum in enigmate, tunc autem facie ad faciem.*

Quamobrem igitur perperam fieri censet Disputator, quod de his, quæ mens humana minimè capit, nolimus humanam rationem iudicare? Præclare enim ac verissimè D. Basilius 2. lib. aduersus Eunomium: *Si omnia, inquit,*

comprehensione metiri voluerimus, etiam quod mente capi non potest; peribit fidei, peribit spei merces. Quomodo enim fuerimus amplius beatitudinibus digni, quæ in fide rerum inuisibilium repositæ sunt, si solis his, quæ rationi evidentiæ sunt, fidem habemus? Unde vana facta sunt Gentes, & insipiens cor eorum tenebris obductum est? Nonne ideo, quoniam rationem sequentes, prædicationi spiritus fidem non habuerunt? Quos vero Isaias velut perditos deplorat capite 5. *Ua sapientibus in seipsis, & coram se ipsis scientibus; Nonne tales?* Ac rursus libro primo aduersus eundem Eunomium: *Nonne, inquit, magnus ille David, cui occulta & abscondita sapientia sua Deus manifestavit, palam confitetur, inaccessibilem esse Dei cognitionem, dicens; Mirabilis facta est scientia tua ex me, confortata est, & non potero ad eam. Isaias autem in speculatione maiestatis Dei constitutus, quid de divina essentia nobis declaravit? Quis sanè in prophetia de Christo testatur, dicens: Generationem eius quis enarrabit?* Mitto quæ in eandem sententiam D. Athanasius in epist. ad Serapionem, & D. Gregorius Nazianzenus oratione 2. de Theologia, & passim alij Patres præclare dicunt. At inquit præterea spiritus Antichristi:

*Hac ratione cæcato humani ingenij iudicio facillimum fuit quemlibet fidei articulum condere: & nimium credulis hominibus tan-*

*quam cæcis album esse nigrum, & nigrum esse album persuadere: & tanquam stultis vnum esse tria, & tria esse vnum probare.*

Primum, qualis est illa consequentia: Humani ingenij iudicio mysteria fidei metienda non sunt: igitur facillimum est quemlibet condere fidei articulum? Quid? Nihil ne amplius ad fidei articulum requiritur, quàm ut ne de illo iudicium ab humana ratione fieri possit? Quis nescit articulos fidei diuina reuelatione, quæ vel Scripturæ sacræ sententia, vel explorata Apostolorum traditione testata sit, niti oportere? Hanc certè reuelationem nunquam sine firmo fundamento & testificatione, qualis confingi nullo modo possit, Ecclesia Catholica prætendit. Quod si contrà, humana ratione articuli fidei æstimandi atq; constituendi essent, tum verò nihil facilius esset, quàm quemlibet fidei articulum condere vel abolere. Quid enim est, quod non veri vel falsi speciem habere, humanæ rationi facillimè videri possit?

Sed persuasum est, inquit, hominibus, tanquam cæcis, album esse nigrum, tanquam stultis (qui videlicet numerare nesciunt) tria esse vnum. Vult autem hoc modo dicendi persuadere imperitis spiritus Antichristi, Ecclesiam aliquid docere, cuius contrarium cui-

euidenter sit verum. Vt, si quod album, & certò vides esse album, dicerem esse nigrum. Item docere in proposito quòd tria, quæ ratione tria sunt, sint vnum, & vnum, quæ ratione vnū est, sit tria, sicut stulti dicere solent, ratione numeri non intellecta.

Mendacium autem est, talia vnumquam ab Ecclesia doceri. Nam quod euidenter tale est, id verissimè est tale. Fides autem Ecclesiæ, cum nihil falsum doceat, nihil docet vero contrarium; siquidem nihil contrarium vero, nisi falsum est. Quamquam si id mihi Ecclesia nigrum esse affirmaret, quod mihi videretur album; equidem Ecclesiæ potius, quam meo sensui crederem: non quia Ecclesia docere possit aut doceat aliquid contra euidenter ac veram cognitionem, sed quia reputare tunc me oporteret, me nequaquam albū verè ac euidenter videre. Quis enim nescit, quàm facile naturalis cognoscendi facultas deludi possit?

Sic etiam cum fides Ecclesiæ docet tres personas diuinas esse vnū quiddam: minimè docet, tria, quæ ratione sunt tria, vnum esse, videlicet secundum rationem personarum; doceret enim hoc modo tria non esse tria, quæ manifesta contradictio est: Sed docet, ea quæ secundum vnā rationem sunt tria, secundum quandam aliam ratio-

nem esse vnum quoddam; nempe tres personas, quarum rationes sunt respectiue & incommunicabiles, esse vnā essentiam & vnum Deum, cuius est ratio absoluta & communicabilis tribus personis, quatenus est talis. Quod dogma supra rationem est quidem, eo quod rationes illæ trium personarum & illa ratio vnus essentia, in eadem infinita re siue realitate insunt, quæ eadem perinde secundum aliam & aliam rationem est realiter vna & trina, cuius mysterij nihil est planè simile in tota vniuersitate rerum finitarum & creatarum: Sed tamè non est hoc contra rationem. Vnum enim & tria, secundum aliam & aliam rationem, non opponuntur contradictoriè, sed tantummodò quasi disparatè, vt sic dicā, atque ita bene possunt coniungi in vna & eadē re, præsertim infinita, sine contradictione. Quamuis igitur quædam supra rationem fides doceat, tamen nihil tradit contra rationem. Illud autem nihil planè nos ferit, quod deinde subiungit spiritus Antichristi:

*Nimiam credulitatem, quasi du-  
cem, magistrāq; habentem diui-  
nam auctoritatem, omnis erroris  
& stultitia ianuam esse, non ab Apo-  
stolo, sed ab idololatriæ apertam, à  
Christo verò diligenter clausam, cū  
ex parabolis rebusque naturalibus  
iudicari vellet de rebus spirituali-*

*bus:*



*bus: atque satis ita superq̃. significa-* A *naturalibus aut parabolis argu-*  
*ret, religionis nostræ mysteria non*  
*esse cōtra rationem: quomodo enim*  
*in ea assurgi posset ministerio ratio-*  
*nis? sed tam consentanea rationi,*  
*quàm parua veritas magna, & ex-*  
*iguum lumen maximo est simile.*

Primùm inquit, nimiam creduli-  
 tatem, erroris matrē esse. Quam-  
 nam, obsecro, credulitatē nimiam  
 appellat? Si assensionem eius, qui  
 ex quadam leuitate (quod Scri-  
 ptura reprehendit) cito & absque  
 idoneis testimoniis credit, con-  
 cedimus. Sin verò nimiam credu-  
 litatem vocat fidem de SS. Trini-  
 tate ac de mysteriis aliis Christia-  
 næ religionis, quæ cū testimo-  
 niis diuinis, quæ (vt inquit Dauid) C *credibilia facta sunt nimis,* probata  
 sit, constans est ac vehemens &  
 firma; quis nisi Antichristus hu-  
 iusmodi nimiam credulitatē, quæ  
 nunquam satis magna esse potest,  
 matrem errorum esse dixerit? Et-  
 enim si fides à Deo contestata er-  
 rorum mater est, ipse Deus erit er-  
 rorum atq; mendacij pater, quod D  
 Diaboli proprium encomium est.

Deinde ait, Christum ex para-  
 bolis rebusq; naturalibus de spi-  
 ritualibus rebus iudicari voluisse.  
 Falsum est. Illustrauit quidē Chri-  
 stus nonnulla mysteria fidei, simi-  
 litudine quadam earum rerum,  
 quas homines naturaliter norūt:  
 Sed nunquam ex eiusmodi rebus

naturalibus aut parabolis argu-  
 mentum duxit, quo assensionem  
 & iudiciū ipsum nostræ fidei con-  
 sistere ac niti vellet.

Adde, quod assertionum fidei  
 maximum ac latissimū discrimen  
 est. Quædam eiusmodi sunt, vt  
 postquā diuina reuelatione osten-  
 dūtur, possint ratione concipi, vt  
 quod Christus in figura aspecta-  
 bili iudicaturus viuos & mortuos  
 venturus sit; quòd separabuntur  
 in illo iudicio mali de medio iu-  
 storum; quòd in vtrosque senten-  
 tia proferetur, & quæ sunt huius  
 generis. Hæc commodius simili-  
 tudine parabolarum & exemplo-  
 rum illustrari possunt. Aliæ asser-  
 tiones fidei sunt, quæ postea etiā,  
 quàm à diuina reuelatione indi-  
 cantur, non nisi confusè admo-  
 dum atque imperfectè & tenuiter  
 mente concipi possunt. Vt myste-  
 rium inprimis SS. Trinitatis, item  
 incarnationis, & aliorum eiusmodi.  
 Ac de his quoniam sublimiora  
 sunt, ne exstant quidem vllæ de-  
 clarationes per exempla & para-  
 bolas in Scripturis.

Quod ad extremum concludit,  
 mysteria religionis nostræ non ef-  
 se contra rationem, sed tam illi  
 consentanea, quàm parua luci,  
 magnam, ipsi etiam fatemur. Sed  
 nimirum ideo exiguum nostræ  
 rationis lumen cum magno fidei  
 lumine consentit, quia illud i-  
 psam suam ipsius paruitatem no-  
 bis

bis ostendit, ac nos docet posse ea esse verissima quæ fides tradit, licet luce naturalis rationis minime conspiciantur, ut planum fecimus initio in prolegomenis.

QUINTVM præiudicium, ex quo spiritus Antichristi falsum esse dogma Trinitatis vult colligi, est, quod ad illius defensionem homines, non solum metu pænæ, sed diuinorum honorum spe sunt incitati: quasi hanc ob causam illud asseruerint; non autem quia ipsum per se sit verum. Huc enim pertinet, quod præterea sic inquit:

*Neque solum pœna metu opprimendum censuerunt maximum quodq; ingenium, sed diuinorum etiam spe honorum deprauandum, & ad stultissimam idololatriam alliciendum putauerunt; latissima patefacta via, qua quis in minorum numerum Deorum perucheretur, si pro maiorum multitudine Deorum strenuè propugnasset, uti Hieronymus, Ambrosius, Augustinus, Thomas Aquinas: Sin autem nullam vel frigidâ illorum propugnationem suscepisset, tum verò ignominiam aut nullum saltem diuinum expectare honorem cogeretur, ut Origenes, Lactantius, Scotus.*

Totidè ferme sunt in hac Antichristi oratione proiecta sine vlllo fundamento mendacia, quot ver-

ba. Mendacium est, Ecclesiam vnquam vel pœnæ metu, vel spe præmiorum vllius ingenium vel magnum vel paruum deprauasse & allexisse ad idololatriam. Mendacium est, quod vllis propugnatoribus SS. Trinitatis Ecclesia vnquā, aut pollicita sit, aut contulerit diuinis honores. Solā enim SS. Trinitatē, hoc est, Deum, & præterea creaturam nullam, diuinis honoribus Ecclesia Christi afficit. Mendacium est, quod in numerum aliquem Deorū minorum assertores SS. Trinitatis cooptari ab Ecclesia sint soliti: nullum enim habet illa minorem Deum, sed vnum solum maximum & altissimū. Mendacium etiam est, quod latissima pateat via strenuis propugnatoribus SS. Trinitatis, ut eo nomine in Sanctorū (hos enim vult spiritus Antichristi putari Deos) ordinem redigātur. Immò ne angustissima quidem, vel potius nulla omnino talis via ad eum gradum dignitatis eo nomine perueniendi in Ecclesia patet. Quis enim vnquam ab Ecclesia in numerū Sanctorum propterea relatus est, quia bene pro mysterio SS. Trinitatis scripserit aut disputauerit? Certè alia ad eam rem sanctitatis indicia requiruntur præter doctrinam; quæ quidem si vel exigeretur, vel sufficeret, ut certum sanctitatis testimoniū ab Ecclesia perhiberetur, multi declarati Sancti non essent,

qui sunt, & multi qui non sunt, A essent.

Itaq; & illud etiam non minus apertum mendacium est, quod spiritus Antichristi dicit, Hieronymum, Ambrosium, Augustinum, & Thomam Aquinatē, ideo in numerum diuorum esse relatos, quia pro sanctissima Trinitate strenuē pugnauerint. Non ea propriē causa fuit, sed quia multis etiam aliis modis pręstantissimam caritatem prodiderunt, quæ erga eam ipsam sanctissimam Trinitatem flagrarunt. Deniq; mendacium itidē est, quod ait, eos qui pro sanctissima Trinitate vel non propugnarint, vel segnius propugnarint, aut ferre ignominiam cogi, aut nullum saltem expectare honorem, qualis sanctis deferatur. Quid enim, obsecro, pro SS. Trinitate scriptum reliquit Antonius, Benedictus, Dominicus, Frāciscus, & alij sancti innumeri? qui nihilominus in Ecclesia, tanquam insignes Dei amici honorantur? Nunquid plus Origenes? (nam & huius suprà li. i. testimonia adduximus pro fide SS. Trinitatis, ut facit etiā D. Athanasius) Non plura longē Scotus, sicut & omnes etiam alij illi Theologi Scholastici, qui ab Ecclesia sancti pronuntiati non sunt? Miror autem, quid venerit in mentem Antichristo de Scoto, quasi non is etiam pro fide SS. Trinitatis, sicut pro partibus

aliis Theologiæ strenuē disputa- uerit. Manceat igitur, neq; illos in Ecclesia sanctos illico renunciari, qui pro SS. Trinitate certant, neque illos qui nō certant ideo ferre ignominia. Quanquam ut id maximē fieret, nihil profectō minus inde sequeretur, quā dogma Trinitatis confictum esse. Cur enim non & ignominia atq; pænæ metu, & prāmiorum spe homines ad veri defensionē incitari possint? An nō id Christus facit? *Qui enim, inquit, me erubuerit coram hominibus, erubescam illum, & qui me confessus fuerit, confitebor & ego eum coram Patre meo.* Sed ad alia progrediamur.

## CAPVT V.

*Confutatur primum indicium, ex quo in secunda libelli parte Disputator colligi voluit falsam esse fidem sanctissima Trinitatis.*

**N**T ER signa, quæ spiritus Antichristi fingit, ut dogma Trinitatis fictum esse suadeat, primo ponit loco æternitatis latebras: *In quas, inquit, se consiliunt Trinitarij veritatis fulgorē splendoremq; nō ferentes: Erin quibus tanquam tui, clausi, septi, muniti contra plurima rationum momenta latitare solent. Hi etenim cum in vno solo & diu & in posito & vero*

Deo



Deo non acquiescentes, λόγον etiam A  
 verum vellent Deum facere: senti-  
 rent autem, hanc omnes habere  
 homines Dei notionem naturaliter  
 mentibus insitam & impressam,  
 Deum esse ens primum, perfectum,  
 immutabile, à nullo pendens, nul-  
 lius indigens, per se sufficiens: De-  
 um verò genitum non posse esse ens B  
 primum & immutabile, non à nul-  
 lo pendens, non nullius indigens: sed  
 esse ens secundum & mutabile, pen-  
 dens à generante, indigens paren-  
 tis; ut huiusmodi vim & robur ra-  
 tionis declinarent, constituerunt  
 in aternitatem Dei, tanquam in-  
 dumeta correpere, atq; inde voce  
 clamare λόγον generatum fuisse C  
 ab aeterno: in aternitate autem non  
 esse prius & posterius, non esse  
 qui ab alio pendeat, qui alterius in-  
 digeat.

Repit potius intra erroris sui  
 quasi dumeta, neque assequitur  
 Disputator, aut certè non expli-  
 cat verè, Orthodoxorum senten-  
 tiam. Dei siquidem Verbum, seu D  
 Deū genitum, esse ens primū, per-  
 fectum, immutabile, nullius indi-  
 gens, à nullo pendens; id est, ha-  
 bere veri Dei notiones, non ex ea  
 re propriè declarant Orthodo-  
 xi, quoniam in aternitate sit ge-  
 nitus, sed quoniam in essentia sua  
 quidem est vnum & idem cū Deo

generante. Vnde fit, vt illæ eadem  
 veri Dei notiones, quæ Deo gene-  
 ranti conueniunt, conueniant et-  
 iam essentialiter Deo genito, vt  
 suprà libro primo exposuimus.  
 Quanquam neque hoc ipsum con-  
 stare posset, si ex tempore, & non  
 ex aeterno, Deus genitus à Deo  
 generante oriretur. Sed aliud est,  
 Deo genito non posse illa compe-  
 tere, si ex tempore progenitus es-  
 set: Aliud, ideo propriè ea illi cō-  
 petere, quia ex aeterno progeni-  
 tus est. Primum verum est; quia  
 tunc Deus genitus, cū esset tem-  
 poralis, non esse posset essentiali-  
 ter idem cum Deo generante, qui  
 est aternus. Secundum autem &  
 per se falsum est, & falsò à Dispu-  
 tatore Orthodoxis tribuitur. Si  
 enim creatura quæpiam producta  
 esset ex aeterno, non ideo esset ens  
 primum, perfectum, immutabile,  
 à nullo pendens, nullius indigens.  
 Et tamen esset producta in aeter-  
 nitate, in qua nihil secundum du-  
 rationem est prius aut posterius.

Sed Deus genitus, inquit, ne-  
 cessariò est ens secundum, muta-  
 bile, pendens à generante, indi-  
 gens parentis. Hoc, adhibita di-  
 stinctione, facillimè expeditur.  
 Nam ens secundum, pendens à  
 generante, indigens parentis (de  
 mutabili postea dicam) duobus  
 modis dici potest. Vno modo, p-  
 priè; nempe vt sit ab alio priori,  
 tanquam à causa differente in es-

sentia, à qua proinde pendeat, & à qua indigeat vt imperfectū quiddam. Hoc modo Deus genitus, id est, Filius Dei, non est, neque dici debet ens secundum, nec pendens à generare, nec indigens parentis. Quin immò per negationem horum, propriè est ens primum, à nullo pendens, nullius indigens: hoc ipso quod essentialiter est vnum quiddam cum Patre, sicut antè dictum est. Altero modo impropriè: ita scilicet vt secundum rationem personæ sit per originem ab alio, à quo (si ita impropriè loqui libeat) originaliter pendeat, & quo proinde originaliter indigeat, salua tamen vnitate atque identitate essentię cum eodem. Hoc modo non repugnamus quò minus Dei Filius originis quidem ratione & respectu ens secundum, & à Patre pendens, & Patris indigens dicatur. Nihil enim hoc aliud est, quàm Filij personam esse à Patre, tãquam à sui originis principio. Si enim Pater origine primus est, consequens est, vt secundus origine sit Filius, sicut & tertius etiam origine est Spiritus sanctus. Quod & Tertullianus libro aduersus Praxeam, & D. Basilius libro 3. aduersus Eunomiũ initio, disertis verbis concedunt. Sed quia hic ipse Filius, origine secundus à Patre, est simul natura vnum & idem quod Pater, fit vt sit illud ipsum

A primum ens quod est Pater. Ad rationem enim huius entis primi, quoniam infinitè perfectum est, pertinet, vt in eo absque diuersitate essentiæ sit & Verbum (hoc est, Filius) & Spiritus sanctus procedens, atque adeò, vt in eo sit quiddam secundum & tertium origine. Non enim ens illud primum, quod est Deus Pater, est sine Verbo suo & sine suo Spiritu, vt præclare ad hoc propositum inquit diuus Athanasius sermone 2. & 4. contra Arianos.

Quod si querat iam aliquis, quid fieri hoc ipsum possit, vt Filius, qui à Patre genitus est, & Pater, qui Filium genuit, sint vnū quoddam in essentia, & eãtenus primum ens vterque, differant tamen in personis; respondebimus, rem quidem ita esse, certissimè nos ex Scriptura diuina scire, modum autem quo ita sit, nec à nobis intelligi, & multò minus ex his, quæ intelligimus, conuelli posse, vt manifestè ostendimus supra in prolegomenis, & libro etiã primo, cap. 27. 28. & 30.

D Illud autem nullo sensu concedendum est, quod Disputator adiungit, Deum genitum necessariò etiam esse ens mutabile. Etenim mutatio de non esse ad esse non est de ratione omnis omnino productionis seu generationis, sed eius, quæ & creaturæ est & ex tempore, vt supra libro primo, capi-

capite vigesimo secundo, & libro secundo, cap. 17. planum fecimus: *Notionem verò generationis creaturarum ad unigeniti generationem vel le transferre, peruersissimū est, vt gra- uiter monet, D. Basilii libro se- cundo contra Eunomium. Gene- ratim autem de ratione eius, qui ab alio producitur aut gignitur, iuxta communissimam & necessa- riam vocabuli in omni productio- ne notionem, tantummodò est, vt id non nisi ex vi eius, à quo est, ex- istat. Quod æquè constare potest, siue res quæ producitur non fue- rit aliquando, atque ita transeat à non esse ad esse, siue semper existi- terit ex vi cuiusdam alterius, à quo procedat. Verissimè enim Dionysius Alexandrinus apud di- uum Athanasium in epistola de sententia eiusdem Dionysij: Si, in- quit, Sol æternus esset, indefinenter & dies ab eo esset; Nunc autem non est: Incipiente igitur Sole, incipit & dies. Deus autem æterna lux est, neque inci- piens unquam, nec desinens. Ergo æter- nus etiam illi coheret splendor, id est, Filius. Et libro contra Felicianum Arianum, capite tertio D. Augu- stinus: Si paternitas, inquit, non cœ- pit Patri, initium non inuenitur & proliis. Utrumque coæternum pradi- co. Et D. Basilii lib. 2. contra Euno- mium similiter argumentantem; Filium non esse genitum, si non est mutatus de non esse ad esse, sed semper erat. Respondemus, inquit,*

*A quòd quia genitus est, erat: non ha- bens ingenitum esse, sed existens semper, & coexistens Patri, ex quo etiam caus- sam (id est, originem) habet. Sed præterea videamus, quomodo ex ipsa ratione æternitatis conetur probare Disputator, non potuis- se verum Deum Filium à Deo Pa- tre generari immutabiliter & ex æterno:*

*Vera, inquit, æternitas, cum an- tè & post sit interminabilis, necesse est eius fundamentum, & quasi ra- dicem esse perfectam absolutamque immutabilitatem: quod enim ali- quid est immutabile, propterea nec potest incipere, nec desinere esse: quidquid enim incipit esse, muta- tur de nò esse ad esse: quidquid item desinit esse, id mutatur ex esse ad nò esse. Atqui Deus genitus necessariò cœpit esse, & nequaquam æternus atque immutabilis dici potest: Deus item qui genuit, necessariò desinit eundem Filium generare, muta- tusq; est à generando ad non gene- randum: Neuter igitur verus & æ- ternus esse potest Deus*

Petit principiū Disputator, hoc est, nihil probat, sed tantummodò sumit quædam falsa & improbabilia. Vt enim concedamus, funda- mentum & quasi radicem æterni- tatis esse perfectam immutabili- tatem in eo quidem, in quo æter- nitas



nitas ipsa essentialiter est, nempe in ipso Deo (nam extrinsecè quidem posset aliquid æternitatis totius duratione mensurari, quamvis idem suapte alioqui natura esset mutabile) falsum tamen est, Deum genitum hoc ipso quòd genitus est, incēpisse esse, neque esse immutabilem. Nam (quod hic Disputator planè ignorauit) non est de ratione omnis generationis, vt sit eius productio quod incipiat existere, sed de ratione duntaxat generationis temporalis, qualis est ordinariè rerum naturalium, vt libro primo cap. 22. & libro secundo, ca. 17. conuicimus. Communis autem & verissima notio generationis satis superque consistit, si quid à principio ueniente, in similitudine naturæ ita procedat, vt non nisi ex vi eius principij, à quo procedit, existat. Quod perinde constare potest, siue ex æterno, siue ex tempore id fiat, vt sæpe explicuimus.

Item falsum est id, quod inquit, Deum generantem aliquando generare desuisse, & proinde à generante in non generantem esse mutatum. Deus enim Pater, quia suapte perfectione immutabili atque æterna Filium generat, sempiternè generat, & Filius perpetuò & perenniter gignitur à Patre, vt in expositione fidei D. Athanasius loquitur. Ac in eandem sententiam in epistola 174. ad Pascen-

A tiū D. Augustinus: *Semper, inquit, gignit Pater, & semper nascitur Filius.* Nec tamen hinc sequitur, imperfectam & quasi inchoatā esse semper, ac nunquam absolutam Filij generationem. Vt neque sequitur, visionem, si quæ aliquanto tempore durat, tamdiu esse inchoatam & imperfectam, quamdiu continenter durat. Est enim tota simul perfecta, etiam tunc, cum durat. Ita in nostro proposito; licet generatio Filij sempiterna sit, atque adeò semper duret, tamen tota simul, atque adeò perfecta & absoluta existit durabiliter in omni æternitate, vt suprà etiam libro 1. cap. 22. explicauimus.

Disputator autem ideo fortasse deceptus est, quia in rebus creatis tunc aliquid generari dicitur, cum de nouo incipit esse ex vi sui generantis. Post primum autem temporis punctum, quo esse incipit, non amplius dicitur generari. Cuius ratio est, quia generatio in rebus creatis cum quadam rei nouitate coniuncta est. In generatione autem æterna Filij Dei, quia nulla vnquam existit nouitas, semper suppetit eadem ratio, cur & Filius Dei generari, & eundem Pater generare dicatur; nempe hoc ipso, quòd Filius est per originem à Patre ex æterno in æternum. Ita fit, vt semper Filius generetur à Patre, & Pater semper eum generet: sine vlla tamen hu-

ius generationis imperfectione, ut antea explanauit. At instat rursus Disputator:

*Si enim quod infinitum est, ubique est: & quod ubique est, immobile est, quia infinitum omnem occupans locum, nihil relinquit spatij, in quod possit moueri: et si mouetur, infinitum non est: non enim omnem implet locum, si non omni caret motu ad locum: ergo simili ratione quod aeternum est, semper est: & quod semper est, i. ingenerabile est: quoniam aeternitas omne praecepit tempus, omnemque, 2. praecerpit durationem, in qua quippiam generari possit: et si generatur, 3. aeternum non est: non enim omne praecupat omni festinatione durationem, si non omne tollit 4. generationem, in qua generans suapte natura 5. prius est generato.*

Quinquies his paucis verbis principium petit Disputator, hoc est, sumit tanquam concessum aut probatum, quod cum probare deberet, nullo modo probare potest. Videlicet in aeternitate non posse esse generationem. Lector attendat ad numeros, quos in oratione Disputatoris, ut distinguere eas, quinque petitiones principij, breuitatis causa, apposui. Anteuertit quidem aeternitas, quoniam semper durauit, omnem generationem temporalem, hoc est, eius rei quae in-

A ceperit aliquando esse, sed non omnem generationem absolute. De ratione enim generationis secundum communissimam vocabuli notionem non est, ut quod gignitur de nouo incipiat esse, sed ut accipiat esse suum à generante in similitudinem eiusdem naturae. Quod fit, ut si generans sit naturam aeternus, cum etiam, qui proprie ab eo gignitur, aeternum item naturam esse oporteat. Verissimè enim serm. 3. contra Arianos, circa medium D. Athanasius: *Qualis, inquit, est genitor, tale quoque esse id, quod est genitum, necessarium est: & qualis est Verbi Pater, tale etiam fuerit Verbum eius: Homo igitur in tempore genitus, in tempore quoque & ipse prolem gignit. Deus autem non est ut homo, sic enim loquitur Scriptura, sed ens est, & semper est, ideoque & Verbum eius, & ens est, & semper est cum Patre, ut splendor sine inbar lucis cum Sole. Nec minus eleganter D. August. in altercat. cum Pascencio Ariano, epist. 178. Si homo, inquit, generat quod est, Deus non potuit generare quod est? Itè D. Ambrosius lib. 1. de fide, cap. 4. Filius similis Patri sempiterno, ubique sempiternus est. Sed audiamus quomodo rursus petat principium Disputator:*

*Quid? an aeternitas ipsius rei pervertere naturam ita potest, ut Pater aeternus non fuerit Pater, & Filius aeternus non fuerit Filius? Stultum quidem fuerit hoc affirmare:*

Ee

ergo

ergo neque efficere potest eternitas, ut eternageneratio non fuerit generatio, id est, productio de non esse ad esse: utique non esse λόγος aliquo modo non praeceperis ipsum esse.

Errat Disputator, & nimis angustè circumscribit generationis rationem, cum eam in proposito definit esse mutatione de non esse ad esse. Hæc enim notio non convenit, nisi generationi rei temporalis, cuiusmodi est humana generatio. Diuina autem generatio non sicut humana est; nam neque Deus est sicut homo, ut passim admonent sancti Patres. Deinde si (ut inquit Disputator) eternitas non tollit, quò minus Pater æternus fuerit Pater; & veri Patris est, ut similem sibi in natura generet; certè nec obstiterit eternitas, quò minus Pater natura æternus Filium natura item æternum genuerit. Petit autem principium, cum ait, necesse fuisse, ut nò esse Verbi præceperit eiusdem esse. Illud, quod subiungit, videamus, num aliquid ad probationem valeat.

*Omne quod generatur, habet fontem, originem, principium, causam suam esse: quod esse si est æternum, eius quasi mensura est eternitas ab ipso non distincta, nisi ratione, ut & cetera Dei attributa:*

A non potuit igitur ESSE λόγος oriri ex Patre, quin simul ex eodem ipsius promanaret eternitas: sed eternitas producta, non est eternitas magis, quàm infinitum est, quod habet finem: quoniam esse eternitatis est ipsamet duratio æterna; quæ si causam habet efficientem, quòd aliud dici potest, quàm æternum non esse æternum?

Duplex ut minimum in hac argumentatione vitium est. Primum, quòd si eternitas ab ESSE Verbi generati non distinguitur, nisi ratione; putat Disputator illicò sequi, eternitatem etiam ipsam à Patre simul cum Verbo emanasse. Hoc nequaquam sequitur. Nam essentia ipsa diuina, & diuina attributa, ut sapientia, potentia, & reliqua, distinguuntur à diuino Verbo tantum ratione (sicut etià Disputator agnoscit) neq; tamen quia Verbum diuinum à Patre per generationem emanauit, ab eodè etiam emanauit simul essentia diuina & diuina attributa. Ut enim D suprà lib. 1. cap. 30. & lib. 3. cap. 3. docuimus, distinctio illa rationis inter personam diuinam procedentem, & diuinam essentiam, ac attributa, quia in infinitate rei diuinæ fundata est, & ideo æquiualeat distinctioni reali, sufficiens est, ut possit verè de persona diuina affirmari quòd emanat & produ-



ducitur, & id ipsum de essentia diuina, & de æternitate, & aliis attributis diuinis negari: non minus, quàm si actu & realiter hæc distinguerentur.

Alterum argumenti vitium est, quòd falsò putat Disputator, æternitatem productam non magis æternitatem esse posse, quàm potest infinitum esse id quod habet finem. Ponamus enim in ipso esse personali Verbi diuini esse quandam æternitatem respectiuam, & personalem ratione distinctam ab æternitate essentiali & absoluta, communi personis omnibus, & proinde simul cum ipsa persona Verbi diuini à Patre productâ. Quid causæ tunc esset, quam obrem eiusmodi æternitas producta, æternitas non esset? Certè ratio æternitatis non est, vt non procedat ab alio, sed vt semper duret, nec momentum vllum vnquam fuerit, in quo ipsa nõ existerit. Ostendimus autem suprà libro primo, cap. 22. & lib. 2. cap. 17. optimè hæc duo posse consistere & intelligi, scilicet vt aliquid ex alio processerit, & tamè nunquam non fuerit ex alio procedens. Vt lux, verbi gratia, nunquam non processisset ex Sole, si Sol esset æternus, quod est ad hanc rem declarandam exemplum sanctorum Patrum. Omnino igitur falsum est, ita æternitatem productam æternitatè esse non posse, sicut non

A potest infinitum esse quod habet finem. Discrimen namq; est, quod est de ratione infiniti, vt finè non habeat: non perinde autem de ratione æternitatis, vt ex alio non procedat, sed vt semper existerit, siue procedendo ex alio, siue non procedendo.

Non est etiam sine distinctione concedendū id, quod Disputator inquit: omne quod generatur habere causam sui esse. Nam si vocabulū, causâ, vsurpetur propriè, vt videlicet causâ est id, ex quo aliud in natura siue in essentia sequitur, falsum est, diuinam personam procedentem habere talem causam. Contrarium enim nos docet fides, quæ, vt humana ratione comprehendere non potest, ita neque vllis argumentis humanæ rationis expugnari, vt planū fecimus in prolegomenis. Si aut causæ vocabulum paulò latius accipiat, vt significet nimirum idem, quod quaecunq; originis principiū; non falsò dicitur, persona diuina procedens habere sui causam, id est, principiū, à quo in eadem natura procedit. Hoc. n. sensu Græci Patres personam producentē causam personæ procedentis esse dicere solent, quemadmodū Latini commodius dicunt esse principium. Quod D. Gregorius Nicænus in lib. ad Ablabium declarat his verbis: *Causam*, inquit, *& id quod ex causâ est dicentes,*

non naturam per hac nomina fecimus, A sed quæ est secundū aliquam qualiter esse, differentiam indicamus. Dicentes enim aliud quidem causatum, aliud verò sine causa esse, nō naturam Verbo causæ separamus: sed solummodò neque Filium ita se habere, quasi genitum non sit, neque Patrem per generationem esse indicamus. Pergit Disputator:

An porro vlla de re generata verè affirmari potest, ipsam nunquam fuisse generatam? Nemo hoc dicere audebit. Restat igitur, ut de ea verè affirmetur alterutrum horum, nimirum vel tunc generatam esse, vel semper generari; sed dici non potest λόγος semper generari: alioqui non haberet esse permanens, sed successuum tantum instar motus & temporis: ergo verè dicitur eum tunc generatum esse, siue illud tunc instans temporis, siue æternitas fuisse intelligatur: sed tunc cū generatus est, cæpiſſe habere esse: ergo non ab æterno fuit: non igitur fieri potest, ut aliquid ab æterno fuerit, & tamen genitum sit.

Ad hæc iam antè responſum est. Dicimus enim cum D. Athanasio in expositione fidei, Filium semper generari, quia generatur in momento æternitatis, quod perenniter durat. Neque ideo sequitur, Filium non habere esse per-

manens, sed successuum, ut tempus & motum. Momentum enim illud æternitatis semper durans, in quo Filius generatur, totum simul & perfectum est, ac proinde etiam tota simul & perfecta est semper Filij generatio: sicut & visio aliqua est tota simul & perfecta, tametsi duret eadem aliquandiu, ut explicandi causa supra dicebamus. Itaque utrumque simul in illa duratione æternitatis verum est, nempe & genitum esse, & generari perenniter Filium. Nam quia etiam visio rei alicuius tota simul est, simul res est visa, & videtur. Cū autē deinde Disputator subsumit, Filium tunc, cū generatus est, cæpiſſe habere esse; errat. C ob consuetudinem humanæ imaginationis. Res enim, quæ apud nos generantur, ideo cū generatæ sunt, incipiunt habere esse, quia generationis illarū est quoddam initium, hoc est, quia in tempore & ex tempore generantur. At Verbi diuini generatio nunquam incepit, sed semper exſtitit iā inde ex æterno, eò quòd est in ipſo momēto æternitatis, quod semper fuit, est, & erit. Ita fit, ut nunquam Filius esse inceperit: quia nec vnquam incepit esse genitus; sed ut semper fuit genitus, ita semper cum genitore suo fuit.

Præclare enim serm. 10. de verbis Domini D. Augustinus: *Non erat tempus ante Filium, quia omnia per ipsum*

ipsum facta sunt. Quomodo possent esse tempora ante Filium per quem facta sunt tempora? Tolle ergo omnia tempora: semper cum Patre Filius. Si semper cum Patre Filius, & tamen Filius semper genitus, semper cum genitore erat, qui genitus est. Et lib. 2. contra Eunomium D. Basilius: Ab aeterno, inquit, est Pater: ab aeternoque est etiam Filius genito modo ingenite Patris natura coniunctus. Ex Evangelio enim accipimus hoc: In principio erat Verbum. Ex Psalmo autem hoc: Ex utero ante luciferum hodie genui te. Et coniuncta utraque sententia dicimus, quod erat semper & genitus est. Vox enim genuit, à Patre esse Filium significat: Vox autem erat, tempore carentem, & ante seculi originē eius indicat. Hoc ipsum etiam alij sancti Patres (vt suprà dictum est) exemplo lucis & solis confirmant. Semper enim lux fuisset à sole emanans: si sol semper fuisset. At obiicit Disputator contra exemplum istud hoc modo:

Cum duplex sit lux solis, una, quae in ipsius solis substantia haret, quāq; solis vt astrum quoddam est, essentiam constituit (ab ea enim sol ob-

A prima; quia illa non producta est à sole, sed vnā cum sole procreata est à Deo in tempore: neque cum altera luce; nam ea posterior est sole: & subinde gignitur, ac interit. Frigidum ergo hoc est de luce solis exemplum.

Ego verò nimis friuolam hanc obiectionem esse contra appositissimum exemplum censeo. Nam primū, quem non potius moueat tanta tamque consentiens auctoritas sanctorum Patrum, qui hoc ipso exemplo, ad aliqualem mysterij declarationem non ad perfectam Trinitatis imaginem (vt rectē inquit D. Cyrillus li. 1. in Ioannem, c. 5.) vsi sunt? Illud enim vsurpat D. Athanasius serm. 2. & 3. contra Arian. & in epistola de decretis Nycæn. Synod. Gregorius Naz. orat. 3. de Theologia, & in epistola ad Eua-

C & in epistola de decretis Nycæn. Synod. Gregorius Naz. orat. 3. de Theologia, & in epistola ad Eua-

D Athanasium in epistola de sententia eiusdem Dionysij. Augustinus li. 1. de Symbolo ad Catechum. c. 3. vbi eodem modo ponit exemplum de igne & splendore, qui ab igne gignitur, & in epistola 66. ad Maximum medicum. Ambrosius li. 1. de fide, cap. 5. Casiodorus in Psalmū 50. &c. Deinde non modò



contra Patres, sed contra D. Paulum contendit Disputator cum id exemplum oppugnat. Verissimè enim D. Ambrosius loco citato: *Apostoli, inquit, istud exemplum est, non meum.* Quod ipsum sentiunt reliqui Patres. Cum enim ad Hebræos 1. affirmat D. Paulus, Filium esse candorem lucis æternæ & splendorem Patris, certè non per proprietatem, sed per similitudinem & exempli gratia hoc à nobis intelligi vult.

Sed quærit Disputator, vtrinam solis luci Filium similem faciamus? Illinc, quæ hæret in substantia solis, an ei quæ ab illo in aërè diffunditur? Ego verò, quod ad propositum attinet, cum vtraque dico re&issimè posse comparari. Nam vnaquæque lux ex his duabus & procedit à sole, & simul tamen est soli, à quo procedit, coæua. Ob has autem duas rationes Filium cum luce solis comparamus in quæstione de æterna ipsius generatione.

At, inquit Disputator, lux quæ hæret in substantia solis, non producit à sole, sed vnà cum sole procreata est à Deo in tempore. Quid? Nónne apud omnes Philosophos receptissimum axioma est, proprietates rei, quæ in ipsa rei substantia hærent, sic à causa rei efficiente vnà cum re produci, vt simul tamen ab ipsa rei ef-

**A** sentia, tanquam à fonte & origine sui, per simplicem quandam processioneis modum emanent? Hic modus emanationis nobis in proposito sufficit ad aliqualem similitudinem. Vt enim antea recitauimus ex D. Cyrillo: *Non ad perfectam Trinitatis imaginem,* sed ad declarandum aliquo modo id quod volumus, his exemplis utimur.

**B** Falsum item, & à vera Philosophia abhorrens est, quod præterea Disputator ait, illam alteram lucem, quæ à luce solis in aërè diffunditur, posteriorem esse sole. Simul enim ac sol productus est lumen suum in aërem diffudit. Aër enim ante solis creationem erat; siquidem tenebræ prius fuerunt, vt legimus Genes. 1. super faciem abyssi, cum creatura corporalis initio esset facta rudis ac sine perfecto formarum ornatu & distinctione. Neque solùm Philosophi intelligunt, sed omnes etiam experiuntur, illuminari aërem à corpore lucido in momento sine vlla temporis mora. Quod & diuus Ambrosius libro primo exhameron. capite nono annotauit: *Lux, inquit, calum, terras, maria illuminat, & momento temporis, & sine vlla comprehensione, reuelis surgentis diei splendore regionibus nostro se circumfundit aspectui.* Idem etiam diuus Athanasius sermone secundo contra Arianos affirmat,

& alij Patres. Præterea, nec illud etiam verè dicitur à Disputatore, lucem eam quæ hæret in substantia solis, essentiam solis, id est, illius astri quod solem nominam⁹, constituere. Si enim hæret in substantia solis, si solis proinde accedens est, quomodo cōstituit eius substantiam? At obiicit præterea Disputator exemplum illud lucis & solis, nostris etiam Philosophis aduersari:

*Qui, inquit, Proclo Platonico Philosopho acutissimè argumentanti, mundum fuisse æternum, non aliter respondent, quàm negando posse effectus simul cum suis effici causis efficientibus. Sic enim Proclus apud Philoponum ratiocinatur pro mundi æternitate: De natura boni est seipsum cum aliis communicare, suamq; bonitatem aliis rebus, quantum fieri potest, impertiri: & id maximè conuenit summo bono, qui est Deus: at si mundus non sit æternus, per æternum (ut ita dicam) tempus Deus nihil legis, & suæ bonitatem non communicauit: aut igitur potuit ab æterno mundum creare, aut non: si non potuit, ergo est finita vi, & circumscripta facultate pradius: si potuit, aut voluit etiam, aut noluit: si potuit & voluit, ergo fecit: quid enim ei ob stare potuit: si potuit & noluit, ergo*

*A non est summè bonus, & inuidia tangitur: id quod impium est cogitare, nedum loqui aut sentire. Ad hoc verò Trinitarij nostri Philosophi (Benedictus Pererius lib. 15. de rerum naturalium principiis, c. 4. in solutione 2. argum. & Franciscus Toletus lib. 8. Phys. q. 2.) nihil cense aliud respondent, quàm æternitatem aduersari & repugnare conditioni eius, quod sit. Si enim mundus, inquiunt, à Deo factus est, ab eo suum esse ac durationem accepit, nam quod semper est, quomodo ad ipsum esse produci potest? Omnis enim productio aliquid nouum necessariò significat. Hac illi. Nec aliq*  
*C dissolui modo potest illud Procli argumentum.*

Hoc loco primùm à Lectore notandum est, Philosophos eos, qui isto modo respondent Proclo, non de quauis omnino productione affirmare, quod aliquid nouum necessariò significat, sed de productione tantum rei creatæ. Etenim Benedicti Pererij (quæ in primis hic citat ad marginem Disputator) li. 15. de rerum naturalium principiis, c. 4. in responsione ad argumentum secundum, quod est illud Procli, hæc verba sunt: *Omni, inquit, productio aliquid nouum necessariò significat: loquor de productione quæ sit ad extra.* Hæc enim Pererius: Cuius hæc verba postre-

postrema præteriuit Disputator. Illis enim Pererius declarat, se nō nisi de creaturæ productione loqui, quam Theologi productionem ad extra vocant, quia non est immanens in ipso Deo. Sic etiam Franciscus Toletus (quem simul Disputator citat) libro 8. Phys. q. 2. sæpe declarat creaturæ tantum productionem non potuisse sua quidem sententia esse ab æterno: maximè autē sub finem quæstionis in responsione ad argumentum quartum, ubi ita scribit: *In diuinu, inquit, personis, in quibus communis est mensura æternitas ipsa Patris & Filij, potuit alter ab altero generari, & non esse generante posterior.* Itaq; productionem ad intra, hoc est, quæ maneat in ipso Deo, qualis est productio Filij & Spiritus sancti, sine rei productæ nouitate esse, illi Philosophi omnes agnoscunt, quos Disputator Trinitarios vocat, hoc est, qui fidem sanctissimæ Trinitatis præsidii etiā veræ Philosophiæ tuentur. Quod cum ita sit, fecit perperam Disputator, quod eorum Philosophorum auctoritate ad euertendam fidem sanctissimæ Trinitatis voluit abuti.

Deinde etiam animaduertat Lector, quamuis eorum auctorum sententia, qui nullam creaturam coæternam Deo esse potuisse arbitrantur, valde probabilis sit, tamen non ab illis hanc

sententiam defendi vt sine controuersia certam. Sciunt enim magnos auctores sentire contrarium, nempe D. Thomam Scholasticæ Theologiæ principem, 1. p. quæst. 49. articul. 2. item eos, qui D. Thomæ doctrinam sequuntur, & præterea Durandum lib. 2. sententiarum, distin. 1. quæst. 2. Gregorium Ariminensem, eadem distinct. quæst. 3. Gabrielem, Ockamum, & alios ibidem. Quin & ipse Benedictus Pererius horum sententiam ad extremum potius probat, & acuratè confirmat in illo ipso lib. 15. cap. 12. & 13. Franciscus etiam Toletus, qui nullam creaturam ab æterno produci potuisse, vehementius contendit, idque ipse quidem demonstrari posse opinatur, tamē non impedit, quod minus existimet aliquis contrariam sententiam esse probabilem. *Alij* (inquit ad finem illius quæst. 2.) *aliud indicabunt; non carere, inquam, probabilitate contrariam sententiam, aut etiam esse problema utrinque.* Sicut putauit Scotus in 2. lib. sententiarum, distin. 1. quæst. 3. *Quorum iudicium aliis relinquimus.* Hactenus ille.

Id autem cum ita sit, manifestam iniuriam fecit Disputator tum Trinitariis (vt vocat) Philosophis, Pererio & Toletis, tum quod deterius est ipsi veritati, quod asseuerarit, nihil certè aliud (vt inquit) eos ad illud argumentum



tum Procli respondere, quàm æternitatem aduersari & repugnare conditioni eius quod fit. Aliud enim etiam, secundum contrariam aliorum sententiam, putarunt ad id argumentum responderi posse, & ipsi quoque in illis locis quos Disputator citauit, responderunt. Benedictus enim Pererius ad finem solutionis illius secundi argumenti Procli, hæc adiungit: Si quis, inquit, putet, mundum etsi non est æternus, potuisse tamen fieri ab æterno, posset ALITER ad hoc argumentum ita respondere. Licet Deus potuerit creare mundum, æternum, id tamen facere noluisse, quoniam ita melius erat; vel quia ex noua motivatione mundi manifestius certiusq; cognoscitur perfectio & gloria Dei, cuius causa mundus est factus, vel alia ob causas, quæ nos mortales humane inscientia caligine circumfusus, ceu alia pleraque, latent. Et luculenter etiam Franciscus Toletus in illo libro 8. Phys. quæst. 1. respondens ad illud idem Procli argumentum: Dico, inquit, quod Deus ab æterno potuit, & ab æterno voluit producere mundum; verum non producere ab æterno, sed in tempore. Quod est dicere, Deum habuisse hanc voluntatem æternam; Volo producere mundum in tempore. Neque est inuidia adscribendum quod non ante fecerit, sed sua diuina voluntati, quæ causa prima est. Nam non facere bonum, cum possis, non est inuidia. Debet enim bonum fieri cum oportet, & quomodo

A oportet. Ita decuit diuinam bonitatem mundum in tempore facere; quia non oportebat creaturam suo creatori esse coæternam. Et ulterius, ita factum est, ut nobis ostenderetur, non indignuisse Deum ipsum mundo, sed mundum ipso egere. Et ulterius, ut cognosceretur clarius, ipsum esse auctorem omnium: quod cognosci vix posset si mundus esset æternus. Rursus, ut sic clarius cognosceretur, eum esse creatorem, & infinita virtutis, qui ex nihilo fecerit. Præterea, ut cognosceretur esse agens liberum, quia fecit cum voluit. Demum, ut sic homines illius timeant, honorent, & venerentur, cum videant omnia ab ipso, eius nutu, & potestate, & voluntate pendere. Ob hæc ergo causas Deus merito voluit, & ita fuit melius, mundum in tempore produci quàm ab æterno. Hætenus Toletus. Cuius hanc responsionem ad argumentum illud Procli sufficientem esse iudico, quæ tamen procedit (vt patet) etiam si mundus potuerit aliqui à Deo produci ex æterno.

Quocirca vtrumque falsò affirmavit Disputator, scilicet, Pererium & Toletum non aliud ad argumentum Procli respondisse, quàm æternitatem repugnare mundo; & non alio modo id argumentum posse dissolui. Nam & potuerunt aliter respondere, & responderunt etiam hi auctores. Quorum in responsione plures causas habet expositas Disputator, cur (vt postea interrogat) bonitatem

tatem suam Deus rebus creandis non ab æterno communicasset, si id fieri potuisset? Non enim bonum statim ac potest, communicandum est, sed tum cum oportet illud communicari.

Tertiò nolet Lector, non modò auctores eos, qui putant creaturam aliquam potuisse produci ab æterno, sed eos etiam qui hoc negant, commodissimè posse æternitatem generationis Filij defendere, & eam exemplo illo solis & lucis à Patribus vsurpato declarare. Primùm enim, discrimen inter creaturam & Dei Filium assignant. Nam creaturam dicunt natura sua penitus incapacem esse, vt reliquorum diuinorum attributorum, videlicet infinitè bonitatis, infinitè sapientiæ, &c. ita etiam æternitatis, hoc est, durationis infinitè, secundum quam actu aliquid infinitè durauerit. Durasset autè infinitè creatura ab æterno producta: siquidem infinita prorsus duratio est iam inde ex æterno vsq; ad quodlibet momentum, in quo eiusmodi creaturam existentem cogitare velles. At verò cum Dei Filius sit eiusdem naturæ cum Patre, ideoque capax æternitatis, nihil obstitit, quò minus produci poterit, atque adeo fuerit productus ex quo Pater ipse est, id est, iam inde ex æterno. Immò verò id necessarium est, siquidem ex

A quo Pater est ( hoc est, absque omni initio ) fuit præditus potentia perfecta generandi, & præterea non libera, sed necessaria voluntate Filium generauit, vt supra lib.1. cap.22. & lib.2. cap.11. conuicimus.

Deinde etiam hanc ipsam æternitatem Filij, auctores illi, qui creaturam æternam esse potuisse negant, nihilominus possunt ( vt dixi ) declarare exemplo solis & lucis. Etenim non est necesse id exemplum ad propositum accommodare isto modo: Sol fuit, aut potuit esse ab æterno; & lux item potuit ab æterno ex sole procedens, soli esse coæua: Igitur par ratione potuit Filius ab æterno procedere ex æterno Patre, & nihilominus esse illi coæternus. Nò ita accommodant Orthodoxi hoc exemplum, sed duobus modis aliis, qui què vsurpari possunt ab his qui negant vel solem vel vllam aliam creaturam potuisse esse ab æterno.

D Primò sic: Lux temporalis à sole temporali procedit, & nihilominus est illi coæua. Igitur rectè etiam potest intelligi Filium æternum à Patre æterno processisse, & nihilominus esse illi coæternum. Maxime cum in eo etiam similitudo sit, quod sicut à sole necessario & naturaliter lux processit, & ideo simul ac sol fuit natura sua perfectus ex tempore, ab ipso lux pro-

processit; ita Filius necessariò processit à Patre: Vnde similiter consequitur, simul ac Pater æternus exstitit, hoc est, iam inde ab æterno, sine initio ab eo processisse Filium. Indicaui autem acutè & subtiliter hunc primum modum accommodandi id exemplum D. Augustinus lib. 1. de Symbolo ad Cathecum. cap. 3. ponens similiter huius rei exemplum ex processione splendoris ab igne: *Inueniamus, inquit, coaetnum, & credamus coeternum. Si potuerimus inuenire Filium coaetnum Patri suo, credamus Filium Deum coeternum Patri suo. Et paucis interpositis: Coetnus, inquit, Pater Filio, vel Filius Patri, quomodo potest esse? Occurrit nobis ignis Pater, splendor Filius: Ecce inuenimus coaetnos. Ex quo ignis esse cepit, continuo splendorem gignit: nec ignis ante splendorem, nec splendor post ignem. Et si interrogemus, quis quem generat? Continuo omnes clamatis, ignis splendorem, non splendor ignem. Ecce Pater incipiens: Ecce Filius simul, nec antecedens, nec sequens. Ecce ergo Pater incipiens, & Filius simul incipiens. Si ostendi vobis Patrem incipientem & Filium simul incipientem, credite Patrem non incipientem, & cum illo Filium nec ipsum incipientem: illum æternum, ipsum coeternum. Ita præclare Augustinus. Nec minus doctè ac neruose sermone secundo contra Arianos circa medium D. Athanasius: Solem, inquit, interrogant*

*A de ipsum iubare, & fontem de ipsum aqua, ut addiscant, quòd tamen si ista genita prolesque sint, una tamen cum illis coexistunt unde originem traxere. Si igitur ex natura semper huiusmodi genitores ita se habent erga genita sua, cur Deum creaturis minorem suspicantes, non apertius suam impietatem, esserunt? Quod si istud non audient ex professo dicere, & extra controuersiam est, Filium non aliunde, sed ex Patre esse naturale genimen: neq. quidquam est quod impediat Deum; non enim Deus ut homo est, sed maior sole est, immò potius Deus solis; nimirum ex eo, & semper cum eo existit Verbum. Hæc D. Athanasius.*

Secundo modo potest ad æternam Filij generationem accommodari illud exemplum solis & lucis (sicut etiam ignis & splendoris) per quamdam hypothesim conditionalem, hoc pacto: Si sol esset æternus, neque id repugnaret naturæ suæ; lux etiam ab eo procederet ex æterno, propterea quod naturaliter ab eo, quatenus ita perfectus est, lux procedit. Igitur simili ratione, cum in diuinis Pater, quatenus potentia generandi perfectissimus est, sit æternus, & ex eo ut talis est, naturaliter Filius procedat; ab æterno ex illo procedere confitendum est. Credo satis iam Lector animaduertit, quemadmodum non vno, sed variis modis accommodari possit ad æternā Filij



generationem solis ac lucis exemplum, etiam si nulla fiat absoluta hypothesis, quod sol aut aliqua alia creatura potuerit ab æterno produci.

Quæ res auctoritate etiam atque usu ipso veterum Patrum à nobis confirmari potest. Etenim ex illis ipsis, à quibus antè commemorauimus hoc exemplum solis & lucis ad Filij generationem accommodari, quidam nihilominus sentiunt creaturam non potuisse creatori suo esse coæternam: nempe D. Athanasius in illo ipso sermon. 2. contra Arianos, ubi rationem reddit, *quia creatura sunt, alterius ac diuersæ naturæ à creatore.* Item Basilii lib. 2. contra Eunomium. Ambrosii li. 1. exameron. cap. 3. Augustinus lib. 1. de ciuitate Dei, cap. 15. Damascenus li. 1. de fide, cap. 8. Qui tamen ibidem explicat æternam Filij generationem exemplo ignis & lucis ab igne procedentis.

Possunt igitur ex sententia Patrum hæc exempla optimè in proposito vsurpari, etiam si nulla potuerit esse creatura ab æterno. Quod cum ita sit, perperam Disputator conatus est probare, vsurpationem eiusmodi exemplorum, illorum Philosophorum sententiæ aduersari, qui creaturam negant potuisse esse ab æterno. Item frustra & iniquè eorundem auctoritate est abusus ad conclu-

A dendum non potuisse productionem Filij esse sine initio, hoc est, ab æterno. Excipiunt enim illi Philosophi productionem diuinę personę, & de solius creature productione (quæ à creatore diuersam naturam habet) loquuntur, cum aiunt, productionē rei, cum rei nouitate coniunctam esse oportere, vt ex ipsorum verbis, quæ præteriiuit Disputator, superius cognouimus.

Vtra verò sententia veri similior sit, illane quæ negat creaturam ullo modo potuisse produci ab æterno, an illa quæ id concedit, vt suprà meminimus, non est nostri instituti iam disputare. Satis nobis est, quòd demonstrauimus, æquè secundum vtramque sententiam, tum fidem de æterna Filij generatione consistere, tum etiam exemplum solis ac lucis ad hanc fidem illustrandam posse accommodari, quæ duo conuellere Disputator conatus fuerat. Ego quidem, si illa sola argumenta perpenderem, quæ ratione vltro citroque de ea quæstione agitantur, D. Thomę & aliorum sententiam, qui creaturam potuisse ab æterno produci putant, magis probarem. Verum contraria sanctorum Patrum testimonia mouere haud immerito nos possunt, vt existimemus, & creaturam nequaquam potuisse ab æterno esse, & firmam aliquam rationem

cur non potuerit, omnino subesse, licet eam nec ipse adhuc satis compertam habeam, nec satis euidenter ab aliis hactenus expositam esse videam. Etenim infinitas durationis, non mihi videtur tale aliquid esse, quod non potuerit secundum vllum modum inesse in creata duratione; sicut infinitas essentia, aut sapientia diuina nequit vlllo pacto creaturae essentia, aut sapientia communicari. Sed, vt dixi, quaestionem eam discutere, non est iam opportunum.

Nunc videamus, quomodo Disputator probare contendat, generationem Filij habuisse etiam terminum, ac proinde non esse aeternam. Nam postquam frustra conatus est ostendere illam habuisse initium, aequè frustra nititur probare, habere etiam terminum:

*Confirmo, inquit, eandem, neque potest esse interminabilem & immutabilem. Quid ista? quia aeterna generationis quasi terminus dicitur fuisse λόγος: ergo simul atque hic productus fuit, conqueuit illa generatio: at quo pacto diuina terminari potest generatio, cum quidquid est in Deo, sit ipsemet Deus, ac propterea aeternum & immutabile?*

Non ea ratione Verbum diuinum terminus illius generatio-

nis esse dicitur, quia illo producto destiterit esse illa generatio, sed quia Verbum diuinum est illud certè, quod per eam generationem sempiternè & perenniter producit. Quemadmodum res visa (exempli gratia) terminus esse dicitur visionis aliquandiu durantis, non quia simul atque res visa sit, visio esse desistat (pono enim eam aliquanto tempore continuari) sed quia est id, quod per visionem cernitur toto illo tempore, quo visio durat. Vitiosa est igitur illa consequentia Disputatoris: λόγος, seu Verbum est terminus aeternae generationis; ergo simul atque hic terminus productus fuit, conqueuit, nec durauit ulterius illa generatio. Non enim si est aliquis terminus secundum originis rationem huius generationis, eiusdem etiam terminum secundum durationem esse oportet.

Et vitium eius collectionis patet perspicue in hac consequentia simili: Res visa terminus est visionis; ergo simul atque res est visa, visio conqueiscit, & habet terminum suae durationis. Videtur enim res in instanti, & tamen potest eadem visio longo tempore continuari, postquam res in instanti visa est: quin etiam ab aeterno & in aeternum posset similiter durare cum suo termino, si suapte ratione visio esset aeterna,

na, sicut est illa Verbi diuini generatio. Sed quemadmodum Verbum diuinum perenniter in æternitate generetur, & tamen nunquam non eius generatio perfectissima sit, explicauimus etiam paulò superiùs. Vt enim ipsa duratio æternitatis tota simul perfecta sine fine ac initio existit, ita etiam illa generatio: maximè cum ea ex parte quidem Filij, seu passiuè, vt in scholis loquimur, nihil aliud sit, quàm ipsa Filij persona, vt à Patre sine initio atque sine existens; ex parte autem Patris, seu actiuè, est ipsemet Pater, vt ab eo intelligente, sine initio similiter ac sine, Verbum seu Filius existit.

Dicit fortè aliquis; Si æterna Filij generatio tota simul & eadem & perfecta est, quomodo de eo verè dici potest, quòd genitus est, & nunc etiam generatur, & perpetuò quoque generabitur? nam & hoc etiam attingit hoc loco Disputator. Ego verò respondeo, eiusmodi locutionibus nostris nequaquàm plures Filij generationes, aut plures quasi partes generationis eiusdem significari, quarum alia sit præsens, alia præterita, alia futura, quasi differentia ista præteriti, præsentis, & futuri, sint in ipsa Filij generatione: sed significamus hoc modo loquendi, durationem æternam generationis huius esse eiusmodi-

A di, vt quoniam infinita est, eadem coëxistat cuius temporì præterito, præsentì, & futuro, ideoque & præterito tempore verissimum fuisse, & præsentì verissimum esse, & futuro verissimum fore de Verbo diuino affirmare, quòd à Patre generetur. Hæc enim vis est illarum locutionum. Quod exemplo similium enunciationum de Deo, quæ tamen sunt verissimæ, confirmari euidenter potest. Nam cum dicimus: Deus est; Deus fuit; Deus erit; non aliquas differentias, & quasi diuisiones præsentis, præteriti, & futuri in Dei existètia significamus; sed intelligi volumus, durationem æternam illius existètia cum sit infinita, esse eiusmodi, vt eadem coëxistat omni tempori, præsentì, præterito, & futuro, in quo à nobis Deum esse verissime affirmari possit. Hoc igitur modo & hoc sensu Verbum quoque diuinum verè dicitur & genitum esse, & generari, & generandum, quamuis ipsius æterna generatio sit tota simul, non minus, quàm ipsa diuina existètia. Quare non est satis assecutus Disputator certam hanc Theologorum ea de re sententiam, cum de illis ita dicit:

*Audaacter fingunt, æternitatem eminenter 1. continere omnem durationem temporis, & coëxistere omnibus differentiis temporis, id est, dura-*



durationem, quā tempus habet imperfecto modo, sine ulla nimirum permanentia, & cum perpetua successione præteriti, præsentis, & futuri, eam durationem habere aternitatem perfectissimo modo, hoc est, totam simul, sine ulla eius in nouatione: quapropter aternitati omnia etiā præterita & futura 2. esse præsentia, verèq; dici 3. posse τὸν λόγον, & generatum esse, & generari, & generatum iri. Quod cum fingunt, quid, quāso, aliud dicunt, quā eādem rem simul esse, & non esse? esse quidem, quia aternitati præsens statuitur: non esse, quoniam vel iā interit, vel nondum producta est.

Tria hoc loco Disputator de sententia Theologorum commemorat, quæ claritatis gratia additis numeris in ipsius oratione distinximus. Primum est, aternitatem eminenter continere omnem durationem temporis, &c. Hoc verissimum & certissimū dogma est; neq; opinor, id propriè esse illud, quod Disputator in hac re fictitium, seu commentitium esse existimat. Ipse enim superiùs definitionem aternitatis ab omnibus receptam, ex qua id totum euidenter consequitur, probauit, quam Boëtius libro 5. de Consol. hisce verbis tradidit: *Aternitas est interminabilis vite tota simul & perfecta possessio.*

Secundum est, propter hanc ipsam perfectionem atque infinitatem præteriti, tum præsentia, tum futura coëxistant præsentia in aternitate. Hoc non est dogma apud omnes Theologos certum & exploratum. Nam etsi certum sine cōtrouersia sit, eandem ipsam aternitatem, sine ulla variatione sui, coëxistere omnibus rebus præteritis, præsentibus, & futuris, quando ipsæ res sunt, & omnia etiā diuinæ quidem cognitioni esse præsentia; multi tamen Theologi docti ac nobiles disputant, non ideo res ipsas vicissim coëxistere simul secūdum esse suum aternitati, vt quidā alij opinantur. Quam ad rē illud argumentum, quod hīc attingit extremis verbis Disputator, & alia multa non improbabiler adduci solent, vt est videre apud Ioannem Capreolum in 1. distinct. 9. & apud Caietanum in comment. 1. par. D. Thom. quæst. 14. art. 13.

Tertium est, eam coëxistentiā rerum omnium in aternitate, in causā demum esse, vt verè dici possit τὸν λόγον, id est, Verbum generatum esse, & generari, & generatum iri. Hoc non ita est. Primum enim, cum præsens illa rerū in aternitate coëxistentia, dubia sit, & à multis etiā reiciatur, non ex ea petere solent Theologi certam explicationem eiusmodi

di enunciationum, quæ sine controuersia sunt veræ & certæ. Quin earum veritatem ex alio declarant, quod est apud omnes certum; nempe ex eo, quod æterna Filij generatio, cum infinite durationis sit, ad omnia tempora pertinet, siue omnia illi simul coexistent, siue secus. Inde enim fit, vt verum sit, & verum fuerit, & verum futurum sit omni tempore dicere, quod Filius generetur: id quod illis enunciationibus; Filius generatur, genitus est, & generabitur, significamus, vt antea exposuimus, & docet etiam diuus Thomas 1. part. summe, quæst. 10. articulo secundo ad quartum argumentum.

Deinde iam docui, in ipsa generatione Filij non esse aliquid præteritum & futurum, vt Disputator imaginari videtur, cum ait, ideo verè dici, Verbum generatum esse, & generatum iri, quia omnia præterita & futura sint in æternitate præsentia. Quasi nimirum illud generatum esse, & generatum iri, quod de Verbo dicimus, esset aliquid de numero rerum præteritarum & futurarum. Hoc sanè alienissimum est, à sententiâ omnium Theologorum. Sed aliud illi eo modo loquendi significant, vt iam expositum est. Quare, vt superius aiebam, minimè afsecutus est Disputator causam, quam sine controuersia Theologi

reddunt, cur Verbum dicatur generatum esse, & generatum iri; & præter rem aduersus præsentiam existentia rerum in æternitate disputat, cum ea neque comperta apud omnes sit, & multò minus fundamentum veritatis eiusmodi enunciationum in illa Theologi constituent. Atque, vt frustra hætenus probare conatus est, in æterna Filij generatione mutationem aliquam à nobis poni debere, ita etiam perperam nititur ostendere temporalem item mutationem in Filio nos concedere, cum deinde subiungit:

*Nam si ipse Deus Filius post æternam generationem verè etiam homo factus est in tempore, profecto mutatus est de non esse hominis ad ipsius esse: quæ sanè mutatio longè maior est, quàm transmutatio physica ex non calido in calidum, ex non frigido in frigidum: quippe cum hæc accidentalis sit; illa vero quodammodo essentialis, vtpote, quæ per hypostaticam unionem facta dicatur.*

Ad argumentum hoc, quod ipsi etiâ Theologi Scholastici proponunt & soluunt, breuiter hunc in modum respondeo. Motus, seu mutatio de ea re dicitur, quæ cum fuerit in potentia ad recipiendam perfectionem suam aliquam, eam demum recipit tanquam ea indigens,

ut ab ea videlicet secundum rationem aliquā perficiatur & quasi compleatur. Ita Philosophus etiam tradidit, cum docuit eius esse mutari quod est ens in potētia. Iam verò Filius, cum ad suam æternam hypostasim naturam humanam assumpsit, non in se recepit aliquid, ad quod fuerit in potentia tanquam ad sui aliquā perfectionem, qua ipse indigeret. Quomodo enim is indiguisset natura humana, & in potētia ad eam tanquam ad sui perfectionem, & quasi complementum fuisse, putari potest, qui habuit in essentia sua perfectionem omnem naturæ humanæ infinitè meliori & eminentiori modo, quàm sit ea perfectio in ipsa humana natura? Verbum igitur diuinum, hoc est, æternus Dei Filius, naturam humanam suscipiens, non à natura humana perfectionem aliquam seu complementum, tanquam in potentia & indigens, accepit, sed ipse naturæ humanæ sese communicauit, & eam perfecit, & hypostaticè compleuit, & eatenus illa vnio substantialis fuit, quanquam hoc totum modo ineffabili.

Quod cum ita sit, dici non potest Filium æternum in illa sui cōiunctione cum natura humana fuisse mutatum. Nam non satis ad rei mutationem est, quod nouum aliquid de re affirmari possit; sicut nouum fuit, quod Filius Dei esset

homo, quemadmodum etiā quod Deus mundū creauerit; sed requiritur præterea ut res tanquam in potentia & indigens aliquo, quod de nouo accedat, pficiatur. Quod in proposito nequaquā euenit: tamen si longè alius modus ille fuit, quo Verbum hypostaticè naturam humanam perfecit, quàm ille quo Deus mundū perfecit ipsum creans. Ac est sanè hoc ipsum maximè admirabile, quod fieri potuerit eo mysterio, ut aliquid de nouo verè esset homo, nec tamen ideò perficeretur ac mutaretur; sed tamē illa ipsa nostræ fidei mysteria, quæ valde admirabilia sunt, sunt etiam, ut ait regius Propheta, credibilia nimis.

Hanc huius rei explicationem p̄clare tradidit in oratione, *Quod vnus sit Christus*, D. Athanasius: *Corpus, inquit, non habuit vim absolueda diuina hypostaseos. Sed ille, qui verè integer & perfectus est, id quod imperfectum erat, absoluit; & qui nullius indigens erat, coniunctus est, & cōdunitus cum carne; & qui nullius rei necessitatem sentit, dedit se corpori necessariis indigenti.* Hæc responsio firma & solida est, nō autem illa quam Disputator ad pauca respiciens sibi proposuit ad confutandum, deinde subiungens:

*Nec quidquam eos inuat, quòd ipsa diuinitas nō sit mutata in carnem, vel substantiam humanam.*

Gg

Etc.



*Etenim nec subiectum seu materia A physica mutatur in formā substantialem aut accidentalem: sed cūm aduentantem formam suscipit, sustinet atque vehit, tunc ab ea dicitur mutari forma. Quocirca ipsa etiam hypostasis diuina, si verē in se recepit humanitatem, verē mutata est ex non homine in hominem.*

Diuinam hypostasim non ideo negamus esse mutatam, quia non sit mutata in humanitatem, sed quia ita recepit humanitatem, vt non ab ea perficeretur, sed ipsa potius illam perficeret. Materia autem & subiectum, licet non in formam substantialem aut accidentalem mutentur, tamen his indigent & ab his perficiuntur, cūm alioqui desit illis aliquid, & sint in potentia, ac idcirco mutantur. Quare nihil eiusmodi ratiunculis proficit Disputator.

## CAPVT VI.

*Confutatur secundum indicium, ex quo Disputator colligi voluit, falsam esse fidem SS. Trinitatis.*



**A**LTERVM indicium cōstat Trinitatis dicit esse dogma de processione Spiritus sancti, quæ neque sit generatio, nec creatio; quasi nullo modo possit hoc defendi:

Cūm nondum, inquit, contenti duabus diuinis personis, tertiā quoque adicere vellent, qua Spiritus sanctus vocaretur: non autem ignorarent 1. nullum exflare in totis bibliis de diuinitate Spiritus sancti apertum testimonium, immō vnigenitum etiam Dei Filium in fraternā B societatem nullū alium 2. Deum admittere, sed prorsus excludere tertiā 3. personā diuinā; sinxerunt, Spiritum sanctum 4. ὁμοούσιον quidē Patri & Filio, & ab 5. vtrog, productū, non tamen 6. genitū, nec alterū esse Dei Filium; 7. quia non intellectu, vt λόγος, sed voluntatis actione productus fuerit. Quam tamen C 8. commentitiā, si etiam quā doctrinā communis totius sacre Scripturæ refellit consensus & conspiratio in duplicem tantūm similis substantiæ productionem, creationem, inquam, & generationem: quare Spiritus sanctus aut creatus, aut genitus sit, necesse est: at nolunt ipsum esse creatum; fateri ergo debent eum esse genitum & alterum Dei Filium.

Distinxi numeris hanc orationem Disputatoris, vt commodius singula refellerem. 1. Igitur quod ait, Theologos agnoscere nullum apertum testimonium de diuinitate Spiritus sancti exflare, an non vanissimum figmentum est? Nōne SS. Patres, quos suprā li. i. c. 20.

& 24. citavi, ex Scriptura sacra diuinitatem Spiritus sancti ita probant, ut iis, qui eam negent grauissimè maledicant? Quid, quod D. Cyrillus Alex. librum edidit cum hoc titulo: *Argumenta euidentia, quòd Spiritus sanctus sit Deus & non creatura?* Sed suprà lib. 1. cap. 24. testimonia Scripturæ adduximus, quibus apertè & clarè, si modò quis oculos habeat ad intuendam veritatis lucem, Spiritus sancti diuinitatem probant Orthodoxi Theologi: ad quem locum, ne repetamus, remittimus Lectorem.

2. Illud autem verissimum est quod addit vnigenitum Dei Filiū in fraternam societatem nullum alium Deum admittere. Nam neq; is vllum fratrem habet, cum sit vnigenitus, neque præter Deum vnum illum verum, qui est ipse, vllus alius est Deus.

3. Non autem idcirco excludit prorsus (ut ait Disputator) tertiam personam diuinam, quæ sit idem ille vnus & verus Deus cum Patre & Filio. Quin imò in eadem ipsa diuinitate tertiam personam Spiritus sancti inclusit, cum æquè in eius nomine ac in suo & Patris, homines baptizari præcepit Matt. 28. Quod quia superiùs lib. 1. cap. 24. ex sententia sanctorum Patrum ostendimus, non est rursus hoc loco probandum.

4. Id cum ita sit, nõ est figmentum Theologorum, sed doctrina

A diuina, quòd Spiritus sanctus sit homouision Patri & Filio.

5. Atque illum à Patre & Filio procedere, suprà quoque libro 2. cap. 6. ex diuinis literis ostendimus.

6. Ita verò Spiritū S. procedere, ut tamen non sit genitus, an non etiam sacra Scriptura manifestè tradit, cum Filium toties vnigenitum esse affirmat?

7. Quamobrem autem Spiritus sancti processio generatio non sit, suprà lib. 2. cap. 4. ex sententia sanctorum Patrum ostendimus non posse satis in hac vita vel explicari vel intelligi. Et tamen simul eo loco docuimus quemadmodum eius rei ratio ex discrimine processione per voluntatem, & processione per intellectum aliquo modo reddi possit.

8. Quod autem Disputator obicit commentationem eam totius sacra Scripturæ consensu refelli, quæ tantum agnoscat generationem & creationem; cur non vel vnicum protulit ex tota Scriptura locum, ubi nullam aliam processionem præter eas duas esse doceatur? Nihil omnino reperitur in tota Scriptura tale. Imò verò contrarium Scriptura nos apertissimè docet, Non enim dicit Christus Dominus; Spiritus paracletus qui à Patre *creatur*, aut *gignitur*, sed qui à Patre (inquit) *procedit*, ille testi-

monium perhibebit de me. Quo loco nomine *processionis* neque generationem, cum sit ipse vnigenitus, neque creationem, cum nunquam in numero creaturarum Spiritus sanctus ponatur (vt supra li. 1. cap. 24. ostendimus) sed alium quendam modum emanationis intelligit. Et quale fuerit Eunomij argumentum, quod hic vsurpat Disputator, colligens; Si Spiritus sanctus creatus non est, genitum ipsum esse oportere. supra libro 1. cap. 25. vidimus. Certè D. Basilus in epistola contra Sabellianos & Arium, damnatione æternæ mortis id argumentum iis, quibus illo vti placuit, allaturum fuisse asseuerat: à qua benè fecit Disputator, quod ad meliorem mentem rediens sibi in tempore cauerit. At pergit oppugnare processionem Spiritus sancti quæ non sit generatio; & oppugnat hoc modo:

*Si, inquit, propter diuersum productionis modum non meretur Spiritus sanctus Filij nomen, ne vnicus quidem à Deo productus fuerit Filius, propterea quod aliter Deum, qui Spiritus est, generare oportet, atque hominem: si igitur homo generat; Deus non generat; vel si vterque diuerso modo generat, cur non Spiritus sanctus quoque genitus, & alter Dei Filius dicatur, cuius productionis modus non tan-*

*tum distat à productione Filij, quantum huius generatio à generatione hominis?*

Dicas, hæreticum illum Macedonianum argumentari, quem refellit in Dialogo de Trinit. contra Anomeos D. Athanasius: *Quodnam* (aiebat ille) *discrimen est generationis & processionis?* Cui sapienter D. Athanasius: *Qui hoc, inquit, discrimen nouit, modum quoque generationis nouerit. Neminem vero nosse modum illius generationis vociferatur Propheta, cum inquit: Generationem eius quis enarrabit?* Et prudenter etiam D. Gregorius Nazian. oratione 3. de Theologia: *Dei, inquit, generatio silentij honore decoretur. Abunde tibi satis sit scire Filium genitum esse* (& non item Spiritum sanctum) *quomodo autem sit ille genitus* (& hic non) *ne ipsis quidem Angelis, nedum tibi, intelligere concesserim. Vis declarem, quomodo? Vt scit Pater qui progeniuit, & Filius qui progenitus est. Quod supra hac est, nube obiegitur.* Et D. Chrysostomus in hom. de Spiritu sancto: *Nomina, inquit, sunt, digniuntur, & procedit; quæ pia fide honorantur, non ratiocinatione tenentur.*

Accipiat igitur Disputator similiter hoc responsum à nobis. Cum enim sit nemo in hac vita, qui sciat penitus modum illius generationis & processionis, nemo etiam sine summa temeritate potest existimare, se ullis interroga-



tionibus vel argumentis conuincere processione Spiritus sancti, generationem esse sicut est Filij processio. Rectissime namque D. Athanasius serm. 3. contra Arianos: *Simile, inquit, hoc est ac si quæreres ubi Deus, aut quomodo Deus sit, & quantum sit Pater? Sed ut talia sciscitari impium est, & eorum qui Deum ignorant, ita quoque fas non est, ut ad istum modum de Filij Dei nativitate percontationes facias, aut ad tuam naturam & imbecillitatem modificare studeas Deum ac Dei sapientiam. Non tamen ob id aliquid præter veritatem cogitandum est. Neque si te, inquit, in questione non explices, dissidendum est sacris Scripturis. Melius enim est hesitandum ignorata causa tacere & credere, quàm ideo non credere quia hesites.*

Sed ad ratiunculam quoque Disputatoris propius respōdeamus. Vis argumenti hæc est. Processio Spiritus sancti minùs distat à processione Filij, quàm processio siue generatio Filij à generatione cuiuspiam hominis. At non obstante distantia generationis Filij à generatione hominis, Filius verissimè generari dicitur. Ergo etiam Spiritus sanctus genitus dici deberet, nō obstante distantia suæ processiois à generatione Filij.

Respōdeo. Generatio Filij dupliciter à nobis cōsiderari potest. Vno modo, ut infinita quædam res est. Altero modo, ut generatio est.

**A** Priori modo verum est, minùs ab ea distare processione Spiritus sancti ( ut quæ etiam est infinita ) quàm ipsa Filij generatio distet à generatione hominis, quæ est res quædam finita. Posteriori modo falsum est, minus processione Spiritus sancti à generatione Filij distare quàm generationem Filij à generatione hominis. Processio enim Spiritus S. nō habet communem cum generatione Filij notionem illam generationis. Ut supra lib. 2. c. 4. explicatū est. Generatio autem hominis, licet ut est creata generatio, & talis, infinitè distet à generatione diuina Filij secundū huius rationem propriā; tamen conuenit cum ea in cōmuni notionem generationis. Quare ut generatio Filij generatio est, minùs à generatione hominis distat, quàm Spiritus sancti processio. Adde quod non propterea, quia plus vel minus distet processio Spiritus sancti à generatione Filij, generatio nō est, sed quia certo quodam modo distat. Quis verò sit hic modus, ne ipsis quidē Angelis, ut ait D. Gregorius Nazian. notū est; neque ideo tamen *Scripturis*, ut rectè etiam monuit D. Athanasius, *dissidendum est*, quæ Filium esse vni-genitum, & Spiritum sanctū procedentem, certissimè docent. Sed pergit Disputator:

*Deinde si voluntatis actione productus est Spiritus sanctus, velim*

*mihi respondeant quarenti, nūc eadem numero voluntatem in omnibus tribus putent inesse personis, secundum unam numero essentiam diuinam, an potius triplicem numero voluntatem iuxta triplex suppositum diuinum? Nō audebunt dicere suam ac propriam esse cuiusque persone diuinæ voluntatem; quandoquidem sola personalia in diuinis dicuntur esse propria: essentialia verò communia.*

*Quæ autem diuinis personis sunt communia, illa eadem numero sunt communia: at intellectus & voluntas non sunt personalia, sed essentialia, ut Scholastici & omnes alij Theologi consentiunt: quare eadem numero voluntas est omnibus tribus diuinis personis.*

Omnino ita est. Hoc de vnica voluntate trium diuinarum personarum sentiunt omnes Orthodoxi. Jam igitur excutiamus, quod infert inde Disputator:

*Ergo, inquit, et eadē numero actio voluntatis est in tribus ὁμοῦς καὶ νοῦς diuinis. Quod si verum est, tunc illud omnino falsum erit, voluntatis actione productum esse Spiritum sanctum. Non enim eadem numero actio simul producere potest & produci: in Patre autem & τὸ λόγος produxisset Spiritum S. in Spiritu sancto verò eadem esset producta.*

Quamobrē verò in Spiritu san-

cto illa eadē actio esset producta? Non enim Disputator hoc vllō argumento monstrauit. Credo autem eum propterea ita cogitasse, quia illa eadem actio voluntatis diuinæ est etiam in Spiritu sancto. At essentia diuina, & voluntas diuina, & intellectus diuinus, & sapientia diuina, & alia omnia attributa, immò Pater ipse & Filius, sunt quoque in Spiritu sancto; nec tamen ideò hæc omnia etiam producuntur, quia Spiritus sanctus producitur. Distinctio enim, non modò realis, qualis est inter Patrē, seu Filium, & Spiritum sanctum, & (vt paulò pòst dicemus) inter eundem Spiritum sanctū & actionem voluntatis diuinæ, quatenus per eam ille producitur; sed etiam virtualis, qualis est inter attributa & personas, sufficit vt persona producat alia quæ sunt in producta persona. Quod suprà lib. 1. c. 30. & lib. 2. & 3. aliquoties docuimus. Quare nō satis seipsum intellexisse Disputator videtur, cū ex eo, quod voluntatis actio, per quam Spiritus sanctus producitur, est in Spiritu sancto, colligi voluit, eam ipsam actionem vnā cum Spiritu sancto produci. Quod si etiam vtgere voluit eam actionem nō quomodocunq; esse in Spiritu sancto, sed esse quoq; ipsius Spiritus sancti actionem perinde ac est Patris, ne tunc quidem habet vllum co-

lorem

lorem illa ipsius cōsequentia cūm infert: actionem eam vnā cum Spiritu S. produci. Nam, vt diximus, actio etiā intellectus, & sapientia, & reliqua attributa sunt quoque ipsius Spiritus sancti, nec tamē ideō cum Spiritu sancto producuntur.

Illud verō est, quod cum maiore quadam specie potuisset Disputator argumentari; nempe si actio voluntatis diuinæ est etiam actio Spiritus sancti, consequens esse vt Spiritus sanctus, qui actione diuinæ voluntatis producit, à seipso quoque producat. Sed hoc ipsum argumentum suprā lib. 2. cap. 4. confutauimus adhibita quadam distinctione, quam secuti D. August. & alios Theologos ibi tradidimus. Quamuis enim re ipsa vna & eadem voluntatis diuinæ (sicut & intellectus) sit actio, tamen ratione & virtualiter, vt docuimus, est duplex. Alia essentialis & absoluta; & hæc omnium diuinarū personarum communis est. Nec per hanc Spiritus sanctus producit; tunc enim produceretur etiā à seipso. Alia est respectiua & notionalis: & hæc nō est Spiritus sancti, sed propria Patris & Filij; ac per eā Spiritus sanctus producit à Patre & Filio, non à seipso. Non enim est etiam Spiritus S. illa actio vt est talis; tamen si sit etiā re ipsa in Spiritu S. vt est re eadem cum essentia diuina; sicut hoc modo quoque in eodem Spiritu S. sunt Pater & Fili-

us. Hæc vera & solida huius difficultatis explicatio est, quam suprā li. 2. c. 4. magis dilatauimus: nō autem illa quam deinde falsō & extra rem diuinavit Disputator, subiungens:

*Scholastici respōdebunt, eiusdem numero actionis voluntatis quasi principium esse Patrem, & τὸν λόγον, veluti terminum autem esse Spiritum sanctum. Quid tum? an non ex principio, medio et termino actionis vna constituitur numero actio? Spiritus sanctus igitur vna erit numero persona cum Patre & Filio. Deinde terminus actionis non est completa & omnibus absoluta numeris actio: ex quo sequeretur, Spiritum sanctum non esse perfectum.*

Nihil horum ad rem facit. Et quædā hic falsō & perperam admiscuit Disputator. Falsum est, ex principio, medio & termino actionis vnā constitui numero actionem, si propriè loquamur. Quamuis enim ratio specifica & numerica actionis ex sui principio & termino spectetur, non tamen ex illis propriè ipsa constituitur. Vt interim omitam, mediū rationem nō in actione propriè, sed in motu considerari. Absurda quoque illa consequentia Disputatoris est, cū infert, Spiritum sanctum esse eandem personam cum Patre & Filio, quia Pater & Filius sit principium,



cipium, & Spiritus sanctus terminus, eiusdem actionis per quam Spiritus sanctus producit. Quid? An fuit Disputator eadem persona cum suo Patre, quia is fuit principium, & ipse fuit terminus eiusdem numero actionis quae est à suo Patre productus? Item absurdè colligit, Spiritum sanctum idè non esse perfectum, quia est terminus actionis, & terminus actionis non est completa & perfecta actio. Nam quamvis is, qui est terminus actionis, non sit absoluta actio, imò nec actio quidem, ut est talis; potest tamè esse & est omnibus numeris absoluta persona. Alioquin Disputator persona absoluta fuerit, quippe cum fuerit terminus cuiusdam actionis.

## CAPVT VII.

*Confutatur tertium indicium, ex quo voluit colligi Disputator, fidem Trinitatis non esse veram.*



ERTIVM fictæ Trinitatis indicium ait, esse dogma, quod defendunt Theologi Orthodoxi de vnione hypostatica duarum in Christo naturarum: et si nescio sanè cur fictum esse oporteret dogma Trinitatis, si fictum esset dogma vnionis hypostaticæ. Sed persequamur illa etiam quæ Disputator extra rem dicit:

**A** Cum necdum, inquit, tribus diuinis contenti personis, quantum quendam habere maiorem Deum cuperent, non tamen auderent eum numero diuersam personam diuinam facere, ne merum hominem diuinæ aquare excellentiæ viderentur: veruntamen, ut quantum quempiam, **B** si non omnino maiorem Deum, haberent, imposuerunt in hypostasi diuinæ naturæ humanam, propria huius hypostasi tanquam pelle prius detracta, ne cum homo tantummodò esset, non tamen purus esse homo videretur, sed Deus etiam propter hypostaticam vnionem appellaretur.

Hic quia tantum fingit arbitratu suo Disputator, & nihil probat, nihil est quod operosa refutatione indigeat. Quis verò Catholicorum tribus diuinis personis contentus non fuit? Quomodo quantum habere Deum, vel maiorem, vel quasi maiorem volumus, qui ne secundum quidem Deum, præter vnicum qui tres personæ est, unquam ex ore nostro protulimus, ut cum Tertulliano superius citato loquar? **D** Neque enim hominem assumpto (inquit verissimè D. August. lib. de bono perseuerantiæ, cap. 24.) quaternitas facta est, sed Trinitas mansit, assumptione illa ineffabiliter faciente persone vnus in Deo & homine veritatem. Et nos ne Deum hominem maiorem aut quasi maiorem Deo solo esse sentimus?

timus? Nihil profecto minus. Sed Christum Deum & hominē, *equalē Deo* secundum formam Dei, vt Apostolus loquitur, & *minorem Deo*, secundum formam serui, hoc est, secundum assumptam humanitatem, confitemur.

Eam autem humanitatē in hypostasi diuini Verbi ille ipse imposuit (vt vocabulo Disputatoris vtat) cuius potentia *Verbum caro factum est*; quod fieri non potuit, nisi factum esset, vt eadē esset persona siue hypostasis diuinæ & humanæ naturæ, quæ & Deus sit, & homo. Hoc enim factum est cū Verbum caro factum est; nimirum vt Filius Dei, qui ab æterno erat Deus apud Deum, inciperet in tempore esse etiam homo per assumptam ad suam hypostasim humanitatem, & *habitaret in nobis*, vt testatur Euangelista Ioannes. Neque verò cū id factum est, humanitati detracta tanquam pellis sua hypostasis est, vt ludit Disputator. Nunquam enim illa humanitas propriā hypostasim habuit, sed ipso puncto suæ conditionis, quo propriam hypostasim fuisset habitura, ad diuinam hypostasim, quæ infinitis partibus fuit præstabilior, summo beneficio est assumpta. At non posse humanitatem illam carere hypostasi propria, ita contendit Disputator:

*Quod tamen, inquit, vnum ἐν τῷ ἀδωάτῳ esse maximum, nul-*

*lus non videt, nisi qui ignorat essentiam re non distingui ab existentia, & hanc contractam ad perfectam substantiam, vocari hypostasim, vel subsistentiam: ad partes verò substantia deductam, nominari in-existentiam, ad accidens autem deriuatam, appellari inherentiam.*

Hoc est argumentum Disputatoris: Hypostasis, siue subsistentia naturæ humanæ nihil aliud est, quàm humanæ naturæ existentia. At natura humana in Christo, propriam habet existentiam; cū existentia ab essentia siue natura, non re, sed ratione tantum distinguitur. Igitur etiam habet propriam hypostasim, siue subsistentiam.

Respondeo, ea quæ in hoc argumento tanquam certa sumit Disputator, incertissima esse, & vt vera atq; certa essent, nihil efficere. Incertū est, hypostasim siue subsistentiā in natura humana, vel in alia substantia, nihil esse aliud quàm existentiam. Multi enim Theologi hoc negant, ac docent maximè verisimiliter, propriam hypostasis rationem consistere in quodam termino substāciali, quotandem completur natura humana, & fit hoc suppositum, seu hic homo, & quo denique natura fit capax completæ existentia. Atque hunc terminum substantialem docent, à diuini Verbi hypostasi

Hh

stasi

stati infinita sua perfectione in humana Christi natura suppletum fuisse. Item incertum est, naturam humanam in Christo habere propriam existentiam. Quin multi sentiunt, habere tantummodò existentiam diuini Verbi. Incertum etiam est, existentiam in rebus creatis ratione tantum distingui ab essentia. Nam plerique etiam hoc negant, arbitranturque existentiam quandam, quasi actum re distinctum esse ab essentia, qui in eadem tanquam ipsius quedam perfectio recipiatur; quo actu p-  
inde humana natura in Christo careat, quia infinitè melius per ipsam diuinam existentiam hypostasis Verbi, ad quam assumpta est, existit.

Sed ut maximè hæc vera essent, quæ Disputator sumit, non efficiunt tamen, humanam Christi naturam habere propriam hypostasim siue subsistentiam. Nam qui arbitrantur existentiam naturæ substantialis (qualis est humana) esse eiusdem hypostasim siue subsistentiam; non qualemcumque existentiam intelligunt, sed existentiam per se & independentem ab alio, vel tanquam à toto (ut dependens ab alio accidentia & partes) sed etiam tanquam à supposito, secundum communem suppositi notionem. At humana Christi natura ita condita est, ut certum apud omnes Theologos sine controuersia

A sit, eam in sua existentia dependere ab alio quodam, hoc est, à diuino Verbo, tanquam à supposito: Ita ut singulari & arcano quodam modo ex vi diuini Verbi, quatenus hoc est quoddam suppositum, existat, ac proinde idem suppositum sit naturæ diuinæ Verbi, & ipsius. Hoc enim nisi concedatur, stare non potest, quod vnus & idem Dei Filius, sit Deus & homo, id quod Scriptura manifestissimè nos docet.

Itaque siue rationem hypostaticam in existentia per se, & independentem ab alio, ut à supposito; siue in termino quodam substantiali, siue in aliquo eiusmodi constituamus (de quo disputatur inter Doctores) inter omnes tamen conuenit id, quod ex fide est certum; nempe naturam humanam Christi, quia dependet ab alio quodam, id est, à Verbo tanquam à supposito, minimè habere propriam hypostasim, sed sustentari in hypostasi diuina.

Sed instaret hic fortè Disputator hoc modo: Non solum existentia utcumque considerata, verum etiam existentia per se, id est, omnibus modis ab alio independentens, distinguitur sola ratione à natura substantiali, qualis est humana. Ergo si in Christo est natura humana, erit etiam in eo existentia independentens & per se naturæ humanæ, & proinde etià humana hypostasis.



Respondeo. Vt maximè demus, existentiam independentem & per se non nisi ratione distingui à natura humana, & ipsam esse humanæ naturæ hypostasim (quæ tamen, vt dixi superius, sunt incerta) tamen inde non sequitur, cum natura humana necessario existentiam per se, atq; adeò propriam hypostasim, coniunctam esse. Multa enim ratione tantum distinguuntur, quorum alterum tamen ab altero separatur ob alicuius præsentiam, vel absentiam, sine quo, vel cum quo illius ratio consistere non potest. Vt exempli causa: Motus, & res quæ mouetur, item sessio, & is qui sedet, ratione tantum existimantur distinguuntur. Et tamen non quandoque res est, nec quandoque superstes est is, qui sedet, existit rei motus, aut sessio. Non enim ista semper vno & eodè illo modo ad locum sese habent, sine quo modo illorum ratio minimè consistit. Ita in proposito nostro: quamuis natura humana, & existentia illius independentes ac per se, ratione tantum distingui demus, tamen potuit talis existentia per se ab humana natura separari. Quo tandem modo? quia videlicet humana Christi natura fuit facta in existentia sua dependens ab alio, tantquam à supposito. Res enim humanæ naturæ tunc solum est existentia per se (vt nunc loquimur)

A quando eo modo sese habet, vt ab alio tanquam à supposito non dependeat. Quod si igitur ita ab alio dependeat, vt accidit in proposito, iam deerit illi ratio eius existentia per se, quam quidam hypostasim esse arbitrantur.

Atq; hæc doctrina eorundè illorum auctoritate, quorum sententia Disputator probat, confirmari potest. Qui enim ex Orthodoxis sentiunt, existentiam per se ac hypostasim ratione tantum à natura humana distingui, nihilominus cum Catholicis omnibus cõsentunt, humanam Christinaturam non habuisse eiusmodi existentiam per se, siue propriam hypostasim. Quod cum fatentur, certè intelligunt, non illa omnia, quæ ratione tantum distinguuntur, esse necessario coniuncta. Nihil ergo, quod esset solidum aduersus unionem hypostaticam, attulit Disputator, sed suas tantum præiudicatas imaginationes, qualis etiam est illa, quæ sequitur:

Quis, inquit, in Theologicis ita plubens esse poteris, vt nō intelligat eandē idololatris causam fuisse, cur humanæ Christi naturæ propriam hypostasim detrahèrent, et cur accidentia panis & vini in Eucharistia proprio subiecto, propriæque existentia spoliarent? Sicut enim carnalē fecerant Deum per hypostaticam unionem,

*nem, ita carnalem etiam postea comedere bibereq; voluerunt Deum per transubstantiationem.*

Omnino eadem causa utriusque dogmatis veris Dei cultoribus fuit, nempe diuina reuelatio ipsius Dei Verbo Ecclesiæ patefacta, quæ utrumque mysterium certissimè asserit. Itemque in primis singularis Dei erga illos amor, qui caro factus, non modò voluit homo inter homines conuersari, sed ab hominibus etiam, ad saluberrimam sanctissimamque refectionem animi, mirabiliter manducari & bibi, quo eos sibi maiori charitate deuinciret. Peruersè autem existimauit Disputator, nostrum, non ipsius Dei, ut id fieret, fuisse cōsiliū. Tam eximiū enim utrumque beneficium est, ut non modò perfici, nisi immensa Dei potentia atque charitate, sed ne cogitari quidem, nisi ab infinita eiusdem sapientia, potuerit.

Quod verò attinet ad accidentia panis & vini in Eucharistia sine subiecto, nihilo magis ipsi hoc dogma commenti sumus, sed à Christo didicimus. Is enim demonstrans id, quod speciebus panis & vini continebatur, cum id porrigeret, corpus & sanguinem suum esse verissimè dixit. Quod si corpus Christi & sanguis fuit, non utique vinum & panis. Cumque accidentia tamen panis & vini ni-

A hilominus in Christi manibus restarent; consequitur, hæc remansisse sine proprio subiecto, quod erat substantia panis & vini. Quod, quamobrem obsecro, fieri non potuit, per omnipotentiam diuinam? Nonne compertum est, neque subiectum, neque actualem inexistētiā esse de ratione essentiali accidentis? Sed mittamus modò hanc quæstionē, quam nec persequitur Disputator. Videamus porro, quid deinde obiciat contra humanitatem sine propria hypostasi in CHRISTO existentem:

*Itaque, inquit, non satis perpendunt, quid credant, qui Pontificios vident, tanquam absurdissimè docentes; Accidentia panis & vini in Eucharistia remanere sine proprio subiecto, propriaq; inhærentia: & tamen cum eisdem aequè absurdum, ne dicā absurdius dogma amplectuntur, fouent retinentq; nempe humanam Christi naturam, esse sine propria subsistentia. Quid enim*  
D *est essentia sine propria existentia? Idem quod homo sine humana essentia.*

Ego verò illos, qui eo nomine Pontificios, hoc est, Orthodoxos impitè vident, deplorandos censeo: non quia humanitatē esse sine propria subsistentia fatentur, sed quia accidentia sine proprio itē subiecto esse

esse negant. Vtrumque enim dogma sacrosancto Dei verbo, ut diximus, constitutum est, ac neutrum potest vllius humanæ rationis argumentis reuinci. Sed humanitas (inquit Disputator) sine propria existentia, hoc est, sine propria hypostasi (ut ille intelligit) idem est quod homo sine humana essentia. Quis non animaduertit euidentem errorem? Etenim humana essentia de ratione intrinseca hominis est, & in definitione hominis ponitur, nec potest homo sine illa intelligi. Quo fit, ut implicatio contradictionis sit, hominem esse sine humana essentia. At existentia per se independens ab alio tanquam à supposito (ut maximè demus hanc esse hypostasim) non est de intrinseca ratione humanitatis, nec in eius ponitur definitione. Quare potuit sine repugnantia contradictionis ab humanitate separari:

*Porro, inquit, non minus absurda est ipsa hypostatica unio, propter quam humana Christi natura sua hypostasi spoliata in nihilum redigitur. Nam si humana natura hypostaticè unita est diuina, procul dubio tota est coniuncta cum tota natura diuina, adeo ut nihil sit diuinitatis, quod sibi copulatam non habeat humanitatem. Quod si nihil prorsus est diuina natura sine*

*A humana, necessariò concluditur vbi-  
cunq; est diuina, ibidem esse & hu-  
manam: diuina autem est vbiq;  
quare & humana in omni erit loco:  
omnesq; Trinitarij erunt Vbiq;  
tarij.*

Benè habet, quod aliis in locis ex instituto confutauimus hæc omnia patrocinia exhibita: pas-  
sim ac propemodum iam ortæ Vbi-  
quitatis. Docuimus enim, non se-  
qui, si humana Christi natura toti  
diuinitati coniuncta est, eam esse  
vbiq; est diuinitas. Tota enim  
diuinitas est non modò vbiq; lo-  
corum simul, sed etiam in quouis  
loco, atque adeo etiam in illo, vbi  
est Christi humanitas. Quare ibi  
C potest humanitas vniri toti diui-  
nitati, quamuis non sit ipsa etiam  
alibi vbiq; est diuinitas. Ex-  
emplum habemus in anima. Nam  
quia hæc est tota, non modò in  
toto corpore, sed etiam in qua-  
cunque eius parte; illi toti vnitur  
quælibet pars, neque tamen ideo  
est vna pars in toto corpore vbi-  
cunque est anima. Et commemo-  
rat quidem ex parte hoc exem-  
plum Disputator, sed refutare nō  
potest. Ait igitur:

*Nondum cogimur, inquit, hoc  
ἀπερὸν dare, qui docemus totam  
λόγῳ hypostasim, unitam quidem  
habere humanam naturam, sed ta-  
men totam etiam extra naturam*

Hh 3 esse



esse humanam, non secus ac toti animæ rationali iunctum est caput humanum, & nihilominus tamen eadem anima tota est extra caput in reliquis etiam corporis partibus. At hoc non est firmum perfugium: quoniam si tota hypostasis λόγος est cum natura humana, & tota etiam extra naturam humanam, necessario fatendum erit, quod diuina hypostasis, quatenus tota est extra naturam humanam, non habeat sibi hypostaticè unitam humanitatem: sicq; toti esset diuinitati unita humanitas, & tamen toti non unita: quod cum verum esse non possit, ne illud quidem, unde hoc manat.

Obsecro, quare verum esse non potest, ut humanitas ibi, ubi ipsa est, sit unita toti diuinitati, & non alibi extra eum locum, ubi ipsa non est, sed sola diuinitas? Nonne etiam caput in loco suo ita est unitum toti animæ, ut simul tamen non sit eidem unitum alibi, ubi non caput, sed anima est, nimirum in loco pedis? Quænam est hic contradictio? Si in vno & eodem loco humanitas diceretur unita & non unita toti diuinitati, repugnantia esset. Hoc verò non dicimus. Sed in alio loco dicimus, unitam esse, & in alio non esse, ubi nimirum nullo modo est.

A Dicet aliquis: Estne igitur diuinum Verbum alicubi, ubi idem non etiam sit homo? Minimè: si simpliciter & absolutè respondendum sit. Nam ut Verbum diuinum sit homo ubicunque est, non opus est, ut vbique habeat humanitatem, sed ut vbique sit habens seu sit id ipsum certè, quod habet sibi unitam humanitatè alibi existentem. Hominem enim dicimus id quod habet humanitatè. Quem admodum Regem dicimus eum, qui habet regnum; & ubicunque is sit, est & dicitur Rex, tametsi non vbique, sed alicubi tantum habeat suum regnum. Verum hæc aliis in libris diligenter explicauimus. Audiamus Disputatorem:

C Ut sit, inquit, tota τὴ λόγος diuinitas extra etiam naturam humanam: recipitne ea in suam quoque hypostasim aliquando ipsam humanitatem? si recipit; ergo hypostatica unio toties dissoluitur & instauratur, quoties Christus ex vno in alium locum mouetur: ut cum

D Christus ascenderet in cælos, hæc unio dissoluta est in diuinitate, quatenus illa ipsa remansit in terris: eadem postea unio instaurata est in diuinitate, quatenus hæc erat in cælis: sin autem non recipit; ergo vel diuinitas, quatenus erat in terris, vnà cum humanitate subuolauit in cælum;

cælum: vel humanitas ante ascensionem hypostaticè vnita erat diuinitati, vnus esset in cælis: si illud deauerint, Deum volubilem habebimus: si hoc affirmauerint, vbiquetarij erunt.

Discutiamus vno verbo has omnes tenebras, quas apparet fuisse densissimas in phantasia Disputatoris. Dico diuinitatem nō amplius aliquando recipere in sua hypostasi humanitatem: nam ex quo eam semel assumpsit, semper sibi vnitam habet, tametsi non eam habet in omni loco. Cū autem incipit illam alicubi habere, vbi antea non habebat, id non fit, quia vel eò simul cum humanitate moueatur, vel eam de nouo ibi recipiat, sed hoc solo id fit, quod humanitas ipsa ad eum locū mouetur. Etenim diuinitas immutabiliter vbique præsens, sic initio humanitatem assumpsit, vt vbique hæc humanitas sit, & quocunque moueatur; ab ipsa diuinitatis hypostasi, hoc est, à Verbo diuino, hypostaticè sustentetur, atque adeo sit ei vnita vbique moueatur, vel quiescat. Ita nec Deum volubilem, neq; humanitatis vbiquitatem, sed mutabilitatem ipsius humanitatis duntaxat asserimus. Obiicit præterea:

*Et sanè, inquit, mirum est, doctissimos quosq; Theologos Trinita-*

**A**rios videre, ipsa attributa diuinā, vt esse vbique, esse omnipotentem, æternum, infinitum, &c. non posse humana communicari natura, quin ex creatura fiat creator, ex non Deo quidam exsurgat Deus: nolle tamen vel non posse videre, quod eadem de causa nec ipsa hypostasis diuina communicari possit humanitati, ita vt hæc propria sua hypostasi priuata, sustentetur ab hypostasi diuina, & quidem multo magis quàm accidens à suo sustentetur subiecto, quamq; subsistentia subiecti ipsi communicatur accidenti.

Nequaquam eadem suppetit ratio seu causa, cur non possit communicari humanitati diuina hypostasis, & cur non potuerint eidem communicari attributa diuina vt talia sunt, nempe diuina potentia, sapientia, &c. Communicari enim hæc infinita attributa alicui rei, vt sunt talia; est ei attribui, vt sit infinite potēs, infinite sapiens, immensa, &c. Nam eatenus hæc attributa possidentur; nempe vt res, quæ illis prædita est, sit per ea potens, sapiens, &c. & quidem secundum illam perfectionem, quæ in ipsis inest, nimirum infinitam. Perspicuū autem est, repugnare creature, vt sit infinite potens, infinite sapiens, &c. Cū hoc ipsum sit reuera creaturā nō esse. Ita fit, vt attributa diuina, quatenus talia sunt, nullo

nullo modo potuerint humanitati communicari. At verò de communicatione diuinæ hypostasis alia ratio est. Nam diuinam hypostasim alicui naturæ creatæ communicari, nō est eam illi attribui, vt natura creata sit diuina hypostasis, sed vt per diuinam hypostasim personali modo sustentetur ac perficiatur. Non repugnat autem creaturæ, vt creatura est, sustentari & perfici per diuinam hypostasim, sed esse diuinam hypostasim, sicut etiam esse, quatenus creatura est, infinitè potentem, & sapientem. Quare potuit humanæ naturæ diuinam hypostasim communicari. Sed contendit Disputator, debere Theologos concedere communicationem attributorum, si concedunt communicationem hypostasis, tali argumentos:

*Name eorū quare ipsa sunt idem, & sola ratione distinguuntur, non potest vnum alicui communicari, vt non simul reliqua omnia eidem communicentur: vt totum aliquod corpus, quia realiter idem est cum suis partibus simul sumptis, non potest alicui dari sine partibus, nec omnes dari partes possunt sine toto. Atqui hypostasis diuina re ipsa idē est cum attributis diuinis; ergo ea vel non est communicata natura humana, vel certē vnā communi-*

*A cata omnipotentia, aternitas, vbi-que presentia, &c.*

Ambiguitas est in vocabulo communicationis, quam in aliis etiam libris distinximus, vt euidentiùs Vbiquetarios refellere-mus. Dupliciter namque intelligi potest, fuisse vnā cum hypostasi communicata humanitati attributa diuina. Vno modo, communicatione attributorum propriè, vt attributa sunt; ita scilicet vt humanitas ad hoc ea acciperet, vt per illa esset ipsa infinitè potens, infinitè sapiēs, &c. Altero modo, communicatione solū hypostatica; ita videlicet vt ea acciperet, non vt ipsa humanitas per illa esset infinitè sapiens, &c. sed vt per ea etiam hypostaticè (saltem secundariò) sustentaretur, quatenus sunt re idem, & sola ratione distincta à Verbi hypostasi, à qua primariò hypostaticè sustentatur. Ex quo resultauerit, vt Christus homo non secundum suam humanitatem, sed secundum hypostasim humanitatis suæ, cum qua accepit hypostaticè illa attributa, sit infinitè potens, infinitè sapiens, &c.

Priori modo non potuerunt attributa diuina comunicari humanitati, vt antè dictum est. Et id est quod Orthodoxi negant aduersus inscitiam Vbiquetariorum. Posteriori autem modo communicata.



nicata illi sunt, vt latiùs in aliis libris aduersus commentum Vbi-quetarium editis explicauimus. Atque hoc solum est, quod confirmatur Disputatoris argumento inde ducto, quod sola ratione attributa distinguuntur ab hypostasi, & re ipsa sunt idem. Identitas enim realis aliquorum efficit quidem, vt si vnum re ipsa alicui communicatur, communicetur etiam re ipsa alterum, aliquo tandem modo: Sed distinctio nihilominus rationis inter eadem (maximè cum virtute est realis propter infinitatem sui fundamenti, vt in proposito) potest in causa esse, vt non quouis modo & ratione alterum etiam communicetur.

Cuius rei exemplum aliud in ipsa materia de Trinitate habemus. Nam Pater æternus communicans essentiam diuinam Filio, se ipsum etiam modo quodam illi communicat, nempe vt res essentia diuinæ constat etiam ex ipsa re Patris, vel est potius eadem ipsa res quæ est Pater. Et tamen quia Pater ratione & virtualiter distinguitur ab essentia, non ita se communicat Filio, sicut eidem communicat suam essentiam. Nam ita essentia Filio communicatur, vt ipse etiam sit illa essentia; Pater autem non ita Filio communicatur, vt Filius sit Pater, sed vt habeat rem & perfectionem Patris.

A in essentia: quomodo ipse dicit: *Ego in Patre, & Pater in me est.*

Hæc explicanda breuiter fuerunt, vt intelligeret Lector, quoniam modo communicationis negant Theologi attributa communicari humanitati, propterea quod ratione distinguantur ab hypostasi quæ communicatur. Non enim propter eiusmodi distinctionem negant communicationem attributorum omnimodo (vt hic putauit Disputator) sed communicationem talem, quæ humanitas per ipsa attributa sit infinite potens, & infinite sapiens, &c. non illam hypostaticam quæ diximus.

## CAPVT VIII.

C *Responsio ad argumētum primum, quo in postrema libelli parte oppugnatur mysterium sanctissima Trinitatis.*



AM videamus argumēta quæ directè contra mysterium ipsum Vnitatis & Trinitatis diuinæ conficit Disputator:

*Primum, inquit, hoc sit argumentum; Vnitas & distinctio dei vel essentia magis dependet ab hypostasi, quàm accidentis à subiecto & corporis locati à loco. Non enim tantum inter se differunt rationalis substantia & persona, quantum*

*Ii acci-*

accidens & subiectum, quantumq; locus & corpus locatum. Atqui unum numero accidens, non posse in multis esse numero subiectis, Pontificij Philosophi Theologi, fatentur: & unum numero corpus non posse in multis simul reperiri locis, Calviniani nunc pugnant: & quidem merito: alioquin enim esset vnum & non unum: unum propter suppositionem, ut in scholis loquuntur; ponitur enim esse unum numero accidens vel corpus: non unum, quod secundum multitudinem subiectorum & locorum, necesse sit multiplicari accidentia & corpora locata: esse autem unum & non unum, implicat contradictionem, quam nec ipse possit Deus veram facere: cum alterum contradictoriorum necessario sit falsum omni etiam Theologica consecutione necessaria. Pontificij ergo & Calviniani vel suam non intelligunt doctrinam & religionem, vel nobiscum negabunt tres in una & diuinas esse personas.

Primum huius argumenti vitium, & quidem maximum est, quod procedit ex notionibus rerum creatarum, ex quibus, cum infinite distent à summa illa re diuina, nihil potest bene concludi contra assertiones fidei de hoc ineffabili mysterio, sicut initio huius ope-

ris multis modis ostendimus. Verum enim demus Disputatori, numericam vnitatem essentiae creatae ita pendere ab vnitatem hypostasis, ut nullo modo possit vnica essentia creata esse in hypostasibus pluribus, non illico sequitur, vnitatem quoque essentiae increatae eodem modo ab vnitatem hypostasis pendere. Nam cum essentiae ac vnitatis increatae ratio infinite differat à ratione essentiae & vnitatis creatae; necesse non est idem illi, quod huic, conuenire.

Dicimus enim, vel potius dicit Catholica fides, de ratione essentiae increatae id ipsum esse, ut scilicet existat in tribus hypostasibus, & eo ipso maxime quoque eam differre numero ab omnibus alijs essentiis, quarum nulli id conuenit. Neque verò hoc pugnat cum communissima vnus numero essentiae notione, quam de vnitatem etiam numerica essentiae diuinæ cogitatione concipimus. Vna enim numero essentia non definitur esse illa quae est in vnica numero hypostasi: sed quae quacunque ratione tandem est singularis & determinata, ac distincta in se, & distincta à qualibet alia essentia singulari: siue eam singularitatem & determinationem habeat inter cetera ex ordine ad vnā hypostasim (ut in essentiis creatis accidere videmus) siue in ordine ad plures. Nam & hic ipse

ipse ordo ad plures hypostases vnâ cum ordine etiam ad suas alias proprietates, potest aliquam essentiam reddere singularem & distinctam numero ab omnibus aliis essentiis, quibus similiter nō conueniat vt habeant ordinem ad hypostases plures.

Secundum argumenti vitium est, quod procedit etiam ex aliquibus propositionibus falsis in ipsis rebus creatis. Primò enim falsum est, non posse sine contradictione esse vnum numero accidens in pluribus numero subiectis. Quamuis enim secundum ordinarium cursum naturalium causarum hoc non soleat neque possit fieri, tamen nihil impedit, quò minus fieri posset per potentiam Dei absolutam, neque id Theologi aut Philosophi eruditi negant. Nam cur non posset vnum & idem accidens dependere in sua existentia à subiectis pluribus, sicut iam dependet ab vno? Quia esset tunc vnum & non vnū, inquit Disputator. Nego; sed esset tantummodò vnum. Vtenim iam naturaliter vnitas accidentis numerica consistit in ordine quodam ipsius accidentis ad vnum subiectum; ita tunc consisteret in ordine quodam ad subiecta plura, & per hoc ipsum esset singulare accidens indistinctum in se, & distinctum à quolibet alio accidenti, in quo non esset talis ordo

ad plura subiecta. Modus enim vnitatis numericæ alicuius rei latissimè patere potest, & admodum varia ratione cōstare. Quod autem dici solet, vnum numero accidens esse, quod est in vno numero subiecto; descriptio est, ducta ex eo quod naturaliter iam accidit, non definitio necessaria.

**B** Ita enim potius definiendum est: Vnum numero accidens est, quod vndecunque tandem ita est determinatum, vt sit indistinctum à se, & distinctum à quolibet alio particulari accidenti.

Secundò falsum est, non posse sine contradictione vnum numero corpus esse in pluribus simul locis. Quamuis enim naturaliter nequeat esse vnum numero corpus, nisi in vno loco, potest tamen esse in pluribus per potentiam Dei absolutam. At necesse est (inquit Disputator) secundum multitudinem locorum multiplicari corpora locata. Quamobrem quæso? Nulla namque ratione hoc probat, aut probare potest Disputator. Vnum enim corpus non definitur, esse id, quod est in vno loco, sed quod per se ipsum est indistinctum in se, & distinctum à quolibet alio: quomodo esset etiam vnum, licet diuinitus conseruaretur extra totum orbem absq; omni loco. Sed alio libro aduersus Calvinianos (quorum auctoritate Disputator



frustrà hîc nititur) ostendimus, **A** *disse dicitur distinctam hypostasim seu subsistentiam: hac autē τὸ λόγος hypostasis vel erat in Patre cum generaret λόγον, vel non erat: si erat; ergo una Patris persona duæ erant persona propter duas hypostases; non enim hypostasis λόγος esse potuit συνάμει in Deo generante, sicut in*

Adde, quòd neque esset in eo repugnantia, vt vna essentia creata à pluribus personis diuinis hypostaticè sustentaretur, vt defendunt grauiissimi Theologi. Quamquam si maximè nec vnum accidens in pluribus subiectis, nec vnū corpus in pluribus locis, nec vna essetia creata in pluribus personis esse vllò modo posset; peruersum sanè esset inde colligere, neque posse essentiam diuinam in **B** *homine gignente est Filij subsistentia: sed ενεργεία seu actu: sin autem in Patre prater propriam hypostasim non erat actu quog, λόγος hypostasis, vnde eam λόγος accepit?*

Respondeo, Filium hypostasim suam ex essentia Patris accepisse, ex qua & genitus est, vt suprà lib. 2. cap. 9. docuimus. Verè enim & **C** *Orthodoxè D. Augustinus lib. 3. contra Maximinum Arianorum Episcop. cap. 14. Nullo modo, inquit, verum Dei Filium cogitatis, si eum natum esse de substantia Patris negatis. Et infrà: Omnia, inquit, quæ habet Pater, dedit ille gignendo, accepit iste nascendo.*

Cum itaque quærît Disputator, vt **D** *trum, τὸν λόγος, id est, verbi hypostasis fuerit in Patre generante vel non fuerit? Respòdeo, fuisse in eo ex æterno, & esse non συνάμει, id est, in potentia, sed actu, idq; per realè identitatē cum illo in essentia. Quia enim Filij hypostasis ita origine & relatione distinguitur à Patre, vt simul tamē sit idem cum essentia Patris; rectè Pater, vt est gene-*

## CAPVT IX.

*Responsio ad secundum argumentum.*



**A** *LTERVM sit, inquit, huiusmodi argumentum; Deus Pater prater essetiam diuinam, quam eandem numero & sibi reser- uauit & λόγος communicauit, de-*

generans Filium, dicitur actu habere hypostasim Filij in essentia sua per identitatem realem. Qui modus habendi infinitè præstantior est, quàm omnes alij, quibus producens aliquid solet habere producti perfectionem.

Neque verò, si Pater habet hoc modo actu hypostasim Filij, sequitur (vt absurdè colligit Disputator) vnâ Patris personam duas personas esse, aut vnquam fuisset; sed in vna & eadem essentia Patris duas personas esse per identitatem cum illa realem, nempe personam Patris, & personam Filij. Non enim Pater sic habet actu in essentia sua hypostasim Filij, vt sit ipse tum Pater, tum Filius; sed ita, vt licet à Filio per appositionem originis & relationis distinguatur, non tamen careat ipse reali perfectione hypostasis Filij, sed habeat illam per identitatem in essentia.

Et fugit quidem omnem humanum & angelicū intellectum, quod eiusmodi sit ratio illius summæ reidiuinæ, vt secundum respectiuam rationem sit in ea aliquid producens, & aliquid productum, & tamen vtrumq; in absoluta ratione essentia sit idem. Sed iam sepe ostendimus, nō ideo mysteria nostræ fidei incredibilia debere videri, quoniam sunt incomprehensibilia; quin potius cum alia etiam nobis argumenta

A suppetant, eo ipso nomine existimare debemus, fidem nostrā tradere vera & conuenientia de Deo, qui & ipse incomprehensibilis est. At instat Disputator:

*Ommino, inquit, necesse est, vt Deus Pater τὸ λόγῳ hypostasim, vel ex diuina essentia, vel ex sua ipsius subsistentia, vel ex nihilo produxerit: at non ex diuina essentia: quia hæc nec generat, nec generatur: alioqui in Patre etiam genita esset: λόγῳ autem genitus dicitur ob propriam hypostasim: neque ex sua ipsius subsistentia eam Pater desumpsit. Cū enim hæc sit indiuisibilis, tota data esset λόγῳ: sicq; λόγῳ cum Patre vna esset persona propter vnâ hypostasim, sicut vnus esse dicitur Deus, propter vnicam essentiam. Si autem hypostasis τὸ λόγῳ, neque ex diuina essentia est deprompta, neque ex ipsius Patris subsistentia desumpta, nihil certe aliud relinquitur, nisi vt ipsa sit ex nihilo procreata, ac proinde non verus sit Deus, sed quadam tantum creatura.*

Hæc ita expedio. Dico cum omnibus Orthodoxis, Patrem ex essentia sua Filium produxisse. Id enim ipsum est, Filium (vt iam docuimus) quia verè Filius est, ex Patris essentia esse generatum. Quocirca D. Ambrosius lib. i. de fide,

cap. 5. *Impossibiliter, inquit, generat Filium Pater, & tamen ex se generauit; & generauit Deus uerus Deum uerū.* Atque etiam D. Fulgentius in libro de fide ad Petrū, cap. 2. ex Augustino: *Pater Deus de nullo genitus Deo, semel de sua natura sine initio genuit Filium Deum sibi aequalem.*

At essentia (inquit Disputator) neque generat, neque generatur. Verum est. Sed tamen est nihilominus essentia id, ex quo Pater, vel unde Pater generat. Essentia enim ideo non generat, neque generatur, quia necesse est omne generans distinguere se ipsa à genito, & genitum à generante: essentia uerò neq; à Patre generante, neq; à Filio genito se distinguitur: itaque neq; est ipsa generans Filium, neque genita à Patre. At uerò de ratione eius, ex quo aliquid generat & aliquid generatur, non est, ut distinguatur ab eo quod generat, vel ab eo quod generatur. Quin immò eò perfectior, & magis consubstantialis erit generatio, quò principium primum & essentiale, ex quo est, fuerit minus distinctum à genito. Satis enim est, ut id quod generat, à genitore distinguatur. Essentia itaque licet non generet, neque generetur, est tamen id, ex quo Pater generat, & Filius generatur, hoc ipso, quod in illa per identitatem realem (ut antè exposui) perfectio hypostasis Filij existit in Patre generante,

A & ex eadem Filius consubstantialis Patri constituitur. Quam rem totam suprà lib. 2. cap. 9. & 10. habet Lector explicatam. Sed istud breuiter hìc repetere necesse fuit, ut pateret perperam à Disputatore concludi, Filium fuisse productum ex nihilo, ut impiè Ariani dogmaticabant.

## CAPVT X.

*Responsio ad ultimum argumentū.*



ERTIO, inquit, *pro-  
ducam illud argumen-  
tū, quod Apostolus no-  
bis suggerit, vnum esse  
scribens Deum, vnum & Mediator-  
rem Dei & hominum, hominem  
Christum IESVM. Nam si Media-  
tor is est, quem & nomen & ratio  
cogit esse medium inter personam  
offensam, & personam quæ offen-  
dit, intercedentem apud partem  
offensam, pro parte quæ offendit;  
certè non potest Mediator esse per-  
sona quæ offendit, neq; psona quæ est  
offensa. Idem n. intercederet apud  
seipsum, idemq; simul se & iratum  
offenderet, & placatum, quonihil  
cogitari stultius potest. At persona  
offensa est Deus Israël, qui vnus est;  
non igitur Christus est ille Deus.*

Ad hoc argumentum suprà lib. 1. cap. 22. respondimus. Tantum enim



enim abest, vt nequeat Christus esse Mediator inter Deum & homines, si ipse etiam sit Deus, vt potius hoc ipso nomine perfectissimus & verissimus Mediator fuerit. Medium enim verissimè est id, quod & distinguitur ab extremis, & participat naturam extremorū. Vtrumq; conuenit Christo respectu Dei & hominum. Nam quatenus est persona talis, vt non tantum sit Deus, neq; tantum homo, sed simul Deus & homo; tū à Deo solo, atq; adeò etiam à seipso præcisè, vt est Deus, tum ab hominibus, qui tantum sunt homines, distinguitur. Rursus etiam quatenus est Deus, naturam Dei solius, sibi communem habet, & naturam hominum, quatenus est homo. Ita fit, vt medius sit inter vtrumque extremum, de vtroq; simul communicans.

Hac ratione moti sancti Patres, non potuisse Christum perfectè munus Mediatoris obire, nisi Deus esset homo, disertè docuerunt: Adeò non putarunt ex Mediatoris ratione colligi posse, Christum non esse Deum, vt iam Disputator argumentatur: *Qua enim ratione, inquit diuus Leo in epistola 83. ad Palæstinos, veritatem Mediatoris implet; nisi qui in forma Dei aequalis erat Patri, in forma serui particeps esset & nostri?* Et diuus Vigilii libro quinto contra Eutychetem: *Unde enim, inquit, medius erit, si vtramque*

*naturam non habuerit? Quia nisi talem dederis inter Deum & homines, qui ita sit medius, vt ex vtroq; vtrumq; sit, id est, vt Deus sit propter diuinitatis & idem homo sit propter humanitatis naturam, humana diuinis quemadmodum reconcilientur non inuenies.* Eadem est sententia diui Fulgentij libro primo contra Arianos, capite decimo quinto, & his omnibus antiquioris diui Irenæi expressissimè libro tertio, capite vigesimo, & Athanasij, & Augustini, & aliorum, quos supra lib. primo, cap. 22. ad hanc ipsam rem citauimus.

Sed inquit Disputator: Si Mediator nostri est Deus, atque adeò ipsa psona diuina offensa: (Filius enim fuit etiam offensus) consequens est, vt idem intercesserit apud seipsum, idemque simul & iratum se ostenderit & placatum, quò nihil, inquit, stultius cogitari potest. Respondeo. Verissimum est: Idem Christus per officia, quæ exercuit secundum naturam humanam, intercessit apud seipsum, vt secundum naturam diuinam vnà cum Patre & Spiritu sancto erat offensus: Idem simul secundum naturam diuinā erat nobis iratus, & secundum naturam humanam summa cum beneuolentia erga nos causam nostram suscipiebat. Hoc magnum pietatis mysterium Gentibus quidem est stultitia (vt inquit diuus

Apo-

Apostolus) nobis autem qui credidimus, Dei virtus & Dei sapientia. At enim ista repugnant. Quid? Magisne contraria videntur iratum, & placatum esse; offensum, & intercessorem; quàm mori, & non mori; omnipotentem esse, & infirmum, & cetera diuersissima attributa, quæ affirmantur simul de Christo Deo & homine? Cur non igitur idem Christus, ita secundum aliam & aliam naturam iratus, & placatus; offensus & mediator, sine repugnantia esse potuerit, sicut secundum aliam & aliam naturam moriebatur, & non moriebatur; erat infirmus, & omnipotens? Sed occurrit huic nostræ responsioni Disputator hoc modo:

Plerique, inquit, eorum ad diuersas confugiunt in Christo naturas, affirmantes, Christum esse personam offensam ratione diuina, Mediatorem verò ratione natura humana. Verum hi non recordantur unam constitui Christi personam ex natura humana & diuina: atque intercessionem, omnemq; aliam actionem non esse naturarum, sed

ὁφισαμένω, vel suppositorum; quare non humanam Christi naturam intercedere apud diuinam, sed ipsum Christum intercedere apud seipsum ratione natura humana & diuina; ita ut intercessio oriatur ex Christi humanitate, terminetur autem

A & desinat in ipsius diuinitatem: quapropter huiusmodi intercessionem non duas esse actiones, sed unicam tantum, duos tamen respectus habentem, unum ad humanam, alterum ad naturam diuinam: diuersos verò in eodem supposito respectus efficere non posse, quò minus  
B idē reuera intercedat apud seipsum, propter unicam personam, unicamq; actionem.

At nos & probè recordamur, & vtrò fatemur, vnā constitui Christi personam ex natura humana & diuina; & non propriè naturarum, sed personæ, seu suppositi mediante humana natura esse illam actionem intercessionis; ac  
C proinde nō propriè naturam humanam intercedere apud diuinam, sed ipsum Christum intercedere apud seipsum, secundum aliam & aliam naturam. Hoc autem ipsum est, quod asserimus minimè repugnare. Vt neque repugnat, quòd idem Christus secundum aliam & aliam naturam fuerit mortuus, & non fuerit mortuus. Quare non cofutauit, sed tantummodò exposuit Disputator nostram responsionem. Sed pergit argumentari:

Quid multa? inquit, vel Christus Mediator est secundum naturam tantum humanam, vel secundum naturam etiam diuinam: si secundum

cundam humanam tantum, quid  
opus erat, Deum fieri Mediatorem?  
sin verò secundum diuinam etiam  
est Mediator, nullo profectò modo  
evitari potest, quin ipsa quoque di-  
uina natura ex parte, qua media-  
trix est, intercedat apud seipsam:  
quod quia absurdè dicitur, cum ne-  
mo roget seipsum: fateamur etiam  
absurdè dici, Mediatorem Dei &  
hominum esse illum ipsum, qui pla-  
candus erat, Deum.

Ad hæc ita respondeo. Cū que-  
ritur, vtrum secundum naturam  
humanam tantum, an etiam secū-  
dum diuinam Christus sit Media-  
tor, distinctione vtendum est.  
Nam si quæstio sit, per quid Chri-  
stus tãquam per proximum prin-  
cipium operandi, Mediatoris of-  
ficio perfunctus fuerit; respōden-  
dum est, illum tantummodò se-  
cundum naturam humanam fuisse  
Mediatorem. Quo pacto de hac  
quæstione loquitur D. Augusti-  
nus lib. 9. de ciuitate Dei, cap. 15.  
cū ait: *Nō ob hoc Mediator est Chri-  
stus, quia est Verbum, sed Mediator est  
secundum quod homo.* Ac ratio est  
huius rei perspicua. Nam non se-  
cundum diuinitatem Christus o-  
rauit, & obediuit suo Patri, & alia  
officia Mediatoris obiuit (vt ex  
imperitia quadam dicunt pleriq;  
sectarij) sed secundum naturam  
humanam, quæ sola eiusmodi o-

perationum proximum princi-  
pium fuit, & qua Christus minor  
est Patre.

Si autem quæstio paulò latiùs  
instituat, nempe vt inquiratur,  
per quid Christus Mediatoris o-  
mnino munus obiuerit, siue tan-  
quam per principium proximum  
operandi, siue tanquam per ori-  
ginem & quasi fontem, ex quo  
valor & efficacia operationum e-  
ius, vt Mediator fuit, manauit? re-  
spondendum est, non tantum se-  
cundum naturam humanam, sed  
etiam secundum diuinam, atque  
adè vt Deum & hominem, fuisse  
Mediatorē. Diuinitas enim Chri-  
sti in causâ fuit, quamobrem hu-  
manæ operationes Christi, pro-  
pter infinitam personæ dignita-  
tem valerent ad nostram redem-  
ptionem; atque eatenus etiam se-  
cundum diuinitatem Christus fu-  
it Mediator. Quo quidem modo  
& Augustinus ipse libro primo de  
consensu Euangelistarum, cap. 35.  
& alij Patres, quos antea citauī,  
loquuntur, cū Christum esse  
Mediatorem dicunt, quatenus si-  
mul est Deus & homo. Itaque ha-  
bemus, vno quodam sensu secun-  
dum naturam humanam tantum  
esse Christum Mediatorem, & al-  
io quodam sensu secundū vtram-  
que naturam, humanam & diui-  
nam.

Qua re explicata, nihil super-  
est difficultatis in argumento Di-  
K k spu-



sputatoris. Nam cum primò ob-  
iicit, frustrà Deum ipsum factum  
esse Mediatorem, si secundum na-  
turam tantum humanam est Me-  
diator; patet iam id non sequi.  
Quamvis enim per naturam so-  
lam humanam, tanquam per prin-  
cipium proximum operandi, Me-  
diatoris officium exercuerit, &  
eatenus per illam solam (ut dixi-  
mus) fuerit Mediator, tamē opor-  
tuit eundem esse Deum, ut opera-  
tiones eius à diuinitate personæ  
haberent dignitatem, & valorem  
necessarium ad nostram redem-  
ptionem, ut dictum est. Cum de-  
inde etiam obiicit; si secundum  
diuinam etiam naturam est Me-  
diator, ipsam etiam diuinam na-  
turam intercedere apud seipsam,  
atque adedò secundum eandem  
naturam fuisse Christum iratum,  
& intercessorem; patet similiter  
neque id sequi. Non enim ita se-  
cundum naturam etiam diuinam  
Mediator esse asserendus est, qua-  
si per illam exercuerit operatio-  
nes ipsas, quibus intercessit (vnde  
sequeretur per diuinam etiam na-  
turam apud se intercessisse) sed  
quatenus diuina natura addidit  
valorem operationibus ex sola hu-  
mana natura manantibus, quibus  
intercessit.

Quæ cum ita sint, firmum ma-  
net illud, quod ad argumentum  
principale ex Mediatoris ratione  
petitū, antea respondimus; nem-

A pe Christum secundum aliam na-  
turam fuisse iratum, & placan-  
dum, nimirum diuinam; & secun-  
dum aliam, videlicet humanam,  
fuisse intercessorem. Quæ respon-  
sio cum solida sit, nobis sufficit,  
neque opus est de ~~alia~~ quadam di-  
cere, quam sibi Disputator hic et-  
iam proposuit ad confutandum.  
B Illud tamen diluendum etiam est,  
quod adiungit:

*Si vna, inquit, persona diuina  
facta est Mediator, ea cerè non  
potuit sibi satisfacere: quando-  
quidem satisfactio, omnisque iusti-  
tiæ actus non fit ad seipsum, sed ad  
aliū: ob quam rem non toti sa-  
tisfactum Trinitati foret; sed Patri  
tantum, & Spiritui sancto: idcirco  
altero opus Mediatore  
fuiſſet, qui ipsi etiam λόγῳ satisfa-  
ceret.*

Ad hanc obiectionem, quam  
ipsi Theologi Scholastici, expli-  
candicaussa, proponere sibi so-  
lent, iidem communiter & rectè  
respondent; iustitiæ actum etiam  
posse consistere in eodem suppo-  
sito erga seipsum, secundum aliam  
& aliam naturam. Ut enim intel-  
ligere possumus, vnum & idem  
suppositum secundum aliam & a-  
liam naturam, esse aliam quan-  
dam & aliam rem, ita etiam in eo  
fieri quandam vnus rei ad aliam  
exequationem per compensatio-  
nis

nis aliquem modum : & consequenter quoque in eo habere locum iustitiæ rationem , quæ in eiusmodi exæquatione aliqua propriè versatur. Neque verò hoc negauisset Philosophus , licet libro quinto Ethicorum affirmauerit , iustitiam esse erga alterum. Quamquam cum ipse non cognosceret , posse in vnico supposito esse alteram & alteram naturam , solum cogitauit de *Altero* secundum suppositum , cum ita docuit. Deinde probare nititur Disputator , Christum Mediatorem nostrum non esse Deum , quia nulla ( vt inquit ) causa fuerit , cur Deus agere vellet Mediatorem :

*Nam dua , inquit , potissimum huius afferri solent rei cause , quarum neutram veram esse demonstrabo. Scholastici aiunt , Deum potius , quam aut Angelum , aut purum hominem fieri Mediatorem debuisse , quod hominum culpa lesus fuisset summum & infinitum bonum ; ac propterea ipsa quoque culpa infinita euasisset : qua vt deleretur , opus fuisset euegēa virtutēq; infinita : qua cum solus sit Deus præditus , hunc solum suscepta carne oportuisse fieri Mediatorem , & generis humani Redemptorem. Itane verò peccatum infinitum habere in homine potest finitum ? Non est , inquiunt , infinitum ratione subie-*

*A Est , id est , hominis , sed ratione obie-*  
*Est , id est , Dei.*

Non satis explicat Disputator Theologorum de infinitate peccati sententiam , ob quam dicunt oportuisse Deum ipsum Mediatorem esse , vt pro peccato fieret cumulata satisfactio. Dupliciter enim intelligi potest , peccati malitiam non esse infinitam ex parte etiam subiecti , id est , hominis peccantis , vno modo , quia non est infinita secundum modum aliquem naturalem & physicum , quasi nimirum infinite afficiat subiectum ipsum , in quo insit , ad eum modum , quo calor , verbi gratia , si infinitus esset in aliquo subiecto , afficeret illud infinite , atque adeo diceretur physicè infinitus ex parte subiecti. Hoc modo verum est , ac verè etiam Theologi docent , peccati malitiam non esse infinitam. Non enim sunt infiniti aliqui malitiæ gradus in peccato secundum physicam intensiōem ; neque infinitatis eiusmodi posset homo esse capax.

*D* Altero modo potest intelligi , malitiam peccati non esse infinitam ex parte subiecti , id est , hominis peccantis , quasi nullo modo infinitas illa qualiscūq; , quæ dicitur esse in peccato , ponderaretur à Theologis ex parte etiā ipsius hominis qui peccauit , sed tantum ex parte diuinæ Maiestatis per peccatum

offensa. Hoc modo falsum & alienum à mente Theologorum est, peccati malitiam non esse infinitam ex parte subiecti, id est, hominis peccantis.

Censent enim Theologi, malitiam peccati estimatione quadam iniuriæ, quæ per illud irrogata Deo est, metiendam esse, & eatenus non physica, sed morali quadam ratione esse infinitam. Hæc autem æstimatione ex consideratione earum peccati proprietatum ducitur, quæ magnitudinem iniuriæ Deo per illud illatæ, ostendunt. Sunt autem duæ proprietates in peccato, quæ vsque ad eò augment æstimationem malitiæ illius, ut illud reddant planè infinitum secundum æstimationem, & moraliter, ut dictum est. Vna peccati proprietas est, quod est offensa infiniti boni, id est, maiestatis diuinæ; quo nomine infinitum est: eò enim maior secundum rectam æstimationem offensa est, quò maioris boni est; & consequenter infinita, si est offensa boni infiniti. Altera peccati proprietates est, quod est commissum ab homine; cuius videlicet dignitas infinitis partibus minor est, quàm sit dignitas maiestatis diuinæ offensa; quo etiam nomine infinitum secundum rectam æstimationem est: nam quò personæ offendentis dignitas est minor, quàm dignitas personæ of-

fensa, eò maior ceteris paribus offensa est (ut magis offendit plebeius homo principem eodem genere conuitij, quàm nobilis) & consequenter si infinitè sit minor, erit quoque ex hac parte offensa infinita. Atque ita patet, quomodo (ut dicebamus) ex parte etiam subiecti, hoc est, hominis peccantis, malitia peccati sit infinita, iuxta mentem Theologorum; quam non satis (ut dixi) Disputator explicuit. Qua re constituta, facile refellitur quoddam argumentum, quod ex ipsis Theologis Scholasticis Diputator mutuatus est, & hîc obiecit aduersus D. Thomam, & alios, qui ex infinitate peccati ostendunt, non potuisse cumulare pro illis satisfacere, nisi diuinam personam. Subiungit enim:

*At sicut peccatum hominis infinitum est ratione Dei infiniti, ita etiam bonum opus hominis infinitum erit, relatum in Deum infinitum: Cur igitur Deus, si infinitè potuit ab homine offendi, non infinitè ab eodem potuisset placari?*

Quia, ut expositum iam est, peccatum hominis infinitum est, non modò ratione Dei infiniti, sed etiam ratione ipsius hominis, qui cum infinitè Deo inferior sit, Deum est ausus offendere. Hanc ob caus-



causam oportuit, ut similiter opus bonum, quo Deus ex iustitia placandus erat infinitæ dignitatis esset, non modò ex parte obiecti, id est, Dei, in quem fuit referendum (quo pacto opus puri etiam hominis, præsertim ex gratia profectum, potuit esse infinitum) sed etiã ex parte ipsius operantis. Quod fieri non potuit nisi operans fuisset is qui fuit, nempe non solum homo, sed etiam Deus infinitus. Sed fingit ipse sibi aliam hic responsionẽ Disputator, quam facilius refellat, cum addit:

*Quia non est, inquit, par ratio boni & mali operis; cum homo ex se possit peccare, non autem suapte natura queat bonum opus Deo gratum facere. Sed potestne saltem homo diuina adiutus gratia tale opus facere? nemo negabit; multò ergo magis id prestare potuit homo mediator, qui omnis esset originalis culpa expers.*

Frustrà hoc loco Disputator ista, quæ aliò pertinent, commemorat. Theologi enim, non quia homo non potest ex se bonum opus & gratum Deo facere, negant purum hominem potuisse exactè Deo satisfacere; sed quia nullus homo purus, quantumuis gratia præditus, aut originalis expers peccati, potuit operationibus suis infinitum valorem addere: id

A quod fuit necessarium, ut ex parte obiecti & ex parte operantis esset satisfactio infinita secundum estimationem, sicut ex vtraque parte fuerat infinita offensa, ut explicauimus. Videamus nunc autem, quomodo oppugnet aliam causam aduentus Filij Dei, quæ ex diuino erga homines amore duci solet:

*Alij verò, inquit, arbitrantur, Deum non tam immensa hominum culpa, quàm infinito suo erga genus humanum amore commotum fuisse, ut ei Mediatorem daret summum & infinitum bonum.*

Non alij modò, sed etiam illi iidem, qui ex infinitate peccati rationem huius rei reddunt, assignant etiam hanc causam. Quæ dere legat, cui otium fuerit, Scholasticorum Theologorum principem D. Thomam, 3. p. q. 1. art. 2. Vbi duas has rationes, & præterea alias octo, quas Disputator non refellit, quæque per se sufficerent, pulcherrimè exponit. Nos verò iam audiamus, cur illam causam ex diuino amore ductam Disputator non probet:

*Quasi verò Deus, inquit, qui ante peccatum non dederat mundo infinitum hoc bonum, per peccatum voluerit ipsi tale bonum largiri. Fatentur enim Theologi plerique, si Adam non peccasset, δὲ λόγον*

*nunquam humanam suscepturum  
fuisse naturam. At sine peccato seu  
malo non haberi summum bonum,  
est contra summi rationem boni:  
quippe quod non ex peccato seu ac-  
cidenti, sed per se aliis communica-  
tur, & communicari debet, si per  
se, id est, verè summum est bo-  
num.*

Intelligit, opinor, Lector, quàm  
sint nullius ponderis in re tanti  
momenti, huiusmodi obiectiones.  
Primùm enim, quid obstare  
Deo potuit, quò minus ut chari-  
tatè suam erga homines maximè  
exerceret, expectaret peccati op-  
portunitatem, qua simul etiam  
erga eosdem, mirabiliter subue-  
niendo miserix, testaretur suam  
misericordiam? Nónne multò ma-  
gis hac ratione amor Dei erga nos  
eminet? Sed nihil ad hanc rem, p-  
bādā meis verbis opus est, cū  
habeamus longè clarissimum te-  
stimonium Apostoli ad Romanos  
5. *Commendat, inquit, charitatem,  
suam Deus in nobis, quoniam cū ad-  
huc peccatores essemus, Christus pro no-  
bis mortuus est.* An verò hic Chri-  
stus qui tū primū cū pecca-  
tores essemus nobis datus, & pro  
nobis mortuus est, ex sententia  
eiusdem Apostoli summum bo-  
num non est? Quī fieri hoc potest,  
cū illum esse, *super omnia Deum,  
benedictum in secula*, idem Aposto-  
lus Roman. 9. affirmet? Summum

A enim necesse est esse, quod super  
omnia est. Falsum igitur & cum  
Apostoli sententia pugnans est,  
quod ponit Disputator, contra  
rationem summi boni esse ut non  
habeatur nisi accidente peccato  
seu malo. Apostolus enim contrā  
testatur, eo ipso potius Deū nobis  
commendasse, hoc est, illustrio-  
rem reddidisse charitatem suam.

Pertinet quidem ad rationem  
eius, quod per se summum bo-  
num est, ut possit se sine mali in-  
teruentu communicare: sed non  
ut actu se sine mali interuentu  
communicet. Quin immò, ut po-  
test quod per se est summum bo-  
num, nunquam se certo quodam  
modo communicare (bonum e-  
nim, non quod se actu communi-  
cat, sed quod est sui communica-  
tium seu diffusivum, definitur)  
ita, & multò magis euentum quem  
velit, seu boni seu mali, ad se com-  
municandum expectare.

*Deinde, inquit, cur nobis non  
maxima agenda essent gratia. A-  
damo, quod peccaveris, & peccato  
suo tantum bonum elicueris?*

Nimirum, quia neque eo ani-  
mo atque intentione peccavit, ut  
nobis ipse illud bonum pareret,  
neq; etiam peccato suo id bonum  
nobis, sed damnationem, quantū  
in ipso fuit, attulit. Non enim pec-  
cati meritum, sed misericordia  
Dei fuit, quòd Deus ad nos ve-  
nerit

nerit in carne. Quare falsum est **A** *precio omnia hominibus peccata remittere, quàm acerbissima innocentis Filij sui morte ullius peccati pœnam repetere.*

*Tantundem enim aut plus etiam Adami peccato mundus deberet, sine quo infinitum istud bonum non haberet, quàm ipsi Christo, qui nec sibi, quod ad humanam naturam, nec nobis profuturus fuisset, si Adam nec sibi, nec nobis peccasset.*

Si nihil (ut iam ostensum est) pro infinito illo bono mundus Adami peccato debet, certè neque tantundem, neque plus illi quàm Christo debet. At non haberet, inquit, illud bonum sine peccato. Esto sanè. Sed tamen cum interveniente peccato mundus obtinuit id bonum, non obtinuit illud ipsius peccati beneficio, sed solius misericordiæ divinæ, atque adeo etiam benignitate Filij Dei Domini nostri IESU Christi, qui ad nos venire, ut nos à peccato redimeret, dignatus est. Quare Filio Dei, non peccato acceptum ferre debemus id beneficiū, nisi quod quatenus peccatum occasio quædam (non caussa) illius beneficij fuit, felix culpa dici potest, quæ tantum meruit redemptorem, id est, cui tantus redemptor obtigit.

*Postremò, si infiniti amoris instinctu Deus Pater Filium sibi consubstantiali in hunc mundum misisset, is profectò tantum ut suum amorem declararet, maluisset sine*

**B** *unigenitum isdem daret, qui remissionis peccatorum esset precium. Etenim remissio sola peccatorum non est aliquod bonum infinitum: Filius autem Dei, hominibus in precium illorum salutis datus, bonum infinitum est, quod proinde infinitum Dei erga homines amorem declaravit. Nec infirmant ullo modo hanc rationem exempla illa quæ nobis hic obiicit Disputator:*

*Experimur, inquit, seruum aliquem ab eo magis amari domino, qui animadversionem & supplicium, quo usus erat in ipsum, omnino remittit & cõdonat, quàm qui pœnas illius quoquo modo persequitur, non parcens innocenti. si ille ipse qui peccauerat, non possit satis pœnarum dare. Videmus quoque, maiori accendi amore seruum erga eum dominum, qui debitam pecuniam gratuitò remittit, quàm qui eam quocung. possit modo exigit, nullam partem condonans amicis, si ipse debitor non possit summam creditam solvere.*  
Quid



Quid verò, si dominus aliquis, nolens sine compensatione aut precio remittere iniuriam vel debitum seruo, simul seruo maximū aliquem thesaurum suppeditaret, quo posset remissio iniuriæ vel debiti eidem domino cumulatissimè compensari? Nōne modus iste remittendi iniuriam vel debitum, & seruo ipsi utilior, & maioris dilectionis domini erga eum, esset argumentum? Quis hoc negare poterit? Eodem igitur modo: quamuis Deus sine vllō precio potuerit hominibus peccata remittere, tamē quod eis infinitum thesaurum, hoc est, Filium suum, ut esset ipsis in precium remissionis, suppeditauerit, longē illis utilius, & maioris erga eos charitatis fuit indicium.

Quod præclare mihi D. Athanasius intellexisse videtur, cū serm. 4. contra Arianos, non longē à fine, respōdens ad hoc ipsum argumentum Disputatoris, quod fuit olim ab Arianis propositum, hunc in modum inquit: *Poterat, aiunt, Deus etiam, si saluator creatura existeret, vel loqui tantummodò, & ita soluere maledictionem. Poterat etiam sine vllō aduentu Christi solummodo loqui Deus, & soluere maledictionem. Ceterum spectandum est isthic quid hominibus sit utile, non quid situm sit in viribus Dei. Siquidem poterat etiam ante exedificationem arce Noë, eos, qui prauaricati fuerant, saluare, sed tamen*

*A non nisi exadificata arca illud facere instituit. Poterat etiam sine Moyse duntaxat loqui, & sic educere populum ex Aegypto: sed utile erat id per Moysen fieri. Poterat sine iudicibus conseruare populum: sed utile erat suis temporibus iudicem exsurgere. Poterat etiam ne semel quidem venire Deus, aut si venisset, non tradi Pilato: sed tamen sub consummationem seculorum venit, & cū ad mortem quæreretur, seipsum indicauit; Ego sum, inquit. Quod enim facit, id ipsum & utile est hominibus, & aliter fieri non decuit. Porro quod utile & decorū est, id cura sua & providentia instruit. Accedit præter ipsam hominum utilitatem, quod dum beneficio Christi meritum remissio peccatorum facta est, ita diuina misericordia erga homines resplenduit, ut etiam diuinæ iustitiæ sit factum satis:*

*At, obiicit hic Disputator, si Deus summū suum ius persequatur, quis hominum ei possit satisfacere? sin autem de iure remittas aliquid suo, eadem posset ratione totum suum ius dimittere absq; sua iustitia imminutione.*

Potuit quidem totum suum ius dimittere, sed non oportuit, ut vel totum vel aliquid eius dimitteret. Quoniam, ut ex D. Athanasio iam audiuius, non quid situm sit in viribus Dei, sed quid deceat, & quid sit utile, spectari à nobis debet. Cū autem quærit Disputator,

tor, si Deus summum suum ius persequatur, quis hominum possit ei satisfacere? Responso in promptu est. Ille enim homo cumulatissimè id facere potuit, qui non solum fuit homo, sed simul Deus & homo; cuius proinde actiones propter infinitam personæ dignitatem, fuerunt valoris ad satisfaciendum infiniti; ut in Disputatione nostra de officio proprio Christi redemptoris & mediatoris diffusè ostendimus. Verum hic rursus Disputator:

*Si denique, inquit, ad summam suam firmandam iustitiam ablegare voluerit ὁμοῦσιον sibi Filium, fatendum erit, Deum sibi ipsi satisfecisse. Aut enim diuina λόγῃ hypostasis adiuit humanā naturam in complendo diuinæ iustitiæ opere; aut nihil adiuit: si iuuat, tanquam omnium radix & causa meritorum; hæc certè in ipsam λόγῃ hypostasis, unde profecta fuerant, redundarunt; & ita ipsa Filij hypostasis sibi met satisfecisset: sin autem hypostasis λόγῃ nihil humana largita est naturæ ad eam iustitiam perficiendam, cur humana natura ὑποσπικῶς assumpta esset à λόγῳ?*

Fatemur, ipsum Deum factum hominem sibi satisfecisse, non tamen per operationes quas habere ut Deus, sed quas habuit ut ho-

mo. Ita non sibi Deus satisfecit, quatenus erat (ut sic dicam) creditor, sed quatenus homo factus suscepit in se debitum hominum, ut homo.

At enim illæ operationes Dei hominis valorem suum ex diuinæ personæ dignitate habuerunt, ac proinde satisfactio videtur oblata fuisse ex ipsis bonis creditoris; quod absurdum videtur: Hic enim est neruus argumenti Disputatoris.

Ego verò ad obiectionem hanc in Disputatione illa de officio proprio Christi redemptoris & mediatoris, numero 71. sufficiens, ut arbitror, respondi. Negauimus enim, satisfactionem Christi eo ipso ex bonis creditoris oblata fuisse, quod ex dignitate personæ diuinæ valorem illa suum accepit. Aliud enim, inquam, est satisfactioem valorē habere tanquam ex radice quadam, ex bonis creditoris; aliud, eam fieri iis ipsis creditoris bonis. Primum non obstat, quod minus possit eiusmodi esse satisfactio, quæ secundum iustitiam debeat acceptari, modò res ipsa per quam satisfactio fit, & valor eius verè sit ipsius debitoris. Ut si, verbi gratia, dono aut pretio accepisses à Petro, non vineam, sed fructus vineæ; posses nihilominus illis ipsis fructibus eadem Petro, si à te postea velit e-mere, iustè, pro pretio tibi ab eo exhibito satisfacere: tametsi va-

lor eiusmodi fructuum existeret A  
ex vinea, quæ esset Petri.

Simili ergo ratione in proposito:  
Quia operationes humanæ Christi  
Domini, verè fuerunt Christi,  
quatenus is in se suscepit debi-  
tum humani generis, scilicet qua-  
tenus fuit homo: potuit per illas  
secundum iustitiam satisfacere si-  
bi ipsi, ut erat Deus, licet illarum  
valor existeret ex infinitate diui-  
næ sue personæ. Quin immò etiam  
hic valor existit item eo ipso ex  
essentia diuina, quæ est commu-  
nis tribus personis: (neque enim  
re ipsa infinitas diuinæ personæ  
consistit sine perfectione & enti-  
tate essentiae diuinæ) & tamen ob  
eandem rationem, iam assignatam,  
nihil hoc obstat, quò minus valo-  
re illarum actionum satisfecerit  
Christus Patri & Spiritui sancto,  
quorum est etiam communis illa  
essentia.

Quod si rursus hic obiiciatur,  
ipsas etiam humanas Christi ope-  
rationes fuisse etiam Dei credito-  
ris, cum fuerint creatæ res quæ-  
dam; ac proinde nullo modo po-  
tuisse per illas Christum Deo sa-  
tisfacere: ad hoc etiam argumen-  
tum in illa Disputatione respon-  
di. Quamvis enim operationes  
eiusmodi fuerint etiam Dei, ge-  
nerali titulo creationis, quo est  
Dominus rerum omnium, quas ipse  
vel per se, vel vnà cum causis se-  
cundis facit; tamen peculiari qua-

dam alia ratione operationes illæ  
factæ sunt Dei per Christi obla-  
tionem; scilicet ut iis gaudere pos-  
set, tanquam sibi propriè, obse-  
quij & honoris causa, humano  
arbitrio oblati. Quæ sanè ratio-  
ne nō potuisset eis tanquam Do-  
minus uti, nisi ipsi fuissent per hu-  
manum Christi arbitrium atque  
voluntatem oblatæ. Itaque debuit  
ex iustitia operationes illas (pro-  
pter summam personæ offerentis  
dignitatem) ad eiusmodi peculia-  
re dominium acceptare & iniu-  
riam pro iis condonare.

Quod si aliqua res omnib<sup>9</sup> mo-  
dis esset alioqui ipsius creditoris,  
id est, secundum omnem rationem  
quæ in re considerari potest; non  
posset per eam rem secundum iu-  
sticiam illi satisfieri: secus autem  
si potest res peculiari aliqua ra-  
tione fieri eius, hoc est, ipsi credi-  
tori dari. Tunc enim nihil obstat  
quò minus per eiusmodi rem pos-  
sit creditori satisfieri ab eo cuius  
etiam res est. Atque ita factum est  
in proposito. Sed contendit ad  
extremum Disputator, eundem  
ipsum mediatorem Christum, cum  
diceret se diem vltimi iudicij igno-  
rare, apertè negauisse, se Deum  
etiam esse, nisi mentitus sit.

*Omnes enim, inquit, docti agno-  
scunt, quod cum duo sunt in aliqua  
persona principia, quorum altero  
quippiam agatur, altero verò non*



agatur, non verè de ipsa affirmari  
 persona possit, eam non agere, cum  
 ex altero saltem principio agat: vt  
 in homine, dua sunt natura, vna  
 animalis, altera rationalis: quare si  
 quispiam aliquid ignorans animali  
 natura, cognoscens autem illud na-  
 tura rationali, nihilominus tamen  
 simpliciter pronuntiaret, se id igno-  
 rare, sentiens secundum naturam  
 animalem se id nescire: is profecto  
 magnus nugator esset, & non ve-  
 rum, sed mendacium diceret; quo-  
 niam falsò negatur de persona, quod  
 ei per alterà saltem inest naturam.  
 Sic planè si Christus ultimi iudicij  
 diem præsciuit ex diuina natura,  
 non potuit id de sua persona verè  
 negare propter humane ignoran-  
 tiam naturam.

Omnis hæc argumentatio ni-  
 titur vno quodam manifestissimo  
 errore, quo refutato, nihil rema-  
 nebit in obiectione virium. Is er-  
 ror est, quòd non distinxit Dispu-  
 tator inter mendacium, & veram  
 amphibologiam sermonis, quæ  
 tamè iustissimè & verissimè ac si-  
 ne culpa vlla fraudis, modò causa  
 subist, vsurpari quandoque solet.  
 Etenim cum Christus dixit, neq;  
 se scire diem iudicij, minimè mēs  
 eius fuit, significare se omnino  
 nescire (hoc enim mendaciū fuis-  
 set; cum sciret vt Deus) sed nescire


A se naturaliter vt hominem. Item-  
 que nescire se vt diceret, sicut su-  
 prà lib. I. cap. 21. ex Patrum inter-  
 pretatione confirmauimus. Cum  
 autem hæc sermonis Christi sen-  
 tentia per se vera sit, nullum fuit  
 in eo sermone mendacium. Sed  
 quia non fuit satis ea sententia per  
 illum sermonem explicata, & alium  
 B sensum ex se poterant verba Chri-  
 sti ingenerare; nempe simpliciter  
 illum nescire; amphibologia, vt  
 diximus, in sermone fuit. Cete-  
 rum fuit amphibologia non mo-  
 dò sine mendacio, sed etiam sine  
 vitio fraudis vsurpata. Nam, vt su-  
 prà libro I. capit. 21. ex sanctorum  
 Patrum sententia confirmauimus,  
 habuit iustissimam causam Chri-  
 stus cur ea ratione vellet reprime-  
 re inutilem discipulorum curio-  
 sitatem. Ita quamuis Christus sci-  
 uerit diem illum vt verus Deus,  
 tamen neque mendacium, neque  
 fraus aut dolus, sed iusta cautela  
 in Christi oratione fuit.

Quā rem ipso exemplo inducto  
 D à Disputatore illustrare atq; con-  
 firmare possum⁹. Faciamus enim,  
 quempiam ex alio curiosè atque  
 temerè aliquid interrogare, quod  
 quamuis aliàs probè sciat, tamen  
 indicare non expediat. Si is, qui  
 ita interrogatur, vt interrogantis  
 temeritatē retundat, dicat abso-  
 lutè, se nescire, mente cogitans, se  
 nescire tantum modò secundū na-  
 turam

turam animalis: certè nemo prudens, illum vel mendacij, vel fraudis reum esse pronuntiabit, tametsi sciat alioqui secundum humanam naturam illud, de quo interrogatur. Ita igitur in nostro proposito. Quomodo autem intelligi etiam debeant aliæ Christi sententiæ, in quibus aliquid ille proprium diuinitatis similiter videtur absolute sibi negare, supra lib. 1. cap. 21. diffusè exposuimus. Et hætenus Deo ac Domino nostro iuuante ad omnia respondi, quæ in pestilenti illo Polonico libello erant aduersus fidem sanctissimæ Trinitatis obiecta. Quod (vt verbis D. Gregorij Nazianzeni, oratione 3. de Theologia, opus istud concludam) feci, non libenter quidem (neg, enim pijs hominibus incunda est impia hæreticorum loquacitas) ceterum necessarîo propter eos qui

A in errorem incurrunt (quandoquidem ob morbos quoque medicamenta comparantur) vt intelligent se non vsquequaq; sapientes & acutos esse, nec in superfluis disputationibus Euangelium enacuantibus inuito quodam robore prestare, &c. Quos maxime quidem optarim vt sanctissimæ Trinitatis immutet, ac pro arguatoribus pios efficiat, ac pro iis qui nunc appellantur, Christianos. Hoc, inquam, rogamus ac pro Christo obsecramus; in gratiam cum Christo redite, ac Spiritum nolite extinguere, vel potius vobiscum Christus in gratiâ redeat, ac Spiritus aliquando tandem vobis illucescat. Nos autem certè Trinitatem nobismetipsi seruemus, atq; à Trinitate seruemur, manentes puri atq; inoffensi vsque ad plensorem eorum, qua exoptamus, ostensionem in ipso CHRISTO IESV Domino nostro, cui gloria in sæcula,  
AMEN.

LAVS DEO TRINO ET VNI, ET  
B. VIRGINI SANCTISSIMÆ  
Dominae nostræ.



**ERRORES TYPOGRAPHICI QUI NONNUN-**  
quam etiam corrumpunt sensum, hoc modo  
corrighendi.

*In prefat. ad Lect. pag. 2. lin. 21. lege, septendecim. In indice generali lib. 2. quæst. 5. processio-  
nis principium. pag. 2. lin. 9. & Non, non esse. pag. 3. li. 13. Deinde. pag. 11. li. 37. oratione s. p. 16.  
lin. 31. de verbo hypostasis. pag. 17. li. 27. Eunomianorum. pag. 19. li. 26. aliquid. pag. 24. lin. 12.  
nequeas; tamen. pag. 25. li. 3. iam ab hæresibus. pag. 27. li. 6. comprehensa, est. pag. 28. li. 35. à non-  
nullis. pag. 40. lin. 5. Et. Sed ea tamen convenientia. pag. 46. li. 24. omnium dominum. pag. 47.  
li. 18. Vociferetur. p. 50. li. 3. non, Est. p. 51. li. 22. confirmabis. p. 57. li. 15. in disput. Alb. p. 63. li.  
5. motus. p. 75. li. 18. hypostasis. p. 78. li. 30. Num odit. pag. 89. lib. 32. & Vbi querarios. pag. 96. li. 2.  
estribuere. pag. 104. li. 35. solcat Gna. p. 105. li. 23. Verò. p. 114. li. 5. antequam. pag. 116. li. 17. Et  
homo, est etiam. p. 126. li. 30. Deinde, ea, quæ res. p. 142. li. 20. proposita. p. 147. li. 14. solum Deum.  
pag. 163. li. 13. sine duratione. pag. 194. lin. 28. dicatur. & lin. 29. dicunt. pag. 195. lin. 14. sit eo lo-  
co. & li. 16. Veterum & recentium. p. 197. li. 6. aduersaria. & lin. 10. aduersaria. & li. 21. certum  
quod. pag. 199. li. 2. natura. p. 203. li. 3. Scylla & Charybdi. & li. 3. indicat. pag. 214. li. 3. tres res.  
pag. 215. li. 19. sunt, Et dicatur. & li. 30. consensio. p. 217. li. 3. ex consequentia ipsa. pag. 218. li. 21.  
infinitum est. pag. 225. lin. 25. Et quæ vicem. pag. 227. lin. 5. reuincuntur. pag. 240. li. 8. obscura  
sunt. pag. 241. lin. 1. ex oriente. pag. 247. li. 5. spiritus sancti. & li. 19. subsequuntur. pag. 271. li.  
13. Neque Filium; ibi. p. 276. li. 21. scaturiant. p. 282. li. 9. existens. & li. 27. neque eo actegenuisse.  
pag. 294. li. 12. Respondetur, hoc loco. pag. 319. li. 6. loquuntur. pag. 322. li. 24. pratermissum. pag.  
339. li. 2. prius atque. pag. 343. li. 28. nisi ubi est. pag. 350. li. 29. etiam supposita. pag. 360. li. 16. musica.  
pag. 419. li. 13. distinguuntur. p. 440. li. 38. disputatione. pag. 491. in titulo cap. 7. lege; Explicatur  
sexta quæstio de ordine originis, supra cap. 1. proposita. pag. 504. in titulo & initio cap. 3. lege,  
septima quæstio. pag. 511. li. 1. fecimus. pag. 517. li. 31. potentiam. pag. 546. lin. 5. Et. essentiam. p.  
549. lin. 35. essentia, & intellectus. pag. 559. li. 1. nolens. pag. 574. li. 26. Respectu vel Relatiue.  
pag. 596. lin. 36. rationem ex illis. pag. 604. li. 26. esse quid. pag. 605. lin. 32. responderetur: Eodem.  
pag. 606. lin. 33. oportet de persona diuina, est. pag. 625. lin. 36. duratione. pag. 642. lin. 19. ad  
quem. pag. 643. lin. 23. persona producente. pag. 662. lin. 28. identificare. pag. 704. lin. 21. res, sed  
secundum.*





# INDEX

## LOCORVM SACRÆ SCRIPTVRÆ, QVI IN HIS LIBRIS MA- GNA EX PARTE EX.

PLICANTVR.

### EX VETERI TESTAMENTO.

Cap.	Genesis.	Pag.	32. Videre, quòd ego sum solus, & non est alius prater me. 343
17.	Hoc est pactum meum, circumcide- tur, &c. 199		Libri primi Regum.
35.	Fac illic altare illi Deo, qui tibi ap- paruit cùm fugeres à facie Esau. 255		2. Non est sanctus, ut est Dominus, nec enim est alius extra te, & nò est fortis sicut Deus noster. 429
	Exodi.		3. Ecco ego facio verbum in Israël, &c. 43
3.	Ego sum is qui sum. 34		Libri secundi Regum.
20.	Ego sum Dominus Deus tuus, qui eduxite de terra Egypti. 140		23. Spiritus Domini locutus est per me, dixit Deus Israël mihi, locutus est fortis. 318
	Dixit praterea Dominus ad Moy- sen, &c. Vos vidistis, quòd de cœ- lo locutus sum vobis. 14		Iob.
	Leuitici.		9. Qui extendit cœlos solus. 171
21.	Ego sanctus sum Dominus, qui san- ctifico vos. 187		Psalmorum.
	Deuteronomij.		17. Manibus meis Deum exquisivi, & non sum deceptus. 99
6.	Andi Israël, Dominus Deus no- ster Deus unus est. 344		Quis Deus prater Dominum, aut quis Deus prater Deum, no- strum? 344
30.	Circumcidet Dominus Deus tuus cor tuum. 190		23. Attollite portas principes vestras, et introibit Rex gloria. 122
			32. Ver-

# Index locorum sacra Scripturæ.

32. Verbo Domini cæli firmati sunt. 170

Et Spiritus oris eius omnis virtus eorum. 324

44. Dilexisti iustitiam, & odisti iniquitatem, propterea unxit te Deus. 224

Thronus tuus Deus in seculum seculi. 136

67. Deus cum egredereris in conspectu populi tui. 133

Deus noster, Deus saluos faciendi. 187

80. Non eris in te Deus recens. 163

82. Tu solus altissimus super omnem terram. 119

83. Gratiam & gloriam dabis Domini. 188

86. Homo natus est in ea, & ipse fundavit eam altissimus. 119

94. Quoniam Deus magnus Dominus, & Rex magnus super omnes Deos. 101

101. Tu initio Domine terram fundasti. 138

118. In æternum Domine Verbum tuum permanet in cælo. 34

142. Spiritus tuus bonus deducet me in terram rectam. 323

Prouerbiorum.

8. Quando appendebat fundamenta terre, cum eo eram cuncta componens. 67

Ab æterno ordinata sum. 156

24. Ego ex ore altissimi prodij primogenita. 146

Sapientiæ.

1. Spiritus Domini repleuit orbem terrarum. 323

7. Omnem habens virtutem. 323

Isaiæ.

6. Vidi Dominum sedentem super solium excelsum & eleuatum. 132

7. Ecce Virgo concipiet, & pariet Filium, & vocabitur nomen eius Emanuel. 120

8. Dominus exercituum, ipsum sanctificate, ipse sit Pater vester. 137

9. Parvulus natus est nobis. 122

34. Deus ipse veniet, & saluabit nos. 100

40. Vox clamantis in deserto, parate viam Domini. 135

44. Hac dicit Dominus, Rex Israël: Ego primus, &c. 135

54. Erunt omnes docibiles Dei. 189

45. Annunciate nobis futura, & dicemus, quia Dii estis. 186

48. Propter me, propter me faciam, ut non blasphemet. 102

49. Ego sum qui deleo iniquitates tuas. 188

52. Dicit Dominus, iugiter tota die nomen meum blasphematur. 109

59. Verba mea, qua posui in ore tuo. 43

61. Ad euangelizandum pauperibus misi me. 43

66. Nunquid ego, qui generationem alius tribuo, sterilis ero? 429

Ieremiæ.

7. Ego Dominus scrutans corda & renes. 174

Misi ad vos Prophetas. 190

10. Dii qui non fecerunt cælum & terram. 169

23. Ecce dies veniunt, suscitabo Dauid germen iustum. 121

Baruch.

3. Ille est Deus noster, & non estimabitur

# Index locorum

bitur alius aduersus eum. 97  
 Qui emittit lumen, & vadit, vocat  
 illud, & obedit ei cum tremore.

174

Osee.

1. Dixit Dominus ad Osee, &c. Do-  
 mui Iuda miserebor, & saluabo  
 eos in Domino Deo suo. 120

13. Deum absque me nescies, & salua-  
 tor non est prater me. 343

Ioël.

2. Ego Dominus Deus vester, effun-  
 dam de Spiritu meo super omnē  
 carnem. 143

Micheæ.

4. In die illa, dicit Dominus, congre-  
 gabo claudicantem in reliquias.  
 143

5. Egressus eius à diebus eternitatis.  
 159

7. Quis Deus similis tui, qui auferis  
 iniquitatem? 144

Zachariæ.

2. Hec dicit Dominus: Lauda & le-  
 tare filia Sion, quia, &c. 114  
 Effundam super domum Dauid, &  
 super habitantes Hierusalem spi-  
 ritum gratia. 131

3. Ostendit mihi Dominus Iesum Sa-  
 cerdotem magnum. 113

Malachiæ.

3. Statim veniet ad templum sanctum  
 suum dominator. 123

Ecce ego mitto Angelum meum an-  
 te faciem tuam. 140.

## EX NOVO TE- STAMENTO.

Matthæi.

Cap. Pag.

3. Hic est Filius meus dilectus, in quo  
 mihi bene complacui. 221

7. Omnis qui audit verba hæc, & fa-  
 cit ea, assimilabitur viro sapienti.  
 233

10. Qui me recipit, recipit eum, qui me  
 misit. 400

11. Omnia mihi tradita sunt à Patre  
 meo. 398

17. Ut cognoscant te solum Deum ve-  
 rum. 344

18. Qui crediderit, & baptizatus fue-  
 rit, saluus erit. Ibidem.

22. Congregatis Pharisæis, interrogauit  
 eos Iesus, dicens: Quid vobis vi-  
 detur? 144

24. Videbunt Filium hominis cum ma-  
 iestate. 102

Marci.

12. Ipse Dauid in Spiritu sancto dicit:  
 Dixit Dominus Domino meo.  
 319

Lucæ.

1. Non erit impossibile apud Deum o-  
 mne verbum. 43

Multos filiorum Israël conueriet  
 ad Dominum Deum ipsorum. 113

Tu puer Propheta altissimi vocabe-  
 ris. 119

Vocabis nomē eius Iesum, ipse enim  
 saluum faciet. 187

4. Qui amat patrem, &c. plus quam  
 me, non est me dignus. 233

8. Quia





sacra Scripturæ.

8. *Quis est hic, qui imperat ventis & mari, & obediunt ei?* 174  
Ioannis.
1. *Verbum erat apud Deum.* 67  
*Qui illuminat omnem hominem venientem in hunc mundum.* 189  
*Unigenitus, qui est in sinu Patris, ipse enarrauit.* 413  
*Omnia per ipsum facta sunt, & sine ipso factum est nihil.* 147  
*Hic est, qui baptizat in Spiritu sancto.* 190
2. *Ipse enim sciebat, quid esset in homine.* 186
3. *Sic Deus dilexit mundum, ut Filium, &c. ut omnis qui credit in eum.* 232  
*Nisi quis renatus fuerit ex aqua & Spiritu sancto, non poterit intrare in regnum Dei.* 326  
*Nemo ascendit in cælum, nisi qui descendit de cælo.* 150  
*Misit Deus Filium suum.* 400
5. *Pater meus usque modo operatur, & ego operor.* 172  
*Sicut Pater, quos vult, vivificat, ita & Filius, &c.* 174  
*Sicut Pater habet vitam in semetipso, ita dedit Filio, &c.* 398  
*Querebant eum interficere, quia non solum, &c. sed & Patrem suum dicebat Deum.* 199  
*Quacunque Pater facit, hæc & similiter Filius facit.* 168
6. *Solus non sum, sed qui misit me Pater, mecum est.* 67  
*Ego vivo propter Patrem.* 398  
*Alius est, qui testimonium perhi-*
- bet de me.* 67  
*Nemo potest venire ad me, nisi Pater meus traxerit eum.* 188
7. *Ego scio eum, quia ab ipso sum.* 398
10. *Quod dedit mihi Pater maius omnibus est.* 398  
*Alias oves habeo, quæ non sunt ex hoc ovili.* 188  
*Sicut me novit Pater, & ego agnosco Patrem.* 186  
*Ego sum pastor bonus.* 162  
*Vitam æternam do eis.* 188
13. *Hoc dixi vobis priusquam fiat.* 186  
*Ego scio quos elegerim.* 187
14. *Ego & Pater unum sumus.* 29  
*Docebit vos omnem veritatem, & quæ ventura sunt, annuntiabit vobis.* 60  
*Ego rogabo Patrem, & alium Patrem dabit vobis.* 66  
*Ego in Patre, & Pater in me est.* 67  
*Spiritus veritatis, qui à Patre procedit.* 396  
*Spiritus veritatis, quem ego mittam vobis à Patre.* 400  
*Ad eum veniemus, & mansionem apud eum faciemus.* 650
15. *Sine me nihil potestis facere.* 189
17. *Mæc omnia tua sunt, & tua mea sunt.* 202  
*Hæc est vita æterna, ut cognoscant te solum verum Deum.* 105  
*Et nunc clarifica metu Pater.* 151
20. *Et ego mitto vos.* 190  
*Actuum Apostolorum.*
1. *Oportet impleri Scripturam, quam prædixit Spiritus sanctus.* 325
2. *Repleti sunt omnes Spiritu sancto.* 646

## Index locorum

9. *Uisum est Spiritui sancto.* 60  
*Dixit autem Petrus: Anania, cur,*  
*&c. non es mentitus hominibus,*  
*sed Deo.* 317
10. *Petro autem cogitante de visione,*  
*dixit Spiritus ei: Ecce viri.* 325
13. *Dixit Spiritus sanctus.* 60  
*Eduxit Israël Saluatorem.* *Ie-*  
*sum.* 114
19. *Segregate mihi Paulum & Barna-*  
*bam ad opus.* *ibid.*
20. *In quo vos Spiritus sanctus posuit*  
*Episcopos regere Ecclesiam Dei.*  
*60*
28. *Bene Spiritus sanctus loquutus est*  
*per Isaiam Prophetam, dicens:*  
*Vade ad populum istum.* 317  
*Epistolæ ad Romanos.*
7. *Paulus Apostolus segregatus in*  
*Euangelium Dei.* 149
8. *Spiritus adiuuat infirmitatem no-*  
*stram.* 60  
*Ex quibus est Christus secundum*  
*carnem, qui est super omnia De-*  
*us benedictus.* 110
11. *Quoniam ex ipso, & per ipsum, &*  
*in ipso sunt omnia.* 176
15. *Erit radix Iesse, & qui exsurgat re-*  
*gere Gentes, & in eum Gentes*  
*sperabunt.* 233  
*Epistolæ primæ ad Co-*  
*rinthios.*
2. *Spiritus omnia scrutatur, etiam*  
*profunda Dei.* 323  
*Que sunt Dei nemo novit, nisi Spi-*  
*ritus Dei, qui in ipso est.* 186
3. *Nescitis, quia templum Dei estis, &*  
*Spiritus Dei habitat in vobis?* 317
6. *An nescitis, quia membra vestra*  
*templum sunt Spiritus sancti? glo-*  
*rificate & portate Deum in cor-*  
*pore vestro.* 313  
*Iustificati estis in nomine Domini,*  
*& in Spiritu Dei nostri.* 324
7. *Sic cognovissent, nunquam Domi-*  
*num gloria crucifixissent.* 122
8. *Scimus, quia nullus est Deus, nisi*  
*unus.* 307  
*Neque tentemus Christum, sicut qui-*  
*dam, & à serpentibus perierunt.*  
*233*  
*Epistolæ secundæ ad Co-*  
*rinthios.*
1. *Benedictus Deus, & Pater Domini*  
*nostri Iesu Christi, &c. per Chri-*  
*stum abundat consolatio nostra.*  
*189*
8. *Scitis enim gratiam Domini nostri*  
*Iesu Christi.* 151  
*Ad Galatas.*
4. *Ubi venit plenundo temporis, misit*  
*Deus Filium suum.* 124  
*Misit Deus Spiritum Filij sui in*  
*corda vestra, clamantem; Abba*  
*Pater.* 334
6. *Absit mihi gloriari, nisi in Christo.*  
*233*  
*Ad Ephesios.*
1. *Sicut elegit nos ante mundi consti-*  
*tutionem, ut essemus sancti.* 183  
*Instaurari omnia per Christum, que*  
*in cælis, & que in terra sunt.* 181
2. *Habemus accessum ad Patrem per*  
*Filium in uno Spiritu.* 67  
*Crescamus in illo, qui est caput, Chri-*  
*stus, ex quo totum corpus com-*

sacra Scripturæ.

- patrum est. 176
5. Christus dilexit Ecclesiam, &c. ut  
eam sanctificaret. 183
- Ad Philipenses.
2. Quicum in forma Dei esset, non  
rapinam arbitratus est. 102
- Semetipsum exinanivit formam servi  
accipiens. 145
- Ad Colossenses.
1. Omnia per ipsum, & in ipso creata  
sunt, & ipse est ante omnes. 162
- Omnia in ipso constant. 185
2. In ipso sunt omnes thesauri scientiæ &  
sapientiæ Dei. 167
3. Domino Christo servite. 234
- Ex epistola priori ad Ti-  
motheum.
1. Gratias ago ei, qui me confortavit  
in Christo Iesu. 233
- Ad Hebræos.
1. Omnes sicut vestimentum muta-  
buntur, &c. 156
- Portans omnia verbo virtutis sue.  
174
2. Nusquam Angelos apprehendit,  
sed semen Abrahe. 146
3. Quapropter sicut dicit Spiritus san-  
ctus. 321
6. Hoc significante Spiritu sancto, non-  
dum propalatum esse Sanctorum  
viam, adhuc priore tabernaculo  
habente statum. 390
10. Contestatur nos & Spiritus sanctus,  
&c. dando leges meas in cordibus  
eorum. 329
13. Iesus Christus heri, & hodie, & in  
secula. 161
- Ex epistola priori S.  
Petri.
1. De qua salute scriptum est & ex-  
quisierunt Propheta. 187
- Ex posteriori S. Petri.
1. Spiritus sancto inspirati, locuti sunt,  
sancti Dei homines. 319
- Ex priori epistola S.  
Ioannis.
3. In hoc cognovimus charitatē Dei,  
quia, &c. 120
5. Ut simus in vero Filio eius. 105
- Hic est verus Deus. 115
- Tres sunt qui testimonium dant in  
cælo, Pater, &c. 29
- Ex epistola Iudæ.
- Solum Dominatorem & Dominum  
nostrum Iesum Christum negan-  
tes. 123
- Apocalypsis.
14. Dominus Deus omnipotens, qui o-  
rat, qui est, & qui venturus est.  
165
- A modo iam dicit Spiritus, ut re-  
quiescant à laboribus suis. 325
17. Agnus vincet illos, quoniam Rex  
Regum est. 122.





# INDEX PRÆCIPVARVM RERVM, QUÆ IN HOC OPERE CONTINENTVR.

## *Actus notionalis.*

**D**IVISIO actus in essen-  
tiale & notionalem.  
col. 829  
Actus notionalis non  
supponit personā con-  
stitutam. 605

Quomodo intellectio & volitio in  
diuinis sint actus notionales. à co-  
lum. 421. vsque ad 425.

Quomodo amor sit actus notiona-  
lis. 727

## *Æternitas.*

Æternitas nō anteuerit omnem ge-  
nerationem absolutē. 786

Æternitas non tollit, quò minus Pa-  
ter æternus fuerit Pater. 787

Æternitas sola ratione ab esse Verbi  
distinguitur. 788

Quomodo non repugnet æternitati  
produci. 789

Probabile est, creaturam posse Deo  
coæternam esse. 800

Cur Deus ab æterno mundum non  
produxerit? 801

Quomodo æternitas generationis  
Filij defendatur ab his, qui pu-  
tant æternitatem repugnare crea-  
turæ. 803

Æternitas eminenter continet om-  
nem durationem temporis. 813

An res coëxistant simul secundū esse  
suum æternitati? 814

## *Arius & Ariani.*

Arius librum sermonum conuiua-  
lium (vt fecit etiam Lutherus) ad  
suos discipulos oblectādos, leui-  
simè scripsit. 44

Ariani colunt Diabolum, non Chri-  
stum. 152

Ariani, noui Iudæi, & discipuli Cai-  
phæ, nec vnum quidem ex pru-  
dentioribus, aut doctis, in aucto-  
rem citare possunt. 250

Ariani corruperunt scripta Origenis.  
250

Ariani in omni religione errabundi,  
& ad omnia temerarij. 743

Ariani, reliquiq; hæretici iure ab Ec-  
clesia puniuntur, non obstante,  
quòd homo liberum arbitrium  
habeat, & fides donum Dei sit. à  
747. vsque ad 752.

Arius Christo suā vestē lacerauit. 241

Ariani monstrosi vocibus vsi sunt  
ad hæresim suam significandā. 210

## *Attributum diuinum.*

Quomodo attributum sit & dicatur  
Deus. 52

Ex attributis probatur Christi diui-  
nitas. à 153. vsque ad 168

Cur attributa Christi, humanitati  
communicari non potuerint, di-  
uina hypostasis potuerit? 846

In quo sensu concedi possit, huma-  
nitati communicata esse attributa  
diuina. 848

## *Christi diuinitas.*

Omnes noui sectarij, Christi diuini-  
tatem negant. 72

Lutherus & Melanchthō verbis Chri-  
sti diuinitatem confessi sunt, rei-  
psa negarunt. à 78. vsque ad 83

Caluiniani Christi diuinitatem è me-  
dio tollunt. 90

Octo argumentorum sedes in Scri-  
ptura

ptura sunt, quibus Christi diuinitas probatur. 95  
 Primò, ex iis Scripturæ testimoniis, quæ diuinam naturam illi simpliciter tribuunt. à 97. vsque ad 124  
 Secundò, iis in quibus eiusdem Scripturæ loca, quæ sine controuersia loquuntur de vero Deo, Christo accommodantur. à 124. vsq; ad 144.  
 Tertiò, iis quæ eum neque purum hominem, neque puram creaturam esse docent. à 144. vsq; ad 153.  
 Quartò, iis quibus ei diuinæ naturæ proprietates attribuantur. à 153. vsque ad 168  
 Quintò, iis in quib. ei diuinæ operationes tribuuntur. à 168. vsq; ad 192.  
 Sextò, iis quæ ostendunt, eum Patri suo æqualem esse & consubstantialem. à 192. vsque ad 220  
 Septimò, iis quibus constat eum esse naturalē Filium Dei. à 200. vsque ad 231  
 Octauò, iis quibus demonstratur, omnem illi cultum diuinum exhibendum esse. à 231. vsque ad 238  
 Eadem Christi diuinitas probatur ex carminibus Sybillinis, & mirabilibus euentibus. à 238. vsq; ad 243  
 Item testimoniis omnium Orthodoxorum Patrum. à 243. vsq; ad 257  
 Soluuntur triplicis generis argumenta, quibus hæretici Christi diuinitatem oppugnant. 257  
 Primò ea, quæ ex Scriptura desumuntur. à 257. vsq; ad 280  
 Secundò illa, quæ petuntur à ratione. à 280. vsque ad 293  
 Tertiò ea, quæ ex testimoniis Patrum perperam intellectis depromuntur. 293

*Christus homo.*

Verbum in sui coniunctione cum hu-

mana natura, mutatum non est. à 816. vsque ad 818  
 Cur diuina Christi hypostasis non sit mutata, recipiendo humanitatem. 819  
 Christi humanitas propriam subsistentiam nunquam habuit. 833  
 Humanitas Christi vnitur toti diuinitati, licet ipsa non sit, vbicunque diuinitas est. à 842. vsque ad 837  
 Ex quo diuinitas in sua hypostasi semel humanitatem assumpsit, eam nunquam dimisit. 845  
 Non peccati meritum, sed Dei misericordia fuit, quodd Deus ad nos venerit in carne. 876  
 Maiorem amorem erga hominē Deus declarauit, cum illi dedit Filiū suū, qui pro illo satisfaceret, quam si peccata gratis & sine precio remisisset. à 878. vsque ad 881  
 Quomodo Christus dixerat, se nescire diem iudicij. 885

*Christus Mediator.*

Quomodo Christus Mediator sit respectu sui ipsius. 356. 862. 864. 868  
 Christus perfectè munus Mediatoris obire non potuisset, nisi Deus & homo fuisset. 861  
 Vtrum secundum humanam naturam vel diuinam Christus fuerit Mediator. 865  
 Ex infinitate peccati colligitur, pro eo diuinam solum personā perfectè satisfacere potuisse. à 870. vsq; ad 872  
 Cur purus homo satisfacere Deo pro peccatis non potuerit? 873  
 Satisfecit sibi per operationes, quas habuit vt homo, non vt Deus. 884  
 An satisfecerit ex bonis creditoris. à 882. vsq; ad 884

*Conceptus diuinus.*

- In re diuina essentialiter & notionaliter inuenitur. 53  
 An conceptus essentialis possit dici Verbum? 54  
 Quid ad conceptum adæquatum diuinæ essentia pertineat? 681

*Deus.*

- Vnum & eundem Deum, esse Patrem, & Filium, & Spiritum sanctum. — 342  
 Qui tres Deos esse dixerint? 340  
 Vnum Deum ponunt Philosophi & Poetæ. 351  
 Soluuntur argumenta contra vnitatem diuinitatis. à 352. vsq; ad 364  
 Terminus, Deus, pro quo supponi possit? à 657. vsq; ad 659  
 Et quam vim habeat? 355  
 Temerarium est dicere, tres personas diuinas esse tres Deos. 687  
 An vera sit propositio: Deus non generat? à 689. vsq; ad 693  
 Deum genitum necessariò esse ens mutabile, in nullo sensu concedendum est. 780  
 Quomodo Deus generans nunquam desierit generare? 783  
 Potest Deus facere vt idem accidens numero in sua existentia à plurimis subiectis dependeat. 853. & vnum corpus sit simul in plurimis locis. 854

*Distinctio.*

- Qui negarint distinctionem diuinarum personarum? 65  
 Virtualis distinctio quid sit? 382  
 Nulla realis distinctio est in diuinis, nisi inter opposita. 581  
 Quid sit distinctio formalis secundum Scotorum? 665  
 Distinctio formalis essentia à perso-

- nis, obstat mysterio Trinitatis. 676  
 Virtualis distinctio fundamentum est, ex quo omnes ferè difficultates de Trinitate soluuntur. 384  
 Diluuntur argumenta, quæ eam impugnant. à 389. vsq; ad 392  
 Distinctio virtualis sufficit vt persona producat, & alia, quæ in illa persona sunt, non producatur. 828  
 Multa quæ tantum ratione distinguuntur, à se inuicem separantur. 837

*Donum.*

- Quomodo diuinæ personæ nobis donari dicantur? 63  
 Hoc nomen, donum, tribuitur essentia & personæ procedenti. 733  
 Quid requiratur, vt res aliqua dicatur donum? 734  
 Quomodo Spiritus sanctus dicatur donum? à 734. vsq; ad 736  
 An & quomodo ab æterno competat Spiritui sancto, esse donum? 737  
 Spiritus sanctus non solum à Patre & Filio, sed etiam à seipso donatur. 739

*Essentia.*

- Probatur ex Scriptura, vnam tantum in diuinis esse essentiam. à 343. vsq; ad 346  
 Idem probatur ratione Theologica, & auctoritate Patrum. à 346. vsq; ad 348.  
 Soluuntur argumenta contraria. 381  
 An & quomodo essentia sit principium & potentia producendi? à 539. vsq; ad 542  
 Essentia non tribuitur, quidquid de personis affirmatur. 656  
 Essentia diuina per proprietates personarum subsistit. 659  
 Pro essentia, vt essentia est, diuinum nomen



nomen in concreto supponi potest. à 661. vsq ad 663  
 Essentia non distinguitur formaliter à diuinis personis, sed sola ratione. à 669. vsq ad 677  
 Diluuntur argumenta, quæ probant formalem distinctionem. à 678. vsq ad 681  
 Quomodo essentia, quæ res est singularis, sit communis tribus personis? 700  
 Essentia non est fons, vnde personæ promanent. 362  
 De ratione essentia increata est, vt existat in tribus suppositis. 852  
 Essentia est id ex quo Pater generat & Filius generatur. 859

*Filius.*

Filium esse personam, nemo hæreticorum negauit. 34  
 Filius æquè, vt causa principalis ac Pater, creauit. 173  
 Filij nominatio ad suppositum, non naturam, accommodari debet. 230  
 Tutius est dicere, Filium semper esse natum, quàm generari. 284  
 Quomodo Filius habeat esse permanentem, licet semper generetur? à 791. vsque ad 793  
 Quomodo Filij generatio comparatur luci, quod sol, si ab æterno fuisset, produxisset? 793. & à 804. vsq ad 807  
 Cur Filius non generauerit? 553  
 Per quid distinguatur à Spiritu sancto? à 497. vsq ad 500  
 Filius habet omnem potentiam Patris, 554  
 Qui Filium & Spiritum sanctum verum Deum negat, etiam Patrem verum Deum esse negat. 70  
 Cur Filio propriè tribuatur esse imaginem Patris? 724

An & quomodo Dei Filius ens secundum, & à Patre dependens dici possit? 778

*Missio.*

Quid sit & dicatur mitti? 453. & 643  
 Missio non ab æterno conuenit personis diuinis, sed ex tempore. 643  
 Ad quos effectus fiat missio, & quotuplex ea sit? 645  
 Missio de nouo esse non potest, nisi secundum aliquid ad extra. 648  
 An & quomodo vna persona mitti possit sine alia? 649  
 Personæ quæ mittitur, à mittente procedere debet. 650  
 Conciliantur variæ sententiæ, circa modum loquendi de missione. 652

*Notiones personarum.*

Quid ex sint? 618  
 Cur & à quibus illæ vsurpentur? 617  
 Quinque tantum sunt notiones. à 618. vsque ad 621  
 Non est ponenda notio in Spiritu sancto. 621  
 Ex qua re veri Dei notiones declarantur? 777

*Ordo.*

Quadruplex est ordo inter diuinas personas. 395  
 Ordo originis probatur ex Scriptura. 396  
 Item ordo relationis & qualitatis & missionis. à 399. vsq ad 400  
 Quid de quolibet horum ordine doceri & explicari debeat? 401  
 Ordo originis non est ordo causalitatis, neque durationis. 606  
 Ordo originis non impedit, quò minus potentia, per quam vna persona producit aliam, sit etiam communis producenti. 628.  
 Deum

*Pater.*

Deum Patrem esse personam, omnes  
veteres hæretici, excepto Valenti-  
no Gentili, concesserunt. 34

Probatur, Patrem esse personā. ibid.

Quomodo assimilet sibi Filium in  
potentia notionali generandi? 556

An, & quomodo, voluntariè genu-  
erit Filium? à 557. vsq ad 562

Pater genuit Filium existentem. 627

Cur Patri propriè tribuatur, esse prin-  
cipium, & ingenuitum? à 703. vsque  
ad 707

An Pater prius cognoscat res, quàm  
per earum cognitionem producat  
verbum? à 721. vsq ad 724

An Pater & Filius diligant se inui-  
cem Spiritu sancto? à 730. vsq ad  
733

Quomodo Pater actu habeat hypo-  
statum Filij. 857

*Sancti Patres.*

Negat fieri potuisse, ut res finitæ vir-  
tutis, creauerit aliquid ex nihi-  
lo. 171

Inter essentiam diuinā & personam,  
summam identitatem esse senti-  
unt. 677

Scripturæ testimonia pro fide SS. Tri-  
nitatis tantum in sensu literali af-  
ferunt. 764

Verbum diuinum esse subsistentem  
personam, atque vnigenitum Dei  
Filium, ex primo capite D. Ioan-  
nis satis probari putant. 46

Cum doctrinam fidei docent, natu-  
rale lumē ingenij non extinguunt,  
sed illustant. 766

Quomodo argumentis hereticorum  
ex ratione petitis, occurrerint? 11

Quo sensu Græci Patres dicant, per-  
sonam producentem, esse causam  
productæ? 790.

*Persona.*

Quid significet? 29. 597

Cur nomen hoc Græcis olim suspe-  
ctum fuerit, sicut Latinis hyposta-  
sis? 31

Qui pluralitatem personarum nega-  
uerint? 65

Defenditur distinctio personarū, ex  
Scripturarum ratione & auctori-  
tate Patrum. à 66. vsq ad 69

Soluuntur argumenta, contra asser-  
tionem trium personarum. 69. &  
à 368. vsq ad 381

Personæ, sunt de ratione & quiddita-  
te essentia. 375

Quam variè personæ inter se com-  
parari queant? 394

Persona producta, sitne de essentia,  
tanquā de materia vel forma? 535

Personæ diuinæ nō constituuntur & di-  
stinguuntur se totis. à 594. vsq ad 597

Neq; per absolutas proprietates. 598

Quomodo personæ, per relationes per-  
sonales & origines constituantur,  
& quomodo nō? à 600. vsq ad 614

Cur D. Thomas dixerit, principalius  
personas constitui per relationes,  
quàm origines? à 614. vsq ad 616

Persona ex alia producta, est ens sim-  
pliciter primum. à 624. vsq ad 627

Tres personas esse vnius essentia. 654

Personæ secundum relationes per-  
sonales, ab essentia re non distin-  
guuntur. 656

Quid in diuinis proprium sit perso-  
narum, & quid commune? 701

Quomodo vna persona habeat per-  
fectionem alterius? 369

Pluralitas personarum, simplicitati  
essentia non obstat. 377

Quomodo personæ, per actionem a-  
licuius potentia, producantur, ex secun-  
ditate naturæ producantur? 420

*Poten-*

*Potentia notionalis.*

Virtualiter tantum à producente distinguitur. 538

Quotuplex ea sit? 538

Quid eam in diuinis integret ac constituat? à 539. vsq ad 553

Illa non est duntaxat quiddam absolutum. à 544. vsq ad 549

Soluuntur argumenta, quæ probant eam non esse relatiuam. à 553. vsq ad 557

*Processio.*

Quomodo ea in diuinis locum habeat? à 403. vsq ad 406

Non vnam tantum in diuinis esse. à 407. vsq ad 412

Secundum quas diuinas operationes ea sint? à 412. vsq ad 421

Soluuntur argumenta, quæ duas processiones oppugnant. à 421. vsque ad 431

Processio Verbi, generatio est, Spiritus sancti verò non item. 437

Soluuntur argumenta, quæ hoc impugnant. à 442. vsq ad 446

Evidentem differetiam harum processionum scire impossibile est. 437. 824

Facile est congruentiam & rationem inuenire, quæ discrimen inter has processiones credibile reddant. 438

De processione Filij, nunquam fuit dubitatum, quin eius principium sit Deus Pater. 446

Qui circa processionem Spiritus sancti errauerint? 447

An processiones siue productiones diuinæ sint de aliquo, & quid ad hoc requiratur? 531

Quid sit de ratione productionis, ut productio est? 781. 783

Præter processionem per generationem & creationem, datur adhuc alia. 822

Quomodo processio Spiritus sancti minus distet à generatione Verbi, quam generatio Verbi à generatione hominis? 825

*Relatio.*

Soluuntur argumenta quæ probant relationes in diuinis non esse ponendas. à 562. vsq ad 575

Relatio paternitatis & essentia in Patre, distinguuntur virtualiter. 382

Relatio constituit potentiam notionalem. 543. non tamen sola. 542

An & quomodo relatio ab ente reali & inhaerentia abstrahat? 564

An relatio formaliter sit simplex perfectio? 566

Concedi potest, in diuinis tres res relatiuas infinitas esse. 574

Quatuor sunt in diuinis relationes. 576

An relatio spirationis à relatione paternitatis & filiationis distinguitur? à 578. vsq ad 582

Soluuntur argumenta, quæ probant eam distingui. à 582. vsq ad 590

Relationes originis, præter essentiam supponunt distinctas origines. 635

Personarum & qualitas est relatio rationis. à 633. vsq ad 635

Diluuntur argumenta, quæ probant eam esse realem. à 635. vsq ad 641

*Sectarij aliqui in specie.*

Valentinus Gëtilis, antesignanus nominum Arianorum. 172

Eiusdem insipientia notatur. 34

Idem renouat hæresim eorum, qui tres Deos asserunt. 341

Michaël Seruetus antesignanus eorum, qui abnegato Trinitatis mysterio atheismum inducunt. 37

Seruetiani summè impudentes. 290

Erasmus præcursor Serueti. 93. Mentitur. 316



Qui eum Arianum fuisse suspicatus fuerit, temerarius videri non debet. 94  
 Caluinus facile argumētum non potest soluere. 356  
 Caluiniani Christi diuinitatem negant. 90  
 Transyluani multis nominibus inepti. 306. Contumeliosi. 307. Vanissimi. 310. Cæci vel impudentes. 312. Videntur insanire. 352  
 Franciscus Dauid, negauit Christum adorandum esse aut inuocandum. 236. Moritur in insania. 179  
 Brenzius pater Vbiquetariorum. 85  
*Spiritus sanctus.*  
 Quid intelligatur nomine Spiritus sancti? 58  
 Qui negarint eum esse personā subsistentem? 56  
 Probatur eum esse subsistentem personam. à 59. vsq; ad 62  
 Soluuntur argumenta hereticorū. 63  
 Cur vocetur Spiritus sanctus? 64  
 Qui negarint Spiritum sanctum esse verum Deum? à 314. vsq; ad 317  
 Probatur primò diuinitas Spiritus sancti ex Scripturis directè significantibus eum Deum esse. à 317. vsque ad 319  
 Secundò, iis locis quæ de Spiritu sancto Scriptura exponit, & de solo vero Deo dicuntur. à 319. vsq; ad 321  
 Tertiò, ex eo quòd in Scriptura numerentur omnes præcipuæ creaturæ, & tamen inter eas Spiritus non ponitur. 321  
 Quartò, iis quibus diuinæ naturæ proprietates à quæ Spiritui, ac Patri & Filio tribuuntur. 323  
 Quintò, iis quibus operationes diuinæ Spiritui tribuuntur. 324  
 Sextò, iis quibus & qualitas eius & con-

substantialitas cum Patre ostenditur. 326  
 Septimò, iis qui eundem ei cultum, quem Patri ac Filio tribuunt. 327  
 Octauò, testimoniis Patrum. à 329. vsque ad 332  
 Soluuntur argumenta hæreticorum contra diuinitatem Spiritus sancti. 332  
 Spiritus sanctus à Patre & Filio procedit. à 450. vsq; ad 480  
 Soluuntur argumenta Græcorū putantium, Spiritum à solo Patre produci. à 481. vsq; ad 491  
 Spiritus sanctus si à Filio non procederet, ab eodem non distinguere-tur. à 494. vsq; ad 496  
 Soluuntur argumenta, quæ probant eum distingui, etiam si non procederet. à 496. vsq; ad 504  
 Pater & Filius sunt vnum principium Spiritus sancti. à 507. vsq; ad 518  
 Spiritus sanctus à plurib; personis & subsistentibus procedit. à 510. vsq; ad 513  
 Quale & pro quo supponatur nomen principium Spiritus sancti? à 519. vsq; ad 525  
 Spiritus sanctus suapte natura à Patre & Filio procedit. à 526. vsque ad 531  
 Spiritus sanctus ex vi processioneis, vt processio est, non habet vt procedat similis producenti. 443  
 Spiritus sanctus propriè non dicitur ingenuus. 707  
 Spiritus sanctus ex quocunq; diuino amore creaturarum procedit. 715  
 Quomodo amor propriè tribuatur Spiritui sancto? à 726. vsq; ad 729  
 Idem est procedere Spiritum sanctum à Patre & Filio, vel à Patre per Filium. à 462. vsq; ad 465

Subsi-

*Subsistentia.*

Quid subsistentia significet? 32

Præter relatiuas subsistentias personarum, non est in diuinis ponenda absoluta subsistentia. à 694. ad 697

Soluuntur argumenta, quibus probatur, ponendam esse absolutam. à 697. ad 700.

Subsistentiæ relatiuæ personarum, non minus intimæ sunt essentiæ, quàm subsistentia absoluta, si ea daretur. 698

An subsistentia in reb. creatis, ab existentia distinguatur? à 834. ad 838

Subsistentia ab humanitate Christi separari potuit. 841

*Trinitas, seu mysterium**Trinitatis.*

Parens dogmatis Trinitatis, Christus est & Apostoli. 745

Trinitatis dogma sine vlla vi externa traditum est. 746

Fides Trinitatis ex anticipata opinione non profluxit. 764

Quomodo Ecclesia doceat, in diuinis tria esse vnum? 769

Quaternitas quarumcunque rerum in Trinitate reicitur. 581. & à 669. ad 673.

Veritates de hoc mysterio, argumentis à ratione petitis demonstrande non sunt. 2. 766

Argumenta quæ contra illud sunt, à Theologo euidenter solui possunt & debent. à 4. ad 8

Ex rebus quas nouimus, argumentum concludens contra ipsum duci non potest. 360

Humana ratio in eo falsitatem deprehendere nequit. 4

Duplex est ratio persuadendi hoc mysterium. 365

Mysterium Trinitatis etiam post reuelationem diuinam, non nisi imperfectè & confusè mente concipi potest. 772

Tribus considerationib. præter communia fidei motiua, persuaderi hominibus illud potest. à 8. ad 11

Mysterium Trinitatis ratione & cogitatione fidei consentanea muniri potest. 31

*Vbiquetarij.*

Vbiquetarij veram Christi diuinitatem è medio tollunt. 84

Non solum rem, sed etiam verba à Serueto mutuati sunt. à 83. ad 90

Cum patribus suis Seruetianis delirant. 273

Vbiquitas nata & fundata est in abnegatione Christi diuinitatis. 84

Vbiquitas passim exhibetur. 841

*Verbum.*

Hæreses circa personam Verbi. à 35. ad 40

Verbum diuinum propriè & metaphoricè dicitur. 40

Probatur, Verbum esse subsistentem personam, quæ est Christus. 45

Confutantur argumenta hæreticorum hoc negantium. à 49. ad 56

Cur Filij maximè proprium sit dici & esse Verbum? 707

Erroneum est dicere nomen, Verbi, impropriè tribui Filio. 420

Verbum procedit ex cognitione omnium, & repræsentat omnia. 712

Pro ducto iam Verbo, quod diuinæ generationis terminus est, non desinit diuina generatio. à 809. ad 812

Vnde Verbum habeat, vt dici possit generatum esse, generari, & generatum iri? 814

Non est alicubi Verbum, vbi idem non etiam sit homo. 844

# INDEX RERVM.

Quid sit Verbum intelligibiliter re-  
presentare? 714

## VOCABVLA, QVORVM in materia de Trinitate usus est.

Idoneis vocabulis est vtendum. 16

Quanam sint idonea? 17

Hæretici reiiciunt vocabula, quibus  
rectissimè Orthodoxi vtuntur. 18

Vocabula totam rationem rei finitæ  
adæquant, infinitæ verò non itæ. 20

Vocabula Orthodoxorum, secundū  
rem significatam reperiuntur in  
Scriptura. 210

Quid in vsu eorum obseruandum  
sit? 682

Ad multiplicationem adiectiui non  
requiritur multiplicatio formæ,  
ad substantiui verò multiplicatio-  
nem requiritur. à 683. ad 788

Cur nomina essentia & personarum  
non sint synonyma? 362

Vocabulum, causæ, personæ produ-  
centi tribui non potest. 790.

## FINIS INDICIS RERVM.







5-3-1



